


《續修四庫全書》編纂委員會編

續修四庫全書



上海古籍出版社

四九三·史部·詔令奏議類

奏牘八卷

〔明〕凌義渠撰

李文襄公奏議二卷

李文襄公奏疏十卷年譜一卷首一卷

李文襄公別錄六卷

〔清〕李之芳撰

河防疏略二十卷

〔清〕朱之錫撰

五八七

一三一

2650/03

序



憶曩爲庶嘗詣閣試出呈
草 羅孝可先師師笑曰
凡爲奏議忌論策氣爲論
策亦忌奏議氣子試牘誠
佳惜類奏議耳時余談兵
食事稍激先師因以爲規
去之十餘年卒驗負負良
媿以今觀於同門友都諫
凌君駿甫奏議抑何直而

婉洞屬微至曲類吾先師
所云也駿甫生辟葷血望
如深山道人每過其邸中
緜滕做暗滅獲樸謹惟聞
兒曹讀書聲與共談言言
玄遠蘭雪內薰至其氣誼
較然雖復炎流金寒涸地
不能易其中之所守移之
一盼往當其里人柄國時
炙手可熱駿甫絕不詣其

門事存岸異非特不阿之
已也觀其初珥筆卽以真
心炯炯爲盟恭勤廉遜羅
列四箴以繩已亦以繩人
無隻語不堪覆按者乃余

三

所推服駿甫不惟是駿甫
一羸秀書生耳非於兵家
事夙授也邇自總樞垣之
重二載於茲諸凡奴寇情
形撫鎮功罪東島衅局西

陞釁端目覽手批口占眉
灼莫不纒纒然其中機宜
預談之歲月之前而其效
遂響答於數百千里之外
也可不謂難哉昔先師宦

四

都諫時適關外警聞旬日
十疏迄今頌滿人口日惟
駿甫傳其衣鉢耳况繇今
視昔危苦尤倍過之然先
師竟以是階奉常翺翔卿

寺而駿甫不免外遷豈垣
規銓法乃逾晦且苛於往
時乎噫難言之矣駿甫所
著有湘煙錄使岷詩家多
抄本未見書幽雋特絕茲
其經濟一班云後之君子
讀是編吞嗟慨慕謂如此
才屈從恒調蔽賢失士之
譏將自有任其責者願於
駿甫曷媿乎司國樞者慎

無樂乎以無媿加人而以
蔽賢失士之譏自予也哉
戊寅重五日門年弟黃
景昉頓首拜書



奏續

卷一

目擊時艱悚承 明訓疏

欲儲真才須慎始進疏

敬循職守疏

奴情叵測 廟筭宜周疏

人情叢詐日甚疏

遊棍走空設騙疏

功令期在必行疏

遵 旨回話疏

奏續

卷二

貢生 廷試屆期疏

議謚寧嚴無徇疏

謹遵釐正文體疏

法紀漸見陵夷疏

滅賊已奉屢 旨疏

里居見聞日異疏

從諫如流公疏

廢臣幸邀屢 旨疏

欲杜欺蔽之端宜伸謇諤之氣疏

宗室考驗授職疏

奏續

卷三

查參外解積逋疏

勦撫之結局無期疏

○熱審適當五年之期疏

姦解舊案未銷疏

外解逋欠有因疏

硝黃欠數獨多疏

關務已迫路梗堪虞公疏

奏續

奏續

奏續

奏續

卷四

勦撫迄無成謀疏

蔑法科役私匿 紅本疏

楚寇毒焰愈張疏

遵 旨查明具奏疏

章奏有關緊密疏

剿寇貴在乘時疏

狡賊分路東犯疏

奏續

奏續

奏續

○人才保任實難疏

民訛有因亂萌宜杜疏

登島謀報全疎犯鮮仍無的據疏

圖奴固本在借制勝尤貴萬全疏

奏續

卷五

瀝陳東閩臨期換卷事疏

屬國危形已見登島時刻宜防疏

投解屢屢宸慮登島仍驚虛聲疏

遵 旨明白回奏疏

遵 旨查明 紅本封進疏

大帥縱兵肆毒疏

酌陳海上未盡事宜疏

奏續

卷五

五

劣弁再干軍紀疏

東事決裂已甚疏

喧傳亳州兵變疏

黔楚警報竝至疏

奏續

卷六

汝宛盜窟悉平疏

臣科偶值乏員疏

漢南餉絕兵疲疏

紅本姓名參差疏

島中禍亂相仍疏

叛兵聽撫誠偽難憑疏

夥叛挾鎮投奴疏

奏續

卷六

六

宗室真偽莫辨疏

警報時聞訛言易起疏

逆奴謀犯有徵疏

皖撫 簡用踰旬兵餉尙無成議疏

卷七

邊備雖經屢飭臨警恐易周章疏

欲辦出海之局須定翦逆之謀疏

王師啓行在途疏

廢帥違禁饋管疏

奴孽暫時蟄伏疏

鎮臣雖報出海事機尙屬未定疏

請旨安置罪帥疏

邊臣屢以病請疏

郎陽無裁撫之理疏

行師時有利鈍磨報不宜參差疏

西陲兵威雖震邊釁已深疏

卷八

楚賊日蔓全省堪憂疏

秦賊全夥入蜀疏

奸黨通夷事露疏

科印行使日久疏

遊旨查奏疏

微臣一官可擲疏

再瀝血誠剖明前疏優劣二字疏

臣罪實深臣病已甚疏

延撫賄管最確疏

臣病已在膏肓疏

禮科給事中臣凌義渠謹

題為目擊時艱悚承

明訓敬因歲事之終揭真心以規實效事竊炤參載

考績黜陟幽明自古慎之我

皇上慮周民瘼綜覈吏治凡以歲事至者分別功過

無枉無狗業視前而加甚矣復

特召諸監司訓迪之咨詢之於震疊之中寓色笑之

教

聖鑒光明愾乎有過燭之思焉真所謂千載一時難

表續

卷一

得易失諸臣鱗集

闕下有不洗心滌慮以仰慰

如傷萬一者非人也然謂諸臣之果能始終洗滌吏

治之果能徹底澄清臣猶未敢信也何以言之

習氣之相蒙在肺腑性靈之陷溺非一朝借片

刻之

嚴綸醒積年之沉痾臨淵涉水之懼恐以

天顏漸遠忽忽易忘身家妻子之私將無

國門甫離展轉復熾迷城互墮業海長淪躑躅龔

黃轉瞬易而此殆非

功令之所能繩鈇鉞之所能創也謹揭真心兩字

為諸臣迴光護照之資惟此真心炯炯湛湛孤

寄單行無葛藤之可攀無墻壁之可靠出不負

人處不愧已既在夢而能割亦入脂而不濡如

吏治之病在貪也初未嘗知其為貪以為是種

種者應得之物耳第還思一絲一粟之細苟非

嘗俸盡屬可疑頂冠束帶之倫下同市販奚堪

靜對從此細細窮詰有一毫瞞不過處即真心

表續

卷一

也如吏治之病在競也初未嘗耻其為競以為

是營營者捷至之徑耳第還思姘阿啞嚙之態

對面難施低迴曲折之腸捫心自憎從此嘿嘿

推勘有一毫忍不得處即真心也舉此心擴而

充之母分堂下萬里為兩境毋分對獨對眾為

二時毋謂長安道上有可蒙之肺腑毋謂春明

門外有不及之指視刻刻奉一

聖明在上如禍謫之將至則殃民慮

國之事自不敢為刻刻繪一流云在前如饑寒之

刺目則敲筋剝髓之事自不忍爲刻刻凜一監

史在傍如告誡之相及則塗面喪心之事自不

屑爲以嚴覈用其寬仁以疆直行其平恕心事

光明事業俊偉皆此真實一念基之也不然者

煌煌

明訓揭若日星諸臣儻漫然承之衰如充耳怙終不

悛莫此爲甚則朝列冠裳夕嬰縲紲

主恩何可辜恃恃入悖出多算多敗

天道何可倖邀甚者干和歛怨身爲厲階間左空虛

奏牘

卷一

三

盜賊讜起此時高位斷難久居金穴未必尊擁

上頁

教養下玷身名辱及妻孥穢播青史明發不寐有不

瞿然憬然汗浹於背頰發於面者世間恐無此

冥頑不靈之物矣昔孟子以無羞惡是非之心

爲非人臣故於諸吏

陛辭之日挈人人皆有之心以相付謂革面不如革

心是在

天語一提醒聞耳伏候

聖裁嚴飭施行臣無任激切待

命之至緣係云云謹題請

旨

崇禎四年二月初五日具

題十八日奉

聖旨人臣營私溺職總根於欺揭真心以規實效這

本說得是該部知道

禮科給事中臣凌義渠謹

題為欲儲真才須慎始進謹明不變塞之義以發

多士誦讀之真以副

聖世教養之實事竊惟我

國家用人除貢舉無旁求之法士子思所以自見

合科目無奮跡之階從來豐功偉樹卓犖千古

者皆自

臚傳之一日為券諸士甫離奧潔無尺寸功遽叨

清華之選輒膺民社之寄其為任至重為遇至

奏

卷二

七

隆人人具有血性誰其墮棄自外

生成臣所鯁鯁慮者謂心不足以御物則攻苦茹淡

之意漸奪於紛華靡麗之場氣不足以居身則

察言觀色之衷漸溢為足高氣揚之態識不足

以持變則獨往獨來之態漸惑於東西南北之

岐力不足以要終則晨燈夜帷之勤漸化為願

息偷安之習於此不隄其漸小之係一身之休

咎大之關一世之隆污所云不變塞者何居焉

故有言之似迂似固而切中膏肓最關本體者

特舉為新進諸臣勸一曰謹財用以全素尚諸

士旅食長安非家貲素裕者勢必假貸於親知

假貸路熟如取諸官中而用之他日或計息抵

償或未必計息抵償而別圖所以償之者種種

皆傷廉之媒也今何如於一切出納時畧加酌

損俾目前省一分浮費即異日省一分妄營前

後從長打算雖欲多為稱貸而不能矣况僕馬

鮮華酒食豐腆盡違寒士本色亦有志者所不

樂居也一曰戒馳逐以勵恬脩諸士席珍待聘

奏

卷二

六

如女子之待年釋褐未幾固依然婉孌之季女

也儻遂譎譎焉侈口角之短長謀所集之枯菀

意指多岐趨向無主其為不祥孰甚焉目下為

諸臣計何必以清白無累之身取不相涉之事

橫貯胸中自投機筭種種局外是非只應付之

不見不聞而元氣之醞釀於將來者不少也一

曰存小心以勗靖共敬慎者居官立身之本也

人臣出位躍冶之思旋萌旋遏皆此不敢一念

制之竊訝

臆傳之日諸士業進

皇極門猶有笑語誼譁趨翔失度者雖草野未諳

朝儀無庸苛求而即此躁不能持之一刻得無於

咫尺

天威之下稍稍有敢心乎敬儀可以定命盡禮始能

事

君豈翳細故而弁髦視之也一曰惜時日以圖職業

自帖括咕嗶之日煩往往以剽竊拾青紫無真

學問因而無真經濟學優而仕者未之見也今

奏牘

卷一

宜斷以觀政之日為始諸凡

國計邊防民生吏治各隨其精神才思之所近實

實究心再舉

祖宗朝典章各衙門掌故廣蒐精擇細加研討俾胸次

粗具綱領庶不至如暗中索路俛俛矣之耳是

何可一味悠悠只從以寓偃仰朋好遊嬉坐消

此白晝也以上四款卑卑無高世之名無過人

之事諸臣法書生未遠似亦人人饒為之者饒

為而莫之肯為大率誤認此登庸一路為謀安

營飽之路而澹泊寧靜之言不入誤認服官之

途為競長角短之途而溫恭儼恪之言不入起

念既差四維都裂舉世所以無事功士人所以

鮮學術總緣此種關頭未經勘破耳臣故不惜

多方提醒更得

聖明一言申飭斯於不變塞之旨思過半矣臣無任

屏營待

命之至緣係云云謹題請

旨

奏牘

卷一

崇禎四年四月十一日具

題十四日奉

聖旨臣子守身恪職全在精白慎勤况屬始進尤宜

虔飭這本內四款說得是若進士中有器號浮靡

不遵約束的指名叅來該部知道

禮科給事中臣凌義渠謹

題為敬循職守摘舉宜黜者不盡嚴宜停者不即
停伏乞

聖明裁斷以杜自濫事臣惟名與器之不可假也上
借此為勸懲下視此為榮辱惡辱求榮人情何
所不至必有畫一之法以隄防之使不得越幅
而倖說焉近來世法相蒙瞻徇日甚封多駁少
則受長厚之名固陋因循遂成不破之局名實
乖舛黑白混淆豈細故哉臣辦事本科在禮言

奏續

卷一

七

禮一以為贈卹之宜嚴也夫贈卹出自

朝廷施之臣子榮哀備至則夫其實足存其幽可闢
質之輿情快然靡憾者當無俟再勘矣儻原非
親歷戎馬而猥云盡瘁封疆併未嘗執掌拮据
而藉口致身職業或偶然隨眾附和而文以慷
慨批鱗此不當一一追覈乎更如同一致瘁而
所懸之功罪較殊同一致身而所值之難易較
殊同一批鱗而所爭之鉅細較殊此不當一一
剖覈乎誠使臚列其生平而衷之天理人情之

極自然毫髮莫遁銖兩適均

恩意雖寬直道難昧亦何得不為

皇上斬此一綫也一以為表揚之宜嚴也夫表揚有
巡方之奏自下而上勘結幾次保證多人庶幾
不失真面目然就內尚不免濫觴近且子孫自
行陳乞牘滿公車下至武弁賞郎槩溷

天聽截息以續鶴則長短不倫刈藎以及薏則芳臭
竝混夫植卓楔表門閭則風教之所攸關非直
為觀美之資也今後果有粹行奇節灼然不朽

奏續

卷一

十

者無論官民人等悉宜聽巡方覈實具

奏且安在兩開之正氣一時盡鍾名閥不及單門
寒賤哉紛紛陳乞姑皮置焉可也一以為副榜
准貢之宜停也往時副榜止行獎賞無關重輕
人亦不甚厝意茲既有

恩例可援則有力者往往預為躡美榭榮之地可存
者因而私其通贊入幕之人居然飾贗為真不
難改頭換面即以是科言之各省直副卷何故
不與正卷竝解延捱歲餘至今參差未到其弊

因立見已夫准貢優選一途視之賢書翻得速
化就使副榜果真尙須參覈文義分別去取萬
無一槩從優之理若之何以廣鼎充數也哉臣
竊謂庚午以前屢奉

明旨業經詳覈者自應聽部酌覆以昭

渥恩其庚午一科參差未到與夫到而不必盡確者
或斷自

聖衷徑行停止當亦斥欺杜倖之一端關係吏治不
小也臣推勘至此大都例必要其至當義必顧

其所安非專以矜刻取名止期於情量允愜詩

曰折柳樊圃狂夫瞿瞿人能護惜

朝廷名器如自護其藩籬而恒惕以瞿瞿之心思過

半矣伏祈

宸斷勅部施行臣無任悚息待

命之至緣係云云謹題請

旨

崇禎四年十一月十一日具

題十四日奉

聖旨近來旌郎及副榜准貢委多倖濫這本說得是
該部卽與議覆

禮科給事中 王凌義 渠謹

題為奴情叵測

廟算宜周謹陳目前機宜以備採擇事奴頓兵凌城之下凡三閱月我師武臣不聞出一奇以制奴殫我關內外之鋒銳僅一當奴遇伏輒潰凌竟束手折而下於奴焉此時我之虛實一一為奴覷破中外洶洶咸慮奴乘勢深入適接邸報奴已東遁臣竊惑之謂出於饑竄耶而奴之熾且方張謂出於飽颺耶而奴之欲豈易饜就中狡謀大費控揣臣請以臆為之借箸長山之潰卒陸續來還者不能以半其烏獸散者去無所之未必不藉寇兵也凌城之將士僅祖帥與二十七人脫虎口來歸耳此外祖可法等尚不下萬餘聞竝已剪髮而蒙面也若輩我用以捍奴或不足奴用為嚮導以窺我則有餘是可虞矣且我兵士之在奴者父兄妻子咸在寧錦出者內顧居者倚間兩情牽繫瑕釁繇生此時非我用之以圖奴即奴借之以隙我安之與危間不容

髮又可虞矣臣聞鷲之將擊也必伏毒之將奮

也必踞凌距三岔不數舍過此即奴穴也安知

奴不暫匿影以懈我以退為進裏合其應以襲

我之不備乎則關以外可虞已已之冬奴舍寧

錦而迂道以闖我薊門如飄風疾霆從大安諸

口以入使我耳目不及掩今安知不聲東擊西

踵往歲故智越籬籬而窺堂奧乎則薊門更可

虞矣以臣之愚為今之計關外急著在慰勞叛

人之親屬而善用之我兵士陷奴者特為勢劫

奏續

卷二

一四

非其本心是應百計以招之多方以謀之導機

相便隨宜變化使成則為合滿之還不戢亦為

潰癰之決則丘禾嘉祖大壽日前事也薊門急

著在從實整頓戰守如各隘某堅某瑕果否足

遏戎馬之入各隘之兵某勁某脆果否足制奴

死命何以首尾呼應使勢如掌山何以主客同

警使氣聯臂指此必在在打疊時如待奴之來

一一實際不作僥倖之想則曹文衡傅宗龍目

前事也至奴之得力最在奸細無地蔑有黑雲

龍兩載奴巢一朝歸正

朝廷不加顯戮還以舊銜所以駕馭顛倒良有深意
卽雲龍眈眈人視妻孥繫懷應自無他但彼久
於奴中今留之京邸萬一奸人潛入暗中往來
狐嗥鬼瞰嫌疑易萌則亦意外不必然之慮而
不可不另議安頓之法者也抑臣更有進焉兵
有別才亦須慣手必素嫻軍旅之人以之臨戎
然後神閒氣定能於茫中出奇遇變不亂此等
人最宜愛惜不應擲之空處遼撫丘禾嘉之遷

奏牘

卷一

南岡以撫鎮不和耳今祖鎮從萬死一生之中
與丘撫作同舟共命之侶昔爲胡越聞今爲燕
藺矣旣以關外九城付丘撫收拾是必刪其罔
之虛銜還以遼之實職而後使得穩心於遼不
至遊移委卸也此目前當議者也登撫孫元化
固久於遼所朝夕與奴從事者也奴之情實地
之險夷固熟知之昨乃徙之登萊登萊非用武
之地本急才也而緩用之矣此宜仍移之近地
俾遼緩急得資其一臂之用又目前當議者也

臣白面書生安知兵事姑瀝陳所一二管窺者
若此恭候

聖明裁擇施行臣無任惶悚待

命之至緣係云云謹題請

肯

崇禎四年十一月十九日具

題留中

禮科給事中臣凌義渠謹

題為人情囂詐日甚

功令約束宜嚴謹陳目前應禁事宜以重紀綱以

肅

輦轂事臣伏覩我

皇上葑菲不遺遜言必察江海不擇細大兼容建直

言之旌設敢諫之鼓務期無一善不收無一物

失所此堯舜猶病之

盛軌也然使無必行之法以隄防之則人情樂於寬

永曆

卷一

七

大奸宄易乘工於揣摩竇擾無厭本以明目達

聰漸至焚視惑聽所關世道人心體統名分良

非淺渺臣滋懼焉謹列為四款仰塵

睿覽一在越奏嚴借題之禁近日各

王府宗室越關奏擾者踵至臣莊誦

明旨申明

典例不為不嚴而不窮所以奏擾之繇終不得而禁

也今既惕以

祖宗之制開以入

告之惟備有仍前冒禁紛囂不已者當察其奏內情

事果否曾經抑勒立言本指有無借題託陳從

公激發與挾私窺探者有別實關利害與受人

主唆者有別一一推見至隱而各坐以應得之

條庶幾情不苦於上達計自阻於倖投或者日

就衰止耳一在鼓狀嚴誣訐之禁民間真正冤

抑日月所不及炤雨露所不及濡者豈其無之

然決不能望長安一步其間關而來者大都口

舌爛翻狀貌猥劣非挺險之奸徒則幫惡之訟

恭曆

卷一

七

師也檣地呼天強半婚產細事居下誦上無非

要挾邪謀臣等輪直受狀時觀其一往兇焰莫

可嚮避知非受人凌壓者正須就狀內重大事

情實實推鞠到底嚴加等反坐之科以震動其

身家顧惜之念自不至冥行而無忌也一在私

揭嚴匿名之禁

長安門外叩馬投揭者何日良有所舉所議何足

盡焉然猶得以耳目及之紙上姓名固屢屢可

覆按耳衛有一種匿名私揭非藉以行私即因

之洩憤械最毒而謀最陰往往足以搆平地之風波伏無端之陷穽臣竊謂設若齊民中有此偵知卽付法司衣冠中有此敗露立行褫斥俾之曉然知伎倆無所復施禍人適以自禍亦何利而爲之乎一在歇家嚴遊棍之禁

輦下五方雜選誠不能過爲譏察然總舉其凡熙攘往來無非脩四民之業者也乃有不耕不獵非士非商三五成羣以假騙爲生涯者寇紳不

奏牘

卷一

計九

金白晝此而欲根緝之別無他法唯嚴諭所在歇家寓所查其來歷時其動靜察其交游窟穴雖深踪影何難立破是在五城與緝事衙門加之意耳設此四禁而

都下首善之地亦庶幾漸底肅清矣抑臣以爲之四者猶明禁之所及也更有一等妄肆雌黃恣弄筆墨濫入津要之幕如所謂清容山人者士大夫或習其便辟輕與作緣或畏其機鋒勉爲折節因遂併其性情嗜好議論趨向一一窺而

竊之以行其構煽簧鼓之私逞其役智獻奇之習世途險仄多繇此輩第樂行驅遣不無紛擾勢亦不能唯願大小諸臣遠之而已敢因條列禁例而弁及之統祈

皇上嚴飭施行臣無任悚息待命之至緣係云云謹題請

旨

崇禎五年六月十二日具

題十五日奉

奏牘

卷一

計九

聖旨這本內列禁諸款有禪法紀宗室越關奏擾典制甚明其鼓狀究誣匿揭燒燬查屏棍徒俱依議飭行還著城衛衙門循職議察但不得借端生事該衙門知道

禮科給事中臣凌義渠謹

奏為遊棍走空設騙微臣無端被借乞

初嚴究根因以明心跡事臣最為下叨列侍從兢兢

夙夜罔敢尺寸踰越通籍已歷八稔無數椽之

居無半畝之產即去歲挈家長安依光

日月燃藜吮藿無異寒酸所携家僮五人局門不使

出入自謂簡束頗嚴不意本月二十八日突聞

有借臣家人名色設騙致被厥拿者臣惶怖欲

死隨向刑科索厥招閱之知管陞者為知縣羅

奏續

卷一

七

朝彥借臣家人名色者為市棍湯榮而又有僧

人雪門壽宇者居間說合如許姓名臣茫無一

曉不啻風馬牛有何干涉不知彼管陞者何因

何緣何憑何準而輒墮其雲霧也長安白日鬼

魅填衢塞巷臣近具人情懇訴一疏中有嚴禁

歇家遊棍一款欽奉

明旨通行申飭豈意咄咄怪事乃自臣身逢之今幸

各犯已現在鎮撫司嚴訊之下何情不得要見

湯榮既係家人居停向在何處有無出入臣寓

曾否見臣一面及羅朝彥何故輕信僧人說合

曾否對臣面孔務將就中一段來歷直窮到底

儻與臣有一毫干涉即以身膏

斧鉞所不敢避臣謹昧死剖瀝以

請伏乞

皇上勅下鎮撫司一併根究施行臣無任惶悚呼額

待

命之至為此具本謹具奏

聞

奏續

卷一

七

崇禎五年六月

奏七月初二日奉

聖旨官員賄囑行私與棍徒指借誑騙真偽易分這

事情候研訊自明凌義渠不必陳剖該部知道

禮科給事中臣凌義渠謹

題為

功令期在必行下情尤宜兼體謹據所聞入

告仰祈

聖明憐察以慈將來以廣德意事 臣適見巡按直隸

監察御史徐尚勳縣官自縊一疏業奉

旨查明據實具奏矣迺得之長安往來之口皆云三

河知縣劉夢煒以新甲科筮仕未及兩月為本

境盜劫鞘銀三千兩責令賠補議處一時情極

奏贖

卷一

計窮遂爾甘心引決人言籍籍似非無據夫失

盜賠補

功令罔貸而賠補於受事之始措辦誠艱然何至

以性命輕殉在夢煒固為奉法而蔽於愚殆亦

有處之未得其平者乎辱冠裳而駭聽觀匪細

故也蓋操之過急雖長吏不免喪其樂生之心

何有於庶民計無所施雖室家不能保其相聚

之勢何有於長物既遭逢之不振至進退之維

谷復拘牽而多畏遂就死以如飴若此一官者

信足悲矣臣因是而思數年以來兵興盜起法

令滋章在外以催科註上考在內以鈎索為深

文豈少蚩蚩之氓計窘追呼陷身溝瀆付之不

見不聞而莫之控告也乎豈少冠帶之倫畢命

幽遐魂飛湯火等之習見習聞而莫之收恤也

乎卽以此一官之冤死而惻然動體群臣之思

油然而作子庶民之想未必非我

皇上仁術之一端也大抵上與下之所以相取者惟

此鼓舞激勸之妙用耳使人人有重爵祿之心

奏贖

卷一

則高者將自奮於功名而卑者亦相安於義命

使人人有輕身家之念則愚者不難戡形滅性

而悍者必至裂簡踰閑所關治理夫豈淺鮮抑

臣非謂地方失事不必專責縣官也要之以必

獲寬之以期限務就繩督之中不失軫恤之意

奈何以數千金奪一官之命恐天下墨綬吏妄

議

朝廷之意重在金而不在官至謂嚴失事之償者亦

重在獲金而不在獲盜也盜其終可息乎伏惟

聖明垂察臣無任悚息待命之至緣係云云謹題請旨

崇禎五年十二月十一日具

題十七日奉

聖旨劉夢煒事情是否果因賠補奉何嚴旨有何逼迫凌義渠著回將話來該部知道

禮科給事中臣凌義渠謹

奏為遵

旨回話仰祈

聖慈鑒宥事臣於本月十一日具

功令期在必行一疏奉

聖旨劉夢煒事情是否果因賠補奉何嚴旨有何逼迫凌義渠著回將話來該部知道欽此臣跪捧

嚴給不勝戰栗伏念臣叨列諫垣以言為職偶因劉

夢煒一事率爾入

奏請

恭

六

告

皇上不即加以

斧鉞責令回話臣敢不據實以對夫夢煒失盜賠銀

事情長安傳聞已久臣草疏時留心查訪知其

到任甫新遽遭劫勒戶部有強賊截劫餉銀一

疏奉

聖旨解餉沿途防護屢旨嚴飭如何仍然疎玩致被

橫劫劉夢煒及縣衛巡捕各官著查明議處仍著

該撫按一面勒限責賠戴罪緝獲奏奪飭備弭盜

自是地方官專責不得更議鎮兵迎護以滋紛擾
誘卸欽此是固未嘗法外嚴督也夢煒多方那處
業已賠過千金奈因失事負罪按臣復

命叅處部覆改調奉

旨依議施行是又未嘗有意苛求也然既已改調便
非三河縣官後之未補者無從措辦前之那處
者勢必急償外則措貸無門內則家徒四壁引
頸長號不免智窮而慮短雖為錢糧責成者未
必有逼迫之心而方議賠旋議調事勢至此已

未廣

六八

十一

不幸而有其迹矣臣前疏亦云處之未得其平
情形未悉乃

聖明無微不燭直欲詳究其根因也至於失鞘代賠
原屬成例從來未奉

嚴旨臣疏具在未嘗妄牽一字所以不辭瀆聒言之
涉激者誠為目下奉行

功令不無太過舉一以例其餘或亦犯人不必然
之慮乎疎愚之罪萬不容辭因事進言血忱可
質謹據實回話不敢一毫虛飾伏惟

皇上俯賜矜察臣無任惶悚待

命之至為此具本謹具奏

聞

崇禎五年十二月二十日具

奏二十六日奉

聖旨劉夢煒自盡事情著速行查奏言官奏事惟據
理從實豈得信口揣議凌義渠姑不究該部知道

本原

六八

十一

禮科給事中臣凌義渠謹

題為貢生

廷試屆期夙弊宜別謹循職掌條列應行事宜仰

祈

宸斷事竊照我

國家造士科目而外歲取各省直生員食糧年深者充貢到部聽翰林院嚴加考較至鄭重也

祖宗朝兼論文行以性資純厚學業有成為主考試不

中式者遣復學肄業提調官吏論罰有差亦至

奏牘

卷二

嚴覈也自古意盡失科目單行而明經一輩若

無足為重輕并考較一法往往藐為故事軒輊

失當懲勸不行高下任情賄囑無忌積玩已非

一朝濫觴何所底極臣恭釋

聖諭凡所為敦實去華黜浮崇雅者無所不至而尤

於教職一官諄諄三致意焉夫明經為教職之

所從出學業之所繇興而縮綬一方則又民社

之所倚重也當

聖主力行之始正諸臣恪共乃職之會亦士子洗心

自奮之期苟能實圖振刷庶幾馴致改觀謹因

試期已迫列款上

請一在嚴巡綽以塞弊竇試場奸弊最夥詰之不可

勝詰豈有

廷試

大典而漫無譏防合無於

長安東西兩門特設一官呵禁來往而傳遞窮於

無所入內則設巡綽官數員多方覺察不容彼

此交頭附耳而倩代窮於無所施監試者毋諉

奏牘

卷二

為沿習難破也

禁廷何地

天威咫尺安得不倍加恭飭乎一在公閱卷以羅真

才士子白首窮經僅博一日之知遇若妍媸不

憑尺幅而甲乙盡出袖中借寒酸羔鴈之資為

周旋津要之具無論上無以光

盛典下亦何以愜輿情今願諸臣之閱卷者各出明

眼一秉公心非文理優長字畫端楷者不得輕

呈

御覽其有本領全荒謬悠潦草者宜間黜一二聽該部發回肄業以存舊制第遠省如滇黔兩粵萬里匍匐淪落堪憐似應稍從寬假明示法外之恩可也一在酌覆試以杜假冒諸生鱗集

闕下赴部投文必親具供單細開年貌脚色以憑磨對爲法恭密近亦視爲故紙皮置弗問矣合無於

廷試揭榜後責該部再行覆考面出供單參驗筆跡一如中式舉人親供之例如此而猶有改換

奏牘

卷二

三

頂替希圖混淆者亦鮮矣一在審年齒以定銓除貢與科甲並列號爲正途將以爲人師居民上衰庸與佻薄均屬不堪合無於謁選過堂時察其真正類邁者參詳

典制或准給冠帶榮身或量與七品散秩亦未失優老之義至如恩選副榜中有年未及強仕閱歷尙淺者不許換資徑選仍分送兩京國子監讀書老其材以儲異日之用未必非造就一端耳若此四款非敢以臆條列也不過就目前濫觴

之中寓隄防節制之意要以遵照

會典闡釋

聖謨酌情法之可行期德造於無斁如斯而已伏乞勅部議覆施行臣不勝悚息待

命之至緣係云云謹題請

旨

崇禎六年四月初十日具

題十三日奉

聖旨教職最關造士貢試尤宜嚴覈這本內四款有

奏牘

卷二

三

禱釐飭著該部卽與覆行

禮科給事中臣凌義渠謹

題為議謚寧嚴無徇寧詳無忽敬摭二得以襲

大典以裨激勸事竊惟議謚一節延曠至十餘年之

久我

皇上允臣同官張國維之

請

勅部議覆業奉

旨發單諮訪刻期舉行矣而臣猶慤慤過計者謂賢

否混列薰蕕共器則疏觀精別因物肖物之難

奏

卷二

五

甲乙曹分是非互見則議論歸一務期至當之

難予奪相形怨謗易起則信心信理絕無瞻顧

之難冒此三難而欲取裁於數月奮筆於一朝

勢不能也夫古聖王既以黜陟定人生前之功

罪而復制為謚法以著身後之褒譏豈如恩澤

在一時可以幾倖而得虛名在齒頰不難假借

而傳乎位高者德不必詣其高位下者品未必

處其下有炎赫勢要而當前已見其奄奄有寂

寞下僚而日久轉想其犖犖此不當以官秩之

崇卑論也雖有賢子孫不能飾前人之所無雖

無賢子孫不能沒前人之所有如果清節可風

百代猶樂傳其事畢竟穢跡難掩子孫亦惡聞

其名此不當以門裔之榮衰論也人固有百行

未足當一善而一善足以繫一生者舉其本以

賅乎末存其精而畧其粗名建白豈必在多真

學問先立其大此不當以材局之偏全論也鄉

曲月且既難盡憑耳目流傳仍多失實他如至

德隱行骨化形銷不言祿而祿不及不期名而

奏

卷二

六

名不至者豈其無之此不當以聲聞之顯晦論

也故陳乞自後人已失古初之意獵芳及誌傳

不無流宕之詞要以折衷於徵信之實錄參驗

於直道之人心庶幾百不失一特患當事者拘

牽世法未能設誠而力行之耳昔蔡邕自云為

人作銘未嘗不有慚容唯於郭有道一碑差為

無愧古人自愛其鼎卽一碑不妄下筆矧以煌

煌

懿典而輕徇人意取悅一時其貽慚不尤甚乎持議

者果時凜承羞之念而曲筆自無所施矣宋宰
輔陳執中之得謚為恭也韓維駁之再三夏竦
之得謚為文正也司馬光爭之甚力古直臣面
目嚴冷大段不肯依違斷斷乃爾今豈遂遜之
乎持議者果饒具二臣之骨力而倖觀者亦遂
巡退矣諸葛亮之言曰我心如秤不能為人作
低昂至易名大事以人自有之生平還以應得
之位置尤非成心可執有何低昂持議者果一
秉諸葛之秤心而得者不以爲恩失者亦不以
爲怨矣於以佐刑賞之所未及闡幽習之所未

彰凜

褒鉞於聳懸競榮名以爲寶不亦盛乎抑臣更有
請者閱禮部所發之冊多至六百餘人中間域於見
聞尙有一二掛漏如或其人果賢而偶未及列
名者合無於報部時通令各省直人舉所知另
具一單以補該部之缺畧仍聽覈實於該部是
亦周諮而不廢廣蒐之意也至若冊內列名多
人事跡未能盡確衆議豈必僉同以難論定於

旦夕合無就學術事功文章節烈之尤著者特

先舉行以愜輿情餘俟從容酌審補牘上

人詳慎而不至稽延之一法也統候

勿部施行臣無任屏營待

命之主緣係云云謹題請

旨

崇禎六年六月十一日具

題十三日奉

聖旨議謚大典必詳諮確覈肖品易名方足闡揚風

勵這本語多可採禮部即與再行

禮科給事中臣凌義渠謹

題爲謹遵釐正文體之屢

旨酌陳補偏救敝之愚見以備

聖明採擇事頃禮部條列文體一款奉屢

旨嚴飭人心廩虞惕於

告誡之方新慮無有踵襲詭僻自取罪黜而莫之省

改者顧臣反而思之革弊者當先其太甚而行

遠者須酌其無偏繇來嗜異之習心中於聰明

才傑者往往持之堅而信之確不有以盡奪其

奏

卷二

九

所恃而降伏其心思發皇其耳目文不可得而

正也是以離經背傳者宜禁矣而所收者果亦

有得經傳之意併能化經傳之拘而讀之悠然

願解者乎詰屈整牙者宜禁矣而所收者果亦

有抽獨繭之絲協和鸞之奏字字切脉會心者

乎牛鬼蛇神者宜禁矣而所收者果亦有理擅

程朱氣追秦漢堪爲一代之高文典冊者乎儻

因

功令頒布之始士子落筆戒心至相遁於淺率考

官藉口奉法反濫及於卑庸目前未足揚

聖化而美聽觀他日無以厭人情而垂永久恐不出

數年間炫奇吊詭之故轍浸淫復萌而莫可衰

止臣竊有所未安而不得不一推明者也然猶

從文字起見也有本焉蓋盛衰動關氣運而培

護先在人心臣觀十數年以來士子之文變士

子之心亦變矣目眩於旁趨曲徑之岐聽熒於

刑名法術之異其心邪故其發爲文也多縱橫

險軋之言今何以閑之使正在位之借箸無聞

奏

卷二

草茅之憂思日積其心變故其發爲文也多危

苦酸傷之詞今何以養之使寬宮室妻妾之念

早中於膏盲紛華靡麗之觀日損其氣志其心

淫故其發爲文也多妖浮纖眇之音今何以敦

之使朴昧君親之大義既等於泛聿飾言色爲

逢迎不耻爲巧令其心僞故其發爲文也多欺

已欺人之語今何以導之使誠此豈專恃畫一

功令可以勢禁力持亦不盡憑三寸管子爲能扶

衰起敝也是在我

皇上作人無數有蒸動一世之精神百執事政刑脩

明有爭先濯磨之願力本實茂而枝葉自生風俗同而人文日絢彬彬郁郁之盛自此幾之矣

區區愚忱尤望

聖明時加意焉臣不勝激切待

命之至緣係云云謹題請

旨

崇禎六年六月二十一日具

題二十六日奉

原缺

禮科給事中臣凌義渠謹

題為法紀漸見以夷目前實滋隱慮直摠狂瞽仰

位

高深事竊嘗讀春秋一書約其指歸大都於名分紀綱持之甚力尊卑貴賤之間斷斷如也鄭大夫子產之言曰直均幼賤有罪似就曲直平分之內微用低昂操縱之權以杜妨貴陵長之漸懍懍有危心焉所以君子小人各安其位愛人易使各守其防以共臻太平盛治自此義不明而

天下乃春春多故矣如近日焚掠成風處處見告宜興溧陽不巳遂安壽昌繼之雖孽繇人作召致各有其因而變出非嘗蘊崇必非一日惟是豪族汰侈相尚多藏誨盜有以生奸人之心而公家科歛日煩剝肉醫瘡尤易觸窮民之怨當事者既鮮曲突之謀幸餘救焚之力及時撫定未至萬分決裂耳然一定而永定尚未可知也顧安得施生僇死共凜

朝廷之威斷而強弱不至於相凌安得授祿分田悉

如古初之限制而貧富不至於相軋安得上令
 下共過提終事之大義而出入不至於相悖凡
 此皆所為慈後之圖以庶幾弭亂於萬一身任
 地方者何不聞焉昔魏羽林縱火燒張彞第而
 上不問高歡遂傾實以結豪傑今海內之蠢蠢
 者不少矣可復令犯上無等之事轉相傳播動
 輒效尤乎此紀綱名分之宜飭在外者也若夫
 都門首善重地固四民所依以往來轉輸亦萬方
 所視為蕩平正直者也乃邇以下情之善匿而

表續 卷二 三

摘發不得不屢隨以摘發之屢聞而告密因之
 漸起聲寃者恒排闥而無忌越奏者雖冒禁而
 不辭僕豎可以侮家長厥孽可以箝本官市輪
 可以辱紳衿盜賊可以傲失主倒植逆行勢斯
 何底夫使人人有不安於下之心將難乎其為
 上矣使人人有爭辨其上之意解難乎其為下
 矣天下所以寧治而不亂者專恃此一重界限
 尺寸罔敢踰越苟藩籬之可闕莫冠履之能存
 即

九重之上安所藉以提挈萬靈役使群動也哉此紀
 綱名分之宜飭在內者也統惟我
 皇上謹持其端徐制其要權所自出期赫濯而聳尊
 無聽天下好勇疾貧而來窺覷之漸意所欲開
 務退藏以自固無俾人情揣摩幾倖而啓攘竊
 之門如是則刑賞立而等威以章等威辨而民
 志乃定將四方揭竿憤逞之形胥為讓路讓畔
 之侶不難矣臣無任悚息待
 命之至緣係云云謹題請

表續 卷二 三

旨
 崇禎六年十一月三十日具
 題十二月初二日奉
 聖旨朝廷法紀中外臣民共當恪守如有干犯凌訐
 的科道官不時指實參處毋得但託空言該部院
 知道

吏科右給事中臣凌義渠謹

題爲滅賊已奉屢

旨收功務在乘時更祈

嚴勅責成無伴一誤再誤事臣惟草澤弄兵隨起隨滅古所時有至正德之季寇起山東屠城掠地更幾督撫而始殲之海上其勢不可謂不烈矣亦何至毒流七省禍延八稔咆哮動地腥穢薰天如日前流氛之甚者也

皇上毅然徵兵遣將刻期奏功海內想見震盪之威

奏牘

卷二

十五

樓

延領太平之治日幾幾焉然而一鼓蕩平固在圖奮剿之實著尤當悉彼已之情形揣時勢有可得而言者夫挽弓挽強擒賊擒王古語有之誠謂出吾全力當彼渠帥脇從小醜不戰自潰無煩更舉耳今賊則不然一方有一方之隊伍一伍有一伍之頭目人自爲王未嘗專倚一渠帥也分則各尋出路成饑隼突擊之形合則迭爲聲援有長蛇首尾之勢我破一隊伍一隊伍再整矣我取一頭目一頭目復立矣可奈何

從來搗巢之說亦以深入虎穴攻其積聚內救不暇無心外向此勝算也今賊則又不然無久據之營壘無必戀之帑藏深山廣澤皆其蛄窟也民房官署皆其官室也萬積千倉皆其餼糧也幼女少婦皆其妻妾也饑則攫而飽則殫則逐而盡則散我兵出乎此而賊已之乎彼矣我兵出乎彼而賊又不知何往矣可奈何勢之難在賊者有如此若夫數年以來客兵驕蹇多欲去兵恒怯不前往往守一大郡卽不復顧小

奏牘

卷二

十六

樓

縣護一城池卽不復計村落以至一方解嚴隨一方告急一省失事隨一省報功苟且支吾釀成痼疾所以賊窺見我兵伎倆情事有時持之急則棄牲口再則棄金銀再則棄婦女頻棄頻爭賊以此買路兵亦以此罔利而奸淫殺掠任其所爲東西南北聽其所之矣勢之難在我者又如此知其難自不宜有輕敵玩寇之心而知其難卽可以圖其易更不宜持若剿若不必剿之局聞賊目前無遠圖不過嗜殺恣淫飽食醜

飲為樂耳其酋輩各私所美好往往互相凌壓
 仇怨頗多兼視兵事如兒戲令所掠婦女濃粧
 坐馬沿路招搖種種皆可乘之際也我將士果
 肯齊心合算隨處設奇或伺其喙息則躡影長
 驅使之饑不及食渴不及飲晝夜疲於奔命而
 賊亦坐困矣或當其團聚則衝東擊西使之前
 不及掩後不及救血脉猝然中斷而賊亦坐困
 矣或因其狂逞則四面置網誘之險隘蹙歸一
 處出銳師遠之使不得去而賊亦坐困矣今
 路重兵礪亦以湏已及數月但聞所過繹騷怨
 聲蔽路一切進取方畧至今杳然是終無凱旋
 飲至之期徒成河上逍遙之局
 皇上一怒安民之意謂何伏祈
 嚴勅諸大帥明示以不滅賊則不得歸見在
 簡書可畏將來
 斧鉞有靈厲其必死之心隨歆以延世之賞庶幾有
 進無退軍聲丕振而膚功不難立奏乎且近報
 奴已渡河入套賊夥黨悉遁關中若不趁此

大兵雲集之時一舉殄滅行且寇擾於內奴証
 於外彼此聲息未必遽能聯絡而勢儘足以相
 煽三秦腹背受敵為禍更無已時天下事尚忍
 言哉惟
 聖明早留意焉臣無任激切待
 命之至緣係云云謹題請
 旨
 崇禎八年五月十七日具
 題二十日奉
 旨
 聖旨奏內事情已有旨了該部知道

吏科署科事右給事中臣凌義渠謹

題爲里居見聞日異民心走險堪虞懇祈

酌用寬猛早爲收拾以弭禍亂以固根本事臣惟人心爲致治之本所藉以聯絡團聚者惟此君親上下之隄防未至決裂耳若聽之爲所欲爲而海內橫流矣頃者江北流寇之變去臣鄉尚千里而遙目擊群情洶洶訛言四起市井無賴甚有延頸跂足以俸寇之一至者臣於是竊嘆人心之陷溺何至此極也豈上無善政以導之下

奏續

卷二

一

有惡俗以招之乎抑前有美利以餌之後有厲禁以毆之乎一郡如此江南諸郡可知一隅如此天下大勢更可知總因十數年以來既驅之於兵革復重之以鞭笞而且攻取耗其朴心趨避亂其真性天時與人事交奏而成此極重之劫運非一日矣爲目前計何以還其耕野蕪市之本業而俾之各無所懷來又何以觸其顧妻戀子之本情而俾之亟認其故我此非可勢禁力爭家喻戶曉全恃

九重周恤一念刻刻迴環於徑寸便已刻刻滲被於垓埏矣夫苞稂之侵已極陰雨之膏宜先臣則日其道莫若沐之以寬也至如一等冒死輕生之輩乘勢縱橫借端報復者屢屢見告不必有重事情傷心宿怨尋嘗構隙輒逞毀巢破卵之謀三五成郡動効插血要盟之狀以至富室匿影深藏大戶蠲租求免此種景象昔時賊爲異變今且習爲故嘗矣地方官非不執法相加其如慙不畏死接踵而起者何哉臣以爲宜

奏續

卷二

二

勅撫按今以後地方有仇殺焚掠一切舉動審究得實卽許將一二首惡加等處治庶足以寒奸宄於既往銷伏莽於將來若但按律定罪仍聽緩死獄中豈刑亂用重之至計乎夫水懦不若火烈去莠所以存苗臣則日其道莫若糾之以猛也以猛以寬爲政原不能偏廢要在審時勢之所極而陰陽操縱於其間唯寬不成其寬不與以安身立命之地而民之黠者乃始自爲地矣猛不成其猛第以鋤強扶弱爲詞而民之悖者

乃得以有其詞矣語曰民不可使知豈非萬世之明鑒哉今習尚囂凌寇盜充斥職此之故若復聽其自聚自散而不實圖所以收拾之計是將胥天下而為盜也於以戢禍亂而奏牧寧無日矣願

皇上自為計臣可勝悚切待

命之至緣係云云謹題請

旨

崇禎八年六月十六日具

奏稿

卷二

題十九日奉

聖旨該部知道

吏科等科著科事右給事中等官臣凌義深等謹

題為從諫如流者

聖主之美德愛

君防漸者忠臣之極思謹陳職掌一得仰祈

採擇重言路以尊

朝廷事六月二十五日臣等同官劉含輝票擬關係

最重一疏奉有言官叅劾不法必確有的據部

院職司表率既經奉

奏稿

卷二

十二

旨嚴飭何得但事瞻徇之

旨仰見

皇上因言責實求諫盛心但六科職司封駁苟有彈

劾失實應聽

皇上處分若申飭權歸部院則從此誰敢摘部院之

失者

皇上召對諸臣親賜擬票原為慎重絲綸臣等因思

封駁之職益不敢自輕謹循職掌仰請

聖裁謹題請

崇禎八年七月初二日具

題初四日奉

聖旨朝廷設六科專司封駁政取據實直言前旨甚明其據拾附和無當糾彈特著部院申飭務令交脩職業何謂反制言路之權該部知道

此疏係王尊五掌科主稿特以予見署吏垣不得不推予居首耳得荷

聖度優容幸矣然觸忌招尤實階於此存此以志予

獲罪之繇不錄全文而止錄貼黃者所以示信

不敢攘人之美也 義渠謹識

吏科署科事右給事中臣凌義渠謹

題為廢臣幸邀

屢旨

聖王原無成心乞

勅該部設誠舉行無以疑畏延捱有辜

盛典事竊惟已開之

德意貴在善承未竟之

恩施不宜中格卽如廢謫諸臣其罪之輕重故誤心

之誠偽公私材之大小偏全品之貞脆純駁久

矣如鏡之取影纖毫皆在我

皇上淵微燭照中矣乃銓部不問原案本情若何而

一槩混列事既失於精詳跡更嫌於朦狗安得

不逢

聖王之怒乎顧仍令將兩疏緣繇從公據實開列來

看卽臣同官朱邦祈一疏復奉

旨著吏部恪遵奏奪似

霆威霜肅之下猶於廢遣各官不忘簪履之思焉夫

各官去

國之本末何可一例論也有緣事罷斥者有建言
禡降者有曾被糾彈者有引疾休致者有徒杖
薄懲流徙重遣者其頭緒亦至龐雜矣竊以為
欲得所以甄叙分別之法當統覈其生平而先
論本體真見質地高明何妨收喻互見微覺言
行兩截豈容蒼素混淆若採蘭而及蕭非樹芳
之計也次當程才力果具豪傑之幹自宜假以
功名本是疎庸之資豈漫償以富貴若策駑以
追駿非致遠之謀也體用既務兼收而推行尤

奏

卷二

五

頃次第或錄用有待而前罪宜先者應聽法曹
之公議或事情已晰而

環召可望者徐俟

聖主之特恩總期

朝廷得一官一人之實用諸臣無不明不自之處
皇上鄭重之意原自如斯何至因銓言註誤併已布
之

明綸而久虛之也哉今銓部動稱乏才每遇一番推
舉未免吞嗟相告以臣虛衷觀之網羅之所未

奏

卷二

六

及堪備任使者或自不乏蓋識以練而愈長材
從穉而得老一往輕銳之氣漸消落於匱窮困
苦之中翰丹竭盡之忱自勃發於悔過省愆之
內勿謂悃悃無華者難投以艱鉅勿謂崎嶇自
異者未諳於時宜勿因一青掛議遽掩其生平
勿因意見參差併訾其品行宋臣歐陽脩之言
曰作器者無良材而有良匠治國者無能臣而
有能君夫亦謂材必待用而顯顧所置之何如
耳誠得顛倒駕馭之術將何地不有其人何人
不獲其用惟是沉淪丘壑年復一年坐嘆日月
之如馳不覺精華之漸歇機會難得而易失往
往齋志以終身當亦

聖明之所心惻也夫辭晦辱而就顯名朝纍囚而夕
卿相古之人以此致其事功者多矣茲獨不可
倣其意而姑試之乎抑臣更有思焉目前所頒
之

恩詔視往時奉行之故事則有間矣在廢棄諸臣已
不宜矜彈冠之色在臣等更何忍萌借題之心

惟期諸臣以在野久歷之困衡據在

廷共効之新膽今茲之得以從新漸被者固屬

浩蕩之洪慈卽前此之寧以險阻艱難者孰非

愛勞之至意外廷方相與低回感嘆慮無以答

聖恩於萬一而又何恩之敢而也哉臣待罪吏垣事

關人材進退義難緘默竊見該部雖屢奉

明旨仍自躊躇却顧似有因噎廢食之意輒不辭瀆

聒冒昧申

懇伏祈

奏

朱二

十七

勅下作速議覆施行臣不勝悚惕待

命之至緣係云云謹題請

旨

崇禎八年七月十九日具

題二十一日奉

聖旨屢旨甚明有何疑畏該部卽開列具奏以憑鑒

裁

吏科右給事中臣凌義渠謹

題爲欲杜欺蔽之端宜伸審諤之氣伏祈

聖鑒採納事臣聞賞罰予奪者人主御下之大柄也

其予而忽奪奪而旋予不移時而賞罰並用使

人莫見其端倪者又所以神其不測之機權也

夫海內限於見聞之事中外不及徧燭之情何

一不藉言以達之

皇上而究竟所言者不過萬分之一耳然且躊躇於

心囁喘於口心口不知經幾許推敲而始形之

奏

朱二

十六

奏贖則進言之不易亦可知矣臣方慮無敢諫

之賞以導之前而何至懸失實之罰以繩其後

也哉如頃者戶科給事中劉昌爲廢弁陳壯猷

濫叙一節糾及樞臣隨奉

旨調外任用臣初以爲昌或失於詳覈未敢誦言比

見錢守兼與樞臣互相折辯兩疏而信昌之說

非無據也臣等以言爲職卽使果係風聞猶謂

聽之者足以戒言之者可幸無罪况昌所言陳

壯猷一事本按臣勘叙之原疏據慨入

告與捕風測影者不同且力持功罪之案實實關
係封疆與據拾瑣屑逞臆訐奏者又自不同乎
方今上下事事相蒙而疆場之欺蔽為甚官方
在在濫徇而武弁叙功之倖冒為甚中樞之不
能已見於天下矣置其本而及其末捨其大而
摘其細舉朝方以是為進言者惜而且辯疏一
入調用隨之恐自此糾彈不及姦弊叢生聽其
名實混淆而功過倒置非

去履 朱二 九

國家之利也恐自此調度乖方貽誤日甚馴至潰
決不收行且身名俱殉併亦非樞臣之利也夫

昌既奉

旨調用則亦已矣其授之臺班而授以諫垣惟

命其奪之諫垣而予以外任亦惟

命為臣子者止有引咎未違何官不可自効正不必

為一人爭功名也惟是目前所延跋而日夕以

幾者起廢之盛事累年所幾倖而不可必得者

賜環之

殊恩

皇上儻不難為昌一人破例行之始而疑其失實則
落其諫職繼而信其無他則復其原官將見挾
私觀望者咸惕息於

宸嚴之不可度懷忠思奮者益鼓勵於

聽斷之本無偏以折姦回之萌以存剛果之概以昭

舍已之公以成轉圜之美一舉而數善備焉伏

祈

聖明俯賜採納臣不勝悚息待

命之至緣係云云謹題請

奏履 卷二 三十

旨

崇禎八年八月十八日具

題二十一日奉

聖旨劉昌已奉旨調用凌義渠不必瀆陳該部知道

吏科右給事中臣凌義渠謹

題為

宗室考驗授職事屬創舉謹遵會議

屢旨虛心參酌以備裁擇事臣惟事有至鉅而欲垂

之永久者當計其所終法有甚善而特御自目

前者宜處其所始夫

郡王子孫有才能堪任用者考驗換授官職此

祖訓也朗然與日星並揭二百六十餘年於茲矣

皇上實欲見之舉行寓賢賢於親親用意良厚而且

奏

卷二

廿一

未即見之施行務令各衙門再三虛公詳覈為

慮更遠臣謹按往籍所載如東平河間之善行

蘭陵鄴下之文采劉向李勉之事功皆足以焜

燦一代掩映來茲矧

本支縣縣以億萬計豈無

王國克生為堪膺維城良翰之選者乎臣固知必有

其人以應之也第舉行在一時

垂憲在萬世創前人之所未有議不嫌於持重為後

人之所可守理當酌其無偏以臣臆見所及言

之才能之必出於選舉選舉之必本於

王奏巡奏固也然有一番選舉隨有一番窺覷保

無飾贗以溷真遁於耳目之外者乎即法行之

始彞好不甚相遠保行之日久而不滋濫徇乎

恐因此借條畫以求自試工揣摩以希詭遇者

必至趾錯

輦下而章滿公車又持何法以馭之乎此其當議

者一也抑以才能槩言者虛無所麗之詞也才

有大與小之分能有多與寡之別非考驗不見

奏

卷二

廿一

也未識其人之面貌若何梗概若何而能懸一

格以待之乎如懸一格以待之而能必其銖兩

尺寸之不差大小多寡之悉稱乎此其當議者

二也

宗才而出於科目俛首與寒士角一日之長則亦

以寒士自待耳茲選舉在科目之外固依然

帝胄也官職有換授之名又儼然

欽定之銜也高明者多感激思奮而中材或不克自

持保無挾賢兼以挾貴察察不易伺其顏色大

吏無敢議其短長者乎果爾則尊卑相臨之統竟自此一途格矣此其當議者三也至如才能而兼言文武尤屬可商夫文不待言矣武則非翰畧素嫻卽膂力獨絕實實堪當一面者選舉中儻不乏若而人將遂畀以節鎮之重授以專征之寄乎果爾則親臣竟可以典兵無復微漸之防矣此其當議者四也臣竊從禮臣會議之後一一聽其所見如此因仰窺

皇上惇睦一念靡所不周亦既尊其位重其祿同其

奏庸

卷二

廿二

好惡矣而又為之廣其嚮用之途開以振拔之路寄于城腹心於文昭武穆之內求四友十亂於

太宗小宗之間待之如此其厚則自待豈應獨薄一切構訐之囂風越奏之悍習其亦聞此而知所感愧翻然日就衰息乎

天子篤親至意與庶人不同

高厚之隆恩未可昧亦未可恃也敢因授職一事而并及之統惟

聖明裁擇臣不勝悚息待命之至緣係云云謹題請旨

崇禎八年九月二十三日具

題二十八日奉

聖旨宗室才能堪用的考驗換授官職

祖訓昭然何云事屬創舉該部知道

奏庸

卷二

廿三

巡視太倉銀庫督理省直新舊餉務戶科等衙門左給事中等官臣凌義渠等謹

題為查叅外解積逋以警違玩事切照太倉錢糧一粒一銖悉關九邊命脈諸凡領解之遠近交兌之淹速數目之曾否參差字畫之有無洗補皆經臣等衙門掛銷查驗輕則駁究重則題叅所以防欺祛蔽者無所不至若是乎其嚴且甚也矧當師旅繁興之時襟肘畢露之日尚有不

在官不在民任積蠹之侵漁填奸頑之熬竅者

臣等叨有巡視之責何得漫無覺察不一過而

問焉謹於一歲之終稽覈庫收簿籍除現在零

欠未銷姑俟陸續補完未便瀆開外查得崇禎

五年起至本年春夏二季止各省直解員有掛

欠日久而經叅一次者有再經叅提而不完如

故者有崇禎六七年間部劄到庫至今銀兩未

交者又有劄庫經年而不赴臣差掛批者種種

違玩就裡豈無別情若非逐項清查設法追究

是

朝廷有不行之

功令奸解有藏身之窟穴尤而效之邊儲何賴伏

乞

勅下該部詳查後開款件因何有劄無交累年掛欠

非經庫役那侵即係本解乾沒嚴究之外真情

立見雖為數止於五千八百有奇然從此人心

知警宿蠹漸清要亦釐剔整刷之一端也緣係

云云謹題請

旨

計開

已經題叅未銷七件

崇禎五年十月十六日

四川布政司差官饒文煥掛欠牙行

銀二百八十四兩二錢

崇禎六年六月十四日劄庫

直隸寧國府差官包應傑解天啓六

年七年崇禎元年黃蠟扣價銀二

百三十九兩四分

八月三十日劄庫

直隸鎮江府差官張瑞徵解天啓七

年崇禎元年茶蠟扣價銀一百三

十七兩五錢

九月二十九日劄庫

直隸徐州衛差官倪淳解崇禎五年

軍餘糧銀一百十三兩七錢六分

十月初十日劄庫

湖廣布政司差官葉玉衡解崇禎三

崇禎

崇禎

年甲供二庫折色明禁扣價等銀

四百九十三兩二錢六分八釐

十一月十六日劄庫

直隸鳳陽府差官曾世光解崇禎四

年明禁等銀三百一十一兩四錢

五分七釐五毫

崇禎七年二月二十一日

刑部山東司差役陳幼學掛欠買糧

贓銀二百八十二兩

已經掛號未銷十三件

崇禎六年六月十四日劄庫

直隸寧國府差官陳惟卿解崇禎二

三四年黃蠟扣價銀二百三十九

兩四分

十二月十六日劄庫

直隸鎮江府差官游經解崇禎二年

黃蠟扣價銀六十八兩七錢五分

崇禎七年二月十六日劄庫

崇禎

崇禎

河南布政司差唐縣解役曹國安解

崇禎七年芝蔴扣價銀一十九兩

七錢三分五釐

十月初一日

山東濟寧衛差官丁斌才掛欠京軍

折半銀二十八兩

十二月二十六日劄庫

河南布政司差役曹國安解崇禎七

年槐花價銀一十六兩七錢八分

一釐五毫

崇禎八年正月二十一日

浙江布政司差官尹良琦掛欠絕名

糧銀一百八十二兩

山東青州府差官朱正色掛欠班糧

折半銀五十六兩

二月初六日

直隸蘇州府差官羅名世掛欠京邊

銀二百九十兩

奏牘

卷三

二十六日

直隸松江府差官連國士掛欠米稅

等銀一百六十四兩

三月十二日劄庫

武功中衛差銀頭王惟謙解崇禎四

五六年加科銀二兩二分四釐八

毫

五月十六日

京糧廳差千戶夏時中掛欠漕糧銀

九兩

六月初一日

京糧廳差安慶衛指揮馬鳴鑿掛欠

漕糧銀一十一兩

初六日

直隸大名府差役孔傳心掛欠民兵

工料銀三百二十九兩七錢

已劄未經掛批十三件

崇禎六年五月十一日劄庫

奏牘

卷三

直隸寧國府差官陳惟卿解崇禎四

年油漆扣價銀二兩一錢六分二

釐七毫

六月十九日劄庫

順天府寶坻縣差役張馬兒解崇禎

五年牧地充餉銀八十九兩五錢

二分一釐五毫

九月初四日劄庫

四川布政司差官馬從泰解天啓七

年崇禎元年預料扣剩銀五百六十一兩一錢八分

十一月初九日劄庫

直隸廣平府差官曹一元解崇禎四年花絨扣價銀二百四十五兩八錢四分九釐八毫

崇禎七年正月十一日劄庫

大寧前衛差役劉元解崇禎四年民買軍田加增銀六十兩

天

卷三

十三日劄庫

順天府房山縣差役張明解崇禎六年人丁絲等銀一百五十八兩四錢二分二毫

三月二十九日劄庫

留守右衛運糧指揮田種王解崇禎六年漕折銀一百八十四兩四錢七分

四月十二日劄庫

中都留守司差官王有聲解崇禎五年春班取餉銀二百六十兩

七月二十日

新餉庫撥還德州倉應解舊庫掛欠汰軍銀二十三兩七錢

八月二十三日劄庫

四川布政司差官王應虎解崇禎二三年預料扣剩銀五百六十一兩一錢八分

奏

卷三

二十七日劄庫

武驤右衛差銀頭王其解崇禎六年加料銀二兩一分

崇禎八年正月二十六日劄庫

河南布政司差上蔡縣官任文燭解崇禎七年芝蔴等銀一百三十三兩八錢四分四釐八毫

二月二十五日劄庫

直隸徽州府差官朱承解天啓七

年崇禎二年槐花等銀四百一十

三兩八錢二分九釐

崇禎八年十二月二十八日具

題崇禎九年正月初一日奉

聖旨奏內所叅外解員役有劄無交累年掛欠的顯
有庫役那侵姦解乾沒情弊著該部詳查嚴究毋
得徇縱

戶科左給事中臣凌義渠謹

題為剿撫之結局無期中外之格習難破特懇

嚴勅在

廷作何合算亟圖大定事寇禍至今日如病之深
入勝理所宜曉夜併攻手口共救者也乃轉攻
轉傷日救日潰滅賊之

欽限屢更而逆焰之滔天如故率土之搜括既聲邊
腹之精銳悉行而師徒之不競如故甚而
九重約已非躬聽卑察邇上求端於不可度之

奏

卷三

玄穹而下求詳於不可憑之愚賤亦既靡人不周靡事

不舉矣而所可確然見之施行與夫毅然斷在
必行者何事恐後之視今猶今之視昔未見有
更絃之日也就外之布置言之有能灼知賊之
饑飽虛實來路去路隨時據實入

告不事虛飾者乎有能以小捷為耻置零級弗報懷
慨撥甲刻日刻時誓不與賊共戴者乎就內之
調度言之有能力祛文法拘牽之弊舉一切兵
餉專任一人聽其自操自縱置小小利鈍勿問

者乎有能排群策而獨持一斷實實使闔外知所稟命截然不入游移者乎以爭在呼吸之軍機而既俟

成命又俟部覆又俟部吞費幾多周折即費幾多日時比馳至行間而面目全非先著已不在手矣以信賞必罰之軍政而欲以爵賞者無虛日懼以顯戮者亦無虛日繁多易褻積久生玩恐溫文自此不靈而

嚴檄亦因之不震矣如是而能結剿寇之局者未之有也夫令此局而可以不結抑或可以苟且結

姑畫界自守釋之以為後圖則亦已矣乃賊與我共此疆土一日未靖則生靈一日在塗炭之中兵馬錢糧亦迄無解甲息肩之日是不容不結者也數十萬之堅甲利兵既不能坑之使盡復不能邀之使來畢竟作何收拾作何銷歸是更未可以苟且結也思其始思其終必在內之謀斷成而在外之功能見是唯我

皇上嚴勅在

廷諸臣夙興夜寐只此一事務淫屏几戶牖只此一事悚惕群居聚議只此一事講求或能出水火而衽席之乎今以海內之大目前未被兵者獨東南一塊土耳乃若所聞則又有異頃有自臣鄉來者云今歲正二月間夾浦四安地面浙直分界之處連獲奸細二名據其口供凡江南諸郡可攻可屯可入可出之路徑一一打算不漏是賊果無刻忘江南而江南諸郡之憂有足劇于他省者劉銳不及楚蜀而難安易動之人

心過之雄鷲不及燕趙而焚劫推理之風氣過之富厚不及關雒而織靡侈汰之習尚過之恐寇禍未已不能邀之使不渡江將來必有一番大決裂財賦與區區萬一血脉中斷京師何所藉以轉輸顧安得晏然而已乎斯又區區愚忱計在大勢安全不僅為維桑一隅關切也統惟

聖明留念臣無任悚息待命之至緣係云云謹題請

旨

崇禎九年四月十八日具

題二十一日奉

聖旨剿撫機宜悉聽督理調度原不中制戒零級嚴賞罰緝姦謀嚴江防俱有屢旨內外諸臣果能協恭體國實心辦賊何難戡定毋但託條議該部知道

。戶科左給事中臣凌義渠謹

題為熱審適當五年之期

聖主宜廣好生之德乞

勅當事諸臣恪實奉行毋循文具塞責事臣惟聖王所以戢暴安民者無他術正用之為德禮而逆用之師兵刑小則以擊斷佐爵賞之窮大則以征伐救禮樂之壞理本一致勢實相因故敷文之世少寬民而黷武之時多滯獄嘗讀左氏傳至莊公二年曹劌謀所以禦齊師者公曰小大之獄雖不能察必以情劌曰忠之屬也可以一戰夫折獄於治兵何與而善決勝料敵者必合而言之殆有至理存焉大要生趣開則險趣自拔善氣鼓則害氣自消一事之矜全猶小一念之包裹甚大陰陽順逆之還相報者更自鑿鑿不爽古善人勝殘去殺豈至今不可再見乎今海內禍亂相尋而民之死於兵死於歲未已也而且日月化為陰霾衣冠化為塗炭強壯化為填寡憂楚化為析楊十數年以來刑獄繁而劫

殺日熾此

堯舜之主所為焦然以思怒然以懼而無可如何者

也然

天心仁壽一脉未嘗不刻刻流行而恒旋轉於

大聖人好生之一念茲當五年大審正棘林出入生

死之關絕而待續之會矣竊以為威斷即寓平

恕之內可生不出可殺之中第令當事諸臣吮

筆伸紙纒一舉念而炯炯然如有神環為何鬼

泣於幽者是何意象而可以馳驅戲豫當之乎

卷三

三

三

片時之讞決成千古之爰書隻字之推敲關舉

家之命脉事何等重大而可以粗心躁氣承之

乎一念之平反脫人於死而即以自暢其生機

一念之陰礮陷人於生而隨已自淪於死趣是

何痛癢而可參以揣摩瞻顧聽伊失出入而

莫之問乎臣所願亟

勅諸臣恪實奉行此也而因思用殺以止殺是猶

揚薪以助沸沸不可得而止也以慎獄之初心

為銷兵之隱訣則胥一世而約之清冷之中矣

夫蟻螳微命能起而待休待惕特隱惻於

皇上之一心者何故而

皇上此心俯而與之相怵相惕相隱惻者又何故只

此一心自為展轉自為誠求而滿前灾肯有不

當之却避種種毒酸有不承之立解者否固迎

和祛癘之根本也即以戡干戈而求懿德有餘

矣抑臣更有慮者以

鞏毅之下

臨照甚近覆盆猶易徹耳若外而窮鄉僻邑或屈於

卷三

三

三

豪強積猾之誣坐或迫於焚胥汚吏之鍛成或

聽斷乘醉飽之餘徒恣手筆之高下或出入憑

左右之聽不顧人命之重輕以至桃李代僇免

雉誤用灑孤窮之淚飛庶女之霜者不少郡縣

以案定不欲翻撫按以地隔不及察而獨寄命

於五年

欽恤之刑官然往往心驚於勢囑賄狗而不暇推詳

其實草草竣局輒報文無害者有之是待開而

不得開之苦苦在外者也至經幾許推詳而恤

案始定業奉

有下部又復沉閣經年而淹斃獄底不得一沾

恩宥者有之是已開而仍不得開之苦者在內者也

欲宛轉以求一生須多方以板諸苦唯祈

皇上於恤刑諸差考覈必嚴毋伴溺職者倖免而更

勅該部於恤刑諸疏務期一一看詳隨到隨覆立限

註銷違者聽該科糾發重處庶幾秋官輔以春

令護此一綫生氣還之

天地可也統俟

奏

奏

奏

鑒擇施行臣無任悚息待

命之至緣係云云謹題請

旨

崇禎九年五月初四日具

題初六日奉

旨旨會審事情已有旨了恤刑溺職嚴加考覈堂上

官仍不時體訪參奏降黜會典開載甚明著申飭

行至題復沉延刑科即行稽查毋但託條議該部

知道

巡視庫藏監局戶科左給事中臣凌義渠謹

題為姦解舊案未銷新劄突至形踪詭秘種種堪

疑仰祈

勅部嚴究以清積蠹事該臣於進署日期接得部劄

一紙開報福建差官鎮東衛經歷唐狝解天啓

元年分甲字庫顏料錢糧若干斤兩按其年月

乃八年十二月十七日該部所給之劄今且更

歷三時矣尚未赴臣衙門投批掛號併未識本

解一面心固已疑之及查歷年案簿天啓四年

奏

奏

奏

題參人數有唐狝姓名隨票拘面審見唐狝幼

子唐堯輔愚雅無知據伊繼子唐臣謨即陳臣

謨供報狝於本年正月病故錢糧現貯西城井

兒衙衙寓所向欠生漆銀硃等項則又云留寄

臨清通灣兩處一可疑矣詰以向來題參一案

曾否完銷則口角含糊第云二子尚幼首尾未

悉似有別情不便供吐二可疑矣詰以此批解

自何年則云天啓年間四批同解陸續上納乃

案簿具存所謂四批者只存其二三可疑矣臣

求其故而不得隨向戶部福建司移查准該司
回稱前批已完而後批各料惟銀硃止五百斤
生漆全無等語猶未之信也再向刑部湖廣司
移取原叅文案則見當時止將攬棍董福等問
擬發落至各解錢糧第云俟完日另結而已是
完欠實數仍無著落也再向該庫移查據甲字
庫回稱福建解官唐紳領解萬曆四十五年分
本庫銀硃等料於天啓五年間驗送寄厥日復
一日節經行催止云回籍變產茲於本月初六

奏稿

卷三

三

日曬瞭庫厥逐一備查當時驗進銀硃二十七
櫃賦硃二篋五梃子一包烏梅二十包紫草一
包黑鉛二櫃其中美惡尚未細看等因准此是
向來題叅之一批至今未結斷斷無疑矣臣因
展轉思之錢糧既未輸納該司以何據報完該
犯又以何計狡脫而仍充本解豈
上供急需紳以一身挾為已有而顛倒出沒於其中
効壘斷之故智乎是不容不問也聞海非終戀
之地衛幕豈久據之官自天啓四年以迄於今

在籍十有餘年何物么廣旋出旋入始終以領
解為活計將無此那彼償併該省歷來官吏悉
墮其雲霧內乎是不容不問也據伊繼子口供
尚有二批茫無下落是否十庫錢糧何得不一
查明且刑部於天啓五年有董福等一招於崇
禎六年又有馬坤等一招皆攬棍也復插入唐
紳一段云解到天啓元年分十庫雜料錢糧買
辦未全私逃回南去訖爾時即奉有唐紳錢糧
著行查明之

奏稿

卷三

三

旨今劄內關報之錢糧亦夫啓元年分也不知即刑
部劄內之一批乎抑均此年分前後各自一批
乎如同此一批斷無本年起解越數年而給劄
之理如各為一批則昔年奉
旨查明之一案該庫作何驗收該部作何歸結是更
不容不直窮到底者也雖本解已盡法無可施
而親屬現存情猶可鞠伏乞
勅下戶刑二部即將伊繼子唐臣謨詳訊四十五年
之一批久已寄厥何故不即完納現在起解之

一批既稱全辦何故零寄外方併究所供四批之二果否一一銷掣有無侵那虧短自然水窮石見藏身無所而節年朦隱游移之姦弊自此清出矣臣無任悚息待

命之至緣係云云謹題請

旨

崇禎九年六月十四日具

題十六日奉

聖旨據叅唐紳解天啓元年甲庫錢糧八年十二月

奏牘

卷三

三

給劄至今尚未完納該部何無查追又天啓四年題叅錢糧貯庫未結該省何又以唐紳領解顯是官胥通同婪染著該撫按嚴查何官委解弁某年某批錢糧若干繳過實收若干據實叅奏其唐紳先後侵攬各批給劄與延玩不追情弊堂上官查明經管司官素奪唐臣謨刑部嚴提逐一詳訊具奏該衙門知道

。巡視庫藏監局戶科左給事中臣凌義舉謹題為外解逋欠有因府藏置謫立見敬循職掌設法清釐以裕

內供事臣惟外解之苦至本色而已極追逋之令至今日而獨難蓋萬捆千箱非若折色之便於裝載不得不購之都門假手牙僧而輸公家者有限填私橐者無窮此一病也報單呈樣非若折色之定於畫一往往飾質混真匪真而偽而倖收者十一駁退者十九又一病也絲縞卉皮非

奏牘

卷三

三

若折色之易於秤驗豈無良苦只在片言量衡止爭險手以致錢神有靈詭態橫出又一病也此猶舉其大者耳其他瑣屑病民處更難殫述茲欲逐一清釐誠未易言亦惟於向來清者嚴之通者執之延者結之耗者塞之而已謹條列上請一慎差委竊見各省直解員侵尅正供那移虧折叅題究擬繫繫多人要其濫委根繇未有不自情面中來者夫解本色之苦自愛者方百計營

脫何以復有營差者就之如館總錄若輩既無功名絆足又鮮身家繫心體藩在前違計利害直質買焉罔所避忌耳顧誰司出納而聽其吞漁至此今後宜

勅各省直司府遇有應解錢糧必擇正途出身官守無玷者方與註差一切猥雜候缺等官不得以情面濫及庶幾人知愛鼎隨到隨輸何至與市棍分肥延挨歲月牽累無已而錢糧迄無歸著乎一責申報凡外解進城必先齋領運原文赴

奏

六三

三

臣署投掛此定例也近則有錢糧到已經年潛伏打點而臣衙門尚未之知者亦有開報在部部已給劄而臣衙門尚未識其人者似此頭尾深藏必至姦弊百出今宜

勅各省直司府遇有起解錢糧必先造冊一本申報巡視衙門內開解員役某某解某庫某項錢糧若干某月日津遣某月日限到備細填註明白如有踰時不來投掛私匿保家申同欺隱者容臣等訪實叅處一則可以免本解之侵延一則

可以清攬歇之寄頓自然款項不錯掛銷如期直截簡易法無踰此者矣一嚴叅送凡錢糧諸弊經臣衙門摘發自叅送而外法無可加然巨姦積猾卽以叅送西曹爲卸已坑人之三窟則法又窮矣皆緣叅送而後本部輒諉爲已釋之擔刑部又病爲舍已之芸繫獄原非正身追比亦屬故事日久事變李代桃僵者往往不少今後宜

奏

六三

三

勅刑部遇有叅送錢糧事件務期與原叅衙門互相查覈刻限完銷更當提比正身禁絕扳累毋使雉橫罹而免狡脫自不愁歸結無日耳一杜需勒凡本色物料之精粗斤兩之完欠必經驗糧驗試二廳逐一過目而後進庫訂期公收所以通內外之關操出納之鍵制恭善也近因功令嚴而查驗之法倍密保無酒而不以爲漿佩而不以爲長高下憑臆所造官胥惟賄是圖者乎列泉獲薪之嘆胡不聞焉今後宜

勅戶工二廳約已以正繩下以嚴毋俾遠方窮解苦

欠數多而完數少百計延捱冀稍寬參處之修耳今據該庫開報見在寄厥實數止於五十六萬有奇而詳覈新舊欠數乃至五十八萬九千七百有奇是所追未償所欠尚未勾十分之五將來若再因循恐秋冬之間仍復零星奏辦亦何能及原派之額乎矧目下警報時聞奴寇竝熾惟此為神器之所必資制敵之所最急萬一各邊申索不已該庫存貯有限爾時將何以應之尤臣等所惴惴不敢即安者也伏祈

奏

六

七

嚴勅該部經承司廳等官務令自認一限設法全完庶從前積逋可清而軍國急需自不至耽誤矣緣係云云謹題請

旨

崇禎九年六月二十九日具

題七月初二日奉

聖旨稍黃急需據稱追寄不及一半且尚未會收經承司廳各官好生玩誤著查明議處仍勒令認限嚴比盡數全完該部知道

典試公疏

奏為闈務已迫路梗堪虞懇祈

聖明俯

准寬期相機前進以完

大典事伏蒙

皇上俞禮臣之請

命臣等前往山左山右典厥試事任至重也臣等奉命以來杜門靜息戒日視途業於本月拾捌玖等日先後

奏

六

七

陛辭隨出

宣武門報國寺歇宿不圖次早警報狎至風鶴相驚九門戒嚴且一時俱閉矣比聞長涿一帶行旅久已斷絕近城四隅虜騎日見縱橫東西兩路阻塞情形徬徨莫測臣等若冒昧長往則王命鄭重難保意外之疎虞若株守不前則入棘有期詎免臨時之耽誤為此進退兩窮寢食俱廢萬不得已籲控於

聖明之前或容臣等寬任幾日看賊勢少緩道路漸

通卽當晝夜趨行兼程前進至試期或改或否

俟入境後同彼處按臣再加商酌補牘上

聞非臣等目前所敢臆斷也伏惟

聖慈鑒察施行臣等不勝悚息待

命之至焉此具本專差義男某齋捧謹具

奏

聞

崇禎九年七月二十二日具

奏二十四日奉

奏牘

卷三

廿九

聖旨禮部看議速奏

原缺

潛伏其中瑕釁多或有生心之姦伺隙而動蜂
螫隱在目前拚飛不屬意外三可慮也已而鄖
陽治臣以流賊志不在撫報湖廣按臣以楚賊
四集報河南按臣又以鄖寇狡合報是三省分
竄之梟狂行且浸浸乎有離而再合合而共逞
之勢矣繇是而長驅南下則斬黃舒皖其向所
闌入之故道也繇是而臨河窺渡則曹單清濟
其素所垂涎之奧區也繇是而汝漢內外聯絡
響應則宛葉唐鄧無一非糜與豕突之場也矧

未廣

六六

二

目前中土情勢更異平時肘腋之伏莽堪虞道
路之流言可畏外警日見倥匆內憂兼多叵測
揆今之計何以扼賊之要害而俾之聲息不復
通何以固我之隄防而俾之掠食無所得何以
處新撫之劇盜永消反側於無形何以寢旁伺
之邪謀暗受啣勒而不覺雖截剿在流而所備
不止一流雖綏戢在土而所防不唯一土此在
理臣下車之始必有一段周心密畫動出萬全
諒無俟臣言喋喋也更望

嚴綸隨時傳飭其於彈壓消弭之理思過半矣臣不

勝激切待

命之至緣係云云謹題請

旨

崇禎九年十月二十八日具

題十一月初一日奉

聖旨奏內剿撫事宜已有屢旨了該部知道

未廣

六六

一

兵科都給事中
等謹

題為核法科役私匿

紅本謹據實

題參仰祈

勅下嚴究事臣等辦事本科有管本吏丁選突出稟

詞一紙稟稱有貼役王鼎向因大膽悞公悞選

叱逐畜仇盜出

紅本聲揚陷害理合稟明以杜後累等因據此臣

等不勝駭異隨查追原本閱之乃係中西二協

奏牘

卷四

四

監臣鄧希詔為哨探事一疏去年七月十五日

奉

旨發下臣科者也即將此本封貯在科票拘王鼎送

中兵馬司羈候仰聽

明旨處分外該臣等看得垣規最為嚴遠

紅門以內外人不得擅入

紅門以外片紙不得擅出相沿為例恪守非一日

矣况臣科事體更與別科不同一切章奏強半

有關機密尤當謹藏固屬萬分愆慎者乎何物

王鼎輒敢以私忿生端希圖報復公然盜出聲

言害人閔不畏法一至於此繩以三尺百喙奚

辭至若管本吏丁選始而在其藏匿不能預先

覺察既而按期繳本又不能仔細簡查萬一找

尋弗獲此本竟歸烏有誰任疎縱之咎均應

勅下刑部按法究擬以儆將來者也再詔去年下半

年之本業於本年六月內臣義渠未任以前盡

數造冊進繳矣而此旁逸之一本現貯在科義

無所附應否延至歲終候齊彙繳或另具本封

奏牘

卷四

五

進統俟

聖明裁奪施行臣等不勝惶悚待

命之至緣係云云謹題請

旨

崇禎九年十一月三十日具

題十二月初三日奉

聖旨王鼎丁選著刑部究擬所獲紅本候年終彙繳

時另開明封進前此經管科臣何無覺察併着查

明具奏該衙門知道

兵科都給事中臣凌義渠謹

題為楚寇毒焰愈張鎮臣暮氣難鼓謹循職糾叅

懇祈

聖明速賜處分以拯一方焚溺事賊於今年二月內

蹂羊皮灘南渡入楚盤踞不散自春歷夏背秋

涉冬閱時不為不久矣夫且倚襄漳為囑窟假

棗隨諸旁邑為行館馬足所向到處供其吞嚼

掠地不為不廣矣以至昨宇今燼朝人暮屍萬

井惟見寒煙燬官鞠為茂草耶襄兩郡竟無一

奏

奏

奏

士應試者情景不為不慘矣問誰將中軍而繫

安危之命者則鎮臣秦翼明也問誰置安危度

外而但侈軍容作好者亦此鎮臣秦翼明也當

治臣首倡撫議鎮臣從而和之曰撫所為撫之

成効何若固已委關廂為寇資辱命吏於賊手

矣繼知撫不足恃治臣方變計言剿鎮臣亦漫

應之曰剿所為剿之實著安在仍是諱失事為

無事飾尾逐為窮追而已賊欲東則聽之東賊

欲西則聽之西送往勞來此散彼聚總不離楚

之封內任載道之瑣尾流離而目如不見任老

幼之呼天捨地而耳如不聞任盈城盈野之漂

血僵屍而念不一動鎮臣獨何心歟前者按臣

余應桂闖賊掠倦將還一疏若諷若糾已見其

大端矣而語似有所未盡豈目覩其跋扈而不

敢盡言抑尚冀其改圖而不忍盡言耶夫驕蹇

跋扈乃近日大帥之恒態雖至庸至懦者亦饒

為之鎮臣無足惟也惟是以改圖望之以後効

期之則全楚士民雲霓之盼盼業已非一朝夕

奏

奏

奏

矣即

明旨屢以殄掃責成亦不啻再三嚴飭矣而泄沓如

故冥頑如故豈非其氣已竭勢不能以復盈其

志已倦力不堪以再鼓雖有鞭箠終無所施亦

且奈之何哉伏祈

皇上及早處分另

簡威望素著者星馳往代庶荆襄不遺不至盡飽賊

腹而地方或漸可收拾乎乃若治臣苗胙土者

物議久騰糾彈洊及短長自可概見舉動已覺

不光更何顏立軍民之上壯壁壘之觀惟有勒
令解任爲從新整頓之計若待潰裂已甚而始
議更張晚矣統惟

聖明裁決臣不勝激切待

命之至緣係云云謹題請

旨

崇禎九年十二月初四日具

題初六日奉

聖旨該部一併看議速奏

奏牘

奏日

八

兵科都給事中臣凌義渠等謹

題爲遵

旨查明具奏事臣等於十一月三十日具有葭法科
後一疏奉

聖旨王鼎丁選著刑部究擬所獲紅本候年終彙繳
時另開明封進前此經管科臣何無覺察併著查
明具奏該衙門知道欽此臣等捧誦

嚴綸不勝震越緣此事在臣義渠未任以前一時不
能悉其顛末因與同官反覆推詳乃知此監臣

奏牘

奏日

元

鄧希詔之疏於去年七月十五日亥時接到次
日午時抄發過部隨將原本收貯在科爾時並
未有疎失之事也自貼寫王鼎十月初二日進
科承後次年四月內與丁選角口逐出而懷忿
蓄怨遂作此匿本之姦弊矣在臣科每日輪有
守科官一員管理一切章奏更番相代日夕啓
處不離垣內本等職掌向來相沿無誤惟是此
番盜匿原非門外之人卽出經承之手無意之
收藏豈能當有心之窺竊兼之正抄之後復有

應發別科之外抄應登本科之錄書騰寫不止
一人傳送非復一次此守科者所以不能覺察
也再查進繳日期則在本年六月二十四日維
時警報狎至章奏浩繁諸臣夙夜看詳結搆未
遑不及按冊磨對以致踈於覺察或亦職此之
故耳臣義渠奉有查明之
旨不敢憑臆揣度細詢前此在事諸臣以為先後情
節實實如此非有他也謹據實奏
聞伏惟

奏

奏

聖明鑒察臣等無任屏息待
命之至緣係云云謹題請
旨

崇禎九年十二月初十日具

題十五日奉

聖旨科臣輪管章奏自應詳查豈得以浩繁踈於覺
察本當議處姑不究該部知道

兵科都給事中臣凌義渠等謹

題為章奏有關緊密部覆不宜延緩請

旨勒定期務俾畫一遵守免致事機耽悞事臣等

於本月初九日辦事本科內閣送到

上傳昨遼撫方一藻奏逆奴越攻屬國等事奉旨看

議速奏如何不見奏來卿等傳與該衙門知道欽

此欽遵即同該部於次早議奏不敢再稽

成命外臣等伏思事關虜情邊報安危介在呼吸即

隨到隨覆隨覆隨下比馳赴行間實實奉行已

奏

奏

不免少需時日後人一籌矣况敢泄泄從事乎

惟是看議一節就內有不得不密之情勢有不

容不酌之機宜往復躊躇要於萬分妥確在該

部誠不厭詳慎其如緊密重情不能時刻就待

何也臣等實為此懼特請

旨嚴飭今後

御前發下

紅本內有速奏字而者該部接到一面看詳一面

具稿縱有疑難事情多費商酌亦不得過三日

題覆此外凡係奉

旨本章有速奏字面者該部亦應上緊料理權其難
易重輕先後題覆遲者禁不得過十日如此認
定期限庶臣科便於責成而該部亦知所遵守
總期彼此無誤以寔罪戾萬一而已雖臣科抄
發之時卽於抄內填註某日完銷刻期爲限原
自未嘗少寬但未經

宸斷仍屬游移雖終日督催嚴行查覈無濟也蓋樞
務與他務不同密封又與露封有別慮事固在

奏續

六日

二

周詳而決機尤貴迅疾不得不如此嚴緊耳臣
等曷勝虔悚待

命之至緣係云云謹題請

旨

崇禎九年十二月十二日具

題十四日奉

聖旨這速奏題覆勒定期限以便責成依議如有違
延該科卽行參處該部知道

兵科都給事中臣凌義渠謹

題爲剿寇貴在乘時謀

國必期共濟一切兵餉事宜乞

勅該部從長合算確實商酌毋徒互相延諉致封疆
日壞一日事竊惟內地之寇禍未殄必無全力
以及奴兵食之呼應不靈更無奇術以制寇坐
困之道也意在圖奴莫如及時剿寇意在剿寇
惟有實求兵食又不易之經也卽使管葛運籌
於上孫吳韓白宣力於下問兵而大司馬無以

奏續

卷四

三

應問餉而大司農無以應亦終不免智盡能索
無以得志於天下而况其他乎譬諸治室者意
匠日費經營規模業已夙具而不得材料以供
其短長之用雖般倭運斤公輸削墨而坐待竹
苞松茂之落成亦安可冀矣實心做事者往往
不得一實實下手之處何以異是頃臣看詳督
臣洪承疇流賊機有可乘一疏而不覺蹶然以
起焦然以思也據其揣賊勢之分合審我兵之
多寡聯絡布置次第不爽行間情形似歷歷繪

之紙上矣雖語語增兵而實非必不可調之兵
雖字字添餉而原非萬難措處之餉竊幸合剿
既饒成畫督撫兼有同心姑先結秦中之局以
漸及豫楚全視此一番大舉耳第恐該部奉有
酌議速覆之

旨未免仍以添餉增兵為目前難應之著僅僅如前
疏套覆塞責坐使驅馳行間出入危地者望眼
幾穿壯心欲絕於謹視出納則得矣其如封疆
大計何哉矧以臣所聞秦中近狀更多隱憂始

也賊脅民以不得不從今則燬燼之餘災荒游
至民亦自為賊矣始也兵借賊為資生活計今
則額餉現缺脫巾可虞兵又將為賊矣若日延
一日內

延漫無照應外吏憑何料理將來糜爛之禍更有
不忍言者爾時始効秦庭之哭亦何及乎臣非
不知襟肘畢露之時計臣束手攢眉點金無術
但事當權其所急謀當策其可久今日墮一城
明日掠一堡齋盜之糧視餉兵之費孰少孰多

今歲給若干明歲給若干零星湊辦較轉輸不
絕者孰廉孰詘當不待智者始見也臣職掌所
關義難膜視敢不避煩聒代為籲

請伏祈

勅下戶兵二部務將督臣原疏細細商酌就內兵餉
事宜可行者隨與覆行即難措者亦多方措給
庶秦局得以早結而殘疆可漸次收拾矣臣不
勝激切待

命之至緣係云云謹題請

旨

未日

崇禎九年十二月十八日具

題二十日奉

聖旨這本說的是著戶兵二部商酌確議速覆

兵科都給事中臣凌義渠謹

題為狡賊分路東犯江淮所在單虛直陳目前一

無可恃情形仰祈

聖鑒事自乙亥之春鳳郡失事以來江北一帶無歲

不經蹂躪茲兩路突犯見於撫臣朱大典之疏

者已及月餘嗣後又不知作何情狀矣疏內防

剿調援事宜業經該部議奏奉

旨一一報可無庸再贅唯是揣時量勢斷非僅脩一

二防援故事遂可恃以無恐者謹據目前危形

未廣

六

為

皇上陳之鳳廬諸郡縣屢遭殘劫流移復業曾幾何

時驚魂甫定風鶴猶存猝聞警報再至有不抱

頭分竄者亦鮮矣雖總鎮楊御蕃儼然一方旗

鼓然兵單餉薄殫其全力恐

陵漕尚不及兼顧而何有於百萬之生齒此鳳廬一無

可恃之危形也維揚號繁華樂地財賦輿區最

為賊所垂涎兩度震號全賴道臣鄭二陽拮据

綱繆不遺餘力僅乃保全無恙今時異勢殊人

無固志一切防守已視前多一牽掣矣淮上係
該撫建牙巨鎮賊果趨鳳泗勢不得不移鎮以
護

陵見在道臣劉若金又以被劾解任不知此重地竟付

何人之手此淮揚一無可恃之危形也欲固守

陪京惟有扼防江上乃江之永矣賊飄忽靡恒

狠于無所不窺我兵力有限窘于無所不備采

石可渡濡須可渡烏江可渡皖城可渡其他淺

隘易渡處更難縷指能一一置鏡設械密匝廣

未廣

六

布使飛鳥不得過乎儻一隙踈放而上下之守

禦全虛矣此沿江一無可恃之危形也南庚屢

告匱詘今視昔不加盈南樞素號單脆今視昔

不加勁兼聞新募多兵半屬西人保無賊謀闖

入且避地者源源而來流寓數倍土著若縱一

賊渡江誰為嬰城共守効死勿去此留都一無

可恃之危形也目前所恃者惟理臣一旅及淮

撫標下兵數千耳但前此總理一官為行間之

臣今以總理兼豫撫是行間而復任守土之責

矣江北告急責以星馳協剿楚中告急亦責以星馳會剿理臣一人能分身以赴乎矧豫中賊勢原未嘗少殺理臣能越信地一步乎淮撫以前車為戒精神命脉全注鳳泗

二陵見在視賊所向提兵堵截出奇奮剿畢竟應屬何人此不容不亟議者也浙兵三千調防泗州矣江南兵調防浦六矣留都兵進扼江北矣調度不出於一則參差觀望仍犯兵家躊躇鷹行之忌更須得一大帥統率而聯絡之聞楊御蕃平

奏稿

時坐鎮有餘臨敵應變不足且日圖規卸無復振起之勢矣牟文綬留鳳協防或稍藉其一臂若責之滿肩此擔果能勝任愉快否此不容不亟議者也操臣此際斷不宜株守一城當日逐往來江滸一以壯北岸聲援一以固南岸壁壘庶幾事事周防萬無蹉跌若應撫具有同車共載之誼應否視賊信緩急移駐適中要地此又不容不亟議者也數日來道路傳聞叵測竟不得淮撫一報殊切憂惶或為賊勢少緩姑爾徐

徐或緣賊氛正熾郵筒中斷俱不可知總期於一無可恃中稍圖靠實救急之著區區管見如斯而已伏祈

皇上勅部酌議施行臣無任激切待

命之至緣係云云謹題請

旨

崇禎九年十二月二十七日具

題二十九日奉

聖旨該部看議速奏

兵科都給事中臣凌義渠謹

題爲人才保任實難武途尤自不易謹就驗期不報之因酌陳經久可行之法以備

採擇事我

皇上俞臺臣郝晉之請著在京在外各官保舉將材依限彙報聽該部覈驗具奏該部隨發單諮訪既數月矣竊思以式蛙而駿之深情寓風起雲揚之遠畧意未嘗不善法未嘗不具然而數月以來應者寥寥諸臣相顧囁嚅彼此觀望不卽

六月

六日

開列報部者豈真故意延諉哉請得而言其故蓋瑣弁最號猥雜債帥尤難作緣文武兩途久成隔絕何繇悉其人之技勇膽智卽能悉其人之技勇膽智亦何從審其本體之貞邪操心之誠詐與夫初終內外之毫髮不爽夫名聞若李陵宿望如哥舒翰猶不能保其前後不兩截而何有於今之韎韐者流乎誠欲一一而責券目前連坐異日將涉筆已不免戒心矣至若人心不同有如其面妄庸人坐作聲價輒以管樂自

奏牘

六月

二

居在豎子奮臂請纓公然韜鈴在握無識者將顯受其欺而無品者又或陰中其餌正使繳單到部纍纍多人恐亦如陶犬瓦雞仍無禪鳴吠之用當事者更難下手耳矧近來獷悍黷凌武人習慣成性平時無階可達猶且借端生心此日薦冊列名誰其俛首靜聽勢必日聚司馬之堂環噪職方之門妄覲躡陞希求大用不知爾時該部將何以處之殊非所以平人情而肅政體也夫強之以必舉則舉主之精神不揚舉而不必可用則一番之諮訪虛設數月以來應者寥寥諸臣或亦慮及此而不得不如是詳慎耳臣愚以爲欲求經久可行莫如就原議之中畧商變通之法計見在地方共事悉其技勇膽智并其立心制行者惟督撫與道府各官則何如責其不事粉飾實實填註履歷事蹟每歲揭送數人聽該部覈驗拔其尤者用之較爲親切簡便差免營倖濫徇之弊若在內各官果有曠代軼才閑廢日久或一長一藝得之見聞最真者

許不時開送過部無者已之如此不限人以所

舉更不強人以必舉庶有聞必報有報必確自

不至苟焉以充數而一時赴桓之選無難羅致

當不愁結網之疎矣伏惟

聖明採擇施行臣不勝悚息待

命之至緣係云云謹題請

旨

崇禎九年十二月二十九日具

題崇禎十年正月初四日奉

聖旨該部看議具奏

兵科都給事中臣凌義渠謹

題為民訛有因亂萌宜杜乞

勅在事諸臣密速相機收拾以安

畿輔重地事旬日以來民間相驚以為虜至近畿

一帶奔竄載路自

聖諭頒布之後人心始稍稍靜貼如嚙者得醒撼者

得寧然窮鄉僻塢文告不及尚未能一一通曉

也揆厥所繇其為奸人簞弄無疑若止就目前

禁戢安撫誠有何難難在阻遏邪謀得其要領

奏

未

三

永絕後患耳夫去臘二十二日固關槐樹舖不

已有三百餘寇失事之報乎寇至合夥三百不

為不多公然與官兵對射不為不狠平時團聚

何地掠食何方遁歸何所當亦無難踪跡者何

州縣將領等官槩未之察也微聞邊塞險隘之

處近郊廣莫之野椎埋剽劫實繁有徒官司習

為姑息鄉民不敢忤視者業非一日矣雖三輔

劇盜五陵大俠承平無事時亦往往有之然不

過關鷄鳴鞠禦人國門暮夜驍桀自雄耳古人

所謂不置此輩何以爲京都似未足爲

盛世界也惟是今時爲奴寇交訌之時人人處破屋
漏舟之內萬一瞰我多事逞彼狂心內而蝸蟻
沸羹外而勾連煽誘爲害不細卧榻之畔誰堪
此耽耽者環伺而狎處耶誠圖所以收拾之法
非剿撫竝用以速其解散卽奇正間出以善其
招徠計曾輩所共推爲雄長者不過一二饒有
膂力小具智謀者耳我因之先事周防多方偵
緝如疾霆迅擊耳不及掩縛一二魁岸者而凡

奏牘

卷四

十四

百夥黨舉若繫其手足奔駢恐後不勞餘力矣
是固收拾一法也從來草竊中原不乏才傑第
在乘其欲動未動時令機辯多智者物色之或
以富貴餌其心或以利害攝其氣安見歸正之
盜賊不猶愈齷齪之庸流勇決敢戰者藉以備
將材弓馬熟練者留以實行伍不言解散而解
散在其中矣是又收拾一法也要在督撫道鎮
諸臣出其才誠膽智實實令若輩投戈卸甲刻
刻爲地方禦災捍患而已若單靠兵力將合攻

而聚斂之至恐根株未必得淨徒成烏驚獸駭

之勢亦非所以奠郊圻而安反側也伏惟

聖明勅下密速施行緣係云云謹題請

旨

崇禎十年正月十一日具

題十三日奉

聖旨奏內事情已有諭旨了該部知道

奏牘

卷四

十五

兵科都給事中臣凌義渠謹

題為登島謀報全疎犯鮮仍無的據乞

嚴勅該鎮遠哨確偵務悉屬國情形以便出奇援剿
事自去秋奴衆遁歸未幾即有謀犯高麗之說
傳播遠近大都得之回鄉口供登島兩鎮未見
具一塘報也入春以來皆言犯鮮失利奴衆未
還亦大都得之回鄉口供登島兩鎮猶未見具
一塘報也

朝廷歲費數十萬金錢接濟兩鎮意在牽搗奴巢聯
絡屬國為何便進取計期望甚厚即沈世魁陳

洪範二鎮臣雅以圖奴自命志大氣雄高瞻儕
輩業有年矣旁觀揣摩咸以茫茫大海總屬蒲
風架虛之局可有可無臣竊謂搗剿則不足偵
探或有餘未必如外人所云耳今且併偵探而
無之又安望奮銳扼奇資一臂之用殊不得其
解也夫使奴力足以困鮮計此時鮮之君臣不
啻泥中中露孰為通一線聲援拱手出之者舍
二鎮更倚何人即或

天厭厥惡胡運將終果如近日李友功所供奴反受
制於鮮亦宜趁此師老食盡之時合力攻取迭
出乘救俾之四面受敵用以除兇雪憤皆二鎮
分內事也若只如目前聲息不屬哨探無聞憑
何得其要領而惟我擒縱也哉則有為之說者
曰鮮未嘗告急於我奴憤聲東擊西犯搶之說
終屬未確果爾則二鎮豈不知之何不以謀報
之有無虜情之真偽鑿鑿據實上

聞而寂不一應也豈屬國明知二鎮不足恃雖望援
情急而故不遣相聞乎抑該鎮憚于出海兼懼
嚴命責成及身即時有所聞而匿不以報乎揣情量
勢二端俱不可知獨恨以如許關切封疆之大
事僅憑一二回鄉難民說鬼說夢急則四顧張
皇緩則處堂暇豫邊政如此緩急其何賴焉伏
乞
皇上嚴勅登島二鎮臣詰以屢奉確探馳奏之
旨何故稽時不報併詰此時奴孽現在何處海藩已
作何狀務令一一聲說明白而我果有密謀秘

算乃可因而用也臣不勝悚切待

命之至緣係云云謹題請

旨

崇禎十年二月十三日具

題十五日奉

聖旨逆奴窺鮮實耗沈世魁陳洪範竝未見奏聞何
辭玩泄著遵旨確偵飛報併奮銳設奇協援屬國
務伐狡謀不得延諉取咎該部再星速馳飭

兵科都給事中臣凌義渠謹

題爲圖奴固在先著制勝尤貴萬全乞

勅該撫確酌目前機宜徐審彼已情勢以奏奇捷事

臣昨接遼撫方一藻塘報云逆奴越攻高麗內
勢稍虛近報六酋領精兵二千住牧養善木地
方雖係設防顯有突我近邊詭態該本部院密
會總監併鎮道桃選關外馬步戰兵暨監標親
丁約一萬八千人選於本月十二日統領出邊
從義州赴養善木三岔河等處相機擄剿俟有

接戰斬獲情形另行馳報等情臣且望且戒躊
躇再三未嘗不壯該撫策奴之專圖功之銳而
竊意奴間可乘邊臣必自有真見也豈以犯鮮
圍困之報得之回鄉口供者爲確據乎柳寧前
密遞奴窟聲信易達該撫遠偵密探別有出口
供之外者乎夫奴之器甲不爲不精奴之糧糗
不爲不備奴之用兵不爲不久矣二十年以來
攻城畧地所向如意往往亦不虛發豈有積歲
月精神傾國以攻遠而不謀自固不圖必勝之

理卽或偶有挫敗何至斷絕聲援進退狼狽如所傳砲傷多人餓死大半者亦太失實矣且旣云各酋差達子八名回家報信夫報信者可以出豈策應者不可以入也海上二帥每侈口牽搗爲功如奴困之說果真則將誇詡舖張之不暇豈應寂寂乃爾意者百虛不掩一實猶未敢捏題飾報乎此回鄉之不足憑路人知之

聖明蚤已洞見之矣大抵奴情最狡未必不將奮而且伏未必不佯敗以圖成而奴謀實繁有時蔽

奏

奏

計

危語以搖我人心亦有時假寬言以弛我邊備所恃遼撫平日持重有餘一時總監鎮道諸臣率能先幾料敵萬不至墮彼雲霧中耳惟是據目前發兵搗剿之塘報業已成師而出行有日矣主客雖不至倒持而勝負尚兩懸未定必灼見奴之精銳現聚何處奴之要害防守何人外犯之消息有無利鈍內保之情形果否虛實一一握算指掌中而後可長驅以薄其深巢可扼險以掩其歸路若猶未也無輕進可也問所挑

選馬步兵若干果皆裨堅席銳一以當十克與奴相當乎問從征大小諸將領果皆如雲如雨用正用奇力足制奴死命乎夫然則以二萬衆東衝西突橫行虜中何所不得志若猶未也無浪戰可也塞外林箐深茂山谿險峻之處最易設伏布械奴以此誘我使入而坑我使不得出非一次矣必也步步進發再加步步回顧庶幾此一萬八千人首尾聯絡進可以直往無前退亦不至自投絕地若猶未也無深入可也雖烈

奏

奏

計

士志切吞胡義無反顧關帥受命專征權不中制臣何敢以書生管見妄談軍旅遙揣事機獨念知懼好謀之恒言未始非九地九天之秘策總期萬分愷慎萬分穩當成該撫刻刻圖奴之素志以仰紓

宵旰萬一而已統惟

皇上睿速傳飭施行臣不勝悚息待命之至緣係云云謹題請

旨

崇禎十年二月十五日具

題十六日奉

聖旨已有旨了這本揣度賊情及確酌機宜制勝萬全說得是該部一併馳飭

兵科等衙門都給事中等官 臣凌毅渠等謹

奏為瀝陳東閣臨期換卷事情懇祈

明勅部一併着議事頃見禮部等衙門一疏為磨

勘試卷等事疏內摘及寧之鳳一卷係臣義渠

同部臣陳組綬典試山左時所取士也業奉

旨罰停一科仍俟覆試奏奪臣等亦見在分別議奏

自應屏息靜聽何庸更贅一詞唯是關中當日

一段情事有部科所未及悉者不得不瀝臆為

皇上陳之查東省歷科解額聖裔恒居其二而宗生

無一焉近始

題准宗生聖裔各拔一人外簾隨編示字耳字兩

號以為別識俾臣等暨同考諸臣率履無越至

慎密也猶記去歲九月五日之晚閱卷已畢齊

集公堂拆號填榜填至六十一名則有春秋房

第五卷孔尚科者監臨臣倪于義查對號簿因

向臣等言曰此卷係四氏學何故號吏失編耳

字且前已裁中四氏學一名矣豈容更添一名

此卷應換臣等相領咨嗟頗惜尚科本以無意

得收反緣四氏黜落然林于

功令無可如何只得就所貯春秋各副卷覆閱之

大都瑕瑜雜出率難入彀惟寧之鳳一卷詞理

平明較它卷差勝按臣亦以為然遂舉筆同部

臣更定此之鳳以副改正之緣繇也至中多訛

字表韻欠調委因子夜匆促燈下不及致詳且

副卷寥寥一時實難求備臣等心眼之疎拙萬

不能辭而情則或有可原耳臣因是而不勝才

難之嘆也就閣中目力之所及有理無疵謬而

宋三

偏縮于才情有才儘縱橫而未嫻于步驟有首

義可觀而七義不盡滿志有前場入格而後場

多半空疎蓋至一駁再駁而各房之筆墨徒勞

強之覆按互按而主司之願力已竭雖復黽勉

報竣種種殊未憚心何待部科叅勘方知內訟

茲特就之鳳裁中一節拈出以明疎誤之有因

若云鹵莽從事恐辜實與

鉅典臣等萬萬不敢也應否原情免議統惟

聖慈鑒察施行臣等無任惶悚隕越之至為此具本

謹具奏

聞

崇禎十年二月十九日具

奏二十二日奉

聖旨該部一併看議具奏

兵科都給事中 臣 凌義渠謹

題爲屬國危形已見登島時刻宜防乞

勅該撫鎮道諸臣多方偵哨一面整棚務期事事周備實堪扼禦免致臨警張皇事兩月之內接獲回鄉無虛日口供奴困無異詞臣竊謂就內顯有狡謀未足憑信隨具疏入

告今不幸言而中矣節據登萊撫鎮及關寧總監諸塘報有云攻鮮甚急國王已避居山城者有云奴慙差馬兵達子二百名馱高麗物件到瀋陽

送信稱說城池已得者有云北老岸一帶地面火光連天不絕者似此緊報狎至鮮之孤危不帝劇於累卵茲已隔兩月音耗杳然存亡未卜大可寒心夫以鮮之介在諸夷從來恪守藩規恭順勿替枝葉雖弱根本未虧初無自取滅亡之理或者

彼蒼憐其窮而嘿佑之是未可知耳若單靠人事百無一濟奴方如封豕長蛇薦食無厭將不擇肉而噬其何力之能撐也哉臣等望該部諸臣雖

復竭慮殫思刻刻在念除兩鎮出海聲援外別

無救急之奇著除關寧發兵搗剿外別無牽掣之全力惟有遙睇千百年箕子之舊封目斷神搖美好音於萬一而已雖然此猶以屬國言也若使奴果得志我居我圍剝床以膚殆又甚焉夫近不已輟推去高麗馬頭船隻二三百號乎不又報來瀋陽調木匠往高麗地方造船乎聞麗船實大且堅航海最便奴猶以爲未足調匠製造意欲何爲蓋孔耿尚諸叛逆慣習海道耽

耽窺渡不肖頃更忘我者有年矣萬一乘海邦潰敗之餘捲甲西向併島衆捲而有之既易藉奴聲援而復不受奴鈴束因之假竊名號夜郎自雄未必非諸叛意中事也奴頗識兵機或卽因以爲利聽諸叛逆自相雄長分踞各島一則迭出以擾我沿海諸郡縣而我困一則間出以窺我津門梗我運道而我益困自此咽喉要地疲於奔命騷然無安堵之日矣未必非賊奴意中事也故昔年之登鎮無關緩急今日之登鎮

實繫安危若僅如從前養尊席豫汎汎悠悠擁
牙纛之虛名鮮控禦之實著幾何不敗乃公事
而貽禍無窮也哉伏乞

嚴勅該鎮文武在事諸臣日夜講求兵食至計期於
徹底更新蚤晚偵伺海外情形不時密切馳報
更與島帥聯成一氣務令彼此聲勢實足相倚
毋徒恃大海為塹妄揣奴眾不利舟楫致有意
外弛誤也臣曷勝虔悚待

命之至緣係云云謹題請

奏

崇禎十年二月二十日具

題二十二日奉

聖旨奏內事情已有諭旨了兵部速行馳飭仍著該
監撫鎮確偵海外情形不時飛報

兵科都給事中 凌義渠謹

題為援鮮屢屢

宸慮登島仍驚虛聲謹就鎮臣近日疏報平心駁叅
仰聽

聖裁事奴賊因鮮之耗偵哨不前情如射覆近始得
回鄉許進才一報無論虛實若何已稱空谷之
音矣據供平壤開城王京盡失國王避居南漢
山城四面受攻樵採路斷情形亦甚岌岌廷臣
相顧徬徨而計無所出不得不望一線聲援于

奏

奏

登島兩鎮者勢也夫豈不知越海奮剿之難豈

不知二鎮兵力之薄然而事權在握義不得辭

同惡相恤理無可避其濟則

君之靈不濟則盡瘁以報固二鎮身膺重寄勉副簡

書忠於

皇上之職分也彼沈世魁者惟知大聲疾呼罕聞控

禦實著

明旨責以平時自任搗剿何在業已悉其伎倆無庸
贅矣至如陳洪範出海圖奴

皇上不知若何責成該部不知經幾馳飭何故一味
觀望百計延捱直至時迫勢窮不得已而於前
月十六日始報出海也既出海而仍以候風爲
名依然灣泊近岸至今未離登一舍也似此進
退趨趨且前且却何辭諉卸乃近見其援鮮卽
以圖奴一疏仍復滿紙恢張自詡另有作用默
有定著及問所謂秘密作用無過西岸截歸一
著耳夫東岸逼而西岸遙靠東危而靠西穩計
誠得矣獨不念鮮君臣瑣尾之勢叔伯之呼業

奏牘

卷五

不能以旦夕待伺奴歸以施我之截擊而該藩
尚堪收拾乎奴真畏洪範之截擊聲信一布遽
輟數月之長圍而首尾狼顧乎恐鎮臣亦不能
自認有此力量也又見其塘報夷情一揭大率
本沈世魁所接回鄉之口供而語微有異云奴
沿途無所掠雖圍困山城不能攻尅被傷頗多
恐難久住又云三百達子進王京迫脅國王相
講一夜盡被哄醉打殺只一心舉國精兵與奴
相抗等情臣以爲必非許進才原供口詞乃洪

範添入此一段以見該藩目前尚可支吾姑且
遲遲其行爲自己觀望地耳其用意儘巧將不
畏識者見其肺肝耶嗟嗟屬國所望于我者不
過關寧與登島兩路耳今關寧出塞之舉僅以
數級侈犁掃之奇績該鎮出海之行又以邀歸
飾牽搗之虛聲坐使狂噬者兇焰愈張望援者
斂手就斃屬國則已矣其如我邊計何哉臣所
爲感憤太息而不能已者也再照東島孤懸
海外十數年以來保聚日衆輪輓維艱何來原

奏牘

卷五

少本色有無貿易一切仰給于鮮今鮮路阻絕
海禁更嚴島衆嗷嗷何所恃以續命不惟外侮
宜防兼且內潰堪慮是又在該撫鎮道諸臣審
處熟籌多方接濟毋俾失所致意外再生事端
可耳統俟

聖明嚴飭施行臣不勝虔切待
命之至緣係云云謹題請

旨

崇禎十年三月初六日具

題初八日奉

聖旨奏內事情已有旨了其接濟島衆事宜該監撫鎮道速行料理該部知道

兵科都給事中臣凌義渠等謹

奏為遵

旨明白回奏事本月初六日該兵部題為恭報入衛

軍情事初七日奉

聖旨胡舜所統皮兵著即撤回這事情奉旨看議速

覆如何延至旬餘著該司官回奏該科如何不遵

旨參處也著明白奏來欽此臣等恭捧

嚴綸不勝悚惕伏思緊要章奏隨下隨覆者該部之

專司稽覈未完查參前件者臣科之職掌歷來

彼此相守務期敏則有功未嘗敢分毫寬假也

惟是皮兵撤回一案事情關係重大臣義渠曾

與部臣王陞面商部臣以皮勢單虛則應撤楚

寇方急則應留事持兩端擬議尚在未定為辭

臣姑聽之即臣士楷見管本科註銷亦屢向經

承書役詰以此疏何故不覆該役復以一面具

稿為辭士楷亦姑聽之不覺日延一日轉瞬倏

已旬餘矣臣科與該部事事相關實見職方一

司題覆浩繁拮据無暇或心力有限料理不

逮則有之初非敢於玩泄故意延捱者苟未至十分耽誤臣等止有嚴行督催不欲輒形章奏以博風力其本願也至江撫解學龍此疏原係吏科送到外抄抄發在前月二十四日題覆在本月初六日視臣等向所酌

請十日之限僅踰一日遂妄意可邀

寬恩倖免

欽駁以此不及遵

旨參處臣愚則安所逃罪乎唯有束身席藜仰冀

未庸

六三

高厚於萬一而已此後容臣等即將每日奉有速奏

速覆字面之

旨隨時粘出另置一簿責臣科輪管註銷者按日查

催已覆未覆併責該部五日一報儻有稽延立

行參奏斷不敢少寬時日再干

嚴譴也臣等無任戰慄待

命之至爲此具本謹具奏

聞

崇禎十年三月初十日具

題十五日奉

聖旨處兵議撤係緊要軍情該部玩泄卽應遵旨糾參何得以擬議未定爲詞凌義渠鄒士楷著各罰俸五箇月張第元等姑免究該部知道

奏牘

六三

○兵科都給事中臣凌義渠謹

題為遵

旨查明紅本封進事臣於本月二十四日遵

旨卽將原叙勇一營副將孫應元紅本封進二十六

日奉

聖旨孫應元辭疏內稱世職這紅本係是加級且奉

旨月日俱屬不伴還著查明封進欽此欽遵臣再

查得兵部左侍郎暫署部事王業浩題為襲替

復職併職陞職授職優給事

奏

奏

奏

紅本一本內併職世襲欵內有孫應元姓名於本

月十三日奉

旨與前月日相符理合謹封進

覽該臣竊於此案不能無疑焉查職方司題叙孫應

元原疏奉有

明旨止云孫應元加實授一級署銜一級並無世襲

字面乃武選司突於襲職替職類題疏內將孫

應元插入併職世襲一欵隨奉

俞旨下部以致本弁具疏控辭二司就內參差情形

殊不可曉緣前

旨止取題叙原疏兩疏未敢一時並

進今奉

旨再查相應據實

題參伏祈

皇上勅部回奏施行緣係云云謹題請

旨

崇禎十年三月二十七日具

題四月初一日奉

聖旨孫應元題敘奉旨原止加級至斬級功次未經

題明如何濶入併職欵內輒擬世襲經承書役著

錦衣衛拿去併紅本內復併陞授諸欵逐一嚴究

情弊速奏仍著該司官回將話來

初一日封發錦衣衛初九日始

發本

兵科都給事中 臣凌義渠謹

題爲大帥縱兵肆毒殊賊聽聞謹循職直糾仰祈
勅下該撫按嚴究確查務得真正兇渠立行正法以
肅軍紀以全民命事臣觀自有流寇以來徵調
不一處悉索無虛日斬馘屢聞而卒未收蕩平
之效者無他故將悍兵驕巧於避賊而勇於掠
民法不行於關外非一朝一夕矣頃者鎮臣左
良玉奉總理調度馳援江北捷報三至理臣咸
稱其功已經奉

旨下部覈敘果真力任協剿實心辦賊可相安於無
言臣方獎成之不暇何忍以意吹求乃若所聞
師行無紀種種暴橫之狀真令人不堪述不
忍聽者謹據實爲

皇上陳之有謂賊分竄潛太山中該撫檄之入山追
剿竟以山險爲辭聽其飽掠狂逸而莫之顧者
有謂其徘徊舒六之間擁婦女稚兒千餘坐食
匝月因河南監軍道臣力促其行始從舒進發
終未躡賊一步者此猶不過逗遛觀望數年來

尾賊之故智無足恠也尤可異者聞其壯丁公
然奪經而扮賊裝蚕食四郊所過赤地矣且沿
途淫掠慘酷異嘗匍匐赴愬者踵相接漕撫以
客兵不便苛索繫置弗問矣如所傳一路排墻
拆屋掠雞豚無算者姑無暇縷指惟是札營之
處方圓數十里婦女悉被姦污有陳文字家妯
娒三人以攢姦而奄奄垂斃者有舒城南關胡
寡婦守節二十餘年突遭點辱蒙羞自縊者離
舒城三十里含塘地方有朱大妻姦畢即死者

似此白晝橫行與賊何異將以所聞爲虛何故
被害多人姓名一一有據果其所聞皆實彼時
主將安在豈真如曠如聾臣固不敢沒其三戰
三捷之功亦何得不列其縱兵殃民之罪是唯
勅下該撫按查審得實即勒該鎮自行挨究務得一
二爲首者立斬以徇旣雪匹婦之冤兼紓萬人
之憤該鎮姑准令圖賊自贖可耳臣因之竊有
懼焉督撫不足以制大帥大帥不足以制偏裨
偏裨不足以制士卒從來致亂之道惟唐季有

之卽今者

聖明在上威斷獨特萬萬無庸過慮然履霜戒心見
微知著亦安可不隄其漸也至如山西總兵王
忠者原以敢戰得名奉

命援豫數月以來堅卧不起理臣頻檄不應業付之
無可如何矣近閱其寧兵久戍思歸一疏若露
若藏始終以兵諱藉口夫使兵果諱而力不能
制是委轡也若志在西歸而陰嗾之使諱是要
挾也有一於此鎮臣其何解焉併祈

奏

卷之三

二八

勅下理臣查勘該鎮近日情形若何果否病非假託
如有一毫出於諉卸要挾必罪無赦飭法紀以
尊

朝廷馭將在此剿寇亦在此矣臣不勝悚惕待

命之至緣係云云謹題請

旨

崇禎十年四月初四日具

題初六日奉

聖旨奏內左良玉縱兵淫掠事情著理臣嚴查據實

具奏王忠已有旨旨該部知道

。兵科都給事中臣凌義渠謹
題爲酌陳海上未盡事宜仰聽

聖裁事據報稱屬藩失守一月有餘矣臣等具有心
胸儻可效一得之愚誰非匿而不吐但安危轉
關甚大布算設策良難就內事理苟非灼見萬
全自不敢以疑殆嘗試因靜聽在外該監撫鎮
之條奏在內該部之議覆亦既密慮周防幾於
無隱不晰矣然而目前非但皮島與屬藩竟成
隔絕之形卽登鎮與皮島亦未見呼應之實沈

奏續

卷五

十

世魁作何防禦陳洪範作何協圖金日觀等多
人作何分布策應大都索之茫茫浩浩中總不
可得而問所謂首尾聯絡隨呼隨應者固如是
乎臣愚每思向來設有此島原未嘗聯之以恩
信繩之以文法不過聽其權藩籬自固覓生計
自活羈縻苟延以成此一旅旣十數年矣今值
此東西難靠孤露無倚之時我不收則奴叛必
起而收之縱奴叛力未及收亦將有潰而折入
之勢目前此五六萬人固我與奴叛共之者也

監臣高起潛因而有撤島之議蓋謂遠鷺必有
近憂分防不如聚守謀未善第以臆見籌
之此五六萬島衆耕牧于斯家室于斯以流寓
而漸成土著業匪一日非若別處戍守之兵可
以調則調可以撤則撤者也萬一安土重遷激
成意外之事驅之從奴速之內叛皆不可知保
聚十數年移徙在一日是豈易爲力哉竊謂如
許重大事情必得一熟諳洞曉之人親往踏勘
纔能悉其要領夫監軍道臣黃孫茂不與陳洪

奏續

卷五

十一

範同報開洋乎孫茂往來海上非復一次似宜
仍令暫住島中一則藉以彈壓未定之風鶴一
則因以撫輯失怙之遺黎俾此五六萬人曉然
知
朝廷刻刻炤管初無擯擲海外之意是固便計也且
兼令道臣熟察該島一切屯守諸務果否永遠
堪行津寧接濟多方果否源源可繼卽自島以
及登幾千里而遙何地最爲險要易于扼防何
法速於郵傳便於直達一一覈實條

奏繪圖上

聞是亦便計也鮮國陪臣

皇上業命禮臣之請著兵部遴委廉能武職導護出

海矣第不知屬藩近日情形果盡飽奴毒人民

城郭蕩然無復餘燼乎抑尚如越之保於會稽

猶存一綫名號乎萬一此數十人者歸無所歸

似宜令島帥伺便安頓陳大義以發其忠憤借

內顧以動其悲思奴婚方熾暫留以繫其心奴

彙可乘密遣以伺其變一切操縱機宜總難預

奏

奏

十三

定即未必能辦沼吳復楚之謀姑試之以覲百

分之一要亦窺間設奇之一端耳統俟

皇上勅部看議施行臣不勝激切待

命之至緣係云云謹題請

旨

崇禎十年四月十九日具

題即日奉

聖旨奏內事宜該部看議速奏

本日亥時封發本科
隨送兵部

兵科都給事中臣凌義渠謹

題為劣弁再干軍紀彈文遂覺不靈謹據實查參

特懇

明旨嚴飭以信賞罰事兵者毒民於險之物所恃以

驅駕一時惟此賞功罰罪兩大柄毫無錯貸耳

臣竊慮武人冥行罔忌即逮繫戍配無虛日尚

未足懲奸頑錮習可復令宜罪者不必罪應處

者不即處乎頃見山西提督署事軍胡承嗣

以貪淫激變被糾見經該撫按提問因憶此一

奏

奏

十三

胡承嗣即臣同官張第元監軍時所叅沿途搶

掠奉

旨從重議處之胡承嗣也據疏列嗜利漁色虐軍霸

娼諸劣狀是即去秋入衛沿途縱掠之故態怙

惡不悛其心杆網於該弁又何誅焉但查奉有

議處之

旨業踰半年仍令統兵行間再致禍延中土似此游

移靡定威斷不行而望軍紀之霜肅秋毫無犯

庸可冀乎近樞臣楊嗣昌條覆安內一疏特拈



賞罰二字為剿寇收功之要著從此不僭不濫
想見鐘鼓一新特祈

天語再行嚴飭以後凡屬議處之弁不論從輕從重
一槩作速處分在內若等待移時在外將瑕釁
立見即以承嗣為前車可也至若寧武逃丁雖
報就撫歸伍尚慮統帥乏人未免耳目無主難
安易動總兵一缺不宜久虛樞臣雅重此選諮
覈自不厭詳但期於目前一二日內即行推補
勒限受事造福巖疆不淺矣俟望

奏牘

卷五

廿四

皇上勅部施行緣係云云謹題請

旨

崇禎十年四月二十二日具

題二十四日奉

聖旨胡承嗣著作速究擬具奏總兵員缺即與推補
該部知道

兵科都給事中臣凌義渠謹

題為東事決裂已甚一誤豈堪再誤事始得緊急
邊情往往捷於閃電間不容瞬在內尚首鼠兩
端在外已蒼黃萬狀不繇人從容打算三思後
行者也即如東島一案不知費幾許筆舌經幾
許商酌粗具頭緒見在谷行而該島失守之塘
報隨至矣據登撫揭稱奴賊水陸夾攻我兵正
在衝打各官搬運家眷上船遂致兵民數萬人
無固志一夕潰散似此狼狽情形竟不知該鎮

奏牘

卷五

廿五

平日料理何事數年來百般接濟倍極艱難一
朝委棄如土畧不及顧亦安用多兵多將為哉
目前惟有扼據石城長山二島為爭先緊著一
則可以壯登鎮之藩籬一則可以聯海哨之聲
息是宜專責陳洪範竭力撐持祛虛聲而圖實
事策後効而贖前愆料該鎮具有心知萬無規
卸畏避之理然而所以守此者亦綦難矣目今
難民紛紛西渡勢不得不加意收撫收撫既衆
勢不得不火食屋居二島幅員幾何糧糗幾何



果堪此纍纍多人結廬聚爨朝斯夕斯永永無恙乎此不可不慮者一也奴既有叛人爲之羽翼復有麗人爲之嚮導伏械布謀自應在在有之設或接渡中間雜一二不可知之人目前卽有意外不可知之事宜就主客良賤擾聚雜處時熟思一清查盤詰之法毋或飼虎傷身延盜入室此不可不慮者二也二島旣屹成要地津寧向來運船當仍如皮島源源接濟不待言矣但奴叛竄身皮島較往時漸逼漸近恐沿海茫茫一帶遊哨聯艘四出兼以深箐僻嶼人跡不到之處奴船尤易伏藏萬一伺我餽運上下阻撓迎風截奪爾時憑誰救護憑誰謀報此不可不慮者三也防海與防陸種種不同全視風信爲疎密我所知者二島牢樅門戶耳儻賊縱一帆所如間道別窺疾於飛鳥該島忙不及應從何措手縱未易施往來邀擊之力令登鎮鞏於萬全亦當做聯絡傳烽之法俾西岸易於設備此不可不慮者四也事急矣今止據臣愚畧陳

奏續

卷五

六

梗概若徐聽部覆恐淹日時懇祈

皇上卽賜裁決

勅下飛檄施行臣不勝惶悚待

命之至緣係云云謹題請

旨

崇禎十年四月二十二日具

題卽日奉

聖旨這專責陳洪範扼守冲島併指陳島中可慮情

形該部酌議速覆東江搬運家眷事情併著該監

奏續

卷五

撫查明具奏 本日亥時封發本科隨送兵

兵科都給事中臣凌義渠謹

題為喧傳亳州兵變聲息近真乞

勅該撫立行解散據實馳

奏事兩日內微聞有亳州兵變一事因未見該撫

按揭報恐屬傳訛適有自河南歸德來者云變

起倉卒居民沿途奔竄州官至被拘執凌辱百

端有薛鄉紳家罹禍最酷雖係往來行言頗似

鑿鑿有據但未知此股叛丁來自何方見統何

將以何故構變目下有無收拾耳維毫介歸鳳

之間輪蹄雜遝商賈輻輳向稱繁庶要區一旦

難自內發蹂躪破壞必有不忍聞者矧流氛相

隔未遠伏莽所在耽耽若不及時解散聽其勾

連煽結豈止荼毒一方臣因是竊嘆師出不以

律未有如今日甚者也數月以來一變於汴城

之焚劫再變於藍田之襲據三變於沙鎮之譁

逃戕掠官民陵侮主帥之事一時遂成見慣操

之過急動輒瞋目語難參之太驕往往不遵調

度是寬與嚴均受其敝居中統馭者亦窮於無

可如何矣今尙未悉該州失事情形若何或始
而被猖旋就招撫地方見在分頭料理以此遲
遲入

告亦未可知但撲蹊宜早不宜遲解關以智不以力

安危緊關只爭呼吸伏乞

勅下該撫相機操縱總期萬分詳慎要於戢兵安民

而止至殺掠分數致變根繇亦應作速查確據

實一一上

聞聽

奏牘

聖明裁奪者也緣係云云謹題請

旨

崇禎十年四月二十四日具

題二十五日奉

聖旨據奏亳州兵變該撫按何未見奏聞領兵何官

激變何因著作速確查馳報該州遐隣豫境著會

同理臣速撥兵將相機剿定毋致蔓延流毒該部

知道

兵科都給事中臣凌義渠謹

題為黔楚警報竝至西南復見兵端乞

勅二省在事諸臣熟審撲剿機宜各求消弭大計毋

或養癰貽患事竊見今天下瘡孔百出東支西

潰覓一塊乾淨土不可得維黔自叛日納款以

來方幸兵民暫時息肩可保幾年無事楚幅員

雖廣僅餘衡永長寶一帶未經寇闢耕鑿依然

庶幾尚稱樂土乃近閱該撫按兩疏黔則以西

日復叛報矣楚亦以零陵等處賊情報矣思十

奏廣

卷三

十

年前

九五日夜焦勞

廟堂不遑盱食填幾兵餉更幾督撫以從事水西

非為此區區一叛孽乎業撲之方揚之日豈宜

復噓之既燼之餘雖各目渙散無統地裂權分

勢不能如往時合謀聚逞屢我西顧然土酋中

潛蓄異謀雄桀自命者不少乘機構擾安能保

其必無是亦黔疆文武將吏不容不及時早計

者大都夷性臣叛靡恒惟恃檢縱在我或窺我

志意倦而徵調艱敢於鴟張豕突則不得不懼

之以兵威或憚我布置密而科牒煩日思解縶

離鞬則不宜驟繩之以漢法或因我豪右奸民

誅求急而驅迫苦一時反側未安則更宜多方

禁戢壹意調和總在督臣朱燮元密察順逆情

繇徐審撫剿大勢毋或行百里而半九十致選

方再生事端重費收拾可也乃若楚省所報土

猺諸零賊誠合數省兵力一舉而殲剿何難難

在地方永保無虞則當進而亟圖根本至計臣

奏廣

卷三

十

愚昔奉

使岷藩湖以南諸郡縣所往來經行之地也見中

多崇山廣澤大盜最易窟藏其荒遠斗絕人跡

不到處即係猺戶地界出沒尤為叵測所賴米

不外散家有餘糧遍地薪蒸無慮不給於用民

未至以饑窘生心耳然而地闊人稀動隔千里

代巡耳目所未周緣此吏治日偷積習難破非

焚尅病民即冗關廢事求一留心地方卓然自

拔民上者亦鮮矣馴至禁約不行獷悍成俗民

間惟力是視私相讐殺者有之官胥苟安且前
城僅不脩器甲朽敝守禦百無一備所過諸郡
縣比比皆是若僥倖無事則已萬一變生意外
以素無善政之官率久失教養之民擁孤城而
派防守張空拳以禦暴客將見不攻自潰何待
大敵臨前臣所謂零寇不足剿本計當亟圖者
非無見也據兩省疏報寇叛等事俱在三月異
地同時賊勢雖各不齊當機總無可忽恐在事
者視爲疥癬末疾便成胸腹隱憂因敢直據所

奏牘

卷三

廿

見布其一得伏惟

聖明俯賜裁察一體申飭施行臣不勝悚惕待
命之至緣係云云謹題請

旨

崇禎十年閏四月初三日具

題初四日奉

聖旨奏內事情俱有旨了據稱湖南各郡縣吏治日
偷備禦全廢該撫按何無查飭還著嚴行督覈不
堪的卽指叅重治不得徇縱貽患該部知道

兵科都給事中臣凌義渠謹

題爲汝宛盜窟悉平殘黎復業伊始若知痛懲既
往亟宜懲飭將來謹就愚見所及酌舉數端以
備

採擇事項者土渠楊四侯馭民郭三海等相繼擒斬
汝宛二郡從此如撥雲覩日一路廓清矣乃節
據前後疏報官兵焚殺賊數不下萬人其投誠
就撫散遣寧家者更不知凡幾也嗟乎始不過
二三十市賸負小小材智雄視儕伍中耳孰聽之

奏牘

卷六

一

盤踞多年糾合多衆一至於此竟不知從前有
地方責者何故一味悠延漫無剿禦任伊縱橫
狂突只如不見不聞繇今追昔能無令人恨恨
幸大慈旣矜良民再甦始知有耕田鑿井之適
父母妻子之懽然臣猶慮害氣散而真氣未還
非事事悉心區畫人人加意綏撫未易旦暮收
拾也謹撮舉懲茲竅要爲

皇上陳之一在課恒業以固根本

朝廷畫界分民無論君子小人各有本等職業自遊

手開漢多而地方始脊脊多故要知人各謀其事志自無暇他管苟盡失其業勢必至於聚逞此其大較也臣聞賊夥黨實繁自生員以及諸雜色人無一不備豈非失業卽失身之明券乎今宜

勅下該有司乘此痛定思痛時廣曉諭嚴禁約必使父誠子而兄勸弟驅游惰爲劬勤扼鬻亂爲恩朴毋得如從前借備寇名色私創營寨矜語遊俠妄覬非分而捐本等職業以從之復釀意外

奏續

卷六

二

弊端也一在慎舉動以厭衆心古良牧能馴及異類何有於弄兵之赤子惟向來官司德旣未足格民力復不能制暴二三強梗孰肯俯首受其驅迫因而公然囑負戍兩不相下之勢自侮人侮又何尤焉今宜

勅下該有司舍舊習而勵新圖念念平恕公廉自然威重難犯鰥寡旣知傾心強暴誰不歛跡毋錯認貪吏不可爲而可爲身處殘破之地仍工漁獵之謀以致賈怨無已再見地方騷動也一在

決誅剿以絕根芽么磨鼠輩擁衆動稱數萬養成氣候豈唯一朝若其氣候未成早定計誅剿一力士縛之若割羊豕易易耳唯前後在事官司多半容頭過身畏賊如虎始而暮夜推埋不問漸而白晝劫奪不問甚而僭號稱王攻城掠堡亦漫置弗問安得不如火烈烈日熾一泅乎今宜

勅下該有司時時留心偵訪果有狡聚陰謀宜及將動未動時密速申報撫按應解散者卽時設法

奏續

卷六

三

解散應搜捕者立刻督兵搜捕毋徒諱有事而務姑息槩從隱匿不報馴至養虺成蛇飽其毒螫也一在籠才傑以散愚頑夫楊四郭三海等號召多人瞬息千萬亦必實具有過人之才爲群盜所懾服非僅以膂力稱雄者若先期收而用之旣不煩我多兵兼或資其一臂惜當事者未達權變失此機發耳今宜

勅下該有司不拘士農工賈有挾才負氣技勇超群者許所在多方物色羅而致之卽將籍貫姓名

開報撫按或編入鄉勇協防或隨赴行間殺賊
安置得宜將見收十數人卽可以散千萬人是
亦化多爲少化逆爲順之關鍵也但須得素具
眼力兼善驅駕者破手爲之恐非一二循謹吏
所能擔任耳以上開列諸款豈真有秘密作用
卽能杜壘塞瑕不過就前此已失之著爲將來
補救之著是在道府州縣多官實實從新整飭
保此一方永永無恙則庶幾矣若乃久困之灾
黎畢竟作何蠲恤新撫之鵬從有無區處安全

奏牘

卷六

四

賊窟雖經踏平果能保別無竊發逆產見在清
理何法使不擾良民種種善後事宜尙覺千頭
萬緒應聽該撫按相機酌行次第條

奏非臣愚所敢臆斷也伏冀

聖明鑒擇施行臣不勝悚息待

命之至緣係云云謹題請

旨

崇禎十年閏四月初六日

題初八日奉

聖旨奏內汝宛懲茲等事宜該部看議速奏

兵科都給事中 臣凌義渠等謹

題為臣科偶值乏員營差勢難久待謹據實奏

聞因酌思變通一法恭請

聖裁事 竊得京營一差今歲輪在臣科自左給事中

張第元陞任關回臣等即應照例推舉另題接

管所以遲遲至今者非敢故意稽延實出萬不

得已蓋臣科逐日奉行事件半係邊腹軍機抄

發宜蚤督覈宜嚴比別科較為煩劇見今在科

辦事止有臣等三員除臣代之奉

奏

卷六

六

命巡視銀庫兼理新舊餉務外一切守科按本註銷

直鼓等務皆臣士楷一人分頭料理未嘗畧刻

偷閒也若復循資差去將來守科竟無一人責

臣左畫方而右畫圓保無意外疎誤乎臣前此

躊躇若有待者聞吏部肆月急大二選後即行

考選或銓補有人彼時議差未晚不謂部務殷

煩日復一日至今未考等待業已多時營務萬

難再誤臣為此廩廩因與同官商酌久之思一

通融接替之法合無查照明旨此差應輪某科

即就某科推舉一員先期受事待歲終報滿時

復關轉臣科接管以完今年未了之局揆之事

理似屬可行且簡六科歷來舊案原有本科缺

員別科借用之例何獨於此差不便借用乎如

或以為議屬創始恐紊垣規唯有容臣等少需

日時俟考後填補多員仍在臣科挨序推舉以

憑

點用既免彼此妨礙兼不失相沿定序事理更覺妥

順統候

奏

卷六

六

聖明裁奪

命下臣科遵奉施行臣等不勝惕息屏營之至緣係

云云謹題請

旨

崇禎十年閏四月初九日具

題十一日奉

聖旨這營差著俟考補後該科挨序推舉

兵科都給事中臣凌義渠謹

題爲漢南餉絕兵疲危蹙已甚乞

勅該督一面殫力赴援一面設法拯濟免致變生意

外震及

藩封事自賊目小紅郎等數股闖入漢南一帶盤

遶不去彼中疾呼望救半載有餘矣近且報

路梗塞餽運中斷斗米至值錢千六百文賊遂

逼犯郡城見在忍死拒守幸督臣洪承疇親統

大兵自徽進發

奏牘

卷六

八

藩封重地或可恃以無恙然而前此數月間竟不

聞一騎馳救者何也未嘗無可調之兵未嘗無

可遣之將祇緣漢南一帶相隔寫遠雲棧崎嶇

諸將避險畏難未免望而裹足僅拋此數千川

兵抵數股勁賊聽其乍饑乍飽自勝自挫而諸

將若無與焉者世固有此擇地後蹈之大帥聽

人圖便之軍政否且川兵業不能以步勝騎矣

復責之以饑勝飽乎念此數千人招之唯恐不

來者何心留之唯恐復去者何心旣來之旣留

之而仍不爲之區處得所坐視暴露饑窘漫無

痛癢是又何心如此而妄冀得外援死力求兵

至無諱非人情也今督臣親率總兵賀人龍等

赴漢城策救計此久踞之賊大兵一至自當卽

時驅散臣所總總慮者地方災傷已極小民貸

食無門雖多方那湊輸輓不憚維艱而商販難

前本色如何接濟嗷嗷萬衆盡將辦千錢以易

斗粟其能久乎至餉斷四十餘日該撫疏稱川

省外解本地額解兩路俱已絕望刻下權量緩

奏牘

卷六

九

急畢竟用何法以巧炊藉何項爲續命是皆不

容不蚤計者也唯此久戍之川兵以爲屢戰屢

餽漸成疲暮則無如撤回便或猶望其鼓一臂

之力自當仍還以一飽之資若只如近報所云

樊叅政那借多金羅副將盤囊措辦苟且支吾

度日勢必憤逞激逃據稱行間饑卒被賊誘去

數名此已見其端矣可不爲寒心乎是又不容

不蚤計者也總在督臣銳心以辦賊實心以圖

民更苦心以調兵務期著著俱到萬無一錯

親藩安而我

皇上篤親一念亦與之俱安矣臣曷勝激切待

命之至緣係云云謹題請

旨

崇禎十年閏四月十七日具

題二十日奉

聖旨漢南措餉催兵俱有旨了該部知道

奏牘

卷六

十

兵科都給事中臣凌義渠謹

題為紅本姓名參差請

旨改正以便遵行事該臣科於本月十三日接得兵

部題覆河南巡按楊繩武一本為飛報失陷縣

城併參失事將吏事奉

聖旨王家楨著罰俸五箇月左光先再降三級剿賊

自贖孔貞芳等著遵前旨確查馳奏艾毓初吏部

議覆欽此欽遵即時抄出未及發行臣再三磨對

因知兵部此疏為浙川失事一案就內輕重處

奏牘

卷六

二

分已經奉

旨無容擬議唯是按臣原參與該部原擬俱有總兵

左良玉姓名則降三級剿賊自贖者乃左良玉

而非左光先也細繹

明旨不曉何故參差或票擬疎於查閱或謄寫一時

偶訛俱不可知但布之四方既無以為觀聽傳

至行間更不便於遵循軍政賞罰所關必煩確

示指歸終難冥冥臆決臣以看詳為事不敢不

求其安除將原本收貯在科候

旨抄發外伏祈

聖明即賜簡查

俯准改正

命下臣科轉行該部遵奉施行緣係云云謹題請

旨

崇禎十年五月十四日具

題十五日奉

聖旨左良玉既訛左光先著改正行

長

卷六

三

兵科都給事中臣凌義渠謹

題為島中禍亂相仍殘局已難收拾謹陳應變急著暫紓刻下阡危事兩日前見登撫楊文岳緊急塘報一疏止言島兵鼓譟聞刀殺人尚未詳及叛亂何狀戕殺何人臣已切切然憂之頃連接關撫馮任遼撫方一藻兩塘報中有潰兵內變道廳遇害總鎮挾留商民死者不計其數近岸兵船盡遭搶擄等語臣展閱未竟不覺拊膺長太息曰何

奏牘

卷六

三

天心以未悔禍喪亂弘多一至是也日者該鎮有焚船奪船之報復有麗國輸情送款之報方以為藉此一旅孤撐稍壯沿海聲勢豈虞毒從內發厝火自焚總緣陳洪範平日機變有餘廉威不足且帳下繫繫多人半屬江南遊棍婪尅招搖恣行無忌將卒之離心久矣今日之禍固宜有之未可云意外之不幸也此時將移兵誅剿用彰朝廷討叛之義而力既未遑此時僅畫隅自守視為劫質主帥之嘗則勢將何底且其狡奴從叛決

計東奔如驚猿怒馬不受韉鎖即奉有多方安撫之

旨該撫監鎮能傳檄而定乎為目前計唯有就塘報中所稱挾逼鎮臣上本招撫一著因便而借用之計該島見集兵將不下萬人豈必人盡其心附逆中間勢繇迫脇情出無奈者固自不少特負罪既深玉石罔辨急切歸正不得耳該撫監鎮宜於武職中擇其忠實警敏緩急堪仗者一員指授方畧親赴長山左側相機進止徐察順

奏續

卷六

四

逆之狀明示不殺之仁果肯卸甲投戈暫許圖奴自贖或者狡謀因之猶豫而奴叛無所施其招誘未可知也何其形勢小定反側粗安猝起而密切圖之募敢死為腹心克渠何難立縛懸爵賞於不次同惡必至相戕或者黨羽日就解散而威命自此震疊亦未可知也是則陽與以撫之名而陰收其剿之實兵機控縱在手只在變化用之耳乃若當此緊報狎至海波鼎沸之時遠哨以廣耳目嚴兵以備意外固也而第一

要領更在慎舉動以定人心聞登萊二郡小民日行轉徙糧食委之而去米價一時頓賤既數月矣再見該島構此異變正如隱痛未消驚弦隨至聲喉悸心詎免抱頭分竄是又瀕地方在事各官與以安全可恃之地毋或優動以苦其身毋或張皇以亂其性時加撫慰三致意焉何得聽其自聚自散漠然不為動念也諱審已覆之殘局別無補救之良圖如果膚見可採統祈勅部再加詳酌轉行該撫監鎮密速施行臣不勝激

奏續

卷六

十五

切待

命之至緣係云云謹題請

旨

崇禎十年五月二十八日具

題二十九日奉

聖旨已有旨了這選將相機操縱安慰兩郡民心

該部看議具奏

本日午時封發本科隨送兵部

兵科都給事中臣凌義渠謹

題為叛兵聽撫誠偽難憑雖屬一時權宜尚須萬

分詳慎事臣昨因島變具疏以相機控縱為言

意將借招撫為題暫圖緩兵紓禍亦熟籌情勢

萬不得已挽水救焚之急著也乃未及奉

旨而登撫揭報隨至果有陳洪範代為乞撫之事據

稱眾叛見經撫定各願圖功自贖至前後激變

根繇則盡諉之死事二臣而已事在海外誰為

見聞妄言之姑妄聽之臣未暇致詰也獨所謂

奏牘

卷六

一六

招撫之議刻下猝難剖決或者沈志祥王世泰

等多人明知越海寫遠

朝廷無意加兵姑且歸命目前再圖騙餉後日則就

撫之情近真固未可知第若輩業已戕殺多官

更何有於總鎮能信此一紙公移果出洪範手

乎就使出洪範之手焉知非拘禁密室承之以

兵怖死而勉為代草者乎將一一悉如揭中所

請討糧則與糧討綿布則與綿布討家眷則發

家眷無論大體若何目前保無潛寇而資盜乎

是皆不容不再三籌慮者竊以為撫監諸臣宜

一面宣

中朝威斷不測當下許以自新一面委能幹的當

人員往察順逆虛實俟有安撫確情另行

奏奪當下即許者所以緩其走險之謀偵實後行

者所以防其仗械之毒總之撫之一著用彌瑕

罅於一時則可認作綢繆之本計則未可也借

以阻投奴之路則可仍倚為制奴之人則未可

也大抵東島島合多眾半係失業遼人喜亂嗜

奏牘

卷六

一七

殺漸與犬羊無異且十數年以來兵丁謀變屢

聞竟踵昔年牙將故事主帥廢立擅意頗倣藩

鎮留後為名似此法紀蕩然誠未可以內地之

治治之者不得不如是密慮周防耳臣見此一

事同時兩奉該部看議之

旨因再參詳事機用佐末議伏祈

勅部一併酌覆施行緣係云云謹題請

旨

崇禎十年五月三十日具

題六月初二日奉

聖旨奏內機宜該部看議速覆

本日未時封發本科
隨送兵部

兵科都給事中臣凌義渠謹

題為夥叛挾鎮投奴島局勢成蹙脫亟宜講求更始實著以固海防以收榆效事頃者長山之變亦料眾叛決計疾走不延日時第無坐視颺去之理長冀收拾於萬一耳今據關寧撫鎮各塘報果爾十五日倡亂十八日即挾陳洪範上船東往投奴矣因憶島局自毛鎮中間構變多端旋擾旋定輸粟輸金殆無虛日養癰十六七年直至今而積毒迸發潰裂無餘雖元氣大傷

奏讀

卷六

一

而贅肉已去唯當亟護根本悉反從前所為此其時也人止知眾叛劫船投奴如虎傳翼道誘西犯必速海波立見沸揚是固然矣而有不盡然者奴孽之來不來初不緣島叛之去不去添此數千人不益強少此數千人不見弱沈志祥等果真如吳吳張元一一足為奴重輕者乎俱非我根本之憂也臣所切切於亟護根本而謀所以更始者蓋有三焉計島兵原額一萬二千有奇島餉視此為準數豈存乎見少今宜仍以

此餉廣募多兵分布登津二鎮練成數股水犀
專備迎濤截擊務期實收一萬二千人之用以
視向來耗蠹虛糜一切問諸水濱者孰幻孰真
孰失孰得慎毋誤採浮議別徇虛聲又開騙餉
之端也皮島潰則退保長山長山潰則退保何
地藩籬業已盡撤聲信恐遂渺茫謂宜統附登
近島商畧某地首當要衝某地最便守望卽於
叅遊把備中遴選幾員各統兵數百分駐其地
匪藉爲扼禦之資止求廣偵哨之路似不必更

奏牘

卷六

十

置大帥坐擁重兵又增一重雲霧也聞島衆不
願投奴者爲志祥等迫脇東行咸切悲憤他日
伺間來歸足自源源不斷謂宜於長山石塘之
間專委幹弁一員駕船汎口招接難民難兵招
至百人卽應津途關寧內地以憑隨宜安插毋
或如往時不行散遣仍聽棲泊島內目前旣罹
霜露之憂他日再飽虎狼之毒也念自全遼淪
陷以來聚群不逞之徒團成島局名則藉口圖
奴意實專土透版

奏牘 卷六

廟堂明知而不便深言者以勢成極重一旦議撤不
得耳今旣不撤自潰何用再合餘燼另起葛藤
唯有就近扼防化衆虛以歸一實勿論從前談
恢復談牽制到此總屬囁言卽當下議安撫議
誅剿轉瞬已成幻局臣所見以爲了了可行者
目前唯此三事而已統俟
皇上勅部覆覈施行臣不勝翹企待
命之至緣係云云謹題請
旨

奏牘

卷六

十一

崇禎十年六月初五日具

題初八日奉

聖旨該部看議速覆

九五

兵科都給事中臣凌義渠謹

題為

宗室真偽莫辨微漸種種當防伏祈

聖明勅部遵炤越關

典例斷在必行以弭意外瑕釁事本月初六日該禮

科送到分守中西二協監臣杜勳題為嚴稽來

歷以肅

王章以靖地方事奉有該督監撫按查明據實奏

奪之

奏續

卷六

廿二

旨臣詳閱此奏知為

宗室潛至薊門一事因取

發下牌票五件逐一驗過俱不繇臣科掛發其偽無

疑所未能遽斷者

宗室之是否假冒有無名封耳見行該地方查奏

臣似可以無言第思從來一應牌勘按期赴科

掛銷卽一夫一馬一廩一糧必經再三斟酌手

自裁定大約寧縮無浮斤斤不少寬假豈料若

輩在外如許蔑法橫行而臣科反不得糾舉無

乃舍其大而繩其細與所云問無齒決者同類

竝譏乎且非獨此一事也兩月以來外則真定

按臣李模有確據縣驛被擾之奏准揚監臣楊

顯名有

藩王駐揚日久之奏內則該門與該寺奏報進城

月必數見守門直日官軍近且罰不勝罰矣似

此遊行罔忌既非所以肅

宗規到處擾驛病民亦豈所以固邦本然此猶其

顯者耳臣更惴惴有隱慮焉今海內奴叛狡窺

奏續

卷六

廿三

流土競逐山藪僻徑在在伏戎

宗室往往來來最易招人耳目設或一時不戒誤

墮虎狼之窟寇中雄黠者不少保無挾之以為

重擁之以為名因而恫喝鄉愚號召徒眾者乎

一當慮也向來閉置一城自然不見可欲今業

聽其馳走四方萬一久留繁富之地出入佳麗

之場戀不能割奸人乘機挑誘復能責其恪守

禮度不至為所欲為乎二當慮也且所過地方

未必不預地方之事倚客侵主官司莫可誰何

恃尊壓卑小民何堪蹂躪構怨日深譁變倏起

一旦蛟龍失勢受制愚賤之手有不傷及

國體者乎三當慮也真者恣意來去既漫無譏防

則僞者乘傳公行又誰為覺察保無賊諜詭稱

爵宗遍歷州縣陰伺虛實猝起賺城劫官地方不

及措手者乎四當慮也審時察變所慮豈止一

端益想

祖制首嚴越關之禁思患預防洵非後世所及今亦無

事別行鈐束惟在

奏牘

卷六

廿四

皇上嚴諭各

宗再申前禁果有迫切事情許其啓

王轉

奏如或擅離封域仍復託故流連借題陳控卽應

勅下所司一遵

典例處分毫髮罔貸併將撥置附從多人加等究治

如此則真正

宗室有所制而不便徑行影借奸徒無所憑以施

其混冒此弭釁窒瑕之大端無容玩忽者也臣

不勝激切待

命之至緣係云云謹題請

旨

崇禎十年六月初十日具

題十二日奉

聖旨該部知道宗室越擾禁例昭然這奏內違禁必

懲併查撥置姦徒重治已奉屢旨著再行嚴飭

奏牘

卷六

廿五

兵部都給事中臣凌義渠謹

題為警報時聞訛言易起乞

勅城捕衙門亟行禁諭以安人心事唯此

都城內外四民雜處往來最易傳訛平時既已不

風自波臨警詎免蒼黃失措此懲訛為弭亂之

本有難聽其自止者也如今者奴踪雖報西行

內犯尚無的據不曉何故遠適皇皇直若旦晚

虜至甚有造為四路竝進之說者在事諸臣未

免疑信參半小民何知有不轉相驚恐者乎所

奏續

卷六

十六

以然者止因歷年邊吏不戒伺隙突逞歲以為

聳既時時抱一無形之震號兼以去秋大肆蹂

躪腥氛毒酸觸目未忘復在在凜一接軫之羗

夷安得不未病先呻聞聲輒怖乎此蓋痛心已

然而不及察其未然者也更有一等五方劇聚

之徒遊閑趨食之輩止知掉舌搥唇不關利害

緩急他若馱煤運米而販雜行則又利在物價

高騰喜作危語相嚇安得不街傳巷播構虛成

實乎此又明知未然而捏為固然者也痛心已

然而不及察其未然者勞民也理合徧曉以釋

其猜疑明知未然而捏為固然者奸民也法當

亟懲以破其誑妄是在城捕該管衙門詳察根

繇大張榜示一示以邊隘所在嚴防虜騎未易

深入只應各安生理不得無故驚惶再示以惑

眾見具明條首犯何難查緝果有煽誘別隱即

時按律刑誅有此一番禁諭庶道路相戒於傳

訛而繁言自此衰息人心亦自此底定矣伏候

聖明勅下施行緣係云云謹題請

奏續

卷六

十六

旨

崇禎十年六月十五日具

題十六日奉

聖旨邊方警備當嚴內地訛言宜禁在外著該撫按

在內著城捕等衙門大張榜示明諭朝廷飭備衛

民俱著安生樂業無得妄聽惶惑自貽伊戚如有

奸徒捏言鼓煽驚詫愚民乘機生事藉端射利者

該管衙門即時拿究立置重典決不輕貸該部再

通行傳飭

兵科都給事中臣凌義渠謹

題為逆奴謀犯有徵內地收降可慮特懇

聖明一言申飭以消肘腋近憂事語有之戎狄豺狼

不可厭也又云非我族類其心必異則夷性之

難馴蘇來久矣雖歷代不少蕃將各邊首數夷

丁慕順而來區處得所未嘗不藉其敢戰之力

然狙詐多端平時尚費調伏戒嚴之日可徒用

安插了事遂謂無復他慮乎頃者關寧監臣高

起潛有會解接獲投降真夷一疏臣為揣度情

奏

卷六

十八

勢詳察口供竊不能無疑焉計奴數年以來吞

併諸夷聲威日甚一日近且攻開麗國數道捆

載無算在下部落庄家豈有不能存活思想

天朝之理是可疑也奴法視漢法較嚴往往有死無

犯今既有傾國大舉之謀斷不令的實聲息纖

毫透漏降夷尖兎屠柰等豈真有飛越神術能

挈婦女幼小背地離巢驀忽進瑞之理是可疑

也據稱譯審口詞有

天朝肯養好漢四會氣慌等語頗似故意裝捏好言

以懈我目前防守堅我後來招納則益可疑矣

然此猶不過零夷數名耳有如逆奴迭遣幹勇

腹丁積少成眾陽以歸順為名窺身關內關外

一旦有急從中伺便取勢為外攻內應之計爾

時將何以禦之且我

中國之慣用夷丁奴所知而忌之者也夷丁之向

背叵測尤奴所亟欲得而餌之者也萬一我復

誤收彼中奸人混插新舊戰丁之內聽其陰行

煽誘以致倉卒譁變豈不大可寒心猶未也日

奏

卷六

十九

者津門獲有好細紀維實見在鞠審矣近據劉

復戎塘報則又稱各省直有不剪髮者四五百

名為虜奸細分探內地虛實矣萬一姦謀與降

丁密聯首尾遞相出入我沿邊諸鎮一兵一馬

一城一堡悉在奴目中掌中而我終憤憤莫覺

也奴不更據先著乎凡此種種危形固未敢謂

之盡然而見端察影又不得不怖其或然者也

臣竊謂衝邊原有用夷之時邦政向無收降之

禁唯是刻下奴信孔棘正在逐處嚴防應將接

獲真夷一事暫行停止不論夥隊零騎一槩堅
拒勿納併將平時陸續收進多夷密諭統轄將
領用心體察加意看護毋致別有疎虞可也統
俟

天語申飭施行臣不勝悚切待

命之至緣係云云謹題請

旨

崇禎十年六月二十七日具

題二十八日奉

奏

卷六

上

原缺

兵科都給事中臣凌義渠謹

題為皖撫

簡用踰旬兵餉尚無成議乞

勅戶兵二部作速商酌立行剖決以便乘時驅剿事

頃

皇上俞樞臣之

請特置皖撫

簡用道臣史可法微獨上游一帶重地有所恃以安

全卽金陵以下諸郡縣亦復資其屏障誠制勝

奏

卷六

廿

扼要之大計確然不易者也但置有新撫不得

不衛以重兵設有重兵不得不給以全餉此自

相關之理必隨之勢斷無有空擁一填撫之名

而遂足以辦賊賊遂因之遠遯者茲據部疏初

擬計兵至一萬人計餉至二十三萬四千兩其

數原不為多繼毫無可酌損唯是統算安慶新

舊兵數約畧可滿五千雖未能即時編伍成列

亦既粗具端倪不至茫無歸著再募五千便足

一萬之數矣獨數內尚有不敷餉銀頗覺累心

棘手將仍取之原派之額則就此二百八十萬
有奇中間虛額尚多影借不少若又在內抽割
復從何處取盈影外之影借中之借可遂認爲
見在實數足果三軍之腹乎如置原派而別求
附益則回思當日會議多官不知嘔幾心血費
幾躊躇未能及額卽止豈尚有留餘以爲今日
之地垂盡之肉果堪再剗已竭之脂果堪再吸
乎舍此兩端而另商神鬼輸運之術苟且漁獵
之謀萬萬不能亦萬萬不可然則家當全虧何

奏牘

卷六

十一

以爲建牙地也計該撫奉有

成命業踰旬日矣尙未知兵在何方餉歸何所該撫
雖才誠素著膽識過人亦安能據無兵之身殺
賊驅無餉之兵浪戰哉維時已屆初秋出山狂
逞非遠所宜

亟勅戶兵二部同心熟籌從長酌

請毋容持議不決再就時刻者也至如皖撫之設節
制遠及江楚中州地面而近遺江浦六合不入
統轄當事者或別有意所不可知但既望應撫

以全力畢注江南豈宜仍以浦六兩縣疲其遠
涉且安慶設撫之後各昭信地扼守浦六更覺
孤懸卽近日應撫有疏不已爲六合先期告急
乎良以寇踪靡定來路儘多不必盡錄安慶也
臣愚妄謂不如竟割浦六兩縣併隸皖撫早晚
呼應較捷一則可以紓二邑之孤危一則可以
省應撫之牽顧見今

勅書尙未頒給改正官銜添載此段或亦非難是皆
江上未盡事宜果否目前竝無窒礙唯望

奏牘

卷六

十一

聖明速賜裁擇

命下該部覆議施行臣不勝激切悚惶之至緣係云
云謹題請

旨

崇禎十年七月初八日具

題初九日奉

聖旨奏內皖撫兵餉及浦六併隸事宜戶兵二部確
議速奏

兵科都給事中臣凌義渠謹

題為邊備雖經屢飭臨警恐易周章懇祈

聖明再行嚴諭務俾實堪戰守毋瀆向來弊習

紙上空言事臣惟數月以來奴踪往來叵測東

西警息紛紜哨報或有異同情勢不甚相遠皆

指七八月間為分股入犯之候今雖未審奴耗

的實若何而七月之期荏苒又過半矣金風初

厲胡馬孰禁南嘶秋實盈疇內地正堪就食此

自明白易見之事豈有幾俸不來之理唯當刻

奏

奏

奏

刻準備以待旦晚闖入大家迎頭堵截耳計屢

旨申嚴之後連歲懲愆之餘沿邊將吏必將舍舊圖

新改換一重面目然而戰守實事臣猶未敢為

邊臣信也夫戰則必有所以戰之根抵今日演

鎗放砲明日列陣排營遂謂足以戰乎守則必

有所以守之竊要在彼添墩置臺在此扼牆把

隘遂謂足以守乎誠合內外諸臣而悉數之有

督撫鎮道復有總監分監處處星列碁布設官

不為不多要皆同載漏舟之上竝汎大海之中

利害安危彼此共之者也諸臣即萬無不職之
精神而容有不得不分之疆界即萬無不化之
意見而容有不及遍喻之機宜自督撫監鎮以
及文武大小各員不下數十輩果真如周身之
有癢共搔有痛共撫隨提掇而輒動乎自

陵京以及東西諸鎮協不知幾千里果真如鄉井之守

望相助疾病相扶不待呼而自至乎苟一面失

於回顧而數面設防之大局先渙矣諸臣若何

而保其面面環相回顧也邇者樞部覈實邊備

奏

奏

奏

一疏責各邊逐件條答駁之至再至三得其供

認明確方准立案備炤非不綦密綦嚴然此不

過如奕家之布勢粗具眉目耳儘有熟於布勢

自謂算無遺著猝遇狼手對局不覺當下無主

下子先自忙錯者此以知紙上之兵機仍無與

局中之殺活也今且無論其條答諸款有無虛

實若何就使事事周備著著圓滿一朝虜騎突

至疾於雷轟電掣果能悉依布置之法牢站脚

跟如山之不可動如川之不可禦乎果所扼之

地面必無堅瑕互異所派之兵將必無勇怯不齊乎設或正當緊關畧見參差掛漏舉平日打疊之精神悉亂矣諸臣若何而保其始終不至乍亂也他如行間共守之科牒最尙簡易徑直毋或多指亂視反誤其遵循對壘相持之意氣惟貴整暇安詳毋或轉展蒼黃先示以破綻凡此在平時自固尙不足豈臨警制敵卽有餘恐沿邊諸臣的實能信不徒以紙上空文抵塞目前前者亦鮮矣正使朝朝茹藥夜夜抱薪猶患虜至無日拮据已晚更何待

明青朝夕提命部司往復查覈始翻然知所變計哉宴安可懷身名宜惜實著易錯虛倖難邀料邊臣各具有心胸終不甘自誤誤國也臣無任激切悚惶待

命之至緣係云云謹題請

旨

崇禎十年七月十五日具

題十六日奉

聖旨這所奏沿邊諸臣共處巖疆著刻刻茲備實堪戰守說的是該部還再行嚴飭

兵科都給事中臣凌義渠謹

題為欲辦出海之局湏定翦逆之謀特請

聖明立賜裁決奮斷施行事竊惟

朝廷所以籠馭中外驅駕智愚者惟恃此百代共守之寧法一綫可惜之名號耳苟法紀所在不難恣意跳越名號所關可以乘時盜竊強有力者孰不起而圖之則亦何所不至矣臣前此為島變一事具有三疏明知倡亂有故首叛有人特未敢訟言以致事機輕洩今形勢小定涇渭漸

奏

卷二

三

陽

分孰順孰逆孰首孰從業彰彰在人耳目不煩獄吏推勘矣即若輩藏頭護尾閃爍百端始而投揭乞撫則借謝之元一人以當先繼而縛逆來獻則僅收孟有陞等數名以誣罪械彌毒而計彌工心日雄而膽日肆豈逆諸舉

朝無能測其伎倆併無能制其死命乎臣惟往昔以淮蔡之強藩值唐季之孱主執政者肯決計用兵誅剿則亦不旋踵而豬其官覆其族應手糜碎矣矧此么麼瑣弁窮島遊魂奚足膏我兵

亦設謀取之易易耳臣前疏所云募敢死為腹心克渠何難立縛懸爵賞於不次同惡必至相戕或者惟此時宜用此著乎若因其請印隨與之以印因其請總兵隨授之以總兵初時志在殺奴不難斬關闢出已而念切戀棧又不難據地要求是假王之萌漸而留後之濫觴也是法之所不加而名之所不繫也即在往代衰朝此事尚不多見豈得聽其公行於

離昭當天之日

奏

卷二

六

陽

聖明全盛之時不乃為奴寇轉相窺伺來其椰榆也哉竊以為欲再恢島局重整海面莫如亟正島逆之罪首逆既得餘黨從此帖然而後可以議兵眾之撤留而後可以商鎮帥之行止如或計不及此而漫責之圖奴聽之出海臣不知洪範將仍往石城一帶與沈志祥等同謀協力共事進取乎抑別棟駐節扼防之地與沈志祥等分信拒守鼎峙相望乎是猶豺虎當衢荆榛塞路而馳思千里之遠妄冀出門有功必不得之數

也臣職掌攸關遇此封疆大故治亂關頭何敢不力持名法二柄以還

朝廷惟

皇上垂鑒而早斷焉臣不勝悚息待

命之至緣係云云謹題請

旨

崇禎十年七月十七日具

題二十日奉

聖旨已有旨了該部知道

本日巳時封發本科隨送兵部

兵科都給事中臣凌義渠謹

題為

王師啓行在途死賊蕩平有日謹就議所已及心

所未安仰請

聖裁事頃

皇上因儀揚告急允樞臣之

請特遣勇衛營一軍會同總理等官協力剿賊業已

諏日啓行分途進發誠所謂嗷嗷惻惻如霆如

雷之師也蠢茲醜孽方將喙突奔命不暇詎敢

奏續

未七

八

逆我顏行哉乃都人士見者猶不免且幸且虞

一時喜懼兼至焉良以策遣自

一人則三軍之銳心齊發先聲及六合而十年之兵

氣全銷是可喜也

王者有征無戰則舉動貴出萬全

王旅不測不克則進止豈輕一擲是又可懼也顧

何以答下民之仰望釋海內之驚疑亦惟日庶

幾無擾民無養寇遺往遄返指日告成而已市

芸不變之風豈易得之今日圻父爪牙之誅所

難惟此

禁軍誠一旦反驕橫為節制反浮脆為驍果反平日之逍遙觀望為此行之衝危蹈險以此無敵於天下其不謂之王者之師乎乃臣則更願該地方之無滋誘卸也既得此股銳師則原設之額兵氣增百倍儘堪分頭堵截萬無拱手退聽之理設或全靠此一軍而因恃生懈因懈致卸進既不獲相從退復不能相救不幾以

奏續

卷七

九

禁旅為孤注而來內外之蹉跌乎是所當戒者一臣更願該地方之盡泯猜嫌也既存內外之防兼分主客之袒粹遇利害緩急能必其臂指聯而首尾應果實實從滅寇起見內臣自不必存忌外之心外臣亦不應萌輕內之意總在唯敵是求盡敵而返大家打疊精神以仰紓宵旰萬一此內外各盡之職分也設或界限太明以致水火交構得毋師老財匱終貽不結之局乎是所當戒者一凡此皆諸臣所言及而未盡者

臣不妨再詳其說耳至若師行糧從節奉

明旨止云戶部填給糧單申飭沿途應付即戶部覆監臣一疏亦未見聲說明白竟不知所謂填給預備者果借支總理等官之剩餉乎抑即支該地方見存之額餉乎臣愚以為給餉至一萬二千人不為不多量期至一年半年不為不久此時若漫無割割後日將憑何開銷萬一地方以供億浩繁而擅行科歛則病在民以款項無著而出納惟吝則病在兵以轉輸不繼而本折中

奏續

卷七

九

斷則又病在剿局是宜勅部從長酌妥一一聲說明白俾在外曉然知有歸著既可悉心措辦兼可安意應付矣理臣熊文燦起程有日延今兩月有餘行踪仍無的據殊不可解似宜勅部再行檄催早日受事則地方早日料理毋或遲遲其行致寇氛東衝西突大費將來收拾耳敢因協剿一事而附及之臣不勝激切待命之至緣係云云謹題請

旨

崇禎十年九月十三日具

題十四日奉

聖旨禁旅專征主客聯絡合剿已有屢旨行糧何欵
開銷併理臣速催受事俱著明白查奏該部知道

○兵科都給事中臣凌義渠謹

奏為廢帥違禁鎖營供證尚未詳確乞

勅該部再行嚴鞫務得指引實情以明微臣素心事

臣昨見錦衣衛有違奉

聖旨一疏知為原任總兵王業隆鎖營起用等事因

取全疏閱之前後供認口詞歷歷在案與臣纖

毫無涉臣自可以無言第中有姓范者說是凌

科的親一語則茫不知所謂矣臣安能默默處

此竊念臣科與兵部雖云相關各有職守凡武

奏牘

卷七

途之陞除武功之勘叙悉聽該部自為張王臣

科不得過而問焉至推用大帥則必會集多官

面加商酌苟所擬未當駁正則有之從未敢輕

舉一人以對者亦以職掌當明嫌疑當避部科

相信共守頗有此一重界限耳不謂更有王業

隆者痴想妄管一至於此其謀業已不行其詞

初無旁及臣固可無辯也獨招內所謂范姓者

舉其姓而隱其名不無令人疑詫臣親識在長

安者無多人固從無所謂范姓者非親而認

是必有故則所謂范姓者其併非循理奉法株
守無為之人明矣據衛招云不敢去說即時回
絕後邊又去別尋頭路等情亦幸而有此不敢
一念葛藤當下即斷耳設或見利生心絲牽蔓
引臣暗中不已受其點涅乎若不趁此時剖明
而使人到底誤認此范姓者為臣之親臣能事
事防之刻刻備之乎今各犯業送刑部見在究
擬伏祈

奏稿

卷二

三

勅下再行詳鞠即著領到范家之陳恒甫根究所謂
姓范者的係何人與臣有何瓜葛在京作何勾
當根究明白一併提到訊質雖不在指借撞騙
之條亦當正其無故招搖之罪庶微臣經執素
心藉此一番搜剔幸不至以身為垢府也臣無
任激切悚惶待
命之至為此具本謹具奏

聞

崇禎十年十月初二日具

奏初五日奉

聖旨該部一併究明具奏

奏稿

卷二

四

兵科都給事中臣凌義渠謹

題爲奴孽暫時蟄伏邊吏倍宜愆防護再瀝愚誠

懇祈

嚴命重申事臣於七月間具有邊備雖經屢飭臨警

恐易周章一疏奉

旨下部嚴飭念彼時警息紛紜謂逆奴轉眼卽到八

九兩月不知光景若何戒嚴已而屬夷謀報無

憑東西踪影俱寂今且日緩一日歲內或保無

虞然而臣心更切切焉若有憂者竊以爲其來

奏牘

宋一

二五

也不足懼其未來也不足喜其猝至而撓我以
急也當以緩待之其暫伏而聳我以緩也尤當
以急持之蓋衝邊與腹地不同治外與治內迥
別一日有一日之料理不謂後日有待而今日
尚可以優游一處有一處之堅瑕不謂大處緊
嚴而細處不妨於閤畧所恃以防守者城堡墩
臺也得無設而未及完完而未及固尚有待於
補苴塗窒者乎因之補苴塗窒唯此時易易也
過此時而寇迫門庭則雖有城無守矣所恃以

衝陷者兵丁馬匹也得無老弱汰而不盡汰倒

斃補而不盡補尚有待於挑選購買者乎因之

挑選購買唯此時易易也過此時而兵亦交接

則雖有人無人矣所恃以整棚者糧芻器仗也

得無本折不必盡充物料不必齊備尚有待於

設處措辦者乎因之設處措辦唯此時易易也

過此時而敵壘壓境則雖有資無資矣總之此

日之安閒爲我之安閒則異時之忙迫亦屬我

之忙迫知異時無限之忙迫爲我之忙迫則此

奏牘

宋一

二六

日一刻之安閒併非我之安閒豈不日戒嚴狃
孔棘古人何若是憊憊多懼哉不棘而時有以
待其棘豫道也若云向來整飭有素嚴疆萬無
可虞則頃者部臣一番查覈破綻已自難掩其
他查覈未到者瘡孔更不知若何能遽恃以無
恐乎語有之鷲鳥將擊卑飛欽翼猛獸將搏弭
耳俯伏奴孽蘊毒旣深構禍必烈目前正當弭
耳欽翼之時將來何以支其且擊且搏之勢沿
邊諸臣誠念及此必有不寒而慄刻刻靡寧者

矣至前督吳阿衡臣尤不能無厚望焉西協首當虜衝闖入頗易督臣領袖諸撫擔任非輕阿衡雅具兼人之才夙負吞胡之志臣何忍以株拘管見量豪傑之淺深所願效他山之砥者亦唯曰攻取戰守實事也無虛言之殺奴滅虜危事也無易言之選材任人公事也無私言之聲色晏樂佚事也無侈言之只此四事而瞿然知所自反焉斯真不敢不以豪傑相待矣臣同官葛樞具疏規正已稱割直臣以封疆事大利害

奏廟

卷七

二十

攸關際此三冬閒暇之時恐貽懷安敗名之咎不得不濯濯相告耳統惟

皇上再行嚴飭臣不勝惕息悚惶之至緣係云云謹

題請

旨

崇禎十年十月初六日具

題初九日奉

聖旨奏內防守整擗豫加料理亦於邊政有裨著嚴

飭行該部知道

兵科都給事中臣凌義渠謹

題為鎮臣雖報出海事機尚屬未定乞

勅該撫監密速馳探加意嚴防事臣因島變未定仰

煩

宸慮躊躇者數月於茲矣大要盛渠散黨一事宜速不宜遲速則可以圖功遲則更釀他變此事理之易見者不謂陳洪輩奉

旨之後又踰兩月始報成師出海臣竊以奉旨且

二十餘日矣從茲首領立就誅夷島眾以次遣

奏廟

卷七

二十六

奏鎮沿海百年隱憂慰

至尊日夕東顧豈非藉此一舉之力然而揣情察勢

有不可知者三焉念發難之始一切未及布置

何難猝起密圖今選延半載氣脈已成悉索精

銳以懾防竊補腹心以自固必且不遺餘力鎮

臣到時肯欲手而就縛乎不可知者一也該閣

致首私人布滿都下

朝廷一動一靜無不密相傳報豈有在內往復設謀

連章累牘毫無透漏之理網羅雖密能宛轉為

之使入一一惟我擒縱而畧無變計乎不可知者二也矧洪範脫身來歸未必不藉志祥一人之力感激而圖所以保全容或有之險隘相逢事權在握以小不忍而亂大謀孰禁之乎不可知者三也有此三不可知而島崇之或靖或否仍屬搖搖未定豈可不為寒心哉臣愚以為此等事情只爭眼前下手即時下手則亦即時平定矣若或機倪動而未決濡忍有餘割斷不足將來事豈止不得成功而已也蓋前此猶未定

未續

卷七

十一

首叛何人今已顯斥沈志祥一人為罪魁矣前此猶示招撫羈縻之意今已會集多師聯鯨出海明以翦逆討叛為先聲矣臣不知為志祥者將仍然戀住該島聽異時四面環攻而忍死以待乎抑將北走胡南走越逞困鬪之力為挺險之計乎過此即為風高水立之時東西阻絕之候縱有百千船隻數股銳師我不能往彼不唯有餘地以全身兼可乘暇日以繕備若云憂在乏食則透販粟紫日用必需之物業已無一不

具我又安能制其死命也哉恐窮島遊魂一到春初冰泮不決計投奴必且轉掠沿海諸郡縣二東騷動將自此始矣此安危緊關只在眼前剖決者也伏祈

勅下該鎮撫監諸臣首當密切馳探探則必探鎮帥進取方畧若何無仍聽捏報以了事更在時刻嚴防防則須防來春或有意外毒逞無徒恃越海不足憂必如此而脚跟始固別無動搖以我之有定勝彼之靡定立於不敗之道也臣無任

奏續

卷七

十一

戰兢待

命之至緣係云云謹題請

旨

崇禎十年十月十一日具

題十四日奉

聖旨陳洪範出海進取機宜作何布置著該撫監密切馳探毋令觀望坐失事會兵部即行申論

本日未時

封發本科
隨送兵部

兵科都給事中臣凌義渠謹

題為請

旨安置罪帥以靖地方事頃者廢帥尤世祿貪橫不

法罪狀顯著監臣牛文炳據實糾參奉

旨革職究擬似已翦其翼抉其爪縱負狂嚙之性亦

窮於計無所施矣然而山右士大夫不無鯁鯁

過慮者則以克燭雖除狡窟仍在恐不為去惡

務盡計將來播毒一方終無已時也何以言之

蓋前此未經革職儼然身列冠裳尚如此其決

奏續

卷七

十一

裂今應盡法究擬業自夷於匪類寧復顧有防

閑將無逮者自逮擬者自擬而攫人之手已滑

亡命之徒實繁他時更不可問乎夫然則斗大

山城再羸幾多金錢供其吞嚼幾多婦女供其

姦占幾多生命供其鞭筆也矧今茲鎮臣虎大

威固世祿舊日之部將也共城而居一廢閑一

見任體統既多窒礙事權亦屬難行將岸然與

之角異則臨以故主之勢必能掣當前之肘若

轉而一味和同則既辜士民之望恐終冒合汚

之嫌計該鎮處此未免左支右吾前瞻後顧責

以侈力行間而展布四體不誠憂憂乎其難之

哉查世祿向來籍貫原在榆林此地既難容身

自當另圖變計惟有問擬之後即時回還原籍

為便第世祿僑寓寧武日久廣置腴田大宅多

買歌童舞女業已棄故鄉若甌脫踞任所為鄙

鳩矣若不奉

明旨發遣而望其遠巡引去當下毫無係戀萬萬不

能伏祈

奏續

卷七

十一

勅下該撫按速將世祿所犯事情從公研審隨將本

犯應得罪名依律問結勘其任所置有田宅若

干悉聽自行變價勒限發回榆林安置庶寧武

一帶永脫水火之災而鎮臣虎大威亦免受及

門之累斯乃巖疆利害所關臣愚實見其大勅

不為罪帥一人菟裘計亦不止為山右諸紳維

桑計也臣無任悚息待

命之至緣係云云謹題請

旨

崇禎十年十一月十七日具

題二十日奉

聖旨尤世祿著該撫按作速遵旨提究奏奪該部知道

兵科都給事中臣凌義渠謹

題為邊臣屢以病請跡涉規卸謹循職駁正特懇

聖明嚴飭事臣惟天下事以直前邁往之氣乘之則

無所不易以退縮觀望之心處之則無所不難

從來難易無定形止爭肯擔當與不肯擔當兩

念耳衝邊何地今日何時可得以且進且退之

身半任半卸之局爾焉不可以終日而能長保

無事克鞏萬全者乎維茲秋防報竣晉撫吳牲

積勞成瘵實實難支累牘告哀微

奏牘

卷二

四

恩允放

聖明固信其無他亦人人知非假託者也乃一時邊

臣妄謂此例可援紛紛各以病至未老而乞休

不已無疾而呻吟在床何為者耶始則宣大兩

撫先後引疾控額奉有

明旨一則云正資保障不必引請一則云速出料理

邊務不得屢陳可以已矣乃未踰兩月大同巡

撫葉廷桂再疏繼至具揭到科不太汲汲乎夫

雲中上谷警報近雖未聞邊警殊屬巨測乘暇

繕備刻值千金是豈閉門穩卧之地二撫駕輕就熟歷有歲時年力正強意氣儘銳亦豈偷息視蔭優游待老之人若明知未必得去而嘗試以請則此請為習熟通套不應見之疆場任事之臣或志在保全身名而借病求去則此去為脫卸便門更非所望於豪傑圖功之際有一於此二臣將何解焉即該撫揭報近日病狀備極委頓支離之苦誠堪愍惻臣竊料以為未必至是設果有之還當察其就裏虛實若何得無瘡

奏稿

卷七

七

已甚矣而血氣未動良醫在傍別有窺其隱者乎何君乎而若此也唯今日為邊臣者時時著此病根於胸中所以遇事不盡擔當設防不盡完固決策不盡剛果在上既懷傳舍一官之意在下誰無苟且塗飾之心誤封疆而債大計莫此為甚始猶假病在身後乃真病百出雖有善者亦無如之何矣臣實為諸臣懼不惜以逆耳之箴當苦口之藥更得

嚴編徧行傳飭當下一番喚醒是即邊臣陡然汗出

霍然病已之日也伏懇

聖明勅部施行臣不勝悚惶待

命之至緣係云云謹題請

旨

崇禎十年十一月十九日具

題三十二日奉

聖旨封疆多事豈邊臣引卸之時今後各撫再有杜門假託連章贖陳的必不寬宥該部著即通行嚴飭

奏稿

卷七

七

兵科都給事中臣凌義渠謹

題為鄭陽無裁撫之理即撫非堪任之人乞

勅該部速議更易毋或因循不決貽誤剿局事臣惟

今日然而明日未必然者行間百變之情形然

其所然而不執其固然者兵家應變之機畧即

如今歲三四月間樞臣合算剿局倡為四正六

隅之說議裁鄭撫而即以總理兼之奉有

欽依何止一次後因賊勢盡趨江北不得不置總理

於廬桐之間而前此合算之局面又當一變矣

奏續

卷七

廿七

樞臣始起而請設皖撫再起而議留鄭撫種種

條奏前後互異亦迫於勢之不得不然初非自

相抵牾強生枝節也然欲裁其官而姑繫其身

既無以為鄭撫地不能為兼之實而尚驚兼之

名更無以為總理地二者均未為盡善臣敢就

愚見所及以兩言決之無亦曰未可去者撫治

一官亟宜罷者治臣一人而已何以明之鄭陽

僻處萬山之中界連四省地曠人稀最便奸盜

藏匿在

先朝無事時猶以伏莽時發創設撫治衙門豈以

者流寇蹂躪幾遍七屬及無故而議撤乎竊恐

此衙門一撤襄郢唐鄧之肩背益孤商維漢興

之血脉都斷禍有不止於該鎮者此鄭撫之不

可裁無待再計者也且總理一官視賊所向刻

刻宜在軍前者也若高坐鄭陽則各省奔突之

賊勢安能當下具千里之炤若馳驟行間則即

鎮應行之事宜孰為分身樹兩地之防勢必前

牽後掣後疲馳逐之精神左支右撐何裨合剿

奏續

卷二

十八

之全局此總理之不能為撫治又無待再計者

也惟是該撫陳良訓者其才品不具論論其撫

郎道狀則既以飾報被糾奉有該按據實速奏

不得蒙隱之

旨再以縱子被糾奉有該按速查馳奏不許隱徇之

旨旬日之內屢經抨擊兩奉

嚴諭知其伎倆已窮意氣不堪再鼓矣且方剛之年

力既邁詛怨之眾口實繁望以重整牙齦而奏

効桑榆不乃日誤一日徒以疆事嘗試也哉合

無

勅下該部一面令治臣解任一面推才望堪任之臣

刻期往代其治臣在地方應得功罪姑俟該按

查回再行確覈未晚也至若總理

勅書帶有撫治鄖陽一道合無更換治臣之後即昭

該部前議

准令具疏

進繳恐此銜未經改正事權仍屬兩操徒滋互相

諉卸之咎耳是皆目前剿局所關不敢不明白

奏

請統俟

皇上裁斷施行緣係云云謹題請

旨

崇禎十年十二月初六日

題初七日奉

聖旨該部看議速奏

兵科都給事中臣凌義渠謹

題為行師時有利鈍塘報不宜參差謹就楚鄖兩

案奉

旨確查再請

聖明通行申飭事項者鄖撫陳良訓有恭報剿賊密

算搗巢兩疏楚撫余應桂有確查陣亡官兵一

疏俱以情形未晰致滋外議一經吏科糾舉一

經兵部駁查各奉

旨著該按馳奏臣亦無庸再贅第就其前後疏報情

事一平心論之議鄖撫者謂其殺良冒功似矣

然或者民與賊竝匿山間該撫搜剿有心馭兵

無法聽其恣行屠慘遂致玉石不分是未可知

耳若云此五十一擡耳鼻小級盡屬鄖襄無辜

赤子則凡有人心者不忍為而謂該撫為之乎

臣猶未之敢信也議楚撫者謂陣亡不止七十

七人似矣或者倉卒查報之際人數未及細

開師徒挫敗之餘上下恒多隱飾護重為輕匿

多為寡是所不免耳若果如外傳四五千入喪

失過半則幾於一軍盡殲復從何處募補該撫能以隻手障全楚之耳目乎臣猶未之敢信也是在按臣虛衷以察彼真勝真負之確情隨據實而剖其若罪若功之疑局使在內得準以行法而在外亦永無後言乃不虛此一番查覈耳臣因是而思軍中設有塘報者所以通彼已主客之情形聯遠近策應之聲勢中樞憑以爲調度蓋恭重恭要矣兵家勝負何啻百戰保無一失勝則勘實報聞敗則據狀自劾塘報豈有令

天曆

卷七

十一

人不可信者乃自有寇禍以來疆吏盡驚虛聲疏揭多半失實或裝砌功級以媚上官或竄改情錄以誑

輦下種種奸欺莫可致詰楚鄭兩案所以來盈庭之疑揣噴有煩言者皆塘報失實爲之也伏祈勅下該部凡諸省直用兵處所督撫鎮道等官宜將塘報一事通行申飭今後不論投部文揭具奏本章果係軍前緊密事情務要字字鋪叙得真節節勘驗得實慎勿聽筆誇詡思涵一時之聽

觀慎毋事後攙添妄覬他年之查叙慎毋游後閃爍將無作有而飾贖爲真慎毋利己損人捷則攘功而敗則卸咎設或偶犯前弊卽應立罪欺蒙如此則軍政不病於叅差而疆吏亦因之鼓奮矣臣無任激切待

旨

崇禎十年十二月十一日具

題十五日奉

奏牘

卷七

十一

聖旨俱已有旨了塘報失實邇來通弊著嚴加申飭以後有飾玩倖功卸罪等情爾科道官務速查該部知道

兵科都給事中臣凌義渠謹

題為西陲兵威雖震邊禦已深乞

勅兩鎮在事諸臣時凜對敵之心無懈已成之績始

終保護巖疆事竊炤甘肅一鎮孤懸西極蕃

徧處族姓實繁耽耽伺我虛實圖以遂其狂

者有日矣今春海哈諸虜勾煽銀套直闖甘涼

一戰而殲其首首超免再戰而斬其子合受氣

誠數年來未覩之奇捷也勝不可以聲恃倖不

可以屢傲臣爾時固切切然慮之已而五六月

間果有莊浪等堡失事之報亦止於搶掠人畜

損折軍馬勢猶未甚披猖也昨辦事本科接得

甘肅總兵官柴時華塘報為緊急虜情事內稱

新虜瓦刺擁眾數萬竄牧永昌洪水等處盤遠

不去套虜復揚言同插酋出來攻搶又各路傳

報達虜分犯或以一二千計或以三四千計互

相射砍各有殺傷又瞭見大青羊水板井一帶

煙霧不絕約四十里寫遠等情如果該鎮此報

一一近真則幾於環邊皆虜蜂擁蟻聚颺發雲

屯亦大費收拾矣是否係套插各部挾賞生端

是否為海哈遺孽懷警構釁的實情形誠未易

盡知大抵中國之強非夷狄之利兩度奏捷醜

虜之嫉忌已深犬羊各護其群狐兔惡傷其類

一番大創眾酋之憤逞益甚安得不自夏徂秋

轉掠內地日橫一日乎該鎮之兵素號敢戰出

其全力儘足相當惟是一時撫鎮道將等官無

因春月之三戰三捷也而負憍心更無因夏月

之損兵折將也而頓生退心無因兩酋之一時

授首也而懷易心更無因諸虜之四起響應也

而輒萌怖心歛銳以避其狂妄之鋒出奇以截

其方張之勢即以前日斬馘之餘威奏目前于

襄之偉績豈非該鎮百年之永利哉至寧夏地

面朔虜出沒無忌今秋九月間因其合謀大舉

我師奮勇迎敵擒斬王子六人獲級一百五十

四顆功亦不在肅鎮之下警報近雖未聞因關

勢所不免時刻勵新膽之圖昨夜鼓敵愾之氣

是又在撫臣鄭崇儉鎮臣祖大弼先為整辦以

待而已適因河西告急不得不併慮朔方毋或
備三面而滲一隅徒履

聖明之西顧也統俟

天語一體傳飭施行緣係云云謹題請

旨

崇禎十年十二月十四日具

題十七日奉

聖旨秦內甘寧虜情著該撫鎮必飭戰守以鞏嚴疆

該部知道

奏牘

兵科都給事中臣凌義渠謹

題為楚賊日蔓全省堪憂直舉目前緊切事情仰

祈

聖鑒事臣頃因死賊盡趨湖廣該撫塘報無聞中懷

焦灼正在繕疏入

告聞而樞臣楊嗣昌賊勢大約聚楚一疏已奉

旨下科無庸再

奏矣然楚省橫行之賊不止流寇一股其滲漏情

形亦不止塘報一節也就如呂瘦子大夥嘯聚

奏牘

卷八

江上柯允峪族屬鼓煽齊安崇陽大冶山中亡

命更自無算既未覩搜勦奇功又不聞解散方

畧將終聽其猖獗乎就如臨監劇賊出沒湖湘

郡藩已見震驚屬邑累遭殘燬近且餘茶陵犯永

新浸浸乎殃及江右矣賊勢日見縱橫官兵不

加一矢豈尙未得要領乎總繇全楚地面寥闊

呼應甚難其有事地方隸在楚撫者既以流寇

分力分心他寇未遑兼顧其有事地方隸在沅

撫者復以道府攝兵攝餉運掉終覺不靈內寇

未平職此之故未平內寇而望得志於外寇庸
可冀乎沉撫陳膚謨久未到任奉

旨查奏以來今又四十餘日矣入境奏報仍復杳然
律以昔人叱馭之義又安所辭違玩之咎也乃
至護

陵守郢則鎮臣王觀國一人任之觀國微時止一豪門

幕客初無過人伎倆兼以近者負有隱疾在身

不便跨鞍驅騁受事業踰半年禦寇罕聞實著

楚人謂其才氣本領尚在秦翼明之下大帥固

六

六

三

五

難其選亦何至使庸材濫重寄若此哉是宜

勅下該部再加查議如果冗闕無能便當亟行罷斥

或以護

陵主守不主戰鎮臣短於戰而長於守姑准策勵圖功

免致臨警易將亦屬該地方便計要在樞臣熟

籌而審處之耳是皆楚省目前緊切事情樞臣

言所未及不敢不更端補

奏伏候

聖明裁察施行緣係云云謹題請

旨

崇禎十年十二月十六日具

題二十六日奉

聖旨據奏王觀國著該部看議速奏

奏續

奏續

兵科都給事中臣凌義渠謹

題爲秦賊全夥入蜀川北萬分孤危乞

勅該部速議兵餉亟易撫臣以救一方燃眉事臣於

前月下旬見該督洪承疇疏內有各賊懾於秦

兵剿殺苗頭奔往四川七盤關廣元一帶等語

查係十月初十日以前事延今兩月有餘川中

寂無一報心竊異之猶疑大約如樞臣疏中所

云或深入或淺入或格而不得入其間緩急情

形尚屬未定猝難遙度耳乃據近所聞則不啻

急在燃眉矣有謂攻開七盤關之後勢成破竹

川北州縣連遭剋陷大隊直逼成都者有謂廣

元失守鎮臣不知下落撫臣爲賊所窘踉蹌退

保會城僅以身免者似此種種危情傳聞定非

無據乃該省撫按司道等官仍未見具一塘報

也竊慮以數股方張之勁賊併力致命於一隅

其兇猛之勢必倍以素不設備之川撫心搆應

落於寇至則狼狽之形可知萬一獨力難支以

致省會推動能無震及

親藩併憂及我

皇上乎且非獨此而已也維蜀素號天險亦稱富饒

有銅鐵竹木足以利賊之器械有蹲鴟粟帛足

以廣賊之衣糧有子女玩好足以饜賊之嗜慾

有巉巖峭壑足以便賊之伏藏有如賊戀蜀不

已卽因彼中險要據爲峒窟悉其精銳憑高以

拒我我兵有往而坐困耳古來草竊之徒踞全

蜀以瞰中原者不少賊計如果出此西南半壁

去矣不更可憂之甚乎目前除徵兵措餉外別

無解救之奇著該省流土之兵驍健堪戰者必

非一處第當覈某地方宜調某地方不宜調實

實堪藉一臂者用之耳似不勞徵兵外省也該

省見在額餉儘足供該省之兵第當覈某項不

宜輕動某項可以存留實實足資一飽者用之

耳似不勞貸餉外省也是在計樞二臣確實主

持求其有裨緩急可耳至該撫王維章以瘡痍

百出之身處進退維谷之局旌幢久已無光矣

近復與鎮臣不協節節參商安得不決裂至是

唯有

勅令解任聽勘卽推就近堪任之臣星馳受事變暮

氣爲朝氣蜀疆猶可爲也臣以蜀事甚急蜀報

甚緩有聞卽

告不敢少延時刻伏懇

聖明速斷施行臣無任激切待

命之至緣係云云謹題請

旨

崇禎十年十二月十八日具

奏稿

卷八

六

題二十日奉

聖旨據奏夥賊入蜀州縣尅陷直逼成都勢甚披猖

該撫鎮平昔備禦全疎如何未見奏報殊爲可恨

若王維章速調兵將多方扼殲毋致蔓延併鎮臣

下落該按確查馳奏其徵兵措餉事宜該部卽與

議覆

兵科都給事中臣凌義渠謹

題爲奸鎮通夷事露胎孽不小乞

勅督按諸臣及早消弭加意偵備以固海防事臣頃

見同官葉高標疏論廣東總兵陳謙載貨通夷

等事奉

旨嚴查速奏俟其查回得實治該鎮以應得之罪豈

顧問哉第念從來外夷之禍未有不始於內地

勾引之人而邊海之防亦未有不壞於二三艘

斷之手據疏稱誘夷船十餘萬金入之帥府夫

奏稿

卷八

二

旣誘之使人豈復推之使出夷船十餘萬金固

醜夷之所剖腹而藏不啻身命護之者也肯拋

却如許貲本竟飄然而颺去乎肯因此一番舉

動輒斂手而退聽乎勢將挾貨生端弄兵鼓鑿

海上事終有不可言者是惟該督按及該道府

等官以調馭之精心運控縱之遠畧或設法善

遣以阻其開市之謀或陳兵示威以懾其狂突

之魄絕鯨鯢於境外戢海波使不揚可耳聞閩

中數年前夷禍亦起於一攬頭騙銀入手事發

監斃銀已花費無存夷人索銀不得索人又不
得遂至聯鯨內犯沿海沸騰今粵東竟以中軍
爲攬頭公然騙銀入帥府視閩海昔年殆又甚
焉臣安得不凜凜懼乎因是而思行險嗜利之
小人爲可恨也陳謙以庶姓賤孽竊秉鉞之重
寄擁巨萬之雄資志滿氣揚富貴已極可以止
矣乃猶垂涎外夷非分之金錢不顧內地職前
之實禍人之無良固有不可以當法律者聞此
事敗露在本年八月乃謙隨於九月內突具

奏
聖主恩深罔極一疏請調衝險用兵之地臣祕不解
其故或亦緣此事機倪發動首尾難掩計無復
之姑爲是欺人大言以塞舉

朝觀聽手其貪而且狡大率類此事後叅詳肺肝歷
歷如見諒難逃

聖世介鉞之誅者也臣曷任激切悚惶之至緣係云
云謹題請

旨

崇禎十年十二月二十七日具

題崇禎十一年正月初四日奉
聖旨陳謙已有旨了奏內事情著速查明奏奪該督
按道府各官仍一面嚴加偵備多方消弭毋得玩
延貽忠該部知道

兵科都給事中臣凌義渠等謹

題為科印行使日久篆文已見模糊請

旨俯准鑄換事竊得各衙門設有印記藉以行遠示

信釐弊防欺重矣至臣科日行事件非關軍機

出納即屬郵符掛銷其需於印記者不尤重乎

伏讀

會典內印信一款有年久鑄換之例隨查得兵科

之印造自萬曆元年距今六十餘載誠有如

會典所稱印面平乏篆文模糊者是亦奏

奏稿

卷八

一

請鑄換之一時矣所以然者止緣臣科軍務冗沓原

與各科不同而今日之臣科邊腹多故更與昔

年迥別夫善氣虧而害氣勝五金之質猶不堪

其銷鏽而况人乎因思兵興二十年以來物力

凋耗此中者幾何生齒糜爛此中者幾何臣所

為偶觸鑄印一節摩挲篆文而不禁慨然也伏

乞

勅下禮部驗實換給施行臣等無任虔悚待

命之至緣係云云謹題請

旨

崇禎十年十二月二十七日具

題三十日奉

聖旨禮部知道

奏稿

卷八

一

兵科都給事中降二級照舊臣凌義渠謹

題為違

旨查奏事崇禎十年十二月二十日吏科送到外抄

吏科添註給事中陳啓新奏為違

旨回奏事奉

聖旨考選已另有旨錢糧違礙的著該科據實查奏

尹民興顏胤紹陸自嶽該部看議奏奪欽此欽遵

抄發到部復准吏科手本以中有兵部錢糧該

兵科自行查奏臣等因移文兵部查見在候考

奏牘

卷八

三

各官有無錢糧違礙隨准兵部四司先後開送

完欠職名到科除錢糧全完職名不開外其有

先報起解在府已而陸續到部者併至今尚未

到部者謹遵

旨一一開列具

奏惟是臣科非經營考選之人無查覈錢糧之責

所據者止有該部之回文所開者見在完欠之

實數至前此各官咨送題考緣錄應聽吏科再

加詳覈另行奏明非臣等所得越俎而問也伏

祈

聖明鑒察施行緣係云云謹題請

旨

計開

車駕司

前任如臯縣六年十二月調興化縣知縣

高名衡本縣原額馬價銀二千一百一

十二兩草料銀無子粒銀三十四兩七

錢四分七釐二毫三絲七八年分俱全

奏牘

卷八

三

完訖九年分馬銀十千七百六十七兩

二錢四釐未解到寺因查該縣觀冊內

開該縣前件銀兩解府貯庫見今差官

起解又馬銀三百四十四兩七錢九分

六釐前件解府奉撫院明文扣補該州

縣未完軍餉候各屬解到軍餉補還起

解又租銀三十四兩七錢四分七釐二

毫三絲前件解府見今差官起解

前任海陽縣七年六月復除山陽縣知縣

黃文煥本縣原額馬價銀三千四百三十二兩草料銀六百七十三兩子粒銀六十七兩一錢六分八釐七毫五絲七年分馬草子三項全完八年分馬草二項全完子銀六十七兩一錢六分八釐七毫五絲解府未到今准太僕寺冊報前銀已到九年分馬草子銀三項全完前任深水縣五年十二月復除南宮縣九年六月復除唐縣知縣曾就義南宮縣	原額馬草子銀一千八百八十七兩五錢五分三釐七年分全完八年分全完唐縣原額馬草子銀一千七百八十五兩九年分夏秋馬銀扣買冬馬二十六匹向因駁退四匹未掣批題今准太僕寺覆文各馬俱經補解通完訖	長洲縣知縣涂必泓本縣原額馬價銀七百一十二兩七錢五分七年分已完馬銀五百七十七兩二錢未完一百四十二
--	---	---

兩五錢五分八年分全完其七年未完銀兩據該府冊報解府通完續咨吏部題考今該府已差吏陸汝翼起解到寺訖又八年分會同館夫銀一十八兩先據該府冊報已經解府冷已交兩館完訖	職方司 本司竝無別項經營錢糧唯有班軍大糧一項其各官職名從未報部無憑開造	武選司 本司竝無經營錢糧	武庫司 固安縣知縣黃奇遇零欠四年分運閩柴薪銀二十六兩九年分柴薪銀二十四兩今已解解到部通完訖	崇禎十一年正月二十三日具 題二十六日奉 聖旨高名銜錢糧未盡解到着嚴行查催俟完始准
--	--	-----------------	--	--

考該部知道

奏續

卷八

十六

原任兵科都給事中今陞福建布政使司右叅政仍帶降二級臣凌義渠謹

奏為微臣一官可擲心跡宜明謹瀝血剖陳懇祈

皇上勅令部科回奏以雪沉寃事臣於本月二十一日見吏部一本題為欽奉

聖諭事推臣福建布政使司右叅政奉

聖旨有點的依擬用仍帶降二級京堂果否堪任巡

撫奉旨甄別何尚稽停著即具疏通列詳開來看

欽此隨於二十四日報名

奏續

卷八

十七

廷謝訖伏念疎逃小臣無關輕重乃猶在

宸慮迴旋之中遲至旬日

命下臣方感愧之不暇何敢以繁瀆取罪唯是立身

居官本末有不容不剖白於

聖明之前者惟

皇上垂聽焉夫科員之轉監司名為優陞實則劣處

吏部操此例以劫制言官吏科借此題以驅除

異已從來有之但既有一番推敲必有一段話

柄非職掌有虧即品行滋議斷未有冥冥決事

而可以服本人之心掩通國之論者臣歷俸已
踰七年陪推京堂兩次實不解部科所以處臣
者何在或所議在居鄉則隱而難信者貪廉顯
而易見者貧富通籍十四年以來臣曾有餘力
構數厘之居有餘財營數畝之產乎在地方則
撫按有司等官在都下則同鄉士紳以及往來
商販諸雜色人俱可問也或所議在居官則賄
囑營私無過吏兵二部

皇上試

奏稿

卷八

六

召冢臣而問之臣曾有片紙落吏部之手片言入吏

部之耳乎再

召樞臣而問之臣曾有片紙落兵部之手片言入兵

部之耳乎恐諸臣卽有憾於臣亦不能無端裝

捏爲構虛證實之事也若若兵科職掌首重看

詳臣受事一年零五箇月風雨晦明從不敢却

避殷憂疾病從不敢偷安逐事條奏積有四十

九疏悉在

御前可覆按也雖無顯績可紀亦有微勞堪念今一

槩抹撤付之東流已矣勿復言矣關一人之進
退者小關舉

朝之是非者大關一時之功名者小關一生之品
行者大如果以爲別有訾議部科宜聲說明白
治臣以應得之罪如果所聞推敲之語止云體
質清弱部科亦宜聲說明白假臣以休致之名
毋徒陷臣半緇半素之間處臣疑優疑劣之地
使草草之勞人目前飲淚吞聲好好之驕人將
來彈冠相慶也總之甄別京堂鄭重節鉞者乃

奏稿

卷八

十九

皇上求才無已之盛心無如當路者卽以此爲引人

擠人之妙訣快其恩怨報復之私圖畢竟同已

者留內異已者處外躁競者留內恬退者處外

有力者留內孤冷者處外匝地爲羅滿天布械

誰敢舉此等機關一一明告我

皇上哉臣雖去國之身終不忍畏罪不言仰辜

聖明高厚也伏祈

皇上鑒察臣無任戰慄隕越之至爲此具本謹具奏

聞

崇禎十一年二月二十四日具

奏二十八日奉

聖旨科道才品兼優准陞監司諭旨甚明交義原何
謂劣處著議處該部知道



皇帝敕諭吏部尚書文蔚等
大清會典事例
之芳茲者纂修大清會典已於康熙
二十三年五月十二日開館朕聞一
代之興必有一代之治法著為道揆
布在方策用以昭示臣民垂憲萬世
至宏遠也我

太祖高皇帝大業開基規模肇造
太宗文皇帝膚功者定軌物聿興暨我
世祖章皇帝統一寰區創垂兼裕諸凡命
官定制靡不準今酌古綱舉目張郁
郁彬彬無以尙矣逮朕御極以來恪
遵成憲率由弗渝間有損益亦皆因

時制宜期臻盡善俾中外羣工知所
稟承勿致隕越顧其條例事宜多散
見於卷牘在百司既艱於考衷而兆
姓亦無由通曉今命部院大小等衙
門各委屬員詳加察輯用成會典一
書特命卿為總裁官其董率各員恪

勤乃事務使文質適中事理咸備行
諸今而無弊傳諸後而可徵悉心考
訂克成一代之典俾子孫臣庶遵守
罔愆以副朕法
祖圖治之意卿其勉之欽哉
康熙二十六年十月初六日

皇帝敕諭吏部尚書文華殿大學士李
之芳朕纘承丕基孜孜 治宵旰兢
業二十五年於茲賴
天之靈

宗廟之福蠢爾小醜以次削平眷念吾民
雖甫休息而間井未盡安樂風俗未

臻醇古永惟治忽所繫實在朕躬日
不皇寧勤求至道行一政惟恐或戾
舊章發一言惟恐未孚衆志朕心乾
惕常用歉然乃臣僚援古時政日曆
及前朝寶訓體例請將歷年政令編
輯成書朕未之許在廷諸臣合詞奏

懇至再因思古之帝王建極陳常言
期可法行期可則哀其政事著爲一
編用以式訓臣民昭茲來許厥有故
事方策具存茲特允所請定名曰政
治典訓命卿爲總裁官其董率在館
諸臣恪勤乃事以時綴錄惟質毋飾

惟核毋浮豈徒云徵諸庶民質諸百
世朕夙寢晨興思艱圖易萬幾在御
日慎一日藉用自考以比古者省歲
之意庶幾茂登上理久道化成卿其
勉之欽哉

康熙二十六年十月初六日

皇帝敕諭吏部尙書文華殿大學士李之
芳朕惟古帝王宅中圖治總攬萬方因
天文以紀星野因地利以兆疆域因人
官物曲以修政教故禹貢五服職方九
州紀於典書千載可觀朕纘紹丕基撫
茲方夏恢我土宇達於遐方惟是疆宇

錯紛幅員寥闊萬里之遠念切堂階其
間風氣羣分民情類別不有綴錄何以
周知顧由漢以來方輿地里作者頗多
詳畧既殊今昔互異爰敕所司肇開館
局網羅文獻質訂圖經將蒼萃成書以
著一代之鉅典名曰大清一統志特命

卿爲總裁官其董率纂修官恪勤乃事
務使采蒐閱博體例精詳阨塞山川風
土人物指掌可治畫地成圖萬幾之餘
朕將親覽且俾奕世之孫披牒而慎維
屏之寄式版而念小人之依以永我國
家無疆之歷服有攸賴焉卿其勉之欽

哉

康熙二十六年十月初六日

李文襄公奏議目錄

臺諫集卷之一

請革私僉民解疏
請禁委官查勘疏
嚴察假冒棍徒疏
糾拾溺職學臣疏
直陳奸棍誣逃疏
請嚴叩關定例疏
請行甄別大僚疏
酌議追罰事例疏

李文襄公奏議卷一 目錄

請勅查叅庸員疏
春月踏勘宜緩疏
題叅奸商橫行疏
駁叅司道徇庇疏
嚴覈郡守職任疏

李文襄公奏議卷一

男 鍾麟編次

請革私僉民解疏

廣西道監察御史加一級 臣 李之芳謹

題為釐革私僉民解以剔蠹窟以信

功令事竊惟裕

國便民必在清奸除弊而弊之大者莫過於錢穀征解

失宜積蠹漏卮罔塞上關

國賦下係民膏若不徹底飭革必至公私交困即如各

省錢糧奉

李文襄公奏議卷一 請革私僉

旨官收官解此不易之良法乃聞各州縣蠹役專一撥置

官府弄里揀拔殷實私僉批頭大戶名色俾令承值

上下衙門一應使費身家無不立盡故民間畏懼此

役如赴湯蹈火每遇僉點之時必百計營脫官吏居

為奇貨放此僉彼展轉賣免日久不定及其既定偏

屬鄉愚不諳必須倩人頂充有等慣侵錢糧棍徒因

而多勒幫貼包攬代解挺身擔承非為急公黏手入

囊便是已物因將在官銀米無不任意花銷州縣非

不報完報解止報空文司府非不差催接催專催使

費初猶用賄求寬縱則拚身擔比及至無從追補又

累原食里戶責令賠償小民膏血有限不堪一剝再削方其乏竭無以為生雖加笞箠終無所得可惜百姓氣盡力殫之餘

國家尚不得絲毫升合之用以故各省侵欠錢糧為數甚多追補還官者十常不得一二弊皆坐此臣竊謂官收官解奉有

明繪地方官不肯實心遵行致令良法不得究宣民間不沾實惠總緣上下衙門陋規相承一切添搭增耗餘米使費種種名色牢不可破打點一處不周累年不得了結若不出之百姓安從天降地生所以私食民

李文襄公奏議卷一

請詳私食

十一

解之弊有司視為故常撫按知而不問苟且欺蒙將何底止請乞

勅下各該撫按遵照官收官解之

旨力行整頓將此批頭等項名色及各衙門需索陋例嚴加察革果能實意釐奸自然人心震懾各州縣徵收銀米專責各州縣佐貳官彙解更飭州縣及佐貳等官俱宜洗滌肺腸力為百姓擔當不論上下衙門官役但有指稱歷來陋規借端科索者許佐貳官揭報州縣州縣轉報撫按題參從重治罪仍將該佐貳官分別獎勵不但蘇民困亦所以勵官方也如撫按官

釐剔無效州縣官奉行不力並聽科道官糾劾處分庶使憲弊盡清

國計有賴矣臣因私食民解蠹

國病民為弊甚大故敢冒昧指陳伏乞

睿鑒勅下該部嚴議施行

順治十五年十一月十六日題奉

旨私食民解病民殊甚着嚴議具奏戶部知道

李文襄公奏議卷一

請詳私食

三

請禁委官查勘疏

廣西道監察御史加一級臣李之芳謹

題為革禁委官查勘以恤民生以重

國計事臣以數載外吏叨轉西曹今又荷蒙

隆恩擢補臺班捐頂棄踵何足言報中夜思維惟有矢竭

愚誠仰荅

高厚於萬一臣竊見

皇上勵精圖治期於寰宇蒼生成得安遂立奏隆平而薄

海未盡底於康乂者則以

朝廷之德惠未究官吏之流弊尚叢遂令殘瘁之餘猶乖

李文襄公奏議卷一

委官查勘

四

蘇息之望以臣聞見所及向來各省撫按罔恤民隱

或稱查核錢糧或稱踏勘公務往往輕委屬官巡歷

州縣不論監司府佐多帶奸猾吏胥恣取供應勒索

打點取到冊籍卷宗官府全不寓目止憑吏書指撥

需求既遂苟且了局使用不周反覆駁詰更有一種

不肖之官甫到地方故張聲勢鎖捉經承筆楚人役

一時雷霆震動官民失色及其朝通百鎰則夕結百

鎰之歡夜納千金則且受千金之驗比比皆然以故

州縣有司當其未至即先偵其經過之處如何打點

早為預備輒動官庫錢糧取濟燃眉急需應付供給

其用有涯揀過畏讐其費莫算常見各省借冒錢糧

有假支應上司借者有託酒席禮儀借者甚至獻媚

逢迎使費打點皆一切糜列借款積千累萬率因上

司經臨借口情非得已及至水落石出徹底查追有

司之身名全隳而委官之飽颺難問曾不思公家之

一錙一銖皆民間之寸膏片血甘聽其漁獵為常同

於已逝之波豈不重可惜耶不特此也地方貪官蠹

役專喜生事擾民既有值過上司名色更復何所顧

忌因而指稱使費攢斂細民擾萬家之雞犬填貪濁

之谿壑臣故謂從來委官下縣原無料理實濟不過

李文襄公奏議卷一

委官查勘

五

州縣呈數本冊籍委官判幾紙文驗其於

國計民生有損無補况委官查盤久經奉

旨裁革乃至今日而承委公務之官依然絡繹道路

功令同於疣贅民瘼等於越秦大可異也臣請

勅下各該撫按自今以後凡委官查勘嚴加禁革永著為

例即有必須責成查理事件止令藩司該道調取冊

卷悉心稽覈何難一一清楚如有州縣欺朦情弊聽

其揭參處分則供億省而錢穀得清箕斂絕而地方

蒙休更令各該撫按嚴查歷年侵冒錢糧有曾因經

臨官役需索借用項款即便追究原日官役之入已

者照例論罪追贓還官此亦懲前毖後之法也臣數
年外吏習知民間疾苦雖民害不止於此而此實屬
害民之大者故敢直陳愚陋伏乞

睿裁勅部察議施行

順治十五年十一月十六日題奉

旨該部嚴議具奏

李文襄公奏議卷一

按官查勘

木

嚴察假冒棍徒疏

廣西道監察御史加一級臣李之芳謹

題為嚴察假冒棍徒以清姦弊以靖地方事竊惟唐虞
之世刑重姦宄

昭代之法律嚴詐冒蓋必假竊之徒不得行其私而後姦
人屏跡治理肅清故譏察之法不可以不嚴也臣閱
邸報見江西巡撫張朝璘有盤獲假官假旗等事一
疏內開金震乘坐官艇巨舫以壯觀瞻沿途招搖凡
經過各衙門輒持帖拜謁希圖誑騙種種不法業經
奉

李文襄公奏議卷一

嚴察棍徒

七

旨拏解來京從重治罪矣臣因而思詐冒之流為弊甚大
如金震者實繁有徒請竝得而窮治之夫以天下之
大地方遼闊人心姦險詐偽叢生有等走空奸徒專
一指稱職官子弟仕宦相知粗糞履歷私刻圖書偽
造書札逢人認作通家到處傾談世好地方官府不
察來歷一經輕與晉接聽其攘臂往來承攬關說肆
行詐騙又且搆結靈棍生題設策或垂涎殷厚而袖
詞投匿扼吭盡其身家或伺訪案件而勒官押送斂
鍊逼其酬謝一人得計來者接踵其以挾制官府傾
倒是非莫此為甚總由地方各官昏者無覺察之才

庸者無摘發之膽致使魑魅魍魎公行白晝相習成風人不為怪即如金震自供鎮江蕪湖鳳陽安慶一帶沿途騙詐流毒已經二載向使所過地方早為發覺豈待至江右而始敗露耶當此

功令森嚴之時內外官員誰無身家性命之慮敢不告戒子弟屏絕交遊獨此一種假冒之徒迥出意料之外彼既無名節之可矜亦無身家之可顧借他人之虛名圖自己之實利與其事發追逮賢愚幾於難分何如預為嚴察真偽可以立判乎臣請

勅下各該撫按遍行府州縣地方文武官員加意議察但

李文襄公奏議卷十一 嚴察棍徒

有前項之徒指稱職官子弟親知投謁官府招搖地方不問真假立行拏究治以重罪有能不畏強禦摘發奸弊者即將本官重加獎勵以示風勸若不能覺察仍與往來者或被詰告或經指叅即將本官應治以徇縱之罪如此則奸徒無所售其計而為所假借者亦得明其心跡矣抑臣更有請焉各處衝途地方仕宦經臨使客往來所在有司馳驅殷勤餽遺稠疊自朝至暮大半在車塵馬跡之間不思人之精神才力亦自有限使以伏謁之勤勤其職業何所不理以畏謗之心畏其官守何所不修臣請并

勅下各該撫按嚴飭所屬凡衝途經過使客一切刺謁迎送靡文槩行禁止則精神自信可勵事功煩費自省可養廉恥其於吏治不無小補如果臣言不謬伏乞

睿裁勅下該部一并議覆施行

順治十五年十一月十六日題奉

李文襄公奏議卷十一

嚴察棍徒

九

糾拾溺職學臣疏

廣西道監察御史加一級臣李之芳謹

題為糾拾溺職學臣以肅

計典事臣惟提學道一官鈐束士子乃其專責近日士習
囂凌往往所為不法其見諸彈章者業已歷奉
嚴綸全在為學臣者申明教條清汰敗類自然師嚴道尊
人知畏憚乃福建提學道宋祖法者臣不能無議焉
如福州府生員鄧謨充當油牙與鹽商生員陳忠陞
構訟一事遂有通學生員抱移孔聖神位赴運司衙
門公憤又有十學生員林芬等附和稱冤臣披閱邸

李文襄公奏議卷一

溺職學臣

十一

報不勝駭異竊生員本以誦讀為業今乃充牙應商
此等市井頑劣尚容久忝黌官則澄汰污賤之
勅旨祖法固可弁髦置之耶且事止鄧姓弟兄何至於十
學之煽集理應靜聽審剖何至以譁噪為常事臣不
知祖法平日所為鈐束者安在而今其鼓衆猖狂蕩
無法紀一至於此獨不思題准事宜生員不許糾黨
生事如有犯者學臣以失職論煌煌

令甲祖法將何辭以自解耶矧祖法固當日同審之官也
以學臣而臨諸生尚不能執法彈壓則其闕茸無能
尤為可見臣謹據事糾拾不為苛於推求查鄧謨等

與運司王志佐一案該部據疏議覆生員行該省查
懲運司照酷吏革職而祖法為處分之所不及無以
為哀庸曠官者戒臣乞

睿鑒勅下部院察議結黨聚眾是否係生員不法鈐束士
子是否係祖法職掌則祖法之有無溺職灼然矣
康熙元年二月十九日題奉

旨該部院察議具奏

李文襄公奏議卷一

溺職學臣

十二

直陳奸棍誣逃疏

湖廣道監察御史加二級臣李之芳謹

題為直陳奸棍誣逃之害仰祈

勅部嚴處以安民生事竊惟逃人有聽人赴部首告之例所以嚴查真逃竄窩非令其裝陷無辜也不謂有等奸棍結黨成羣專以借端詐害為事往往假捏逃人赴部首報一經該部准行則外省州縣自不敢不遵牌起解其真正逃人窩家固係應得之罪而其間有挾警報復擇肥吸詐者一被牽連雖無干之人亦必一體拘拏婦女老幼狼狽道路洵可憐憫且到部諸

李文襄公奏議卷一

奸棍誣逃

十三

犯又例須發獄候審獄吏禁卒百般凌虐異鄉寫遠喪殮艱難而稔惡首人方且操縱由已串夥關說拂意則硬指難分得賄則改口開脫如何來部審樊金梁首告耿世瓊及任法首告張惺等已經問明虛誣從公開釋諸如此類不可勝數彼受害者幸得剖雪即為出之望外而身家已不可問矣雖首人照例鞭責何足酬被害者冤苦之萬一哉臣聞邸報見山東督臣祖重光曾具有請嚴誣首之法一疏請以首逃全虛者照例反坐該督身在地方非確知民間受害豈敢瀆陳而

廷議未蒙准行至今奸徒藐法首告之風日甚一日皇上試令該部查奏歷來首告卷宗審實能得幾起其餘則皆捉風捕影蔓引株連凡途繫獄燐者孰非朝廷赤子

皇上必有惻然動念不待臣言之畢者矣况逃人一事上自督撫下至地方官民人等功罪賞罰其例甚備原不專恃赴部首告一項而奸徒借端誣害所益於緝獲者小所損於民生者大今縱未可遽弛首告之令獨不可申嚴誣首之法耶臣請

皇上勅部酌議除赴部首告得實照例給賞外嗣後有誣

李文襄公奏議卷一

奸棍誣逃

十三

首逃人審虛者合無照誣告加等之例圖詐情真者合無照光棍詐財之例若有拖累致死之人命者合無照誣告人因而致死之例各治以應得罪名庶真逃真窩不至漏網而挾警行詐不得借端於以杜刀害而安民生似亦修實政以格天心之一事也如果臣言不謬伏乞

睿鑒施行
康熙三年十二月二十日題奉
旨該部議奏

請嚴叩閣定例疏

湖廣道監察御史加二級臣李之芳謹

題為叩

閣賈奏日煩仰請

勅議定例以肅政體事臣伏讀

上諭直隸各省民有冤抑許赴原問衙門及部院等衙門

控告如不准行方許叩閣欽此仰見我

皇上清問下民之盛心誠慮民間有真正大冤極枉為各

該衙門朦蔽不得上達以許其赴

閣仰理也乃臣見邇來叩

李文襄公奏議卷一

請嚴叩閣

十四

閣事情干涉民間冤抑者固自不乏然而健訟刁告之輩

砌款行私降級革職之官飾詞巧辯此風日盛動輒

效尤如壽光縣丁應龍使類繼善告揚體乾等業經

該督審係虛証奉

旨加以反坐之罪貴州署定番州知州李學政等辯復不

已至再至三俱蒙我

皇上洞鑒欺罔槩不准行此誠吏治民生之幸但前此定

例不嚴以致奸偽之徒毒思僥倖於萬一刀控者一

經告准便色驕氣揚挾制問官在外承問衙門不能

仰體

皇上至公之心徃徃畏其刁惡曲為回護反使受誣之家

無處申雪辯復者一經告准徑抹殺始末實情蒙面

稱屈冀為開復之地將

朝廷黜陟大典該衙門功罪定例任其分籍搖惑視為等

閒萬一使其冷灰復燃豈不有玷於官常乎况

禁地何等尊嚴可容恣意刁瀆使若輩多一事誑陳

朝宁之上即未免多一事聽覽部院衙門即未免多一

事議覆滋煩擾而長欺妄莫此為甚臣乞

皇上勅部酌議定例如官民果有冤抑不仰各該衙門欺

蔽不公不為准理者許將該衙門不為准理情弊據

李文襄公奏議卷一

請嚴叩閣

十五

實開列叩

閣若審問情虛係民者合無照擅入

長安等門叫訴冤枉勘問涉虛之例係官者合無照會

經考覈被劾人員懷挾私忿妄捏撫拾以圖報復之

例各依本律究擬勿止以責贖從輕發落更有先經

叩

閣審虛後復叩

閣仍審虛者并議作何加等治罪以為逞臆瀆擾之戒庶

刁誑息而政體肅矣伏乞

睿鑒勅部議覆施行

康熙三年十二月二十日題奉
旨該部議奏

李文襄公奏議卷一

請嚴叩關

七

請行甄別大僚疏

湖廣道監察御史加二級臣李之芳謹

題為大僚關係甚重甄別不可不行敬陳芻蕘仰祈

睿鑒事臣伏讀

上諭因

天象垂戒力圖修省用人行政務加敬慎以求允當欽此我
皇上誠灼見

國家大政無過於用人一事者用人亦無他道分別賢
否盡之矣如近日

廷議停止考滿在外各省官員聽該督巡撫提督題參

李文襄公奏議卷一

甄別大僚

七

在內部院滿漢各官有不及與不稱職者聽各部院
堂官查參是內外文武各官雖停考滿之典猶有甄
別之法在也惟是自陳考滿各官槩議停考而分別
賢否止待從今以後六年之京察查自陳考滿之官
內則部院大臣外則督撫提鎮是皆為

朝廷付託重任表率庶官者也其賢否關係視文武各官
尤為重大近日部院大臣能人人精白擔當盡破推
諉因循之故習者乎督撫提鎮能人人正己率屬軫
念兵民之疾苦者乎必有難逃我
皇上之洞鑒者况

諭旨煌煌誠諸臣洗心滌慮更改前非以副修省之意
皇上敬

天勤民何等真切共圖消弭實賴諸臣賢者平時尚知憂勤

何况遇災使非其人則

天語之丁寧且有褒如充耳者自非大示勸懲修省不幾

成虛文耶臣乞

皇上迅賜甄別擇其負

簡任之尤者立予罷免則人心震懾而實政修舉矣如果

臣言有當伏乞

睿鑒施行

李文襄公奏議卷一

甄別大僚

十八

康熙四年三月十三日題奉

旨着議奏該部院知道

酌議追罰事例疏

湖廣道監察御史加二級臣李之芳謹

題為追罰事例過當謹據實具

奏仰祈

勅部酌議事竊戶部現行事例休致官員任內經徵錢糧

自未完一分罰銀二百兩遞至未完十分罰銀二千

兩蓋為錢糧關係

國計立法不得不嚴也臣管見所及竊謂未完與侵欺

不同侵欺係入己之贓照追還官法固應爾未完係

民欠之數花戶恃頑抗糧去官剝膚代納則是拖欠

李文襄公奏議卷一

酌議追罰

十九

與侵欺無別其與定例未合者一也况休致與革職
不同革職係有罪處分之官任內經徵錢糧即有十
分不完刑部議罪不過杖一百折贖銀三十五兩休
致係老病謝事之官自揣年力不能乞休原無大過
今追罰之銀多至二千兩少亦不下二百兩此等投
閒之輩豈盡素封之家膏產售屋勢所必至是乃與
籍沒無異其與定例未合者二也且未完分數止計
款項完欠不論原額多寡雖計欠多至十分而原額
不過數十金或數百金者徃徃有之今罰銀槩至一
二千兩不等投之未完原額不已或相倍蓰或相什

伯耶

令甲煌煌各項官私贓銀從無加倍追沒之例况休致官經徵之拖欠乎其與定例未合者三也甚有休致之官已經物故監比家屬變產賠納者如扶溝縣已故休致知縣劉瑞星因任內鹽引未完五分照例罰銀一千兩行原籍漢陰縣將伊子劉勃提至河南布政司監比僅變產銀八十三兩零又如西華縣已故休致知縣左國禎因任內未完照分數追銀二千兩行原籍桐城縣將伊子左爾翼再三嚴比罄產估變僅得銀一千四百五十兩俱經該部題覆在案臣伏讀

李文襄公奏議卷一 附議追罰 三十一

上諭凡犯贓等罪流徙人犯如本犯已死其妻子俱免流徙欽此我

皇上好生之心雖犯贓流犯尚且其死後妻孥豈有休致已故之官忍令其遺累於子男者乎其與定例未合者四也臣謹遵

諭據實具

奏如果臣言不謬伏乞

府鑒勅下該部酌議施行

康熙四年三月十四日題奉

旨該部確議具奏

請勅查叅庸員疏

湖廣道監察御史加二級臣李之芳謹

題為查叅奉

旨已久庸員糾劾無聞祈

勅各該衙門力遵前

旨以勵臣工以襄治理事竊照康熙四年正月內議政王

貝勒大臣九卿科道會議停止考滿將在內部院滿

漢各官有不及與不稱職者責令各部院堂官查叅

奉

旨之後迄今業已經年止有吏部將本衙門員外郎米哈

李文襄公奏議卷一 查叅庸員 三十一

納等三員以辦事不及

題叅其餘衙門寂然無聞豈別曹諸司人人才能無俟

吹求耶抑尚有庸劣尤位未經糾彈者耶如近日擬

補郎中之朱國棟甚庸不堪非宜補郎中職任之人

一經引

見奉

旨嚴駁各衙門員數既多才品不齊如朱國棟者恐不乏

人若徒事姑息豈不貽誤

國事竊念我

皇上勵精圖治加意勸懲考滿雖經停止在外各官聽咨

春月踏勘宜緩疏

湖廣道監察御史加二級臣李之芳謹

題為春月農務方殷踏勘似宜暫緩謹陳管見仰祈

睿鑒事臣閱邸報本月二十一日奉

旨這踏勘地畝事情重大着八旗滿洲蒙古漢軍各都統

戶部滿漢尚書及滿侍郎一員都察院漢左都御史及

滿左副都御史一員六科給事中或滿或漢每科各一

員去看欽此

皇上蓋為旗下所報水衝沙壓不堪地畝中間或有虛實

不一特遣都統部院諸臣履畝踏勘此誠

李文襄公奏議卷一 春月踏勘

三十四

朝廷慎重之至意但目下時際春和東作伊始遠近莊佃

一聞踏勘勢必停農以待而被勘處所週圍數百里

地方遼闊又非旦夕可遍在奉

命諸臣自不敢不一一嚴查以副

睿慮度阡越陌約得一兩月始竣及至勘完必誤耕種竊

念我八旗禁旅全賴此地畝耕種為資生之策連歲

早潦已極困苦本年生計全繫此時若不及今播種

西成何望况二三月間正麥苗遍野壟畝菁蔥騎從

衆多難免踐傷間或一夫怨咨豈不上辜

德意查各省踏勘丈量凡遇農作初動青苗在地之時俱

經各督撫請展期俟農隙踏丈槩邀

鑒允况於畿輔根本之地豈可不重念農事曲加體恤臣

乞

皇上勅下該部照例俟秋成之後

題請踏勘庶地畝便於詳查而春耕不致坐誤如果臣

言不謬伏乞

睿鑒施行

康熙五年二月初六日題奉

旨知道了戶部知道

李文襄公奏議卷一 春月踏勘

三十五

題參奸商橫行疏

巡視兩浙鹽課湖廣道監察御史加二級臣李之芳謹
題為奸商橫行不法辱官肆詐可駭臣謹據詳

題參仰祈

睿鑒勅下督撫審究以肅法紀事該臣看得光棍條例屢
奉

嚴繪申飭極其森凜而奸慝之徒輕扞法紀此風曾未衰
息然未有懲不畏死鼓衆咆哮辱官嚇詐橫行於省
會之地如商棍葉西簡等之甚者也臣於十月間巡
視嚴州三關行鹽地方據在省各司道會詳奸商惡

李文襄公奏議卷一

題參奸商

三十一

棍葉西簡等乘運司梁知先病故入署咆哮橫肆辱
詈不知有

國法等因到臣閱之不勝駭異隨行按察司解臣親審
而奸棍辱官圖詐之情一一供吐不爽臣惟運司為
朝廷之命吏係商人之本官運司即有不肖為商人者止
可據事告發不可非理凌辱亦止可理論於運司之
生前不可肆詐於運司之死後况臣聞運司梁知先
在日凡追徵課餉止責比本衙門該催人役至於抗
課奸商曾無執法懲處蓋此輩奸徒向以完課為恥
專以串結棍黨把持衙門詐害各商運司久已不敢

犯其兇鋒至葉西簡者本年二月間因欠課銀一十

五兩運司僅將其家屬責比奉公催徵不為過當西
簡等乃敢藉追比嚴急之名乘運司屍肉未寒之際
鼓衆進衙肆行毀罵聲言阻棺挾制要銀將使為運
司者聽其抗課不問而後快意乎即據葉西簡口供
因二月間快手徐明曾詐伊銀一十三兩今向明索
還等語使徐明果有詐賊應赴臣等衙門告理而咆
哮入故官之署何為即西簡被詐亦止西簡一人之
事而二十餘人之聞擁又何為况據王蔭興口供我
康熙三年間為訟事曾向過客胡六相公求情用去

李文襄公奏議卷一

題參奸商

三十七

銀兩商人汪天玉與我商量投一手本與梁相公意
欲向梁相公索得銀兩等語臣隨詰之以求情係兩
年以前之事今胡生安在乃欲向梁氏相公索銀據
供原是壞法的事我被汪天玉愚了自知該死悔之
無及等語蓋畧加質審而各犯同謀嚇詐之情不覺
和盤托出矣臣庭訊之頃見運司梁知先之子梁壯
圖天稟良懦言詞不能出口而此輩忍於大張聲勢
強食弱肉不公不法莫此為甚此在省司道等官所
以有凡屬見任皆為畏指之詳也伏念臣奉
命巡鹽以恤商為職但急公完課之良商可恤而抗課橫

詐之奸棍不可恤所痛者官民之名分全無蔑朝廷之法紀所慮者運司之催科難施誤部撥之聚餉除仍行在省司道各官確究在事棍黨外臣謹據詳題參伏乞

睿鑒施行

康熙六年正月十六日題奉

旨據奏商棍葉西簡等挾怨入運司之署鼓衆咆哮辱官嚇詐大干法紀着該督嚴提究擬具奏該部知道

李文襄公奏議卷一

題參奸商

三九

駁參司道徇庇疏

掌京畿道事湖廣道監察御史加二級臣李之芳謹題為司道徇庇已著臣謹據疏駁參仰祈

勅部察議以信

嚴綸以勵玩愒事竊惟我

皇上因地方官員濫徵私派苦累生民特頒

天語曉諭直隸各省大小各官仍刊刻告示曉諭民人臣

意直省各官必無不盡破積習以仰副

皇上軫念民生之至意不謂尚有徇私情而藐

國法如江西按察司等則大可斥焉臣聞江南江西總

李文襄公奏議卷一

駁參司道

三九

督郎廷佐仰遵

上諭一疏內稱江西各屬私派害民一案嚴行駁察該司

道總不據實揭報似此見經發覺私派害民之事關

係重大臣不敢草率

題覆等語察此案先經該部請

勅該督查續經該部覆准寬限嚴察為時已久使該司道

但知顧畏

功令應將所屬私派積弊和盤托出方可結奉

旨嚴察之案少道從前容隱之非乃該司道等一任督臣

之駁察勤催有意置若罔聞也是誠何心蓋地方有

司所以致於私派者全恃有不據實揭報之司道平日阿比扶同漫無釐剔一遇行察反同生意到手有司畏罪求全之日皆該司道填路盈壑之時也此正上諭所云頻年以來將加耗私徵等弊糾參者甚少皆因上官受賄徇情同謀一心或有現經發覺之事反行隱蔽蒙濶完結者甚多此輩情弊早在

皇上洞鑒中矣據該督雖稱復經檄行司道再察但州縣私派害民之事司道身在地方向來斷無不知之理若肯據實揭報則未經發覺之先當早有摘發即行察經年以來亦當早有採訪何至今該督一次寬限

李文襄公奏議卷一 駁參司道 三十

再次寬限此往返耽延之日總是任意蒙蔽之局不意

天語之申飭愈嚴地方之積習愈銅一至於此臣乞

皇上勅下該部察照督疏職名嚴議處分以爲作弊害民之戒庶

上諭不託空言而人心各知凜惕矣緣係糾參司道徇庇事理字多逾額統乞

睿鑒施行

康熙七年十一月二十二日題奉

旨該部嚴察議奏

嚴覈郡守職任疏

掌京畿道事湖廣道監察御史加二級李之芳謹題爲郡守職任最重嚴覈方可得人敬陳末議仰祈

睿鑒事竊照吏部具

題知府關係甚大一疏內稱知府內有不稱職者令該督撫指名

題參久奉

俞旨未見各直省督撫將不稱職之知府嚴察指參不思知府一官與往日亦大不相侔矣在往日有各道與推官分理地方之責今日既裁去各道推官則地方

李文襄公奏議卷一 郡守職任 三十

之責專歸知府要得知府實堪辦事必不至於曠官

庶幾地方雖經裁官猶不至於誤事故煌煌

綸旨謂今將各道推官裁去一切錢穀刑名事務皆知府

承理

睿慮何等周詳關係何等重大無如經年以來督撫尚度

外置之似無甚關係者各直省知府必不盡係稱職

之官不知該地方屬員之賢否民生之安危錢糧之

完欠事件之綜覈將何所憑以爲確察何所恃以爲

清理臣愚謂在外知府宜照京官緊要員缺責令部

院堂官保舉之例亦責令督撫將該直省現在知府

秉公簡別果係賢聲素著之官開列事實保舉方准
畱任供職其有闕茸敗檢不堪表率者嚴行察參無
令貽誤地方該督撫宜實心為

朝廷任事自不難為地方擇官如徇情濫舉及現任內有
不稱職之處別經發覺俱有定例處分該督撫又安
敢不其難其慎自遺後累乎總之緊要員缺內外一
體保舉之法內外可行欲令直省地方逐處澄清若
郡守一官不得真正賢能必難奏効欲令直省知府
所在得人若

題參不職止聽督撫自便終是因循臣謹冒昧具陳伏

李文襄公奏議卷一

郡守職任

三十一

乞

睿鑒勅部議覆施行

康熙七年十一月二十二日題奉

旨該部議奏

李文襄公奏議卷一終

李文襄公奏議目錄

臺諫集卷之二

請行甄別督撫疏

政本關係甚重疏

請酌勒限緝賊疏

請嚴錢糧覺察疏

請除蕪益條例疏

封疆關係匪輕疏

請停各部行察疏

請禁雜流委署疏

李文襄公奏議卷二

目錄

覺察奸蠹內外畫一疏

請省外官過當處分疏

請議巡鹽考核實政疏

嚴飭諱盜累民疏

在銓遵例自陳疏

李文襄公奏議卷二

男 鍾麟編次

請行甄別督撫疏

掌河南道事湖廣道監察御史加二級臣李之芳謹
題為督撫關天下之安危

請急行甄別以挽貪風以救民生事臣竊惟

世祖章皇帝時賞罰出於至公其時之督撫不敢恣睢無忌
率有司以虐窮民然猶不時甄別處分以防其壞法
害政之漸輕則降革重則提拏斧鉞凜然未嘗少貸
故當時吏治肅清民生不困豈一時之督撫皆賢彼

李文襄公奏議卷二

甄別督撫

誠有所畏也乃自順治十八年以後遂用督撫率多
徇私其夤緣之路雖不可知大畧鮮無因而得者則
方其節鉞相加固已視為心腹有所恃以為濟惡之
地矣故一至地方勒索屬員擾害百姓以下僚為奴
隸任傳宣為爪牙橫取財物賄賂權奸根深蒂固惟
意所為嗟乎各直省億萬之衆賴

朝廷以為命皆

世祖章皇帝所遺之羣黎皆我

皇上愛養之赤子其能堪此輩股削為也自與受同罪之
法過嚴無敢糾督撫之貪婪者與者不認則言者涉

虛即確然有據亦不能執其人而問之矣豈但不敢

糾督撫且不敢糾司道守令蓋司道守令有罪則干
礙督撫安有督撫承問而不力為脫卸以為盡屬于
虛者此所以上下相蒙日甚一日耳前諸臣因災異
條奏指陳督撫害民之弊不下六七疏皆置不問數
年以來未嘗因貪縱重處一人至於粉飾功次冒濫
秩銜副都御史捐銀一千兩輒加侍郎侍郎捐銀一
千兩輒加尚書何一非取之地方百姓者有貪之利
無貪之害彼又何憚而不怙惡以自恣耶即我
皇上親政以來屢頒

李文襄公奏議卷二

甄別督撫

上諭嚴飭督撫近日不過糾察一二有司遽謂可以謝責
耳臣謂督撫不賢即糾察未足為據况表不正則影
不直安足除貪風而甦民生乎伏思直省各督撫其
賢不肖久在

皇上洞鑒中今

天威聿震嘉與海內維新彼窮奇構杭豈可仍留為地方
之害臣乞

皇上特行

親裁將溺職督撫立予罷黜則不肖之徒不能盤踞以擾
民生而吏治漸有起色矣如果臣言不謬伏乞

皇上睿鑒施行

康熙八年六月初五日題奉

旨知道了該部知道

李文襄公奏議卷二

甄別督撫

三

政本關係甚重疏

掌河南道事湖廣道監察御史加二級臣李之芳謹

題為政本關係甚重稟擬理宜嚴速請

勅滿漢諸臣共勵寅恭以收論思之效事近者班布爾善

結黨行私任意稟擬已蒙

皇上洞察奸慝置之大法自此政本肅然一清矣臣惟

綸屏重地代

天理務古稱三公論道即其職也

世祖皇帝時內院諸臣俱在內直辦事凡部院衙門啓奏本

章印日看詳稟擬

李文襄公奏議卷二

政本關係

四

世祖皇帝面賜裁決嚴密神速法誠至善自順治十八年以

後內輔臣在內直內院遂移居外署其各衙門本章

俱至次日看詳且近日進

呈止有學士而無大學士於古人設官

世祖立法之意俱不相符今

皇上乾綱獨握耳目一新臣請

勅令內院滿漢大學士學士仍在內直看詳本章即日稟

擬公同進呈候

旨裁決不特

天威咫尺內院諸臣共凜精白之心抑且朝啓事而夕奉

命永杜任意更改之弊於政本大有裨益矣如果臣言不

謬伏乞

睿鑒施行

康熙八年六月初五日題奉

旨這所奏知道了該衙門知道

李文襄公奏議卷二

政本關係

五

請酌勒限緝賊疏

掌河南道事湖廣道監察御史加二級臣李之芳謹

題為請酌勒限緝賊之法以安民生事竊惟我

皇上仁育四海不忍一物不遂其生而所在有司不體

朝廷德意違法害民以致不得安居樂業且多死於非辜

者則莫甚於勒限緝賊之一事也夫勒限緝賊所以

弭盜安民法豈不善惟是盜賊蹤跡詭秘承緝官又

不能發奸搆伏往往聽信捕役肆意混捉不分皂白

非刑拷打或勒良民承賊或勒失主認賊故禁故勒

致繫於杖下獄中者十常四五即如祁門縣方義等

李文襄公奏議卷二

勒限緝賊

六

一案監斃平民十命太平府蘭宏禮等一案拷死無

辜數人如此類者難以枚舉雖事發自有處分之例

然而籠楚之下被誣者苟不得死何所不至其間附

會成獄終於沉寃不明者何可勝數總緣見行緝賊

定例處分太類程限太促承緝官止戀一己功名不

顧平人性命一至於此嗟乎民生至重死者不可復

生一夫含冤上干和氣邇年水旱頻仍召致之由蓋

可知矣臣查

大清律一款各處民間被賊打劫即時擒獲者印捕等官

免罪一月之外不獲通行住俸緝捕仍計一年之內

失事起數叅究問罪分別降調又查

世祖章皇帝時定例失事地方官員輕者住俸戴罪緝賊重

者降革戴罪緝賊此皆煌煌

令甲有益於弭盜無害於民生今增為一年罰俸半年降級之法既住俸又罰俸一限六箇月再限六箇月例繁限窄時日相迫而不肖有司反思巧為脫卸是裝砌一良民即縱容一匪盜矣養奸滋害弊非一端况自改例以來盜賊熾甚往時而諱盜不報者益眾良由諱盜與報盜均屬處分而諱盜之處分尚可朦朧倖免以此甘心隱蔽釀患愈深且近來州縣官衙失

李文襄公奏議卷二

勅限緝賊

七

事尤多此無非盜賊狡計以為官畏糾叅自必曲為掩護則官利於諱盜而賊更利於官之諱盜

功令愈嚴而避降罰者蓋上下相蒙以遞於處分之外非

立法於至當以為拔本塞源之計盜賊何自而清耶

臣乞

皇上勅下吏兵刑三部確查近來地方失事是否愈多諱

盜是否日甚誣良為盜是否害民成風勒限緝賊是

否流弊已極確議良法靖盜安民或照

大清律限捕或照舊例責緝斟酌妥例期於久遠可行則

奸宄屏息而民獲寧所矣如果臣言不謬伏乞

睿鑒施行

康熙八年六月二十四日題奉

旨該部詳議具奏

李文襄公奏議卷二

勅限緝賊

八

請嚴錢糧覺察疏

掌河南道事湖廣道監察御史加二級臣李之芳謹
題為請嚴錢糧覺察之法以杜民累事竊惟錢糧上關
國計下係民膏年來裁汰虛糜禁止加派所以籌
國甦民者無所不至惟是各處官役侵欺動至盈萬累
千最為大弊難除皆由該管督率之官不肯盡心覺
察故也如秦撫白如梅
題參革職知縣郭顯賢侵欺康熙元年及六年錢糧音
撫阿

題參交城縣署官陳方舟侵欺康熙二年至七年錢糧

李文襄公奏議卷二

錢糧覺察

皆侵欺在數年之前發覺在數年之後或當時司府
官員逐時清覈則一有侵漁旋即追究何至年年搜
取習為故事且數少日淺餘資未散猶可追比以充
軍國之需乃職在稽查者漫無撻發致令連年中飽
積欠愈多雖敲扑徒施無補遺欠因而承追之官莫
免叅罰敢行灑派或名為願借完公或名為樂輸補
庫實則勒令艱難之民重罹剝削之苦

朝廷設藩司郡守之為何而令州縣官役敢於年年侵欺
病

國病民若此不知每年如何開報部中如何銷算乃聽

其恣取而無厭耶况錢糧考成賞罰並重一年錢糧
報完司府並敘督徵之功節年錢糧侵欺司府不議
徇縱之罪是為有勸無懲非所以嚴責成而重
國計也臣乞

皇上勅部確議嚴責該管司府官員將州縣錢糧每歲據
實稽察但涉侵欺立行揭參除當年發覺者止追究
侵欺官役不議司府外若發覺在三年五年之後即
將該司府照失於覺察例嚴加議處若知係侵欺匿
而不舉乃故縱者徑照錢糧互相覺察律從重治罪
庶正供不滋歷年之弊百姓不受重徵之累矣如果

李文襄公奏議卷二

錢糧覺察

臣言不謬伏乞

睿鑒施行

康熙八年六月二十四日題奉

旨該部詳議具奏

請除無益條例疏

掌河南道事湖廣道監察御史加二級臣李之芳謹
題為請除無益之例以挽弊政事伏見我

皇上因兩澤愆期

特諭大小臣工力圖修省革除積弊臣惟各衙門政務紛
更失當者固多而吏部考功事例尤為害政有不可
不急除者敢為我

皇上陳之近年以來外官叅罰處分日密一日降級革職
動出意外是以各官救過不服徒務虛文以為彌縫
且夕之計不能為地方盡心愛民即罰俸一項處分

李文襄公奏議卷上

無益條例

十一

校輕常有莅任一二載罰俸五六年甚至十餘年者
官俸有限即使每年全支尚不免有憂父母妻子之
心况節年扣罰則仰給之費勢必取之地方故貪吏
常多而不可禁夫十兩流徙

功令昭然豈有因其養廉無資而從寬之理若法在必行
又未足以服其心其弊一也且例之所在不論賢與
不肖而但繩之以苛急之法雖廉能之品一遇小節
細故即不能久安其位如大選急選亦次出缺其間
以貪庸解任者十無一二大幸以公事註誤而去之
天下之賢者不可以多得安知後來之人必勝從前

之官迎來送往徒害民生其弊二也况則例紛紜權
總歸於胥吏欲輕則有輕條欲重則有重款即如違
限一事有計月降調之例有怠緩遲延之例又有慢
上誤公之例又有置若罔聞之例事同法異類此者
難以枚舉總是多立名色便於高下其手其弊三也
有此三弊則是該部增設事例祇足以淆亂成法消
損人才其不能有裨吏治明矣該部雖亦疏請再議
但例外生例舊習難挽恐終有負

皇上革除積弊之意臣乞

特諭部院大臣將該部見行事例徹底推究實實釐定務

李文襄公奏議卷上

無益條例

十一

使永遠可行其因事之法涉於苛細者熟議而酌除
之其事蹟相同輕重迥異多設條目致胥吏可借法
為奸者一切刪去誠革弊之一法也再查

世祖皇帝時舊例因出缺太頻叅罰太密該部覆准

大計處分循例糾劾貪酷提問以至失守城池遲誤軍機
各官均應照例議處不准留任外其餘因公事議處
等官但令戴罪供職合無酌復舊章省事寧民此又
革弊之一法也臣芻蕘管見冀裨政務萬一統乞
睿鑒施行

康熙九年四月十四日題奉

旨該部知道

李文襄公奏議卷二

無益條例

三

封疆關係匪輕疏

內陞以正四品頂帶食俸仍留管河南道事監察御史臣李之芳謹密

題為封疆關係匪輕翼鎮當求實濟仰祈

勅部確議以資汛防以固邊圉事臣竊見藩下官兵各有披甲旗兵足供捍衛援勦之用又當年因地方初開外添隨帶綠旗官兵各數千員名不等原備不時征勦近承平以來各直省綠旗官兵酌留汛防疊經裁汰獨藩下援鎮綠旗官兵未有議及汛防與裁汰者凡平時畫疆戍守以及地方雜項差撥藩下鎮兵一

李文襄公奏議卷二

封疆關係

十四

切不與卽地方或有失事其罪在地方該管文官及分汛管將而藩下鎮弁亦無與夫均之綠旗官兵也均之按伍食糧也其勞逸甘苦効力責成甚為懸殊竊思藩下綠旗鎮兵與藩下披甲旗兵不同

國家養一兵期得一兵之用安有養兵糜餉而不任地方之責者今藩下各鎮雖曰遇警援勦然當此中外一統之日無復有非常之警以待應援則是此項兵丁置之無用之地也如粵東去年五六月七八九月南海順德增城三水等縣賊盜猖獗至於放砲豎旗殺擄男婦幾燎原之勢總由於兵單汛廣防禦不周

向使該省藩下鎮弁平日一體汛防星羅密布何難
遏絕亂萌乃使賊勢恣橫如此耶雖至十月間曾遣
藩標將官一員帶兵四百名協同督提各標分頭搜
剿然而前此地方被其蹂躪已不可復問矣臣以為
地方時勢今昔不同昔者以進取為急故調集援師
為一時制勝之策今者以封疆為重當分汛貼防為
經久固圉之謀况各省督提屢請增兵無非為地方
預計綢繆與其議於現在營汛抽調左支右絀何如
即於藩下綠旗兵內酌量調補移緩就急可應時取
濟乎臣乞

李文襄公奏議卷二十一 封疆關係 十五

皇上勅部確議將各藩下翼鎮官兵責令該督會同藩臣
悉心布置凡地廣兵薄應議增防處所除藩下披甲
旗兵外即將藩下綠旗鎮兵照依綠旗分派汛轄事
例一體責成務保無虞其久經平定地方藩下既有
旗兵督提鎮標又有經制官兵度足以資控制調遣
之用亦即將藩下綠旗鎮兵照依綠旗缺額不補事
例陸續裁汰如此則畱有用之兵永固億萬年疆土
裁無用之兵歲省數十萬金錢其於
國計邊圉未必無補也如果臣言不謬伏乞

睿鑒施行

康熙十年六月十九日題奉
旨該部確議具奏

李文襄公奏議卷二十一 封疆關係 十六

請停各部行察疏

內陞以正四品頂帶食俸仍留管河南道事監察御史臣李之芳謹

題為卓異薦舉當停各部之行察以省煩文以肅

大典事竊惟卓異薦舉例查錢糧盜案所以核職守而勵

官方也惟是錢糧盜案吏部原有底冊可察乃循例

必行察於各部徒滋紛紜無裨實政有不可不酌議

停止者蓋各省錢糧該督撫咨

題到部各部不過察核完欠其議敘議處之官無不移

咨吏部即地方盜案兵部止於察議武職凡係文職

李文襄公奏議卷二

請停行察

十七

亦無不移咨吏部其餘別項大小事故不拘何衙門

發覺但係吏部除授之官總係吏部與聞之事所以

紀錄降罰戴罪住俸等項俱經隨事註冊洵各官功

罪難掩之地也當卓異薦舉具

題到部之時該部止須查閱現在冊籍其有無事故已

無不燦如指掌簡便精核無踰於此今則舍本衙門

之底冊而問諸各部各部檔案頭緒繁雜各官事故

久近不一吏書易於上下其手作弊生奸抑且文移

往來不可以日月計即如康熙十年正月

大計露章冊處等官九百餘員自封門閱冊以至過堂考

察不過旬日而各省卓異官止二十九員迄今六閱

月始得會議具

題竊念

計典三年一舉全在彰瘡嚴速足以信賞罰而快人心今

半載以來有懲無勸俾

朝廷激勵羣工之盛典不獲早見諸施行孰非因行察以

致濡遲至此哉矧各官陞轉皆據本部底冊獨卓異

薦舉乃向各部行察豈本部底冊陞轉足憑而卓異

薦舉遂不足憑耶即各部行察不過求符本部之冊

案況本部冊案又皆先據各部之移咨者耶臣因管

李文襄公奏議卷二

請停行察

十八

理

大計與部司吏科滿漢諸臣會核卓異見行察各部甚屬

煩文又思薦舉行察事同一體嗣後宜停止臣謹

冒昧具陳伏祈

勅部議覆施行

康熙十年六月十九日題奉

旨該部議奏

請禁雜流委署疏

內陞以正四品頂帶食俸仍留管河南道事監察御史臣李之芳謹

題為委署實病民生雜流不宜濫預請

勅該部嚴議禁止以信

功令以禡地方事臣閱邸報見直撫金 具

題敬陳新舊交代之益等事一疏內稱委官署印於百姓大有不便不如通行直省令新舊交代今部覆既

不准行勢必照常委署竊念委署之害不止一端惟

雜途之鑽營委署其害最甚向來吏部

李文襄公奏議卷十一 請禁委署

李文襄公奏議卷十一

請禁委署

十九

題定吏員生員非督撫具

題保舉不得陞轉正印久有成例乃各省委官署印槩

不論出身履歷則有與定例大相刺謬者如成都府

照磨詹文運署新都縣知縣廬州府經歷楊大發署

廬江縣知縣布政司理問張文彬署眉州知州按察

司經歷孫良弼署富順縣知縣又署廣元縣知縣以

吏員委署正印者相習為常不可勝數使其人各堪

膺正印該督撫豈不具

題保舉以不堪保舉正印之人委署正印則是不敢上

聞於

朝廷乃敢擅行於本屬其中微員以營幹而得越俎上官

以地方而徇情面皆不可知雖委署之官與實授不

同然其為正印則同既為正印其足以播惡於民則

同且委署之害民大有不同於實授者蓋委署官所

署之事原非本等職掌所署之民原無情分相關不

過為一時潤囊肥家之計於地方之利害甘苦固無

與也况乎么麼小吏無名節之顧惜玩法漁民十有

八九彼自視其身固已甚輕而欲其重

國家民社之事豈可得哉臣乞

勅下該部照保舉定例嚴行禁飭凡正印偶缺其吏員出

李文襄公奏議卷十一

請禁委署

二十

身等項人員一槩不得濫委庶幾官方一清地方蒙

福矣抑臣更有請者地方之有署官實由於選補稽

遲懸缺日久之故蓋吏部單月急選雙月大選急選

所餘之缺必待次月大選然後填補如三月內急選

懸正印三十餘缺五月內急選懸正印二十餘缺是

一缺到部無故而耽延不選者常至兩月不知地方

已經年受署官之害矣臣愚謂除將單月之缺照例

俱儘急選外若有餘缺宜將下月應得大選之人即

行序補人為應選此缺之人缺為應選此人之缺無

所容那移攬越於其間止期於早一日新官地方早

濟一日之事少一日委署百姓得安一日之生耳如
果臣言不謬伏乞

勅部議覆施行

康熙十年六月十九日題奉

旨該部確議具奏

李文襄公奏議卷二

請禁委署

三

覺察奸蠹內外畫一疏

都察院左副都御史臣李之芳謹

題為奸蠹最為害政覺察不可不嚴請

勅議內外畫一之法以祛積弊事臣惟吏書作弊壞法處
處皆然實未有如在京各衙門之最甚者故釐弊別
蠹當先自在京各衙門始京師之蠹消天下之蠹亦
消矣京師之弊除天下之弊皆除矣無如各衙門事
務殷繁易於叢奸滋弊該管之官一有不察則招搖
撞騙無所不為且授受隱秘難以舉發與受同罪之
賊出錢之人必不肯首告即傍人告發亦必不肯據

李文襄公奏議卷二

覺察奸蠹

三

實供吐其承問之官亦不過以夾訊不服朦朧完結
所以

朝廷清釐庶政諸弊皆易芟除而惟此胥吏之奸牢不可
破即如現在各衙門吏書豈果人人奉法而無作奸
犯科之輩者乃數年以來未聞某衙門祛一某蠹某
衙門發一某弊即尋常責革亦屬罕有之事可見向
來吏書作弊皆該管司官因循容縱置若罔聞且以
為雖事發而身不任其責故也臣思衙役犯賊失於
覺察者本官革職煌煌

功令率土凜遵而惟在京衙門不用此例如往年門文秀

一案書辦犯賊至數千兩該管司官竟不坐以失察此甚非均平之法也夫在內在在外皆

朝廷法紀之地內外官員皆

朝廷發弊之人况部院事務關係更重部胥作弊賄賂更多若謂衙役犯賊難於覺察豈外官偏有過人之精明而京官皆當無聞無見乎寬於內而嚴於外何以厭服郡縣有司之心哉臣乞

勅部確議嗣後在內憲役犯賊本官失於覺察者一體照例處分則在京各衙門官必自覺察其胥吏而奸姦斂跡內外肅清矣如果臣言不謬伏乞

李文襄公奏議卷二

覺察奸姦

三

睿鑒施行

康熙十一年六月初八日題奉

旨該部確議具奏

請省外官過當處分疏

都察院左副都御史臣李之芳謹

題為參罰煩密太甚外官難於奉行請

勅議省過當之處分以裨吏治事臣竊觀今日吏治之弊在於文法太密而尤密者在於方面有司等官故常有在任三兩年而罰俸至二三十年或十餘年不等者非所以恤臣工而勵廉隅也蓋官之有俸所以養廉也漢宣帝時下詔曰吏皆勤事而俸祿薄欲其無侵漁百姓難矣遂加吏俸著於策書夫俸薄尚恐不足以養廉况積罰至數年無俸又安能責其潔已愛

李文襄公奏議卷二

請省處分

三

民奉

朝廷之法乎伏見我

皇上因江南各官參罰甚多特頒

上諭寬限又直省督撫部議罰俸者毋奉

旨寬免是地方官參罰煩密久蒙

皇上洞鑒但事務煩劇之地不止江南一省品卑祿薄之官按之督撫倍難與其暫寬暫免為一時之權宜何如去泰去甚定經久之良法即如見行部例陞員未完錢糧盜案毋案罰俸一年夫陞員若果有侵欺那移不明錢糧及諱盜誣良等事該督撫

題參到部自應照例議處罪不止於罰俸至如現徵未完錢糧任內續起盜案皆因交代限緊日不暇給若使本官身在地方豈不能料理完結况現任之官錢糧議處尚須待限滿

奏銷之時盜案罰俸亦必在一年不獲之後今乃使陞任之官取併於一時不惟時日無及勢必催比累民且議罪定例官員縱犯貪酷不法等事其罪相等者亦不過從一科斷獨陞員未完事件一疏之中有五案罰俸五年有十案罰俸十年此乃過當之法而

世祖皇帝時所無也又如外官造報各項文冊遺漏舛錯者

李文襄公奏議卷二 請省處分 三五

俱罰俸一年至京官送刷文卷遺漏舛錯止罰俸一箇月同是干係錢糧同是遺漏舛錯而外官之處分乃十倍於京官不止由此觀之則外官罰俸之多可類推矣竊思京官外官總是

朝廷臣子京官有俸而外官常無俸乃外官未嘗以無俸告苦者豈皆吸露餐風無非科取百姓以作當得之俸耳豈不大負我

皇上重吏治以安民生之意哉臣乞

勅部酌議陞員錢糧盜案應否仍照

世祖皇帝時定例在任外官冊籍失錯事件應不照京官一

體處分至尋常議處官員該部查其原無情弊定例涉於煩苛者合無照

大清律內所載本衙門不便事件許其明白條陳之例令隨時

題請改正務期處分得當易於遵行祛虛文所以課實效除苛法所以厚民生所裨於治道非淺也如果臣言不謬伏乞

睿鑒施行

康熙十一年六月初八日題奉

旨該部議奏

李文襄公奏議卷二 請省處分 三六

請議巡鹽考核實政疏

都察院左副都御史臣李之芳謹

題為巡鹽當有實政不宜專論課完祈

勅議考核之法以恒商困以培賦源事竊惟兩淮兩浙長

蘆河東等處鹽課關係

國計最為重大故專遣執法之官經理其事期在釐奸

剔弊為數百萬軍需帑儲不竭之藏也惟是鹽課完

次全視商人之贏絀近歲以來水旱頻仍農商交困

雖節年歲課全完大率拮据不遑取之稱貸恐相延

日甚漸有匱竭之虞全在各差御史弊絕風清加意

李文襄公奏議卷二

巡鹽考核

三十七

優恤為商人培一時之元氣即為

朝廷保恆足之泉源至於緝梟販以疏官引嚴秤掣以速

行銷翦惡棍以安良商察勢要以便小民尤須威惠

兼行然後商民得所查巡鹽御史職掌在順治十八

年以前原以此為殿最之法不僅以完課為能事其

後照新定

實錄所載於差回之時戶部查核課銀完欠具題

勅都察院照例考核所謂照例者照

實錄分別完欠之例耳數年以來遵守不變於興利除弊

之職掌置勿問也臣思巡鹽一差若僅為追徵課銀

則運司分司等官專管催辦從來無不完之課何必
藉御史之督徵御史之職掌若止為追完鹽課則戶
部察核已明之事又何用都察院多此考核為乎臣
乞

勅部院確議嗣後各巡鹽差滿仍行昔日考核之例將徵
解錢糧冊造送戶部磨算其行過事蹟冊造送都察
院稽察戶部據錢糧之完欠為高下都察院據政蹟
之優劣為勸懲則鹽課可以漸清商困可以漸起各
差當事爭自濯磨而

國課可以常裕矣如果臣言不謬伏乞

李文襄公奏議卷二

巡鹽考核

三十八

睿鑒施行

康熙十一年六月十一日題奉

旨該部院議奏

嚴飭諱盜累民疏

都察院左副都御史臣李之芳謹

題為欲清諱盜之源當剔累民之弊祈

勅部議嚴飭以安民生事竊惟近來盜賊日多皆由諱盜
諱盜日多皆由民間不敢報盜夫民間被盜受害不
謂不慘矣顧隱忍而不敢報者非甘心諱盜也良由
功令森嚴地方官痛心疾首不欲聞民間被盜之事故民
間報強盜官必曰竊盜民間報強盜殺人官必曰讐
殺姦殺蓋以強盜殺人則官有緝賊處分竊盜與讐
殺姦殺則官無緝賊處分故也於是民報盜而官不

李文襄公奏議卷二

嚴飭諱盜

二十九

緝盜反行拷民至有撈逼失主幼女勒供其兄自殺
其父如夏縣署印官張豈等事者則是失主既有家
破人亡之苦問官又放生枝節中以危法奇冤異慘
控訴無門此其不敢報盜者一也即地方官差捕緝
賊矣而積捕不肯蹤跡盜賊反以抑勒失主先索酒
食次講差規不饜不休以至上下比較往來解審杖
錢路費一切取辦於失主小民身家能有幾何強盜
搜括於前兵捕剝削於後資財產業倍加凋零如武
邑縣失主李進才被解役劉自玉等逼要盤費情極
酸斃二命甘心抵償則是被盜時幸而不死報盜後

反不樂生此其不敢報盜者二也強盜大案勢必三
推六問失主處處隨審廢業拋家一日盜案未結一
日不得釋放且解到之處問官又未必即審累月經
年奔馳守候累死途中者有之淹斃旅店者有之則
是強盜未正典刑失主先登鬼錄此其不敢報盜者
三也竊念民間被盜已為極苦乃地方官不能為民
靖盜反咎民以被盜累官雖明知其苦毫無體恤以
致各處地方失主紛紛有一起盜案在審緝之際即
有一起失主在湯火之中臣乞

勅部確議通行直省督撫嚴加禁飭以後民間被盜止許

李文襄公奏議卷二

嚴飭諱盜

三十

據報緝賊不許事外生情故勘失主捕役承緝止許
躡訪真賊不許需索食費擾害失主即獲盜究審亦
止須失主本地認賊不許逐處隨審拖累無休違者
該督撫立加叅處以為庇盜殃民之戒自此被盜之
家稍得安生應報之盜寧甘容忍則諱盜者自少而
獲盜者必多矣如果臣言不謬伏乞

睿鑒施行

康熙十一年六月十一日題奉

旨該部確議具奏

佐銓避例自陳疏

吏部右侍郎臣李之芳謹

奏為自陳不職仰祈

睿鑒罷斥以肅官常事切臣由順治四年進士除授浙江金華府推官十一年內卓異陞刑部廣東司主事歷任本部山西司員外郎湖廣司郎中本部題留久任十五年改授廣西道監察御史十七年巡按山西十八年停止巡方撤回因督催兵餉全完照例加一級康熙元年十月給假回籍二年八月假滿補湖廣道監察御史仍帶加一級六年十一月恭遇

李文襄公奏議卷二

佐銓自陳

三十一

恩詔加一級十二月兩浙巡鹽考核紀錄九年八月奉

旨內陞以正四品頂帶食俸仍留管河南道監察御史事十一年二月陞補都察院左副都御史十月陞補吏部右侍郎康熙六年三月以前事過不開外康熙七年七月內為太醫院醫士胥化龍一案部議係關殿之事交與刑部察議奉

旨免交十年九月內為避

旨回奏九卿科道會議巡方一案部議降一級留任罰俸一年奉

旨寬免伏念臣一介庸陋自外任以迄京職糜祿二十五

年本無寸長可備任使蒙

皇上隆恩寬宥過愆不次

擢用猥以臺班之微職遷副憲不及數月之內驟躋佐銓臣濫叨過分跼蹐靡寧敢不捐軀効力圖報稱於萬一但銓務關係甚重臣才實為疎庸兼以年逾五旬精力衰減雖矢竭蹶之心竝無涓埃之效夙夜凜懼

高厚難酬今值澄敘之時臣謹據實自陳伏乞

皇上睿鑒即賜罷斥處分以為不職者戒臣不勝惶悚待命之至

李文襄公奏議卷二

佐銓自陳

三十一

康熙十二年四月初一日奏奉

旨李之芳簡任佐銓着照舊供職該部院知道

李文襄公奏議卷二終

序

壬申之歲竊得參訂武定先生唐序又唐序奏疏文移諸稿頗檢點之既卒業撫卷而歎抑何其與有明王文成公生平奕世同符也文成撫南贛而定宸濠之亂先生制兩浙而定耿逆之亂皆值藩臣干正其事同也文成論功錫世爵先生亦論功得世職其酬勳亦同也夫漢之周勃亞夫唐之李郭等豈不亦更一傳而再造者乎然類皆兜蓋之臣耳即留侯武侯鄴侯非武臣矣而不出於科目惟文成與先生皆以名進士起家而知軍旅之事故曰同也然而

年譜

唐序

亦有不同者文成獨見知於王晉溪司馬預為裁定之謀先生乃受知於

聖主得奏匡扶之績則其知遇不同宸濠羽翼未定一鼓而擒耿逆犄角方張三載始靖則其難易不同文成由郎署上封事不畏強禦謫官幾罹不測先生由烏府拜昌言亦不畏強禦超遷獨承異數則其遭逢不同文成事平而起讒言迨易世而後膺新建之封先生事平而內召大司馬大家宰授世職而有綸扉之拜則其酬庸不同獨是文成嘗聚徒講學而以良知為宗先生則以至誠為本姑無論學術即遭逢建豎

有如文成者抑亦指不多屈矣而先生由司理以來

正色敢言不避強貴凡所規畫皆救時之良藥著為令甲者班班可考此即先生臯比橫經之餘也及出督浙師力清海內餽遺之習且傾產以佐鼓勵用命之資危坐輪指扼塞在握屬吏對而驚心三軍聞而感泣行間流離之屬已成死別而僥得生聚以歸鄰省革心之衆不投近壘而遠來釋戈於浙而先生運籌之詞亦惟曰廓然而大公物來而順應而已講學孰有大於是者哉故雖偏裨走卒皆得引入帷幄即其疾苦而知其情狀以奏奇功至於軍需支領之數

年譜

唐序

以不先關白司農而屢不得請於會計者殊撚鬚悄然不以爲意也謂當其時甲冑被體矢石當胸業已置吾性命於度外而遑計及身家之區區耶懋賞之王言如雲宜捷之露布如雨筦中樞歷豕宰金甌之九重最慎重而不輕下者而卒以畀之上下感孚之盛宜若文成生平所未嘗有者蓋其與文成同者值逆藩之亂紀而其所不同者逢皇上之知人也而要之非至誠之格孚不及此夫誠即知也良知即誠之至也究之未有異學也歸

闕廷後絕口不言蕩平之事亦不一登貴戚之門一介不

苟取與落落不與時諧然名益高而情益孤矣未幾

一再乞休致政歸里日惟杜門謝客雖盛暑嚴寒蕭

衣冠一編獨對而已先生雖不能與時俯仰然教歷

中外激頑洗貪扶翼世教增重

國光其為翌贊不止在疆場勳勞已也迨

皇上已巳南巡先生率在籍諸臣同地方官恭迎

聖駕於德州郊次

皇上停鑾問勞垂詢年齒

天顏睟穆玉音和暢嘗辱從筵羽之後親見其盛自昔勳

年譜

唐序

三

臣以功名始終精力矍鑠雍容里門者史冊不易多

得微論文成矣今彙集章奏若干卷啓稿咨稿文告

之屬凡若干卷以行於世猶記十餘年前曾有贈句

云陰功武惠為前輩封爵文成屬後身覽斯集者其

亦有感於明良之會也夫時

康熙三十有二年癸酉正月淄川舊史氏唐夢賚拜

手敬題

李文襄公年譜

杭州受業程光祿編纂

歲在壬戌明天啓二年八月十八日卯時 公生於

山東濟南府武定州諱之芳號鄴園 先世自真定

府棗強縣徙居武定譜牒洊經兵燹散失宗系遠不

可考高曾以來代有隱德為閭里所稱祖墓在州之

北距城三里許以公貴建坊樹表豐碑崇嘉佳城鬱

蔥積善忠孝之家盛事也

癸亥天啓三年公二歲

甲子天啓四年公三歲

年譜

乙丑天啓五年公四歲

丙寅天啓六年公五歲

丁卯天啓七年公六歲

戊辰崇禎元年公七歲

始就外傳

己巳崇禎二年公八歲

庚午崇禎三年公九歲

辛未崇禎四年公十歲

壬申崇禎五年公十一歲

癸酉崇禎六年公十二歲

一日就塾偶遇方外異人目公曰郎君好自愛公輔之相也

甲戌崇禎七年公十三歲

初應童子試見知於王崇巖郡侯

乙亥崇禎八年公十四歲

丙子崇禎九年公十五歲

丁丑崇禎十年公十六歲

戊寅崇禎十一年公十七歲

娶元配夫人胡氏

時山東督學使者為浙江翁一獻先生解元名進士

年譜

衡鑑公明考場生童交卷多面閱得公卷即欣賞大

書取字示之補濟南府庠生

己卯崇禎十二年公十八歲

庚辰崇禎十三年公十九歲

辛巳崇禎十四年公二十歲

壬午崇禎十五年公二十一歲

鄉試中式第九名

癸未崇禎十六年公二十二歲

丁父母憂居喪營葬皆遵古禮

國朝順治元年甲申公二十三歲

順治二年乙酉公二十四歲

順治三年丙戌公二十五歲

春試南宮未第

順治四年丁亥公二十六歲

是年

詔復行會試中式第九十六名

殿試三甲第四十四名

順治五年戊子公二十七歲

順治六年己丑公二十八歲

授浙江金華府推官

年譜

十一月涖任首謝請託娶俗薦紳遊客遇事率多關

說民志輒不獲伸公槩絕之訟獄以平

東陽縣多盜賊鄉結為社即古守望相助意武弁好

事動必徵調致都社呈控上官委公查覆公謂設防

以來民既苦於土物之餽又苦於芻茭之供若再迫

以奔走折衝恐馬力之竭而泛駕也防官誠能訓練

精銳之氣自倍安用此不知步伐之社兵壯其旗鼓

乎給示禁飭毋容後時

順治七年庚寅公二十九歲

總兵馬進寶即馬逢知駐金華性驕縱所部兵奔卸

買民物民淡以為患官吏緘口莫敢問惟公繩兵以法逢知泣訴道府欲令地方官監買公拒以無此例但令其照市價無擾民乃得安迨後逢知以不軌伏誅是公於十數年前已先見而概邪魄矣
金華縣民張十三衙堂兄張三兩宿怨乘孤村夜雨棍擊三兩立斃借弟張十四投屍溪中滅跡三兩有寡嫂倪氏聞聲及其妹張氏啓戶視之血漬殷然張氏具控以雪兄冤證據明確兇犯亦俯首服辜而上司必欲獲屍檢驗且以兇仗不得再三批駁幾成漏網公謂棄屍逝波必滅兇仗若以無屍檢驗得從狡

年譜

四

脫則棄屍水中之律可以不設况木棍可滅而血漬難泯倪氏雖死而張氏猶存即張十三妻范氏亦不能為夫諱安能寬其殺兄之戮卒正典刑

順治八年辛卯公三十歲

巡按御史杜公覺菴按部金華欲清理獄囚時逮繫者數十餘案杜語公令吏胥攜卷以備省察公曰不須攜卷但逐案喚問即可清理至則某案情罪緣由如是某案口供前後如此詳述纖悉無遺杜曰此真司理也

婺城當兵燹後土著流散市鮮寄廬即有舊家舍宇

悉為隨征將卒占住民多野棲露宿之歎公逐一清查將營弁大廈一十一所兵房一百五十七所給歸原主民始得聚廬而居焉

秋八月浙江鄉試公同考分易二房得趙昕許兆桂范敬生楊學溥張晉錢洪表周瓚許曰霖等八人許曰霖後更名曰琮登進士官御史
是年八月二十一日恭遇

覃恩授公為文林郎

敕贈公父如其官母贈孺人元配胡氏封孺人

順治九年壬辰公三十一歲

年譜

五

撫按委修賦役全書先是委杭湖二刑官編纂日久未報成書遂改委公公念賦役一書為國計民生所係於是稽求往牒斟酌時宜多者裁闕者畱挂漏者考覈隱蝕者清釐哀多益寡務求合於大公用經久遠費盡調劑淡心書成上之各院撫院蕭批該廳於布在方策中斟酌通融因革損益具見為國民籌計苦心按院杜批條分縷析備徵石畫如議編纂付之剞劂以垂永久

部民周成之與周彝之同族雁行素有隙乘陳希文被劫失牛告緝在縣遂將彝之呈首復於彝之家搜

獲一牛私囑希文冒認致葬之莫能辨竟陷死法筆
楚之下妄扳周英之等英之激而上控公察辭辨色
反覆推究乃知向指所盜係成之設謀以害葬之而
英之等尤屬無辜據縣詳則葬之萬無生理公按罪
成之而出葬之沉寃始雪羣稱神明

順治十年癸巳公三十二歲

巡道以獲盜大案委訊內有李四陳鸞等一案已論
強劫坐十一大辟矣公鞠而疑之謂屠法與吳成二
家同日被盜居非連址且相距甚遠李四陳鸞等既
盜吳成何能又盜屠法審據屠法稱入門止覺二三

年譜

六

賊吳成亦供不過三人呼鄰追散因辨初招開列多
人之非引強劫論死之誤乃將李四陳鸞詳賊各杖
餘犯竟行釋放

方銓九殺死方五十五及妻陳氏事經五年屢訊未
服幾於漏網公平心研審不動刑訊而虛實各獻其
情總由至誠明察民莫敢欺公在婺六載於八邑健
訟慣証之徒一經對簿數年不忘再見即能舉其姓
名以故奸猾斂跡服心向化

義烏縣令宋某與駐防武弁不相能武弁懇於上司
委府廳鞠之宋令持三百金乞助公諭之曰武弁暴

橫使有司不得為民戢兵余所夙惡也余惟秉公審
斷乃能令彼心服若先自私曷由執法弗受迫鞠訊
之日剖決兩造俯首允協即堂官亦不能出一語唯
唯而已

是年舉公卓異

恩賜蟒袍褒榮

順治十一年甲午公三十三歲

四月陞刑部廣東司主事將司理職稿彙次成帙顏
為棘聽草刊刻問世并載署攝郡邑各篆事時條陳
民隱疾苦及纂修賦役全書調劑制用征輸安全良

年譜

七

法公自序有云凡所承斷一秉大公使訥者盡言諱
者獻詐反覆推勘務得其情而已即有不得寧為閉
閣勿為餽箚又云念此三尺誠非武健自快之物鏡
其情理以準於法苛心恕心兩無所庸於此見公之
明刑慎獄學方心術而恤民體

國早裕燮理輔相器度

十一月抵京師泣刑部任

順治十二年乙未公三十四歲

上諭各部院衙門有才優經濟堪任養民者咨送吏部從
優擢用滿漢堂官僉議舉公公力辭或謂公曰優陞

他人求之不得君奚辭為公曰余歷俸尚淺未敢先
人後堂官乃以他人易之且語公曰失此機會勿後
悔公曰若有後日之悔則無今日之言

順治十三年丙申公三十五歲

三月陞刑部山西司員外郎協修

大清律

十一月陞刑部湖廣司郎中加一級 題畱久任

順治十四年丁酉公三十六歲

三月初十日授公階朝議大夫

誥贈公父如其官母贈恭人元配胡氏封恭人送一子入

年譜

國子監讀書以長子鍾麟廢

讞積案獄詞時南閣科場弊發

世祖章皇帝命嚴鞠令將在事六十餘人口供勘語摘為六

十餘疏各予以應得之罪款狀糾結勢如亂絲啓心

郎不能理舉以委公公立辨明晰瞭如指掌是時

世祖知公辦理明敏獨承

眷注遇六月

恩詔加一級總理刑部十四司案稿

上諭裁刑部啓心郎一時十四司科抄董成無人僉議以

公總理其事京抄每招冊數百葉公曰各省刑獄閱

實於內部民命繫焉若有一綫可生之機不為詳細
看出是由我殺之也以是每招必再三緝閱平反甚
多

順治十五年戊戌公三十七歲

九月

世祖御試改授監察御史

十月補廣西道監察御史

十一月有釐革私僉民解清奸除弊禁革委官查勘

以恤民生嚴察假冒棍徒以靖地方各疏

順治十六年己亥公三十八歲

年譜

春正月都察院堂劄為政治既期精詳法守宜垂畫

一事奉

旨選委專管纂修會典夏五月巡視西城秋七月以悖

旨委官特參兩廣總督

順治十七年庚子公三十九歲

正月掌陝西道事

六月代巡山西按部所歷必延見士民細訪疾苦以

圖實政貪墨解殺勢豪屏息

公廉知晉省風俗漸澆婦女毒毒輕生或舅姑妯娌

夫婿之間稍有嫌隙輒投井雉經仰藥列頸母家藉

以搶奪豪猾因之索詐一婦之死致父子兄弟相率
傾家公先示諭明禁復嚴加重懲搶奪索詐者務必
追給卹分帛齋醮亦不准有司輕斷澆風頓除

順治十八年辛丑公四十歲

學士常公格屬子師事 時公巡方三晉

世祖賓天遇常學士於哭臨所學士謂公曰敬服先生為聖

賢中人也學士還京師復語同官稱公盛德不可及
不去口公入都學士過邸會晤敘談竟日未幾寢疾
日吾生平雅重李公願得一枉車騎永訣死不恨矣
公造問疾學士扶病款洽且命其子出拜囑云公當

年譜

今聖賢若等毋事師之毋忘吾言尋卒按常學士父
達公海位至大學士謚文成始造

國朝字諧聲分類佐同文之治述國語垂世法是父是子
亦可謂聖賢中人矣

是年停止巡方 公於文到日即將行過案牘槩送
撫院棟吏白公須一加檢點公曰凡我所行無不可
與人知何檢點為魔使去遂單車就道不移晷

五月在京邸因督催兵餉全完加一級
康熙元年壬寅公四十一歲
時值

大計考績黜幽有特參老邁監司糾拾溺職學臣各疏

夏四月十三日恭人胡氏卒公為行狀曰嗚呼恭人
與余相莊二十四年而恭人即世神爽日遐忽已一
周今展厥有日而恭人令問淑德懼無以昭管彤雖
馬鬣崇隆無異委壑况其從我於艱難不可忘也用
是取所衆著綜條如左無復文采惟不誣耳恭人姓
胡氏世為順禮里人父胡公萬錦母程氏儲耕相敬
蘊義懷仁雖其聲名不出閭左而鄉之言隱德者歸
之恭人生而凝重自其幼時峻整有儀法余舅氏知
其賢為言於先朝議筮之良遂委禽焉恭人乃以年

年譜

十七歸余猶逮事先王父母先朝議太恭人先王母
時稱內則女誠諸篇以教恭人恭人謹受教婉婉媿
媿益如也先太恭人性端察恭人承之言笑稀絕而
色養甚備饘醢芻蕘手自調糝奉為姑驩遇有疾病
卽一切滄澹澣漱嘗先意刺情不需呼命察疾將作
夔夔憚憚無敢啖飲無敢臥寐必調適而後卽安蓋
上事兩世卽無不熹心歡稱之者人以為難無何癸
未大燹家遭閔凶余握文據几研昏練爽不知米鹽
何等恭人晚寢早作手經指挂黽勉有無卽緩急無
苦乏絕者其為弟妹支持婚嫁辛勤仗助不以無為

解曰吾其為死者撫生者令死者復生生者不愧耳
丁亥余踏都門幸以一經收於主者報至恭人悲法
不能歡曰惜哉舅姑不及見也已丑之官寶婺恭人
從焉余既稱法吏拔薙破柱感至氣發輒不禁齒齟
鬚張呼暑之聲殷動牆宇恭人已聞之顧謂余何事
威怒四達如此南人更不任楛棒幾何不牙戰毛粟
耶會簿牒叢劇質成者糜至余戴星出燭再跋不得
寢以為常恭人曰人言榮進夷猶耳庸知其殫瘁至
此孰與夫荒邨小築種蔬養豸修閒居遂初之樂乎
余至今猶愧其言也屬育女覓乳媪民間有棄子應

年譜

主

募者恭人詢得其情急遣令出曰吾何敢憚乳哺之
勞而飢人之子為余奉

簡書視晉陽瀕行恭人惻然為余言糴斧不患無威患過
威耳過威則傷人必多其仁心為質皆此類也兩際
覃恩辛卯封孺人丁酉又晉今封以次薦副并六珈焉奕
華舉是時宗姻內外無近遠畢會皆吁嗟言曰天之
報施仁人如此恭人益自傷顯號褒錫幾得以榮尊
璋而不待也乃為象服即墓下焚告然後一御新衣
北向呼天祝釐云恭人性不蓄財雞鳴戒且常誦積
金不如積德一語余亦所至握冰履霜鼎金粟馬羊

之誓向非恭人澹蕩於榮利則亦安能動燕北門之
譴靜有由房之歡者乎余徇翔中外既十餘年諸閫
內事無鉅細一切倚辦恭人恭人握轡守銜蓼菜甌
甌不失堤列執麻泉課紡績賦事庀功有程有要余
所得馳驅王事而無內顧者恭人力也恭人雖身膺
綸命猶浣衣菲食如未貴時訓女婦御婢妾必教之樽節
儉素遺絲棄縷無弗掇而藏之者乃若寢廟歲時享
祀躬親錡釜必精必虔尤好行其德厚親黨篤故舊
收憚接卹飢寒皇皇乎如有所者也汲汲乎如有所
追逐也恭人素多病顧矻矻操作無間時雖甚困施

年譜

主

柳必整枕簟必斂箴管繫表必不率爾置之疾革之
日神理炯然無所愴恨以終恭人生於明天啓壬戌
十月二十七日丑時卒於康熙壬寅四月十三日午
時得年四十一耳子男子二鍾麟攀麟嗚呼恭人為
余家勞人者二十有四年孝友慈儉薄於奉身而厚
於施人嚴於教子而寬於御下簡重有識語多合道
者余椎甚無能哆一言也

冬十月公給假歸里
康熙二年癸卯公四十二歲
四月十二日葬恭人胡氏御史傅公辰撰墓誌且為

贊曰余與鄴園公相距百里素稱石交既而同入烏府朝夕聚首即退食之暇亦源源晤語故聞恭人之賢甚悉去歲處京邸鄴園有悼亡之賦同人皆爲之惻然謂郝禮鍾法徽音莫嗣矣又銘曰備其德飭其容龍章賁馬鬣封億萬斯年式茲幽宮誌文多同行述故不全載

六月公繼娶張氏

秋假滿還京師八月補湖廣道監察御史加二級

康熙三年甲辰公四十三歲

十二月有請嚴叩

年譜

十四

聞定例審虛治罪以肅政體直陳奸棍誣逃以安民生各疏

康熙四年乙巳公四十四歲

三月有大僚關係甚重甄別不可不行請酌議追罰事例過當各疏

四月巡視西城

康熙五年丙午公四十五歲

春正月有請

敕各部院衙門察叅庸員疏

二月有春月農務踏勘宜緩疏

秋巡視兩浙鹽課

康熙六年丁未公四十六歲

兩浙鹽政舊多積弊公下車三日即將商引給發以除從前扣留科派之弊革按臨各所掣鹽供應飭運司指勒商人水程陋規禁各官鑽營掣鹽積患嚴關員盤驗需索治捕役構通販私惟安商恤窳剔蠹鋤奸實節商家之費並除竈場之害

是年差竣九月復

命遇十一月

恩詔加一級

年譜

十五

康熙七年戊申公四十七歲

公掌京畿道事有特科科臣嚴覈郡守駁叅司道徇庇各疏

康熙八年己酉公四十八歲

公掌河南道事有政本關係甚重票擬理宜嚴速請甄別督撫以挽貪風請酌勒限緝賊之法請嚴錢糧

覺察官役侵欺積弊各疏

康熙九年庚戌公四十九歲

四月有請除無益條例疏

同三法司校正

大清律滿漢字義畫一遵行

八月內陞以正四品頂帶食俸仍管河南道監察御史事奉

旨同大學士六部諸臣叅定滿洲漢軍漢官品級考

留掌河南道一年公具呈循例更換詞云

實錄開載江浙山陝五掌道用兩差御史掌一年未差御

史掌道止六箇月其掌河南道雖未題定大約與五

掌道月日不遠今職以內陞留掌道已逾一年祈照

五掌道例一體更換庶臺規昭而愚分安

公歷

計典京察二次悉乘至公無論苞苴餽遺嚴卻弗通即知

年譜

十七

交情面亦俱謝絕

康熙十年辛亥公五十歲

六月有密陳封疆關係非輕翼鎮當求實濟請停止

薦舉卓異官員各部行察請禁雜流委署各疏皆著

為例

康熙十一年壬子公五十一歲

二月陞都察院左副都御史舊例御史內陞必由太

常太僕少卿或通政司左右叅議大理寺丞及督捕

左右理事官順天奉天府丞游轉公前以內陞四

品仍留現任管事

恩遇逾格今奉

特旨陞副憲皆從未有之異數也

議盜案處分 公以緝盜之法督責太嚴勢必至於

諱盜誣良於是會同闕衙門上疏嗣奉部議允行有

司乃稍免盜案所註至今守之為例

六月有請覺察奸蠹內外畫一以祛積弊請省外官

過當處分以裨吏治議巡鹽當有實政不宜專論課

完又請嚴飭諱盜累民各疏皆報可

是年奉

命差赴浙江勘問杭常二御史事

年譜

十七

皇上知其賊罪甚晰面諭嚴切以部郎副公行公即日就

道質審情狀各無異辭遂復命

公任御史歷左副都御史在臺中十四年凡有建白

皆忠言讜論關係朝野大利弊彈劾不避權貴不肯

隨人好惡借衆俯仰諫草載文集

十月陞吏部右侍郎

康熙十二年癸丑公五十二歲

四月京察有遵例自陳疏六月奉

特旨以兵部右侍郎兼都察院右副都御史總督浙江軍

務兼理糧餉通值

皇上宴羣臣於瀛臺賦柏梁體詩禮部奏李某轉兵部右

侍郎總督浙江軍務應否與宴序坐奉

旨李之芳着與宴從吏部右侍郎職銜迺同諸臣恭和

御製柏梁體詩宴畢

賜蓮藕八月朔日

陛見辭

賜鞍馬奏明便道歸里展墓告祭家廟示長子鍾麟曰買

表之嘗謂仕宦當作御史否則為將帥餘不足為也

余行能淺薄先任御史今擢總督則居然將帥之任

矣念一介儒家子荷

年譜

十六

兩朝恩遇惟有殫心圖報無復為私計者吾生平大節汝

所稔知脫有緩急則以家財濟之其勿靳嗣是軍興

招募健兒犒賞餽餉所費鍾麟輒鬻產供應皆如公

命無敢少違

十月十五日抵浙江總督任

康熙十三年甲寅公五十三歲

春正月聞吳三桂據雲南叛遂飭沿海等處重嚴武

備

三月初四日疏請提鎮協各營試用銃砲循例開銷

火藥攻堅擊遠為軍中首資

十六日疏請增設督提二標及各鎮協營兵馬

二十九日福建耿精忠反報聞隨檄各路官兵分守

要害

四月初一日疏請

敕江南省滿漢官兵調集交界之地以資聲援江西省於

廣信駐宿重兵以防崇安大關一路或有警急咨調

策應

初三日疏請迅發大兵剋期援剿

檄發本標中軍副將王廷梅統領勁兵一千名先赴

衢州堵禦仙霞關

年譜

十九

初七初十等日賞賚官兵勉以大義命將至江山縣

援剿復會同將軍撫院提督議駐兵衢州扼閩浙要

塞公曰

朝廷以封疆之任屬吾儕事至須身先之吾雖文臣然位

在提督右當裹糧倍道而行遂決計趨衢州公念從

征將士俱有內顧妻子之憂又與將軍撫院提督公

議滿漢綠旗官兵均於額俸餉銀外再行賞賚咸以

奏銷為慮公曰以

朝廷錢糧賚

朝廷將士俾出死力捍衛封疆情理允協且揆之時勢人

情洶洶未定小有怨望緩急未必可用今日之舉吾身任之惟期有濟公事違顧其他額外優給官按月俸銀兵按一月餉銀之數不論隨征守汛差員赴省領支

十九日疏請照例支給滿漢綠旗官兵行糧馬匹草豆聽部議奪

二十九日疏陳各路塘報情形

五月十五日親統領本標並杭協營江南提標官兵

共一千五百名申嚴軍令自杭赴衢欽遵

上諭公同平南將軍賴塔一應軍機事務酌而行時撫

年譜

二十

院及紳士俱以省城為控制重地不欲公去杭公云吾奉

旨督兵豈敢坐誤機會且方今事勢所爭在衢苟上游失守不但全浙動搖將江淮以南皆震驚矣遂行舟次富陽一卒與賣菜傭競令立縛鞭之從官請少寬公曰法令之始毋得姑縱於是軍中悚息所至秋毫無犯

二十五日疏請再發江南援兵數千相機進剿

二十八日抵衢州駐節時在衢滿兵一千餘人綠旗

兵二千餘人逆賊全力屯聚清湖日窺侵犯而應援

之兵猝未能至公捐貲召募家鄉勇壯五百人長子鍾麟能先意承志整甲利兵購馬贏糧簡練健丁馳赴軍前効命

六月初二日據報耿精忠潛遣奸細張連進投送逆書即令衢州副將李承恩立將連進擒縛會同平南將軍賴塔都統胡圖吳申把都魯雅大里公審口供斬首示眾題報

初六日疏報賊船侵犯瑞安官兵奮勇堵擊全城

十二日常山開化剿殺偽總兵李雲龍等報捷

二十二日疏舉原任鎮臣李榮為援剿總兵官設立

年譜

三十

三營官兵以榮宿將統領鼓勵用命固圍破賊七月初一日密報逆賊侵犯金華滿漢官兵擒斬獲捷

初六日公大閱將士於水亭門宣布

皇上厚恩講明順逆大義將士皆感激奮發願決一戰遂同賴將軍統率出城軍於坑西既壓賊營賊接戰良久退入壁公令諸將協力進攻發大戰轟礮之聲震地流丸如雨左右請少避公曰不可三軍司命少移動即為賊乘今日之事以兵勝敗為吾死生耳介冑指麾終日晚始收兵翼日復進逼之賊不敢出是役

也所提兵不滿四千擊賊數萬衆無不以一當百公親冒矢石將士勇敢用命或謂公曰公封疆大臣何不遣將督陣乃親蹈不測之險耶公曰古云將軍有死之心壯士無生之氣然後可以破敵吾若貪生誰不惜死聞者歎服

軍法斬衢協右營守備程龍坑西之戰諸將皆鼓勇爭先獨程龍臨陣退縮師還公坐營門召龍面數之明證其罪按軍法斬龍以徇諸將士見聞皆股栗紀律嚴明如此所以振新集之兵而摧方強之寇無難矣

年譜

三

初七日再疏請亟催副都統喇哈率領滿兵速至應援

時各路逆賊披猖鎮營羽書旁午晝夜不下數百通公無論是官是兵投報轅門令卽刻引至帳前親加撫慰詢賊情形示以戰守方畧雖淡夜不倦或以爲太勞宜稍節之公曰賊勢方張人罕固志宜多方激勸使止下之情聯屬庶可滅此朝食若淡居自逸使人難得見面豈集謀廣聽一心同仇之道乎公至衢州以來禁擄掠詰姦宄信賞罰不妄殺一人十八日疏報金衢官兵大捷擒斬僞都督嚴彪僞副

將葉國榮等

紹台湯溪石梁鎮龍游蘭谿嚴州相繼報捷

八月九月屢戰克捷疏報恢復壽昌淳安遂安諸暨嵯縣義烏東陽等處擒賊首汪磐以歸又密拏不軌奸徒葉日生等

十月十六日疏報招撫僞參將杜日葵率兵首先歸順僞遊擊鄭鼎彪僞都司杜承盛僞千總李龍等投誠

二十四日疏請增督標前後二營足五千經制之兵策應進剿

年譜

三

十一月十五日疏報金華十二里莊大捷二十四日疏報衢州溝溪前墓山捷功滿漢官兵在金華壽溪地方陣斬耿精忠下僞總兵張元兆等二十餘員二十八日疏報金華竹園村季宅馬澗捷功十二月初十日疏報蘭谿東葉山嚴州威平鎮捷功擒僞總統汪匪石十四日疏報金華積道山擒殺渠逆徐尚朝等捷功二十四日疏報嚴屬捷功恢復分水縣城康熙十四年乙卯公五十四歲正月初六日疏彙報自康熙十三年八月以後至今

衛金嚴紹等處招撫投誠人員一萬二千餘名招回難民三千餘名

十三日疏報龍游蘭谿壽昌捷功

軍中獲敵營間諜公漫詰之曰吾營中亦有爾營與相通者乎對曰有之問為誰乃言姓劉者不知其名公默意姓劉者必某也呼至訊之果供有提塘鄭君能現在隨營凡朝報緩急軍情機密皆漏洩與賊因立質得實置君能於法敵間遂絕倘非公機警識破奸人盡以國情輸敵矣

二月十一日疏報衛屬黃壇口陣斬偽總兵葉念等

年譜

三

十五日疏請賑被難飢民

嚴州湯溪繆村砌底前嶺雙石嶺壓潮相繼報捷

四月恢復武義處州宣平等處擒賊首繆國英

五月十六日疏請卹死節署武義知縣事蘭谿縣縣丞徐詰

疏請開復隨征住俸定例地方被盜專汛兼轄以往

俸罰俸降級為別所以責成汛守立法甚嚴公謂當

用兵之際與平時無事不侔若使身當大敵効力疆

場仍不免於失事之咎分身無術何以鼓其用命酌

議變通除平定地方初無調遣者仍照定例其隨征

議變通除平定地方初無調遣者仍照定例其隨征

立功之員有因盜案住俸者破格開復

疏奏軍中有刻不可少之需動帑有萬不得已之勢因初出征時調到都督林宗吳朝宰陳世凱等咸以資裝不辦為辭公各給銀五百兩三百兩不等無不踴躍隨行且用兵之始大賚將士預支月餉請給行糧及軍裝犒賞卹死扶傷諸費倉猝於正餉借支屢疏陳悉部議不准開銷復題明從容補還於時司道各屬竊議釐金為助公堅謝不可
閏五月初一日疏報衛州南塘萬青前嶺等處擒斬偽都司何應龍等捷功

年譜

三

六月疏請開銷賞給官兵銀兩送歷年獲捷軍功冊

七月初一日報明得獲逆書

十一月初九日疏彙報招撫衛台溫處四府偽總兵

等官二百餘員偽兵四千餘名難民十一萬餘名又

偽總兵侯晉爵等自拔來歸

十二月初四日疏議覆水師提督管轄駐劄事宜

是年十二月十四日授公階通議大夫

誥贈公祖父如其官母俱贈淑人元配胡氏贈淑人繼配

張氏封淑人

康熙十五年丙辰公五十五歲

二月初四日疏報衛屬湖南地方捷功

三月初九日疏報溫州大捷斬偽都督孫可德等竝賊衆一萬餘人擒偽副將何賓等五百五十餘名十六日疏報嚴州朱村等處屢次擊敗賊衆勦撫竝用恢復開化縣城

四月密招降將有亳州人章啓元者自賊營逃回言賊將馬九玉麾下副將韓斌將兵八百人駐九龍山願歸誠恐不納若馳一介宣示德意則趨命矣公卽咨查江南以斌子世晉家人苑亮至今持家書竝諭札縫履底中密使走入斌壘斌得書遂與同志相謀

年譜

三六

日中奔歷潮營僞都司王得功施虎僞把總畢思臣蘇起袁宗張玉假爲追斌竟與偕來公俱令隨營任用絕不猜嫌降將感奮斌家人苑亮爲賊所執公高其忠義作傳曰從來義勇節烈得之光明俊偉者居多而難槩於椎魯卑棲之子謂其見理未明而赴義無識也若夫身不越輿隸之徒智不在堂廡之外一旦有故而感主之恩忠主之事且全主之名節而不惜捐軀以從者余於義僕苑亮有異焉苑亮籍鳳陽之亳州投里中韓氏爲僕者有年韓爲故家斌卽苑亮之主也斌業武登辛丑第尋授闕中興化守備甲

寅春耿逆叛初授之職不從後爲逆所脅勉受副戎然其心戀

本朝念及國恩輒感泣涕零會有歸誠人來述其忠悃欲得我信使卽乘間來歸余因備移江省制府傳其子世晉而苑亮遂同一夥僕奉幼主來衛世晉方弱齡未練苑亮則頎然偉漢貌言樸率余慮往彼突目其一人年差少體亦短小欲屬之以行然猝未定也因發平陽王鎮杭協馬副將本標後營趙參將公同驗選於兩人之中擇其當可者以報僉稱苑亮能勝任余亦思此事巧慧者或至浮露誤事若苑亮者庶不

年譜

三七

負命耳遂諭以所遣亮惟唯再示之方畧使之全主亦自全時亦漫無可否但請奉諭以往余卽授之札平陽王鎮與斌子世晉皆屬書去時世晉拜亮亮亦拜主相向號哭隱然有永訣之意焉越兩日鎮將其報斌果率其部將某某等渡河輸款時余正在元戎賴公師中亟問苑亮揆者覆云隨後卽至少頃又問答復如前比斌至余復亟詢苑亮何在斌答曰斌負亮矣亦不禁爲之黯然而斌悉聞中脅迫狀與前歸誠人所述同再悉苑亮齎諭情事過河西卽爲賊卒所執僞帥馬九玉訊問供爲斌僕因家中被籍竄

入投主逆卽傳斌辨識時主僕不敢交語亮乃泣請詣斌所逆令二卒押赴卽回不許通一言亮於此時計無所出乃抱主足慟哭卽於此中示意哭罷稱履爲水淹請易之予之及去斌料遺此雙履非無意拆視之則余所付諭札竝諸書也由是忠懷益奮遂攜劄率近員始爲河濱酬神策馬歸誠嗚呼斌之志尚矣若苑亮者又豈僕中人哉當其身赴危險毅然無他諉一何壯也置札履中無片語輕洩一何密也主僕痛別示以有死無生之義一何烈也及抱足傳心哀號易履俾伊主見諭傾懷以成大節又何膽與識

年譜

末

交絕也前之見爲椎魯卑棲者豈意其智深勇沉若此杭協馬副將復稱斌父昔年被誣在監肄業官索不得亮至官刑拷幾斃卒不供吐其地前州牧票傳世晉竝其家僕時蒼頭不乏斌之母曰是行非苑亮不可亮卽身任無難色此皆得之斌與世晉口悉是苑亮義勇之槩本於天性故前後赴難履險若坦嗚呼苑亮豈僕中人哉頃有自逆來歸者稱亮在馬逆處夾訊已三次從未供有齎諭一字惟仰天待盡是亮之生死未可卜豈不痛惜雖然亮而生也忠膽將與國士賦同仇亮而死也亦義氣盈於寰宇炳炳麟

麟與古之貞臣義士竝垂不朽豈直以荒煙蔓草動人悲惋也歟余淡嘉其義竝爲抒管紀之以愧世之得寵忘恩背主操戈者後亮竟死於賊賊平公令人徧覓其骸骨不可得有識其被殺處者乃招魂以葬之立石曰義僕苑亮之墓
四月二十三日請調江南官兵疏議併力直搗仙霞關爲一勞永逸之計部議云江南有海口重防不便移調着於本省審度緩急酌量遣發併將擊賊進取事宜具奏
五月二十日再疏請調發鄰省官兵剋期赴浙破賊

年譜

末

入閩可奏蕩平
二十一日疏議安插難民江常開化淪陷日久民有脫走而來者公加意撫慰量給銀米嗣是歸附日衆無家可依因與道府議權爲篷廠以居軍興費用浩繁公帑無可動支公又與撫院商議量行捐助身爲之倡且請照捐助袍帽給賞投誠例按數紀敘以勵急公有餘兼給民牛種於是來歸益多人無失所
八月初九日疏請優卹陣亡將士成國挺晉大忠等
旉逢中元公必親行追薦撰文剴切感動三軍詞曰
中元令節虔修經懺餽口道場超度陣亡將士伏惟

節屆中元悲憫建蘭盆之會月逢大慶慈光燃蓮筏
之燈俯悼國殤仰資

佛力念此三年成壘堪憐泣月悲風嗟伊百戰忠勤况復
捐生效死雖妖氛淨掃重親昇平而義憤爭先陰膏
原野丹燐碧火難返春閨夢裏之魂白石黃塵誰憐
蕪定河邊之骨追惟痛定益知當日之瘡痍感歎人
亡忍沒從前之殄瘁於茲七月撫我三軍恩威無間
於幽明體恤有同於生死顧沙場染血

朝廷卹典已加卽馬革裹屍孤寡恩蒙堪慰值此薦亡之
候再申懷舊之情虔集名僧肅宣妙品如已超生法

年譜

辛

界固知四大皆空倘猶滯迹冥途聊擬九蓮是度

聖人神道以設教總期有裨羣生

大士面燃而導迷惟願同歸極樂滿城花雨銷兵氣以接

慈雲一縷旃檀證菩提而登淨土

十七日衢州大溪灘大捷偽將軍馬九玉竊據河西

轉運糧芻以大溪灘為咽喉公數請於

朝速師前進部議衢州善能保守奉

旨下詢進取機宜公覆奏從常山江山截其糧道則入閩

之路可通河西之賊自潰會大將軍和碩

康親王兵臨衢州公卽面啓王於本夜發兵諸將率領

引小南門銜枚疾走直逼賊營我軍勇氣百倍一鼓
破之進師江山乘勝復其城初議發兵王問公曰賊
勢尚張能勝之乎公對曰勝之王復遣侍衛雅布蘭
問曰所策果萬全乎公曰兵已發若復猶豫則沮士
氣何以冀成功遂詣親王所啓曰賊寇情形在職目
中矣翼日此時捷音必至已而破賊羽書報聞王乃
大喜此一役也馬九玉方逼衢為壘我兵乘夜疾走
出其後直破大溪灘此江山一師也比其退奔仙霞
而三關已為我據此常山一師也三關既破賊失其
險大兵長驅入閩是決機在俄頃之間握勝於破竹

年譜

辛

之勢方公覆奏進取機宜時已默有成算不待捷書
露布而知之也然所切切深計者惟軍紀嚴而民心
順誠以伐罪救民之心為戰勝攻取之本爾馬九玉
賊敗知歸路已絕猶冀繞道入仙霞關據守而諸軍
已遵公密諭疾抵關口分路夾攻偽副將金應虎偽
千總金起彪等乞降

二十一日師入三關公飛章奏捷草檄宣布

聖天子伐罪救民至意是時馬九玉既遁我兵於湖南地
方搜獲六十餘人軍吏議置之法公曰此是守土勿
去之百姓卽不肯從賊之百姓亟宜招徠完聚

朝廷用兵救民水火正救此等之民也盡釋之

恢復開化并福建浦城建陽等縣

二十二日疏報恢復常山縣城追勦大捷

大將軍和碩

康親王自衢州統師征閩復問曰此行若何公對曰王

但禁其下毋擄掠財物婦女即揚旂入福州兵不血

刃矣更優恤滿漢士卒勞苦用固泉志王領之遂行

九月初一日疏請亟

敕江南江西督撫及統兵將軍會師合剿逆寇整頓殘疆

又疏報滿漢官兵攻破石塘賊寨大捷

年譜

三

十五日彙報招徠歸命偽總兵知府文武等官四百

餘員偽兵一萬四千九百餘名皆給賞酒食袍帽各

子安輯

又疏報恢復雲和松陽龍泉三縣城池捷功

十月十二日疏報會剿獲捷恢復江西玉山縣城

又疏報恢復景寧遂昌慶元并福建政和松溪等縣

疏請改黃巖鎮設為水師提督節省錢糧

十四日疏報恢復溫處二府州縣

十一月初六日疏報會剿鄰省開玉交界陳村等處

廣信偽總兵汪文生就撫又處屬偽鎮馮公輔向化

率領偽官兵全旅來歸

十八日疏請蠲免被兵地方錢糧

十二月十二日擒獲賊首馬鵬鵬素稱梟黠聚眾於

開玉交界之陳村及江西德興之白沙關跳梁怙惡

屢招不應公密飭副將武榮領兵攻賊連破木城六

座斬獲無算鵬眾潰散遁入德興老巢公又飭叅將

蔣懋勛等自白沙關直抵德興連破賊寨十三座陣

斬偽將數十員生擒馬鵬械送軍門公責其逆天負

固誅之

是年大將軍和碩

年譜

三

康親王大兵進福建耿精忠降三藩竝叛廣東尚逆至

丁巳年始平雲南吳逆至辛酉年方滅惟耿逆在丙

辰年底定獨先則公擁固衢州扼要制勝之力也

康熙十六年丁巳公五十六歲

二月初七日疏報處屬柱溪周公源口楊梅灘等處

獲捷又疏報勦撫江西廣信等處捷功恢復鉛山興

安弋陽貴溪等縣

四月偽揚烈將軍程鳳全旅歸順偽官三百四十八

員家口四百七十七名兵丁三萬一千二百四十三

名先是十五年間公檄行招撫偽將軍程鳳已遵諭

向化因解散偽兵八萬三千有奇程鳳病亟未及投
轅鳳死其眾推鳳妻王玉貞掌印務公再檄曉諭
玉貞傾心遵奉又解散偽兵六萬七千三十二名親
率官兵願就撫於衢州

是年吏部議敘軍功四月二十一日奉

旨李之芳着加爲兵部左侍郎兼都察院右副都御史授
爲從二品照舊管事

六月二十七日再疏請蠲被兵地方錢糧十五年冬
請蠲被兵地方錢糧部議以支給牛種三年後始行
升科不便准行至恢復江山等各縣衛所亦有久暫

年譜

三

不同不得新舊錢糧一槩蠲免公復具疏切陳

七月二十六日勦撫江西巨寇偽總兵陳山偽參將
陳祿等至軍前投誠偽官一百四員偽兵二千一百
餘名屯踞椒巖洞山寇險阻悉平

八月二十一日疏請卹殉節陣亡副將蘇木代把總
左朝極以慰忠魂

先是議敘軍功時樞部議敘武職軍功共加二十九
等紀錄一十九次銓部敘文職軍功例照武職一體
議敘乃以無庸議具題奉

旨李之芳着議敘部議酌加三級以兵部尚書正一品照

舊管事計公軍功四十有八內恢復城邑者六部議
以總督統轄全省置不敘或言提督石調聲亦係統
轄全省何以恢復象山等處卽行議敘况公調度有
方歷蒙

溫旨六十七次何以止稱酌議似應具疏陳明以達

睿聽公曰余蒙

聖主簡拔位躋總督雖捐軀未足云報當多事之時惟有
致命疆場以盡臣忠從來希圖爵賞之人必無見危
授命之志余戮力行間身家久置度外仰荷

朝廷德威海宇載寧餘生無恙皆

年譜

三

皇上再造之恩至於寇亂繁興流離滿目將士擐甲莫必
存亡此情此景甘苦同之日則傾身於矢石之間夜
則營心於調遣之策七箸不暇衣帶不解者三年於
茲而後使婦子安於田宅軍旅歸於行伍封疆無事
意願已足雖部議不敘而李某着議敘之

恩綸出於

宸衷獨斷卽剖符賜券不榮於此矣夫復何言

十月疏請撤江南京松五營官兵歲省金錢數萬
十二月疏報鉛山偽總兵林爾瞻率眾來降偽官一
百餘員偽兵二萬三千八百餘名公歿於投誠人重

不列兵衛從容問話全無疑心人多感而泣下
初八日請蠲被兵地方錢糧公於被兵地方請蠲請
賑已力陳二疏部議未允欲令分別地方苦累輕重
具題再議

康熙十七年戊午公五十七歲

正月初十日疏請開復衢處台降革各官畧曰康熙
十三年漕項應開徵之時或城池失陷或鄉都賊踞
則無可徵解之地凡賊所蹂躪百姓死於屠戮死於
拷掠死於飢寒疾疫則無可徵解之人即恢復後僅
止一城有司供應軍需身親勞役附近城郭遺黎運

年譜

美

砲運糧日無寧刻則無可徵解之時今雖事平向來
戶口十無一二又皆蕪家室衣食哀號求賑若復迫
以追呼必無生理且恐更生他變則無可徵解之勢
非可與平時怠緩不完者比且各官能建功於軍旅
之際豈獨拙於催科今遵

詔請蠲之錢糧正在候

旨一旦俱以未完降革三年勞績未蒙甄敘地方甫平旋
被概斥非所以昭明功罪激勸官方至各縣拊循子
遺民情相依為命其於吏治民生均有攸賴云
二月二十八日疏報海洋獲捷並招撫偽將時陸地

諸寇漸平而海氛方熾偽總督朱天貴等設有五鎮
於各汛洋面乘風來去使我有顧此失彼之慮公飭
提鎮嚴加防勦復宜諭投誠據象山副將汪國祥於
廟嶺湖擊斬賊五百餘名生擒三十九人賊踪分犯
溫州汛兵冒雨衝擊淹死賊眾無算偽副將林雲林
祺詹天樞等船兵來歸又擒偽將麥仁以降
閏三月十六日疏報會剿江西子午口獲捷
四月十六日請蠲被兵地方錢糧公疏凡四上特奉
恩旨允行遺黎困苦得以頓蘇

五月十三日會剿江西玉山八仙洞等處告捷

年譜

美

六月初七日疏奏沿海兵汛單弱密陳佈置機宜
八月初七日疏請調江南官兵防海
公麾下由偏裨弁目起家陞擢至提督總兵官者二
十餘人如吳英陳世凱李榮鮑虎王廷梅薛受益李
華李承恩林宗劉澤溪林寶趙得壽馬化龍詹六奇
蔣懋勳劉詔武榮陳夢暘等皆由公拔用無私鼓勵
忠勇以故人人感激戰功累著戎行整齊上徹

天聽各以勳名顯

康熙十八年己未公五十八歲

正月二十六日請撤援閩官兵回浙

三月初七日疏報石塘獲捷恢復雲和縣
京察三月十九日公循例拜疏自陳乞罷
七月二十日疏報會剿玉山八際關獲捷
二十八日因京師地震奉

上諭目今應行應革事宜着部院三品以上官及科道在
外各該督撫明白條奏直言無隱

九月初十日公條奏四疏又自陳乞罷

十一月初一日疏報南鎮雙頭洞獲捷

康熙十九年庚申公五十九歲

正月初七日彙報海島諸寇投誠偽都督蘇亮蘇桂

年譜

三

等又偽總兵王酉莊永爵等自江西率眾來降

二月初六日疏請操練戰船襲擊海寇

三月十一日據定海鎮牟大寅報孝順洋打沉賊船

十四隻陣斬賊兵二千餘名偽參將重耀等十九員

生擒偽官兵一百餘名告捷

四月二十日疏請調福建水師會剿海洋諸寇

五月初三日疏請撤調防閩省延平益亭官兵節省

糧餉裁汰援閩回浙官兵循例陸續補伍

送餉銀清冊校鄰疆用兵地方節省錢糧甚多先日

請銷軍中需用餉銀屢疏備載奉

旨着造細冊公令藩司逐一開造款項數目具疏彙報查
軍興以來共用銀一十一萬四千四百七十餘兩內
部覆以五萬四千四百餘兩之數為公捐輸扣抵免
賠銷結然公已破產矣

六月二十一日疏報偽將軍劉天福率偽官一百八

十員偽兵二千餘名自海歸誠

八月十八日彙報招撫浙江江西等處投誠總冊

通計文武偽官共六千二百餘員偽兵共一十六萬

五千五百餘名分別給賞解散歸農人人各得其所

願畱者收標効用

年譜

五

請免追扣賞賚官兵俸餉銀兩

康熙二十年辛酉公六十歲

又請開銷賞賚官兵俸餉當用兵之始預給通省官

兵俸餉一月合滿漢綠旗均行分給許以立功便作

賞賚事平後題請開銷部議不允令扣抵月餉諸軍

聞之洵洵公慰之曰此無與若事吾自處之耳據各

鎮協標營覆稱當時領賞官兵或對壘陣亡或久戍

病故或事故開除或改調他省至如江南之提標右

營狼山營俱經回汛旗兵久已入京俱無從追扣其

餘現在不過十存二三又皆鋒鏑餘生尚有邀恩望

外之意安能追求昔日已給之餉反獲條奏久而奉旨准銷公為

國為兵心血幾枯矣後有述當時事者云

康親王常於朝中會議每曰惟浙江李總督一人不為

己私若皆如此何慮天下不太平

是年十二月二十四日

詔授公階光祿大夫賜封四代撰給玉軸自公會祖父並

如公官母俱贈一品夫人元配胡氏贈一品夫人繼

配張氏封一品夫人

康熙二十一年壬戌公六十一歲

年譜

四

會題楓嶺營屬浙閩分轄示為定制

王師克平福建 公於浙閩通衢百靈街江郎街念

入都保安橋等處設粥廠施湯藥專委標員管理自

十五年起二十年止賑濟往來人夫飢民一百二十

二萬一千五百名有奇雖兵燹之餘民無供役病斃

道途之苦

七月二十五日請免通省各營裁兵

是年奉

召班師於七月二十五日啓行八月初一日回杭州計自

十三年五月至本年八月歷九年公身在行間先事

佈置機宜調度勦撫兼施大小一百四十餘戰克奏膚功登蒙

皇上恩旨疏稿載文集

舉劾文武各官 公督浙十年補用各官皆按績量

能纖毫無私不惟不徇人情亦且不任己意武職雖

千把微員拔用一人三軍無不服為至公所以人皆

激勸性命可捐摧鋒破敵大率由此凡薦舉屬官人

未嘗知有知者或以牲牢食物稍佐軍需公必却之

且諭曰凡我所用犒賞軍中無不知其所由來蓋所

為者極難庶足激勵眾心能得其死力耳有交遊謂

年譜

四

公宜為子孫田舍計公曰受

國厚恩即捐糜踵頂猶恐難報何暇念及子孫或又謂

封疆大臣當地方有事之日一介不取乃是小節公

曰此豈小節總督為一省吏治民生攸關敢不自律

以正管面諭屬官曰時雖多事爾等存心行政仍作

太平無事時觀

朝廷功令毋容寬假余為

朝廷執法之人亦不敢寬假也余表帥文武一有染指則

地方官無所顧忌民不聊生矣惟抱此區區庶幾上

報

國家下安黎庶耳

公嘗自爲定亂記曰余筮仕至今幾三十載宦遊閱歷蓋浙省居多焉前此司刑婺郡巡核鹽鹺旋又出理

欽牒皆矢心清白克奏厥成及入而歷憲副佐銓亦臆勉無過歲之癸丑復奉統制兩浙仔肩重任惴惴焉恐不勝然其時中外承平疆宇乂安謂可次第釐飭以答

聖明不數月而西藩輒有矯制之變東南享太平日久聞變驚惶徵書羽檄遂不少息甲寅春耿豎復搆亂浙

年譜

甲寅

閩毗連人情騷動蠢爾之徒轉相煽惑時請兵未至調遣乏員羣醜乘間蜂起既括兩郡馴爲叛踞若台紹若金嚴諸屬邑亦多爲土寇攻陷余嚴督專汛分路撲剿隨多收復至衢之江常竟爲賊穴且逆衆鴟張駸駸有東下之勢閩師居會城不輕動提亦鎮守甬上所恃以式遏寇亂者惟本標數旅耳於斯時也將士久不親兵革又以師單憚於行陣同官率屬代爲躊躇余毅然曰逆豎猖狂已甚若不乘此引兵擊滅則生民塗炭江浙將不可保臣子以身許國義無息偃非膺危險以捍封疆則設官何爲也余雖

素親文治不諳武畧然殫力爲之庶期有濟隨飭將弁曰成敗利鈍自有定數處之安地而未必不死試之危地而未必不生汝等受

朝廷豢養幾歷年所奮勇奏績正在此際况將在謀不在戰兵在練不在多逞我軍威殄此烏合直捲箠耳雖彼衆我寡無畏也由是陳師江滸揚帆前進人人有敵愾之懷矣第隨征軍士可以指屈而賊衆如蟻攢媚聚不可計數布散村落蹂躪地方及聞我師至境皆潛入深窟以伺動靜余駐節柯城分兵拒守軍民之志始定嗣是平南將軍率其部旅來衢兵威益振

年譜

甲寅

賊毒出全力窺犯余身親甲冑冒矢石以爲將士先滿漢官兵亦觀感用命每戰俘斬甚多賊乃怖威退守河西重濠密壘以自固獨是衢爲浙之西鄙控制甚遙士馬屯於郊而轉餉千里事變起於遠而決策一心非先時經畫當機以決莫能及余兢兢業業不自暇逸晝則應務詰戎夜則持籌削牘閱數載無寧暑也因思行間征戎振甲枕戈經年累月雖斷膠爨石之時不辭衝鋒冒鏑之險毒念唏噓繼之以泣故凡在戎行時加慰問伍中疾苦諭將領多方周恤戮力疆場者計功題敘毋少徧徇軍中餽遺請託槩爲

禁絕惟一與將士推心置腹焉蓋與物以誠物莫敢欺示人以公人莫敢私此大小將弁無不精白乃心矢懷克敵從無自作不典以干軍紀者至於被陷良民父母妻子以及廬舍田園俱在賊境其何能脫而管間兵目往往有以長髮羅縶者余與將軍鞠其情實應釋者釋之時或有以寬典議余余曰是蚩蚩者皆

朝廷赤子何忍以無辜棄市耶卒之省省之間無漏網斧鑕之下無冤民其有自拔來歸者輒令有司安插得所給以粟米予以棲止而後之聞風輸款者因無虛

年譜

卷

四

日將軍嘗與余商進取之策余曰賊毒流於眾餉匱於中又內難交訌其勢自潰為今日計者不難制勝於未取之先而難得心於既取之後假使大軍既入玉石不分肆其誅掠是益之虐也安責其背義以助叛乎兵貴威之以武威之以仁况禁掠則民喜離湯火而攜篋以迎縱掠則民欲保妻女而堅壁以守得失之驗燎如也是宜於平日曉諭將士則臨時自無屠掠之慘而淪陷之區皆可乘勢而復矣將軍曰善余以是告誠鎮將亦莫不頰首奉命余曰猶未也夫禁人之取者先在豐其所子懲人之貪者先在謀其

不乏故軍前將士常厚賚以周其困溢格以濟其艱若陷身鋒刃於請卹之外廉其家口予之廩給餘如犒賞諸費毋月以千百計悉取之家雖拮据以應弗惜也余自備健丁五百名以資守禦役食衣仗并購馬備料纖毫不涉公帑如是者行之既久入人心骨故將有請纓之志士有死綏之心也惟是賊率其十萬之眾依山附谷負隅為險我兵未集不得不緩其須臾之死迨

親王自葵臨衢官旅雲屯星羅碁布賊已望幟寒心余即面啓漏夜進師且請宏不殺之仁嚴肆掠之禁寬

年譜

卷

五

被脅之誅悉從之於是傳命軍士分道擊勦東由大溪入江山以斷其餉道西渡河入常山以絕其應援賊計窮勢困狼奔鼠竄兩日而復諸邑奪三關蓋蒼之者銳而用之者神耳今大師進闔不事虔劉不驚子女所至迎降勢同剖竹耿豎亦悔罪歸命彼甌土餘氛不翦自滅匝月之內立奏蕩平師中皆以余言為驗但殘疆初定哀中谷而歎此離者在在見告雖轉粟賑濟贏瘵未可驟起然民之所苦者尅耳尅退則綏輯無難也嗚呼尅之退也豈易言哉方余孤軍就道賊焰方張輿情未固勢非不危然不危則境可

得安乎及經營幾日是不食漏盡不寢身非不勞然
不勞則民可得息乎捐資勞士鬻產佐公力難繼矣
然非是則無以作三軍之氣也賞罰不濫請謁不行
志云介矣然非是則無以服百執之心也若夫禁洗
掠寬脅從令甲原自煌然非時勤宜諭亦安必人人
凜之固或悖哉今日者閩疆底定浙土救寧皆賴
皇上之寵靈王師之赫濯將軍奮揚威武鎮將協力宣猷
下逮卒伍亦著功勤余何敢尸其績顧余四涖浙而
艱難危苦百倍疇昔三年來致身

君國軫念蒼生一縷血忱無慚衾影昔道州使君元結於

年譜

四六

賊退後作春陵行以示官吏但悉戎旃民困之狀而
不言功杜少陵以其能為天子分憂謂得結輩十數
公落落然參錯天下為邦伯萬物吐氣天下少安因
作詩美之余才不逮古人聊自述其槩以追蹤道州
於萬一至於少陵之知則余不暇問也
十一月初六日請免追扣裁兵糧餉
是年陞補兵部尚書十二月拜疏謝 恩
康熙二十二年癸亥公六十二歲
二月十五日公應

召赴關士民懽送自城郭及郊外填塞道路至輿馬不得

遂行其結亭留鞞為遺愛者一百三十餘處先有欲
醵金為建生祠豎碑頌功德者公禁飭之迨公去浙
後羣情愛慕卒不能禁也凡建祠豎碑處甚多而杭
之在西湖者尤為鉅麗其三衢生祠有聯云淮蔡之
功茂矣抑又過之大難削平重奠三衢半壁琴鶴之
節凜然於今為烈名賢繼起恰符五百餘年南國之
棠峴山之碑畧可見矣當水次登舟士民津送者數
百里間水陸絡繹不絕及舟進江南浙人不忍別相
與挽舟返行公在舟中固不覺也紀綱再四慰勞始
各揮淚而去

年譜

四七

三月公便道旋里省視墳墓展祭遂入都
四月初三日涖兵部尚書任時銓法多端主者莫可
究詰有一弁循資應陞遊擊竟欲越格陞為副將公
曰陞轉原有定例破格之事余決不為也
八月部議查敘調度滿漢官兵擊敗水陸逆賊等事
加五級紀錄二次
康熙二十三年甲子公六十三歲
議士官陞轉之例甘肅有士官彙係提督請補改授
流官乃一時權宜後不為例者部臣欲照流官陞轉
公持議不可眾數強公從公獨持不允乃止

嚴校武官騎射本部除授武職例試弓馬公技射一乘至公即故舊亦不敢干以私云

八月轉吏部尚書二十日涖任

九月二十四日

恩詔給得玉軸

誥命四世

皇帝制曰盛代酬庸之典申錫命於五章良臣報本之榮極推思於四世載嘉舊德爰沛新綸爾李鮮乃吏部尚書正一品加三級李之芳曾祖父善以開先業能昌後一經垂教發詩禮之菁華奕世貽休表弓裘之矩矱欣

年譜

果

逢慶典特賁天章茲以覃恩贈爾為光祿大夫吏部尚書正一品加三級錫之誥命於戲秩崇報渥邀寵渾於中朝源遠流長樹風聲於來禩欽承顯命用闡幽光制曰朝廷布榮綽之褒禮求其始彝典錫重闡之澤恩逮所生嘉命載頒徽音益遠爾吏部尚書正一品加三級李之芳曾祖母康氏柔嘉維則淑慎其儀矩法嫻明夙協宜家之化風規表著式昭啓後之模集介福於曾孫迦芳型於累世茲以覃恩贈爾為一品夫人於戲龍章煥采猶傳瓊瑤之聲風誥增華益煥笄珈之色尚承寵渥永席鴻庥

制曰家傳積慶之風必溯原於水木國重推恩之典自無間於後先爰錫崇褒以昭彝憲爾吏部尚書正一品加三級李之芳繼曾祖母任氏敬以相夫慈能裕後素稟溫恭之訓夙夜襄勞丕昭佑啓之模箕裘行緒嘉茲懿範賁以綸章茲以覃恩贈爾為一品夫人於戲式廓曾孫之慶象服宜膺廣敷一視之仁鸞書申命載揚闔德永佩休光

制曰貽厥孫謀令德克傳為家範服乃祖訓殊恩用錫夫朝章俾服皇休曲成臣孝爾李登雲乃吏部尚書正一品加三級李之芳之祖父德能垂後業足開先積行累

年譜

四九

仁越再傳而滋大流光篤慶歷三世而彌昌既克佑乎後人宜崇褒其往烈茲以覃恩贈爾為光祿大夫吏部尚書正一品加三級錫之誥命於戲源遠流長實啓造家之澤根澗枝茂益昭報國之猷寵綽欽承幽光用顯制曰良臣奏績溯積累於先型壹教垂休逮恩榮於大母聿徵內德式煥王綸爾吏部尚書正一品加三級李之芳祖母蕭氏慈著舍館教先詒穀閭儀克備流風垂女史之規門祚彌昌介福食孫謀之報徽音既茂淑行攸嘉茲以覃恩贈爾為一品夫人於戲譽美崇班用錫重闡之慶榮膺寵命常敷奕葉之光被厥殊恩彰茲世德

制曰位列崇階作忠由於移孝業隆嚴訓資父所以事君
念茲堂構之貽厥有絲綸之責爾李才望乃吏部尚書
正一品加三級李之芳之父躬裕懿修世推淳德澤流
弓冶裕家學於庭幃慶衍門閭亮天工於邦國令名允
稱殊典庸加茲以覃恩贈爾為光祿大夫吏部尚書正
一品加三級錫之誥命於戲一經迪後式傳報國之忱
七命沾恩益著象賢之美欽承休寵丕佑來昆

制曰職重朝班宜溯源乎內訓功崇王國尤歸美於母儀
式獎芳規俾承休寵爾吏部尚書正一品加三級李之
芳母李氏名成令善質秉柔嘉七誠早嫻流徽聲於婦

年譜

五十

職三遷足法著慈教於卿材令問夙彰洪施宜沛茲以
覃恩贈爾為一品夫人於戲鸞書錫慶伸烏哺之恩私
象服增榮慰熊丸之勤苦欽予寵命昭乃遺風

制曰冠六卿而分職必資民譽之賢統八柄以馭臣首重
官聯之治惟抒誠而展力乃錫典以酬庸爾吏部尚書
正一品加三級李之芳器識淵通才猷敏達稽言考績
勸懲一守夫章程舉善與能甄敘不惰夫流品累更華
貫率恪慎以持躬游涉銓司益端勤而著範崇褒宜及
茂烈攸彰茲以覃恩特授爾階光祿大夫錫之誥命於
戲掄材有序夙標簡要之聲勵節無私尚懋公忠之操

式承寵命彌樹嘉猷

初任浙江金華府推官二任刑部廣東司主事三任
刑部山西司員外郎四任刑部湖廣司郎中加一級
五任廣西道監察御史六任湖廣道監察御史七任
以正四品頂帶食俸管河南道監察御史八任都
察院左副都御史九任吏部右侍郎十任浙江總督
兵部右侍郎兼都察院右副都御史十一任加兵部
左侍郎從二品十二任總督浙江等處兵部尚書兼
都察院右副都御史加正一品十三任兵部尚書十
四任今職

年譜

五十

制曰職重上卿地道洽含章之譽禮崇內則家人彰順位
之功爰嘉壺範之修用晉國恩之錫爾吏部尚書正一
品加三級李之芳妻胡氏克勤懿德式贊良猷合志相
成奏公忠之茂績同心交儆樹廉正之休聲令軌攸昭
褒章載沛茲以覃恩贈爾為一品夫人於戲風著素絲
佇助良臣之閔閔芳流彤管敬承宸陛之絲綸嘉爾德
音賁茲寵命

制曰臣忠體國靖共裕乃謨猷婦順宜家貞靜昭其似續
爰嘉令德宜沛鴻施爾吏部尚書正一品加三級李之
芳繼妻張氏秉性端莊持躬淑慎組紉執作積內行以

重輝珩珮和諧佐清操而媲美前麻克嗣寵命宜頒茲以覃恩封爾為一品夫人於戲盡教相承允著坤闈之範綸章載錫均邀天室之恩懿則丕昭榮光祇服

康熙二十四年乙丑公六十四歲

公掌銓衡兩年惟精白盟心裁抑僥倖徑竇悉絕以嚴馭下諸吏聽行文書而已或以却餽金於

廟堂微有萋菲之語公亦卒弗自白也

七月上疏乞休疏曰臣以一介庸愚昔蒙

世祖章皇帝拔置臺班方愧獻納無具有玷言責

皇上特逾常格以臣內陞品級管御史事超擢副憲旋晉

年譜

佐銓叨沐

隆恩忝竊已極

皇上又簡臣浙江總督適聞逆披猖賴

皇上睿算神謨天威布照羣醜殄滅臣藐爾餘生莫非

皇上再造之賜惟是十載行間已成衰羸獨為封疆任重

不敢以乞身私念上瀆

宸聰又蒙

皇上陞臣兵部尚書臣以官守在外仰荷

寵命重覲

天顏已為萬幸豈敢更望遷進

年譜

皇上復陞臣吏部尚書曠恩異數臣撫躬自揆何足仰酬

萬一常於奏事之際跪起失儀筋力不堪兢惶靡措

天度優容不加譴責臣感激

恩慈不覺隕涕計惟勉勵衰殘仰答

眷遇不意臣於六月間肩臂突患癰腫毒勢淡重延醫治

療纏綿難愈臣衙門事務尚欲勉行辦理奈頭昏手

顛莫能自支精神日憊臥起須人計已三旬未離牀

褥朝會公務曠廢殊多念銓衡職掌何等重大而臣

以衰疾謫劣偃息充位人雖未言寧不愧心即使幸

痊血氣固已大傷枯朽之質理難再壯若仍因循緘

年譜

默不據實上陳譬之敝車難勝重載必至力不從心

有誤

皇上之任使臣職彌曠臣罪愈淡矣臣以草茅之賤

皇上洪恩養育歷官中外三十餘年竊慶遭逢

盛世千載一時臣不勝犬馬戀

主之心而不幸有劇毒摧殘之疾伏乞

皇上憐臣老病真情准解部務賜歸田里倘未即填溝壑

則有生餘年皆荷天高地厚無窮矣臣子候選同知

李鍾麟齋本通政司上

間奉

旨卿才品優長簡任銓衡正資料理着照舊供職不必以老病求請解任

上令太醫院官劉存恕邢嘉釗視公疾所需藥物於尚方御藥房支取調治月餘復時

存問不絕

康熙二十五年丙寅公六十五歲

查敘軍功加八級世襲拖沙喇哈番

廷議賦役全書裁去五絲以下數目時戶部建議各直

省錢糧冊籍欲簡明其釐毫絲忽等名目徒滋紛擾

而無實濟且有司以少派多或致病民自絲以下宜

年譜

李四

盡行裁去其在五絲以上者直作一毫不及五絲者竟可不派戶部奏請

敕天下藩司各改造賦役全書嗣令各衙門會議眾悉扶

同無異論獨公以為不然謂算數之法有畸零細數

乃有總彙成數正使分派銷算支放之際整齊均平

無有餘不足之患非好煩也諺謂無零不算帳若撤

數不明則總數如何算得出去撤留總直是世間行

不通事假如省以萬千百十派府至府派縣則不得

不分總為撤矣及縣派丁地則勢愈散而數愈微安

得不需沙漠沙塵細數乎如去其細數則派法必不

勻平雖百十之數已有不足以派一縣者况一府乎

且繕冊報銷亦須有細數乃核算清醒支放糧餉亦

須有細數乃給散均齊故釐毫絲忽之不可泯混直

與萬千百十等誠以國賦之重收支之間合天下之

絲忽積之亦萬千百十也至若五絲以上直作一毫

則愈是不通之論夫賦稅之數惟細數勻明乃查核

清楚若先淆亂從何查算明白是戶部核算永無清

醒之術矣謂五錢以上直作一兩可乎故天下事有

似無實用而實不可省者此類是也若彼議果行簡

則簡矣恐簡而不明不惟無利於國直先使派者算

年譜

李五

者無處下手非會計之程法也會議亡慮數十次時

及一年各省已繕有成書改造不勝其煩公獨持前

議不變

聖上以戶部前議不便行停止改造公之議始伸

是年公長子鍾麟除授湖廣湖南岳州府清軍同知

之任訓以汝當見利思義見危授命鍾麟跪曰大人

之教自日夜在心者也其後三年戊辰五月武昌裁

兵叛亂全楚震動賊兵已至蒲圻逆前鋒候騎距岳

城僅數十里公長子時以郡司馬兼攝巴陵縣兼聲

大義以固城郭捐家貲以濟軍需賊平提督徐公治

都特疏題請敘功雖格於部議而公義方之訓固已遠且大矣

康熙二十六年丁卯公六十六歲

八月再疏求罷疏曰臣草茅蒞陋倖叨參養四十餘年歲月因循久嬰老疾於康熙二十四年具奏乞休未賜

俞允繼蒙

皇上授臣拖沙喇哈番臣無片善微長獨幸遭逢

聖主叨異數之疊加致洊躋於重秩

天高地厚千載一時惟思力竭駑駘酬恩末路顧臣質本

年譜

五十六

愚昧老更無能職掌皆關於重要報稱無補於涓埃

復蒙

皇上垂憐庸邁格外優容皆人臣不當得之

殊恩實愚慮未敢希之

寬典臣曾於九卿諸臣會同面奏時自陳朽劣至情上祈

憇憫伏念我

皇上親政以來臣歷官內外無時不在班行仰沐

皇上含宏養育之恩擢用保全以至今日臣以年近七旬

夙抱怔忡之疾形神凋耗聽重目昏趨事則步履艱

難躡班則奄忽欲仆筋力不堪諸臣共見跪或扶之

使起行或掖之使前且近來左軀麻木多方將理迄無痊損自顧頹齡一至於此恭值

皇上勵精圖治之時分猷宜力正貴得人銓衡何地尚書何官臣以疲憊之身偃然充位雖猶人之未言臣亦寧容自默誠不勝戀恩之下悃無如難療之衰殘若不瀝忱乞罷臣罪滋深伏乞

皇上鑒臣懇切愚誠特沛

天恩允臣所請俯准休致罷歸田里則臣未盡餘生永戴

皇仁浩蕩矣奉

旨卿才品優長簡任銓衡正資料理着照舊供職不必以

年譜

五十七

衰病求罷

九月拜文華殿大學士入閣辦事奉

敕纂修

大清會典政治典訓大清一統志總裁官

賜元狐帽一頂元狐褂一襲

康熙二十七年戊辰公六十七歲

二月十一日奉

上諭休致回籍時公長子鍾麟在岳州任公手諭有云出

都抵家樸被蕭然琴書無恙皆

皇上之恩也汝在楚中勉為良吏事上接下臨民交遊俱

宜謙讓小心謹慎罔懈方不負我諄囑來字云今日仕塗以安穩爲福由此行之永矢勿渝不慮不安穩耳公生平凡有筆札必端楷整齊卽家書諭子孫亦字畫不苟唐柳誠懸所謂心正則筆正信然

康熙二十八年己巳公六十八歲

春正月

聖駕南巡道出德州公時同地方文武及在籍諸臣跪迎道左瞻仰

天顏蒙垂顧問賜賚有加送駕至濟南時遇免東省錢糧謝恩又問公住處離海遠近來路多少尚有筋力能

年譜

乘馬至此耶公一一奏對

上始命歸里

夏四月公長子鍾麟陞廣東潮州知府公手書示鍾麟曰汝沐

皇恩循資歷俸陞授方面位至郡守須念漢宣帝所云與我共治天下惟良二千石今之知府卽漢之二千石也良字最宜體認并手書惟公足以服人惟明足以祛弊惟廉足以養民惟敏足以集事四語俾長君懸之座右

秋七月二十五日部文頒到

孝懿皇后崩逝公成服哭臨具本齋京奏請

聖安

康熙二十九年庚午公六十九歲

辭同鄉頌德先是山東巡撫張南溟先生爲臨米輸運小民苦累二十四年七月再疏云運解臨米有道路間隔牛羸車脚雨雪泥爛盤剝候交曬颺加贈種種賠補之苦亟請改折維時公猶在朝班得參部議准其折徵奉

旨依議常豐倉米原解德州民力最勞議令支兌附近營兵月米兵民皆便此固公篤念桑梓然亦從 國賦

年譜

兵民起見是年有以此事欲爲公勒碑者公謝不可

康熙三十年辛未公七十歲

公從致仕歸里杜門懸軌常云自慶景運之親逢得享太平於晚歲每遇冬至元旦

萬壽聖節必齋沐盛服於廳事前望闕九叩頭一如在官之儀

康熙三十一年壬申公七十一歲

公一生無他嗜好無論聲色貨利絕不關心卽鼎彝字畫諸古玩亦從不留意齋中惟架上書數百卷年過古稀猶晨夕繙閱寒暑無輟常談論古今惟以天

下善人君子得行其志為已稱快

康熙三十二年癸酉公七十二歲

八月十八日公生辰盛服焚香拜

天地神祇家廟看子孫在膝前者祝眉壽忽而微中風疾

覺似往時積勞臂指麻木之狀常口中自云太白愛

其山水之句家人亦莫識公所云何意後時檢公書

笥得手寫殘簡中有此一語乃知前五十年所問仙

數也或以太白愛謝家山水仙機殆以公方謝安乎

然公之律身架樓動業遭逢過謝安遠矣畱侯黃石

魯公碧霞古來名臣往往遇之

年譜

本

康熙三十三年甲戌公七十三歲

仕宦有自京師來者詣宅候安公病中不能迎送延

之內室小齋坐談良久方別聞知因雲貴總督員缺

奉

皇上令九卿將照似李之芳為國為民的人保舉之論遂

以為國為民四字額於書齋恭紀

玉音然病體時重時輕而神氣超然世外談笑眠食如常

忽於十一月初二日未時考終里第是日天鼓鳴有

星隕於西方州人士聞之見之初不知為公騎箕之

徵也公有遺疏曰臣一介庸愚蒙

世祖章皇帝拔置臺班我

皇上特恩內陞躡躡躡躡躡躡擢浙江總督臣本書生不諳

軍旅賴

皇上指授方畧臣遵奉

廟謨數載軍中奉有調度有方之

恩旨數十餘次復

召掌中樞再遷冢宰優給世職拖沙喇哈番

異數隆施旋昇臣入閣辦事臣力小任重有過無功伏荷

聖慈容歸田里康熙二十八年正月內恭遇

聖駕南巡臣跪迎道左蒙

年譜

本

垂顧問

賜賚有加感激

恩禮不覺涕零不意去年八月忽得痰症病廢年餘醫藥

罔効今者臣病瀕危惟思

天恩罔極未能仰荅萬一伏枕悽然哀鳴奏

謝奉

旨李之芳効力年久前為浙督時隨大軍進剿歷有勞績

簡任機務勤慎素著忽聞在籍溘逝朕心深切軫惻應

得卹典着察例議奏該部知道禮部准吏部咨稱原任

文華殿大學士兼吏部尚書正一品又加三級休致

回籍李之芳病故應照定例

卹典與現任官同按其加級品級給與全葬之價並給一

次致祭銀兩

遣官讀文致祭應否與諡伏候

上裁等因康熙三十四年二月初九日題本月十一日奉

旨依議還與他諡

康熙三十六年丁丑八月二十一日

皇帝遣山東等處承宣布政使司布政使加二級張勅

諭祭故原任吏部尚書文華殿大學士正一品又加三級

拖沙喇哈番休致回籍諡文襄李之芳之靈曰朕惟服

年譜

李

官宜力爰垂懋賞之經旌賢報功尤重飾終之典其有
敷歷中外茂著聲施勞績奏於封疆譽望彰於朝列生
既膺夫顯秩歿必被以榮恩爾李之芳志秉貞誠材優
幹濟初通仕籍旋列臺員當官而審諤咸稱廉隅自飭
論事而浮夸悉屏條奏多裨游登卿貳之班簡昇節鉞
之寄維時閩逆煽亂浙省被兵爾夙負忠忱仰承廟算
歷巖疆而指畫親蒞戎行借禁旅以徂征克嫺武畧建
銷鋒警聿敘勤勞用是晉陟中臺誕膺世職洎乎入司
機務參列鈞衡恪勤罔替乎初心祗慎能持乎晚節茲
聞溘逝淡切軫懷特命備考彝章爰申祭醴載徵嘉績

諡曰文襄嗚呼垂勳猷於竹帛惟爾奉職之忠賁寵錫

於泉臺惟國酬庸之厚靈如不昧尚克歆承

丁丑之秋九月初五日葬公於武定州東原之

賜阡是日天高氣清風塵不動四方遠近觀者如堵莫不

歎美隕涕非公盛德感人之深能如是乎

賜全葬立碑銀康熙三十六年十月初二日由工部繕給

御製碑文曰朕惟國家垂恩錫命聿昭眷舊之仁臣子宜

力奉公爰有酬庸之典矧夫勞勩克兼於中外慎勤罔

間乎初終宜備哀榮以宏獎勵爾李之芳志識貞純才

猷練達臺班建白歷彰侃直之聲卿貳廻翔夙勵靖其

年譜

李

之度用簡膺夫節鉞俾彈壓乎東南激濁揚清法行官
吏宣威布德惠及兵民適當小醜騷擾海隅蠢動爾乃
親隨禁旅冒矢石以馳驅祗奉廟謨竭股肱而捍禦旣
奏功於屏翰更亮采於樞衡洎乎晉陟綸扉與參密勿
奉職匪懈夙夜益殫勤勞秉志不渝操履恒懷祗慎莫
優游於田里遽隕謝夫老成追念勛庸特加褒卹載稽
彝典諡曰文襄嗚呼綸章式煥誕被澤於松楸偉績猶
新永垂休於竹帛九原用慰奕葉彌光
康熙三十七年戊寅十一月初一日公長子鍾麟
奏為恭謝

天恩事竊臣父之芳一介儒生遭逢

聖世受

皇上知遇之隆

簡畀節鉞歷任中樞冢宰入參機務

殊恩渥寵疊荷生前人臣之榮遇近古希逢於康熙三十

三年十一月初二日病逝遺疏上

聞荷蒙

皇上軫恤優隆

賜諡文襄

賜祭

年譜

李

賜全葬立碑銀兩榮施身後光被泉壤又人臣罕親之具

數也臣鍾麟苦塊之下感激

恩禮涕淚交零恭設香案舉家望

闕叩頭將父喪安葬於康熙三十七年正月二十七日立

碑事訖即呈原任山東撫臣李燁代題謝

恩撫臣批查有無代題之例臣查江南原任大學士諡文

恪臣朱德宜子朱駿業會具呈撫臣代題臣即呈遞

撫臣適值李燁離任未經上達臣父受

皇上天高地厚之恩未獲奏謝臣五內激切夙夜靡寧今

匍匐來京謹循例具本通政司奏謝

天恩惟有捐糜頂踵竭犬馬之効於萬一耳臣不勝惶悚

待

命之至為此具本謹具奏

聞奉

旨該部知道

公沒後州紳士耆老以公功德各位宜崇祀學宮鄉

賢具呈州學申詳郡太守學使者大方伯遞加詳看

詞章藻麗允稱揄揚其最傳誦者為大方伯張公勳

看語內有一聯云生於武定公真無愧斯邦諡曰文

襄名果不誣其實雖使蘇文忠操筆不是過也其明

年譜

李

年郡人士又以公由府學諸生登科第請崇祀郡庠

俱奉撫軍置主入祠

李文襄公年譜終

年譜後敘

松江林子威撰

武定李公昔司理金華繼以直指視浙釐政其澤被於斯民甚厚及以少司馬中丞總制軍事邦之人謹然曰我公來矣下車五月而閩變作精甲直走仙霞圖建瓴之勢甌括相繼內叛山寇蜂起江東之民鳥驚魚駭公以一書生韎韐臨戎親扼三衢阻遏其衝以數千之師當十萬之寇任使將校各盡其才論功行賞不爽毫髮人樂為用所向克捷

天子倚為長城以紓南顧憂大帥上章陳兵事

年譜

林序

李

特旨問公計賊何時可平當以何策取勝公上言賊聚重兵於河西以拒我師仙霞之守必虛今臣距河對壘而以大兵從江山長驅而入賊必自潰越數月大將軍果用公策批亢擣虛河西之寇一朝瓦解窮山漢谷挑刀走戟之徒於甲來歸者日以千數浙閩遂平公雖欲然不自言功天下有識者皆以公不獨保全兩浙而南定閩西靖豫章屏障江南為蕩平滇蜀之先聲胥於是始用是作為雅詩以詠歌其事子威披閱之次喟然曰天下之所知者渠渠獻凱誅貳舍服赫然可見之功而三載以來公之茹荼拮据非身見

其事者未之或悉也當事初起承平日久文恬武嬉罔不失措公即決策向三衢主兵者以公出而不便於獨後也百方沮說麾下將士亦競以居中調度為請而公迄不為動然浙省重兵半在邊海時則有以島上游帆虛聲恫喝方泣請濟師而雲屯之旅匹馬不前公之赴衢離衛之衆不滿千人直以封疆之事義無返顧實力殆無可恃者迨以便宜發帑犒師百里之內牛酒日至而士氣奮矣誓馮戒途不戢於樵蘇者真之法而軍紀肅矣臨陣督戰斬偏裨退勦者以徇而人有前死之心矣發廢弁之奸謀鉤得內間

年譜

林敘

李

而敵不知所窺矣俘囚就訊脅從罔治哀矜之色刑者不怨而民志漸定矣晝則會議幕府巡行壁壘常在鞍馬矢石間歸坐堂皇雞翹旁午將吏之白事者不遑次進黃童白叟牒額踵接下及馬圉廝養無不慰勞頓置人人得所欲而去夜分乃入治簿書猶或聞遠復出每食必吐其哺鐘鳴假寐及晨烹者月無一二焉侍史之更番者皆不能支而公不暇自知其勞也子威謬承顧盼每在左右見公臨事皆如燭照數計應機立斷而周詳審固巨細一揆從未有倉猝見於辭色蓋其思慮精專久而愈礪靜如山立動若

川流剛明而仁體用兼備其迄以成功也豈徒然天
意哉且以

親藩承制開府專決於上羽林神策之將皆驕貴自重
多異議文武大吏挈權分衡各有所主公處其間以
誠信相孚格而當大事執持侃侃無旁顧無中撓既
以斯民為己任故力膺艱巨而不遑他恤民亦知公
之足以恃也故赴者如歸今爾田爾桑漸還舊觀咸
曰非公之賜不及此公雅不欲以帷幄運籌掩武夫
橫草之烈然力而拘諸原者亦咸曰非公不及此是
曷故歟昌黎有言行事服人心而風采可畏愛也子

年譜

林敘

本

威敬述所見不敢溢詞平淮西碑雅以俟世之昌黎
其人者

跋

李文襄公佐

聖天子平逆藩耿精忠之亂功在東南勳在社稷太常紀
之太史載之非草茅下士所敢置筆也惟公生平宦
績多在吾浙其初仕也為金華府理刑官其由部郎
歷御史臺則巡鹺兩浙嗣又奉審理鹽差之獄繼又
特簡為浙江總督以故公之清風仁政普利豐功被於浙
者獨淡而流傳於浙者尤詳且悉康熙辛巳春日公
長君筠巢先生假寓皖城僧舍出公文集屬子校正
既又以年譜屬子撰述因就公家乘文集中擇其事

年譜

程跋

本

之信者采其言之嘉懿者考其持危定傾嚴氣正
性剛方不回影影宇宙者一一編年而筆之寧簡毋
繁寧質毋諛使天下後世仰公德行功業者一展卷
而莫不親炙是則觀察君稱揚先人之志也夫雖然
吾因之重有感矣順治辛卯浙榜得士最盛子姻家
趙雪暉好友許亦蒼皆杭郡名士第一流俱出公門
下先兄雖為濠海馬乾若先生所識拔而呈卷之日
公閱子兄文極口欣賞於兩主考前亦附桃李之誼
今先後成賦玉樓未及述公教施道公閒燕獨子以
被褐弟子得誦讀公文集且竊編年紀事焉何其幸

耶故於跋公年譜并敘淵源云
康熙四十一年歲在壬午夏四月武林受業程光祚
拜手謹跋

年譜

程跋

七

李文襄公奏疏目錄

題稿卷之首 督浙

恭報到任日期

計典屆期

請修戰船

核減馬價



李文襄公奏疏卷首

目錄

十

李文襄公奏疏卷首

男 鍾麟編次

恭報到任日期疏

總督浙江等處地方軍務兼理糧餉兵部右侍郎兼都察院右副都御史臣李之芳謹

奏為恭謝

天恩謹報微臣到任日期事竊臣一介庸愚仰荷

皇恩不次擢用畀臣以浙督重寄臣拜

命之日殊深惶悚復蒙

皇上頒賜御宴暨

李文襄公奏疏卷首

到任日期

一

內廐良馬披領弓矢表裏

寵賚隆渥

天語優容臣俯承感激自念捐糜踵頂不足報

皇恩之萬一臣自八月初一日

陛辭即於次日出京銜

命南行至十月十三日抵浙江嘉興府境隨准署理總督

事務撫臣田逢吉咨委糧儲驛傳道參議劉昌臣標

下中軍副將王廷梅齎捧

欽頒總督浙江康字二千二十四號關防一顆

令旗牌十面桿副及文卷到臣當即恭設香案望

闕叩頭謝恩於本月十五日赴省到任受事訖伏念微臣

以樗櫟庸材荷叨劇煩重任惟有飲冰茹蘗砥礪身

心恪持廉法董率所屬文武各官鞏固地方愛養百

姓以圖仰副

皇上軫念東南重地至意并上報

朝廷優遇

隆恩臣謹恭謝

天恩并將到任日期繕疏奏

聞伏乞

皇上睿鑒施行

李文襄公奏疏卷首

到任日期

二

康熙十二年十月十六日奏奉

旨該部知道

計典屆期疏

總督浙江等處地方軍務兼理糧餉兵部右侍郎兼都察院右副都御史臣李之芳謹

題為

計典屆期已迫等事臣查吏部咨開在外官員

大計文冊應於康熙十二年十二月內齊到等因欽遵在

案該臣看得三年

計察澄清吏治關係黜陟今臣於十月十五日泄任

計冊例應十二月到

京一切屬員臧否既未洞悉於平時何以定評於一日

李文襄公奏疏卷首

計典屆期

三

查康熙九年川湖督臣蔡毓榮緣受事日淺請

勅撫臣獨任

計冊當經部覆奉

旨俞允與臣事例相符伏祈

皇上勅下該部院將康熙十二年考察大小各官五花賢

否文冊聽撫臣田逢吉造送部科察核准臣今届免

造至於不肖官員臣採訪有據即不時另疏糾察斷

不敢稍有徇庇臣謹具

題伏乞

皇上睿鑒施行

康熙十二年十月十六日題奉

旨該部知道

李文襄公奏疏卷首

計典屆期

四

請修戰船疏

總督浙江等處地方軍務兼理糧餉兵部右侍郎兼都察院右副都御史臣李之芳謹

題為請修戰船以資防剿事據浙江布政司布政使陳秉直呈詳到臣該臣看得浙省為瀕海重地戰船為防禦要需今據該司詳稱各船自康熙九年修造迄今已歷三載查與修造年分之例相符今據開報寧台溫三區修造戰船一百三十三隻除請畱存戰船銀兩又變價船銀共抵用銀錢二千三百五十三兩四錢零畱為採辦物料外尚書該工料價銀四萬六

李文襄公奏疏卷首

請修戰船

五

千二百一十兩六錢零此皆照例核明之數亟須修理以資海防叩乞

皇上俯念邊疆重務准照例於康熙十二年地丁銀內動用庶船工便於速竣用備緩急不致臨期有誤軍機矣臣謹會疏密

題伏乞

皇上睿鑒施行

康熙十二年十二月二十二日題奉

旨該部議奏

核減馬價疏

總督浙江等處地方軍務兼理糧餉兵部右侍郎兼都察院右副都御史臣李之芳謹

題為請定歲終奏銷以肅馬政事據浙江布政司布政使陳秉直詳報到臣該臣看得浙省各鎮協營康熙十一年並十年購買馬匹一案經前督臣劉兆麒具疏

奏報部議以所買馬價比江南提標馬價浮多請

勅核減造冊等因隨即經備行布政司遵照部駁各款逐一查明核減造冊去後今據該司詳報動支康熙十

李文襄公奏疏卷首

核減馬價

六

年分朋銀購馬二百三匹共核減二百二十四兩二錢又動支康熙十一年分朋銀買馬二百七十二匹今核減三百四十兩七錢至於各營康熙十年分買馬二百三匹未經開明價值緣由查馬價銀兩原係動支康熙十年朋銀購買即於十年朋椿

奏報冊內註明在案今據該司備造清冊前來臣謹具題伏乞

皇上睿鑒施行

康熙十二年十二月二十二日題奉

旨該部知道

卷首終

李文襄公奏疏目錄

題稿卷之一 督師

請開銷試放火藥

請增設兵馬

飛報閩變一

飛報閩變二

飛報閩變三

續報閩變並陳調度事宜

請照例支給官兵行糧

續報各路塘報情形

李文襄公奏疏卷一

目錄

請調江南援兵

題報耿逆潛遣奸細投書

彙報官兵堵擊情形

常開報捷

請用原任鎮臣李榮

密報官兵堵擊情形

亟請應援滿兵

密報賊情

金衢獲捷

衢嚴擊賊恢復壽昌縣

紹興仙居黃巖獲捷

李文襄公奏疏卷一

目錄

李文襄公奏疏卷一

男 鍾麟編次

請開銷試放火藥疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為欽奉

上諭事康熙十三年正月初七日准兵部密咨內開照得近聞雲南省作亂各該地方官員嚴加固守該管地方內如有不端之人着嚴加查拏為此通行直隸各省督撫提鎮一體遵行等因准此又准兵部咨開竊

李文襄公奏疏卷一 試放火藥

照逆寇吳三桂作亂已發大兵進剿不日殲滅無足為慮但江南浙江等處以及京口俱逼近海濱此等地方亦宜預令備防應行該省總督將軍提督嚴飭近海沿江鎮將等官整備兵馬船隻勤加偵探嚴行隄防以保無虞可也等因到臣准此遵卽一面通行各鎮將一體遵行外隨卽分檄申飭各該地方文武等官凡係沿邊近海江湖要隘衝險郡邑以及寨堡墩臺水陸港口補葺坍塌安設銃砲整齊馬步甲械飭備戰哨船隻至於一切橋梁道路師旅經由處所

銃砲一項必須先加試放動用火藥正在繕疏

題請間隨准提督臣塞白理咨開照得浙江沿海二十餘里一交春汛南風日勁賊踪乘帆而至瞬息千里頃刻登犯在我守禦之具惟恃火攻所以沿海衝險之城邑要害之臺寨與夫水陸港口巡哨戰船向來俱設銃砲必常用火藥試放砲與藥習方無箍碎鐵炸之患人與砲習庶免倉皇失措之虞今以年久未經試放之火砲潮溼銹結必至手足不應恐誤封疆不得不咨請本部院沿海火砲必按季試放開銷火藥緩急庶乎有濟然事關錢糧緊急軍需務祈本部

李文襄公奏疏卷一 試放火藥

院速為具

題等因准此又據定海鎮總兵官朱萬化等各咨呈同前事等因各到臣該臣看得浙省原屬邊海重地與腹裏營伍不同賊孽一日未靖則勦禦一日難疎從來制敵之具攻堅擊遠取勝最速者惟銃砲為軍中首資第緣年來操演火藥不准開銷因而久不試放銹澀堪虞一有警息不准倉卒洗試無補緩急抑且火器兵丁盡屬生手是有銃砲與無銃砲等耳况屬沿邊上下延袤二千餘里凡海口之險汎山澤之要衝郡邑城垣烽墩臺寨以及水師戰艦無處不加

佈置則亦無處不需砲火雖向奉部文令地方設法操演但弁兵俸餉無多難以責成今該鎮將因_臣申飭預備至再至三是以皆為試放火藥無出紛紛呈請_臣身任地方目擊軍中急需何敢因循貽誤竊議目前先將各處銃砲逐一試放一次使其疏通火門臨期便於應手嗣後仍於每年春秋兩季試演二次所用火藥核明定數統俟歲終彙冊奏銷仰懇皇上俯加垂鑒

特賜允行裨益巖疆誠非淺鮮_臣謹會同浙江撫_臣田逢

吉提督_臣塞白理合詞密

李文襄公奏疏卷一

試放火藥

三

題伏乞

勅部議覆施行

康熙十三年三月初四日題奉

旨該部議奏

請增設兵馬疏

總督浙江等處地方軍務兼理糧餉兵部右侍郎兼都察院右副都御史_臣李之芳謹密

題為浙省汛廣兵單亟請添設兵馬以備防守以固疆圉事准提督_臣塞白理咨又據定海鎮總兵官朱萬化黃巖鎮總兵官阿爾泰溫州鎮總兵官祖宏勳平陽鎮總兵官蔡朝佐各咨呈又據杭協副將陳世凱署太湖營遊擊馬起龍沿海城守副將羅萬里等各呈詳到_臣該_臣看得浙江一省向為邊海重地原設經制官兵皆係酌量形勢按地設汛本難減少邇年

李文襄公奏疏卷一

增設兵馬

四

海警稍息次兵省餉在無事之時分佈十一府七十六州縣沿海各汛臺寨以及戰船水師地廣兵單實苦不敷前督_臣劉兆麒兩次具疏

題請未蒙

俞允但海逆窺伺時刻須防今值滇逆反叛賊氛未靖尤慮聞風蠢動浙地為閩省門戶又為江南後援先事之謀惟在厚集兵力見准部文奉有各該地方嚴加固守之

旨_臣忝膺重任敢不悉心籌畫如寧紹台溫等府皆沿海重汛賊踪飄忽虞常水陸險要亟宜添防衛嚴金等

處界連江西福建地勢衝險杭嘉湖三府接壤江南環海濱湖巡防並急各鎮協營日日呼籲增兵臣與撫臣提臣再四面商非不知增兵必須計餉當茲軍興浩繁正宜為

國節用但臣身在地方目擊兵馬不敷若不預為上

請直至臨事張皇顧此失彼雖身任重咎無益於事查浙省與江南閩粵並屬海疆形勢相等而往年裁減兵馬浙省為數過多今臣不敢議復原額致費糧餉謹就汛地緩急逐一會同詳酌實有萬不可已者議將各鎮協營兵單備算之處量復兵丁三千六百三十

李文襄公奏疏卷十

增設兵馬

五

九名以足分防之用更請按馬一步九之制除應減二十七匹抵給外應增馬九百七十四匹至若臣標三營提標五營皆有應援通省之責與鎮營固守一方者不同見今戰馬無多實不堪資應援查鄰近江南一省總督總漕提督三標均係馬三步七浙省同屬要地豈可獨令單寡今議於督撫二標酌復馬二百步八以備隨方策應按計兵數應增馬八百六十九匹庶可聯絡佈置使在在有備一遇警息相機堵勦不致有誤軍務臣總從封疆起見不得不剴切上

請仰祈

皇上俯念邊海巖疆特賜

俞允俟賊氛寧靜之日仍議裁減以節財賦除將督提二

標及各鎮協營地方形勢增設兵丁馬匹數目備造

清冊揭送兵部外臣謹會同撫臣田逢吉提督臣塞

白理合詞密

題伏乞

皇上睿鑒勅部速為查議施行

康熙十三年三月十六日題奉

旨戶兵二部會同議奏

李文襄公奏疏卷十

增設兵馬

六

飛報閩變第一疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為飛報事康熙十三年三月二十九日准提督臣塞白理咨開本月二十七日准平陽鎮總兵官蔡朝佐飛報內開本月二十二日申時據福建桐山營遊擊孫斌為飛報靖藩兵變事內稱康熙十三年三月二十一日午時有靖藩差人持發令諭一道內開總統兵馬上將軍令諭桐山營遊擊孫斌本藩倡義起兵爾文武將吏夙抱雄才向有同心諭到之日仰體本

李文襄公奏疏卷一

飛報閩變

七

藩為民至意各將所部兵民嚮應歸誠齋勸印換給其一應管轄地方照舊管轄務期東兵安民共立功勳本藩察敘勤勞另行從優擢用毋得故違取罪特諭甲寅年三月十六日等因卑職不勝髮指隨祈使焚諭外事關變逆理合飛報亟請

題勦等情前來據此除嚴飭汛防各將領督率官兵加謹巡防協力堵禦外擬合飛報等因到本提督准此為照靖藩兵變事出意外雖據飛報未知情形虛實本提督見在整棚兵馬會商堵禦外仍乞本部院迅撥各該鎮將嚴兵固守其衛屬江山清湖楓嶺一帶

保浙閩大路乞即就近酌撥勇敢官兵先行飛馳堵禦以防侵犯等因又據黃巖鎮總兵官阿爾泰溫州鎮總兵官祖宏勳報同前由各到臣該臣看得浙省與閩疆接壤溫衢二府尤屬衝要孔道今准提督臣塞白理咨會准平陽鎮總兵官蔡朝佐報稱據福建桐山營遊擊孫斌飛報等語事出意外未知情形虛實見在整棚兵馬會商堵禦仍迅撥各鎮將嚴兵固守其衛屬江山清湖楓嶺一帶請酌發官兵飛馳防守等因前來臣即一面飛飭溫州平陽二鎮衢州瑞安二協星飛率領官兵固守要隘偵探確信并行各

李文襄公奏疏卷一

飛報閩變

八

屬文武嚴謹整備一面會同提督臣塞白理統率官兵相機防禦外合先據報上

聞續有情形容臣另疏

題報臣謹會同撫臣田逢吉合詞密

題伏乞

皇上睿鑒施行

康熙十三年三月二十九日題奉

旨兵部知道

飛報閩變第二疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為飛報事康熙十三年三月三十日據平陽鎮總兵官蔡朝佐咨呈本年三月二十二日申時據福建桐山營遊擊孫斌飛報靖藩兵變當即飛報各衙門及臨近鎮協外一面差兵前赴福建撲聽去後本月二十四日戌時據探兵盧應海吳承美回稱應海承美奉差於本月二十三日到福寧交界茨荅寨撲聽路上緊急不放人行只得回至桐山進見孫遊擊即叫

李文襄公奏疏卷十一 二報閩變 九

進內衙分付靖南於三月十五日會齊兵馬派守七門砲火為號頭一砲上城第二砲刀出第三砲放槍通用吳三桂旗號十六日差官三個到小福州割辦摘纓有船數千隻盡泊閩安鎮有鄭錦兄弟帶船一鎮已到三盤洋停泊等語理合密報等因到臣該臣看得閩省變亂臣准提督臣塞白理咨並三鎮塘報事關重大即時據報上

聞一面與提督臣塞白理會商各自統率官兵相機堵禦一面飛飭平陽鎮總兵官蔡朝佐領兵前往分水關一路衢州副將李承恩領兵前往仙霞嶺一路先據

關隘嚴謹防守并行各屬文武官保固地方預辦糧草及沿海各鎮營加意偵備外因思循屬仙霞關係浙閩大路最為鄰近差員星馳往撲尚未回覆於三月三十日亥時又據平陽總兵官蔡朝佐飛報密遣兵丁往福寧州交界偵撲回稱前途阻絕情形及桐山營遊擊孫斌面囑之語臣查由閩至浙陸路則衢屬之江山最為衝要處屬龍泉等處溫屬平陽等處皆有通途捷徑水路則自平陽溫州黃巖台州象山寧波定海以至杭紹嘉三屬皆邊海要地今據稱構連海逆以圖分頭入犯臣等見在隨方調度星馳回

李文襄公奏疏卷十一 二報閩變 十

守但各鎮營汛處處宜防無可抽調僅有督提二標官兵水陸策應深慮防守不敷仰祈

皇上俯念邊情緊要亟賜

睿裁并請先

勅江南省滿漢官兵調集兩省交界之地以資聲援江西省於廣信駐宿重兵以防崇安大關一路或有緊急許臣咨調策應臣謹會同浙江撫臣田逢吉提督臣塞白理合詞密

題伏乞

皇上睿鑒施行

康熙十三年四月初一日題奉

旨兵部知道

李文襄公奏疏卷一

二 報閩變

二

飛報閩變第三疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為飛報事康熙十三年四月初三日據黃巖鎮總兵官阿爾泰密報到臣該臣看得閩逆耿精忠背

恩倡亂臣節據塘報先經兩疏上

聞今又據黃巖總兵阿爾泰密報准平陽總兵蔡朝佐報開據千總馬寧差稱揆得桐山營兵丁索餉遊擊孫斌帶往福寧州請發及至該州聞城兵馬盡赴福州止餘空城等語又詢據逃回民人馬尾稱三月十九

李文襄公奏疏卷一

三 報閩變

三

日耿逆等差人到吳總兵處索印取辦吳總兵不從二十日有亂兵陳英倡首架砲圍門搶去軍器馬匹逼發餉銀勒去印信辦子隨搶掠城中等語臣聞之不勝髮指又據金衢嚴道稟稱福建楓嶺一帶塘兵於三月二十六日盡行撤去則是福寧等處亦已有變衢州仙霞關係通閩大路又有常山亦係通途最為衝要衛協額兵甚少非得重兵駐守實為可虞溫屬之分水關與福寧州最近平陽總兵水陸難於兼顧處屬各邑通閩山路頗多處協額兵不敷防守臣等見經多方調度竭力防禦但各屬皆汎廣兵單而

陸隘海邊處處宜防伏乞

皇上睿裁迅發大兵刻期前來以資援剿庶保無虞臣謹

會同浙江撫臣田逢吉提督臣塞白理哈詞密

題伏乞

皇上睿鑒施行

康熙十三年四月初三日題奉

旨兵部知道

李文襄公奏疏卷一

三報閩變

十三

續報閩變并陳調度事宜疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為續報閩逆情形并滿漢官兵調度事宜仰祈

睿鑒事康熙十三年四月初七日據平陽鎮總兵官蔡朝

佐報稱三月二十七日酉時據防守橋墩寨千總馬

寧等報稱本月二十七日巳時據分水關管隊朱祥

報稱本日早晨赴桐拔聽城門甚緊止開南門二十

六日城內燒燬房屋三分之一孫將官尚未歸桐吳

守備在城防守過往人不許進城甚難體揆等語擬

李文襄公奏疏卷一

續報調度

十四

合轉報等因又於本月初九日據金衢嚴道叅議梁

萬禛衛協副將李承恩報稱康熙十三年四月初六

日戌時據署江山縣事縣丞徐兆熊報稱本月初六

日據解流犯快手毛老等從浦城回來口稱親見遣

牌上寫總統兵馬上將軍牌行延平署延平道即換

牌上寫甲寅年仍用原條印建寧府亦寫甲寅年用

本府原印二牌俱行浦城開路如路不平坦軍法從

事內有云大兵所過秋毫無犯前月二十九日俱到

浦城至三十日有馬兵二三十人亦到浦城縣亦屬

甲寅年原印行牌備牛十隻猪四十口稻五十石柴

焚雞鵝酒何候開路至楓嶺地方止大牌換牌俱係至楓嶺繳等情擬合轉報等因又於本月十一日據臣標中軍副將王廷梅報稱准金衢嚴道塘報內開本年四月初九日辰時據衛協中軍都司孫洪業報稱本月初八日午時據揆兵邵祿口稱揆得逆藩頭站李二虎帶兵一千於初六日到漁梁初七日到廿八都馬千總封總兵官進去迎接連夜趕出駐劄峽口楊把總帶兵駐劄江郎街裏面進去不得先來回報等情擬合飛報煩請星飛前來堵禦等情到職畢職隨着官兵星夜前進外理合飛報等因同日又據

李文襄公奏疏卷一

續報調度

十五

金衢嚴道梁萬祺衛協副將李承恩報稱本月初七日未時據署江山縣事徐兆熊稟稱本月初六日夜據本縣揆聽快手鄭泗自江山縣南一百二十里廿八都地方回口稱廿八都馬副將於初四日早進浦城峽口馬千總初四日午後帶馬兵蓋甲亦進浦城仍調各千把俱駐劄峽口大溪灘楊把總帶兵駐劄江郎街又聞得浦城北行過客說初四日初五日有兵三千到浦城船六十號裝載硝磺蓋甲亦到浦城係姓江李曾三人帶來等情理合通報等因又於本月十二日據平陽鎮總兵官蔡朝佐報稱康熙十三

年四月初二日未時據防守橋墩寨千總馬寧把總田喜龍報稱本月初一日訪得橋墩本街居民翁啓辰弟翁啓和在閩生理回家寧等密喚詢問啓和口稱和自三月十二日在興化府起身十五日到省南臺見逆藩反亂本日文武各官往朝福州府官及候官縣官不從俱被殺部院不從鎖起十六日俱割辦于十九日發兵往泉州等語擬合轉報等因又於四月十三日據衛協副將李承恩報稱四月初九日據防守常山縣把總何起先報稱揆得建寧崇安兵變俱稱藩下今廣信府鉛山縣防官汪守備領兵把住

李文襄公奏疏卷一

續報調度

十六

分水關將關口壘塞以防崇安之兵理合塘報等因各到臣該臣看得逆賊耿精忠反叛節經提鎮飛報臣隨具疏上聞一面會商調度分馳堵禦先經將軍臣圖喇發滿漢官兵一千名令副都統臣吳申巴都魯石調聲統領臣發督標兵一千名令中軍副將王廷梅統領赴衢州防守仙霞關常山兩路又調金華嚴州紹興嘉興湖州五營官兵共二千三百名赴此兩路協防其溫州分水關一路飭令平陽總兵官蔡朝佐親率官兵防守又調提標定海溫州二鎮官兵共一千名前往協

防并嚴備平陽海汛仍令温州鎮協各營聯絡策應其處州龍泉慶元各山路飭令處州副將姜騰蛟親率官兵防守又調台州城守營官兵五百名協防其餘沿海邊汛飭令定海總兵官朱萬化黃巖總兵官阿爾泰温州總兵官祖宏勳督率各協營俱照汛地防守但今節據據報有賊李二虎帶兵一千先至浦城又稱江曾李賊兵三千船六十號裝載硝磺盜甲亦到浦城等語是賊勢已逼仙霞關矣又據據報福建崇安兵變從逆江西之廣信玉山鉛山一帶未有重兵駐守常山一路竝宜亟防今副都統臣并臣標

李文襄公奏疏卷一 續報調度 十七

中軍統領官兵已到衢州各營官兵陸續繼至所有塘報情形備載前疏并官兵調度事宜合先

題報但臣等惟就見在之兵隨方佈置竭力堵禦而各路兼防更無抽調之處兵馬實苦不敷懇請

皇上睿裁先調江南滿漢官兵就近赴援若候大兵自京進發惟恐緩不及事并祈

勅江西督撫提諸臣亟發重兵謹守鉛山玉山大路以保巖疆臣謹會同浙江撫臣田逢吉提督臣塞白理合

詞密

題伏乞

皇上睿鑒施行

康熙十三年四月十五日題奉

旨兵部知道

李文襄公奏疏卷一 續報調度

十八

請給官兵行糧疏

總督浙江等處地方軍務兼理糧餉兵部右侍郎兼
都察院右副都御史臣李之芳謹

題為防勦主客官兵懇

恩照例優恤以示鼓勵事據浙江布政司布政使陳秉直
呈詳到臣該臣看得閩逆猖狂稱兵入犯所賴將士
用命以奏成功今滿漢官兵調防堵禦在外有芻粟
之需在內有室家之累月給俸餉有限不能兼顧雖
効力疆場固臣子之常分而軫恤勤苦實

皇上之殊恩今據布政司詳稱順治十七年杭州駐防滿

李文襄公奏疏卷一

官兵行糧

十九

漢官兵援勦寧波另給行糧草料其綠旗官兵馬匹

見經川湖督臣蔡毓榮

題准照當日進勦雲貴之例支給等因臣查滿漢綠旗
官兵行糧料草既有成例可援似應一體優恤以示
鼓勵伏乞

皇上俯念從征勞苦准令照例支給庶官兵愈加感奮矣
但順治十七年額定糧料與見行例不同其雲貴進
勦之例浙省無案可考倘蒙

俞允請

勅部查明分晰滿漢綠旗官兵應加給每日米豆若干升

草若干束行臣等遵奉支給報銷臣謹會同浙江撫

臣田逢吉提督臣塞白理合詞具

題伏乞

皇上睿鑒

勅部議覆施行

康熙十三年四月十九日題奉

旨戶部速議具奏

李文襄公奏疏卷一

官兵行糧

二十

續報各路塘報情形疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為續報各路塘報情形事康熙十三年四月二十四

日據各營將塘報各到臣該臣看得衢州一路據塘報接稱賊兵屯聚清湖窺伺入犯又開化縣與江西交界地方揆有山賊處州一路逆弁潛佈偽牌處協副將姜騰蛟領兵赴龍泉慶元台協都司馬登科赴景寧防守溫州一路海寇連踪突犯瑞安磐石并郡城江口各汛該鎮將放砲擊打賊船退回至泰順山

李文襄公奏疏卷一

請兵夾剿

三

取僻邑前據有土賊勾連海寇之報臣即飭溫州總兵官祖宏勳發兵援剿今據報援兵未至縣官防弁退回所發官兵於桐溪居中要地屯劄以便應援臣見經飛飭各路官兵協力守禦其文武官弁離城退回另在嚴查外惟是賊兵水陸交訖與賊鄰近地方奸宄乘機竊發兼以平陽兵變所備愈多一俟大兵齊集即可星馳援剿臣思江西省城見有滿兵駐劄又有續發大兵今湖廣長沙等處見在恢復則江西已無他警伏乞

皇上睿裁

勅令江西大兵相機進剿與浙省兩路夾攻則逆賊耿精忠指日授首矣今據各路塘報情形合再上

聞臣謹會同浙江撫臣田逢吉提督臣塞白理合詞密疏

具

題伏乞

皇上睿鑒施行

康熙十三年四月二十九日題奉

旨據奏沿海官兵擊退賊船奮勇可嘉知道了餘着速議

具奏兵部知道

李文襄公奏疏卷一

請兵夾剿

三

請調江南援兵疏

總督浙江等處地方軍務兼理糧餉兵部右侍郎兼都察院右副都御史^臣李之芳謹密

題為謹陳浙屬各路告急官兵調援不敷仰祈

睿鑒增調官兵分路援剿事竊惟浙閩交界衢溫處三路

竝有通途凡調撥官兵分頭堵禦并節據塘報賊兵

圍犯瑞安景寧等處情形^臣等屢次會

題在案^臣欽遵

上諭公同平南將軍賴塔前去一應軍機事務酌而行

已於康熙十三年五月十五日統領本標杭協管并

李文襄公奏疏卷一

請調援兵

三三

江南提標官兵共一千五百名自省起行前赴衢州於途次據處協副將姜騰蛟報稱慶元調援把總韓養性奔回郡城口稱五月初八日逆賊徐尚朝帶領賊兵二千餘攻進北門縣官千總不知下落等情五月十二日龍泉兵變逼脅千總田士植往浦城投逆接得賊兵實有二千餘由松溪壽寧浦城而來於五月十六日已犯龍泉縣官出郊迎接逆寇追印要餉百姓盡皆割辦等情五月十七日賊兵已進遂昌俱有鐵甲藤牌遂昌縣官弁兵皆出迎接今雲和松陽告急疊至各汛原無城垣可守防兵不過數十名寇

兵猝至眾寡莫敵道路不同分援莫及等情又據貼

防龍游把總羅大用報稱衢協防汛千總王孝私通

馬逆於五月十九日中外應合黃昏時候開城放入

賊兵千數卑職帶領兵丁堵禦身負重傷至四鼓後

賊仍馳往南山行蹤莫定等情各到臣該臣看得衢

州為浙閩衝要先有副都統臣吳申巴都魯等屯守

郡城但一月以來賊眾四出攻掠先經常山開化防

弁一逃一叛隨調副將牟大寅領兵分防今龍游逆

弁又勾通賊兵入城旋復盤踞近地阻我糧道見在

發臣隨帶官兵防剿其温州一路賊兵攻圍瑞安已

李文襄公奏疏卷一

請調援兵

三四

及二旬副將吳三畏等悉力拒守今提督臣塞白理已准臣咨統兵自寧波進剿至處州一路原因兵單調台協官兵五百協防柰山路岐雜賊兵出沒不常景寧慶元失守皆因兵少賊眾而龍泉遂昌文武官弁皆已從逆雲和松陽見在告急臣標守備于昌祐又復調領官兵星馳赴援此三路情形處處警急今江南滿兵雖到馬力未齊且不便零星四發臣所調遣以策應各路者惟有綠旗官兵如沿海諸營多調赴温州一路其存營官兵又防本汛屢據瞭報賊踪游移提督并寧台鎮協絡繹請援難以再調金嚴二

府又皆與衢處接壤前除調撥外各營僅存兵數百
賊氛震鄰尚慮單虛而杭紹嘉湖先經抽調見今兵
數無多再難調發一空前臣疏請增兵雖蒙

俞允部文甫到非可一時募補足額其衢州調集之兵分
應開常各邑見在郡城止有千計臣隨帶官兵又分
援處州并防堵龍游臣今惟領官兵數百前進念各
屬地方皆臣責任奈已無兵可調無將可遣兼賊勢
猖獗而弁兵紛紛從逆事實可虞不得不據實懇陳
於

皇上之前仰祈

李文襄公奏疏卷一

請調援兵

三五

睿鑒或再發江南和碩額駙臣所統滿漢官兵或
勅江南一鎮領兵數千赴援庶可保固地方相機進剿臣
謹會同浙江撫臣田逢吉提督臣塞白理合詞密疏
具

題伏乞

皇上睿鑒勅部議覆施行

康熙十三年五月二十五日題奉

旨議政王貝勒大臣會同速議具奏

題報耿逆潛遣奸細投書疏

總督浙江等處地方軍務兼理糧餉兵部右侍郎兼
都察院右副都御史臣李之芳謹密

題為逆賊潛遣奸細投送逆書臣謹據實上

聞事臣於康熙十三年五月二十八日統兵至衢於六月
初二日衢州副將李承恩口稱有要緊事面稟臣即
加詢問據稱有奸細一人持耿逆書送臣等語臣聞
之不禁髮指即令該副將立將奸細綁赴平南將軍
處臣隨往會同將軍臣賴塔副都統臣胡圖吳申把
都魯雅大里等公審據奸細張連進供於五月十九

李文襄公奏疏卷一

題報逆書

三五

日到延平府見耿精忠坐的船有一姓馬的人將耿
精忠書一封王可就稟帖一封叫我到杭州與李總
督我把書接了於五月二十九日到了清湖有江元
勳又與我書三封叫我帶到衢州與城守副將李承
恩總督中軍王廷梅西安署印知縣李爾耿精忠從
延平府一日行二三十里往仙霞嶺來不知賊兵真
數船隻甚多等語其逆賊耿精忠與臣書一封王可
就與臣稟帖一封並逆賊江元勳與中軍副將王廷
梅衢州副將李承恩署西安縣事通判李爾各書一
封公同拆閱盡皆虛張聲勢妄相煽惑之詞竊臣受

國厚恩膺此封疆重任今值逆賊犯順正臣捐軀圖報之時夙夜拮据恨不滅此朝食何物背

恩反賊敢以喪心在吹道奸投遞臣不勝憤激即公議將奸細張連進處斬訖臣謹據實密疏上

聞伏乞

皇上睿鑒施行

康熙十三年六月初二日題奉

旨覽卿奏擊獲逆賊耿精忠等所遣奸細并所送逆書具見忠貞可嘉兵部知道

李文襄公奏疏卷一

題報逆書

三

彙報官兵堵擊情形疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為彙報官兵堵擊情形仰祈

睿鑒事案據溫州總兵官祖宏勳提標右營遊擊張從仁

瑞安副將吳三畏嚴協副將鮑虎杭協副將陳世凱

金協副將牟大寅處協副將姜騰蛟塘報各到臣該

臣看得賊兵侵犯瑞安賊船在各汛江口時常飄突

以圖阻我援兵屢據瞭報在案今溫州鎮總兵官祖

宏勳盤石營遊擊祖應善提標遊擊張從仁寧海營

李文襄公奏疏卷一

官兵堵擊

三

守備周成等先後擊碎賊艘餘船退泊其攻瑞之賊

圍城已及一月副將吳三畏忠勇奮發提標遊擊劉

國珍等並能協力率勵兵民同心固守擊斃賊衆全

城待援實有勤勞今提督臣塞白理所統兵及在溫

官兵共及萬餘自可解圍破賊至衢屬自江山接連

常山開化秀出龍游并嚴屬遂安與開化比壤皆有

賊兵出沒土寇因而附合臣密飭諸將偵探勦搜嚴

協都司閻進等乘雨夜出擒殺賊衆杭協副將陳世

凱等潛遣官兵擒獲偽劄賊犯又金協副將牟大寅

報稱湖協都司姚世熙等斬賊獲械處協副將姜騰

蛟報防守青田把總陸雲龍擒賊獲械其處州一路
先經發兵赴援并留原調援瑞安江南官兵在處州
協防又令黃巖總兵官阿爾泰從溫州領兵進剿并
見發滿漢綠旗官兵赴常山夾剿俟各路捷音另行
題報外今官兵奮勇已見先聲所有塘報情形理合上
聞臣謹密

題伏乞

皇上睿鑒施行

康熙十三年六月初六日題奉

旨據奏賊船侵犯瑞安各汛總兵官祖宏勳等奮勇擊碎

李文襄公奏疏卷一

官兵堵擊

三九

賊艘副將吳三畏等協力擊賊全城及都司閻進等擒
賊并獲偽劄俱勤勞可嘉事平之日着從優議敘具奏
兵部知道

常開報捷疏
總督浙江等處地方軍務兼理糧餉兵部右侍郎兼
都察院右副都御史臣李之芳謹密
題為續報官兵堵擊情形仰祈

睿鑒事案據全協副將牟大寅報到臣該臣看得常山開
化與江西廣信玉山永豐等處接壤叛兵土寇勾合
閩賊時時窺伺臣密飭防守協管將備嚴謹守禦先
據全協副將牟大寅報稱都司姚世熙等於七都地
方剿殺賊寇陣獲器械并有賊兵犯城臣隨會商發
滿漢官兵赴常援剿先經

李文襄公奏疏卷一

常開報捷

三十一

題報在案隨據該副將報稱偽總兵李雲龍率領賊眾
四面攻圍官兵出城奮擊斬首五百餘級生擒十一
名陣斬偽參將張雄獲有偽劄奪獲旗幟器械并開
列衝鋒及傷亡兵丁姓名前來查援兵未到之先常
山防守官兵已經奮勇剿殺賊眾敗遁并防守開化
守備黃成富報稱殺賊情形俱見將士用命理合一
併上

聞應否議敘賞卹合聽部議臣謹密

題伏乞

皇上睿鑒施行

康熙十三年六月十二日題奉

旨據奏偽總兵李雲龍等率賊五千餘眾侵犯常山開化副將牟大寅等奮擊陣斬偽參將張雄及賊五百餘級生擒賊眾得獲偽劄器械淡為可嘉在事有功人員事平之日從優議敘具奏兵部知道

李文襄公奏疏卷一

常開報捷

三十一

請用原任鎮臣李榮疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為特

請擢用原任鎮臣以資援勦仰祈

睿鑒事竊惟地方用兵惟在將得其人必素有威望諳練機宜始可以服軍心而振士氣俾之統率援勦著績疆場浙省原有四鎮皆為防海而設自平陽温州相繼變叛黃巖定海二鎮見在防禦本汛其衢州金華等處調援官兵須得大帥專一統領查有原任水師

李文襄公奏疏卷一

請用鎮臣

三十一

右路總兵官李榮歷任浙省二十餘年才能素著各營弁兵多屬舊時部曲咸懷恩信臣參訪輿論調至軍前與之商確樞密見其韜畧優長忠勇奮發熟悉地方情形堪當一面之寄似此威名宿將久在閒散淹沒可惜本官雖係降調之員但今用人急迫之際難拘常格臣謹特疏題

請仰懇

皇上破格擢用如蒙

俞允請

勅部議仍以總兵職銜管浙江金衢等處授勦事務頒給

勅書關防俾令受事將見調嘉湖等營官兵暫令統領仍
召募新兵以定經制查溫處額兵并援兵盡皆失陷
是浙省經制缺額幾及一萬五千今議設援勦三營
共兵三千名見在之兵無從抽調必須另行召募既
可以資戰守且使地方強壯有力之徒不致為賊引
誘是募兵即所以弭盜俟恢復溫處陸續募足原額
并聽部議其管制官員咨臣於將領之中查其功績
量其才能酌議陞補另行題

請臣謹密疏具

題伏乞

李文襄公奏疏卷一

請用鎮臣

三三

皇上睿鑒施行

康熙十三年六月二十二日題奉

旨兵部速議具奏

密報官兵堵擊情形疏

總督浙江等處地方軍務兼理糧餉兵部右侍郎兼
都察院右副都御史臣李之芳謹密

題為密報官兵堵擊賊衆情形事康熙十三年六月二
十六日據杭協副將陳世凱等塘報各到臣該臣看
得溫處變叛之後賊衆由籍雲連犯永康武義官弁
從賊遂直窺金華先經臣調杭協副將陳世凱到金
防禦於康熙十三年六月二十二日該副將調千總
景一清把總徐啓等領兵夜到武義守備任九玉等
領兵接應殺敗賊衆得獲器械以兵少未能深入於

李文襄公奏疏卷一

官兵堵擊

三四

二十三日回郡平南將軍臣賴塔所調滿兵亦俱到
金華二十四日探知有賊千餘將到郡城副都統臣
馬哈達雅大里統領章京昂吉兔瓦星阿等竝江南
遊擊武榮臣標把總李華等前往奮擊殺賊生擒二
十餘人追奔二十餘里得獲刀槍旗銃等件今副都
統臣馬哈達雅大里俱准部文回省將軍臣賴塔見
在另議調防金華但賊兵四出侵犯在在土寇竊發
又據報間道襲破東陽臣今見在酌議官兵再往彼
處確撲進剿外所有賊兵侵犯官兵堵擊情形臣謹

密

題伏乞

皇上睿鑒施行

康熙十三年七月初一日題奉

旨據奏逆賊千餘侵犯金華將軍賴塔等調發滿漢官兵奮勇堵擊擒斬賊衆得獲器械可嘉在事有功人員事平之日議敘具奏兵部知道

李文襄公奏疏卷一

官兵堵擊

三五

亟請應援滿兵疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為賊兵分路犯衝滿師萬難分應亟懇

睿鑒以救衝疆事康熙十三年七月初五日據衛協副將李承恩報據大南門外一路揆兵莫起春報稱揆得江山來賊馬撥已至十八里地方又據大西門外一路揆兵洪大相報稱揆至航埠地方離城二十餘里鄉民紛紛逃出稱有賊三千餘人俱在河西一帶插下皂旗又據小南門外一路揆兵張自得報稱初四

李文襄公奏疏卷一

應援滿兵

三十六

半夜有賊數千從石室街來至大洲地方又揆得有賊五百餘人在九龍山又據揆兵陳龍報稱有賊二三千人從相思地方出來午時到沙埠離城十五里又據東門外一路揆兵余信報稱有賊數百人初四夜由靈山來到安仁街過河往北鄉本日亥時又據該將報稱揆兵徐福等報稱離城十五里汪家橋一帶直至大河邊俱是賊兵屯劄至後村祝地方有逃出民人稱自江西陸續下來直至西安十八里地方沿路下營約有逆賊數萬口稱三路會兵要攻府城又據把總馬伏秀報稱前往江山一路偵揆至航

埠河東一帶見逆賊撥兵在大路下帳房三十二頂周圍橋圍帳房皂旗甚多河西有黃心皂旗八桿紅月皂旗不計其數從江山間道烏石山出來絡繹不絕鄉民口稱約有萬餘四處催取糧草又據小南門外校兵宋二報稱自江山出來火器賊兵無數至石室街下營等情到臣據此臣隨會同平南將軍臣賴塔發兵出城堵禦外該臣看得衢州為浙閩要衝賊以全力聚劄清湖日窺侵犯臣等時刻偵探備禦惟思身膺重任但當盡心竭力不敢過為張皇激切之詞仰煩

李文襄公奏疏卷一 應援滿兵 三十七

睿懷然賊兵四面而出實已危急龍游湯溪蘭谿金華等處為糧餉要道又不得不發兵分援存衛滿兵一千有餘綠旗兵二千有餘今賊兵數道竝進臣等見在悉力堵禦專待副都統臣喇哈兵馬一到以為聲援已經兩次行催在途今於七月初六日准部文留駐杭州則衢州獨以滿漢綠旗不及四千之兵當逆賊數萬之眾勢必不支倘有疎虞則自衢至省順流而下不過兩三日全浙大勢不可收拾矣溫處變叛全浙門戶已失其二惟衢州尚有扼要之勢臣等於地方情形兵力多寡事機緩急無處不為籌畫非僅以

一身所在之地為亟今賊已合兵入犯而衢州兵力單寡至此若又調去應援之兵臣等雖捐糜頂踵究於封疆無益一面行催副都統臣喇哈星速前進外仰祈

皇上俯念臣等向無危迫告急之詞本是奮身不顧原非兵力有餘亟賜

睿裁俞允臣等所

請使不致以孤軍債事庶危疆得以保全臣謹會同平南將軍臣賴塔商妥密

題伏乞

李文襄公奏疏卷一 應援滿兵 三十八

皇上睿鑒施行

康熙十三年七月初七日題奉
旨議政王貝勒大臣會同速議具奏

密報賊情疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為密報賊情事康熙十三年七月初六初八十三等日連據杭協副將陳世凱衢協副將李承恩嚴協副將鮑虎等報各到臣該臣看得逆賊自清湖常山各路會合逼近衢州又分賊兵襲破嚴屬壽昌淳安兼從龍游湯溪一帶河路阻絕餉道其處州之賊又間道襲破義烏窺犯浦江知縣毛文荃督率百姓殺賊全城在衛官兵陸續調往金華龍游湯溪蘭谿等處

李文襄公奏疏卷一

密報賊情

三九

存郡無多於七月初旬賊兵連營而進俱在十里之外將軍臣賴塔統領滿漢官兵臣統領綠旗官兵原任總兵李榮副將王廷梅李承恩都司王祚昌姚世熙守備朱知微高祿陳國任晉大忠虎邦俊隨征遊擊王世望等一齊出城堵擊直抵賊營滿漢綠旗官兵皆奮勇衝突賊營外掘濠濠內列木城火器拒守官兵不能前進陣亡金協守備梁安并兵丁七人今於七月初十日賊忽棄營夜遁營內及沿途拋棄挨牌拒馬等件臣隨差守備陳國任千總滕龍等到賊剗營處所觀看營盤將賊遺挨牌拒馬木城等項逐

一燒燬訖官兵前途哨換賊兵已望江山而去除再確探情形一面調遣官兵赴近衢各山并龍游湯溪一帶偵探搜勦外理合據實報

聞臣謹密

題伏乞

睿鑒施行

康熙十三年七月十三日題奉

旨據奏浦江縣知縣毛文荃督率百姓殺賊全城濠為可嘉着從優議敘具奏兵部知道

李文襄公奏疏卷一

密報賊情

四一

金衛獲捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為飛報官兵大捷事康熙十三年七月十六日據臣標中軍副將王廷梅原任總兵見在隨征李榮等各塘報到臣該臣看得逆賊各路聚合同時逼犯金衛自衢州賊兵遁回揆有逆賊一股尚在城北杜澤地方一股尚在城東南大洲地方臣等於七月十二十三等日連夜遣發官兵分路追勦都司姚世熙守備朱知微等前至杜澤地方賊兵二千有餘拒敵官兵奮勇齊進殺賊五百八十餘人生擒二十三名陣斬偽副將一名獲旗械等三百餘件守備晉大忠等同委署衢州府知府王宏仁前至大洲地方賊兵二千有餘官兵奮擊殺賊六百餘人生擒五十八名陣獲甲仗等二百五十八件內隨征官張文福射死偽副將葉國榮搜獲偽諭帖偽劄驗係偽右軍都督江元勳所給守備晉大忠擒偽督糧遊擊龔上進知府王宏仁得獲偽劄一張把總曹三陽得獲偽劄一張俱經解臣等驗訖其處州之賊進逼金華先經官兵堵擊殺賊五十餘人乃於七月十三日會合賊兵萬餘

李文襄公奏疏卷一 金衛獲捷 四十一

倚山列陣副都統臣吳申巴都魯統率滿漢官兵與綠旗官兵左右並進奮勇登山擊殺逆賊七千有餘生擒一百七十餘人追逐二十餘里得獲旗械無算內杭協副將陳世凱首先用砲打倒賊黨江南遊擊武榮親擒偽都督嚴彪各千把等官擒獲並陣斬偽守備千把等共八名據偽都督嚴彪供稱耿逆兵會合土賊共有萬餘約定要破金華等語仰仗皇上天威滿漢綠旗官兵同心用命斬獲大捷逆賊從此膽寒矣臣謹會同平南將軍都統臣賴塔合詞密疏題報伏乞

皇上睿鑒施行
康熙十三年七月十八日題奉
旨覽卿奏逆賊兩股尚在衢州地方遣發官兵追勦擊敗賊眾擒斬偽副將等得獲旗幟器械等項具見調度有方將士奮勇可嘉在事有功人員事平之日議敘具奏金華殺敗賊眾已有旨了兵部知道

李文襄公奏疏卷一 金衛獲捷 四十二

皇上睿鑒施行
康熙十三年七月十八日題奉
旨覽卿奏逆賊兩股尚在衢州地方遣發官兵追勦擊敗賊眾擒斬偽副將等得獲旗幟器械等項具見調度有方將士奮勇可嘉在事有功人員事平之日議敘具奏金華殺敗賊眾已有旨了兵部知道

衢嚴擊賊恢復壽昌疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為密報官兵擊敗賊眾恢復縣城事康熙十三年七月二十二日據標下隨征福建遊擊王世望嘉興營守備晉大忠撫標守備高祿等嚴協副將鮑虎嚴州府知府梁浩然等塘報各到臣該臣看得官兵自杜澤大洲勦賊回營之後臣與平南將軍都統臣賴塔復發兵搜勦龍游之木城一帶地方隨征遊擊王世望守備晉大忠高祿等前往遇賊三千餘我兵奮勇

李文襄公奏疏卷一

衢嚴擊賊

四三

陣斬六百餘人生擒三十餘人餘賊奔回處州其嚴州一路先經副將鮑虎知府梁浩然呈首逆書隨據塘報賊眾萬餘先攻破開化遂破遂安兩縣官兵皆潰圍奔回嚴州副將鮑虎隨帶撫標援兵并回郡官兵先往壽昌進勦賊眾據險拒守官兵奮勇擊殺連奪險要隘口四處一日六戰六捷斬獲甚眾恢復壽昌入山搜勦賊已遠遁焚燬賊巢隨領兵前往恢復淳安遂安等處外所有塘報情形理合題報其遊擊王世望等副將鮑虎等並能奮勇立功鮑虎與知府梁浩然呈首逆書應否議敘仰祈

睿裁臣謹密

題伏乞

皇止府鑒施行

康熙十三年八月初二日題奉

旨覽卿奏遣發官兵搜勦龍游逆賊擒斬甚眾又嚴州副將鮑虎率領官兵奮勇殺賊連奪險隘四處一日六戰六捷斬獲甚多焚燬賊巢恢復壽昌及同知府梁浩然出首逆書俱屬可嘉在事有功人員事平之日議敘具奏該部知道

李文襄公奏疏卷一

衢嚴擊賊

四四

紹興仙居黃巖獲捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為彙報捷功事據紹興府知府許宏勳定海總兵官朱萬化黃巖總兵官阿爾泰各塘報到臣該臣看得逆賊於七月初旬攻犯紹興府屬新昌縣知縣陳大典乘間出奇殺賊全城紹興副將許捷提標守備吳良駿定海鎮標守備傅成等於郡城連日衝擊殺賊千餘陣斬偽總兵副將得獲旗幟賊眾解圍遁去其台屬仙居縣幾被賊攻破台協都司汪國祥援兵與千總

李文襄公奏疏卷一 紹興獲捷 四十五

韋清內外夾攻殺賊五百餘人生擒偽都司一員又黃巖縣土寇竊營守備王有功等搜勦斬賊獲械以上賊寇多寡不同勦殺功次不等俱見官兵用命合聽部議臣謹彙疏密

題伏乞

睿鑒施行

康熙十三年八月初二日題奉

旨據奏逆賊侵犯新昌該縣知縣陳大典乘間出奇殺賊全城又紹興副將許捷等連敗逆賊擒斬偽總兵等賊眾解圍遁去仙居都司汪國祥等黃巖守備王有功等

擒斬搜勦賊眾得獲器械具見官兵奮勇俱屬可嘉在事有功人員事平之日議敘具奏兵部知道

李文襄公奏疏卷一終

李文襄公奏疏卷一 紹興獲捷 四十六

李文襄公奏疏目錄

題稿卷之二 督師

金嚴克捷恢復淳安縣

恢復義烏湯溪獲捷

嚴屬捷功

紹屬捷功恢復嵯縣諸暨縣

石梁捷功恢復東陽縣

題明守備員缺就近遞補

續報東陽湯溪捷功

密拿通賊廢弁葉日生等

李文襄公奏疏卷二 目錄

題補援剿遊擊守備

金華山口鄭店報捷

招撫偽官杜日葵等投誠

請增設標兵

金華十二里莊大捷

衢州溝溪前墓山大捷

金華龍游報捷

金華竹園村季宅馬洲報捷

蘭谿東葉山嚴州威平鎮捷功

金華積道山大捷

嚴屬捷功恢復分水縣

請動餉銀購買戰馬

李文襄公奏疏卷二 目錄

二

李文襄公奏疏卷二

男 鍾麟編次

全嚴克捷恢復淳安疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為塘報捷功事據援剿總兵官李榮嚴協副將鮑虎塘報各到臣該臣看得金華當溫處兩路之衝亟宜掃蕩賊氛以圖進取臣同平南將軍都統臣賴塔面授援剿總兵李榮方畧發在衢綠旗官兵令其統領前至金華該鎮揆知賊巢處所督同在金綠旗官兵

李文襄公奏疏卷二

全嚴克捷

一

星夜進剿賊眾三千餘聚立木城據山守險官兵兩路設伏誘賊至平地三面夾擊陣殺一千餘人生擒一百五十三名得獲旗械甚多焚其木城其嚴州一路自恢復壽昌之後臣復飭令副將鮑虎進兵該副將率都守千把等官閭進等隨路攻剿破賊五營陣殺二百餘人賊眾據險拒守官兵兩路衝擊斬關直入殺賊數百人乘勝恢復淳安又入山搜剿賊巢斬賊百餘人奪獲旗械焚燬巢穴救回教官閔圻申井典史周懋麟家眷共二十九名口教官印信一顆前往遂安恢復各據塘報前來總兵李榮甫經受事已

震先聲副將鮑虎屢戰皆捷連復二縣俱見奮勇立功金嚴兩處指日可平臣謹會同平南將軍都統臣賴塔合詞密

題伏乞

皇上睿察施行

康熙十三年八月十一日題奉

旨覽卿奏同將軍賴塔等遣發總兵官李榮率領官兵搜剿金華逆賊有功人員事平議敘已有旨了又副將鮑虎進剿嚴州逆賊連破五營恢復淳安入山搜剿焚燬賊巢救回教官等家口具見調度有方官兵奮勇可嘉

李文襄公奏疏卷二

全嚴克捷

三

在事有功人員事平之日議敘具奏兵部知道

恢復義烏并湯溪獲捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為續報金華捷功事據援勦總兵官李榮抗協副將陳世凱塘報各到臣該臣看得金華之義烏縣先為賊兵竊踞自副都統臣喇哈兵馬經過勦殺之後賊復乘間盤踞臣與平南將軍都統臣賴塔密諭總兵官李榮先由義烏東陽一帶恢勦該總兵揆知賊在義烏二十七都地方隨即進兵於八月初七日有偽總兵恢疆伯王國斌等賊眾萬餘列陣拒戰該總兵

李文襄公奏疏卷二

恢復義烏

三

分兵三路令金協副將牟大寅等首先衝鋒嘉興營守備晉大忠等出奇夾擊共斬賊一千七百有餘生擒一百一十三名得獲旗械四百餘件并偽劄關防晉大忠射死偽中軍都督成道元隨於八月初八日前往義烏近城處所逆賊偽張都督偽龔遊擊預在各山埋伏官兵衝擊斬賊二百餘人又分兵搜勦共殺賊六百餘人恢復縣城義烏縣知縣于漣率家丁隨軍征勦即令安撫民人一面撥兵分守訖其湯溪縣有賊數千逼近城邑臣等原令杭協副將陳世凱駐兵金華就近警息即令赴援該副將同江南遊擊

武榮等率兵至酷坊地方於八月初九日賊眾二千餘迎敵官兵三面奮擊斬賊五百二十三名生擒四十六名得獲馬匹旗械復於八月十一日會合湯溪

蘭谿龍游防守千把李和李華等至厚大保地方賊眾約有三千踞山迎戰副將陳世凱撥兵設伏邀其後路兩面夾擊陣斬賊八百三十四人生擒九十二名內李和擒獲偽監軍道一名徐福龍各官擒殺偽千把總共四名得獲偽劄并旗械甚多查總兵李榮連捷二次擒斬逆賊共二千六百餘名副將陳世凱遊擊武榮等連捷二次擒斬逆賊共一千四百餘名

李文襄公奏疏卷二

恢復義烏

四

各官兵俱能同心協力奮勇立功其義烏知縣于漣先經失守今偵探賊蹤隨軍恢復并聽部議臣等仰賴
皇上天威捷音屢報地方漸次收復除嚴紹等處報捷情形另疏具
題外所有金華東西兩路塘報臣謹會同平南將軍都統臣賴塔合詞具疏密
題伏乞
皇上睿鑒施行
康熙十三年八月十八日題奉

旨覽卿奏遣發總兵官李榮率領官兵進剿逆賊斬殺甚多恢復義烏又副將陳世凱率領官兵擊敗湯溪逆賊斬殺甚多活擒偽監軍道具見調度有方將士奮勇可嘉事平議敘已有旨了餘著議奏該部知道

李文襄公奏疏卷二

恢復義烏

五

嚴屬捷功疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為續報嚴屬捷功事據嚴協副將鮑虎塘報到臣該臣看得嚴州之壽昌淳安先經恢復副將鮑虎進兵遂安賊眾數千登山列陣該副將督率撫標千總劉詔奮勇殺賊四百餘人并獲偽劄及旗械等件該副將乘勝追逐又斬賊三百餘人焚其巢穴救回知縣教官家口并致官印信已復遂安賊首汪琳等又勾合開化西安賊寇共五六千人逼犯縣城該副將率

李文襄公奏疏卷二

嚴屬捷功

六

兵前進賊眾拒守山隘官兵力戰經時殺賊五六十人賊始敗潰陣殺三百餘人乘勝窮追又殺賊百餘生擒三十餘名得獲旗械甚多查副將鮑虎半月之間連戰克捷各官兵竝能奮勇立功其遂安縣知縣劉從龍先經失守今隨軍進剿復城統候部議臣謹會同平南將軍都統臣賴塔合詞密疏會

題伏乞

皇上睿鑒施行

康熙十三年八月十八日題奉

旨覽卿奏副將鮑虎率領官兵進剿逆賊擒斬甚多恢復

遂安具見調度有方官兵奮勇可嘉在事有功人員事
平之日議敘具奏餘着議奏該部知道

李文襄公奏疏卷二

殿屬捷功

七

紹屬捷功恢復縣諸縣疏

總督浙江等處地方軍務兼理糧餉兵部右侍郎兼
都察院右副都御史臣李之芳謹密

題為續報紹屬捷功事據紹協副將許捷署寧紹道事
寧波府知府丘業提標中軍參將洪起元紹興府知
府許宏勳各塘報到臣該臣看得紹興一路先經賊
兵襲破嵗縣提標參將洪起元等同紹協官兵援勦
於白米堰地方遇賊自蒿壩前來拒敵江南遊擊成
國樞領兵適至合力奮擊賊眾敗遁追至蒿壩各據
報擒斬賊數并得獲旗械等件參將洪起元進勦陶

李文襄公奏疏卷二

紹屬捷功

八

家堰地方賊眾二千餘人分作兩股拒敵官兵力戰
抄入賊陣三面衝擊賊復大敗陣殺六百餘人獲旗
械共四百餘件進勦至樊江地方水陸奮擊復斬賊
五百餘人江南遊擊成國樞等同紹興知府許宏勳
前至嵗縣殺賊五六十人賊遂棄城遁去追逐入山
已復縣城其諸縣先經副都統臣喇哈兵馬經過
殺賊甚眾自官兵過後賊復糾聚踞縣城提標守
備吳良駿定游鎮標守備傅成等於八月初二日領
兵攻進東門又於各門分兵截殺斬賊甚多恢復諸
縣以上各官兵分路恢勦俱能奮勇立功其嵗縣知

縣張逢歡署諸縣縣事經歷楊光先經失守今隨軍
協力復城合聽部議臣謹會同平南將軍都統臣賴
塔合詞密疏會

題伏乞

皇上睿鑒施行

康熙十三年八月十八日題奉

旨覽卿奏參將洪起元等率領官兵進剿逆賊斬殺甚多
恢復縣具見調度有方將士奮勇可嘉事平議敘已
有旨了餘着議奏該部知道

李文襄公奏疏卷十一

剿屬捷功

九

石梁等處捷功并恢復東陽疏
總督浙江等處地方軍務兼理糧餉兵部右侍郎兼
都察院右副都御史臣李之芳謹密

題為續報衛金兩路捷功事據臣標中軍副將王廷梅
援剿總兵官李榮塘報各到臣該臣看得衢州航埠
地方為常山大路接連江山八月十九日撲有賊眾
屯剗逼近臣等會發官兵副都統臣胡免臣標中軍
副將王廷梅統領前往至石梁地方賊眾二千餘迎
敵副都統率領滿漢官兵從中路而進副將王廷梅
率隨標効用左都督吳朝宰等守備傅鵬翔等從左

李文襄公奏疏卷十一

石梁捷功

十一

路而進副將李承恩率隨標左都督朱英等守備陳
國任等從右路而進一齊奮擊陣斬逆賊一千餘人
賊敗奔山遂圍山搜勦生擒偽官胡錦并賊六十一
名得獲旗械一百餘件復進兵至大溝源地方賊眾
三千餘人對敵滿漢綠旗官兵前後夾擊殺賊二千
餘人生擒三十名得獲馬匹旗械一百五十件援剿
總兵官李榮恢復義烏之後於八月十三日進兵東
陽逆賊千餘據截兩山之間該總兵率副將牟大寅
等直前衝擊斬首一百二十餘級生擒二十一名得
獲旗械八十餘件并涼蓬馬匹於次日抵東陽縣賊

遂棄城奔逃追殺四十餘人已復縣城金衢兩路官
兵奮勇用命所向克捷臣謹會同平南將軍都統臣
賴塔合詞密疏具

題伏乞

皇上睿鑒施行

康熙十三年八月二十二日題奉

旨覽卿奏遣發官兵進剿逆賊於石梁大溝源二處擊敗
賊眾擒斬甚多又總兵李榮進剿逆賊恢復東陽具見
調度有方將士奮勇可嘉事平議敘已有旨了兵部知
道

李文襄公奏疏卷十一

石梁捷功

十一

題明守備員缺就近遞補疏

總督浙江等處地方軍務兼理糧餉兵部右侍郎兼
都察院右副都御史臣李之芳謹

題為題明守備員缺就近遞員

請補以資防勦事竊惟逆賊四面逼犯衢郡臣與平南將
軍都統臣賴塔齊集滿漢綠旗官兵論以忠義申以
軍令各官兵無不奮勇爭先於七月初七日除畱守
城外其餘綠旗官兵出城進戰及回軍時查有衢屬
右管守備程龍已奉調遣竟聚城內不出本日滿漢
官兵三千有餘當數萬之賊惟賴將士用命以挫賊

李文襄公奏疏卷十一

遞補守備

十一

勢獨程龍臨陣退縮其心難測臣當即會同將軍臣

賴塔公訊明白責以大義欽遵

勅書將程龍軍法從事理合

題明所遺員缺今衢州見在緊要不能候部推補查衢
協右營千總夏必成歷任十一年五箇月有軍功紀
錄三次先經原任督臣劉兆麒咨部候補部覆准以
署守備管守備事註冊候考推用仍帶軍功紀錄三
次等因在案該弁熟諳地方形勢如以就近陞補前
缺實與人地相宜之例允符臣謹循例保

請統候部覆請

旨定奪除將千總夏必成先令委署守備程龍劄付另咨

繳部千總夏必成履歷揭送兵部查核外臣謹會同

撫臣田逢吉提督臣塞白理合詞具

題伏乞

勅下該部議覆施行

康熙十三年八月二十六日題奉

旨兵部議奏

李文襄公奏疏卷二

邊補守備

十三

續報東陽湯溪捷功疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為續報金屬殺賊情形事據援勦總兵官李榮臣標中營中軍守備朱知微等塘報各到臣該臣看得處州逆賊徐尙朝等聚合賊眾二萬攻圍東陽總兵官李榮以千餘之兵拒城力戰凡五晝夜副將牟大寅等投誠効用都督同知楊亨等守備晉大忠等並能竭力守禦但賊眾日增砲火雲梯圍攻愈迫杭協副將陳世凱同江南狼山遊擊武榮星馳赴援將士奮

李文襄公奏疏卷二

東陽捷功

十四

勇爭先世凱首用大砲衝破賊陣城內官兵齊出夾擊賊眾大敗計斬殺二千餘人生擒一百五十餘名得獲砲火器械甚多焚燬賊營三十六座遊擊武榮親斬偽副將一員各官斬殺偽把總等俱獲有偽牌金協都司陳夢暘等亦從義烏赴援夾擊合兵回郡其湯溪地方先據該縣接報賊寇出沒臣與平南將軍都統臣賴塔會商隨發官兵防勦逆賊偽林總兵等三千餘眾屯剡蘭峰保地方臣標守備朱知微隨征官王文魁紹協千總劉君明等領兵搜勦殺賊五百餘人生擒三十餘名得獲旗槍等械賊敗奔山復

追殺五十餘人東義官兵以寡敵眾固守解圍同心
効命并湯溪殺賊情形臣謹會同平南將軍都統臣
賴塔副都統臣喇哈胡兔合詞密

題伏乞

皇上睿鑒施行

康熙十三年九月初四日題奉

旨覽卿奏逆賊侵犯東陽總兵官李榮等力戰固守副將
陳世凱等星馳赴援內外夾擊大敗賊眾斬殺甚多焚
燬賊營三十六座擒斬偽副將等湯溪地方官兵搜勦
賊眾得獲器械具見調度有方將士奮勇可嘉在事有

李文襄公奏疏卷二

東陽捷功

十五

功人員事平之日議敘具奏兵部知道

密拏通賊廢弁疏

總督浙江等處地方軍務兼理糧餉兵部右侍郎兼
都察院右副都御史臣李之芳謹密

題為密拏通賊廢弁搜獲偽劄事據隨征福建布政司
布政使李士楨詳稱奉本部院牌開照得原任湖廣
天柱營參將今革職回籍葉日生在湯溪縣地方借
名團練招集土兵多人圖謀不軌當經本部院訪實
差官密拏以靖地方隨據湯溪縣知縣張元會等於
葉日生家搜獲偽劄看係偽驍騎將軍馬九玉所給
葉日生副將偽印劄并獲解伊子葉廷魁同夥賊犯

李文襄公奏疏卷二

密拏廢弁

十六

童萬全張金文邵開運前來據此合行發審仰司印
將葉日生收藏偽劄及同夥賊黨嚴究確議具詳以
憑會訊定奪等因奉此遵將葉日生一千賊犯提取
到司研訊各口供招認情由該本司審看得葉日生
於順治初年曾為山寇劫掠湯溪龍游之間十三年
前總督李部院

題明招安雷標効用康熙五年授湖廣靖州天柱營參
將之職康熙七年軍政以不謹回籍自當改邪歸正
以贖前愆乃乘間竊耿逆作亂馬勝舊為盟黨勾通
葉爾玉等為其線索投馬賊標下受副將偽劄所謂

鷹眼未化狼心猶存若非本部院威鎮明察預訪查
率人剽竄獲殲此渠魁苟有舉動則金衢一帶幾無
寧宇或更甚於千總馬勝之為禍今一朝敗露誠為
地方之厚幸耳日生等匪愍不畏法不待教而誅者
也若邵開運曾否首知縣官應請行查定奪葉日生
并子葉廷魁同夥張金文童萬全邵開運監候外其
未獲夥黨及各犯家屬家產合請檄行該道府縣嚴
密查拏照律審結擬合具由呈詳等因到臣該臣看
得逆賊狡謀毒潛造奸細勾結不軌之徒陰圖內應
臣查有革職湖廣天柱營參將葉日生住居湯溪縣

李文襄公奏疏卷二 密李廢弁 十七

地方原與清湖逆賊馬勝同夥投誠之人恐其通賊
為變密行體察訪聞糾集多人借名保甲團練蹤跡
可疑隨密諭該縣知縣張元會駐防紹協千總劉君
明再加確核與臣訪聞無異臣立即差官設法擒拏
并從伊家搜獲偽劄續據該縣查獲奸細張金文等
申解前來審得葉日生同葉爾玉邵開運翁師侶童
萬全商謀通賊所收受偽劄將劄付係偽驍騎將軍
馬九玉所給其張金文係馬逆所遣葉日生兩大令
其通信訊供已確查廢弁葉日生包藏禍心約會賊
兵陰圖內應臣預行防察又得該縣官弁登時飛報

廷先事發覺立即就擒得以消弭奸謀剪除近患其
本犯脫逃之家口并未獲夥黨葉爾玉翁師侶等見
在嚴拏外葉日生通賊情真并奸細張金文同謀童
萬全相應請

旨正法其邵開運據供曾稟首該縣另有一邵開運尚在
清湖見行該縣查明稟首情由再議其葉日生見在
家口合聽部議臣謹會同平南將軍都統臣賴塔合
詞密

題伏乞

皇上睿鑒

李文襄公奏疏卷二 密李廢弁 十八

勅部議覆施行

康熙十三年九月十五日題奉

旨兵部議奏

題補援勦鎮標遊擊守備疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為特

請擢用原任鎮臣以資援勦仰祈

睿鑒事准兵部咨前事等因到臣該臣看得金衢援勦總

兵官標下三營官員部議令臣

題補奉有

俞旨當此用兵之際將領必得才畧優長經歷戰陣者方

克勝任臣於隨征各官校量功能再三斟酌該標應

李文襄公奏疏卷二 題補遊守 十九

設中左右三營遊擊各一員查有福建建寧副將中

營遊擊王世望在臣軍前稱畧素嫻膽勇可任若以

補鎮標中軍遊擊管中軍事銜缺相當其原任員缺

俟恢復之時另候銓補臣標中營守備朱知微語練

軍務深得兵心擬陞補鎮標左營遊擊嘉興營守備

晉大忠才勇出眾每戰必先擬陞補鎮標右營遊擊

應設三營守備各一員查有杭協城守營千總景一

清臣標左營千總滕龍紹協千總劉君明並才技兼

優勤勞戰守景一清擬補中營守備滕龍擬補左營

守備劉君明擬補右營守備其臣標中營守備員缺

查有嘉興營千總李和勇畧有餘堪以陞補其嘉興

守備員缺查有臣標千總薛受益才能歷練堪以陞

補以上各官論其銜俸或有未及但俱係奮身血戰

屢有功績正當封疆有事必得可用之人仰祈

皇上允臣所請以鼓用命則各官愈加勉力將士共知奮

勵矣至三營各應設千總二員把總四員見在遴選

拔補咨達兵部其三營每營兵一千名內應設馬兵

一百名步戰兵四百名守兵五百名見在陸續募補

應支月餉行糧卽於見撥餉內支給

奏銷總兵官李榮應領

李文襄公奏疏卷二 題補遊守 二十

王命旗牌及中軍遊擊關防請

勅部照例查給臣謹密疏具

題伏乞

睿鑒施行

康熙十三年九月十五日題奉

旨兵部議奏

金華山口鄭店報捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為塘報捷音事康熙十三年九月十四日據杭協副將陳世凱金協副將牟大寅江南狼山遊擊武榮等各塘報到臣該臣看得逆賊偽都督陳重帶領闖賊招集土寇偽總兵朱老四等共一萬五千餘人結巢金華之鄭店劫掠山口副將陳世凱牟大寅遊擊武榮都司姚世熙守備晉大忠隨征右都督阮述楊亨等率兵同副都統臣馬哈達石調聲統領官兵於九

李文襄公奏疏卷二

金華報捷

三十一

月初十日直抵山口有賊三千餘人倚山列陣滿兵由左右兩路綠旗官兵由中路衝進殺敗賊眾連夜窮追於十一日至鄭店地方偽先鋒葉際卿協同偽總兵朱老四率賊五千餘人拒河列陣官兵渡河齊進三面夾勦陣斬多人賊敗奔竄乘勝追至後店濠澗壘固有賊七千餘人拒敵我兵三面奮擊自辰至未賊始大敗官兵連戰一晝夜三陣皆捷共斬賊五千餘人生擒一百六十名焚燬賊巢蓬廠二百餘處及糧草木馬等項得獲器械甚多除滿漢官兵勦賊情形見經將軍臣賴塔會疏具

題外查副都統臣滿宇塘報綠旗在事有功官弁姓名未經全載但干把等官雖係微員同係奮勇爭先若不臚列上

聞無以鼓用命之心臣謹會同平南將軍都統臣賴塔合詞密

題伏乞

皇上睿鑒施行

康熙十三年九月十五日題奉

旨覽卿奏副將陳世凱等率領官兵於山口村鄭店地方三次殺敗逆賊擒斬甚多得獲器械等項具見調度有

李文襄公奏疏卷二

金華報捷

三十一

方將士奮勇可嘉事平議敘已有旨了兵部知道

招撫投誠疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為招撫投誠以廣

皇仁事據衢州府知府王宏仁詳列臣該臣看得閩逆造亂一隅惟恃煽惑人心潛給偽劄遂有無知之徒乘機嘯聚轉相勾引竟以衆多前衢州一帶逆賊號召四面聚合臣等會發官兵屢次搜勦杜澤大洲等處斬獲甚衆餘黨奔竄一面多發告示宣諭

朝廷浩蕩之恩開其悔悟自新之路據衢州府知府王宏仁詳委照磨李嘉稷持牌前往招撫隨有偽參將杜日葵率兵一百六十名器械一百六十件首先投順并願招撫餘黨臣賞以袍帽給與招撫牌勅令立功續據招到偽都司杜承盛偽千總李龍共帶兵十名投誠又衢協汛防航埠等處把總馬伏秀等同該府差人招到偽遊擊鄭鼎彪帶兵九十一名投誠臣俱給賞袍帽宣布

皇恩安撫外查杜日葵繳有偽牌一紙據稱偽劄被官兵進勦失去但係率先歸順見在招撫餘黨似應授職以鼓向化之心杜承盛鄭鼎彪各繳有偽劄一張并

李文襄公奏疏卷二

招撫投誠

三

李龍統聽部議衢州府知府王宏仁照磨李嘉稷衢協把總馬伏秀署把總孟福等俱係招撫有功除偽票偽劄并投誠各兵分別入伍歸農造冊揭送兵部外臣謹會同平南將軍都統臣賴塔合詞具

題伏乞

皇上睿鑒

勅部議覆施行

康熙十三年十月十六日題奉

旨據奏知府王宏仁等招撫偽參將杜日葵等率兵投誠

可嘉着一併議敘具奏該部知道

李文襄公奏疏卷二

招撫投誠

三

請增設標兵疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為請增設臣標官兵以資進剿以備經制事承准奉命大將軍和碩康親王諭據浙江總督來啓我兵操四必勝之勢數月以來未即蕩平總因兵少之故衢金台各處皆溪山仄徑勢必兼用步兵現在嚴紹有警並須防禦惟有召募訓練一策擬於職標照提標之例添設前後二營並增中左右三營共足五千之數以資策應進剿又金衢嚴紹各副將下俱應添足

李文襄公奏疏卷二

增設標兵

二十一

二千名以守地方共應增四千八百五十四名等語但補授溫州等處總兵官兼招募兵丁之要務本親王現在議

奏該總督既以標兵缺少宜應增添該督即當奏

聞可也等因到臣該臣看得閩逆倡亂勾引叛兵土寇蔓延浙地今大兵雲集蕩平有期但各處皆係溪山險徑必須兼用步兵火器若非重兵合勢各道並進則屯守日久多費糧餉臣自到衢以來率勵將士雖所至搜勦屢見克捷終因兵少戰守不能兼應原調集之兵弁新設援剿鎮兵共有數千初則分發金華近

則分發嚴州此三府地方衢州富衝扼要為全浙門戶金華堵禦溫處兩路嚴州接連徽饒二郡並屬咽喉之地各處賊兵皆報稱數萬毒處官兵不及三千派防屬縣駐守府城聞警策應常苦不敷臣前同平南將軍臣賴塔會疏

題請蒙

皇上洞鑒綠旗兵少於江南調發五千來浙因台紹賊警盡數調往其金衢與嚴究未有兵增益查浙省經制原額尚缺萬數臣具啓康親王蒙諭設鎮募兵現在議

李文襄公奏疏卷二

增設標兵

二十六

奏其臣標應添之兵令臣自行奏

聞臣標現設三營共兵二千八百五十名請增兵一百五十名以足每營一千之數再照提標之例增設前後二營各兵一千名臣標共有五千兵目前便於策應進剿俟恢復地方即可分撥駐守事平之日乃調作溫處各營原額是增兵不踰經制之外而援剿機宜克濟矣臣見在分行召募如蒙俞允其應設官員各臣另疏

題補臣謹密

題伏乞

皇上睿鑒施行

康熙十三年十月二十四日題奉
旨戶兵二部會同速議具奏

李文襄公奏疏卷二

增設標兵

二十七

金華十二里莊大捷疏

總督浙江等處地方軍務兼理糧餉兵部右侍郎兼
都察院右副都御史臣李之芳謹密

題為塘報大獲捷功事康熙十三年十一月十四日據
援勦總兵官李榮總兵官陳世凱狼山營遊擊武榮
各塘報到臣該臣看得聞逆勾連各路土寇漸逼金
華謀截餉道臣不時申飭該鎮將竭力堵禦隨方策
應屢據塘報擒殺賊衆多獲捷功在案茲據報偽都
督徐尚朝等帶領圍賊及溫處叛兵并招集土寇馬
步賊兵五萬餘衆逼近郡城屯剗意圖攻犯當經副

李文襄公奏疏卷二

十二里莊

二十八

都統馬哈達石調聲及三等台吉察渾固山額真擺
呀兒等同援勦總兵官李榮杭協副將今陞總兵官
陳世凱委署遊擊晉大忠王世望武榮等各帶滿漢
綠旗官兵於十一月初十日至十二里莊賊衆列陣
對敵滿兵分左右兩翼綠旗兵丁居中衝殺復又另
分三路官兵奮力追勦趕殺十餘里計陣斬賊二萬
有餘陣斬偽遊守千把吳榮先等三十餘員生擒一
百六十四名得獲器械等項塘報前來滿漢綠旗官
兵同心奮勇大創賊氛斬獲甚衆總兵官李榮陳世
凱身先士卒克奏膚功遊擊武榮王世望晉大忠都

司陳夢賜勇敢衝鋒所到獲捷在事人員並能効命
立功臣謹密疏具

題伏乞

皇上睿鑒施行

康熙十三年十一月十五日題奉

旨覽卿奏逆賊侵犯金華副都統馬哈達石調降三等台
吉察渾都統巴牙爾總兵官李榮等率領官兵擊敗賊
衆殺賊二萬有餘陣斬偽參將遊擊等三十餘員得獲
旗幟器械等項甚多具見調度有方將士奮勇可嘉在
事有功人員事平議敘已有旨了該部知道

李文襄公奏疏卷二

十二里莊

三九

衢州溝溪前幕山大捷疏

總督浙江等處地方軍務兼理糧餉兵部右侍郎兼
都察院右副都御史臣李之芳謹密

題爲飛報官兵大捷事康熙十三年十一月二十一日
據標下中軍副將今陞總兵官王廷梅塘報到臣該
臣看得聞逆自十月終旬四面會合逼犯衢城自清
湖江山一路之賊屯劄西南一帶自常山一路之賊
屯劄正西一帶沿河靠山連營三十餘里賊衆共有
數萬自處州一路之賊屯劄東南一帶出沒窺伺滿
漢綠旗官兵分佈要口嚴設堵禦今於十一月十九

李文襄公奏疏卷二

溝溪大捷

三十

日臣同平南將軍都統臣賴塔投知賊兵已至溝溪
地方會議發兵從四路進剿隨密諭標下中軍副將
今陞總兵官王廷梅同參將范應元并都督僉事蔣
懋勛等帶領官兵於本夜四更同滿洲官兵前赴溝
溪前幕山等處逆賊連營數座列械迎敵鏖黃旗夸
藍大禪布鏤紅旗夸藍大牛鈕鏤藍旗夸藍大科爾
親正紅旗暫管噶布什參領拜獨等領兵在左總兵
官王廷梅參將范應元都督僉事蔣懋勛遊擊朱知
微守備高祿等領兵在右分路一齊奮勇衝擊連勝
四陣追殺二十餘里共斬賊一萬有餘生擒五十三

名得獲紅衣大砲器械等項并偽關防劄付具報前來此皆仰賴

皇上洪福在事滿漢綠旗官兵奮勇用命大創賊氛今西路之賊已經潰敗臣等再行相機進剿外查綠旗官兵內總兵官王廷梅參將范應元并伊子范永祚隨征都督僉事蔣懋勛身先士卒功績尤著竊惟官兵晝夜操甲防守月餘同心協力忘其勞苦咸思立功報効

朝廷得以乘間出奇奏此大捷在事人員忠勇昭著相應題報臣謹會同平南將軍都統臣賴塔合詞密疏具

李文襄公奏疏卷十一 滿漢大捷 三十一

題伏乞

皇上睿鑒施行

康熙十三年十一月二十四日題奉

旨據奏逆賊逼犯衛城鄉同平南將軍賴塔發遣滿漢官兵擊敗賊衆擒斬一萬有餘得獲偽印劄盃甲器械等項甚多具見調度有方將士奮勇可嘉在事有功人員事平之日議敘具奏兵部知道

金華龍游報捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為塘報官兵獲捷事康熙十三年十一月二十一日據援剿總兵官李榮等各塘報到臣該臣看得金華賊寇連營逼犯先經滿漢綠旗官兵合力撲剿大創賊氛業經

題報臣一面飭行該鎮將并金衢各縣汛防官弁乘此賊兵大敗之後再行相機剿殺去後今又據報耿逆標下偽總兵張元兆等帶福建賊兵并土寇共二萬

李文襄公奏疏卷十一 金龍報捷 三十一

餘衆在下畝壽溪地方創立營盤一十八座總兵官李榮陳世凱等同固山額真擺呀兒副都統臣馬哈達等及道府各官會商除留官兵防守郡城外固山額真擺呀兒副都統馬哈達總兵官李榮等各帶滿漢綠旗官兵於十一月十七日前往壽溪地方逆賊連營分隊迎敵我兵分爲一十八路奮勇前進逆賊負險拒戰官兵步行登山一齊攻殺賊遂奔潰追逐十餘里殺賊三千有餘內偽總兵張元兆并千把總等二十餘員生擒二十八名得獲偽關防劄付器械等項焚燬賊營一十八座又有賊寇一千五百餘在

龍游縣二十五都地方從金村源出臣標守備李和
管同署龍游縣事嘉善縣縣丞盧燦江南提標把總
翟顯等於十一月十五日帶領官兵埋伏要口出奇
截殺賊眾敗潰追殺偽遊擊偽都司各一員偽隨征
官并賊眾共五百七十餘員名生擒二十一員得獲
器械甚多各具報前來滿漢綠旗官兵同心奮勇所
向克捷臣謹密疏具

題伏乞

皇上睿鑒施行

康熙十三年十一月二十四日題奉

李文襄公奏疏卷上

金龍報捷

三

有覽卿奏逆賊耿精忠下偽總兵張元兆等領賊兵二萬
餘在金華府壽溪地方創立營盤十八座副都統馬哈
達都統拜牙兒總兵官李榮等統領官兵擊敗賊眾擒
殺甚多陣斬偽總兵張元兆等二十餘員其賊十八營
盤盡行燒燬得獲偽印劄器械等項具見調度有方將
士奮勇可嘉在事有功人員事平議敘已有旨了其守
備李和等在龍游縣地方殺敗賊眾擒斬甚多陣斬偽
遊擊都司等得獲器械等項可嘉在事有功人員事平
之日議敘具奏兵部知道

金華竹園村李宅馬澗報捷疏
總督浙江等處地方軍務兼理糧餉兵部右侍郎兼
都察院右副都御史臣李之芳謹密

題為塘報官兵獲捷事康熙十三年十一月二十五日
據援剿總兵官李榮金協都司陳夢賜塘報到臣該
臣看得金華賊寇連營逼犯先於十二里莊并壽溪
地方等處撲剿情形業經

題報臣一面飭行該鎮將并各縣汛防官弁再行偵撲
勦殺去後今又據報偽總兵申士上等賊兵三千有
餘屯劄金華二十五都竹園村地方總兵官李榮陳

李文襄公奏疏卷二

竹園村捷

三

世凱等同固山額真擺牙兒副都統馬哈達等會商
除留官兵防守郡城外三等台吉察渾副都統石調
聲遊擊王世望武榮等各帶滿漢綠旗官兵於本年
十一月二十一日至竹園村地方賊眾三千餘排列
砲火前來迎敵官兵分路衝殺賊遂敗潰追逐五里
斬賊一千有餘生擒偽守備一名賊眾二十二名得
獲器械等項甚多又有偽張逆擊等糾集各山賊寇
屯聚蘭谿六都季宅等處地方金協都司陳夢賜會
同隨征都督阮述都督僉事陳義忠蘭谿縣知縣楊
天機千把總喬承明李華等帶領官兵於十一月十

九日前至季宅遇賊三千有餘官兵奮勇衝殺生擒
偽遊擊千總各一名殺賊二百有餘本日夜又據報
賊眾萬餘在馬淵四山之上當分官兵一路攻取西
山殺死偽守備千把總三名斬賊三百有餘焚燬窩
棚五百有餘一路攻取北山殺死偽守備標官二名
斬賊二百有餘燒燬草廠草棚二百五十餘南山賊
寇見西北兩山敗潰盡奔松山我兵合齊攻擊把總
李華射死偽遊擊一名官兵斬賊八百有餘生擒四
十七名焚燬窩棚木寨一千有餘三日之內山上山
下力戰十餘次殺賊共二千有餘奪獲器械甚多除

李文襄公奏疏卷二

竹園村捷

三

堪用給兵外其餘一并焚燬等情各具報前來兩處
官兵同心奮勇仰仗

皇上天威屢戰克捷所有在事有功人員相應

題報臣謹密疏具

題伏乞

皇上睿鑒施行

康熙十三年十一月二十八日題奉

旨據奏逆賊侵犯金華三等台吉察渾副都統石調聲等
率領官兵於竹園村地方擊敗賊眾擒斬甚多又都司
陳夢陽於季宅馬淵地方擊敗賊眾擒斬甚多具見調

度有方官兵奮勇可嘉在事有功人員事平之日議敘
具奏兵部知道

李文襄公奏疏卷二

竹園村捷

三

蘭谿東葉山嚴州威平鎮捷功疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為彙報官兵獲捷事據援勦鎮總兵官李榮總兵官鮑虎塘報各到臣該臣看得賊寇分犯金嚴先於蘭谿松山等處官兵勦殺獲捷情形業經

題報臣一面飭行金嚴鎮將并各縣汛防官弁再行多方勦禦去後今又報蘭谿松山前敗餘賊復糾聚金浦東義四處來犯蘭谿援勦總兵官李榮據金協都司陳夢陽塘報隨經會商副都統臣馬哈達石調聲

李文襄公奏疏卷二

蘭嚴捷功

三七

等酌遣狼山營遊擊武榮前來策應該都司陳夢陽會同臣標隨征都督阮述都督僉事陳義忠蘭谿縣知縣楊天機等帶領官兵於十一月三十日前往東葉山地方遇賊萬餘官兵分路攻擊殺賊二百七十餘人活擒偽副將一名賊衆一十一名陣斬偽總兵一名賊衆又歸至第二座營盤正在攻打間適狼山營遊擊武榮帶領千總張居實等馳至并力攻打殺賊三百八十有餘賊衆復敗奔第三座營盤官兵四面圍困奮勇齊登殺賊五百有餘將三座賊營并山上山下窩棚盡行焚燬陣獲器械甚多又有嚴屬賊

李文襄公奏疏卷二

蘭嚴捷功

三七

命屢戰克捷嚴州賊首就擒招降餘黨可以剋日綏靖所有在事有功人員相應

題報臣謹密疏具

題伏乞

皇上睿鑒施行

康熙十三年十二月初十日題奉

旨覽卿奏逆賊侵犯蘭谿總兵官李榮遣發都司陳夢陽遊擊武榮等率領官兵於東葉山地方擊敗賊衆擒斬甚多陣斬偽總兵生擒偽副將等得獲器械等項具見調度有方將士奮勇可嘉在事有功人員事平之日議

敘具奏又總兵鮑虎於威平鎮地方擊敗賊衆親擒偽
總統汪匪石招撫餘黨事平議敘已有旨丁兵部知道

李文襄公奏疏卷一
前嚴建功
表九

李文襄公奏疏 卷一

金華積道山大捷疏

總督浙江等處地方軍務兼理糧餉兵部右侍郎兼
都察院右副都御史臣李之芳謹密
題爲飛報官兵大捷事據援勦鎮總兵官李榮總兵官
陳世凱塘報到臣該臣看得金華賊寇連營逼犯先
經遣發官兵屢次獲捷情形業經
題報臣一面勉勵該鎮將再行偵接勦殺去後今又報
爲都督徐尚朝爲總兵馮公輔陳耀陳元等調集溫
處勁賊三萬土寇二萬餘屯劄金華積道山上下總
兵官李榮等同固山額真擺牙兒副都統馬哈達等

李文襄公奏疏卷一
積道山大捷
四十一

會商除雷官兵防守郡城外固山額真擺牙兒副都
統馬哈達等總兵官陳世凱遊擊王世望武榮等帶
領滿漢綠旗官兵於十二月初七日前至積道山下
乘霧直抵賊營賊衆排列火炮對敵官兵分路奮勇
正白旗擺牙喇參領阿論同總兵官陳世凱首先砍
斷木城寨柵率衆衝進賊寇大敗砍殺一萬五千有
餘殺死賊官一百餘員生擒賊九十三名其偽總兵
陳元等賊兵萬餘在積道山上仍排砲火迎敵官兵
乘勝殺上賊不能支棄寨敗遁又殺逆賊五千有餘
將山上下木城等項盡行焚燬又有偽遊擊以下賊

二五一

官二十四員賊兵六百九十二名被我兵圍住隨即招撫投降俱皆分別安插陣獲器械等項甚多等情具報前來滿漢綠旗官兵同心用命仰賴

朝廷洪福大創賊氛焚其巢穴招撫歸降功績昭著金華一路逆賊徐尚朝實為渠首今剿殺賊眾幾盡可以剋期殄滅所有在事有功人員相應

題報臣謹密疏具

題伏乞

皇上睿鑒施行

康熙十三年十二月十四日題奉

李文襄公奏疏卷二

精進大捷

四十一

旨覽卿奏逆賊侵犯金華都統擺牙兒副都統馬哈達總兵官陳世凱等率領官兵於積道山二次擊敗賊眾攻破木城斬殺逆賊二萬有餘招撫偽官兵七百餘名得獲器械等項甚多具見調度有方將士奮勇可嘉事平議敘已有旨了兵部知道

嚴屬捷功恢復分水縣疏
總督浙江等處地方軍務兼理糧餉兵部右侍郎兼都察院右副都御史臣李之芳謹密

題為彙報嚴屬官兵殺賊獲捷事據總兵官鮑虎分巡杭嚴道副使萬永祚塘報各到臣該臣看得逆賊分路侵犯嚴屬圖絕金衢餉道臣屢勉勵鎮將多方防勦去後今據報有逆賊二三萬屯劄遂安毛村地方先有三千餘賊出劄花石嶺一帶總兵官鮑虎率領都司閻進親男鮑輔仁等千總杜承蔭劉詔等於十二月初十日前至花石嶺地方分路出奇截擊自己

李文襄公奏疏卷二

恢復分水

四十二

至未與賊鏖戰不退該鎮身先士卒抄賊後路各官兵奮勇齊上前後夾擊賊敗潰奔逃共斬賊一千六百七十餘名生擒偽副總都司各一名偽守備千總共五名生擒賊眾共九十三名得獲器械等項甚多又有賊寇流犯分水該縣官兵眾寡不敵於十二月初四日退劄白沙嶺以待援兵杭嚴道副使萬永祚發兵赴援先經把總傅雲王鼎鉉等於十二月初六日分路攻打擒斬賊首范一相等五名斬賊數十名得獲器械官兵從東北二門殺進賊即退遁恢復縣城都司趙得壽等領兵繼進追至九管溪地方陣斬

賊一十七名生擒二名又於該縣百港口及儒橋地方兩處勦殺共陣斬偽遊擊一名偽把總四名生擒偽千總三名計殺賊衆三百餘名生擒共四十六名得獲器械偽劄等情各具報前來臣查嚴屬賊寇連營逼犯官兵奮勇用命仰藉

朝廷洪福分路克捷所有在事有功人員相應

題報臣謹密疏具

題伏乞

皇上睿鑒施行

康熙十三年十二月二十四日題奉

李文襄公奏疏卷二

恢復分水

四三

旨覽卿奏逆賊分犯嚴屬地方總兵官鮑虎等率領官兵於花石嶺擊敗賊衆擒斬甚多生擒偽副將都司等又分水縣把總傅雲都司趙得壽等殺敗賊衆陣斬偽遊擊等得獲器械偽劄等項恢復縣城具見調度有方將士奮勇可嘉在事有功人員事平之日俱着議敘具奏兵部知道

請動餉銀購買戰馬疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲官兵急需戰馬請動餉銀購買以資進剿事據浙江布政司布政使陳秉直呈詳到臣該臣看得進剿逆賊所藉以衝鋒克敵者惟馬爲先全衛援剿鎮設馬三百匹除於各營調撥二十八匹另聽該營購補外尙缺馬二百七十二匹各標鎮協營新增馬匹除見在給銀購買外尙有提定二標並衛嚴台協以及象山寧波嘉興各營共未買新馬九百四十四匹

李文襄公奏疏卷二

購買戰馬

四四

有失陷陣亡倒斃馬匹俱需補額據布政司詳議請動見餉購買前來臣查尙有補設溫州平陽黃巖三鎮見在召募兵丁以資進剿定額馬一步九共需馬八百九十四匹臣標新設前後二營定額馬二步八共需馬四百匹并應速爲購買但向例各營買馬原俱動支朋扣銀兩今援勦鎮官兵新設未有朋銀扣貯其溫州等鎮未失陷以前雖有扣貯之數見今統算通省十二三年朋銀除先經動支及見發各營購補外餘銀無幾共計臣標四鎮並提定二標各協營新增未買之馬尙應二千五百餘匹無銀可動當此

征勦方殷戰馬刻難遲緩必須急為購補庶可速奏
膚功伏乞

皇上睿鑒准於不拘何項餉銀動支購買庶於進勦有裨
臣謹會同總理糧餉侍郎臣達都署巡撫事布政司
布政使臣陳秉直合詞密疏具
題伏乞

勅下該部議覆施行

康熙十三年十二月二十九日題奉

旨該部議奏

李文襄公奏疏卷二

購買戰馬

四

李文襄公奏疏卷二終

李文襄公奏疏目錄

題稿卷之三

音解



恭報招撫情形

龍游蘭谿壽昌報捷

請開復出征將弁住俸

湖協改設守兵

衛屬黃壇口捷功

題補督標前後二營參將守備

題補黃溫平三鎮遊擊守備

請錄用投誠隨征各官

李文襄公奏疏卷三

目錄

請賑難民

李文襄公奏疏卷三

男 鍾麟編次

招撫情形疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為恭報招撫情形仰祈

睿鑒事據援勦金衢總兵官李榮黃巖總兵官鮑虎溫州總兵官陳世凱參將范應元等報稱本職奉令勦撫廣為開諭今於康熙十三年九月至十一十二等月陸續招到偽投誠官一百七十餘員兵丁八千餘名

李文襄公奏疏卷三

招撫情形

一

又據衢金嚴紹道府廳縣梁萬禩王宏仁等報稱於康熙十三年十月至十一十二等月陸續招到投誠官七十餘員兵丁四千餘名難民三千餘名各備造花名并劄械細冊申報等因到臣該臣看得耿逆造亂以來惟恃狡謀煽惑佈散偽劄潛相招引以致廢革武弁遊手奸民交通從逆展轉勾結嘯聚日多所以四路防勦在在分兵使圍賊得延喙息臣仰體皇上靖亂安民寬宥脅從德意出師以來督飭文武將吏勦撫兼施遐發告示宣揚

上諭開以自新今官兵所至屢戰克捷賊徒喪膽漸次歸

降自康熙十三年八月以後至今衢金嚴紹等處報到投誠人約計一萬二千餘名招回難民三千餘名烏合之眾漸經解散賊勢日衰自可乘時恢勦各鎮將道府縣以及隨征人員宣布德威招徠撫戢並著勤勞但今安插事宜正在料理其招撫有功人員并投誠各偽官兵丁花名文冊分別入伍歸農及繳到偽劄俟安插定日容臣逐一查明造冊另疏具

題伏念地方變叛上厯

宸衷仰賴

天威遐震

李文襄公奏疏卷三

招撫情形

二

仁澤覃敷使附從之黨悔悟歸誠賊勢既孤人心愈奮所有招撫情形臣謹密疏

題報伏乞

皇上睿鑒施行

康熙十四年正月初六日題奉

旨覽卿奏督飭文武將吏各處招撫到投誠人員一萬二千有餘招回難民三千餘名具見悉心籌畫可嘉有功人員事平之日議敘具奏兵部知道

龍游蘭谿壽昌報捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為塘報捷功事據金協都司僉事陳夢陽臣標守備李和蘭谿縣知縣楊天機等各塘報到臣該臣看得逆賊屯踞龍游蘭谿壽昌交界淡山之內出沒河干阻截糧草臣飭行三縣汛防將弁會合夾剿去後今據報調防龍游臣標守備李和同江南提標把總翟顯等調防蘭谿金協都司陳夢陽臣標隨征都督阮述都督僉事陳義忠等駐防壽昌嚴協千總吳得榮

李文襄公奏疏卷三

龍蘭報捷

三

調入援勦鎮標把總路宗良等各帶官兵會集夾剿於康熙十三年十二月十七日白馬地方殺賊五十餘名賊俱遁入黃塘源內十八日進至源口官兵分路衝擊共計殺賊七百有餘擒斬偽都司守備并賊眾共三十九名得獲偽關防牌劄等項十九日追至金村源地方官兵分路攻打守備李和奮勇衝上官兵齊進賊即敗逃追至山門源一路殺賊四百有餘擒斬一十三名焚燬寨柵得獲器械等項又有偽總兵葉十三賊眾屯營下盛村地方蘭谿縣知縣楊天機金協千總裔承明等於康熙十三年十二

月二十日前往追勦擒斬偽總兵葉十三一名殺賊百餘名擒斬十名又有賊寇在大堰頭仙洞源守備李和陳國任等隨征都督僉事陳義忠把總李華等千總吳得榮張元勛等復會齊官兵於十二月二十七日進至大堰頭賊聞風遠遁又獲賊有一千五百餘人遁伏仙洞源淡山官兵分路前進用砲擊死賊眾一百餘人賊棄寨奔逃官兵奮勇衝上追殺七百有餘擒斬二十六名射死偽千總一名各官兵陣獲器械等項具報前來各路官兵奮勇用命屢戰屢捷從此龍游蘭谿餉道漸以寧靜所有在事有功人員

李文襄公奏疏卷三

龍蘭報捷

四

臣謹密疏具

題伏乞

皇上睿鑒施行

康熙十四年正月十三日題奉

旨覽卿奏遣發官兵進勦逆賊於白馬等處地方擒斬甚多焚燬窩柵寨柵得獲偽關防牌劄器械等項擒斬偽總兵具見調度有方將士奮勇可嘉在事有功人員事平之日議敘具奏兵部知道

請開復出征將弁住俸疏

總督浙江等處地方軍務兼理糧餉兵部右侍郎兼都察院右副都御史臣李之芳謹

題為營弁隨征勞苦住俸枵腹難支謹

請破格開復以鼓用命事據總兵官陳世凱詳稱據城守

都司僉書張汝第呈據把總徐天平呈康熙十二年

八月二十七日仁和縣義同二哥陳星家失盜一案

把總徐啓呈康熙十一年十一月二十五日於潛縣

衙被盜一案又據江南提標遊擊崔天福詳稱據把

總翟顯呈康熙十二年六月內邾彥助家失盜一案

李文襄公奏疏卷三

開復住俸

五

各詳請開俸支給等情到臣該臣看得地方城內城

外被盜失事專汛兼轄武職各官俱有分別住俸罰

俸降級之例但處於平定地方身在汛守定例處分

所以責其督緝逸盜今用兵之際或本汛防勦或調

遣從征業已披堅執銳力戰疆場豈能復分身以緝

失事之盜而征勦之日仍是住俸之日若干總等弁

俸銀原屬無多停支既久餬口不給情屬堪憫今據

總兵官陳世凱詳稱杭協營把總徐天平先為仁和

縣地方陳星家失盜又把總徐啓先為於潛縣衙署

失盜俱原經住俸在案今二弁見在隨征金衢地方

屢立戰功詳請開復又江南提標遊擊崔天福詳稱

把總翟顯先為邾彥助家被盜住俸今該弁調浙授

勦詳請開復前來臣竊議以為

朝廷設立將弁本為有事之防如能展績封疆則盡職莫

大於此今終年衝鋒冒刃而不得沾其常祿似宜酌

議變通盜案之功罪雖已立法於平時冀可邀

恩於今日仰祈

皇上睿鑒

勅下部議凡各營將弁除在平定地方無調遣征勦者仍

照定例外其現在用兵之地如經立有軍功或因盜

李文襄公奏疏卷三

開復住俸

六

案住罰者破格開復以示

特恩倘蒙

俞允不獨有盜案之官愈加感激用命即無盜案之官咸

知

朝廷愛養將士之心無不效思奮勉矣臣謹具

題伏乞

勅下該部議覆施行

康熙十四年正月十七日題奉

旨該部議奏

湖協改設守兵疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為湖協額兵移調水鄉防禦宜周謹據詳改設守兵船隻以資巡緝事據浙江布政司布政使陳秉直呈詳到臣該臣看得湖協營原額設兵一千二百八十八名於財賦盡糜於兵餉等事案內陸續裁汰兵一百三十一名臣前

題請增兵增馬之時因該營有兵一千一百四十九名亦敷防守是以止議增馬六十五匹及聞逆告變隨

李文襄公奏疏卷三

改設守兵

七

調該營兵六百名赴衢不意去夏湖濱盜賊竊發調衢之兵未能撤回本地汛守軍寡據副將羅映培詳議暫緩購馬即以所需每月加餉乾銀募補守兵九十七名又該營原設快唬船三十隻後經撥入太湖營一十六隻止存船一十四隻并據該副將詳稱湖郡一州六縣俱屬水鄉河港交錯巡緝不敷請即以買馬價值照原額添造船隻等因前來臣因湖屬正在會勘需兵甚亟隨即行令該副將增募起支其添造船隻復行布政司查議去後今據該司覆稱湖郡素稱澤國盜賊易於竊發近因鄰封告警巡緝愈宜

周密該營見在船兵實為不敷如以題增馬匹之餉乾改募守兵以買馬價值抵作造船料價事屬妥便且於錢糧亦多節省估計每船一隻核實工料銀四十三兩三錢四分零計添造船一十六隻共該工料銀六百九十三兩五錢零造冊呈送經臣覆核無異前

題准該營增馬六十五匹相應停止如改設守兵九十七名添造船一十六隻即以馬價并加餉乾銀抵補不煩另議錢糧而巡防得有實濟矣除將船隻工料清冊送兵工二部查核外臣謹會同提督臣塞白理

李文襄公奏疏卷三

改設守兵

八

合詞密疏具

題伏乞

勅下該部議覆施行

康熙十四年正月十七日題奉

旨該部核議具奏

衛屬黃壇口捷功疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為塘報官兵獲捷事據平陽鎮總兵官王廷梅臣標中軍副將范應元等各塘報到臣該臣看得逆賊屯踞衢州近郊臣督飭鎮將嚴加堵禦今據報有偽總兵葉念帶領賊兵五千在南山一帶割營為賊運糧臣與平南將軍都統臣賴塔密令總兵官王廷梅副將范應元等隨同正黃旗夸藍大巴哈正白旗夸藍大山泰鑲白旗夸藍大噶爾哈兔鑲藍旗夸藍大翁

李文襄公奏疏卷三 黃壇口捷 九

俄岱等各帶領滿漢綠旗官兵於康熙十四年二月初八日前往黃壇口地方分路衝殺連勝三陣共斬逆賊二千有餘陣斬偽都司千總二名擒斬五十二名餘賊奔潰焚燬賊巢得獲器械偽劄等項具報前來滿漢綠旗官兵用命克捷在事有功人員相應題報臣謹會同平南將軍都統臣賴塔副都統臣喇哈胡圖合詞密疏具

題伏乞

皇上睿鑒施行

康熙十四年二月十一日題奉

旨覽卿奏會同平南將軍賴塔遣發官兵於黃壇口地方擊敗賊衆擒斬甚多陣斬偽都司等得獲偽劄器械等項具見調度有方官兵奮勇可嘉在事有功人員事平之日議敘具奏兵部知道

李文襄公奏疏卷三 黃壇口捷 十

題補督標前後二營參將守備疏

總督浙江等處地方軍務兼理糧餉兵部右侍郎兼

都察院右副都御史臣李之芳謹密

題為

請增設臣標官兵以資進剿以備經制事該臣看得臣標

添設前後二營應設官員部議令臣

題補奉有

俞旨當此用兵之時將領必得才畧優長經歷戰陣者方

克勝任臣於將弁各員中校量功能廣為遴選前後

二標應設參將各一員查有江南狼山鎮標左營遊

李文襄公奏疏卷三

題補標營

十一

擊武榮援勦金華身先士卒所向克捷戰功甚多擬

陞補臣標前營參將嚴協署遊擊管都司事趙得壽

諳練軍務立有戰功擬陞補臣標後營參將應設前

後二營守備各一員查有臣標右營千總郭之賓江

南提標右營千總王昶並才技優長戰功克著郭之

賓擬補前營守備王昶擬補後營守備以上各官年

俸或有未及但俱係立有功績才能堪任仰祈

皇上俯念用人之際

允臣所請以鼓用命則各官愈加奮勉將士共知感勵矣

其前後二營應設千總各二員把總各四員見在遴

選拔補其前後二營添設兵丁見在陸續募補應支

月餉行糧即於見撥餉內支給

奏銷臣謹密疏具

題伏乞

睿鑒施行

康熙十四年二月十五日題奉

旨兵部知道

李文襄公奏疏卷三

題補標營

十二

題補黃溫平三鎮遊擊守備疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為補授總兵事康熙十三年十一月初七日准兵部密咨到臣該臣看得溫州黃巖平陽三鎮標下三營官員部議令臣

題補奉有

俞旨當此巖疆用兵之時亟藉才能既在本省遴補其征勦立功官員應與年久俸深者一體拔擢以勸勤勞而資任使溫州鎮標應設中左右三營遊擊各一員

李文襄公奏疏卷三

題補營將

十三

查有陞補福建福州城守中營遊擊劉應鳳原係浙省陞員因無任可到見在守候若以改補銜缺相當江南提標前管接浙守備馬鳴厚定海鎮標中營守備傅成俱各軍務請練立有戰功劉應鳳擬補溫州鎮標中軍遊擊管中軍事馬鳴厚擬補溫州鎮標左營遊擊傅成擬補溫州鎮標右營遊擊溫州鎮標應設三營守備各一員查有錢塘水師營千總王珊俸久勞深江南狼山鎮標左營千總張居寶撫標左營千總劉詔才勇出眾均戰獲捷王珊擬補溫州鎮標中營守備張居寶擬補溫州鎮標左營守備劉詔擬

補溫州鎮標右營守備黃巖鎮標應設中左右三營

遊擊各一員查有嚴協左營都司閻進江南京口前營授浙守備周鳳巖協右營守備黃成富戰守咸宜軍功並懋閻進擬補黃巖鎮標中營遊擊管中軍事周鳳擬補黃巖鎮標左營遊擊黃成富擬補黃巖鎮標右營遊擊黃巖鎮標應設三營守備各一員查有嚴協右營千總楊春茂嚴協左營千總周文撫標右營千總杜承蔭屢次征勦並有功勳楊春茂擬補黃巖鎮標中營守備周文擬補黃巖鎮標左營守備杜承蔭擬補黃巖鎮標右營守備平陽鎮標應設中左

李文襄公奏疏卷三

題補營將

十四

右三營遊擊各一員查有撫標左營守備高祿撫標右營守備陳國任勇戰當先勇畧昭著與紹協左營守備傅鵬翔皆援勦金衢等處屢立戰功高祿擬補平陽鎮標中營遊擊管中軍事陳國任擬補平陽鎮標左營遊擊傅鵬翔擬補平陽鎮標右營遊擊平陽鎮標應設三營守備各一員查有湖協左營千總李世龍湖協右營千總朱有才歷著軍功嘉興右營千總李鼎俸深才練李世龍擬補平陽鎮標中營守備朱有才擬補平陽鎮標左營守備李鼎擬補平陽鎮標右營守備以上各官內有銜俸未及者俱係久在

疆場奮勇立功才技優長膽畧可任仰祈

皇上允臣所請以鼓用命至於擬補守備各千總履歷因各身在行間見在查取另咨送部外臣謹密疏具

題伏乞

睿鑒施行

康熙十四年二月十五日題奉

旨兵部知道

李文襄公奏疏卷二

題補營將

十五

請錄川投誠隨征各官疏

總督浙江等處地方軍務兼理糧餉兵部右侍郎兼都察院右副都御史臣李之芳謹

題為投誠効川官員隨征立功

請議錄用以昭鼓勵事竊惟投誠各官分發標營効用者

原有俟立功績具題補用之例查今順治七年至康

熙六年陸續在浙投誠并外省移駐共授劄官一百

四十七員蒙

恩給俸已歷多年今自用兵以來其中儘有才力強壯感

激圖報隨征防勦著立勞績者似應與見任各官一

李文襄公奏疏卷三

錄用隨征

十六

體遇缺

題補以鼓用命但浙省係沿海地方投誠例不補用而

各官展効疆場必早得實授庶足以示鼓舞仰祈

皇上睿鑒

勅部酌議凡投誠官員功能昭著者應否不拘常格遇有

本省員缺量才

題補或以不便逾例准將立有軍功之員具題到部候

於別省員缺推用臣謹具

題伏乞

勅下該部議覆施行

康熙十四年二月十五日題奉
旨兵部議奏

李文襄公奏疏卷三

錄川隨征

十七

請賑難民疏

總督浙江等處地方軍務兼理糧餉兵部右侍郎兼
都察院右副都御史臣李之芳謹

題為

請賑被難饑民以廣

皇仁以安地方事據衢州府知府王宏仁詳稱竊照民為
邦本處兵荒之地設不綏輯本處人民使之散四方
填溝壑卽寇滅地寧必至有土無人故為今日計不
惟勦賊為亟更宜安民為先衢州自康熙十三年四
月以後屬縣四處屯賊男婦朝夕避遷不遑寧處及

李文襄公奏疏卷三

請賑難民

十八

至江常開三縣被陷近彼界者不得不退入西安自
十月以來目擊扶老挈幼被露河干哀鴻慘狀真堪
腸斷因與西安縣知縣李呈禎公同相視府城朝京
門外龔家埠一帶地曠土平且附近城郭隨各捐給
簞木搭蓋棚廠招集避亂男婦暫為安插復出示招
徠數日之間聚至數千奈衢地水旱頻仍禾麥不及
半收更遭賊寇焚劫一空逃難之民實無半粟且夕
莫支奉本部院檄示諄諄諭令賑濟首蒙捐銀三百
兩卑府亦兩次捐穀三百石一面行令西安縣增搭
棚廠按名安插分賑一面查明戶口開造清冊隨據

該縣送冊前來界府印為通詳奉批在案然此止據以前見在者而言至歲暮難民愈多前報之冊共一千六百六十一戶計入千六百三十一丁口後報之冊共二百五十一戶計一千八十五丁口前後共計一千九百一十二戶九千七百一十六丁口惟是交春之後民食益艱流民益眾捐賑有心接濟無力不得不詳請本部院先為設法勸輸再為具

題請賑等因隨行隨征福建布政司并浙江布政司酌議去後據布政使李士楨詳覆到臣該臣看得金衢台嚴紹等處賊寇屢經征剿附從烏合之徒漸以解

李文襄公奏疏卷三 請賑難民 十九

散投誠眾多已飭行各地方官安集難民加意撫綏使復故業但賊寇蹂躪之地田間收穫盡為盜糧廬舍被焚衣貨罄劫一望蕭條啼號載路即如衢州自逆賊屯踞山鄉其良民不肯從賊者扶老挈幼奔赴近城地方依棲郊野身無完衣日無半菽顛連困苦不忍見聞今據衢州府冊報見有九千七百餘名口其餘散處各鄉者尚不可計數臣與府縣官雖捐貲量給不過涓滴之微何能有濟且投誠之人方絡繹來歸即照籍安插而赤身無業者居多若不仰懇天恩亟籌拯恤則老幼疲瘵必將轉於溝壑而壯者糊口

無資勢不能坐以待斃恐復滋隱憂故於今日而議賑濟實安攘之急務也臣行查常平倉穀為數無幾又行布政司酌議據詳有請爾漕糧勸諭捐輸及於買到大兵糧米內動支三款臣思當此軍興之際支費浩繁漕糧係

天庾重計兵米係轉餉急需俱不便輕議惟捐輸原有定例但今現行捐助軍需事例其數比賑荒減少誰肯舍寡就多恐徒託空言無裨實濟臣身在地方目擊飢寒之民安敢不思長策查湖廣撫臣張朝珍廣開賑濟事例等事一疏荷蒙

李文襄公奏疏卷三 請賑難民 二十

恩旨勅部覆議將湖北地方官士人民因資助兵餉捐助納監銀米豆穀之內酌量賑濟足見軍需與民命交重特蒙宸衷軫恤今浙東被難百姓係兵火之餘更非湖北地方驚避失業者可比仰祈皇上睿鑒或照湖廣例即於捐助軍需銀內酌量動支或將賑荒事例與資助兵餉一例減數捐納如蒙俞允其應賑地方并賑給數目臣等自當詳加斟酌選委賢能官員按名散給俾窮黎得沾實惠則嗷嗷之眾可無輕生走險之虞地方得以寧謐矣臣謹會同總

理糧餉侍郎臣達都撫臣陳秉直合詞具

題伏乞

勅部議覆行臣等遵奉施行

康熙十四年二月十五日題奉

旨該部議奏

李文襄公奏疏卷三終

李文襄公奏疏卷三

請賑難民

三

李文襄公奏疏目錄

題稿卷之四 督師

龍游遂安處州等處獲捷

全衛處三郡捷功並復宜平縣

衢州龍游獲捷

請卹殉節縣丞徐喆

軍中需用賞賚餉銀

衢州南塘萬青前嶺捷功

請開銷賞給官兵銀兩

送歷年獲捷軍功冊

李文襄公奏疏卷四

目錄

報明得獲逆書

招撫衛台溫處四府偽員

招撫偽總兵侯晉爵等投誠

議水師提督駐劄管轄事宜

李文襄公奏疏卷四

男 鍾麟編次

龍游遂安處州等處獲捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為彙報捷功事案據臣標守備李和等塘報各到臣該臣看得金衢連界各山賊寇不時出沒臣與將軍臣賴塔調度搜剿據防守龍游縣臣標守備李和撫標守備陳國任龍游縣知縣盧燦防守杜澤地方臣標隨征官張文福等屢次搜剿各有斬獲不等其嚴

李文襄公奏疏卷四

龍處獲捷

州一路黃巖總兵官鮑虎率領官兵於遂安地方連勝四陣斬擒偽參將守備等員斬賊一千五百有餘招撫偽都司守備千把五名賊眾一百二十三名今大將軍和碩康親王調度援剿總兵官李榮溫州總兵官陳世凱等隨同三等台吉察渾副都統馬哈達率領滿漢綠旗官兵恢復永康縉雲陣斬偽守備一名賊眾一千有餘擒斬五十四名又連奪崖頭桃花二嶺殺賊五百有餘擒斬二十五名招到偽遊擊一名逆賊望風逃遁隨即克取處州府得獲砲藥等項又撫標遊擊田萬侯等隨同噶喇昂邦希福率領滿

漢綠旗官兵恢復武義前至苦竹郭洞下楊寨等處地方三次殺賊獲械各具報前來各路官兵奮勇用命剿賊恢復屢戰屢捷除滿洲官兵功績候大將軍親王具

題外所有在事綠旗有功人員相應彙疏

題報臣謹會同平南將軍都統臣賴塔合詞密疏具

題伏乞

皇上睿鑒施行

康熙十四年二月十八日題奉

旨這彙報捷功事平之日察明議敘具奏兵部知道

李文襄公奏疏卷四

龍處獲捷

二

金衢處三郡捷功并復宣平疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為塘報衛處等處官兵堵剿捷功事據臣標守備李和衛協副將李承恩防守湯溪縣守備劉君明撫標遊擊田萬侯援勦金衢總兵官李榮平陽總兵官王廷梅等各塘報到臣該臣看得衛金交界逆賊潛踞淡山出沒窺伺臣飭行汛防官弁勦禦據防守龍游守備李和陳國任把總蘇得功李才等三次搜勦共擒斬賊寇一千二百餘名焚燬木城得獲砲械等項

李文襄公奏疏卷四

金衢處捷

三

防守湯溪把總胡海等亦有斬獲其處州府恢復之後撫標遊擊田萬侯等進勦宣平斬賊二千三百六十餘名生擒偽都守等員并賊衆一百一十餘名焚燬賊巢恢復宣平又總兵官李榮陳世凱等會同副都統馬哈達三等台吉察渾等於處郡城外截殺賊兵渡河衝擊斬賊五百餘名擒斬偽參將都守千把等十六員得獲砲甲等項賊衆敗遁其衢州府逆賊屯踞河西官兵列營堵禦先於繆村地方擁衆渡河副將范應元等同鑲黃旗夸藍大禪布等先後率兵救援殺賊甚多賊又分兵直犯航埠總兵官王廷梅

等飛馳策應斬賊一千餘名賊兵奔回河西隨將綠旗兵與滿兵合營連旬對壘堵禦賊又分佈偽總兵郭二等劄營礮底等處以出我兵之後兩路聲應其圖前後夾攻臣會同平南將軍都統臣賴塔密遣守備薛受益隨征外委都司王文魁等連夜進兵官兵衝擊奪險連勝三陣共斬賊一千餘名臨平賊營數座得獲砲械等項焚燬賊寨糧米救回難民子女隨即查給還民各路官兵奮勇用命破賊獲捷所有綠旗在事有功人員相應

題報臣謹密

李文襄公奏疏卷四

金衢處捷

四

題伏乞

皇上睿鑒施行

康熙十四年四月初三日題奉

旨據奏衛金宣平處州等處地方各路官兵屢次擊敗賊衆焚燬賊巢得獲砲械等項具見藹度有方將士奮勇可嘉有功人員事平之日議敘具奏兵部知道

衢州龍游獲捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為彙報官兵獲捷事據平陽總兵官王廷梅臣標副防龍游守備李和隨征外委都司張文福等金協副將牟大寅等督標署千總李華等調防湯溪守備劉君明等各塘報到臣該臣看得逆賊屯踞衢郡隔河又分佈賊黨各處窺犯臣屢飭行鎮將并汛防官弁多方偵勦去後又據平陽總兵官王廷梅報據署遊擊高祿等於大堰余村上葉地方連勝三陣共斬賊

李文襄公奏疏卷四

衢州獲捷

五

三百餘人守備李和龍游縣知縣盧燦等以護送糧船為名暗伏官兵星夜前進連破木城五座直抵上路源賊巢斬賊五百七十餘名生擒偽總兵繆國英并偽守備姜龍查繆國英係衢州首先倡亂從逆之賊流毒地方最深一旦就擒人心共快臣隨會同平南將軍都統臣賴塔密明正法訖又於山門廟地方斬賊數十餘人生擒偽守備一名又臣標隨征外委都司張文福等於峽口大頭小伸漆水等處地方連日搜勦斬獲甚多擒斬偽守備等員又賊首包大生等劄巢湯溪吳童包地方大將軍和碩康親王遣發

金協副將牟大寅福建督標參將裴天祿等前往撲勦連獲五捷共計斬賊一千餘人殺死偽守備把總等員生擒賊眾三十餘名焚燬木城寨口二十層又於周寮地方勦殺餘賊二百餘名生擒九名又調防湯溪守備劉君明知縣張元會等於黃塘托山小龍橋地方連勝三陣共殺傷賊眾六百餘人陣斬偽都司守備等員奪獲器械偽劄等項各路綠旗官兵奮勇用命勦賊獲捷所有在事有功人員相應彙疏題報臣謹密疏具

題伏乞

李文襄公奏疏卷四

衢州獲捷

六

皇上睿鑒施行

康熙十四年四月二十五日題奉

旨據奏鎮臣王廷梅等於衢郡等處地方各路官兵屢敗賊眾生擒偽總兵繆國英等得獲偽劄器械等項具見官兵奮勇可嘉在事有功人員事平之日議敘具奏該部知道

請卹殉節縣丞疏

總督浙江等處地方軍務兼理糧餉兵部右侍郎兼都察院右副都御史臣李之芳謹

題為縣丞死節堪矜謹

請優卹以勵忠誠事據浙江布政司布政使李士楨呈詳查得署武義縣事蘭谿縣縣丞徐詰任事未及一月賊寇臨城被賊逼脅抗節不辱絕食自縊此誠捐軀報

國殉難全忠今據該道府縣確看相符擬合轉詳本部院俯賜

李文襄公奏疏卷四

殉節縣丞

七

題請優卹以慰忠魂以彰臣節者也至於歸櫬乏資除

經本部院捐助外本司遵奉院批亦捐銀二十兩又經移行各司道共襄捐助等因到臣該臣看得金華府之武義縣逼近處州臣先經塘報逆賊突犯追奪縣官印信情形業經密疏

題報隨據金衢道詳據署武義縣事蘭谿縣縣丞徐詰生母梁氏呈控伊子殉難自縊當批布政司確查去後茲據詳覆前來臣查康熙十三年六月二十日賊臨武義防守逆弁張奇章從叛內應署縣事蘭谿縣縣丞徐詰眾寡不敵被擄奪印又欲逼降本官矢志

絕食於七月初三日忠憤自縊念此末員乃能通曉

大義拒賊不屈捐生殉難誠為可憫相應題

請優卹以慰忠魂臣謹會同總理糧餉侍郎臣達都撫臣

陳秉直合詞具

題伏乞

勅部議覆施行

康熙十四年五月十六日題奉

旨該部議奏

李文襄公奏疏卷四

殉節縣丞

八

軍中需用賞賚餉銀疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為軍中有刻不可少之需動帑有萬不得已之勢謹

據實上陳仰祈

睿鑒事竊惟臣以一介庸愚荷蒙

皇上知遇游加超擢感戴

天恩無由報稱自蒙

簡畀封疆重任正臣竭力効命之時上年忽值逆賊告變

所在震驚人無固志臣本書生未嫻軍旅惟以大義

李文襄公奏疏卷四

賞賚餉銀

九

感激衆心然將弁兵士皆驅使於鋒鏑之間非有信

賞何以鼓勵如遣調官弁多有貧乏不能製辦軍裝

者欲令其奮勇赴敵不得不賞其有衝鋒破陣征勦

立功者以一勸百不得不賞且酷暑奇寒枕戈擐甲

不得不勞以牛酒被傷者不得不予以醫藥陣亡者

不得不加以棺殮以至賊徒率衆投誠旌給袍帽兵

民擒獻賊黨激賞銀牌等項無一事之可遺無一次

之可省非賞不勸非銀不行臣常俸之外惟取給於

已貲柰家鄉既遠且本無儲蓄當間變之始即售產

揭借多方措備然實不能源源接濟身在軍中事機

迫切遂於餉銀內暫行借支非不知錢糧不宜擅動

欲行 題請則不敢以無例之事上瀆

及聰欲思節省則不敢以用人之時坐糜衆志是以冒昧

動支此臣愚拙苦悰惟知為封疆大計藉此鼓舞人

心實未敢瞻前顧後慮貽誤事機也查於康熙十三

年三月十七日發解閩餉十五萬兩於三月二十一

日起行及三月二十九日聞變臣即星夜差千總沈

澤標員王國棟飛馳前往於浙閩交界處所追回因

畱銀六萬兩於衢州原備兵餉支用內有已發衢州

李文襄公奏疏卷四

賞賚餉銀

十

府給餉者自應歸款消算尚有在預給通省滿漢官

兵一月俸餉之內者另疏會

題又有招募新兵預給資糧已於月餉內扣還司庫其

餘有係臣軍中於前項支用者絲毫皆係公帑應臣

自為清理惟因貲產有限未能一時補還致有懸缺

不敢不據實

題明伏乞

皇上俯鑒因公動用萬非得已賜寬限期俟臣從容措補

若以賞卹官兵仰荷

天恩許臣造冊報部核銷是則破格

隆施非臣之所敢望也臣謹密疏具

題仰祈

睿鑒施行

康熙十四年五月十六日題奉

旨該部議奏

李文襄公奏疏卷四

賞賚銜銀

十一

衢州南塘萬青前嶺捷功疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為塘報官兵獲捷事據臣標後營叅將趙得壽報稱偽驍騎將軍馬九玉統領賊兵剗營下洲園林水閣一帶兼顧江常又於溪口湖南大溪灘茅村東南兩地立四大賊營以為應兵復於東南總路前嶺地方設立賊營為東南各賊巢接運糧料遞送軍情一遇我兵進剿下洲溪口等處之賊即為應援本年五月內連旬大雨平地瀾漫蒙本部院暨平南將軍籌算

李文襄公奏疏卷四

南塘捷功

十一

天時地利密傳衢州府知府王宏仁面諭前嶺賊營居高山之上倚各處為聲援今河水泛漲焉能飛渡乘此兩夜進兵賊必失防可以進剿隨令該府密差投誠官吳文遠披明路徑隨蒙本部院平南將軍酌撥正白旗叅領白思胡蘭鑲白旗叅領徐爾景正紅旗叅領強什庫帶領滿兵令卑職帶本營兵五百名同本營守備王昶等又衢州城守副將李承恩遣發都司李可陞等帶兵二百名又帶左營都司許鳴鸞下家丁把總王富領馬步百名及知府王宏仁挑選家丁令投誠官吳文遠等帶領衢州府鄉兵三百名

引路復奉本部院平南將軍軍令不許搶擄婦女騷擾百姓卑職逐一傳諭於本日戌時一同出城至次日黎明到南塘地方卑職會同滿洲官兵分爲三路與賊交鋒殺賊一百餘人活擒一十一名又過河到萬青將村子圍住與賊交戰殺賊二百餘人活擒二十一十一名又至前嶺賊兵倚山嶺之險於崖下處用巨木爲城有賊千餘列陣對敵我兵馬齊上陣殺四百餘人活擒三十二名賊兵退奔卑職本營官兵帶領衢州府鄉勇從後路回擊賊營賊兵大敗職等又同滿洲官兵綠旗官兵四分裹殺賊無去路落水倒崖

李文襄公奏疏卷四 南塘捷功 十三

死者不計陣獲軍器等項共二百一十六件等情到臣該臣看得逆賊屯劄前嶺地方各路賊巢互相應援今連旬天雨河水泛漲各處賊巢不能首尾接應臣與平南將軍都統臣賴塔商議隨即密發正白旗叅領白思胡蘭等臣標後營叅將趙得壽守備王昶等於康熙十四年五月二十四日南至南塘萬青前嶺等處地方官兵奮勇衝殺前後共計殺賊七百餘名活擒六十四名擒斬偽都司千把總等員得獲偽劄砲械等項具報前來除將偽都司何應龍等審明梟示訖其餘審係陷賊地方百姓隨給發招撫

告示遵照安輯以廣

皇仁外所有滿漢綠旗官兵出奇襲擊奮勇用命大創賊

氛其在事有功人員相應

題報臣謹會同平南將軍都統臣賴塔副都統臣喇哈

合詞密

題伏乞

皇上睿鑒施行

康熙十四年閏五月初一日題奉

旨覽卿奏會同將軍賴塔遣發滿漢官兵擊敗南塘等處逆賊擒殺甚多陣斬偽都司等得獲偽劄器械等項具

李文襄公奏疏卷四 南塘捷功 十四

見調度有方將士奮勇可嘉在事有功人員事平之日議敘具奏兵部知道

請開銷賞給官兵銀兩疏

總督浙江等處地方軍務兼理糧餉兵部右侍郎兼
都察院右副都御史臣李之芳謹密

題為賞給官兵銀兩仰懇

天恩特賜開銷以鼓兵心事據浙江布政司布政使李士
楨詳稱案為動支正項錢糧整備防禦器具事奉本
部院案驗康熙十三年五月十四日准戶部密咨內
開浙江清吏司案呈奉本部送奉

御前發下紅本該本部密覆浙撫出逢吉題前事等因康

熙十三年四月二十二日題奉

李文襄公奏疏卷四

賞給銀兩

十五

旨戶兵工三部會同速議具奏欽此欽遵於五月初四日
密封到部該臣等會議得浙撫田逢吉會同總督李
之芳密疏稱杭城係省會重地城樓城門窩鋪垛口
砲臺砲架箭牌插木及各處軍火鉛彈等項理應備
辦將士犒賞此皆今日之急需斷不容已者理應
動正項錢糧一面動支錢糧整理等因具題前來查
原一應城樓垛口並無動用正項錢糧修造之例其
康熙十二年浙省軍器火藥等項具題修造在案此
修造軍器火藥並不曾用相應將修造城樓垛口軍
器等項之處俱無庸議如將士立功理應犒賞無功

之人不便濫賞如有立功之人彼時犒賞可也康熙
十三年五月初六日題本日奉

旨依議速行欽此密封到部移咨到院行司又奉前任田
撫院案驗准戶部咨同前由行司奉此除軍火器械
修造城樓等項另詳外該前司查得賞賚一項先因
閩寇告變兩浙震驚所賴各營將士用命荷蒙會議
無分滿漢官兵賞賚一月俸餉雖屬鼓勵士心實因
封疆起見今奉部文如有立功之人彼時犒賞無功
之人不便濫賞但所賞之銀久經奉文給發茲若必
待有功之人賞給則前銀勢必照數扣追恐失

李文襄公奏疏卷四

賞給銀兩

十六

朝廷愛養德意更隳士卒奮勇苦心此實斷斷不可行者
所有賞給銀兩造具清冊見在合無再請俯賜
題請准給以便報銷否則惟有懇批各營餉內扣算以
補歲額統祈裁示以便遵奉等因詳奉總督李部院
批仰新任布政司再加酌議仍候部堂撫院批示錄
報冊暫存又奉達侍郎批仰候督撫二院具
題送部冊發回又奉陳撫院批仰候各部院批示具報
冊存今該本司布政使李士楨看得康熙十三年三
月間突遭閩逆背叛侵入浙境彼時訛言四播兵心
渙散毋論金衢嚴處等府即省會重地亦岌岌乎有

不可保之勢幸蒙將軍督撫各院謀慮遠遂將滿漢官兵加賞一月俸餉使從征者有裹糧之需戍守者免交謫之歎於是兵馬到衢而衢州獲堵禦之力兵馬到金而金華奏屢捷之功兵馬到台而台州免潰亡之患是收拾渙散之兵心保固既危之封疆實賴此加賞一舉在各院止知為

朝廷封疆起見實萬不得已動支此項金錢也伏讀

上諭逆賊吳三桂耿精忠背恩反叛浙江綠旗官兵及江西袁州贛州綠旗官兵奮勇効力勦殺逆賊固守地方漢為可嘉理應議敘以褒勤勞作何加恩之處爾部速

李文襄公奏疏卷四 賞給銀兩

十七

議具奏欽此部覆行查効力兵丁造冊送部加恩賞資曉諭軍士莫不懽聲雷動是各院加恩之舉漢有合於

宸衷今若拘執不便濫賞之議在失陷者固不可追傷亡者亦不可問勢必將現在官兵俸餉扣抵以本司計之即使賊氛已盡掃除地方已盡恢復太平有象亦且不可而况乎官兵正在戮力行間之日一旦扣追寧保其必不解體抑且大背

加恩之典伏乞本部院特疏

題明允其加賞庶將士感沐

皇恩益思効力疆場所損於數萬之餉銀者小所裨於朝廷之封疆者大也等因詳奉達侍郎批上年耿逆叛變之後正將士用命之秋若非賞資何以鼓勵士心今欲一旦行追不但疆場戮力之窮兵難扣恐亦非

上諭加恩之盛意仰請兩院特疏具

題又奉陳撫院批仰候督部院主稿會

題冊存查奉此合將批示一併錄報伏候本部院亟賜

主稿會

題等因到臣該臣看得逆賊倡亂以來官兵荷戈征勦

一載有餘仰賴

李文襄公奏疏卷四 賞給銀兩

賞給銀兩

十八

皇上天威屢奏捷功漸次恢復蕩平有期在將士奮勇當鋒同心報

國實著忠勤亦資鼓舞先經原任撫臣田逢吉將支給

賞兵銀兩具

心部議兵丁有功應賞無功不應濫賞如有立功之人

彼時給賞可也奉

旨移咨在案但上年逆警初聞人心搖動實有叵測之勢

臣實重憤淡與已故將軍圖喇原任撫臣田逢吉夙

夜籌畫有可以固結軍心裨益封疆者行之惟恐後

時公議通省滿漢綠旗官兵俱預給俸餉一月諭以

勉力立功卽作賞賚不於月餉扣除隨於上年四月初三日遍發告示宣布

朝廷養士之恩激勸忠孝大義通行支領一時踴躍歡呼士氣從此大振嗣因部議不准動支既不敢請銷又無從抵補屢行布政司酌議若不

題請開銷必須扣除月餉但當此用兵之際將士衝鋒

冒刃出死力以捍疆圉咸有邀恩過望之念如將已給之賞復行扣除所省於公帑者小而所係於兵心者大臣等會同商酌不得不剴切籲

陳仰懇

李文襄公奏疏卷四 賞給銀兩 十九

天恩俯念倉卒震動之時賴此鎮定人心實為封疆起見

權宜急著非常格可拘特宏

曠典准予開銷庶使用命之士其沐

恩施愈感激報効以副

朝廷愛養之意除冊送部查核外臣謹會同撫臣陳秉直

合詞密

題伏乞

皇上睿鑒施行

康熙十四年六月初八日題奉

旨該部議奏

送歷年獲捷軍功冊疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為欽奉

上諭事康熙十四年正月二十七日准兵部咨文到臣准

此臣隨通行各鎮協標營造冊去後茲據呈送前來

臣遵皆逐案查明現在彙冊送部外該臣看得上年

耿逆倡亂賊寇四起全浙震動人無固志臣荷

特恩謬肩重寄凡可以感激忠義固結人心者晝夜圖維

不敢少遺餘力一面宣布

李文襄公奏疏卷四 送軍功冊 二十

朝廷養官兵德意鼓勵用命以膺懋賞臣隨統兵赴衛

抵拒賊衆幸賴各將士咸思感奮調發恢勦所向立

功嗣後奉命大將軍和碩康親王寧海將軍固山貝

子到浙以來軍聲益振屢報捷功伏蒙我

皇上軫念綠旗官奮勇効力勦殺逆賊固守地方特奉

上諭議敘加恩臣接准部咨先行曉諭無不踴躍歡呼共

矢捐糜以圖報効今據該鎮協標營造報前來臣再

加彙核除已經議敘官不行開列并各標營受傷及

陣亡官兵見在詳查另冊具

題

請卹所有奉

旨事平議敘各案在事文武有功人員并効力兵丁數目

逐案查明備造清冊除冊揭送兵部查核外相應

題報再查尙有見在具

題未經奉

旨准咨者亦有已經奉

旨見在移行確查造冊尙未覆到者容臣續造清冊徑送

兵部查核相應一併

題明伏乞

皇上睿鑒施行

李文襄公奏疏卷四

送軍功冊

三

康熙十四年六月初八日題奉

旨該部知道

報明得獲逆書疏

總督浙江等處地方軍務兼理糧餉兵部右侍郎兼

都察院右副都御史臣李之芳謹密

題爲題明事竊照逆賊竄伏河西官兵列營堵禦環甲

荷戈晝夜對壘內有壓潮營盤逼臨河下今於康熙

十四年六月二十三日三更時候逆賊挑選精銳擁

衆渡河逼犯壓潮用火箭火礮等項直向我營攻打

我官兵砲矢齊發奮勇用命逆賊三次進攻三經敗

潰我官兵依路搜勦活擒逆賊二名見有竹竿一根

埋豎道傍竿首劈開夾置偽書一封隨經官兵將所

李文襄公奏疏卷四

報明逆書

三

擒活賊并偽書解赴臣前臣見偽書封面上寫總督

部院李密展字樣閱之不勝髮指隨即會同平南將

軍臣賴塔并集道府廳各官公同拆閱係耿逆下偽

驍騎將軍馬九玉書內開前承密札上順天心下救

民命此天地父母之盛心也第偃戈息鼓拱俟指南

不意曠日遲久金玉爾音使弟望之若渴等語臣惟

逆賊狂悖上干

天討臣嚴督官兵分頭勦禦屢奏捷功今賊計無所出復

爲此煽惑之詞陰圖反間臣不勝撫膺憤激謹具密

疏

題明伏乞

皇上睿鑒施行

康熙十四年七月初一日題奏

旨兵部知道

李文襄公奏疏卷四

報明逆情

三

招撫衢台溫處四府偽員疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為恭報招撫情形仰祈

睿鑒事竊惟閩逆叛變以來衢台溫處地方賊寇四佈兼以狡謀煽惑分散偽割潛相招引噓聚日繁臣謬膺地方重寄晝夜區畫調度官兵多方勦禦幸賴各路將士感奮用命屢著捷功今衢州賊勢日見窮蹙殄滅可期且自寧海將軍固山貝子統率各標營將士恢復太平大荆樂清黃巖等處地方併克取永嘉青

李文襄公奏疏卷四

招撫偽員

十四

田現與處州官兵會合直抵溫州軍聲大振第念賊中有脅從之官兵有被賊搶掠流離失陷之難民仰體

皇上勦撫並用至意遍張曉諭宣布

朝廷浩蕩宏恩一面飭行鎮將道府各官開誠諄諭并差隨征員役人等齎示多方招撫使賊黨渙散除前經題報金嚴紹等處招撫投誠偽官兵一萬二千餘名難民三千餘名外今衢屬又招到偽總兵副將以及偽參遊都守千把等官共一百八十餘員偽兵并投誠人等共三千四百餘名難民共一萬二千餘名口台

屬招到偽總兵都督副將叅遊都守千把等官共三十餘員偽兵投誠人等共四百餘名難民共三萬四千九百餘名口又溫屬招到難民共計二萬五千八百餘名口又處屬招到偽總兵遊擊都司守備并陷賊各官共五十餘員偽兵投誠人等共七百餘名難民共四萬四百餘名口見在分別賞給銀米袍帽曲加撫慰其中有願食糧者即發營入伍有願歸農者即交有司安插除將招撫有功人員并投誠花名細數容俟另造清冊咨送兵部外伏念逆賊狂逞上履宸衷今賴

李文襄公奏疏卷四

招撫偽員

三五

天威遐震地方漸復歸誠日多所有招撫情形合先密疏題報伏乞

皇上睿鑒施行

康熙十四年十一月初九日題奉

旨覽卿奏督飭文武各官開誠齋示招撫衛台溫處四府偽總兵等官二百餘員兵丁四千餘名難民十一萬餘名具見悉心籌畫勦撫並用可嘉有功人員事平之日議敘具奏兵部知道

招撫偽總兵侯進爵等投誠疏
總督浙江等處地方軍務兼理糧餉兵部右侍郎兼都察院右副都御史臣李之芳謹密
題為偽官向化歸誠并供報閩逆情形仰祈
睿鑒事據分守嘉湖道趙之彪呈詳到臣該臣看得逆賊耿精忠背
息反叛以來惟恃佈散偽劄招集亡命為煽惑人心之計今有偽總兵侯晉爵侯大經傾心向化并繳招兵偽劄赴臣軍前投誠臣隨發嘉湖道查詢確實去後今據詳覆前來臣覆加親問據供借散劄為名潛出逆

李文襄公奏疏卷四

招侯進爵

三六

境故得間道來歸且備述耿逆餉區民愁苛法暴斂情形甚悉則是逆賊罪惡貫盈授首有期所據供吐情詞擬合

題報至偽總兵侯晉爵侯大經不甘從賊帶劄輸誠立志可嘉聽部議敘以為向化之勸除將繳到偽劄送部驗燬外臣謹密疏具

題伏乞

皇上睿鑒施行

康熙十四年十一月初九日題奉

旨覽卿奏偽總兵侯晉爵侯大經傾心向化繳劄投誠可

嘉着議奏該部知道

李文襄公奏疏卷四

招侯進營

二十七

議水師提督駐劄管轄事宜疏

總督浙江等處地方軍務兼理糧餉兵部右侍郎兼都察院右副都御史臣李之芳謹

題為補授提督事康熙十四年十月二十八日准兵部咨開職方清吏司案呈奉本部送兵科抄出該本部題前事內開該臣等議得議政王等會覆奉命大將軍康親王題疏內稱原任水師提督常進功雖諳練船務見無職任不便管轄他人之兵等語相應將常進功授為浙省水師提督等因具題奉

李文襄公奏疏卷四

提督管轄

二十八

旨常進功投為浙省水師提督欽此今常進功既投為水師提督應兼職銜查常進功原係右都督充廣東水師提督總兵官任內有降四級照舊管事有軍功紀錄一次於康熙六年十一月軍政自陳畱拜他喇布勒哈番又一拖沙喇哈番革去提督總兵官在案今常進功應准以署都督僉事充浙江水師提督總兵官俟

命下之日咨行該督將該提督管轄事宜并駐劄地方妥議具題到日揭請

內閣撰給

勅書其印信應咨禮部鑄給可也等因康熙十四年九月

十三日題本月十五日奉

旨常進功着以署都督僉事充浙江水師提督總兵官餘
依議欽此移咨到臣該臣看得浙江自耿逆變叛勾連
海寇入犯亟藉舟師策應致蒙奉命大將軍和碩康
親王以提督臣常進功諳練船務具題奉

旨授為水師提督部議將管轄事宜駐劄地方行臣妥議
具題臣查浙省當日原設有水師提督駐劄寧波統
轄溫台沿海水師兵將節制左右二路總兵官今日
水師提督有應援進剿責任其駐劄地方必須扼險
可以兼顧策應又宜便於操演舟師之地查定海為

李文襄公奏疏卷四

提督管轄

二十九

全浙門戶見在戰船俱灣泊蛟關以之駐劄其地居
重馭輕督率舟師控制溫台聯絡聲援甚為利便惟
是既設水師提督若不設專統標旅非惟各汛將士
呼應不靈即配船出洋亦非素所練習如欲從新添
募又未免加增糧餉臣再四籌酌定海向設總兵官
一員今該鎮朱萬化業已告病乞休經臣

題明在案合無請照江南崇明改鎮為提之例議將定
海鎮標官兵改為水師提標其營制應照當日初議
水師提標分為中左右前四營其兵數應照當日原
設水師提標規制中營設兵一千名左右前三營各

設兵八百名共需兵三千四百名除定海鎮見有額
兵三千三百名外止須募兵一百名而水師標旅已
成是兵不別募餉不多增已收駕輕就熟之效矣若
戰兵水手俱照戰三守七之例於四營內均勻派撥
以資操駕攻擊至於管轄事宜查水師提督統轄台
溫沿海一帶兵將專管防守地方勦禦賊寇提調兵
馬考覈水師武職賢否并一切軍務其見在黃溫二
鎮向俱設有戰艦近雖船隻失陷但水陸均有責成
除陸汛營務應令黃溫二鎮咨商陸路提督會臣等
畫酌行外凡溫台沿海舟師事宜亦令黃溫二鎮馳

李文襄公奏疏卷四

提督管轄

三十

咨水師提督會臣酌妥而行如有需用官兵配船進
剿之處又當臨期的調黃溫二鎮官兵配船出洋以
資勦擊若夫提標四營應設參將一員遊擊三員守
備四員千總八員把總一十六員候部覆奉
旨俞允之日當即改設將領中遴選具

題請頒給參將關防并換給營制各官劄付至陸路提
督駐劄寧波與定海相隔不遠但陸路提督管轄陸
路將領水師提督專管水師官兵分轄各有不同彼
此原無牽制且當此多事之特征討應援居處不常
應俟事平之日另行酌議相應一併聲明臣謹具

題伏乞

皇上睿鑒

勅部議覆施行

康熙十四年十二月初四日題奉

旨該部議奏

李文襄公奏疏卷四終

李文襄公奏疏卷四

提督管轄

三十一

李文襄公奏疏目錄

題稿卷之五 督師

請補投營將

衛屬湖南獲捷

彙報歸正官兵

溫州大捷

嚴屬宋村等處獲捷恢復開化縣

招撫偽副將韓斌投誠

請調鄰省官兵進取

再請調發鄰省官兵

李文襄公奏疏卷五

目錄

酌議捐輸安插難民

請卹陣亡將弁成國樞晉大忠等

衢州大溪灘獲捷恢復江山縣



李文襄公奏疏卷五

男 鍾麟編次

請補授營將疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為補授營將事竊惟溫區瑞安一帶漸次蕩平需兵防期刻不容緩經臣前為欲平賊氛等事疏內同黃巖等營合計經制缺額營兵五千六百七十七名一併

題請募補准兵部密覆各營經制兵丁應如該督所請

李文襄公奏疏卷五

補授營將

一

照數募補官員聽督遴選

題補等因隨經臣先將樂清黃巖大荆三營官兵

題報補設外今瑞安旦晚將下若待恢復之後

題報設官募兵不但往返濡滯有誤封疆抑且臨時待

募兵不習練又焉能責其隨復隨守今臣於將領中

遴選得標下前營參將武榮謀勇夙著歷有血戰軍

功且能束兵整伍將士咸服堪以補授瑞安營副將

又查臣標中營千總李成功撫標左營千總高永俱

能遇敵爭先戰功屢著李成功堪補授瑞安左營守

備高永堪補授瑞安右營守備以上三員年俸雖尚

未泯然皆勇畧堪任當此川人之際似難拘以常格仰祈

皇上允臣所請庶得責其訓練成旅以便隨師夾勦隨復隨守至於臣標前營參將員缺查有給劄効用都督僉事蔣懋助効用有年才能堪任而且屢戰屢捷功績甚多先准部議投誠官員內有功績超著者浙省缺出與見任官一體

題補等因今以蔣懋助補授前營參將與例相符仰祈皇上俞允庶將士咸知鼓勵營務大有攸賴矣除將千總李成功高永履歷咨俟另咨送部外臣謹具疏密

李文襄公奏疏卷五

補授營將

二

題伏乞

勅部議覆施行

康熙十五年正月二十日題奉

旨兵部議奏

獨屬湖南獲捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為塘報官兵獲捷事據臣標後營參將趙得壽塘報到臣該臣看得衢州逆賊負固河西又令賊首王國忠等帶領賊兵數千屯聚湖南地方轉運糧草且恃山路險窄意我兵不能前驅進勦臣與平南將軍都統臣賴塔會商湖南乃係緊要地方不可不取隨即密示機宜令臣標參將趙得壽同投誠効用都督朱英等外委戎旅都司王文魁等率領綠旗官兵由間

李文襄公奏疏卷五

湖南獲捷

三

道前往撲勦去後今據該參將趙得壽報稱於康熙十五年正月二十八日官兵前至彼地連破三關陣殺偽遊擊都司守備千總等員斬擒賊眾甚多得獲偽關防牌劄砲械等項焚燬賊巢塘報前來除臣一面量行賞勵外但此舉乘險斬關奪創賊眾與零星小捷不同各官兵奮勇用命功尤難泯所有綠旗官兵獲捷情形相應密疏

題報伏乞

皇上睿鑒施行

康熙十五年二月初四日題奉

旨覽卿奏會同將軍賴塔遣發官兵於湖南地方擊敗逆賊陣斬偽遊擊等得獲偽劄器械等項具見調度有方將士奮勇可嘉在事有功人員事平之日議敘具奏該部知道

李文襄公奏疏卷五

湖南獲捷

四

彙報歸正官兵疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為彙報歸正官兵仰祈

睿鑒事據浙江布政司布政使李士栢呈詳到臣該臣看得耿逆倡亂逼犯溫屬總兵祖宏勳變叛從賊致將應援各官兵與黃巖官兵相繼被陷上年八月間大兵進剿臣仰體

上諭漢仁念內中多有迫脅出於勢不得已者即頒布皇恩多方曉諭被陷各官咸感激來歸臣准提督咨會并

李文襄公奏疏卷五 歸正官兵 五

鎮將道各官呈詳俱行布政司查議如提標原任遊擊張從仁千總羅永功把總王友白進德寧游營原任千總李守節把總高起龍李一經等七員係康熙十三年五月內赴援溫州失陷之官又定海鎮標原任守備郭必昌千總張雲程提標原任千總王國禎把總陳自強喬金等五員係康熙十三年四月內赴援瑞安失陷之官又象山營原任千總達思明白永魁把總陳星等三員係康熙十三年七月內赴援黃巖失陷之官今俱於康熙十四年八月內各帶領被陷兵丁在黃巖乘機奪城佔奪浮橋迎接大兵來歸

又黃巖鎮標原任遊擊朱禎張英才千總王家禎馬良吳廷玉方大印把總張大成陳邦揚助周大勝黃巖城守營原任千總劉文秀吳進孝把總沈顯王起祥郭明福錢旺等一十六員係康熙十三年八月內黃巖失陷之官又黃巖鎮標原任守備秦鑑千總李國安二員係康熙十三年五月內赴援瑞安失陷之官亦俱於康熙十四年八月內在黃巖率眾歸順又赴援溫州被陷之官提標原任把總阮玉一員亦帶兵來歸又黃巖鎮標原任投誠効用都司江蘇効用守備張德二員又原非經制營官又有都守千把偽

李文襄公奏疏卷五 歸正官兵 六

劉蔣興國等一十六員同時來歸亦俱繳有偽劄臣伏讀

恩詔內開一陷賊從逆官員兵民人等有能棄邪歸正自拔投誠者即行免罪仍與敘錄其有能擒斬渠魁及帶領兵馬獻城納款者仍論功優加爵賞今各員或聯絡官兵奪城效順或至繳偽劄率眾輸誠具矢志忠貞儼然可見今據該司詳覆前來相應彙疏題明聽候部議除帶回兵丁行令各標營查收入伍外所有繳到偽劄臣逐一核明備造清冊揭送兵部銷燬合并聲明臣謹密疏具

題伏乞

勅部議覆施行

康熙十五年二月二十日題奉

旨這彙報投誠各官着議奏該部知道

李文襄公奏疏卷五

歸正官兵

七

溫州大捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為飛報大捷事據溫州總兵官陳世凱等塘報到臣該臣看得逆賊負固甌城寧游將軍固山貝子傅喇塔統率滿漢官兵晝夜環攻臣復飭行鎮將令其相機鼓舞協力進取去後今逆賊偽都督曾養性等被困窮蹙乃於康熙十五年二月十七日夜傾發賊兵四萬有餘分為八路水陸齊犯溫州總兵官陳世凱等提標參將王英等同滿漢綠旗各營官兵分頭迎

李文襄公奏疏卷五

溫州大捷

八

敵活擒偽副將何賓等五百五十餘名并陣斬偽副都督孫可德等共計陣斬賊兵一萬有餘落水淹死者不計得獲盜甲砲械等項甚多此皆仰賴

朝廷洪福齊天并大將軍和碩康親王指授方畧固山貝子躬親調度得獲大捷從此恢勦蕩平自可計日惟是官兵奮勇用命功尤難泯除將在事滿漢綠旗有功人員俱經臣分別給賞鼓勵外所有綠旗官兵獲捷情形相應密疏

題報伏乞

皇上睿鑒施行

康熙十五年三月初九日題奉

旨據奏貝子傅喇塔總兵官陳世凱等率領滿漢官兵擊
敗水陸逆賊生擒偽副將何賓等五百餘名陣斬偽都
督孫可德等及賊兵一萬有餘得獲偽印劄器械等項
具見調度有方官兵奮勇可嘉在事有功人員事平議
敘已有旨了兵部知道

李文襄公奏疏卷五

溫州大捷

九

宋村等處獲捷恢復開化縣疏

總督浙江等處地方軍務兼理糧餉兵部右侍郎兼
都察院右副都御史臣李之芳謹密

題為飛報恢復城池屢次捷功招撫效順事據署瑞安
營副將事臣標叅將武榮嚴協副將洪起元平陽鎮
標遊擊陳國任等塘報到臣該臣看得開化一縣界
聯嚴屬且與廣信徽饒接壤今逆賊偽都督馬騰盤
踞常山與衢境河西之賊互相聯絡肆毒地方臣與
平南將軍都統臣賴塔撫臣陳秉直會商必從嚴州
遂安進兵抄襲後路先取開化然後為克復常山之

李文襄公奏疏卷五

宋村獲捷

十

地但嚴協官兵分佈不敷隨遣發署瑞安營副將事
臣標叅將武榮平陽鎮標遊擊陳國任令其帶領在
衢官兵前赴會同嚴協副將洪起元撫標遊擊門可
貴等官兵協力恢勦開化并飭令勦撫兼施嚴束兵
丁不許秋毫滋擾去後今據署副將事臣標叅將武
榮等報稱率領官兵於本月二十九日前往宋村等
處連破木城數座斬賊奪械焚巢獲捷二月三十日
又攻破七峯寨木城擒斬賊衆獲捷三月初四日又
盡焚遂開界口木城追至七里龍地方斬殺獲捷三
月初八日勦殺伏兵直搗開化恢復城池追殺十餘

里陣斬偽遊擊都司守備千把總等擒斬賊衆甚多
得獲大捷其餘各路賊首望風輸誠約計投到偽副
將監軍道參遊都守千把等各官共計六十餘員偽
兵五千餘名難民一萬餘名塘報前來從此進剿常
山不難攻取惟是各官兵連戰獲捷恢復城池招撫
餘黨功勳難泯除將在事有功人員經臣分別給賞
鼓勵外所有恢復城池勦撫情形謹密疏
題報伏乞

皇上睿鑒施行

康熙十五年三月十六日題奉

李文襄公奏疏卷五

宋村獲捷

十一

旨覽卿奏會同將軍賴塔等遣發官兵於宋村等處地方
屢次擊敗賊衆擒斬甚多陣擒偽遊擊都司等招撫到
投誠偽官六十餘員偽兵五千餘名難民一萬餘名恢
復開化縣城具見勦撫並用將士奮勇可嘉在事有功
人員事平之日議敘具奏兵部知道

招撫偽副將韓斌投誠疏

總督浙江等處地方軍務兼理糧餉兵部右侍郎兼
都察院右副都御史臣李之芳謹密

題為恭報招撫偽官歸誠仰祈

睿鑒事該臣看得偽副將韓斌原係武進士出身選授福
建興化府城守營中軍守備因閩逆變叛脅授副將
職銜遣犯衛境臣據投誠人章起元供稱韓斌有志
輸誠來歸無便臣即與平南將軍會商移咨江南督
臣於原籍取其親子到衛交發平陽鎮總兵王廷梅
杭協副將馬化龍臣標後營參將趙得壽仍密授方

李文襄公奏疏卷五

招撫韓斌

十二

畧一面給以諭札密藏家人苑亮履中指引渡河前
去韓斌果即傾心向化帶領偽都司王得功等偽把
總畢思臣等共六人各帶隨身器械輕騎前來繳劄
投順詢其賊中情形供稱逆賊糧餉匱乏人心渙散
且敢逆狂悖僭擬其居屋獸頭即為風變刮倒偽造
服色悉被火焚可見天道不容殄滅可待惟是韓斌
原係經制之官迫脅附從乃能眷戀

國恩一聞招撫即從渠逆馬九玉營中自拔來歸其忠
憤之志非尋常投誠者可比已蒙大將軍康親王給
與副將劄付見在効用俟立有功績另疏

題敘其繳到偽劄揭送兵部外所有招撫投誠并供報

闖逆情形理合密疏

題報臣謹具

題伏乞

勅部查照施行

康熙十五年四月二十三日題奉

旨據奏偽副將韓斌帶領偽都司等傾心向化自賊營來歸可嘉着議奏兵部知道

李文襄公奏疏卷五

招撫韓斌

十三

請調鄰省官兵進取疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為逆賊負固日久恢復萬難再遲亟

請調發鄰省官兵以資進取事竊惟衢州界連閩境實係全浙咽喉自耿逆叛變偽驍騎將軍馬九玉偽都尉朱懷德等統率逆眾直犯浙界臣與平南將軍都統臣賴塔督領官兵進抵衢州控賊要害凡所以鼓勵將士收拾民心為地方勦禦計者不敢不竭盡心力而滿漢官兵撥甲枕戈無間寒暑者已逾二年所矣

李文襄公奏疏卷五

調兵進取

十四

幸賴

朝廷天威屢著捷功俱經

題報在案於是賊勢日蹙堅拒河西溪溝高壘以示持久臣與平南將軍都統臣賴塔再四籌畫止因浙省處處用兵分佈各路以致兵力不敷前此專望一處掃平便可併力攻取直搗仙霞不意各路寇氛雖屢經勦剗尚未撲滅若再曠日持久軍興浩繁萬一糧餉不繼所關非小且近接各汛報文江西廣信一帶因將軍額楚調回以致分水關排山各道出沒關常欲與馬九玉賊營聯合在衢滿漢官兵分佈對壘止

可堵禦若欲急圖滅賊自非厚集兵力不足制其死
命查江南省松江崇明綠旗官兵額設幾及二萬雖
蘇松所屬濱海目下賊勢斷不能窺犯江南與其擁
重兵以備未然莫若調繁衝以資實用且彼處額兵
原多即抽調來浙其存剩之兵尚足以分佈彈壓臣
熟計情勢權衡緩急用是披瀝上

請合無於松江崇明二提標下酌量調兵五六千名選擇
精銳懇

勅提鎮重臣一員剋期統領赴浙聽大將軍親王調度并
力進剿先破河西賊眾各路之賊不難瓦解從此入

李文襄公奏疏卷五

調兵進取

十五

岡底定常有日矣仰祈

皇上睿鑒

特賜俯俞星速調發來衛封疆幸甚臣本書生不諳戎務

然叨沐

罔恩天高地厚且膺此封疆重寄自矢捐糜踵頂圖報

萬一今逆賊一日未滅臣罪一日難追凡緊要軍機

皆與將軍相商會啓親王定奪除與平南將軍都統

卡賴塔會商已經啓達奉命大將軍和碩康親王承

諭令臣具

題相應密

題伏乞

皇上勅部議覆施行

康熙十五年四月二十三日題奉

旨議政王貝勒大臣會議具奏

李文襄公奏疏卷五

調兵進取

十六

再請調發鄰省官兵疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為逆賊負固日久恢勦萬難再遲亟

請調發鄰省官兵以資進取事康熙十五年五月十二日

准兵部咨開該議政王等會覆浙江總督李之芳題

前事等因康熙十五年四月二十三日題五月初一

日本

旨議政王貝勒大臣會議具奏欽此該臣等會議得浙江

總督李之芳疏稱若欲急圖滅賊松江崇明綠旗官

李文襄公奏疏卷五

再請調兵

十七

兵幾及二萬合蕪於二提標下酌量調兵五六千名

選擇精銳懇

勅提鎮重臣一員剋期統領赴浙等因查江南崇明松江

等處乃海口要地所關甚大今當夏令正東南風起

之時江南省兵不便調動且計浙省所有綠旗官兵

為數不少相應請

勅大將軍康親王總督李之芳等於浙江省內審度緩急

酌量調遣勦滅逆賊又總督李之芳親赴衢州善能

保守而浙省倚賴今作何擊破逆賊及應由何路進

取福建事宜令其作速明白具題可也等因康熙十

五年五月初二日題本月初四日奉

旨依議速行欽此移咨到臣該臣看得浙省與閩接壤衢

當上游首衝此實全浙之咽喉入閩之門戶也臣與

平南將軍都統臣賴塔極力捍禦已逾兩載正因本

省各營兵馬屢次抽調戰守不敷臣特

請調鄰省官兵併力進剿今部議以江南乃海口重地不

便調動請

勅大將軍康親王與臣於本省內審度緩急酌量調遣併

令臣作何擊破逆賊及由何路進取福建事宜作速

明白具題臣惟逆賊耿精忠叛變以來分遣賊眾一

李文襄公奏疏卷五

再請調兵

十八

由衢州一由溫州一由處州三路入犯兼以零星賊

踪游移海洋狡謀牽制而且廣布偽詞煽惑人心以

致抗紹台寧金嚴溫處等府不逞之徒所在蠶起自

奉命大將軍和碩康親王寧海將軍固山貝子傅喇

塔平南將軍都統臣賴塔等相繼抵浙遣調官兵各

路堵禦屢奏捷功臣復督飭各鎮將及文武等官相

機勦撫內地漸次安堵今溫州尚有逆賊曾養性祖

宏勳等拒守未下處州尚有逆賊連登雲徐尚朝等

負固石塘沿海一帶尚有逆賊熊進學等連踪飄忽

以各路之逆賊狡之惟衢州一路賊勢尤重因衢州

為入閩大路故耿逆勁卒畢聚於此今欲擊破逆賊
進取福建必由衢州一路將此處之賊先破繼其精
銳則諸路自不難於瓦解雖逆賊馬九玉朱懷德等
見在溪溝重壘死守河西然其南則江西則常山
皆可以間道絕其糧運斷其歸路我兵一進使賊首
尾受敵勢不能仍保巢穴便可相機撲動以通入閩
之路惟是在衢滿漢官兵目今分列營盤十座與賊
止隔一河操甲枕戈晝夜衝擊欲抽兵前進則營壘
空虛後路可虞欲留兵固守則前進兵單不能制賊
欲於本省官兵再行抽調則杭嘉湖紹稍近內地者

李文襄公奏疏卷五 再請調兵 十九

先已調發始盡其寧波定海象山寧海台州黃巖太
平大荆樂清等處現在沿海分禦實無可調之兵臣
與平南將軍都統臣賴塔再四籌畫請調鄰省官兵
非不知松江崇明為海口重地然浙江情形緩急不
同耿逆陸路之賊勢不能窺犯江南所慮者海路之
賊但海路之賊以船為家即倚船為命縱或乘隙登
犯斷不敢遠離船隻且皆係步賊不足當我鐵騎之
馳突即二年以來耿逆船隻並未輕出浙界可見逆
賊兵力有限與順治十六年鄭逆入寇江南者不可
同日而語况我兵力一足大張

李文襄公奏疏 卷五

天討直入閩中則逆賊方內顧之不暇而又安能窺犯他
省乎此臣前疏所謂彼處額兵原多即抽調來浙其
存剩之兵尚足以分防彈壓者此也臣竊思兩載用
兵

朝廷費億萬錢糧官兵受無限勞苦祇為各路分兵彼此
牽顧致令逆賊得延喙息今逆賊一日未滅軍餉一
日浩繁若再曠日持久師老財匱關係非小仰祈我
皇上俯念封疆重大將臣前疏

勅部再加詳議即不便移調提鎮重臣止將精銳官兵選
擇將領剋期赴浙聽大將軍親王調度速圖進取再

李文襄公奏疏卷五 再請調兵 二十

祈我
皇上頒示伐罪救民之
德意重申秋毫無犯之
綸音則軍紀嚴而民心固從此破賊入閩可奏蕩平矣臣
不勝惶悚待

命之至伏乞
皇上睿鑒

勅部議覆施行

康熙十五年五月二十日題奉

旨議政王貝勒大臣會議具奏

酌議捐輸安插難民疏

總督浙江等處地方軍務兼理糧餉兵部右侍郎兼都察院右副都御史臣李之芳謹

題為酌議安插難民之法以培

國本以拯殘黎事據浙江布政司布政使李士楨詳到

臣該臣看得衢屬江常開化之民被賊淪陷臣等統

師勦撫安輯流離日見難民攜妻挈子接踵來歸俱

經臣各加撫慰賑給銀米發縣安插查此項難民多

係來自遠鄉潛離賊地甫集城隅田園久已荒蕪廬

舍業皆拋棄資生乏策投奔何從盡皆露處河干乞

李文襄公奏疏卷五

安插難民

五

食道左飢寒內切風雨外侵慘目傷心不堪盡述臣

令道府各官先行搭蓋棚廠權與棲止第棚廠竹木

之費當此軍興浩繁不敢動支公帑不得自行捐助

除臣與撫臣陳秉直捐銀倡率仍令所屬各官量力

樂輸惟是捐助一項若無鼓勵之法未必踴躍急公

則難民日多事恐無濟行據布政司詳議請照捐助

袍帽給賞投誠之例按數紀敘人必樂從搭蓋棚廠

之餘更作牛種給民耕種此誠今日安輯招徠之急

務除臣一面通行鼓勵勸輸一面將現在銀兩先即

舉行伏乞

皇上俯念邦本推廣

恩仁允臣所請凡浙省捐助安插難民者准照捐助袍帽

之例一體紀敘庶樂輸多而拯救易則脅從自解流

亡漸復所裨誠非小矣臣謹會同撫臣陳秉直合詞

具

題伏乞

勅部議覆施行

康熙十五年五月二十一日題奉

旨該部議奏

李文襄公奏疏卷五

安插難民

五

請卹陣亡將弁疏

總督浙江等處地方軍務兼理糧餉兵部右侍郎兼都察院右副都御史臣李之芳謹

題為彙報陣亡將弁仰祈

特賜優卹以慰忠魂以彰激勸事竊惟臣日在行間激勵

將士上下一心共期殄賊者所藉

朝廷之信賞恩仁用以鼓舞忠勇之志氣蒙我

皇上軫念綠旗官兵不待事平先行議敘之

上諭一軍踴躍咸思効命惟是衝鋒陷陣殉身報

國其忠誠勁節若不亟為表揚以昭優卹則勦力疆場

李文襄公奏疏卷五

請卹陣亡

三三

者無以示勸臣歷查各案准福建提督臣段應舉據

標下中軍副將今陞平陽總兵官王廷梅援勦鎮總

兵官李榮溫州鎮總兵官陳世凱等各咨呈內稱標

營奮勇衝突殺賊陣亡各官遊擊成國樞等各在案

據此該臣看得自耿逆犯浙以來率土同仇各標營

大小將弁咸感

朝廷養養深恩無不志圖滅賊如見在歷著功勳者臣隨

一面遵欵

題檄以示鼓勵惟各案奮勇死事之官尤堪憫則查陣

亡遊擊五員則援浙江南提標遊擊成國樞援勦鎮

標遊擊晉大忠浙江提標遊擊胡鏡授浙鎮黃旗一

等侯馬三奇下遊擊張國棟撫標遊擊門可貴也都

司僉書一員則象山營都司僉書趙燾也守備四員

則金協守備梁安嚴協守備虎邦俊瑞安營守備高

永平陽鎮標守備朱有才也千總九員則援浙江南

提標千總王攀桂何鯉援勦鎮標千總王國樑督標

署千總胡得勝象山營千總王天才援浙江南提標

千總翟顯援勦鎮標千總李虎溫州鎮標千總徐天

平瑞安營署千總楊向春也把總一十三員則台協

把總張斌援勦鎮標署把總劉舜授浙江南提標把

李文襄公奏疏卷五

請卹陣亡

三三

總路魁胡威在豹浙江提標把總馬文秀衛協把總

間有功平陽鎮標署把總陳保浙江提標把總杜柱

臣劉尚仁象山營把總陳永祿援浙鎮黃旗一等侯

馬三奇下把總黃徵署瑞安營把總事太平營把總

朱必勝也効用官一十五員則紹協部効用參將

褚百五効用官張鼎元督標効用官林有信衛協部

効効用都司僉書韋韜提標部効効用守備李國瑞

定海鎮標効効用都司李生輝時國泰効効用守備魏定

國楊守德馬乘春部効効用守備丘彥威部効効用

千總員虎援勦鎮標隨征官楊文祥溫處道下委用

把總徐忠浙江提標効川原任把總陳士強也以上各官均能矢志忠誠捐軀報効在

朝廷優卹定例昭然臣亦何庸額

請但其中尚有異鄉家口孤寡伶仃旅櫬無依資生乏策

紛紛哀籲切痛心仰祈

皇上勅部酌議將各官應得卹典均照援浙京口營守備

楊士祥擊賊身亡先行議卹之例卽爲卹賞庶早邀

一視之仁不惟三軍感勵生死莫不銜結矣除象山

營陣亡守備張秉乾等并各標協營陣亡兵丁現在

行查容俟另疏

李文襄公奏疏卷五

請卹陣亡

二五

題卹外臣謹會同撫臣陳秉直提督臣石調聲水師提

督臣常進功合詞具

題伏乞

勅部議覆施行

康熙十五年八月初九日題奉

旨該部議奏

大溪灘獲捷并復江山縣疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題爲飛報大捷恢復城池事據杭協副將馬化龍臣標

前營參將蔣懋勛江南提標遊擊崔天福塘報各到

臣該臣看得逆賊抗拒河西負固已久必須厚集兵

力方足制其死命臣前於請調鄰省官兵疏內備陳

進勦機宜在案今奉命大將軍康親王於本年八月

十四日統領大兵至衢軍聲丕振臣面啓情形隨奉

令諭平南將軍都統臣賴塔副都統臣馬哈達等率

李文襄公奏疏卷五

大溪灘捷

三六

同援勦鎮總兵官李榮杭協副將馬化龍臣標參將

閻進趙得壽等帶領滿漢綠旗官兵星夜前進查大

溪灘乃逆賊糧餉咽喉設營固守我兵奮勇攻破斬

獲不計乘勝進取於八月十七日克復江山縣城河

西偽將軍馬九玉等驚聞去路已斷喪膽奔潰除一

面調發官兵分頭追勦外惟是浙省各路之賊衝爲

最勁阻截入閩之路今幸仰賴

皇上天威大將軍勝算滿漢綠旗官兵奮勇克捷從此長

驅進取蕩平可埃矣其獲捷功次容臣核明另報所

有逆賊敗遁情形臣謹密疏上

聞仰慰

睿懷伏乞

皇上俯鑒施行

康熙十五年八月十七日題奉

旨據奏將軍賴塔等率領滿漢官兵將大溪灘逆賊奮勇
勦殺擒斬甚多斷賊糧運衢州諸賊盡皆逃遁恢復江
山縣城知道了兵部知道

李文襄公奏疏卷五

大溪灘捷

二十七

李文襄公奏疏卷五

李文襄公奏疏目錄

題稿卷之六 督師

仙霞三關大捷

恢復常山縣並玉山界草坪獲捷

石塘勦殺逆賊大捷

請江南江西官兵合勦逋寇

恢復雲和松陽龍泉三縣城池捷功

招徠衢屬各路偽員

恢復江西玉山縣

恢復景寧遂昌慶元并福建政和松溪各縣

李文襄公奏疏卷六

目錄

一

請改黃巖鎮為水師提督節省錢糧

恢復溫處二府州縣

招撫偽總兵馮公輔等投誠

會剿鄰省陳村並招撫偽總兵汪文生等來歸

請蠲免被兵地方錢糧

擒獲賊首馬鵬捷功

李文襄公奏疏卷六

男 鍾麟編次

仙霞三關大捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為飛報大捷搶關事據杭協副將馬化龍臣標參將閻進趙得壽隨征効用都督僉事詹六奇効用副將林寶外委戎旗都司劉澤溪等塘報到臣該臣看得仙霞關地當浙閩分界乃係進閩咽喉第一險隘自恢復江山縣之後臣仰遵大將軍康親王方畧密飭

李文襄公奏疏卷六

仙霞大捷

十一

杭協副將馬化龍臣標參將閻進趙得壽等帶領綠旗官兵隨平南將軍都統臣賴塔副都統臣馬哈達等統領滿漢官兵乘勝速取仙霞關去後今據該將等飛報官兵直抵關口分路夾攻逆賊見我兵威重大於本年八月二十日有偽副將金應虎等二員偽于總金起彪等二員首先投誠我官兵隨即四面齊進於二十一日連奪三關得獲砲械等項除臣一面遴員隨師入閩宣布

皇恩安撫殘黎外惟是連奪重關官兵已進閩境自此耿逆喪膽授首可期此仰賴

皇上天威大將軍康親王調度各官兵奮勇用命所致其各鎮營官兵獲捷功次容臣核明另報所有奪關大捷情形臣謹密疏上

聞伏乞

皇上睿鑒施行

康熙十五年八月二十二日題奉

旨據奏將軍賴塔等率領滿漢官兵於恢復江山之後乘勝追勦逆賊直抵仙霞關連奪三關逆賊敗遁偽副將金應虎等首先投誠得獲砲械等項知道了兵部知道

李文襄公奏疏卷六

仙霞大捷

十一

恢復常山縣并草坪獲捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為飛報恢復常山縣城追勦大捷情形事據臣標前營參將蔣懋助守備段斌薛受益援勦鎮標守備劉君明塘報各到臣該臣看得賊逆偽將軍馬九玉等因我官兵攻破大溪灘賊營斷其糧道克復江山縣已絕歸路逆賊喪膽逃奔情形已經臣具疏報

聞在案今據臣標參將蔣懋助守備段斌薛受益等報稱於本年八月十七日四更帶領官兵直搗逆巢逆賊

李文襄公奏疏卷六 恢復常山

披靡潰遁共焚燬大小賊巢二百五十四座遵隨福建總兵官劉顯芳帶領綠旗官兵同江南副都統臣胡圖統領滿漢官兵星夜追殺至水南地方斬賊焚巢直抵常山奮勇衝擊逆賊大敗奔逃於八月十八日克復常山縣城追至江西玉山交界草坪地方陣斬偽都司一名偽把總一名殺賊甚眾得獲砲械等項不計但衛屬西龍關常一帶以及嚴屬遂安淳壽等處各路山源險僻向有賊眾分佈屯割今加以奔潰零賊四散竄匿尚為隱憂除臣一而邊員齎示通加曉諭宣布

皇仁設法招徠相機勦撫外惟是河西大股逆賊負嵎死

拒數日之間併力掃蕩連復縣城晝夜窮追奔出浙界自此遊魂落膽殄滅可期此皆仰賴

皇上天威大將軍親王調度各官兵奮勇用命所致其各鎮營官兵獲捷功次容臣核明另造清冊所有恢復

追勦大捷情形臣謹密疏上

聞伏乞

皇上睿鑒施行

康熙十五年八月二十二日題奉

旨據奏副都統胡圖等率領滿漢官兵追勦逆賊擊敗賊

李文襄公奏疏卷六 恢復常山

衆斬殺甚多焚燬賊巢二百五十餘座陣斬偽都司等恢復常山縣城得獲砲械等項知道了兵部知道

石塘勦殺逆賊大捷疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為飛報官兵勦殺逆賊大捷事據浙江平陽鎮總兵官王廷梅塘報又據溫處道姚啓聖報同前由各到臣該臣看得石塘逆賊偽都尉連登雲等憑險死拒為日已久臣屢飭各鎮將相機攻勦去後據平陽鎮總兵官王廷梅溫州鎮總兵官陳世凱各報稱奉寧海將軍固山貝子傅喇塔調發滿漢綠旗官兵分路進勦於八月二十二日攻破石塘賊寨將木城盡行

李文襄公奏疏卷六 石塘大捷 五

焚燬斬賊不計餘賊敗潰奪獲偽關防牌劄銃砲器械等項連登雲等逃遁雲和官兵見在追襲此皆仰賴

朝廷天威大將軍康親王指授方畧固山貝子身親決勝各將士用命獲此捷功除在事有功各官容臣一面查明另敘外所有攻破石塘賊巢殺賊情形合先密疏

題報仰祈

睿鑒施行

康熙十五年九月初一日題奉

旨據奏貝子傅喇塔遣發官兵攻破石塘賊寨斬殺甚多焚燬木城得獲偽關防等項知道了兵部知道

李文襄公奏疏卷六 石塘大捷 六

請江南江西官兵合剿通寇疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為殘疆亟資整頓通寇淡慮蔓延請

勅鄰省官兵合力夾剿以靖根株事竊照逆入犯浙境將及三年煽惑勾連廣植黨羽馬九玉率精銳之卒連營下洲四處險隘在在蟻擁互相犄角如衢屬之西果園則有賊首汪保則魁等湖南溪口則有賊首王國志張三虎等上路源則有賊首王國升管記生范安國等赤津嶺則有賊首王孝楊雄等上方則有

李文襄公奏疏卷六

合剿通寇

七

賊首方明馬三李惟信等三源戴則有賊首廖雄等八角殿則有賊首羅廷等硯瓦山則有賊首偽葉參將劉參將等芙蓉村西山牛角東岸李村一帶則有賊首馮義汪壽黃中王份徐嘉邵金勝汪武臣等龍游與處屬接界之高坪則有賊首朱霞仙等金竹嶺則有賊首葉總兵等與金屬接界之梧桐地方則有賊首包大生等其他姓名未易枚舉皆顯受欺逆偽銜剽印招納亡命恭布星羅圍結於數百里之間其中雖屢有擒獲歸順者但黨類實繁蔓延難盡今渠逆馬九玉馬勝朱懷德呂雲翹余廷俊郭炳興等仰

賴我

皇上神武丕揚奉命大將軍康親王汝勝進剿賊勢駭已瓦解及臣分檄各路確據數日以來屢接塘報餘孽竄避者多潛匿附近山谷又據嘉興營守備薛受益報稱撲得開化縣賊首馬鵬吳正陳崑山等衆進白沙關屯割新建地方又常山龍山源賊衆萬餘係福建人當日安插開壘屯田者屯割彼地離常山七十里又偽白將軍偽徐將軍王將軍等賊兵仍聚開化西路高山及七都球等處約計餘孽尚不下數萬此皆與江南徽州江西饒州廣信等府緊相接界而偽

李文襄公奏疏卷六

合剿通寇

八

總兵周立桑明則屯踞廣信祝茂華葉君瓚劉英林起龍等則把守玉山縣子午口與常山相距僅數十里目今通誅之寇散布岐界且係崇山峻嶺使彼稍延喙息勢必滋蔓難圖不惟常開一帶實切剝膚卽三省接壤之間終無寧謐之時而况浙境之伏莽未靖所有臣標及各營練習官兵又皆攻克仙霞隨軍進聞今存留在汛者分防新復各縣守禦不敷此臣之深慮却顧憂心如焚不遑寧處者也臣身處殘疆敢不竭力整頓境內餘孽已廣布

皇仁多方招撫其頑冥抗命者相機撲剿至流離難民目

擊心傷臣不忍使之失所酌量動給官銀賑恤一面
備咨差官馳赴江南江西督臣撫臣移會進兵合剿
外惟是事機遙隔呼吸難通故敢請沛

綸音庶

天威赫濯乘此勝勢早圖殄滅以靖根株仰祈

勅下江南江西督撫及統兵將軍諸臣合力夾剿則軍聲

益振通寇無所逃誅矣臣謹特疏密

題伏乞

皇上睿鑒

勅部議覆施行

李文襄公奏疏卷六

合剿通寇

九

康熙十五年九月初一日題奉

旨議政王貝勒大臣會議具奏

恢復雲和松陽龍泉疏

總督浙江等處地方軍務兼理糧餉兵部右侍郎兼
都察院右副都御史臣李之芳謹密

題為彙報恢復城池屢次捷功事據杭協副將馬化龍
臣標叅將閻進趙得壽嚴協副將洪起元瑞安營副
將武榮撫標遊擊胡上達援剿鎮標遊擊朱知微溫
州鎮總兵官陳世凱平陽鎮總兵官王廷榜溫處道
姚啓聖塘報各到臣該臣看得自衢州河西渠逆敗
潰之後臣密飭各鎮將道乘勝攻勦相機招撫除恢
復江山奪獲重關直入閩疆情形業經

李文襄公奏疏卷六

恢復雲和

十

題報外今復據杭協副將馬化龍臣標叅將閻進趙得
壽等報稱隨平南將軍都統臣賴塔等協同滿漢綠
旗官兵恢復浦城追斬賊眾又據叅將趙得壽守備
曹象恆報稱官兵已抵建陽縣殺敗逆賊隨即入城
又據嚴協副將洪起元瑞安營副將武榮等報稱於
開化一帶恢復勦地方斬獲甚多又據溫州鎮總兵官
陳世凱平陽鎮總兵官王廷梅報稱奉固山貝子合
諭協同滿漢綠旗官兵恢復雲和又據溫處道姚啓
聖報稱招撫松陽龍泉百姓并偽官兵人等恢復二
縣此皆仰賴

皇上天威大將軍康親王固山貝子傅喇塔調度各官兵奮勇用命所致其標營官兵獲捷功次容臣核明另敘所有各路獲捷恢復城池情形臣謹密疏彙

題伏乞

皇上睿鑒施行

康熙十五年九月十五日題奉

旨據奏副將洪起元等各處擊收逆賊斬殺甚多得獲器械等項恢復雲和松陽龍泉三縣城池具見調度有方將士奮勇可嘉在事有功人員着議敘具奏兵部知道

李文襄公奏疏卷六

恢復雲和

十一

招徠衢屬各路偽員疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為微臣設法招徠賊眾漸次歸命謹陳就撫情形仰祈

睿鑒事竊照偽將軍馬九玉等敗遁之後向日屯聚倚角之寇以及新潰竄匿於附近山谷者實繁有徒臣已於殘疆亟資整頓等事疏內具

題在案惟是浙省用兵以來民生困苦已極衢屬地方流離殘破不忍見聞今幸仰賴

李文襄公奏疏卷六

招徠偽員

十一

天威開逆瓦解若不乘此勝勢汲汲布置倘再蔓延為害非小臣是以即日啓明奉命大將軍康親王頒示曉諭凡係被脅來歸者概宥前愆仍大書告示廣布

朝廷恩信令其悔禍輸誠安全得所并查有名賊首各給諭帖開導禍福隨有常山縣偽副將楊良雙接臣諭札泣下願為効死臣又設法將原任衢協把總今受耿逆偽副將何起先妻妾家屬捕獲羈縻當遣人齎示招諭亦革心投到即令給還家屬完聚咸皆感泣圖報於是分頭遣招而江常開等處先後投到偽總兵則有葉國榮等偽贊畫參謀則有楊作楫江濤等

偽副將則有余大典朱國珍蕭俊師王德貢汪霖孫
肇業等偽參將則有馮義汪壽余佛位王龍鄭士龍
朱國斌楊飛雄葉福生李國佐范安國徐國賓傅瑞
龍等偽遊擊則有周兆相邵國鎮王國忠徐廣等二
十八員又原係衛協把總今受欺逆偽遊擊則有徐
見龍陳韜等偽都司則有余鳳山祝凌虹柴國柱鄭
鼎驥等三十餘員偽守備則有王虎汪宗勳黃中徐
嘉等八十餘員偽千總則有徐海金永程正鄭朝徐
初余義等一百二十餘員偽把總則有鄭榮選鄭虎
王升鄭介葉績童元等七十餘員偽効用標員則有

李文襄公奏疏卷六

招徠偽員

三

陳濂何鳴岐王問疇程悅詹登乘汪演張招等偽旗
鼓偽百總則有徐君彩余遇陞鄭喜等偽知府則有
徐良牧偽通判則有徐兆祉孫錦汪國楫孫國彬徐
鍾玖等偽經歷主簿則有徐仁徐文卿等又原係在
浙失陷職官則有原任常山縣知縣丘晉縣丞吳宇
周儒學訓導崔大升等俱各帶領兵目呈繳偽劄關
防器械等項前來投誠又偽參遊守備千總盧大成
徐通等一十六員偽知縣余亨一員偽守備千總金
元等四員偽守備千總施韜等三員亦各前來投誠
以上約計投到偽總兵偽參謀偽副參遊都守千把

等員并偽文職共四百餘員偽兵一萬四千九百餘
名臣逐一面諭我

皇上浩蕩宏恩好生德意毋以負罪得免輒懷倖心各皆
稿給酒食銀牌花紅袍帽無不痛悔前非誓死無二
兩旬以來賊黨漸次解散又據杭協副將馬化龍報
稱偽來遠將軍馬勝將偽勅銀印交送該協已差把
總陳文押赴大將軍親王軍前投誠所有開化縣賊
首張可因在江西德興縣接界湯溪縣賊首包大生
等因在處州遂昌縣接界山源溪僻俱各具領剋期
投赴衢屬西龍江常開五縣被陷人民率皆遵令剋

李文襄公奏疏卷六

招徠偽員

四

髮訖臣酌動銀米賑濟撫綏漸有次第所有招撫有
功人員併投誠花名細數安插効用入伍歸農容臣
另冊送部至於當日墾荒種靛人等悉係閩籍憑藉
逆賊黨羽屯聚於龍山源青山殿子午口大橋頭等
處負固緩死臣現在相機勦撫外目今衢處二府賊
寇大剋之後地方似可竭力收拾獨溫州一區相隔
遙遠臣已檄行溫州鎮總兵官陳世凱溫處道姚啓
聖從青田一路設法勦撫又檄委台巡道楊應魁黃
巖鎮總兵官鮑虎無分畛域從樂清一路設法勦撫
若江西廣信饒州等處數百里之間餘氛屯踞與浙

咫尺接連開常一帶實切隱患臣以封疆起見不敢
膜視一面遣發高牌示統兵進剿之勢一面遴選人
役將有名偽目齎諭往招臣謹將近日招撫情形具
疏密

題伏乞

皇上睿鑒施行

康熙十五年九月十五日題奉

旨據奏招撫到投誠偽總兵知府文武等官四百餘員兵
丁一萬四千九百餘名具見設法招徠可嘉知道了兵
部知道

李文襄公奏疏卷六

招林偽員

五

恢復江西玉山縣疏

總督浙江等處地方軍務兼理糧餉兵部右侍郎兼
都察院右副都御史臣李之芳謹密

題為遵

旨會勦恢復鄰省縣城事據臣標參將蔣懋助太湖營遊
擊姚世熙援浙江南提標遊擊崔天福報稱卑職等
奉本部院牌開大兵進圍所到望風投順其徵饒德
興廣信玉山一帶賊黨亟應乘此勝勢三省會勦以
淨根株已經本部院具

題奉

李文襄公奏疏卷六

恢復玉山

六

旨依議速行除欽遵移會鄰省督撫及統兵將軍併行各
將領外該將等即便確撲進剿恢復玉山縣地方拯
救生民毋得遲誤等因奉此卑職等即於康熙十五
年十月初六日率兵自常山起行進取玉山於初七
日黎明據鄉民口稱偽總兵汪文生聞大兵進剿欲
遁往廣信職等即令守備薛受益段斌龔堂沈澤等
率兵追勦直抵玉山縣城門緊閉當有守備段斌龔
堂等首先扒越北門薛受益沈澤等扒越東門砍開
城門率兵大進尾追逆首汪文生等斬賊百餘投誠
偽參將林宇偽遊擊蔣士榮張正元偽守備張成義

厲成等五員率眾納印繳劄等情到臣該臣看得江西玉山縣與衢屬常山接壤餘寇屯聚實逼門庭岐界未平諸賊已經臣

題請三省官兵合力夾剿奉

旨依議速行臣即欽遵移咨鄰省督撫及統兵將軍諸臣去後第寇氣密邇百姓久罹湯火雖在浙兵力不能遠及鄰境臣以

朝廷封疆起見不敢膜視一面密飭各將領相機進取今據臣標參將蔣懋助等報稱守備段斌龔堂薛受益沈澤等首先扒城恢復玉山縣追斬賊眾偽參將遊

李文襄公奏疏卷六 恢復玉山 十七

擊守備等員繳劄投誠塘報前來查既復玉山相距廣信不遠除再密飭各將領確探賊息臣一面委員安輯殘黎并移會該省督撫酌調官兵保固地方外各官兵奮勇用命功勤難泯所有恢復鄰省縣城情形臣謹密

題伏乞

皇上睿鑒施行

康熙十五年十月十二日題奉

旨據奏遣發官兵進剿逆賊於江西玉山縣地方擊敗賊眾恢復玉山縣城偽參將等繳劄投誠具見調度有方

將士奮勇可嘉在事有功人員着議敘具奏兵部知道

李文襄公奏疏卷六 恢復玉山 十八

恢復景寧遂昌慶元并福建政和松溪各縣疏
總督浙江等處地方軍務兼理糧餉兵部右侍郎兼
都察院右副都御史臣李之芳謹密

題為彙報恢復城池招撫效順事據溫州鎮總兵官陳
世凱等塘報各到臣該臣看得自處州渠逆潰敗連
復雲和松陽龍泉已經臣

題報在案今據溫州鎮總兵官陳世凱報稱遣發官兵
招到偽參將都守偽知縣訓導典史偽兵等恢復景
寧遂昌二縣又據溫處道姚啓聖報稱遣發官兵招
到偽遊擊守備知縣難民等恢復慶元縣并福建政

李文襄公奏疏卷六

恢復城池

十九

和縣又據平陽鎮總兵官王廷梅報稱率領官兵招
到偽參將遊擊守備偽知縣縣丞偽兵難民等恢復
福建松溪縣各官兵乘勝進取連復縣城設法招徠
功勤難泯所有恢復各縣招撫情形臣謹密疏彙

題伏乞

皇上睿鑒施行

康熙十五年十月十二日題奉

旨據奏總兵官陳世凱等招到偽參將都司等恢復景寧
遂昌慶元政和松溪五縣具見設法招徠可嘉着議敘
具奏該部知道

黃巖鎮改設水師提督疏

總督浙江等處地方軍務兼理糧餉兵部右侍郎兼
都察院右副都御史臣李之芳謹密

題為黃鎮現在缺員水師募兵未足仍

請改鎮為提節省錢糧以收目前實效事竊惟浙省設立
水師提督先經臣議以定海鎮總兵官朱萬化告病
員缺請照江南崇明改鎮為提之例具

題原從節省錢糧起見後因沿海賊寇水陸交訌仍復
定海鎮其水師提標部覆准於定海鎮標分兵一半
缺額各自募補其駐劄管轄之處行臣再議臣已經

李文襄公奏疏卷六

改鎮為提

二十

題覆在案時因海疆多事提鎮官兵征討應援居處不
常又以水師提督與定標分兵各有父母妻子安土
重遷不便輕調議定同駐定海實行於一時權宜是
以有事平另議之

請今大兵進剿斬關入閩勢同破竹各路餘孽望風解體
近日情形與前自不相同蛟關雖屬險要一鎮足資
彈壓當此軍餉浩繁之際伏讀康熙十四年十二月
十四日

恩詔一款凡關係籌餉節用裨益兵民事宜如有確見着
據實條奏欽奉

翰音凡可為

朝廷加意節省者臣不敢不悉心籌畫茲黃巖鎮總兵官

鮑虎已經病故除臣另疏

題報外查黃巖逼臨大海東臨溫郡西接台寧向來原

係水師駐泊之地目今亟資重臣調度况水師募兵

未足營官遴補未題管轄事宜部議未定臣敢特疏

上

請仍以黃巖鎮標官兵改為水師提督駐劄黃巖則兵不

別募餉不加增一轉移間標旅可成校之另設提標

歲費糧餉數萬餘兩所省實多且控制嚴疆有裨兵

李文襄公奏疏卷六

改鎮為提

三十一

民非淺鮮也查水師提標設兵四營共計三千四百

名黃鎮額兵二千九百五十名其不足者即以新募

兵丁充補定鎮官兵仍歸原標甚屬妥便其管轄事

宜前議溫黃定三鎮咨商統轄今除黃鎮改設外溫

定二鎮仍照前議其餘各項事宜已於補授提督事

疏內

題明無庸更議如蒙

俞允其改補管員馬步戰守分配船隻等項容臣另疏具

題合并聲明臣謹密

題伏乞

皇上睿鑒

勅部議覆施行

康熙十五年十月十二日題奉

旨兵部議奏

李文襄公奏疏卷六

改鎮為提

三十一

恢復溫處二府州縣疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為溫州全府恢復青田向化歸誠臣謹密疏

題報仰祈

睿鑒事據溫州鎮總兵官陳世凱溫處道姚啓聖署處協副將事提標參將王英等各塘報到臣該臣看得浙省自衢處賊眾敗潰溫區之寇勢已瓦解前於微臣設法招徠等事疏內經臣

題明檄行溫州鎮總兵官陳世凱溫處道姚啓聖等設

李文襄公奏疏卷六

恢復溫州

三

法勦撫在案臣復大書告示廣布

朝廷恩信令其悔過輸誠并有名賊首各給諭劄開導禍福去後今據該鎮等報稱通叛藩已經投順各偽員計無所歸隨有偽都督曾養性原溫州鎮今受傷定東伯祖 動偽將軍熊進學原平陽鎮標遊擊今受傷總兵賈文學原平陽營參將今受傷溫處道李官楷等并令屬文武各偽官盡皆剃髮歸順而溫州一府與永嘉樂清瑞安平陽泰順以及處屬青田等縣俱全恢復除一面緩輯殘黎多方撫慰其拯救地方獨賑事宜容臣一面另疏具

題并投誠偽官兵數目統俟造冊送部外所有溫處就

撫全復情形臣謹密

題伏乞

皇上睿鑒施行

康熙十五年十月十四日題奉

旨據奏溫州閩郡偽官兵民人等投誠溫處二府州縣盡皆恢復知道了該部知道

李文襄公奏疏卷六

恢復溫州

三

招撫偽總兵馮公輔等投誠疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為恭報偽鎮全旅歸誠仰祈

睿鑒

勅部議敘以勵勤勞鼓舞向化事據溫州鎮總兵官陳世

凱溫處道姚啓聖等塘報到臣該臣看得處屬偽總

兵馮公輔屯踞松遂等縣已及三年今大兵分路勦

撫處屬各縣次第平定而馮公輔擁數千之眾尚屯

山谷臣仰體

李文襄公奏疏卷六

招馮公輔

三五

皇仁頒發諭劄差員宣布

朝廷恩信令其悔過輸誠并撤行鎮道等官就近會同駐

防處州總統莫洛洪相機勦撫去後今據溫州鎮總

兵官陳世凱等報稱偽總兵馮公輔傾心向化率領

偽副參遊都守千把總并偽同知通判知縣等官共

二百二十八員偽兵三千四百六十餘名呈繳偽勦

關防劄付器械等項願赴臣軍前投誠至衝之日臣

逐一而論我

皇上浩蕩宏恩好生德意各犒給酒食銀牌花紅袍帽靴

帶燕不痛悔前非踴躍權作誓死燕二臣查各路餘

孽潛伏微饒廣信岐界者尚多見在設法招徠今偽

鎮全旅來歸似與尋常招撫不同所有在事有功人

員并投誠偽總兵馮公輔伏乞

勅部議敘以為向化之勸其餘偽職人員容俟分別効用

入伍歸農另造清冊同偽勦關防劄付送部所有偽

鎮全旅歸誠情形臣謹密

題伏乞

皇上睿鑒施行

康熙十五年十一月初六日題奉

旨據奏總兵官陳世凱等招撫到偽總兵馮公輔并偽副

李文襄公奏疏卷六

招馮公輔

三六

將等官二百二十餘員兵三千四百餘名可嘉着議敘

具奏馮公輔着議奏該部知道

會勦陳村招撫偽總兵汪文生來歸疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為遵

旨會勦鄰省并設法招撫效順事據臣標參將蔣懋勛等撫標遊擊胡上達等臣標守備段斌等各呈報到臣該臣看得江西地方與浙省接壤其岐界未平諸賊奉

旨會勦除臣遣發官兵恢復江西玉山縣城已經

題報在案今據各路餘孽尚多潛踞臣當即密飭各將

李文襄公奏疏卷六

會勦陳村

三十一

領相機勦撫去後今據臣標參將蔣懋勛等於開化玉山之界陳村等處奮關焚寨大破賊營斬獲甚多又據撫標遊擊胡上達接勦鎮標遊擊朱知微等於白沙關地方陣斬偽遊擊都司守備千把等員得獲偽制器械等項又偽總兵汪文生等遁入廣信經臣頒發諭札宣布

朝廷恩信隨據臣標守備段斌等招到偽鎮官兵呈繳偽關防劄付全旅來歸除經臣備給酒食銀牌花紅袍帽外惟是各官兵勦撫兼施功勳難泯且偽鎮全旅來歸更與零星投誠不同所有在事招撫有功人員

并投誠偽總兵汪文生伏乞

勅部先行議敘以鼓向化其餘各偽員容臣分別効用入伍歸農另行造冊同繳到偽關防劄付送部至廣信偽將軍黃朝用已經歸順而耿精忠下向日所屬各渠逆尚有踞守鉛山石塘港東源湖坊暨興安弋陽貴溪樂平德興安仁等處除一面移會鄰省官兵相機勦撫臣謹密

題伏乞

皇上睿察施行

康熙十五年十一月初六日題奉

李文襄公奏疏卷六

會勦陳村

三十二

旨據奏參將蔣懋勛等於開王交界陳村等處擊敗賊寨又守備段斌等招撫到偽總兵汪文生等全旅來歸可嘉在事有功人員着議敘具奏汪文生着議奏該部知道

請蠲被兵地方錢糧第一疏

總督浙江等處地方軍務兼理糧餉兵部右侍郎兼都察院右副都御史臣李之芳謹

題為殘疆困苦已極難民號救堪憐謹遵

恩詔亟

請蠲賑大沛

皇仁以救百萬生靈事據衢州府知府王宏仁都使司楊祺溫處道姚啓聖申詳各到臣該臣看得浙省用兵地方遭賊殘害百姓顛連困苦臣前於

請賑被難饑民等事一疏將金衢等處來歸難民

李文襄公奏疏卷六

五請蠲賑

三十九

題定動支捐助銀米賑濟在案今仰仗

朝廷德威衢處溫三府淪陷各縣及嚴金地方悉已恢復數百萬生靈重出湯火行據該道府縣等官具詳被災人民哀籲呈詞所稱陷賊三載慘遭荼毒家資盡於拷掠房屋化為丘墟未絕之殘黎復遭疫癘所存之田地半掘溝濠婦女衣不蔽形牛畜種類俱絕合之臣所目擊真一字一淚不忍見聞况寒冬已至衣食全無萬姓呼號朝不保暮除臣一面見在酌量動支暫行賑濟臣惟我

皇上討逆靖亂總為急救生民今地方復歸版圖見在場

形錫面之子遺皆異日辦賦輸糧之赤子也若不乘此萬死一生之際延其殘喘勢必將來有上無民干國誤者不少臣今在衢每一出署則皆扶老挈幼擁集馬首向臣泣懇引首

皇恩亟賜蠲賑衢民如此各處可知伏讀康熙十四年十一月十四日

恩詔一款用兵地方民力重困蕩平之後各該督撫將應行蠲免賑恤事宜即行奏請煌煌

天語視民如傷臣仰體

皇仁安敢不為請命除西安龍游遂安見在地方與麗水

李文襄公奏疏卷六

五請蠲賑

三十九

宣平縉雲等縣以及台嚴各縣衛所錢糧已經撫臣

陳秉直於備陳地方傷慘情形等事一疏會

請蠲免聽候部議外今臣所

題請者乃係賊踞新經開復地方如衢屬西安縣之下洲等處龍游縣之南源等處暨江山常山開化等縣處屬之雲和松陽龍泉慶元景寧瑞昌青田等縣溫屬之永嘉泰順平陽瑞安樂清等縣嚴屬之遂安縣附近開常都督等處金屬之湯溪縣三源等處及衢處溫各衛所田地山塘賊陷已久中多人亡戶絕數載不毛之地伏乞

皇上俯念地方新復康熙十五年以前一切錢糧槩行蠲免難民牛種全無田荒未墾賦從何出其康熙十六年一切錢糧并

請槩行蠲免查照墾荒之法分給牛種有主者原主開墾無主者招民開墾自十六年起寬以三年之限照例墾科庶幾漸次復業總之民至今日髓盡骨枯若非皇上大沛恩澤

予以生全惟有逃亡流徙終於地方無補至於賑濟一項垂死之民止爭時刻臣一面遵照

題准之例仍於捐助銀米內動支給賑統容完日造冊

李文襄公奏疏卷六

五請蠲賑

三十一

送部核銷外相應

題明仰祈

皇上俯念各府新復地方人民困苦萬狀非尋常旱潦災荒可比不靳

特恩赦全數百萬生靈臣等幸甚地方幸甚臣謹會同總理糧餉臣達都撫臣陳秉直合詞遵

詔具

題伏乞

勅部議覆施行

康熙十五年十一月十八日題奉

旨該部議奏

李文襄公奏疏卷六

五請蠲賑

三十一

擒獲賊首馬鵬疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為賊首拒命流毒地方密飭活擒并奏捷功仰祈

睿鑒事據瑞安營副將武榮臣標參將蔣懋勛等塘報各

到臣該臣看得逆首馬鵬係偽正先鋒總兵於諸逆

中素稱梟惡歷年以來衢屬開常一帶悉遭慘害搶

殺淫拷靡惡不為萬民切齒本年八月間下洲賊眾

敗潰之後各路山賊餘氛甚眾臣仰體

皇上好生之心不忍槩行誅戮隨即設法招徠宣布

李文襄公奏疏卷六

擒獲馬鵬

三五

朝廷德意無不悔罪革心赴臣軍前輸誠歸命惟馬鵬等

恃險負固聚眾於開王交界之陳村及江西德興之

白沙關跳梁如故已經勦殺獲捷

題報在案今江南江西岐界賊寇遵

旨會勦臣因鄰省官兵師期未合仍復一面遣人持諭往

招而馬鵬輒敢於臣官封面上大書兩朝功令俱各

森嚴等語原封發還狂悖怙惡臣不勝皆裂且又勾

引德興賊眾復至白沙關外地方剽掠若不急擒正

法無以上彰

國憲下快人心當即密飭瑞安營副將武榮率領官兵

於康熙十五年十一月十九日前往賊營連破木城

六座陣殺偽都守千把總等員斬獲甚眾逆首馬鵬

敗潰遁入德興老巢隨密飭臣標參將蔣懋勛等於

康熙十五年十一月二十九日自白沙關起行直抵

德興連破賊寨一十三座陣斬偽遊擊守備千把總

等員斬殺賊眾甚多活擒逆首馬鵬得獲器械等項

焚燬賊寨塘報前來除將偽總兵馬鵬解臣軍前顯

示正法號令遠近以警負固餘孽外惟是各官兵奮

勇用命屢戰屢捷功勩難泯經臣諒行給賞鼓勵所

有勦賊獲捷活擒逆首情形相應

李文襄公奏疏卷六

擒獲馬鵬

三六

題報至在事有功文武人員遵例查造清冊一併揭送

吏兵二部臣謹密

題伏乞

皇上睿鑒施行

康熙十五年十二月十一日題奉

旨覽卿奏遣發官兵直抵德興屢敗賊眾攻破賊營十餘

座陣斬偽遊擊等活擒逆首馬鵬得獲器械等項具見

調度有方將士奮勇可嘉在事有功人員着議奏兵部

知道

卷六終

李文襄公奏疏目錄

題稿卷之七 督師



處屬杜溪周公源口楊梅灘捷功

稟報勦撫江西廣信等處捷功

招撫偽揚烈將軍全旅歸誠

再請蠲免被兵地方錢糧

勦撫鄰省巨寇陳山屯踞椒巖洞

請卹殉難副將蘓木代把總左朝極

加秩謝 恩

請調回江南援浙官兵

李文襄公奏疏卷七

目錄

招撫鄰省渠寇歸誠

三請蠲免被兵地方錢糧

李文襄公奏疏卷七

男 鍾麟編次

處屬杜溪周公源口楊梅灘捷功疏

總督浙江等處地方軍務兼理糧餉兵部右侍郎兼

都察院右副都御史臣李之芳謹密

題為各路勦撫兼施處逆老巢盡掃謹報捷功仰祈

睿鑒事據署處協副將事提標叅將王英塘報到臣該臣

看得杜溪周公源口及黃皮山楊梅灘等處地聯江

閩并通衢處屬縣內皆萬山險峻人跡罕到向係巨

寇魏福賢等巢穴順治年間屯踞此地漢為心腹大

李文襄公奏疏卷七

杜溪捷功

患茲閩逆林惟仁等原係偽驍騎將軍馬九玉營內

分出屯踞處屬之賊首自石塘敗潰之後統率賊眾

盤踞此地恃險負固此勦彼遁流毒於遂昌松陽龍

泉等縣若非官兵鼓舞勇渡入各路會師則根株終難

盡絕蔓延日久終成大患臣隨密飭署處協副將事

提標叅將王英等臣標守備李和等并調發援浙江

南京口等營各路官兵訂期會合勦撫兼施當有偽

叅將朱伯珍等帶領偽遊擊都守千把大夥偽兵首

先投順而賊首林惟仁等尚擁眾於周公源口及黃

皮山楊梅灘等處抗不歸命臣復密飭該將王英等

并各路官兵毋以嚴寒雨雪山谷崎嶇有憚勞苦務宜速為勦撫早定地方庶可一勞永逸在各官兵皆能奮力踰險四路深入直搗賊巢斬獲甚多逆賊勢不能支偽參將王國昇同偽遊擊千總等員跪路乞降林惟仁同偽副參遊擊都司守備千把大夥偽兵奔赴守備李和等營盤歸順當據解報前來除一面分別入伍歸農安插外自此最險老巢掃蕩無遺處屬地方勦撫已盡是役也時值隆冬雨雪交加官兵越險深入備極勞苦此番奮勇用命功尤難泯經臣量行給賞鼓勵所有勦撫復捷賊黨淨盡情形相應

李文襄公奏疏卷七

桂溪捷功

二

題報至在事有功人員遵例造冊送部臣謹密

題伏乞

皇上睿鑒施行

康熙十六年二月初七日題奉

吉覽卿奏遣發官兵於處屬之周公源口等處勦撫兼施賊首林惟仁率領偽副參遊守等眾奔赴投誠賊巢掃蕩無遺處屬地方寧靜具見調度有方將士勤勞可嘉在事有功人員着議敘具奏該部知道

葉報勦撫江西廣信等處捷功疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為葉報勦寇獲捷情形并安撫鄰省縣城事據浙江提標遊擊郭守全紹協都司僉書朱士俊臣標守備段斌江南提標守備路雲昇等塘報各到臣該臣看得江西饒廣一帶奉

旨會勦除經遣發官兵於白沙關德興等處勦賊獲捷具疏

題報外惟是江西官兵尚未前至而饒廣二府所屬鉛

李文襄公奏疏卷七

廣信捷功

三

山與安弋陽貴溪等處數百里之間盡係賊黨分佈與江西省城阻隔不通臣遵會勦之

旨不敢岐視當即飭行領兵各官相機勦撫安撫地方隨據提標遊擊郭守全紹協都司僉書朱士俊等報稱於上饒縣鄒家坊姜歷村地方連破賊營三座陣斬偽副將守備等員殺賊甚眾并將陣獲偽守備楊文及偽卒人等解臣軍前發落臣惟饒廣所屬之地迫脅者眾誅之不可勝誅臣隨面加開諭令其齋示前往宣布

朝廷好生德意凡陷賊官民及早歸順去後所有餘孽出

沒飭行防守各官不時撲勦又據臣標守備段斌江
南提標守備路雲昇等報稱於廣信之焦石渡等處
陣斬偽參將殺賊甚眾得獲器械等項又據該守備
等報稱乘勝進至新嶺地方連破三寨陣斬偽副參
遊都守等員燒毀巢穴殺賊甚眾恢復鉛山縣城得
獲器械等項又據該守備等報稱前至興安弋陽貴
溪等縣勦除餘孽自楊文等齎示放歸一路曉諭各
偽官兵盡皆剃髮向化隨安撫過興安弋陽貴溪等
縣所至百姓人等歡欣歸命又據該守備等報稱於
橫溪港東柴溪等處陣斬偽參將遊擊千總把總等

李文襄公奏疏卷七

廣信捷功

四

員殺賊甚眾焚燬老巢連戰獲捷得獲器械等項招
撫偽官兵各具塘報前來從此江西省城道路可通
除卽一面移咨江西督臣撫臣催令地方官員馳赴
新復府縣任事外至各官兵奮勇用命勦撫兼施功
勤難泯現經臣一面量行給賞鼓勵所有勦殺獲捷
并安撫各縣情形相應

題報至在事有功人員遵例造冊送部臣謹密
題伏乞

皇上睿鑒施行

康熙十六年二月初七日題奉

旨覽卿奏遣發官兵於江西廣信等處地方相機勦撫屢
次擊敗賊眾斬殺甚多陣斬偽副將等恢復鉛山縣城
又興安弋陽貴溪等縣百姓等歡欣歸命隔省遣官兵
勦賊底定地方具見調度有方將士奮勇可嘉在事有
功人員着議敘具奏該部知道

李文襄公奏疏卷七

廣信捷功

五

招撫偽揚烈將軍全旅歸誠疏

總督浙江等處地方軍務兼理糧餉兵部右侍郎兼都察院右副都御史臣李之芳謹密

題為招撫偽將軍轄下官兵全旅歸誠臣謹具

題仰祈

睿鑒事竊照江西岐界餘孽未平經臣

題請會勦奉

旨依議速行臣即遣發官兵密示機宜勦撫並用所有屢

次獲捷并恢復地方情形業經

題報在案惟有偽揚烈將軍程鳳擁眾數萬偽設內五

李文襄公奏疏卷七

招撫揚烈

六

管外五營及城守水師衝鋒遊兵奇兵親隨戎旗等

共二十餘營屯踞德興等處拒守險隘臣於康熙十

五年十一月初旬因江西官兵尚未前至總屬

朝廷封疆不敢岐視當經頒發諭劄令臣標參將蔣懋勛

相機勦撫隨於十一月二十一日據該參將塘報偽

將軍程鳳接奉招撫諭示已願輸誠并據程鳳呈覆

在案後因逆首馬鵬侵犯白沙關外臣即密飭瑞安

管副將武榮等殺賊敗逆於十一月二十九日直抵

德興連破一十三寨活擒馬鵬逼臨偽將軍程鳳巢

穴此時程鳳又差偽官李雲馬奇持書到該副將等

營詞稱已蒙招撫效順不必進兵等情據該副將等

轉報前來臣隨密飭廣信開常等處防勦將領按兵

駐境相機招撫并確探情形不時飛報以憑調度在

案於康熙十六年正月二十四日承准奉命大將軍

和碩康親王諭開據揚烈將軍程鳳啓稱敬奉本親

王諭到即擬差員齎遞遵依奈關隘阻隔又奉揚威

大將軍和碩簡親王總督江西董部院平寇將軍石

和碩額駙總督江南阿部院諭令併總督浙江李部

院手札各招撫前來今奉諭令遠頒恩恤至再其劄

印若即繳換恐一旦無以約束士心仰祈鑒原先將

李文襄公奏疏卷七

招撫揚烈

七

家口安插或於德興或於廣信俾有所依并祈知照

江西江南浙江部院便風馳赴面繳劄印等語照得

揚烈將軍程鳳既願赴本親王軍前歸誠所有家口

該督於文到之日或於德興或於廣信着議安插務

期得所以便該將軍馳赴本親王軍前親繳印劄可

也該督仍移知江西總督為此特諭到臣承此臣即

移會江西督臣并行偽將軍程鳳令其開報官兵家

口實數以便安插遣遣外委都司金滿斗等齎文前

往招諭去後據金滿斗等回稱奉令於二月初五日

到揚烈將軍處授文彼稱江南江西俱有文書前來

招撫願來浙江投誠等語正在酌行間不意程鳳於二月初十日身故理合稟報等情臣查程鳳自上年十一月內卽據有願來歸誠之稟到臣又具啓大將軍康親王請就安插已經三月有餘尚未撤兵開剌今據報病故恐各僞官兵衆心不一復生變故臣一面頒發各僞總兵諭帖以程鳳之矢忠歸誠皆由將士同心效順今主帥雖亡而諸營各有統領若能率先向化仰體

朝廷懷遠之仁自當加意撫綏咸俾得所倘欲於江西江南就撫者總屬一體聽從其便但宜早爲決策以遂

李文襄公奏疏卷七 招撫揚烈 八

前功勿因軍中無主懷疑觀望又遣衛協都司俞書夏必成外委都司金滿斗等齎諭前往相機招撫一面調遣江南提標遊擊任九玉帶領官兵前赴廣信會同督標守備段斌等各整兵馬示以形勢又照會饒南總兵官高登科令其會合浙省官兵并同該地方官協力撫戢俱各分行去後隨據都司俞書夏必成等報稱卑職等奉令於二月二十六日至德興十五都關上接有僞將軍之妻王玉貞掌管僞揚烈將軍印務差僞守備李虎等在關把守據稱我家有內五營外五營還有六師管城守營及衝鋒奇兵遊兵

親隨戎旗等共二十餘營現在爲程將軍修薦等語卑職等將諭帖令其分發各僞員併要進關親見招撫至三月初三日掌僞將軍印務王玉貞令僞總兵譚勝差僞參將李壽先等前來口稱願來浙江歸誠力辭不必進見三月初八日掌僞將軍印務王玉貞又差僞總兵譚勝楊彪親來面會口稱蒙浙江部院招撫洪恩感願傾心向化但程將軍甫於二月初十日身故各營現在修薦容俟事畢卽來歸誠今掌印王將軍差員王子管曹勝前赴浙江部院軍前面陳納款譚勝等均各備有呈稟現在等情卑職等卽同

李文襄公奏疏卷七 招撫揚烈 九

王子管等於三月十一日赴衛呈覆前來臣閱各僞總兵葉廷桂等稟稱程鳳甫經身故容俟修薦事畢卽來歸誠並無繳送印劄的期隨經剴切發諭各僞總兵等既稱向化卽當剋期來歸毋得遲延逾限并傳僞員王子管等面加撫慰多方開導限定日期齎文回覆去後於三月二十二日據掌僞揚烈將軍印務王玉貞呈稱奉本部院招撫卽傳諭各營實在官兵六萬七千三十二員各一體遵諭歸順懇乞本部院差員赴營以便卽繳印劄等情又於三月二十五日據僞總兵葉廷桂等呈稱復奉本部院頒諭諄切

不敢逾限遵卽率領官兵并各家口於三月二十日已至廣信姜歷村地方候示安插等情臣據報官兵衆多自德興廣信玉山常山以至衢州道路遙遠經過地方恐致騷擾且沿途支應口糧浩繁浙省一時未能盡數安插勢難令其枵腹必致多費錢糧隨令外委都司金滿斗等前往傳諭既經效順應聽隨便安插如有土著官兵不願遠離故土者卽便分發回籍有願赴江西投誠者總屬一體聽從所便又頒諭投誠各總兵約束兵丁嚴禁騷擾并分飭調防廣信接浙江南提標前營遊擊任九玉督標守備段斌嘉

李文襄公奏疏卷七

招撫揚烈

十

興管守備薛受益廣信府知府高夢說等調防江西玉山縣紹協都司朱士俊委署玉山縣知縣張偉烈調防常山縣督標叅將蔣懋助常山縣知縣袁鎔等令其會同料理逐程接護併隨便安插所過地方務令秋毫無擾并令臣衙門筆帖式他海巴達外委都司包秉彝段澄陳嘉績協同催造料理均各分行去後又據饒南總兵官高登科塘報三月十八日德興勦賊二十一等日偽總兵譚勝等投誠隨經臣照會該鎮據掌偽揚烈將軍印務王玉貞并偽總兵葉廷桂等呈報於三月二十日率領官兵已至廣信姜歷

村地方該鎮卽安坡餘衆以靖地方等因今據掌偽揚烈將軍印務王玉貞率領偽官兵於四月初二日到玉山縣初六日到常山縣因投誠官兵衆多接護各將領并府縣各官遵臣飭行隨路分發安插至四月十三日赴臣軍前據王玉貞呈稱康熙十五年十一月內蒙本部院頒諭招撫程鳳矢心效順業已備悉陳情緣抱沉疴未及起行至康熙十六年二月初十日病故荷蒙本部院差都司金滿斗等開誠曉諭三軍感激莫不踴躍傾誠隨差王子管等具報在案復於三月十九日奉本部院檄催限期嚴切玉貞遵

李文襄公奏疏卷七

招撫揚烈

十一

卽率領官兵於次日黎明就道全師歸誠除康熙十五年十一月內奉本部院招撫程鳳回報投誠轄下浮梁祁門婺源東流建德都昌鄱陽樂平餘干安仁萬年等處陸續解散回籍官兵八萬三千有奇今臨行所有官兵六萬七千三十二員名奉本部院推誠招諭令將逆藩靖南王原給饒州偽總兵官程鳳勅文一道偽揚烈將軍程鳳勅文一道偽將軍銀印一顆偽副將叅將銅關防六顆各總兵副叅等官偽劄付三百八十三張偽王令旗牌二面偽令箭五枝偽大纛一面坐纛二面偽高照一面理合呈繳等情又

據投誠總兵葉廷桂楊彪孫震等呈稱程鳳舊蒙康親王令諭暨本部院撫示已經傾心效順回報在案不幸身故未克報效以軍中不可無人統束咸推程妻王氏玉貞掌偽將軍印務嗣奉本部院差員往返願諭招撫王玉貞即傳集通曉翁然向化樂平高總兵兵臨德界王玉貞以議定歸誠未敢交鋒比即檄令各鎮營進剗花林雙溪等處聽候示下於三月十九日奉檄限期隨即率眾就道雖三軍踴躍來歸皆由本部院推赤之至有以悅服人心而玉貞洞知大勢向化獨殷懇

李文襄公奏疏卷七

招撫揚烈

十二

題優敘等情前來臣逐一面諭我

皇上浩蕩洪恩好生德意各皆竊給銀牌花紅袍帽牛酒無不踴躍惟快誓死無二至能齋臣招撫諭示往返宣布克著勤勞者係臣標外委都司金滿斗張文福張龍胡茂盛曹大偉王家榮馬金龍孫文豹劉永捷外委守備宋邦傑隨征部劄衛千總下佳衛協都司僉書夏必成外委把總徐龍西安縣糧判司巡檢胡應龍投誠効用參將張見可也其能奉臣指示機宜整率官兵駐師境上以撫兼施并沿途防護約束者係臣標參將蔣懋助太湖營遊擊姚世熙撫標遊擊

李文襄公奏疏 卷七

胡上達援浙江南提標前營遊擊任九玉紹協都司僉書朱士俊臣標守備段斌嘉興營守備薛受益湖協千總池崗把總田彪臣標把總楊啓明呂仁義太湖營把總李繼春江南提標把總陸貞并各營外委千總趙秀蔣卿外委把總董茂那一虎也其能奉臣飭行協同招撫并供應催辦糧料夫船沿途安插得宜者係廣信府知府高夢說照磨柴鳳屏典史程思亨委署玉山縣知縣張偉烈署典史王瑩常山縣知縣葉銷訓導莫家顧典史彭士成臣衙門筆帖式他海巴達外委都司包秉彝段澄陳嘉績也除將在事

李文襄公奏疏卷七

招撫揚烈

十三

有功人員并繳到偽勅印劄付等項現在造冊揭送吏兵二部查核外該臣看得偽揚烈將軍程鳳擁眾數萬偽設二十餘營屯踞江西德興等處臣奉旨會勦於康熙十五年十一月間已據程鳳有願來投誠之稟是以撥兵駐境飭行將領相機招撫又於康熙十六年正月間承准大將軍和碩康親王令諭據程鳳啓報請就安插臣隨差員前往傳諭雖據口稱歸順然遷延日久猶據德興堵守隘口後據報程鳳身故伊妻王玉貞掌偽揚烈將軍印務臣慮復有變動一面密飭駐防廣玉開帶各汛將領任九玉等整頓

三一九

兵馬示以形勢并照會江西饒南總兵官高登科會同撫賊一面遣員齎檄分諭各營偽總兵等往返開誠曉示隨於康熙十六年三月十一日據掌偽揚烈將軍印務王玉貞差偽員赴臣軍前納款尚以追薦為詞冀緩時日臣經面加慰諭多方開導限期前去即於三月二十日王玉貞率領偽官兵至廣信姜歷村候示安插臣念全旅歸誠兵眾路途遙經過地方恐致騷擾且沿途需給口糧為數浩繁浙省投誠業已衆多再盡數來浙難以一時安插隨即差員星往曉諭既經就撫應聽隨便安插如有土著官兵不願遠

李文襄公奏疏卷七

招撫揚烈

十四

離故鄉者即便分發解散各令得所併行地方文武官弁隨路安頓於四月十三日赴臣軍前投誠呈繳偽勅二道偽將軍銀印一顆偽銅關防六顆偽割付三百八十三張併偽旗牌令箭等項據王玉貞呈報投誠偽官兵六萬七千三十二員名今查冊開偽官兵數目除解散赴江西江南投誠外實在偽官三百四十八員家口四百七十七名口偽兵三萬一千二百四十三名內有沿途願辭回籍者已經隨便解散其在常山等處辭回者俱經給照歸農其帶赴衢州者現在逐一分發安插此皆仰賴

朝廷洪福大將軍和碩康親王德威致德興偽眾全師就撫鄰境漸清所有齊臣諭示往返宣布克著勤勞之外委都司金滿斗等奉臣指示機宜整率官兵勦撫兼施并沿途防護約束之叅將蔣懋勛等協同招撫并供應糧料安插得宜之廣信府知府高夢說等均能盡心招撫綏靖地方功勤難泯至偽揚烈將軍程鳳在日雖有投誠啓稟尚未撤兵開刺今身故之後伊妻王玉貞接掌偽印乃能傾心效順同偽總兵楊彪葉廷桂等各偽官率領大夥偽弁兵家口遠赴投誠非尋常就撫者可比仰祈

李文襄公奏疏卷七

招撫揚烈

十五

勅部破格議敘以鼓向化除尚有椒巖洞等處未就撫賊首陳崑山等現在調度官兵勦撫外臣謹密

題伏乞

皇上睿鑒施行

康熙十六年四月二十二日題奉

旨覽卿奏招撫到程鳳之妻王玉貞率眾投誠可嘉着議奏該部知道

請蠲被兵地方錢糧第二疏

總督浙江等處地方軍務兼理糧餉兵部左侍郎兼都察院右副都御史從二品臣李之芳謹

題為殘疆困苦已極難民號救堪憐謹遵

恩詔亟

請蠲賑大沛

皇仁以救百萬生靈事據浙江布政司布政使李士楨呈詳到臣除賑濟各府屬難民給過銀米細數咨候另冊送部外該臣看得浙省衢溫處等府屬江山等縣衛所因地方新復田土拋荒賦稅盡從徵解經臣

李文襄公奏疏卷七

再請蠲免

十六

欽遵

恩詔會疏

奏請蠲免部覆以恢復各縣衛所內有失陷日久亦有失陷未久令臣等再行確查分別具題再議遵即備行布政司遵照去後茲據司府縣衛所各官歷敘失陷月日援引閩省蠲免之例剴切詳籲前來臣覆查前疏所

題皆係失陷最久地方如衢屬之江山常山二縣西安之下洲等處及衢州所龍游之南源等處金屬湯溪之三源等處嚴屬遂安之附近開常都督處屬松陽

雲和遂昌龍泉慶元景寧六縣溫屬永嘉瑞安平陽

泰順四縣皆於康熙十三年四五六七等月失陷至康熙十五年八九十等月恢復如衢之開化溫之樂清處之青田皆係旋復旋失至康熙十五年八月十月始得全復以上失陷恢復日期俱及三年不為不久賊眾恣行殺掠更加逼餉苛徵百姓之死於鋒鏑死於飢寒死於刑拷者不可勝計一村之中或向有數百戶者今止存數十戶矣一家之中或向有數口者今止存一二口矣其室廬則平為賊寨其田畝則掘為濠溝今雖地方平定百姓皆鵠面鳩形僅存殘

李文襄公奏疏卷七

再請蠲免

十七

喘日食不給牛種無資拋荒之土無力開墾若不亟加撫綏難望漸臻生聚伏讀康熙十四年十二月十四日

恩詔內開用兵地方民力重困蕩平之後各該督撫將應行蠲免賑恤事宜即行奏請普天之下莫不感頌

皇仁浙省難民當萬死一生之餘仰奉

綸音欣欣相告冀獲甦息查福建一省新舊錢糧已荷天恩槩行蠲免浙閩聯界失陷歲月原屬相等且閩民惟遭橫徵逼餉之苦而田廬尙完妻子尙在未若浙民之處處戰場無地可避妻子離散田廬蕩然白骨盈

郊荆榛滿目慘焉如此其甚也伏惟

皇上視民如傷凡有水旱災荒輒蒙破格獨賑今江山等各邑殘黎奄奄待斃更非尋常災荒可比如康熙十五年以前錢糧地方正為賊踞民間人布斗粟搜掠無遺原已不可復問其康熙十六年錢糧見存戶口寥寥無幾幸賴

天威救之水火之中必得大沛

皇恩庶以延其將絕之命若按籍徵輸則窮民已無產業可懸勢必轉徙他鄉徒成紙上之逋欠其無濟於度支究與蠲免無異迨至地方凋疲難以挽回必須仍

李文襄公奏疏卷七

再請蠲免

六

議獨恤不若保全於今日猶可漸次休養望有起色臣等身任封疆因念軍需浩繁自當悉心籌畫浙省用兵數載其未經失陷地方與失陷未久旋經恢復地方如東陽永康等處但可設法徵輸無不殫力董勸各年額賦未至大虧若此恢復最晚殘破最甚地方小民救死不暇雖欲追呼敲扑實係無法可施伏乞

皇上俯念浙民困苦已極

允臣前疏所請將江山等各縣衛所康熙十六年并以前一應本折正雜錢糧照開省事例槩

賜蠲免容臣等一面招徠開墾分別荒熟酌量

題明起徵保全百萬生靈將來得以力田供賦

國計民生均有裨益矣臣謹會同撫臣陳秉直合詞具題事關錢糧困苦已極情形遵

詔備陳貼黃難盡伏乞

皇上全覽

勅部議覆施行

康熙十六年六月二十七日題奉

旨該部議奏

李文襄公奏疏卷七

再請蠲免

七

勦撫巨寇陳山疏

總督浙江等處地方軍務兼理糧餉兵部左侍郎兼都察院右副都御史從二品臣李之芳謹密

題為鄰省岐界巨寇勦撫肅清臣謹具

題仰祈

睿鑒事竊照江西巨寇偽總兵陳山即陳崑山等屯踞椒

巖洞等處臣一面調度勦撫先經

題報在案惟是椒巖洞地方東通開化南通玉山山西通

德興山徑叢雜皆係羊腸鳥道騎不能行最稱要險

今逆賊陳山等盤踞此地堵拒隘口乘間四出劫掠

李文襄公奏疏卷七

勦撫巨寇

二十一

近地百姓不寧若非先勦後撫賊眾倚恃險阻未肯革心歸命臣隨調度官兵令駐防常山臣標前營參將蔣懋勛太湖營遊擊姚世熙等援防玉山紹協都司朱士俊等援防廣信江南提標遊擊任九玉等由玉山進劄童家坊各路又令駐防開化撫標遊擊胡上達江南提標遊擊崔天福等由開化進劄十七都各路整頓兵馬密示機宜先將賊寨口子攻破奪取險要迅速飛報再聽調度去後據參將蔣懋勛等報於康熙十六年四月十九日進攻洋塘金竹坑袁嶺連捷三次陣斬偽副將參遊都守千把等官并偽兵

一千餘名生擒逆賊董奇等六名得獲關防劄械等

情臣查官兵連破賊寨直逼陳山老巢賊已破膽隨

即申飭各將領在開化進兵者堵截東路在玉山進

兵者堵截南路皆示以連營直前之勢一面令外委

都司金滿貴隨征官陳捷駿等冒險深入陳山賊寨

齋臣諭示宣布

皇仁往返開導始據陳山差偽員高起龍赴臣軍前稟稱

蒙差官節次宣諭招撫當同參遊都守等官俱已遵

諭歸順共計官兵三千有餘候撥人夫口糧即便馳

赴軍前等情臣即分飭參將蔣懋勛遊擊胡上達姚

李文襄公奏疏卷七

勦撫巨寇

二十一

世熙守備薛受益等令其逐程接護所過地方無致

騷擾又經臣發去銀兩交金滿貴等就近協同地方

官採買糧米支給口糧均各分行去後於五月二十

六七等日據偽總兵陳山偽參將陳祿等赴臣軍前

投誠臣逐一宣布

皇恩各皆竊賞分別入伍歸農就便安插除將在事進勦

獲捷人員及冒險入山往返宣諭招撫有功之外委

都司金滿貴等整率官兵勦撫兼施并沿途防護約

束之參將蔣懋勛等沿途接護催趨糧料之外委都

司王來聘等供運糧料安插官兵之開化縣知縣崔

華等并投誠各官殺到偽劄關防數目現在造冊揭送吏兵二部查核外該臣看得江西巨寇陳山等屯踞椒巖洞等處巢穴險固路通開化玉山德興乘間四出流毒人民倚恃山溪徑狹堵拒隘口若非先勦後撫地方無由寧靜臣飭行防援常山開化玉山廣信各將領分道竝進密示機宜隨經參將蔣懋勛遊擊姚世熙任九玉等先取洋塘金竹坑袞嶺一帶賊寨口子陣斬偽副參遊都守千總等員并偽兵一千餘名奪取險隘直逼陳山等老巢但椒巖洞等處素稱奇險仄徑崎嶇馬不能行非旦夕可破隔省饋運

李文襄公奏疏卷七

勦撫巨寇

十一

糧料艱難恐致勞師糜餉今乘賊寇破膽可以因機招撫一面申飭將領於開化玉山兩路進口之處連營整旅扼其衝要一面遣外委都司金滿貴等齎諭入山往返開導當據偽總兵陳山統偽參遊等率眾自開化一路至衢投誠偽參將陳祿統偽都守等率眾自玉山一路赴衢投誠呈繳偽劄關防通計偽官一百餘員偽兵解散歸農及現在收伍安插者共二千一百餘名所有在事人員進勦獲捷及相機招撫接應糧料均有勤勞合將勦撫情形臣謹密疏題報伏乞

皇上睿鑒施行

康熙十六年七月二十六日題奉

旨覽卿奏遣發官兵於洋塘等處地方勦殺賊寇陣斬偽副將等又招撫偽總兵陳山等具見調度有方將士奮勇可嘉在事有功人員着議敘具奏兵部知道

李文襄公奏疏卷七

勦撫巨寇

十一

請卹殉難將弁疏

總督浙江等處地方軍務兼理糧餉兵部左侍郎兼
都察院右副都御史從一品臣李之芳謹

題為將弁殉難可憫仰祈

特恩優卹以慰忠魂事據浙江布政司布政使李士楨呈
詳看得樂清副將蘇木代當賊踪逼臨堅守孤城抗
志不屈遂遭賊害并戮其家丁陳雙丁等五人其餘
眷屬盡被分拆一腔忠勇千古不磨又處協把總左
朝極駐防景寧縣當逆寇侵犯之時罵賊鏖戰捐軀
報

李文襄公奏疏卷七

請卹殉難

三四

國與兵丁崔應龍等四名殺賊陣亡似此勁節擬合一
併詳請具

題請卹以慰忠魂等因到臣該臣看得原任樂清營副
將蘇木代當逆踪逼臨堅守孤城抗志不屈遂為賊
殺家口五人俱遭慘害其餘眷屬盡被分拆今據伊
子蘇萬城等籲控臣批據寧紹道查覆又原任處協
把總左朝極當逆寇蜂擁侵犯該弁罵賊鏖戰捐軀
報

國與兵丁崔應龍等四名殺賊陣亡據景寧縣具文通
詳臣俱批行布政司確議茲據該司詳覆前來臣查

副將蘇木代把總左朝極殉身報

國忠貞可憫仰祈

皇上勅部議卹以慰忠魂至蘇木代所遺家口臣欽遵
上諭凡殉難文武大小官員骸骨妻子俱准動正項錢糧
資送歸里現在量給路費酌撥夫船令其扶輓回籍其
左朝極下陣亡兵丁現行布政司查明馬步歸入彙
報陣亡兵丁冊內外合併
題明臣謹會同撫臣陳秉直提督臣石調聲合詞具
題伏乞

勅部議覆施行

李文襄公奏疏卷七

請卹殉難

三五

康熙十六年八月二十一日題奉

旨據奏蘇木代等抗賊殉節忠貞可憫作何恩卹着從優
議奏該部知道

加秩謝 恩疏

總督浙江等處地方軍務兼理糧餉兵部尚書兼都察院右副都御史正一品臣李之芳謹

奏為恭謝

天恩事臣於康熙十六年九月初四日准吏部咨為欽奉
上諭事文選清吏司案呈奉本部送吏科抄出該本部覆

兵部題前事等因康熙十六年七月十九日奉

旨李之芳着加兵部尚書仍兼都察院右副都御史授為

正一品照舊管事欽此欽遵相應移咨并粘抄原疏到

臣准此臣恭設香案望

李文襄公奏疏卷七

加秩謝恩

三六

闕叩頭謝

恩訖竊惟封疆有事殫心竭力乃臣子之常分况臣服官

以來叨蒙

皇上知遇迥逾常格自宜勉効涓埃以報

高厚深恩惟愧疎庸未諳軍旅驟當艱鉅之任常以隕越

為憂仰藉

皇上天威

廟謨制勝三年戰守所向克捷賊勢既蹙一朝蕩平亦賴

文武大小各官咸盡忠勤地方克平獲免罪戾已為

萬幸何敢言功茲蒙

皇恩議敘

賜加崇秩撫躬自愧實屬踰分伏念浙省內地雖稱平定

而游島餘氛尚在不時飄忽新復地方殘黎困苦元

氣未復投誠之眾實繁有徒鷹眼未化臣忝膺重任

夙夜焦思惟恐有負職守

寵榮愈厚報稱愈難臣雖捐糜頂踵不足仰酬

天恩於萬一臣無任感激惶悚之至謹具疏恭

謝伏乞

皇上睿鑒施行

康熙十六年九月十三日奏奉

李文襄公奏疏卷七

加秩謝恩

三七

旨該部知道

調回江南援浙官兵疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為酌撤援浙官兵回汛以節省糧餉事竊照康熙十三年間閩省變亂侵犯浙疆斯時勦禦兵單經前任鎮浙將軍臣圖喇移咨江南督臣阿席熙調發江南提標狼山鎮標共兵一千名各遠遊擊一員統領赴浙援剿又准兵部咨移調發京口隨旗綠旗兵丁及兩路鎮標綠旗兵丁三千名并江南提標綠旗兵丁二千名令原副都統今補福建提督臣段應舉統領

李文襄公奏疏卷七

調回官兵

三十八

來浙與總理糧餉侍郎臣達都等會商策應所遺兵缺令募補足額事平之日將補兵仍額外留營等因奉

旨欽遵在案自康熙十五年八月間大兵進閩福建提督臣段應舉統領本標官兵隨征將京松五營官兵留浙防勦移咨聽臣統轄臣隨移商總理糧餉侍郎臣達都接准咨稱浙省官兵多隨大兵進剿尚未回浙現今寧台溫等處海疆多事需兵防禦京松各營官兵仍應存浙等因在案今臣標五營併浙省各營官兵有隨奉命大將軍和碩康親王入閩及現在江右

遵

旨勦撫各寇者俱未回汛寧台溫一帶海氛未息臣於密報海逆情形等事疏內

題報在案近復毒據報賊船往來洋面或停泊外港聯踪飄忽狡謀叵測捍禦正殷浙省投誠不止數萬隨地安插必資重兵彈壓庶使鷹眼漸化但當此軍需浩繁凡可節省錢糧裨益

國計者宜早為籌畫雖當海疆多事但地方汛守當責成本省經制官兵盡心防禦臣屢經中飭沿海將領嚴謹固圍俟援剿閩江官兵回汛酌有汛廣兵單之處再為分撥協防所有京松各營官兵似可調回江南

李文襄公奏疏卷七

調回官兵

三十九

南極兵省餉隨經啓請奉命大將軍和碩康親王奏諭京口營遊擊張宏弼官兵一千員名現留防浦城等處要汛未便撤調其餘在浙京松各營官兵應行調回可也等因併移准將軍臣馬哈達咨覆前來該臣看得江南京口松江各營官兵調援浙省歷著戰功自上年大將軍和碩康親王統師進閩將此各營官兵分佈浙江沿海與閩江聯界各路防勦今浙省地方雖海氛未息賊踪飄忽閩江餘寇勦撫未竣投誠衆多始經革而凡係要地尚須彈壓故邊疆將領

舟以汎廣兵單為請但今日地方事勢投之往日業已不同且各兵兼支行坐糧餉所費浩繁當此需用錢糧之際臣敢不悉心籌畫力圖節省惟今調援閩江官兵尚未回汎援勦鎮官兵又經奉裁目前浙省現在之兵佈置汎守雖未能周密臣自當多方調度整飭嚴防以固疆圉若撤回前項客兵歲省金錢數萬亦可稍裨

國用除遊擊張宏淵一營官兵奉康親王諭仍留浦城外其餘各營官兵五千餘員名應

請調回原營臣謹密疏具

李文襄公奏疏卷七

調回官兵

三十一

題伏乞

勅部議覆施行

康熙十六年十月初三日題奉

旨兵部確議具奏

招撫鄰省渠寇疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為鄰省渠寇歸誠岐界餘氛漸盡臣謹具

題仰祈

睿鑒事竊照江西岐界餘孽自經臣

題請會剿以來凡應勦撫事宜臣皆多方調度總期靖寇安民務俾地方早得寧靜案將屢次勦撫情形具疏

題報在案惟尚有偽總兵林爾瞻等擁眾數萬屯踞江

李文襄公奏疏卷七

招撫巨寇

三十一

西鉛山縣石壠地方倚恃萬山叢雜道路崎嶇隘口險峻據為巢穴兼之壠內聚集屯民糧草有資又通連廣信上饒永豐一帶及福建分水關光澤縣等處出沒剽掠負固日久案經奉命大將軍和碩康親王差投誠總兵柯俊齋諭招撫據稱願赴臣軍前投誠虛詞支飾而拒險肆掠如故據調防鉛山臣標守備龔堂等飛報近日林爾瞻等復加造木城修築臺寨挑濠造砲防禦甚嚴更乘間四出劫掠近地百姓不獲安寧臣因林爾瞻等雖稱願來投誠但狡情難測非震以兵威未肯革心向化臣隨飭令江南提標遊

擊任九玉等臣標守備段斌等由廣信一路進兵臣
標守備龔堂江南提標守備路雲昇等由鉛山一路
進兵臣標參將蔣懋助饒承德等由常山一路進兵
密授各將領方畧令將賊寨四面口子盡行堵截斷
其趨道再聽調度去後嗣又奉大將軍康親王令諭
內開逆賊林爾瞻等聚集亡命不啻數萬崇山峻嶺
隘口繁多飛調官兵於鉛山湖坊等處嚴守要口訂
期會剿庶山寇可靖而三省界地可寧仍卽一面轉
咨江西總督速令官兵前赴鉛山湖坊等處嚴守隘
口訂期夾剿等因到臣承此臣一面移咨江西總督

李文襄公奏疏卷七

招撫巨寇

三十一

董衛國一面飭行官兵訂期夾剿但念石隴處萬山
之中進徑最險官兵隔省齋難搜剿恐致曠日持久
勞師糜餉臣隨令外委都司王國賢趙宗文苟輔達
劉永捷段澄包乘彝陳嘉積外委守備沈榮祖齋臣
諭示入山臣標參將蔣懋助守備龔堂段斌江南提
標遊擊任九玉守備路雲昇輕騎徑進冒險入寨宣
布

皇恩開導禍福林爾瞻等尚游移其詞託以部曲屯民家
口衆多未能一時出山臣據報文復飭外委都司王
國賢等參將蔣懋助等深入老巢委曲招諭始據林

爾瞻差偽員李世榮等齋稟同王國賢等前赴軍前
納款臣當傳偽員李世榮等面加獎賞再令王國賢
等同委員李世榮等前往撫慰又檄令參將蔣懋助
等防護約束經過地方毋令騷擾又檄令常山縣知
縣袁鎔等供運糧料遣備船隻去後隨據林爾瞻率
偽副總兵林啓侯偽兵備道許鵬偽知府蕭岸偽同
知張雄許贊偽通判趙斯玉余致遠以及偽副參遊
都守千等各偽員於康熙十六年九月初一日出山
因隨帶官兵家口衆多一路安頓至初八日到臣軍
前呈繳偽印劄投誠據林爾瞻稟稱轄下偽官兵共

李文襄公奏疏卷七

招撫巨寇

三十二

計有四萬五千餘員名內各官兵原籍多有江西浙
江福建江南等處不等茲奉招撫俱皆剃髮一面遵
諭隨便解散惟是兵衆甚多除現到軍前之外其餘
官兵作何安插請示前來臣卽頒賞銀牌袍帽等項
復令王國賢等同林爾瞻前去會同廣信府地方各
官多方安頓願回原籍者聽其隨便解散願就近居
住者卽行分發安插願効用人伍者仍准効用收伍
毋致失所去後今據廣信府知府高夢說報稱奉令
遵卽關委同知李渾通判楊照前往鉛山同知縣曾
光龍并委署照磨柴鳳屏上饒縣縣丞龔戴銓與安

縣典史郭世鞏赴同料理分發安插投誠官兵今准同知李渾關覆查林爾瞻等偽營官兵甚衆隨會同參將蔣懋勛遊擊任九玉外委都司王國賢趙宗文等齊赴虎頭門石壠一帶地方將偽官兵各行分發解散其往浙効用入伍官兵會同督糧通判楊照捐措銀兩令鉛山縣知縣曾光龍上饒縣縣丞龔戴銓與安縣典史郭世鞏分途催覓人夫船隻起送赴衢其願回籍偽官兵及家口人等即令各歸原籍願就近屯種者即各給印票聽其屯種仍行各地方官管轄加意撫綏俾其得所至於被陷偽營難民男婦子

李文襄公奏疏卷七

招撫五寇

三四

女通示曉諭令親屬赴認逐一量給鹽米當堂認領等因關移到府界府查投誠官兵衆多自鉛山起發路由上饒玉山二縣經過預行二縣催覓人夫接應上饒縣知縣馬之駿委署玉山縣知縣張偉烈捐資催夫起發無誤相應一併彙請議敘今招撫事竣合將分發安插數目造冊呈送等情前來據此所有冒險入山招撫有功之外委都司王國賢等參將蔣懋勛等領兵接應協同招撫之參將饒承德等安插得宜之廣信府知府高夢說等供運糧餉催趨船隻之常山縣知縣袁銜等并偽員官兵數目印劄等項見

在另冊揭送吏兵二部查核外該臣看得江西渠逆偽總兵林爾瞻等擁衆數萬盤踞石壠地方倚恃叢山溪險壠內聚集屯民足供資糧外則四路旁通易於出沒負固日久抗不歸命肆出焚掠流毒地方先經奉命大將軍和碩康親王差官齎諭招撫雖據林爾瞻等稱願赴臣軍前投誠但遷延數月並未剃髮出山拒守劫掠如故臣隨調集官兵四面堵截又奉大將軍康親王有會勦之令臣一面移咨江西督臣董衛國訂期會勦但念溪山峻險官兵隔省齎糧進攻恐非旦夕可平隨令外委都司王國賢等齎臣諭

李文襄公奏疏卷七

招撫五寇

三五

示臣標參將蔣懋勛等輕騎徑進各冒險溪入老巢再三往返委曲開導始據偽總兵林爾瞻偽副總兵林啓侯統率偽官兵赴臣軍前呈繳偽牌劄關防傾心向化除隨便解散偽官兵不開外實計招撫偽官一百餘員偽兵二萬三千八百餘名願効用入伍者即分發在浙標營願就近歸農者俱令廣信府知府高夢說等逐一安插所有在事人員成能遵臣調度冒險入山領兵接應協同招撫供應糧料安插得宜查石壠距浙界三百餘里前江省官兵到汎尚少浙省官兵堵禦賊寇保護生民間警星馳多方偵備已

非一日其零星勦獲臣皆據報獎賞不另請敘今會
兵四進率能招撫來歸不避艱險而投誠之衆其及
數萬安插供應各地方官備極勤勞其功均難泯沒
伏乞

勅部一體議敘以鼓任事之心至江西饒廣一帶向因山
寇盤踞道路阻絕臣以浙江江西懸境若鄰界餘氛
未淨則浙地伏莽堪虞是以

題明會勦惟念尺土皆

朝廷之封疆一民皆

朝廷之赤子不致復分畛域凡可就近勦撫無不悉力而

李文襄公奏疏卷七

招撫巨寇

三六

行今廣信以及饒州各屬次第就平尚有未靖餘孽
江西官兵見在搜勦各屬地方皆有本省經制官兵
到汛前請發赴援之江南各營官兵已經臣另疏請
撤以省糧餉浙省官兵亦當還浙彈壓衝要地方并
資沿海應援臣見在酌量陸續調回外合將招撫渠
寇情形謹密疏

題報伏乞

皇上睿鑒施行

康熙十六年十二月初八日題奉

旨覽卿奏招撫到鄰省偽官一百餘員兵丁二萬餘名可

嘉若議敘具奏該部知道

李文襄公奏疏卷七

招撫巨寇

三七

請蠲被兵地方錢糧第三疏

總督浙江等處地方軍務兼理糧餉兵部尚書兼都察院右副都御史正一品臣李之芳謹

題為殘疆困苦已極難民流救堪憐謹遵

恩詔亟

請蠲賑大沛

皇仁以救百萬生靈事據浙江布政司布政使李士楨呈詳看得浙省慘遭閩變被陷郡邑直至康熙十五年八九月陸續恢復皆緣界近閩疆自康熙十三年一罹變亂先遭淪陷遂致三載之久如溫州之五縣

李文襄公奏疏卷七

三請蠲糧

三六

與處州積復之七縣市塵拆毀房屋蕩傾貲財竭於橫徵錙銖盡於酷斂夫役繁而百死一生追呼急而十室九空此兩府地方無不被陷之鄉都百姓苦累皆係至重而無輕也至衢之江常開與西安縣之鄉都下洲大溝百靈等處龍游縣之南源各都遂安縣之五六等都湯溪縣之三源等都亦係康熙十三年被賊屯踞直至康熙十五年八九月方得恢復其遠近各都田疇荒廢廬舍灰燼或一都之內丁口鮮存或一里之中爨煙全斷山林日堆白骨風雨夜泣青燐又溫州衛屯田坐落平陽各都衢州所屯田坐落

西安各都失陷之後丁佃逃亡雖招徠一二子遺棲身無處牛種全無夫賦稅必問諸人土今人戶流離田園荒廢職斯土者安能起白骨而追呼向荒野而徵此此在前所開地方皆屬被陷苦累實係至重而無輕也當此

國用浩繁之日本司非不欲擇其受累之輕者而亟行催徵其柰溫處各屬與江常開等各縣溫衢衛所并西龍湯遂等縣都畝原屬陷累最久招集遺黎皆係鋒鏑餘生湯火殘命家家絕粒戶戶啼飢自宜援閩省全免之例亟予

李文襄公奏疏卷七

三請蠲糧

三九

題蠲且康熙十五年捧接

恩詔內開用兵地方民力重困蕩平之後各該督撫將應行蠲免賑恤事宜即行奏請煌煌

天語炳若日星待澤綏黎朝夕引領合亟詳請本部院俯將原題衢溫等府城鄉全陷之江常開永樂瑞平泰青松遂雲龍慶景等十五縣并西龍湯遂湯之積復各都溫衢衛所失陷困苦情由亟請具

題務期允將康熙十六年暨十五年從前一應新舊起存地丁雜稅漕屯糧米槩予豁免廣佈

皇恩則不特見在殘黎獲甦遺命即未集流亡亦可望其

漸次來歸新舊荒田亦可冀其逐漸墾闢其於

國計民生大有裨益矣等因到臣該臣看得康熙十五年正月十二日欽奉

恩詔川兵地方民力重困蕩平之後各該督撫將應行蠲免賑恤事宜即行奏請臣等恭誦

諭音伏念百姓雖遭兵革異常之害荷蒙

皇上如天之仁湯火殘黎咸有更生之慶其時浙屬溫處等地方尚未恢復而

天聲遠播民間忻幸永望者久矣及康熙十五年八月以後郡縣相繼恢復城郭空虛人民無幾

李文襄公奏疏卷七 三請蠲免 四十一

國家數十年休養生息一旦蹂躪至此慘傷萬狀不忍

見聞臣等思平賊之後事之重大而最急者惟有仰遵

恩詔亟

請蠲免以救垂死之民是以會疏具

題部議以各地方失陷恢復久近不同駁行確查臣隨

將江山等各縣衛所俱係康熙十三年四五六七等月失陷康熙十五年八九十等月恢復備開月日覆

題今部議以各縣衛所城池雖陷亦有鄉都未經失陷者且苦累輕重不同仍行分別具題再議遵行布政

司遵照去後今據詳覆前來臣查溫屬失陷而賊兵

犯及台州處屬失陷而賊兵犯及金華江山常山失陷而賊兵犯及西安龍游開化失陷而賊兵犯及遂

安止有城池僅存而鄉都已陷如西安龍游遂安湯溪各縣者若城池既陷其鄉都並無一隅倖免子女

皆為賊之婢僕牛種皆為賊之資糧房屋皆為賊之寨柵田畝皆為賊之營壘濠溝殺戮焚掠無不備極

何從得有未經失陷之鄉都至云苦累輕重不同此在尋常水旱災傷或有差等從來兵戈所至玉石同

盡况其盤踞至於三年之久荼毒已遍搜括無遺嗟此窮黎死於鋒刃則同死於飢寒則同死於橫徵拷

餉則同室廬焚拆田畝拋荒則同夫失其妻父失其子則同真乃無人不苦無地不苦無時不苦但見其

重未見其輕非臣之不行分別實無可分別也福建一省錢糧已蒙

天恩盡行蠲免浙閩連疆同遭寇亂而浙民在征戰之場其受害十倍於閩民向之生聚不存一二僅有孤老

鰥夫傷殘餓殍其餘則皆投誠安插之衆也賦從田出田既荒矣有人尚難徵糧况并無人可問若稍有

可徵之理可徵之勢地方各官豈無籌

李文襄公奏疏卷七 三請蠲免 四十一

國之心惟此子遺殘喘即欲極力追呼徒驅而致於此
亡終於

國賦無益臣等蒙

皇上簡畀重任正界以撫綏百姓之責今白骨荒郊鶉衣

鵠面之狀臣親見之啼飢號寒哭妻哀子之聲臣親

聞之非不念需餉之際而明知百姓之萬不能完安

敢不迫切額陳以望

天恩之拯救竊惟仰邀

恩詔以昭大信於天下近援閩省之例以示

覆載一體之仁俾此難後殘黎將來力田供稅尚有可期

李文襄公奏疏卷七

三請蠲糧

四十二

國計民瘼原非二事伏乞

皇上睿鑒特沛

恩音允臣前疏所請將衢屬江山常山開化三縣溫屬永

嘉樂清瑞安平陽泰順五縣并温州衙處屬青田松

陽遂昌雲和龍泉慶元景寧七縣衢州所并西安縣

之下洲百靈等鄉龍游縣之南源各都遂安縣之五

六等都湯溪縣之三源等都康熙十六年并以前一

應本折錢糧照閩省事例槩

賜蠲免保全萬死一生之餘民庶得漸次招徠復業開墾

臣謹會同撫臣陳秉直合詞具

題緣係殘疆困苦已極遵

詔備陳貼黃難盡伏乞

皇上全覽

勅部議覆施行

康熙十六年十二月初八日題奉

旨該部議奏

李文襄公奏疏卷七

三請蠲糧

四十三

李文襄公奏疏卷七終

李文襄公奏疏目錄

題稿卷之八 督師

海洋獲捷招撫偽將林雲林麒麟詹天樞船兵來歸

會剿江西于午口獲捷

四請蠲免被兵地方錢糧

報明援閩官兵數目並浙省情形

會剿江西玉山縣八仙洞獲捷

密陳邊防佈置機宜

招募新兵

遞補營員

李文襄公奏疏卷八

目錄

請調江南官兵協防要汛

請撤援閩官兵回浙

石塘捷功恢復雲和縣

遵例自陳乞罷

遵 諭自陳乞罷

請免荒蕪地方錢糧

陳言難民子女

南鎮雙頭洞獲捷

李文襄公奏疏卷八

男 鍾麟編次

海洋獲捷招撫偽將林雲林麒麟等船兵來歸疏

總督浙江等處地方軍務兼理糧餉兵部尚書兼都

察院右副都御史正一品臣李之芳謹密

題為海島賊氛尙熾臣謹密飭勦撫彙報情形仰祈

睿鑒事案據定海鎮總兵官牟大寅象協副將汪國祥等

報又准水師提督臣常進功咨報又據溫州鎮總兵

官陳世凱報各到臣該臣看得浙省陸地渠逆雖經

勦撫無遺而沿海一帶屢據投誠人吐供咸稱鄭逆

李文襄公奏疏卷八

海洋勦撫

分佈偽五鎮各統領水師船隻甚多凡寧紹台溫等

處各汛洋面或乘潮長風便之時或於昏夜陰雨之

會連帆窺伺邊海延袤二千餘里在在可以登犯不

比陸地之寇可以扼要堵備各鎮將奔馳防援刻無

寧息羽書絡繹今浙省安插新附投誠不下數萬皆

鷹眼未化之徒內地既資兵力彈壓而沿海官兵總

計則多分佈則少每有汛廣兵單顧此失彼之慮臣

夙夜籌畫多方布置密移提臣并飭行各鎮將設法

勦撫務期鞏固海疆陸續准提臣及據鎮將堵剿殺

賊并招撫偽官兵情形前來當此海疆多事激勵有

功將士與撫綏向化之眾皆屬緊要機宜除零星堵禦不及議敘之例者自酌行獎勵并投誠人眾無多者亦分別賞賚安插外如象山副將汪國祥等於廟嶺湖邊地方殺賊五百餘人生擒三十九名得獲器械等項又溫州鎮總兵官陳世凱等於除夕元旦之際大夥賊踪一時分犯各汛官兵冒雨衝擊經兩晝夜處處嚴謹不使一賊登犯打壞賊船淹死賊眾甚多又水師提督臣常進功等招到偽副將林雲等溫州鎮總兵官陳世凱等招到偽副將林麒等皆率領船兵來歸又招到偽副將詹天樞等殺偽將麥

李文襄公奏疏卷八

海洋勦擒

二

仁來歸提臣鎮將俱能盡心勦撫保固巖疆伏乞

勅部議敘以勵有功至偽副將林雲林麒等帶領船兵詹天樞等翦逆自効與平常投順者不同相應題

請并予甄錄以鼓向化至殺賊傷亡官兵另俟彙

題駕到投誠船隻如係堪用堪修即補沿海戰船缺額

容臣通查另疏

題報所有勦撫海逆情形臣謹彙疏密

題伏乞

皇上睿鑒施行

康熙十七年二月二十八日題奉

臣據奏副將汪國祥等擊敗海逆又提臣常進功等招撫到偽副將等可嘉着議奏兵部知道

李文襄公奏疏卷八

海洋勦擒

三

江西子午口獲捷疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為擊敗鄰省逆寇以安地方事竊照江西岐界餘氛自經臣

題請會剿之後凡一應剿撫機宜無不悉力而行見今饒廣等屬次第就平尚有未靖餘孽臣以江省官兵見在搜剿各屬地方皆有江省經制官兵到汛且浙省要地亟資彈壓是以前經

題明將援剿江西官兵酌量陸續調回在案仍於交界

李文襄公奏疏卷八 子午口捷

四

處所設兵守禦偵探今於康熙十七年三月二十四日據衛協副將李承恩等塘報到臣該臣看得江西岐界巨寇如偽將軍程鳳下偽官兵并偽總兵陳山林爾瞻等俱經臣調度官兵勦撫始盡廣信等處尚有未靖餘孽臣於常山開化駐劄官兵備禦屢據報江省餘寇數千在廣信所屬往來流突今據飛報賊眾侵犯玉山之子午口等處殺掠人民臣查子午口雖係江西地方逼近浙界向係賊寇屯兵處所不可復令盤踞以致荼毒殘黎即飛調臣標參將蔣懋勛統領衛協都司夏必成帶領官兵星馳撲剿今據

報康熙十七年三月二十八日官兵前至賊寨口子

奮勇鏖戰擊敗賊眾當陣殺賊六百餘名攻入賊寨木城又殺賊三百餘名得獲器械等項餘賊奔遁塘報前來除一面移咨江西督臣酌發官兵相機會剿外緣係賊寇逼界官兵進剿獲捷情形合將在事有功人員造冊送部臣謹密疏

題報伏乞

皇上睿鑒施行

康熙十七年閏三月十六日題奉

旨據奏遣發官兵於子午口地方殺敗賊眾得獲器械等

李文襄公奏疏卷八

子午口捷

五

項具見將士奮勇可嘉在事有功人員著議敘具奏兵部知道

請蠲被兵地方錢糧第四疏

總督浙江等處地方軍務兼理糧餉兵部尚書兼都察院右副都御史正一品臣李之芳謹

題為殘疆困苦已極難民號救堪憐謹遵

恩詔

請蠲賑大沛

皇仁以救百萬生靈事據浙江布政司布政使李士楨呈

詳到臣該臣看得浙省自康熙十三年閩變以來衢

溫處等府屬地方與閩逼近被陷最先恢復最後臣

等欽遵

李文襄公奏疏卷八

四請蠲賑

六

恩詔將應行蠲免事宜已經三疏上

請百姓沾危慘苦情形自蒙

皇上洞鑒惟是部臣因需餉之際再三駁查仍令分別苦

累輕重具題再議臣遵行布政司確議今據該司行

據各屬詳覆前來竊惟恤民以固邦本裕賦以資

國用兩者原屬並重然必使有可存之民而後有可徵

之賦今凡賊所蹂躪之地民之轉於溝壑者業已過

半矣僅存殘黎瘡痍哀痛之聲未絕於耳室家離散

田廬蕩然環顧謀生之計一蕪可恃其去死無幾所

恃以存其一綫之生機者惟望

天恩將康熙十六年并以前錢糧盡予蠲免庶可拯救保

全若云苦累輕重不同必有所以不同之故即如臣

等會

題備陳地方等事一疏分別極苦次苦蓋以失陷恢復

或久或近從此分別至江山等各屬與閩變相終始

其失陷恢復年月及百姓萬死一生傷心慘目之狀

備晰前疏仰望

朝廷非常之恩實屬一體但部議仍令分別臣等再三酌

查如西安龍游遂安湯溪原止將被寇殘害最淡之

各都額

李文襄公奏疏卷八

四請蠲賑

七

請全蠲此即分別之處也其餘各屬極力搜求僅有溫屬

樂清一縣雖旋復旋夫亦已淪陷三年因賊兵亦旋

去旋來尚與永久盤踞者稍間自平定之後多方招

集窮黎漸次來歸鴨衣鶴面慘苦與各處相似但以

現在戶口較其多寡不致如各縣之空虛除十五年

并以前錢糧地方未復不可再問其十六年錢糧或

可責以勉力供輸此於萬分慘苦無可分別之中強

為設法尚難必其按額全完其他各縣衛所地方欲

再指一處為次苦實不可得伏念

詔旨頒行乃普天共被之恩而浙民尚未蒙

恩闈省全蠲乃見今已行之例而浙民未得引例萬姓哀
號考成交迫爲有司者業已盡瘁罷議使其尚可追
呼豈不自愛功名總爲此甫離湯火喘息垂盡之民
田荒戶絕無法可施若不亟沛

恩綸無論舊逋終不能完徒使新逋愈積現徵復虧雖日
黜一官無益於事而地方元氣從此不可挽回矣且
浙東幸賴

天威平定投戈效順安插各屬者不下數萬必使四民安
堵庶幾鷹眼漸化如朝夕不保之窮民復加以催科
彼妻子既已散失田畝既已拋荒飢寒並切析楊在

李文襄公奏疏卷八

四請蠲糧

八

前計窮勢迫地方之憂尚未可知臣等毒念兵革之
餘傷慘已極欲期民皆樂業復還舊觀實非易事惟
蠲此不可復徵之賦將來休養生息仍成

國家財賦之地者卽在於此臣等屢瀆

宸聰爲恤民計未嘗不爲籌餉計也伏乞

皇上俯念江山等各縣衛所及西龍遂湯四縣分晰之各
都皆係極苦

特賜俞允臣等前疏所請將康熙十六年并以前一應本
折錢糧照閩省全蠲其樂清一縣自康熙十五年并
以前本折錢糧應請一併蠲免外康熙十六年錢糧

議令地方官設法勸輸仍請寬限考成庶可漸次徵
解臣謹會同撫臣陳秉直合詞具

題仰祈

皇上俯賜全覽

勅部議覆施行

康熙十七年四月十六日題奉

旨該部知道

李文襄公奏疏卷八

四請蠲糧

九

報明援閩官兵數目並浙省情形疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為報明調發援閩省官兵並浙省近日情形仰祈
睿鑒事該臣看得閩省海澄告警綠旗官兵不敷調撥承
准大將軍康親王諭調浙省官兵查浙省自援勦鎮
標官兵奉裁江南京松各營官兵調回原汛惟存向
來經制官兵如寧紹台溫各鎮營俱屬逼臨邊海分
佈防守毋患汎廣兵單近日海氛更肆猖獗據各鎮
將塘報鄭逆下偽總督朱天貴統領偽五鎮官兵分

李文襄公奏疏卷八

官兵數目

十一

踪飄忽或駕賊船八九十隻或一百餘隻成羣來往
刻圖窺犯官兵晝夜堵禦在在戒嚴是沿海營伍已
無一兵可以抽調至臣標五營官兵中左後三營多
已赴閩見在福州漳州右營見在防守仙霞關前營
見在會勦江西餘寇前因江右岐界賊氛復熾經臣
添發官兵前往玉山縣千午口地方勦賊獲捷案經
具疏

題報在案又准江西提督臣趙賴香稱賊首楊一豹等
現踞江西鉛山之洪山等處賊首江拐子等現踞永
豐縣之封禁山等處賊首何秉誠等現踞玉山縣之

火燒碓等處俱與福建浦城崇安二渡關浙江江山
開化常山地方相接咨會迅發官兵協力堵剿又據
臣標參將閩進等塘報賊首李日生洪成隆等屯劄
玉山縣屬之八仙洞老鼠洞等處臣即復令參將閩
進等衛協都司夏必成嚴協都司馬起龍等各帶官
兵滾入夾勦現在另疏

題報是存留衛城之兵已屬寥寥無幾至撫標金嚴杭
嘉湖各營設兵原少業經先前抽調援閩且各屬安
插投誠不下數萬皆鷹眼未化之徒不可無兵彈壓
揆度地方形勢浙省正非無事之時官兵實難抽調

李文襄公奏疏卷八

官兵數目

十一

惟是閩省需兵甚亟承准大將軍康親王密諭臣即
多方酌量查福建益亭地方界連三省為浦城之外
藩當江右之衝要且益亭所轄王家橋木城二渡等
關隘口甚多目今永豐等處賊寇正在猖獗欲鞏固
浦城要地尤須先設重兵於益亭大將軍康親王既
令臣策應浦城并撥官兵防守益亭臣即一面向機
策應一面權宜飛調全協都司郭正明紹協守備李
應科嘉興營守備薛受益各帶領官兵星赴益亭分
佈防守約前赴閩各營官兵與今續調進閩官兵通
計共四千五百餘員名浙汛兵單四應不敷臣現在

多方籌畫設法佈置所有承准王諭調發官兵援閩

並浙省近日情形相應密疏

題報伏乞

皇上睿鑒施行

康熙十七年五月初二日題奉

旨兵部知道

李文襄公奏疏卷八

官兵數目

十三

會勦江西玉山八仙洞等處獲捷疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為會勦鄰省逆寇攻克洞寨獲捷事康熙十七年四月初八日據衛協副將李承恩報江西賊眾在德興所屬陳村一帶出沒靡常至嶺頭大橋頭等處皆為逆踞現今賊兵愈多日加猖熾等情又據臣標參將蔣懋勛報江西玉山縣屬秘口洞口等處盡係賊巢意在侵犯浙界各汛防守兵單合請裁奪等情又准江西提督臣趙賴咨稱賊首楊一豹等踞江西鉛山

李文襄公奏疏卷八

八仙洞捷

十三

縣之洪山賊首江拐子等踞永豐縣之封禁山賊首何秉誠等踞玉山縣之火燒碓俱與福建浦城崇安二渡關浙江江山開化常山地方相接咨會迅發官兵協力堵勦等因臣查江西各路賊寇屯剝處所逼近浙界常關等處宜急為夾擊隨密授臣標參將閻進機宜令其帶領在衛官兵并嚴協都司馬起龍等由開化縣屬之華埠進勦又令臣標參將蔣懋勛等帶領官兵由常山縣屬之徐家嶺進勦并飭各該將等揆明逆賊老巢迅速飛報聽候調度所到地方尤須申明紀律毋許秋毫滋擾隨據參將閻進等確摺

賊首偽都督李日生等擁眾二千餘人盤踞玉山縣屬之八仙洞老巢又偽中路提督總兵洪成龍等帶領賊眾三千餘人盤踞玉山縣屬之二十六都老鼠洞又名仙姑洞各倚險負固流毒四處不可不亟為撲剿等情臣即飛檄該將等刻日會師夾剿先取八仙洞乘勝攻克老鼠洞務須一鼓蕩平仍據江西進兵情形約會聲援去後今據參將閻進蔣懋勛等塘報又准江西提督臣趙賴咨各到臣該臣看得江西逆寇屯劄玉山縣屬子午口等處逼近浙界臣即遣發官兵擊敗獲捷經臣具疏

李文襄公奏疏卷八

八仙洞捷

十四

題報在案今又據各將領飛報臣查逆賊屯劄處所雖係江西地方倘不亟為翦除蔓延日久恐成大患臣隨密令臣標參將閻進蔣懋勛等統領官兵會合江西官兵深入夾剿咸能奮勇用命不憚艱險隨於康熙十七年四月十六日斬賊一千三百餘名連破三關攻克八仙洞得獲器械等項焚燬巢穴又於十七日連破四關攻克老鼠洞斬賊一千六百餘名陣斬偽遊擊都司等員得獲器械偽劄等項焚燬巢穴此皆各官兵同時齊進越險深入故能連戰獲捷攻克洞寨功勤難泯除江西各營有功人員應聽江西督

臣董衛國

題報外所有臣調度援剿在浙各員造冊送部臣謹密題伏乞

皇上睿鑒施行

康熙十七年五月十三日題奉

旨覽卿奏遣發官兵於玉山縣八仙洞等處地方屢次殺敗賊眾陣斬偽遊擊等得獲器械等項焚燬賊巢具見調度有方將士奮勇可嘉在事有功人員着議敘具奏兵部知道

李文襄公奏疏卷八

八仙洞捷

十五

密陳邊防佈置機宜疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為提臣領兵援閩沿海形勢單虛臣謹密陳邊防佈置機宜仰祈

睿鑒事康熙十七年五月二十日准提督臣石調聲撫臣

陳秉直咨又據溫州鎮總兵官陳世凱呈報各到臣

該臣看得浙江海邊延袤數千餘里通潮港口甚多

賊船皆可乘風直入是以一營必有數十汛一汛必

有十數臺更設城寨以資扼守往時酌定營制當海

李文襄公奏疏卷八 佈置邊防 十六

氛平靖之時意在省兵雖按汛設立而額數俱少通

來海氛日熾臣與提鎮諸臣多方備禦先經節次

題報在案今提臣石調聲奉

旨援閩除帶提標官兵外又調溫台官兵共足精兵三千

名已經政行沿海鎮將咸以兵力愈單汛守掣肘請

兵貼防但浙省前後援閩官兵共計七千五百有餘

如撫標嘉湖杭金嚴紹各營俱抽調已多臣標官兵

除援閩外盡發會剿江西餘寇并防守仙霞關各屬

營伍在在單寡沿海一帶竟無從貼防海寇逼處門

庭近日更加猖獗疊據塘報連踪或七八十隻至一

百三四十隻處處停泊官兵奔走堵禦晝夜不息實有顧此不能顧彼之慮臣自用兵以來無時不以節餉為念是以援勦鎮奉裁之後復將江南京口松江等營官兵具

題撤回實期就現在兵額殫心籌畫以鞏封疆今閩省

又調去多兵事出意外軍機緊要援兵既不敢

請雷

國用正繁懸額又不敢

請補臣夙夜焦思展轉無策當此兵勢單虛之時不得不

設法佈置如台屬營汛向係黃巖鎮管轄今既已改

李文襄公奏疏卷八 佈置邊防 十七

鎮為提則鎮所舊轄之地不便空懸且水師尚無戰

船之際臣前

請將寧海太平等營令水師提臣暫為統轄部議以水陸

各有分管未經允行惟因邊海現在多事是以台屬

寧海等汛係陸路提標官兵撥赴協防今提臣石調

聲援閩向來撥協之兵皆已隨行寧海太平一帶俱

係衝邊險汛若專恃該營額兵防守甚為單薄恐誤

事機臣與水師提臣常進功咨商將陸提官兵原防

今撤處所盡易水提官兵補防庶台屬地方得藉就

近策應以固疆圉至寧屬除定海營外其餘奉化象

山等汛向係黃巖鎮管轄當日寧屬地方不屬定海鎮而遙統於黃巖鎮實為舍近就遠鞭長不及且黃鎮已經議裁故奉象等汛亦係陸路提標撥兵遊巡協防今亦調撤入閩僅有象協寧波城守及提標分汛大嵩甯防郡城官兵汛守不敷難資應援如以黃巖鎮舊轄寧屬之故并令水師提臣兼顧則黃寧相去數百餘里海寇窺犯恒在瞬息之間恐不及事查定海鎮駐劄寧屬聲息相聞應援近便臣今照會定海鎮牟大寅將鄞象奉慈等汛兵單處所撥兵貼防庶寧屬地方亦有聯絡呼應之勢矣至溫屬各營所

李文襄公奏疏卷八 佈置邊防 十八

調援閩之兵不多應責成鎮臣陳世凱拜音達禮將現在官兵悉心備禦以固地方可也總因湧氛正在猖熾官兵調發單虛事勢艱難封疆重大臣所以酌議權宜措置雖用兵之際原不拘平時已定之制但提鎮俱係重臣伏乞

天語申飭俾各勵職守共保嚴疆并請

勅部覆議將台屬地方令提臣常進功暫為統轄調度將寧屬地方令鎮臣牟大寅暫為管轄策應統候提臣石調聲回浙之日再議惟是浙閩同一海洋賊情正測風帆倏忽兩省原無緩急之分仰祈

皇上睿鑒俟閩省寇警稍平即將浙省官兵先准撤回則邊防有恃矣臣謹密疏具

題伏乞

皇上睿鑒

勅部議覆施行

康熙十七年六月初七日題奉

旨兵部議奏

李文襄公奏疏卷八 佈置邊防 十九

招募新兵疏

總督浙江等處地方宜務兼理糧餉兵部尚書兼都察院右副都御史正一品臣李之芳謹密題為請

旨事康熙十七年七月初十日准兵部密咨開該議政王等題前事內開該臣等查得浙省綠旗兵丁陸續調撥福建者甚多浙省近海關係最要兵額宜增應請勅下浙江總督李之芳巡撫陳秉直如有家眷強健精兵易於招募即一面招募一面速行奏聞彼時再將數目議定具題倘招募不出亦將緣由速行

李文襄公奏疏卷八

招募新兵

二十一

旨依議速行欽此為此合咨欽遵查照施行等因到臣准此該臣看得浙省各鎮標協營官兵前後調撥閩省者共計七千五百有餘沿海賊踪正在猖獗鄰省又當多事兵力實係單虛今准部文兵額宜增行臣等招募速行具

題再將數目議定等因臣即飛檄各營迅速招募有家眷強健兵丁去後合先具題其應募兵數聽部議覆但招募之法原係陸續驗收不能即時成旅且新兵亦須演練整齊方得實用若

所募之兵即議酌補各營調缺之數便應先將衝要缺多處所隨時分發各自收伍訓練如所募之兵議令會集一處另候調度應承議設官統領約束庶不至漫散無紀至于盔甲器械皆所立需查裁存撥勦鎮甲械除陣失及見在附支兵丁隨帶外臣一面查明存貯堪用實數并舊械可以修理者相應修理應用倘有不敷者作何動支製造其兵丁應募驗收之日即須予以糧餉作何支給馬步戰守作何定額皆宜預為酌定行臣等遵奉請

勅部議請

李文襄公奏疏卷八

招募新兵

二十二

旨定奪謹會同撫臣陳秉直合詞密疏具

題伏乞

皇上睿鑒施行

康熙十七年七月十一日題奏

旨該部速議具奏

遴補營員疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為浙省正當多事要缺刻難乏員臣謹遵例遴補以資防勦事康熙十七年七月三十日准兵部密咨為請調賢能文武等事內開該議政王等會覆福建總督姚啓聖題前事等因移咨到臣該臣看得福建督臣姚啓聖

題請調用浙省將弁臣標前管參將蔣懋勛中營守備王文魁提標中營參將王英左營遊擊曾承水師提

李文襄公奏疏卷八

遴補營員

二十一

標前管遊擊劉詔定海管參將高祿寧海管參將林葵嘉興左營守備薛受益衢協左營守備康成功右營守備馬伏秀嚴協右營守備吳德榮等皆臣自用兵以來試用選拔屢著軍功勇敢歷練之員浙省多事之時正資禦侮今奉

旨移調當漳泉海寇猖獗臣義切同仇隨即飛檄各官遵照前赴惟是所遺員缺皆衝疆險汛現在對壘之地非得諳練能員難以勝任除參將王英遊擊曾承先隨提督臣石調聲進勦漳泉應聽提臣就近酌題外查定例內開浙江近海沿邊缺出准該督提將才

技優長諳練地方衝缺相當人地相宜之人保請題補又准兵部咨開如係用兵與賊接壤之處緊要缺出准該督提將果有才能勤勞昭著之人仍照例保題等因奉

旨通行在案臣今詳校功能酌量才地如定海寧海二營及兩提標皆邊海緊要查有太湖管遊擊功加副將姚世熙堪補定海管參將提標右營遊擊郭守金堪補寧海管參將又有江南京口左路鎮標遊擊馬從龍狼山鎮標遊擊楊亨俱經在浙征勦臣熟知其才能雖已撤回江南因原缺已補有人尚在守候數年

李文襄公奏疏卷八

遴補營員

二十三

戰場勞績之員久置閑散殊為可惜若即補用足勸有功馬從龍堪補提標右營遊擊郭守金所遺員缺楊亨堪補水師提標前管遊擊劉詔所遺員缺查楊亨雖係福建投誠但今川人之際如參將王英林葵遊擊曾承皆與楊亨一體之人先經補用著有成績相應援照此例

題補至臣標守備王文魁嘉興營守備薛受益現征調在閩衢協守備康成功馬伏秀現在江閩交界防勦嚴協雖稱內地今現調該營都司馬起龍赴延平等處尚需領兵之員此各員缺皆係緊要查有臣標功

加遊擊劉澤溪堪補臣標中營守備臣標功加署遊擊張文福堪補嘉興左營守備水師提標前營千總功加署都司僉書朱子龍堪補衛協左營守備定海營千總周文進堪補衛協右營守備臣標左營千總功加署守備劉發堪補嚴協右營守備以上各員皆係歷經戰陣才技優長勤勞昭著內劉澤溪張文福論銜應補都司僉書惟因領兵援勦亟資能員暫以守備補用總為需才起見臣謹遵例保

題至臣標前營參將及太湖營遊擊員缺查有奉

旨以參將用之鮑輔仁以遊擊用之李鳳翔俱行臣遇缺

李文襄公奏疏卷八

選補營員

三十四

題補鮑輔仁堪補臣標前營參將李鳳翔堪補太湖營

遊擊仰祈

皇上允臣所請庶得收臂指之效嚴疆攸賴矣除千總宋

子龍周文進劉發履歷一面查取另咨送部外臣謹

密

題伏乞

睿鑒

勅部議覆施行

康熙十七年八月初七日題奉

旨兵部議奏

請訓江南官兵協防要汛疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為兵力單虛已極嚴疆事勢可憂經制補額未敷招募尚難應急仰祈

睿鑒迅調鄰近成旅以資戰守事康熙十七年八月初一日准兵部密咨為請

旨事內開職方清吏司案呈奉本部送密封內該議政王等會覆浙江總督李之芳題前事等因康熙十七年七月十一日題本月二十日奉

李文襄公奏疏卷八

請兵協防

三十五

旨該部速議具奏欽此密封到部又經兵部繕頭牌啓

奏浙督李之芳等題為遵

旨招兵一疏奉

旨該部速議具奏欽此查得先經議政王等會題浙省近

海關係最要兵額宜增令浙江總督李之芳巡撫陳秉直如有家眷強健精兵易於招募即一面招募一面速行奏

聞彼時再將數目議定具題等因今該督等請定應募兵數前來此原係議政王會議欲定數目之事應仍交與議政王等議覆等因康熙十七年七月二十三日

奏本日奉

旨依議欽此該臣等會議得浙江總督李之芳疏稱浙省官兵前後調援閩省共計七千五百有餘兵力實係單虛今准部文行臣等招募臣即檄各營迅速招募其應募兵數聽部議覆若所募之兵即議酌補各營調缺之數便應先將衝要處所隨時分發如議令會集一處另候調度則應亟議設官統領至於盔甲器械臣查明貯庫堪用并可以修理者修理應用尚有不敷者作何動支製造糧餉作何支給馬步戰守作何定額皆宜預為酌定行臣等遵奉等因查先經臣

李文襄公奏疏卷八

請兵協防

二十六

等會議浙省近海兵額宜增應請

勅下浙江督撫如有家眷強健精兵易於招募即一面招募一面速行奏

聞彼時再將數目議定具題在案今既經該督檄行招募具題前來應照江西新近添招之數令其招募有家眷強健兵丁五千名馬步戰守俱照通省經制兵丁之例其所募兵丁不必另設官員統領應聽該督按要緊地方分附各營約束仍將分附各營數目報部俟調赴閩省官兵回浙之日將此項添募兵丁再議裁減所需盔甲器械除將存貯堪用并可以修用者

修理充用外不敷者速行造給其製造所需銀兩作何動支兵丁錢糧作何撥給聽戶工二部議可也等因康熙十七年七月二十四日題本月二十六日奉旨依議速行欽此密封到部移咨到臣該臣看得浙省官兵調發福建甚多前經議政王等會議浙省近海關係最要兵額宜增奉

旨行臣等招募是蒙

皇上明見萬里俯念鞏固巖疆必資兵力誠萬不可緩之計臣等一面分令各營招募一面

題請定數今准部文議定五千之數將緊要地方酌量

李文襄公奏疏卷八

請兵協防

二十七

添補但新兵募足尚需時日更待簡練方可成旅非見在實用之兵今浙省自溫台寧紹一帶鄭逆遺發賊踪分踞洋面臣詢據投誠偽遊擊陳紹先偽都司鄒虎臣等供稱偽正總督朱天貴偽張都督偽周都督等割管台州近洋以至舟山偽副都督劉天福等割管海山茅平偽四鎮陳義等割管海山連社偽九鎮劉祖漢等割管大青山鄭逆近又添發偽六鎮黃炎等割管玉環山刻圖窺犯風帆倏忽處處可登沿海將士無分寒暑晝夜操甲堵禦所備之處愈多則兵力愈患其少且溫台海洋即連接福興漳泉之海

洋乘風而至不待終日今賊勢方張狡謀叵測毒爲乘虛掩襲之計卽如先犯海澄及大兵盡聚於漳則又移犯泉州已有明驗倘或見大兵節次南下出我不意并力聯踪直犯浙境若無重兵何以禦敵至閩江接界山寇四發逼近浙閩大路見奉大將軍康親王令諭三省會勦是浙省三面皆用兵對壘之地卽內地往年賊寇投戈向化原爲懾於兵威然不軌之徒如邵良楞等造謀散創奸萌未息今投誠安插各屬者不可勝計明見各處營伍形勢單弱豈無生心兩年浙省幸而無事原藉將士百戰之餘無不聞警

李文襄公奏疏卷八

請兵協防

二十八

直前而臣等夙夜申儆不遺餘力堵防今兵旣頻次調發而歷練勇敢緩急可恃之將弁多已遵

旨調去在閩省誠爲緊急然浙省賊氛不爲不熾使因循目前不亟整備設有不虞必致束手無措臣前請撤回江南援浙官兵五千餘員名原爲

朝廷節餉起見但今日事勢又與前日不同環顧地方在在可憂若一蹉跌收拾甚難恐所費且不貲矣臣等念切封疆寢食俱廢謹劄切痛陳於

皇上之前伏乞

睿鑒浙省重地宜防逆賊乘虛突犯必得訓練勁旅方克

有濟請

勅將江南官兵立調三千赴浙固守衝要俟募兵成旅之日分發汛守庶巖疆稍有可恃統計新募與請調之數尚不及經制所缺之額臣等務期多方佈置勉力支撐以保地方仰祈

皇上俯賜俞允封疆幸甚臣謹會同撫臣陳秉直合詞密題伏乞

勅部議覆施行

康熙十七年八月初七日題奉

旨議政王貝勒大臣會議具奏

李文襄公奏疏卷八

請兵協防

二十九

請撤援閩官兵回浙疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為鄰疆海汛突犯堪虞亟

請撤回原兵以資堵禦事據各鎮將塘報到臣該臣看得浙省衢屬界臨江閩仙霞一關首當喉鎖崇山峻嶺在在為鄰寇出沒之地溫台寧紹等府逼近海洋而定海關尤為東浙門戶當山海交訖之際惟藉厚集兵力分佈設防自康熙十五年間調發臣標撫標及杭嘉湖各協營在衢勦禦之兵隨同大兵入閩數年

李文襄公奏疏卷八

撤援閩兵

三十

恢勦現駐漳泉繼則提督臣石調聲統師援閩將寧台各屬防汛官兵抽撤啓行經臣具有兵力單虛已極等事一疏請調江南官兵赴浙防勦嗣准部文浙省近海關係最要兵額宜增行臣招募兵丁五千名按緊要地方分附是浙省衝險需兵情形久在皇上睿鑒中矣但當軍餉浩繁之時凡有可省錢糧者臣自應多方撙節查有援勦鎮裁存附支兵一千餘名即撥入募兵額內所增新兵僅三千餘名在浙省先後陸續調閩者不下萬數而以前項新兵分派沿海衝邊之重汛所在有捉襟露肘之虞且邇來衢屬開

常江山一帶節據各汛鎮將飛報德興玉山永豐上饒等處逆賊在逞緊逼浙界圖犯仙霞白沙等關鳳林王村等隘口以及九牧吳墩大路一帶勢甚猖獗臣一面調發在衢官兵分頭堵禦又據沿海各鎮營塘報賊船飄忽往來不絕轉盼二三月間春汛屆期揚帆瞬息隨處可犯陸兵奔馳奔慮不及况浙省經制戰船有限自失陷之後現泊寧波者通共僅有八十一隻正在興修即工完操駕止堪保障定關若台溫二區竝無隻艘片帆可備出洋攻勦臣憂心如焚竊思浙省閩省同係

李文襄公奏疏卷八

撤援閩兵

三十一

朝廷之封疆防閩防浙總屬固圉之至計向年尚有援浙江南京松各營兵五千餘名惟因節省行糧地方稍定隨即具題發回不敢久留糜費今亦不敢復請鄰省官兵赴浙所有浙省各標協營兵隨征入閩歷有年所東征西勦陣亡已多嚴寒酷暑病故大半即今另募補伍者率非當日之勁卒矧今漳泉海逆屢經大創勢亦漸平且閩省綠旗官兵又經題准增設兼有江南山東河南標京口奉調及隨帶之兵輻輳到閩浙省前項官兵留閩不見其多回浙實

屬有濟更可省隔省之行糧資浙汛之兵力誠一舉而兩便也臣以近日山海賊寇情形交迫故敢激切敷陳仰祈

皇上俯鑒特賜俞允有裨軍

國誠非淺矣除續調進閩及現在延建官兵接壤江西

仍留該汛防守容臣另行題

請外臣謹會同撫臣陳秉直署提督事水師提督臣常進

功合詞密

題伏乞

勅部速議施行

李文襄公奏疏卷八

勸撥國兵

三十一

康熙十八年正月二十六日題奉

旨兵部議奏

石塘捷功恢復雲和縣疏

總督浙江等處地方軍務兼理糧餉兵部尚書兼都察院右副都御史正一品臣李之芳謹

題為呈報殺敗堵寨進閩嶺口逆賊恢復雲和縣事該臣看得處屬石塘地方自逆賊變叛以來偽都尉連登雲等率領賊兵二萬有餘盤踞要口共創營盤二十八座勢甚猖獗先經寧海將軍固山貝子傅喇塔同副都統總兵等官親見賊營扼險拒守最為堅固若此路不克勢難夾攻入閩因激勵官兵奮勇用命功成之日許照攻克府城之例議敘當經溫州鎮總

李文襄公奏疏卷八

石塘捷功

三十一

兵官陳世凱等親領各官兵奮不顧身衝鋒破壘并協同滿漢官兵會合進剿隨於康熙十五年八月二十二日殺賊大敗焚燬營盤斬獲甚多二十五日恢復雲和縣經固山貝子塘報大將軍康親王具題奉有在事有功人員着議敘之

旨欽遵論臣造冊具

題茲行據各鎮營造報履歷前來臣查石塘天險官兵環攻難拔幸固山貝子許照攻取府城之例鼓勵議敘而總兵官陳世凱等冒險迎鋒首先破敵遊擊李回親冒矢石各官兵捐軀用命戮力疆場故能成此

大捷恢復地方在事人員功誠難泯前大將軍康親王疏內所報獲捷情形在事綠旗有功人員例難備載惟於總兵官陳世凱王廷梅之下開列等字又臣

題報疏稱在事有功人員容臣一面查明另敘良以並戰之功未便遺漏先為聲明在案伏乞

皇上俯念總兵官陳世凱等克此最險要害功績甚偉

勅部准照固山貝子傅喇塔鼓勵照攻克府城之例將冊

內人員一體從優議敘庶立功將士益知用命除揚

送吏兵二部核敘外相應

李文襄公奏疏卷八

石塘捷功

三四

題報伏乞

皇上睿鑒施行

康熙十八年三月初七日題奉

旨該部知道

遵例自陳乞罷疏

總督浙江等處地方軍務兼理糧餉兵部尚書兼都察院右副都御史正一品臣李之芳謹

奏為遵例自陳不職仰祈

睿鑒罷斥以重封疆以肅官守事康熙十八年正月二十

日准吏部咨為題明京察事內開查得例內京官六

年考察一次今查自康熙十二年三月內考察扣至

康熙十八年三月六年已滿例應考察京官其各直

省督撫俱在考察京官自陳官員之例應令各直省

督撫亦照例自陳考察等因奉

李文襄公奏疏卷八

遵例自陳

三五

旨依議欽遵移咨到臣准此竊臣由順治四年進士除授

浙江金華府推官歷陞刑部廣東司主事山西司員

外郎湖廣司郎中廣西道監察御史湖廣道監察御

史掌河南道事監察御史都察院左副都御史吏部

右侍郎於康熙十二年六月內奉

旨以兵部右侍郎兼都察院右副都御史總督浙江等處

地方本年十月十五日到任除康熙十二年三月以前

事過不開外查臣於康熙十二年五月內為遵

旨確察議奏事臣前任吏部右侍郎任內將粵省南山洋

較浦地方行劫一案都察院議以未經行查照司所

議罰俸三箇月奉

旨明珠朱之弼色塞黑冀如錫勒布楊永寧對哈納那惟
訥陳鼓永舒恕李之芳并司官等俱從寬免罰俸餘依
議康熙十三年八月內為遵

旨一併嚴察議奏事臣前任吏部右侍郎任內將道員丁
思孔等不行查參經都察院議罰俸一箇月奉

旨米斯翰對哈納那惟訥舒恕宋德宜梁清標班迪達都
勒德洪陳鼓永李之芳劉鴻儒及在部司官俱從寬免
罰俸馬紹曾董色丁思孔等俱依議康熙十四年七月

內為特科貪酷等事因紹興府知府張三異一案擬

李文襄公奏疏卷八

遵例自陳

三十六

罪失錯部議罰俸三箇月奉

旨李之芳從寬免罰俸餘依議康熙十六年四月內為賊

首拒命流毒地方等事遣發官兵在白沙關外地方

勦殺賊寇獲捷部議准紀錄二次康熙十六年六月

內為彙報勦寇獲捷情形等事遣發官兵勦撫江西

鉛山等處賊寇部議加一級奉

旨李之芳着加為兵部左侍郎兼都察院右副都御史授

為從二品照舊管事七月內准撫臣陳秉直移准吏部

咨為題明畱換馬匹事捐換進閩馬匹部議准紀錄

一次康熙十六年九月內為欽奉

上諭事部議飛報官兵大捷等事一十四案俱係臣調度

有方擒斬逆賊之案的量議敘奉

旨李之芳着加兵部尚書仍兼都察院右副都御史授為

正一品照舊管事康熙十七年正月內為各路勦撫等

事遣發官兵在楊梅灘等處殺賊獲捷部議准紀錄

一次五月內為報明委用官員事將筆帖式邵經邦

啓送福建部議罰俸一年銷去紀錄二次免其罰俸

七月內為鄰省岐界巨寇等事遣發官兵在江西洋

塘等處殺賊并招撫陳山等部議准紀錄二次八月

內為會勦鄰省逆寇等事遣發官兵在玉山縣屬八

李文襄公奏疏卷八

遵例自陳

三十七

仙洞等處殺賊獲捷部議准紀錄二次又為暫移存

畱可緩等事鼓勵屬員裁省錢糧十萬兩以上部議

准加一級註冊又為遵

旨會勦恢復鄰省縣城事恢復江西玉山縣部議准加一

級註冊十二月內為欽奉

上諭事捐解閩省馬五十匹部議准紀錄二次俱各奉

旨欽遵在案伏念微臣一介草茅遭逢

殊遇荷蒙

皇上簡授節鉞謬任巖疆入浙以來夙夜兢惕惟懼才不

勝任有負

隆恩不意受事未幾遽值閩變維時承平日久猝爾震鄰
遠近倉皇人無固志當此事勢危急之際正臣捐軀
報

國之時遂自忘其綿劣馳赴衢郡首扼賊鋒調遣官兵
分路佈置中大義以勵人心捐薄資以鼓士氣督率
勦禦衝冒於矢石砲火之間總以

恩重命輕勉圖報答屢次獲捷情形節經具
題奉

旨欽遵在案幸而仰仗

天威大兵由衢殺賊賊眾各路聞風瓦解地方旋定此皆

李文襄公奏疏卷八

遵例自陳

三十八

朝廷洪福

廟謨勝算豈臣區區智力之所能及迨浙省恢復之後民
力凋殘僅存者瘡痍未起轉徙者離散尚多兼以水
旱頻仍災荒疊見臣雖百計撫綏未能使其樂業官
兵出征多載從前摧鋒陷陣備嘗艱險迄今枕戈擐
甲尚戍疆場臣雖加意軫恤無以慰其用命至兵燹
之餘百姓困苦全在地方各官砥礪循良培養元氣
臣雖正已率屬未能有副澄清則臣不職之狀固已
難追且臣年近六旬夙抱怔忡之疾五載軍旅晝夜
靡寧內則心耗血枯外則髮白齒落精力日衰形神

俱德屢欲額陳祇以地方多故未即上

請茲當澄敘之期敢不據實披瀝况浙省界聯山海鄰境
之逆孽方張沿海之寇踪日伺臣以衰病疎庸苟虞
貽誤在臣之一身固不足惜而所關於封疆者甚大
伏乞

皇上睿鑒亟賜處分俾臣獲免隕越當銜結於無既矣臣
無任悚息待

命之至

康熙十八年三月十九日奏奉

旨卿才品優長簡任總督殫心料理効力行間著有勞績

李文襄公奏疏卷八

遵例自陳

三十九

着照舊供職該部院知道

遵 諭自陳乞罷疏

總督浙江等處地方軍務兼理糧餉兵部尚書兼都察院右副都御史正一品臣李之芳謹
奏為遵

諭自陳不職仰祈

睿鑒罷斥以消災變事康熙十八年八月二十二日准吏

部咨為欽奉

上諭事內開康熙十八年七月二十八日奉

上諭諭吏部等衙門自古帝王撫御萬方兢兢業業勤求

治理必期陰陽順序和風凝麻或遇災異示做務省愆

李文襄公奏疏卷八

遵諭自陳

四十

思過實修人事挽回

天心茲者本月二十八日巳時地震之變譴告非常反覆思

惟深切悚惕蓋由朕躬不德敷治未均用人行政多未

允符內外臣工不能精白乃心恪盡職掌或罔上行私

或貪縱無忌或因循推諉或恣肆虐民是非顛倒措置

乖方大臣不法小臣不廉上干

天和召斯災眚若不洗心滌慮痛除積習無以昭威格而致

嘉祥朕茲力勤政務實圖修省目今應行應革事宜着

部院三品以上官及科道在外各該督撫明白條奏直

言無隱其在京三品以上堂官併督撫提鎮俱着據實

自陳毋得浮泛塞責爾部即遵行仍通行曉諭內外軍

民人等咸使聞知特諭欽此欽遵移咨到臣准此除康

熙十八年三月已經自陳者不敢復贅外本年八月

內准撫臣陳秉直咨准刑部等衙門咨為直糾浙江

學道等事因撫臣陳秉直會同薦舉程汝璞一案議

降二級調用銷去軍功紀錄二次免其降調奉

旨依議在案伏念臣才識庸庸謬膺重寄前已備陳不職

亟請罷斥荷蒙

皇上寵畀溫綸照舊供職至薦舉程汝璞一案雖係撫臣

主稿臣准移會亦即書題復蒙薄加處分仍留原任

李文襄公奏疏卷八

遵諭自陳

四十一

臣撫循悚懼益凜冰淵茲因地震特奉

上諭着令據實自陳臣惟地乃臣象蓋由臣下失職以致

坤輿示儆臣猥以疎賤仰荷

皇上高厚之恩雖捐糜頂踵不足報稱於萬一且身任封

疆凡安輯地方愛養百姓澄清吏治皆臣夙夜所當

勉勉以盡職守者乃自蒞浙以來旋遭寇亂黎庶死

於兵革老弱困於征徭卽底定之後田野多荒飢離

載道山海之遺孽未殄戍卒之休息無期是皆政治

多乖有負職掌積愆召變臣固無以辭其罪責也且

臣年近六旬髮白齒落居然頹朽之人况心力已竭

耳目難周浙省何地總督何官而可容其尸素倘致貽誤關係巖疆誠非眇小除臣一面痛加修省外相應據實自陳伏乞

皇上亟賜罷斥庶天變可弭而臣工咸惕矣臣無任悚息待

命之至

康熙十八年八月二十八日奏奉

旨李之芳着照舊供職該部知道

李文襄公奏疏卷八

遵諭自陳

四十二

請免荒蕪地方錢糧疏

總督浙江等處地方軍務兼理糧餉兵部尚書兼都察院右副都御史正一品臣李之芳謹

題為遵

諭陳言事康熙十八年七月二十八日因地震之變奉

上諭目今應行應革事宜着部院三品以上官及科道在

外各該督撫明白條奏直言無隱欽此臣惟災變告倣

上天固示以仁愛目今消弭之道補救莫急於民生如浙

省自罹變亂百姓塗炭老弱溝壑男婦仳離皆數年

來未有之慘惟衢台溫處四府受禍為甚蓋界接閩

李文襄公奏疏卷八

請免錢糧

四十三

疆賊寇益起所至之處輒被蹂躪戶絕民逃田土荒

蕪荆棘滿目即平定之後百計招徠者不過十之四

五其餘非死於兵革道路即喪於飢寒疫癘而莫可

問也其康熙十四十五十六年以前無徵錢糧先經

臣分別請蠲荷蒙

皇上俯鑒被寇慘傷

特恩蠲免所屬殘黎歡聲手額始有更生之慶其漸次復

業者僅可拮据胼胝開墾在戶之田地勉輸本身之

稅糧尚苦不能成熟完課其無主荒田已絕戶口自

不能代為包賠理勢然也案經撫臣陳秉直為備陳

荒田絕丁等事會疏

題豁未蒙

俞允臣查衛屬江山常山開化三縣台屬黃巖太平仙居
三縣溫屬永嘉樂清瑞安平陽泰順五縣處屬麗水
縉雲青田松陽遂昌雲和龍泉慶元景寧宣平十縣
俱遭淪陷又西安龍游寧海天台臨海五縣當日僅
存城邑郊外則盡屯兵馬鄉都則遍為賊巢所在田
畝或剝寨連營或掘塚築壘悉成荒地尚之村落數
十處者今則僅留數村或盡廢為丘墟矣向之煙火
數百家者今則僅存數家或且聞其無人矣兵革海

李文襄公奏疏卷八

請免錢糧

四四

經戶口消耗豈能與承平相同此最顯而易見者古
云大兵之後必有荒年非盡雨暘弗若亦以開墾無
人漸成榛莽若一概按畝催科縣官迫於考成勢必
督責現在之民包賠貽累嗟此子遺殘喘未蘇瘡痍
未起自救不贍豈能代完無主已絕之丁糧哉况今
鄰省餘孽未靖正恐九死一生之窮黎或逃避遠方
嘯聚山谷徒滋隱患不惟荒者無補行且熟者亦荒
矣臣非不知

國用浩繁但民為邦本身在地方目擊痍瘡當此謹告
非常

皇上求言若渴之際豈敢緘默仰祈大沛

皇恩將衛台溫處屬并衢州所荒田絕丁盡行豁免則此

數郡皮骨僅存之民尙可相安故里是亦消弭災變

之一端也應豁荒田絕丁銀米數目俯俟

俞允之日容臣另造清冊送部其拋荒地土流亡人戶臣

一面極力設法招徠開墾俟轉徙漸歸民力稍蘇即

當照例起科以足賦稅庶

國計民生均有賴矣如果臣言不謬伏乞

皇上睿鑒

勅部議覆施行

李文襄公奏疏卷八

請免錢糧

四五

康熙十八年九月初十日題奉

旨九卿詹事科道會議具奏

陳言難民子女疏

總督浙江等處地方軍務兼理糧餉兵部尚書兼都

察院右副都御史正一品臣李之芳謹

題為遵

諭陳言事康熙十八年七月二十八日因地震之變奉

上諭目今應行應革事宜着部院三品以上官及科道在

外各該督撫明白條奏直言無隱欽此臣惟災變示儆

謹告非常必民間有至痛至慘之事哀號莫訴而後

上天為之感動地道因之不寧在今日第一疾苦則無如

被搶難民子女一事也浙省自遭閩變溫處台府屬

李文襄公奏疏卷八

陳言難民

四十六

逼近鄰封罹禍尤劇時因祖弘勳內叛以致地方淪

陷固非百姓之罪也及寧海將軍固山貝子傅喇塔

由台進剿賊俱敗遁回溫所在人民各安故土不肖

併隨賊去

朝廷用兵救民水火正救此等水火之民耳原無可搶之

處不意各旗營將恢復地面男婦子女盡行俘掠更

有經由其地隨便攜帶者有之住近賊境不分涇渭

混行掠帶者有之父失其子夫失其妻老弱啼號骨

肉離散不可勝計臣隨出示曉飭將部文所開確正

賊寇未必攜帶子女而行營中所有大率非係民人

子女即係為彼脅從嗣後如殺賊之餘賊寇所攜難

民子女許令民間認領不得一槩妄行搶掠奉

旨依議速行欽遵緣自通行張掛又具啓寧海將軍固山

貝子內閣樂清青田永嘉一帶先因祖宏勳從叛官

兵應援不及致將百姓失陷原出於勢不得已迫大

兵進剿確正逆賊竄入甌城此守土弗去之百姓即

不肯從賊之百姓正在宣佈

朝廷德意招徠撫綏使其室家完聚樂業安居庶幾人皆

懷我深仁到處效順將見逆賊勢窮自相離散即直

入八閩亦不難於開風底定今旗營掠帶子女是地

李文襄公奏疏卷八

陳言難民

四十七

方雖復有土無人不但

朝廷財賦將來無從出產即現在糧糈已乏人供運亦恐

有誤軍機且百姓既遭搶掠無家室繫念必至鋌而

走險反得遂逆賊狡謀煽誘愚民以增賊寇關係非

淺竊思大兵進取固須鼓勵士氣尤須收拾人心此

被賊蹂躪之百姓孰非

朝廷之赤子祈大張清字嚴諭凡各旗營有收掠民人子

女者俱令迅速給還曉諭民間認領并乞頒示各旗

營官兵嚴禁搶掠庶戶口復集人心鞏固備述苦情

在案未蒙查給嗣雖收復各府哀此子遺莫不奔走

四方尋求家口頓連委頓絡繹載道其環乞於臣之馬首者無日無之悉皆鳩形鵠面奄奄喘息之人臣多方設法陸續查追先後給還爲數已多旗營之內亦有憐其哀慘惻隱發還者亦有得受贖價聽民領歸者迄今現畱在營者皆係堅執不回非可以情理感動或潛帶入京絕其尋訪之路或勒索高價逞其無厭之求有一小子而贖至二三十金一婦人而贖至一二百兩當此生離死別之際稍可變賣騰那求乞募化皆不遺餘力取贖完聚遲至今日而不得贖者業已皮骨僅存之一身忍饑號寒口食衣被無從

李文襄公奏疏卷八

陳言難民

四十八

措置豈尙復有餘貲再能取贖痛念此生終無會合之日呼天飲泣此種情形真不忍見聞誠足以上干天和致生災異臣伏讀

上諭用兵地方諸王將軍大臣於攻城克敵之時不思安民定難以立功名但志在肥己多掠估小民子女或借爲通賊毒將良民廬舍焚燬子女俘獲財物擄取名雖救民於水火實則陷民於水火之中也煌煌

天語難民痾瘵隱痛固已上徹

宸衷矣臣竊謂變亂之禍起於閩省奉命大將軍康親王自衛入閩首禁搶掠遠近望風倒戈民間婦女俱得

保全卽渠逆歸誠餘孽就撫莫不宥其既往槩許自新妻子家口安然無恙浙以鄰省蔓延乃至玉石不分而溫台紹金處一帶無辜之民殃及池魚塗炭罹於兵燹俘掠及於妻孥夫戶口者

朝廷之戶口人民者

皇上之人民豈可捨帶歸旗沒爲奴婢今用兵地方我皇上業已洞燭俘獲隱情當此中外痛加修省之時仰祈恩旨迅頒嚴飭確查以回

天變將浙省搶帶子女現在各旗營者立即查還難民完聚從前遣發入京者

李文襄公奏疏卷八

陳言難民

四十九

勅令逐一查出行臣知照各難民赴京認領將見歡聲載道頑祥自生誠爲方今第一急務蓋難民子女被帶入營其父兄夫男每旬哀號饑寒疾病死於道路者誠難枚舉卽今立行查還猶以爲晚若徒持取贖之議責償垂斃之民黠者故勒多金忍者終於畱執此所謂畫餅充饑無濟實事臣凜遵

上諭直言無隱不敢不據實披瀝惟懇

皇上天語中嚴數萬殘黎母子夫妻立得完聚矣

康熙十八年九月初十日題奉

旨九卿詹事科道會議具奏

南鎮雙頭洞獲捷疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為塘報事准福建督臣姚啓聖移送疏稿到臣案據溫州鎮總兵官陳世凱奉令會勦南鎮雙頭洞賊穴當即遣發官兵於康熙十八年四月初三日到敵城由三墩嶺至南鎮係盤山險隘一線路影樹木叢雜難以行走官兵開砍路道逐程挨進到南鎮創營驟見逆賊在對山官兵分作三股扒山附葛而上砲矢齊發斬殺賊衆一百餘人賊奔海邊上船不及淹死

李文襄公奏疏卷八

雙頭洞捷

五

不計砲打壞雙篷賊船二隻三板小船五隻燒燬賊城二座等情又據平陽鎮總兵官拜音達禮報本年四月二十日官兵到桐山東山嘴東山樑堵禦瞭見賊船十七隻在海邊灣泊官兵奮力齊進賊從山窠突出官兵砲矢齊發賊敗奔船淹死甚衆其船飛駛而去二十一日抵雙頭洞對江創營見賊窠四面汪洋有三板八槳船二十餘隻茅屋三百餘間官兵發火砲攻打賊死傷不計連夜帶船奔逃將賊窠茅屋盡行焚燬訖又於五月十三日進八尺門前崎地方會水師夾勦又於二十日水陸夾攻殺死賊衆得獲

船隻駕回桐山又同桐山官兵前往搜山燒燬草樓十餘所等情各在案臣查南鎮雙頭洞一帶俱在福建桐山逼近之海共獲捷情形隨經移詢福建督臣去後今准移送疏稿到臣該臣看得南鎮雙頭洞係海賊巢穴出沒窺伺浙閩邊海飄突不常實為門庭之患經臣咨會福建遣發官兵水陸夾勦去後今准福建督臣姚啓聖移送疏稿內開浙省用命官兵聽臣另疏

題報等因今將浙省官兵殺賊獲捷情形具疏

題報臣謹密

李文襄公奏疏卷八

雙頭洞捷

五十一

題伏乞

皇上睿鑒施行

康熙十八年十一月初一日題奏

旨兵部議奏

李文襄公奏疏卷八終

李文襄公奏疏目錄

題稿卷之九 督師



操練戰船襲擊海寇



海洋擒賊獲船大捷

請會剿海寇酌留戰船

援閩回浙官兵循例陸續補伍

請敬調防浦城官兵回汛

請免故宦加徵銀米數目

偽將軍劉天福等大踪全族歸誠

請免追扣賞給官兵銀兩

李文襄公奏疏卷九 目錄

彙報招撫投誠總冊

彙報勦殺逆賊恢復城池

送事平議敘各案功績冊

請開復象山營都守各官

請補黃巖鎮額馬

請撤水師提標暫留兵丁

請復楓嶺營浙閩分轄舊制

賞給官兵銀兩委難追扣

李文襄公奏疏卷九

男 鍾麟編次

操練戰船襲擊海寇疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為戰船亟資操練攻擊全藉隨機臣謹

題明不時掩擊以靖邊疆事竊惟浙東邊海外通島洋通連閩界最稱衝險以故承平之日寧台溫三區額設戰船分路灣泊維時僅係零星賊艘游移外洋尚不致盤踞海島沿邊飄突今自變亂以來海逆日熾

李文襄公奏疏卷九

操練戰船

聯綜結隊在在窺犯沿邊各汛將士擐甲枕戈晝夜堵禦不遑啓處止因黃溫二區戰船盡已失陷存寧船隻又屆修期未得配駕官兵出奇襲擊茲者寧區戰船修葺已竣及時訓練相機撲剿自不容緩臣隨飭行定海鎮總兵官牟大寅整齊官兵配駕并令就近咨會巡查浙省海口戶部郎中臣布詹等驗明出關操演精熟遇有賊寇星速搜剿一面飛報以憑具題去後今據總兵官牟大寅報稱本鎮帶領舟師於康熙十八年十二月十一日出關見各島有木城草房官兵當即搜剿打死在島賊兵所有現修未完賊船

併堆貯樹木版片米穀盡行焚燬至滄浦見有賊船
我官兵揚帆追趕砲矢齊發溺死賊衆三十餘人奪
船二隻擒賊三名得獲器械等項值此隆冬難以遠
涉今於十二月二十四日回關見在熟練船兵遇警
馳剿等情到臣該臣看得浙省爲邊海重地向來額
設戰船分泊寧台溫三區以資防勦維時賊艘無多
沿海各汛頗藉寧謐至開變以來今昔時勢大不相
同如康熙十四年二月內前任定海鎮臣朱萬化等
奉寧海將軍岡山貝子傅喇塔令諭出洋搜剿又康
熙十六年二月內原任水師提督臣常進功出洋搜

李文襄公奏疏卷九

操練戰船

二

勦俱於旋師之日題報在案近據各鎮將塘報海賊
蟻聚各島耽耽窺伺時復連檣飄忽出沒無常且沿
邊廣闊處處皆可登犯官兵奔馳堵剿我勞彼逸必
須舟師撲剿追躡賊衆始知畏憚臣日接報文恨不
滅此朝食總因黃溫戰船盡遭失陷存寧船隻又屆
興修今工程報竣檣帆畢具自應出關操練速行搜
勦臣卽密飭定海鎮總兵官牟大寅整齊官兵配駕
船隻并令就近各會巡海部臣布詹等驗明出關去
後今據該鎮塘報操練情形并勦殺賊衆得獲船隻
焚燬賊巢及焚逆賊候修船隻木版等情前來此雖

掩其不備少示創懲惟是海洋大島逆寇甚衆盤踞
飄突莫測狡謀現在舟師聞警迅擊軍機呼吸難拘
時日目今春汛已和除臣密飭定海鎮一面將舟師
操練精熟一遇警息即便知會巡海部臣布詹等點
驗出洋俟有斬殺獲捷情形另行

題報外所有配船操練并不時襲擊機宜相應

題明臣謹會同撫臣李本晟署提督事溫州鎮總兵官

臣陳世凱合詞密

題伏乞

皇上睿鑒施行

李文襄公奏疏卷九

操練戰船

三

康熙十九年二月初六日題奉

旨兵部知道

海洋擒賊獲船大捷疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為飛報官兵擒賊獲船大捷事據定海鎮總兵官牟大寅呈報到臣該臣看得浙省海島逆寇聚踪飄突莫測狡謀經臣

題明日今春汛已和密飭定海鎮將舟師操練精熟一遇警息即便知會巡海部臣布詹等點驗出洋俟有斬殺獲捷情形另行

題報等因在案今據定海鎮總兵官牟大寅塘報遵臣

李文襄公奏疏卷九

海洋大捷

四

密飭并會同巡海部臣布詹等遣發遊擊衛聖疇安疆等駕船出關前至孝順洋遇有大夥賊船官兵血戰打沉賊船十四隻燒燬賊船五隻陣斬偽參將童耀等偽官一十九員賊兵二千餘名生擒偽官兵共一百餘名陣獲大小賊船一十五隻并獲器械偽印劄等項塘報前來臣惟海逆狂逞沿邊將士擐甲枕戈晝夜堵禦今賊船告竣仰仗

皇上天威出奇掩擊斬賊獲船大創逆氛官兵用命功勩難泯除將在事有功人員并擒獲賊船跳船官兵職名暨傷亡官兵現在確查容另造冊送部疏內不行

備載至於陣損船隻積具并得獲賊船名色統俟查

明彙報外所有剿殺海賊獲捷情形臣謹密疏題報伏乞

皇上睿鑒施行

康熙十九年三月十一日題奉

旨據奏遣發官兵擊敗海賊擒斬甚多得獲賊船器械可嘉着議奏該部知道

李文襄公奏疏卷九

海洋大捷

五

請會勦海寇酌置戰船疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為閩省逆氛已潰浙洋餘孽尚繁亟請乘時會勦并議酌置戰船永奠海疆事竊照浙省邊海重地前此承平之時原有額設戰船一百六十隻隨船哨船一百二十隻分泊寧台溫三區勢相犄角以備搜勦會哨之用不意康熙十三年間黃巖溫州變亂二汛船隻盡皆失陷僅存定關孤艇為數無多其台溫遠難復額情由經臣於黃鎮現在缺員等事疏內

李文襄公奏疏卷九

會勦海寇

六

題明侯錢糧稍充再行酌議等因在案迄今逆賊沿邊窺伺知我溫台無船懸懸忽出沒無常臣嚴飭各鎮將士操甲枕戈晝夜堵禦者已數載於茲矣雖一於康熙十四年二月間經前任定海鎮臣朱萬化等搜勦於沈家門等處再於康熙十六年二月內經原任水師提督臣常進功等搜勦於螺頭門等處終以賊眾船多不能制其死命頃者定鎮船工告竣臣於康熙十九年二月間密飭官兵出奇掩擊遂得於孝順洋斬獲奏捷以示大創但今寧屬之舟山紅峙山南田等處台屬之玉環橫山等處溫屬之鳳凰山雞

籠山大洋山茅簷山等處島嶼甚多賊徒恃為窟穴勾聯盤踞若不亟圖翦滅誠恐日益蔓延沿海要區終難寧謐臣蚤夜籌惟恨不滅此朝食前經臣咨會福建督臣姚啓聖等遣發舟師會合浙省官兵於康熙十八年五月間南鎮雙頭洞等處殺賊獲捷此時福建水陸之師專力漳泉因調到船隻無多未及大舉今福建游澄廈門金門等處俱經全定官兵戰船應有盈餘兼以浙洋餘孽聞風膽落之時乘此合勢會勦更與向日情形有間且浙閩連洋勢同唇齒福寧海道緊接溫州前此猶以配駕無兵中間險阻為

李文襄公奏疏卷九

會勦海寇

七

慮茲幸閩省賊氛帖息乘風破浪瞬息可通會勦之舉時不宜失伏乞

皇上勅部議調福建水師官兵分駕戰船一百號由閩洋直趨溫台浙省水師由定關會師夾擊將一切島窟迅掃無遺庶一勞永逸臣更有請者浙省台溫二區戰船前於失陷之時被會養性駕赴閩海臣於康熙十五年十月內曾經具啓大將軍康親王內開會養性既經受撫所有前此浙省溫台二區失陷戰船亟請查出歸還原標等因在案時因閩省用船未及還浙今全閩業已大定各項新舊戰船頗多浙省缺額

未補仰祈

皇上俯鑒浙省製造煩難准於會勘事竣之日即以前項

閩來戰船分泊溫台配兵守汛其閩來官兵徑由陸

地回汛事屬妥便總以

朝廷之戰船捍衛沿海之疆固在閩可免將來修船之煩

在浙可無目前成造之費於是寬物力而省錢糧一

舉而數善備矣臣從

國計封疆起見謹會同撫臣李本晟署浙江提督事溫

州鎮總兵官陳世凱合詞密

題伏乞

李文襄公奏疏卷九

會勘海寇

八

睿鑒

勅下該部速賜議覆施行

康熙十九年四月二十日題奉

旨兵部議奏

援閩回浙官兵循例陸續補伍疏

總督浙江等處地方軍務兼理糧餉兵部尚書兼都

察院右副都御史正一品臣李之芳謹

題為題明事康熙十九年四月十二日准兵部密咨為

閩省海逆廓清等事內開該議政王等會覆福督姚

啓聖題前事等因康熙十九年三月十二日題本月

二十九日奉

旨議政王貝勒大臣會議具奏欽此密封到部該臣等會

議得福建總督姚啓聖疏稱浙省原調官兵自當盡

數撤回早去一日早省一日錢糧今援閩官兵相應

李文襄公奏疏卷九

援閩官兵

九

照援浙官兵例一而具題請撤一而移咨起程等因

查該督既稱已將海賊剿殺恢復海澄廈門等島閩

省俱已底定應將自浙調來提督石調聲之兵撤回

浙江節省錢糧等因具題應如所題行令提督石調

聲率領官兵回赴浙江將頂募兵丁照數裁去聽該

督提等查汰通省各營老弱補入節省錢糧可也等

因康熙十九年四月初二日題本月初四日奉

旨依議欽此移咨到臣准此又案為請撤援閩官兵以期

節省錢糧以免士卒遠戍事准兵部密咨內開職方

清吏司案呈奉本部送密封內該本部覆江西巡撫

安世鼎題前事等因康熙十八年十一月二十日題
本月二十三日奉

旨這官兵隨征効力應撤回江南額外支給糧餉遇各營
缺少兵丁即將此兵填補以後有此等撤回効力官兵
亦應照此行着再定例具奏欽此密封到部該臣等再
議得江西巡撫安世鼎疏稱龍泉泰和等縣俱經新
添官兵安徽遊擊周時隆官兵一千五百名應撤回
還江南等語臣部議覆奉

旨欽此應俟周時隆等發回江南之時將官兵額外存留
准食俸餉官員俟本省有應補缺出臣部即行推補

李文襄公奏疏卷九

援閩官兵

十

其兵丁亦行文該撫鎮查汰通省老弱并缺額陸續
頂補仍將補過數目日期造冊咨送戶部查核千總
把總等聽該撫鎮等俟有缺出即行頂補嗣後撤回
効力官兵如有似此裁缺者俱照此例等因康熙十
八年十二月初五日題本月初六日奉

旨依議欽此移咨到臣遵奉在案今該臣看得浙省邊海
重地先於請

旨事一疏部議浙省近海關係最要兵額宜增令招募兵
丁五千名按要緊地方分附各營約束俟調赴閩省
官兵回浙之日將此項再議裁減等因今准提督臣

石調聲咨稱所統旋浙官兵止係原帶提標并溫台
標營及現在援勦漳泉督撫杭嘉湖各標營官兵其
調防福建益亭并光澤浦城等處浙屬官兵福督臣
未經議及帶回等因現在另疏請撤外目今援勦漳
泉官兵將次抵浙旋師之後自當遵照部文將前項
募兵裁去查汰通省各營老弱遇缺補入但浙省軍
興以來各營之兵或調援征勦或防禦險隘不啻幾
經挑選幾經訓練矣現在行伍者實多衝鋒用命之
人即間有患病開除事故逃汰者俱係隨缺隨補並
無空懸今令將新兵補入雖嚴行查汰勢必陸續需

李文襄公奏疏卷九

援閩官兵

十一

時斷不能以回浙之日盡數補額若將頂募兵丁裁
去住支糧餉此項兵丁之內有將援勦鎮各營舊兵
歸入充數者有精選強壯之人業經操練成旅者現
按緊要地方分撥防守若不安頓得所遠議住支則
此數千充伍之人一旦斷其口糧勒歸田里不無好
勇疾貧之憂散於四方恐相結為患臣為地方起見
又不得不懇懇過慮也除臣一面嚴行查汰循照裁
去援勦鎮標兵丁之例陸續補伍務期安插得所以
副節省錢糧之至意再照臣標前後二營官兵案於
亟請安輯來歸官兵事疏內

題明部覆既稱見在會勦江西及入閩未回其增設前
後二營官兵應俟該督標下各營官兵回來之日再
行議裁等因在案今既旋師是臣標前後二營官兵
相應裁減惟是戮力疆場遠戍隔省勞苦倍常案查
援勦江西官兵上厓

宸衷允其額外支餉遇缺填補奉有以後有此等撤回効
力官兵亦應照此行之

旨欽遵在案行聞士卒無不歡呼雷動茲臣標前後二營
援閩官兵除參將趙得壽守備王和等已陞補閩省
員缺外其守備任選等應遵

李文襄公奏疏卷九

援閩官兵

十一

題允近例額外存留准食俸餉俟本省有應補缺出即
行補用陸續頂募者也其參將鮑輔仁守備龔堂等
係先經會勦江西參將劉國翰等係先經防禦仙霞
及現在軍前事同一體應否照隨征効力之例相應
一併

題明聽部議奪臣謹會同撫臣李本晟署提督事溫州
鎮總兵官臣陳世凱合詞密

題伏乞

皇上睿鑒

勅部議覆施行

康熙十九年五月初三日題奉
旨兵部議奏

李文襄公奏疏卷九

援閩官兵

十三

請撤調防浦城官兵回汛疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為請撤原調援浙官兵節省糧餉事竊照康熙十三年間准兵部咨移調發京口隨旗綠旗官兵及兩路鎮標綠旗兵丁三千名并江南提標綠旗兵丁二千名令原副都統補福建提督臣段應舉統領來浙與總理糧餉侍郎臣達都等會商酌量策應所遺兵缺令募補足事平凱旋之日將補額兵丁仍額外留營等因奉

李文襄公奏疏卷九

浦城防兵

十四

旨欽遵在案自康熙十五年八月間大兵進閩准總理糧餉侍郎臣達都咨稱浙省官兵多隨大兵進剿溫台等處海疆多事需兵防剿將京松各營官兵仍應存浙等因其京口右營遊擊張宏弼官兵隨同寧海將軍固山貝子傅喇塔入閩即令駐防福建益亭等處臣以京松各營官兵調援日久浙寇平定即應撤回原營既以恤兵兼圖省餉案經啓請大將軍康親王承准諭開京口營遊擊張宏弼官兵一千員名現留防浦城等處要汛未便撤調其餘在浙京松各營官兵應行調回等因隨經臣

題明除京松各營官兵盡行撤回止將遊擊張弘弼所領官兵暫留浦城遵奉在案今該臣看得京口右營遊擊張宏弼官兵原係奉

旨回江南京松各營援剿浙省者也嗣因該營隨軍入閩留駐浦城又浙省閩寇初平臣以節省行糧起見將調援官兵具

題撤回原營時緣浦城界接三省餘孽未靖承准康親王諭令將該營留汛貼防以資策應今福建廈門等處海賊蕩平已經全定浙省援兵俱已撤回則京口右營官兵奔馳征剿戍守有年自應亟請撤回以省

李文襄公奏疏卷九

浦城防兵

十五

行坐兼支之費當經啓請康親王承准諭覆游島俱已平復地方寧靖張宏弼援剿官兵應准撤回聽該督具

題等因前來相應

題請將京口營遊擊張宏弼官兵一體調回江南庶援師早歸本汛而行糧亦可節省矣臣謹密

題伏乞

睿鑒

勅部議覆施行

康熙十九年五月初三日題奉

旨兵部議奏

請免故宦加徵銀米數目疏
總督浙江等處地方軍務兼理糧餉兵部尚書兼都
察院右副都御史正一品臣李之芳謹

題為軍需方虞匱乏臣竝其當急公請

勅造議通行勸諭宦圖地稅之法下不致擾民間上可仰

裕

國用事據浙江布政司布政使李士楨呈詳到臣該臣
看得浙省杭嘉等府屬原報宦產內有官員亡故子
孫並非舉監仕宦者其加徵銀米案經前任撫臣陳
秉直具

李文襄公奏疏卷九

奏請加徵

十七

題請部議康熙十五年十六年宦戶加徵銀二萬三

千餘兩米一萬六千餘石已經該撫照數徵收今十

七年何一年即亡故官員六百九十餘員其中恐地

方官捏報行臣嚴查官員亡故年月具

題遵即備行布政司嚴查去後茲據該司詳覆康熙十

五十六年宦戶加徵銀米較多者蓋因內有官宦已

故而產戶尚列故宦之名者作何分別徵輸案經前

任撫臣咨請部示部覆生員民地無容加徵此外不

論文武照會議不比百姓各項地畝槩行加徵等因

是以浙省遵照部行彼時止除生員民地外凡係歷

李文襄公奏疏卷九

浦城防兵

十六

年故宦田地亦俱盡數查報開徵此從前遵照部行故有如許加徵之銀米也嗣後每據各屬紛紛籲詳咸稱亡故宦戶不能加徵復經前任撫臣咨部准部咨行官員真正亡故子孫非係舉監仕宦者作速造冊具題再議等因是以前任撫臣將原報徵糧內歷年真正故宦子孫非係舉監仕宦等戶一併彙冊題豁是原係歷年所故之官非十七年亡故官員有六百九十餘員之多也今嚴查各宦亡故年月其在康熙十五十六年并未奉文之先亡故宦官計五百一員在康熙十七年亡故宦官八十四員共五百八十八

李文襄公奏疏卷九

故宦加徵

十八

五員名至部查六百九十餘員者蓋緣一縣之中產坐各里又有一人之名產坐各縣以致各里各縣戶名重列若按戶計算則有六百九十餘戶而按名合算實止亡故宦官五百八十五員也凡此委皆真正故宦子孫並非仕籍實難加徵應請除豁以甦民困既據該司查明詳送各屬造報各宦亡故年月細冊前來臣復嚴加查核無異除冊送部外臣謹具

題伏乞

勅部議覆施行

康熙十九年六月初八日題奉

旨該部知道

李文襄公奏疏卷九

故宦加徵

十九

偽將軍劉天福等大鯨全旅歸誠疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為恭報偽將軍大鯨全旅歸誠仰祈

睿鑒事據溫州鎮總兵官陳世凱溫處道張有傑申報到臣該臣看得浙省海洋沿邊二千里惟溫屬與閩接界海島賊寇呼吸相通盤踞作逆實繁有徒內如偽定北將軍劉天福偽左都督劉祖漢黃炎等各統大鯨突窺伺使我將士枕戈擐甲東奔西馳疲於堵禦者業經數載此誠諸逆之渠魁疆圉之大害也臣

李文襄公奏疏卷九

海寇歸誠

百方籌畫冀弭邊患除密令定海鎮標舟師不時搜剿又經

題請浙閩會兵合剿在案臣復頒發告示宣布

皇仁曉以禍福鼓以功名分行鎮道設法招徠去後今據溫州鎮總兵官陳世凱溫處道張有傑報稱奉令差員往返招撫今於康熙十九年五月十六日招到偽定北將軍劉天福率領偽左都督劉祖漢黃炎并偽都督副將參將遊擊都司守備千總及偽監軍按察司同知通判等官共一百八十員偽兵二千餘名駕船進關投誠一面安插溫州隨將劉天福等案伴赴

臣軍前繳有偽定北將軍銀印一顆偽銅關防三十七顆偽令諭劄付一百八十五張經臣逐一篇賞袍帽銀牌豬酒口糧路費等項開剿安插訖溫州鎮總兵官陳世凱等協同文武各官捐資招撫隨征官單進廉等冒險宣勞功俱難泯惟是劉天福等擁鄭逆名號久踞浙洋實係各島之領袖今既大鯨向化其餘醜類不難勦撫仰祈

皇上嘉與向化

勅部將劉天福等并招撫人員從優議敘庶餘孽聞風革面而各員咸知鼓勵矣其駕到投誠船隻據稱尚有

李文襄公奏疏卷九

海寇歸誠

二十一

後船未到除現行確查外應俟到齊查明是否堪用另行彙報事關招撫海寇渠首大鯨投誠除將招撫在事人員開明履歷并投誠偽官兵花名繳到偽劄付數目造冊送部外臣謹密

題伏乞

勅部議覆施行

康熙十九年六月二十一日題奉

旨據奏招撫偽將軍劉天福等率眾投誠可嘉着議奏該部知道

請免追扣賞給官兵銀兩疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為題明賞給官兵銀兩仰祈

天恩特賜開銷以鼓兵心事據浙江布政司布政使李士

楨詳稱奉臣案驗康熙十四年八月十六日准戶部

密咨內開浙江清吏司案呈奉本部送奉

御前發下紅本該本部密覆浙江總督李之芳題前事等

因康熙十四年六月初八日題奉

旨該部議奏欽此欽遵於七月初四日密封到部該臣等

李文襄公奏疏卷九

賞兵銀兩

三

查得先經浙江總督李之芳密疏稱臣於解發關餉

十五萬兩內留銀六萬兩於衢州備兵餉支用內有

製造軍器者應於軍器案內銷算外有預給通省滿

漢官兵一月俸餉者另疏會題又賞恤官兵仰荷

天恩許臣造冊報部核銷等因臣部議覆支給官兵俸餉

銀兩並未開明細數無憑查核行文該督作速開造

細冊具題到日再議又製造軍器賞給官兵銀兩無

擅動之例請

勅該督照數補還以濟軍需等因具題奉

旨這製造軍器賞給官兵銀兩着俟造送細冊到日一併

再議具奏欽遵行文去後今據浙督李之芳密疏稱上

年逆警初聞人心搖動實有巨漚之勢臣與已故將

軍圖喇原任撫臣田逢吉夙夜籌畫有可以固結軍

心裨益封疆者行之惟恐後時公議通省滿漢綠旗

官兵俱預給俸餉一月諭以勉力立功即作賞賚不

於月餉扣除嗣後部議不准動支既不敢請銷又無

從抵補若不題請開銷必須扣除月餉但當此用兵

之際如將已給之資復行扣除所損於公帑者小而

所係於兵心者大仰懇

天恩俯念倉猝震動之時賴此鎮定人心實為封疆起見

李文襄公奏疏卷九

賞兵銀兩

三

權宜急著非常格可拘特宏曠典准予開銷等因會

同巡撫陳秉直具題前來除製造軍器等項銀兩應

俟該督造送細冊具題到日再議外查犒賞官兵銀

兩先經浙撫田逢吉請動支正項錢糧具題臣部會

同兵工二部議覆將士立功理應犒賞無功之人不

便濫賞如有立功之人彼時犒賞具題在案今該督

何得不論有功無功將通省官兵俸餉預給一月相

應請

勅該督撫將此項賞給銀六萬二千三百二十三兩六錢

零於康熙十四年支給月餉內陸續半年之內照數

扣抵再查該督前題疏內稱留衛銀六萬兩預給通省滿漢官兵一月俸餉并製造軍器賞恤官兵等項支用今總督李之芳疏稱預給通省官兵一月俸餉一項共銀六萬二千三百二十三兩六錢零比前留用銀兩數多此銀六萬兩既俱支給俸餉其製造軍器等項用過何項銀兩該督並未聲明應行令該督查明造冊具題之日再議等因康熙十四年七月十六日題本月十八日奉

旨依議欽此欽遵密封到部移咨到本部院准此為照賞給通省滿漢官兵一月俸餉計銀六萬二千三百二十三兩六錢零係本部院與前任國將軍前任田撫院會議公同頒給至於解發閩餉十五萬兩內留銀六萬兩於衛州軍前備用先經為軍中有刻不可少之需等事一案特疏

李文襄公奏疏卷九

賞兵銀兩

二十四

旨着俟造送細冊到日一併再議具奏今本部院已行該司核造細冊另疏題覆原係兩案與此案不作今准部咨將先經具題為軍中有刻不可少之需等事一案所用銀數即作為此案銀數因查前後題報數目不符并令於月餉

內照數扣抵移咨前來合行知照仰司即將賞給滿漢官兵一月俸餉銀六萬二千三百二十三兩六錢零於月餉內作速照數扣抵明白具文詳報以憑題覆等因奉此遵即轉移各標鎮協營查照扣抵去後今准標鎮協營各移到司該本司看得康熙十三年三月間閩省突變浙壞震驚斯時人心風鶴皆無固志惟賴官兵進戰退守蒙本部院與前任國將軍前任田撫院籌畫加賞各營官兵一月俸餉收拾人心修整器械以備戰守之用乃自加賞之後果皆懽聲雷動感激効命如金衢台州等處賊寇臨城得將士奮勇堵禦固志堅守幸獲保全而仙居太平黃巖等縣以及溫處一帶地方相繼恢復從此軍心丕振敵人喪膽仙霞閩省一鼓平復固朝廷歷年榮養士卒之

李文襄公奏疏卷九

賞兵銀兩

二十五

洪恩人心忠義奮發然亦加賞鼓勵之成效也今奉部行此項賞給銀兩於支給月餉內扣除內有領賞之後相繼失陷如黃溫平陽等鎮以及溫處黃巖城守樂清瑞安太平大荆寧村磐石等營無從查追外其餘現在各標營本司謹念錢糧匱絀遵經通移追扣去後茲據移復蒙撫院批詳到司皆言不能追扣之

三三七三

故備稱浙省自閩疆變叛以來各營將士征調無休枕戈沙場寄命鋒鏑恢復疆土平定浙閩功實不小再各營官兵或勇往殺賊殞命於疆場者或經年對壘寒暑交侵相繼病故者其名糧節次詳報開除此又從何追扣其餘見在官兵或隨征戍守海疆或調遣防禦隘口尚在用命亦皆出於萬死一生之下何忍以其見存之官兵而獨追扣乎况所需防勦衣食與養贍家口惟賴此月餉今若一旦追扣則死者固不可問而生者亦必向隅若先以事急則加賞今以底定則扣追不惟有悖

李文襄公奏疏卷九

賞兵銀兩

二十六

朝廷愛養德意抑且非以鼓舞兵心即從古所有挾纜投醪之舉莫非加賞豈謂虛事以此論之實情有所不忍勢有所不能行者也今據各鎮營移覆前來擬合詳請本部院俯念窮兵連歲沙場捐軀報國保固浙省克復闡疆其功不小其賞亦應免追伏祈恩賜具

題請銷則存歿三軍咸沐

皇恩於無既而所關激勵鼓勵更非淺鮮矣等因詳奉本部院批官兵用命征勦勞苦堪憫且死亡過半前項賞賚委難追扣但案准部文令於月餉內扣抵自應

作速扣還據詳應否免追仰再確議另詳速報等因批行到司奉此復經轉移各營扣追去後今准各營移覆到司該本司布政使李士楨覆看得康熙十二年閩疆告變事出倉猝浙省勢切震鄰人心風鶴莫有固志斯時惟有鼓勵士卒為

國家用命乃第一急務本部院帷幄運籌早見及此會同將軍撫院公議通省滿漢綠旗各營官兵一體賞給俸餉一月用以固結軍心激發忠勇俾之安頓家室修整甲械以備戰守一自賞給之後果能感恩効命戮力禦侮或保固危城或攻克淪土皆百戰沙場

李文襄公奏疏卷九

賞兵銀兩

二十七

捐軀報

國一鼓而奪仙霞定八閩功莫大焉雖

朝廷養養之恩施於平日而猝遇事變固志立功不可謂非加賞鼓勵之成效也語云重賞之下始有勇夫况當危急之際原非常格可拘今奉部文將此項賞給銀兩於支給月餉內照數扣抵本司遵即通移各標營照數扣除去後茲准各營節次移覆皆言不能扣追之故念自閩省叛亂浙地雲擾各營將士征調不時隨處攻勦寄命鋒鏑建績疆場實係賞當其功並非無功濫賞况滿漢官兵自出征以來或臨敵赴難

或疾病傷亡此等官兵尙當優恤已不能起白骨而問之卽見在官兵有隨征闕游調防各汛尙在用命所藉月餉以資飽騰今若以給過之銀而於見餉內追扣能無呼庚癸而隳士氣乎且查滿漢

禁旅從京出征者皆荷

皇恩預給賞資每名一二十兩不等莫非鼓勵之意若浙省所賞以滿漢官兵一月之餉每名不過一二兩費朝廷涓埃之惠而收地方底定之功一旦復欲扣除是國家用兵則同官兵用命亦同而

恩典獨異更非

李文襄公奏疏卷九

賞兵銀兩

二十六

廟謨軫恤同仁之意此扣追之議行於今日非惟事有所不便亦勢有所不能行也既經各鎮協營節次僉覆相符合再詳請本部院俯念邊海窮兵數年盡瘁平定浙閩皆係有功之人宜有應得之賞不爲濫及仍賜具

題請銷免扣作三軍之氣而廣一視之仁俾人人知所勸勉其感激奮勵宜何如耶等因到臣該臣看得閩變初聞逆氛震動斯誠地方危急之時必須官兵先有固志感奮圖報而後戰守可恃故臣與前任將軍臣圖喇前任撫臣山逢吉公議預給通省官兵俸餉

一月共銀六萬二千三百二十三兩六錢零勉以立

功卽作賞資蓋合滿漢綠旗官兵而均行酌給者也當此征勦方興之際資爲餼糧衣裹有裨急需以故滿漢各營遣調勦禦用命爭先遂成勁旅是亦鼓勵之明效也臣先將權宜急著難拘常格情由具疏

題請開銷部議令於支給月餉內陸續照數扣抵奉

旨咨行到臣隨行布政司遵照去後據該司詳覆移准各標鎮協營備稱當日官兵領給賞資之銀卽時濟用捐軀報効俱立戰功且有死亡事故日久開除見在之兵已非原伍勢難扣追詳請

李文襄公奏疏卷九

賞兵銀兩

二十七

題銷前來臣復遵照部文批行扣抵據該司覆詳無異臣惟當日事勢實與承平大不相同當機應變關於呼吸兩浙爲東南重地朝廷數百萬錢糧皆由此出必不靳此六萬餘金以鼓滿漢官兵之士氣故臣與將軍巡撫諸臣毅然行之今仰仗

皇上天威疆圉底定滿漢各營兵丁皆百戰僅存之身咸有邀

恩過望之念若將見支之月餉扣抵從前之賞資無論陣亡事故者不可復問卽見在官兵扣一月之餉卽缺

一月之食海疆窮戍勢難枵腹因而各營米口哀籲紛紛請豁雖嚴行扣抵而軍心徬徨呼號漏切實以整所難行况前項銀兩總出於追回闕餉十五萬兩數內俛失復得藉以鼓勵衆心有闕

國計仰祈

皇上俯察通省滿漢綠旗官兵捍禦封疆底定地方著有功績將所賞一月俸餉特洪

曠典准免扣追在請將士感奮歡呼益當效死無既矣至

部議內開前疏稱留銀六萬兩今疏稱六萬二千二百二十三兩六錢零比前留用銀兩數多者因前銀

李文襄公奏疏卷九

賞兵銀兩

三十一

六萬兩係爲軍中有刻不可少之需等事一案具

題臣據布政司造冊見在另疏

題覆外至此案內銀六萬二千三百二十三兩六錢零

係屬兩案彼此數日原不相同再查內有給賞滿洲

官兵并督標衛協官兵一月俸餉銀四千六百九十

八兩六錢三分八釐又係即於軍中有刻不可少之

需等事六萬兩案內動支給賞擬合一併聲明臣謹

會同撫臣李本晟合詞密

題伏乞

勅部議覆施行

康熙十九年八月十八日題奉
旨該部知道

李文襄公奏疏卷九

賞兵銀兩

三十一

彙報招撫投誠總冊疏

總督浙江等處地方軍務兼理糧餉兵部尚書兼都察院右副都御史正一品臣李之芳謹

題為招撫統仗

皇威安插業已告竣謹據冊彙疏

題報仰祈

勅部議敘以昭鼓勵事據浙江布政司布政使李士楨詳稱閩變以來禍延浙省勾聯煽惑偽劄嘯聚實繁有徒自非勦撫並用散其羽翼未易奏功如浙屬衢金嚴寧台溫等處弁鄉境海島各偽官兵分踞險要懸

李文襄公奏疏卷九

投誠總冊

三

結山寨無不稱立名號互相犄角荼毒生靈實為地方大害蒙本部院多方指畫廣示招徠或開誠布信示以安全或冒險差員特申禍福或創戈於對壘或自拔於逆營者不可勝計迨斬關克敵崇山遂谷蟠結蔓延又復設法開導始激賞於先歸後相繼而革面至於鄰封遺孽游島餘氛又必諭示類頒告誡諄切然後絡繹歸命在本部院殫心畢慮解散消弭而在事奉委人員亦皆恪守稟遵不憚勞苦因此各偽官兵傾心感激陸續來歸除隨便分發安插外其赴本部院軍前納款者俱蒙賞給袍帽銀牌口糧路費

等項分發効用入伍歸農安插訖今據各官將安插過偽官花名偽兵數目并招撫在事人員造冊前來本司查各案投誠有先經具

題已經造冊送部議敘今燕庸重造者有先經具

題未經造冊送部今現在彙冊同送者有陸續招撫應

彙案具

題今一併彙冊造送者遵俱逐一分晰造冊并另備簡

明總冊現在詳請本部院具

題送部議敘庶在事人員冒險宜勞俾得均沾錄功之

典等因到臣該臣看得浙省向遭閩變衢溫台處四

李文襄公奏疏卷九

投誠總冊

三

府首當賊衝金嚴寧紹一帶寇氛四佈奸宄之徒所在叢起臣謬膺重寄督飭文武將吏勦撫兼施多方招徠臣具有恭報招撫情形等事前後兩疏具

題仰邀

皇上俯鑒俱奉有悉心籌畫可嘉之

溫綸有功人員事平議敘之

俞旨欽遵在案繼而大兵前進此時偽授名號盤踞山谷者不可勝計且江右鄰氛出沒岐界游島遺孽突犯不常臣殫竭心力設法消弭凡賊中名目最著者臣即給以諭帖開示禍福分頭往招各皆傾心革面再

如溫區逆眾相率輸誠臣隨具有微臣設法招徠等事一疏及溫州全府恢復等事一疏各經

題報奉

旨在案此外臣或遴選人員冒險開導或宣布誠信務令安全使屯聚逆黨早得解散一日地方百姓早得舒困一日故不敢吝惜犒資以示鼓勵然後各偽官兵感泣向化陸續來歸除大將軍康親王暨撫提各臣題報不計外凡經臣

題報者共投誠偽官三千餘員偽兵人等一十一萬二千二百餘名又陸續招撫偽官三千二百餘員偽兵

李文襄公奏疏卷九

投誠總冊

三十四

五萬三千三百餘名通計招撫過偽武職將軍都督總兵副參遊都守千把等官偽文職兵部總督道府等官共六千二百餘員偽兵人等共一十六萬五千五百餘名所有偽勅印劄除繳送各衙門先經臣繳送兵部并投誠各官出山之日焚燬不計外現在陸續繳送臣軍前者偽勅三道偽令諭劄付牌檄等項共五千五百餘張偽封袋七百九十餘箇偽印一百八十九顆前將招撫投誠偽官兵除造冊送部議敘外尚有未經造冊送部者案經臣於恭報招撫情形等事疏內備開招撫有功人員投誠偽官花名并入

伍歸農及繳到偽劄俟安插定日咨逐一查明造冊另疏

題明在案凡此投誠官兵皆易動難安之人若使其聚食眾多不但糜費錢糧且慮別生意外故當其來歸先加厚賞撫慰歸農必給途費總以立時解散為主其情願收標者大約皆不便歸農之輩勢不得不准其効用入伍加意約束以馴服其叵測之心以故隱患漸消羣疑盡渙是皆仰賴

皇上天威使兩浙人民重登衽席也今據布政司備將招撫安插數目并在事人員繳到偽勅印劄開造總冊

李文襄公奏疏卷九

投誠總冊

三十五

及細冊前來臣惟在事道府等官奉臣飭行恪勤緘在事員役齋諭往招著有功勤其與成例相符者難以泯沒除將各冊送部外仰祈

皇上勅部分別議敘以示鼓勵至繳到偽勅劄付為數甚多一面彙發布政司收貯解部其繳到銀銅錫偽關防印信臣并發布政司貯庫應否照兩廣例就近銷燬止將銀銅錫斤兩報部以免驛遞之繁統俟部奪臣謹具

題伏乞

皇上睿鑒

勅部議覆施行

康熙十九年八月十八日題奉

旨該部知道

李文襄公奏疏卷九

投誠總冊

三六

彙報勦殺逆賊恢復城池疏

總督浙江等處地方軍務兼理糧餉兵部尚書兼都察院右副都御史正一品 臣 李之芳謹

題為彙報勦殺逆賊恢復城池事案於康熙十六年正月初五日承准奉命大將軍和碩康親王諭開准兵部咨該臣等議得奉命大將軍和碩康親王疏稱遣發滿漢官兵於大溪灘曹平關等處勦殺逆賊恢復江山常山二縣直取仙霞嶺浦城等語奉

旨覽王奏親統大兵進勦逆賊指授都統賴塔副都統胡圖等方畧於大溪灘曹平關等處擊敗賊衆斬殺甚多

李文襄公奏疏卷九

彙報勦殺

三七

焚燬賊營恢復江山常山二縣乘勝直取仙霞嶺招撫投誠偽副將王明庫等沿途斬殺逆賊恢復浦城縣安撫百姓得獲偽印劄盜甲器砲甚多具見王殫心籌畫調度有方勦撫並用將士奮勇溪為可嘉在事有功人員着從優議敘具奏兵部知道欽此將滿洲有功官兵俟回京之日議敘外查得總兵官黃大來等於大溪灘等處勦殺逆賊恢復江山等縣應議敘但未造清冊送部不便遽議移咨奉命大將軍和碩康親王轉行浙江總督將在事有功人員確造清冊送部之日再行議敘可也查得康熙十四年十二月議政王等

會議具

題一疏內稱投誠各官仍照定例部議給劄必致壅滯不得錄用嗣後各處統兵大將軍將軍等諒投誠各官功勞之大小酌給劄付簽大將軍將軍等印遇缺如果可用即行的用可也將軍等簽印給劄及所補之缺仍行報部等因通行在案今投誠偽副將王明庫等大將軍康親王已經酌量加銜給與劄付毋庸再議於康熙十五年十月二十四日題本月二十六日奉

旨依議等因到本親王合行諭知為此特諭到臣承此該

李文襄公奏疏卷九

奏報勦殺

三十八

臣看得衢州係入閩咽喉而大溪灘一路尤係賊營扼截之要害也是時閩逆精銳之卒畢集衢郡江山常山等縣悉淪賊境故必先破河西之勁敵而後各路諸賊不難瓦解臣是時察審形勢迤南則江山迤西則常山皆可間道截其糧運斷其歸路我兵一進賊必首尾受敵勢不能仍保巢穴便可長驅入閩止因兵力不敷先於逆賊負固日久等事請調鄰省官兵疏內備陳進剿機宜

題明在案嗣蒙大將軍和碩康親王於康熙十五年八月十四日統師至衢遣發官兵臣復督飭綠旗標營

直搗大溪灘賊營使彼首尾中斷方克制勝而滿漢官兵仰藉

呈威奮勇前進先取大溪灘營盤收復江山縣扼賊後路一面從河西進剿恢復常山縣軍聲自此大振直取仙霞關偽副將王明庫等相率來歸得獲險要克復福建浦城縣經大將軍康親王具

題奉有將士奮勇為可嘉在事有功人員着從優議敘具奏兵部知道之

旨欽遵諭臣造冊送部議敘隨行據領兵鎮將各員造報履歷內因援閩官兵相距遙遠造報難齊今始旋浙

李文襄公奏疏卷九

奏報勦殺

三十九

逐一查造前來惟是衢州歷年死拒之寇聯營列寨僅隔一河臣身在行間督勵各鎮將大小百餘戰無不捐軀用命自大溪灘獲捷恢復江常賊氛潰遁由此各路逆眾聞風瓦解實賴

朝廷威靈大將軍勝算其在事人員功績亦皆昭著難泯前康親王疏內所報獲捷情形在事綠旗有功人員例難備載於領兵各官之下開列等字又臣於

題報疏稱其各官兵獲捷功次咨核明另報誠以血戰之功未便遺漏先為聲明在案伏乞

皇上勅部將冊內人員一體從優議敘庶立功將士獲邀

信賞威知激勸矣除將在事各員經臣逐一覆核

造履歷清冊揭送兵部核敘外相應

題報臣謹具

題伏乞

皇上睿鑒施行

康熙十九年十二月二十五日題奉

旨兵部知道

李文襄公奏疏卷九

彙報勦殺

四十

送事平議敘各案功績冊疏

總督浙江等處地方軍務兼理糧餉兵部尚書兼都

察院右副都御史正一品臣李之芳謹

題為欽奉

上諭事該臣看得浙省痛遭變亂衢溫處三府首當賊衝

而杭紹寧台金嚴等府賊寇四出臣同平南將軍都

統臣賴塔仰遵

廟算統領官兵抵遏重敵分頭堵禦凡一應進剿機宜與

保固地方收拾人心臣皆晝夜兼行不遺餘力幸藉

皇上天威將士用命屢著捷功迨大將軍和碩康親王與

李文襄公奏疏卷九

送議敘冊

四十一

寧海將軍固山貝子傅喇塔相繼抵浙軍聲丕振案

將各路獲捷情形俱經逐疏具

題荷蒙

皇上隆恩屢畀調度有方之

天語勗勵微臣欽遵事平議敘之

恩綸鼓舞將士無不感激涕零奮身圖報以故逆氛不旋

踵而殄滅此皆

煌煌上諭時切軫念之

宸衷格於遠邇也案照康熙十四年間蒙

皇上軫念綠旗官兵効力勦賊固守地方特奉

上諭議敘加恩臣欽遵案將奉

旨事平議敘各案在事有功人員造冊送部其尙在行查

竝核後各案功績經臣

題明容另造冊送部在案嗣蒙我

皇上軫念勞績凡奉

旨事平議敘者俱令察明功次即行議敘惟部咨行造冊

臣遍行曉諭一面備行各標鎮協營造報清冊內因

援閩官兵相距遙遠一時不能取齊今始旋浙核造

前來臣復加確核備造履歷清冊除揭送吏兵二部

核敘外相應

李文襄公奏疏卷九

送議敘冊

四十二

題報臣謹具

題伏乞

皇上睿鑒施行

康熙十九年十二月二十五日題

白該部知道

請開復象山營都守各官疏

總督浙江等處地方軍務兼理糧餉兵部尙書兼都

察院右副都御史正一品臣李之芳謹

題為窮弁無俸堪憐年久例邀開復臣謹據詳

題請以勵後效事據浙江布政司布政使李士楨呈詳

等因到臣該臣看得象山縣於康熙十四年八月內

因該協副將羅萬里從逆失陷部議將都司僉書高

昌守備張秉乾楊升千總郭進德張瑞劉之升鄭泓

把總聶大標楊虎劉有功周進功張悌李振均應革

職免其應擬之罪仍畱原任立功贖罪內郭進德已

李文襄公奏疏卷九

開復各官

四十三

補定海鎮標守備鄭泓現補千總亦准各畱陞任立

功贖罪等因於康熙十五年二月初四日奉

旨依議欽遵在案今除守備張秉乾已經陣亡守備楊聲

千總鄭泓先後病故俱無庸議外至都司僉書高昌

守備郭進德千總張瑞把總張悌李振等均立有功

績經臣具

題開復部議高昌等所行之處不大不足以抵罪

題請開復之處應無庸議等因隨行遵照在案今據定

海鎮總兵官牟大寅黃巖鎮總兵官林本直及象山

協副將汪國祥復詳都司僉書高昌守備郭進德千

總張瑞劉之升把總聶大標楊虎劉有功周進功張
梯李振自在俸以來已經五載有餘防禦險汛備極
勞苦且高昌等在營或久至六七年不等甚有二十
餘年者若再淹滯不邀升斗之祿不幾老斃疆場終
難陞轉因援三年無過之例呈詳請開復批行布政
司查覆前來臣惟武弁戴罪圖功乃

朝廷令其改過自新之典若必軍功方准開復今地方已
定衝鋒血戰事不恒有終身幾無開復之期故戴罪
圖功一條又開有三年之內地方寧謐并無罪過亦
准有題請開復之例今都守千把各官高昌郭進德

李文襄公奏疏卷九

開復各官

四十四

等十員自奉

旨任俸以來已逾三年之外咸能奮勉圖報克盡厥職現
今常俸停支枵腹從事邊海窮員實堪憫惻今既據
該司查議與例相符擬合

題請開復以廣

皇仁以鼓後效者也臣謹會同撫臣李本晟提督臣石調
聲合詞具

題伏乞

勅部議覆施行

康熙二十年五月二十四日題奉

旨該部議奏

李文襄公奏疏卷九

開復各官

四十五

請補黃巖鎮額馬疏

總督浙江等處地方軍務兼理糧餉兵部尚書兼都察院右副都御史正一品臣李之芳謹

題為請循原鎮舊制加撥額馬以資馳剿以固邊防事

據浙江布政司布政使李士楨呈詳到臣該臣看得

黃巖鎮營制原額馬一步九戰三守七共戰守兵丁

二千九百五十名戰馬二百九十五匹此係前經

題定并於歷年季報冊內開造達部在案至康熙十五

年間緣浙省設立水師提督尚在募兵未足適黃巖

總兵官鮑虎病故亟資重臣彈壓臣遂將黃巖鎮標

李文襄公奏疏卷九

請補額馬

四十六

官兵改為水師提標庶可兵不別募餉不加增技之
另設水師提標歲費糧餉所省實多臣於黃巖鎮現
在缺員等事一疏

題改為水師提標因照水師營制存馬一百匹將餘馬

撥入各營補額此當日改鎮為提之始末也今復設

為黃巖鎮是仍以原舊之鎮標復還原鎮之舊制實

非原係水師提標今始改設為鎮標也先據鎮臣請

復舊標缺額馬匹詳臣

題請部覆黃巖鎮標兵丁乃係水師提標原額其請補

設缺額馬匹之處仍無庸議等因隨行遵照在案茲

復據鎮臣林本直激切呈詳又准提臣石調聲循例

咨會臣行據布政司議詳前來查黃巖鎮營制歷設

已久前者水師提標原從黃鎮改設今裁水師而復

黃鎮仍係以鎮復鎮實非水師提標原額也在當日

改設水師提標原無陸營之責故止留馬一百匹今

復設為鎮標現轄寧波象山寧海台協黃巖太平陸

汛延袤七百餘里遇警策應惟馬是需職掌既與水

師不同營制又非水提原額馬匹自應照舊復設况

現今浙省温州平陽定海三鎮俱係馬一步九黃巖

遍臨濱海邊汛延長四鎮經制事同一例戰馬誠難

李文襄公奏疏卷九

請補額馬

四十七

獨缺既據該司議詳前來除水提原額暫留兵四百
五十名臣見在另疏裁撤外其所缺經制額馬臣從
防勦海疆起見謹再疏

題請仰祈

皇上勅部將黃巖鎮標缺額馬一百九十五匹仍照原制

補設庶戰守有資所裨營務匪淺矣臣謹合同撫臣

李本晟提督臣石調聲合詞具

題伏乞

勅部議覆施行

康熙二十年七月二十七日題奉

旨兵部議奏

請撤水師提標暫留兵丁疏
總督浙江等處地方軍務兼理糧餉兵部尚書兼都察院右副都御史正一品臣李之芳謹
題為

請撤暫留兵丁以節省糧餉事據浙江布政司布政使李士楨呈詳等因到臣該臣看得浙省於康熙十五年間將黃巖鎮改設水師提標增為四營兵技鎮標多添四百五十名共計戰守三千四百名馬技鎮標裁減一百九十五匹止存一百匹後水師提標仍復為黃巖鎮隨將原兵二千九百五十名歸入經制原額

李文襄公奏疏卷九

請補額馬

四八

李文襄公奏疏卷九

撤暫留兵

四十九

馬止將現在一百匹改入鎮標經制額馬迄今未補維時有餘剩兵丁四百五十名因沿海寇氛狂逞汎廣兵單分佈不敷經臣題明暫留分禦要汛俟海寇稍平再議裁汰等因准有部覆如臣所
題奉

旨依議欽遵在案嗣巡查海口戶部郎中臣布詹等閱視沿海目擊險要在在需兵移臣撥發分防幸各安堵但前項兵丁原係暫留又當酌量情形以圖節餉臣隨移戶部郎中臣布詹等復撤布政司查議詳覆前

來臣惟近日浙洋餘氛出沒毒據沿海各營汛瞭報賊踪飄忽無定倘禦固不容少弛然技之渠魁劉天福劉敏等未經歸順以前大踪巨夥分頭窺犯之形勢似不相同雖暫留兵丁為數無幾未免多一兵即糜一兵之餉當此

朝廷軍興浩繁之時安敢不力行節省相應將前項餘兵四百五十名

題明裁撤陸續查汰補伍使有歸著至邊海緊要各汛

臣當與撫提各臣綢繆調度嚴飭各鎮營官兵加謹防禦相機勦撫以固封疆者也臣謹會同撫臣李本

李文襄公奏疏卷九

徵督勇兵

五十

辰提督臣石調聲合詞具

題伏乞

勅部議覆施行

康熙二十年七月二十七日題奉

旨該部議奏

請復楓嶺營浙閩分轄舊制疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為仙霞係全浙咽喉請復舊時營制增補現在官兵

以固險要以重責成事據浙江布政司布政使李士

楨詳稱看得仙霞一關浙閩要隘先係順治十一年

間奉前任浙閩劉部院於要地議設專營事案內

題請設立楓嶺營在衢郡江山縣念入都地方浙閩接

壤緊要之處設遊擊一員守備一員千總二員把總

四員兵一千名浙閩各設兵五百名分防即於浙閩

李文襄公奏疏卷九

楓嶺營制

五十

各支糧餉後因康熙九年為財賦盡糜於兵餉等事

案內奉部將楓嶺營在浙食糧兵五百名算入福建

經制數內此後俱歸閩省支給糧餉調度不屬浙省

統轄矣迨十三年變起倉猝浙省聲息不通要地早

為賊踞者弊實由此及經恢復荷蒙奉命大將軍康

親王統兵入閩相度仙霞險要諭令援勦鎮李總兵

統兵駐防及援勦鎮奉裁蒙本部院又另撥官兵專

防迨援閩督標後營官兵回浙即撥後營官兵分防

因而數年以來鄰寇竊發餉餉經臨得保無虞是以

營將有復設專營之請也今本司查衢屬界臨江右

接壤閩疆其仙霞一關最稱險要西懸處屬龍泉遂
昌兩縣其間如柱溪周公源口黃皮山等處又東懸
玉山永豐兩縣地界其間鷓鴣山封禁山子午口猴
嶺入仙洞等處向稱盜藪出沒仙霞一帶鳥道叢雜
處處可通此係上游重地非特設專營控制不可第
目今需餉浩繁其官兵若另行創設復恐多費錢糧
查援閩督標後營官兵原奉部文照例額外留浙准
食俸餉遇缺補用今現存官兵五百餘員名相應補
入楓嶺營其營制仍照舊管轄庶兵不加增浙閩各
有責成而全浙門戶得以永固誠為計慮深遠策之

李文襄公奏疏卷九 楓嶺營制 五十二

至便者也伏乞特賜具
題等因到臣該臣看得浙省上游重地界懸閩江莫重
於三衢而衢之險要特為咽喉門戶者又莫重於仙
霞一關蓋其山勢險峻旁通各屬伏莽易於嘯聚是
以順治十一年間經前任督臣劉清泰
題設楓嶺營制駐劄浙省江山縣念八都地方分防浙
閩內遊擊一員千總一員把總二員兵丁五百名入
浙江營制俸餉歸浙支給又守備一員千總一員把
總二員兵丁五百名入福建經制俸餉歸閩支給迨
康熙九年為財賦盡糜於兵餉等事案內部議將浙

李文襄公奏疏 卷九

兵五百名撥入閩省自此於浙不相統轄至康熙十
三年閩中變亂楓嶺官兵不屬浙省所管以致仙霞
天險反為賊踞聲息不通寇兵遂得深入仰賴
朝廷天威掃蕩恢復大將軍康親王統師征閩目擊仙霞
險隘隨諭浙省官兵駐守茲據營將具詳批行布政
司查議前來又准福建督臣姚啓聖移咨三省總要
之區應設官兵駐防誠有見於交界重地岐路叢雜
幅員遼闊惟恐奸徒乘虛竊發變亂之後不得不計
慮周密也臣惟衢屬念八都仙霞等汛皆係浙省地
方若徑聽閩省官兵駐劄防守一應稽察節制事宜

李文襄公奏疏卷九 楓嶺營制 五十三

浙省皆不得與無論萬一地方失事難於責成查參
卽地方無事督護餉鞘稽查奸宄一切職掌汛守均
屬未便况閩省處外浙汛在內從來守關之法自應
從內以控扼於外未有反藉他兵自外而遙制於內
者為今日地方綢繆之計自應為浙閩永遠之謀當
此需餉浩繁若於浙省添營或增額募兵均非所以
節省糧餉查臣標後營守備任選等官兵援閩而戰
効力疆場部議照例額外留浙准食俸餉遇缺補用
奉
旨依議欽遵在案臣請將楓嶺營循照舊制兩省分轄仍

為浙閩楓嶺營將現存援閩原標後營官兵五百員名增入該營經制分為左右兩營其中守備改為左軍守備并千總一員把總二員兵丁七百五十名於閩省支餉增設守備一員為右軍守備并千總一員把總二員兵七百五十名於浙省支餉其遊擊一員兼聽兩省節制仍於浙省支餉至於增設右軍守備一員臣

請即以守備任選補授如此則汛守各有專責職掌不致兩岐且即以現在支餉之官兵補入需兵之重汛兵不另募餉不加增其於鞏固三省要地實有攸賴矣

李文襄公奏疏卷九 楓嶺營制 五十四

臣謹會同撫臣李本晟提督臣石調聲合詞密

題伏乞

勅部議覆施行

康熙二十年七月二十七日題奉

旨兵部議奏

賞給官兵銀兩委難追扣疏

總督浙江等處地方軍務兼理糧餉兵部尚書兼都察院右副都御史正一品臣李之芳謹密

題為題明賞給官兵銀兩仰懇

天恩特賜開銷以鼓兵心事據浙江布政司布政使石琳呈詳據各標鎮協營移稱等因到司該本司布政使石琳看得給發官兵月餉一案康熙十三年間因閩逆變叛浙省震驚當時急圖保固封疆安全民命厲兵秣馬之秋全在格外鼓舞收攝將士之心使之奮勇克敵為

李文襄公奏疏卷九 委難追扣 五十五

國家用命蒙本部院與前任圖將軍前任田撫院公議籌畫給賞通省滿漢綠旗各營官兵一月俸餉共銀六萬二千三百二十三兩六錢零賴以固軍心而發忠憤安家室而整甲械俾士卒同心戮力恢復疆土此一月之賞資實繫全省之安危今浙閩大定功莫大焉先將前賞之銀已於康熙十三年地丁

奏銷冊內造報開銷在案屢奉部文扣抵在部臣職掌司農不得不為湊求但當日賞資實關閩外機宜今復於見支月餉內扣抵本司遵即移行各標鎮協營去後除江南提標右營狼山營俱經回汛無從扣追

外今准滿漢各標鎮協營覆稱皆以賞賚官兵事在康熙十三年間距今業已八載當日領賞原人或對壘衝鋒捐軀陣亡者或有陞調他省無從查扣者或有久戍沙場事故開除者有黃巖溫處各原管官兵俱皆陷失者再有上年奉文裁汰撥補新募兵丁者此皆莫可追求今榮榮士卒仰給月餉計日授食尙苦不敷若扣除一日卽枵腹一日且係立功在先殊難扣抵於後懇請

題免各情瀝覆前來本司新任茲土雖未親昔時戰功情形然按閱原卷及各營移文復加諮詢歷歷可稽

李文襄公奏疏卷九 委難扣抵 五十六

如衛台溫處賊勢猖獗省會重地亦幾爲震動所賴滿漢官兵保固危城克復淪土繼而斬奪仙霞進定閩亂成此大功雖諸將士効忠報國義奮同仇亦莫非感

恩用命獲賞致勇之效也况案奉部文開有功之人理應犒賞之語在各官兵披堅汗血轉危爲安誰非有功之人孰非應得之賞今疆圉底定一旦扣追死者固難問諸九原生者亦不能枵腹荷戈此滿漢官兵勢難扣追之實情如此前項賞銀康熙十三年地丁奏銷冊內造報開銷在案相應再請亟賜

題銷庶建功官兵死生銜結不朽矣等因到臣該臣看得康熙十三年間當倉猝告變之時人心搖動封疆安危攸係若非鼓勵官兵俾其戰守有資焉能激發忠勇使皆樂於用命臣與前任將軍臣圖喇前任撫臣田逢吉公同籌畫議將追回閩餉十五萬兩內給發通省滿漢綠旗官兵俸餉一月共銀六萬二千三百二十三兩六錢零蓋以前項失而復得無虧國家之公帑且使行者齎裹有資守者內顧無缺然後軍心齊奮戮力禦侮保固危城恢復淪土以致底定全浙由此直入閩境此固

李文襄公奏疏卷九 委難扣抵 五十七

朝廷蒙養士卒之深恩亦激賞官兵之明效也前部議令於月餉內扣抵經臣備將勢難扣追緣由屢疏請部議仍令速行扣抵卽嚴行布政司遵照於滿漢各標營扣抵去後臣隨准鎮浙將軍臣馬哈達咨稱各旗兵寡婦咸稱前因閩省變亂蒙憐窮兵無銀整備器械各賞銀兩自亂以來買馬置械家家負債若按扣除將何抵償且陣亡病故骨殖到杭寡婦已經進京者甚多叩乞移咨覆部免追等語而綠旗各標營亦復紛紛詳額今據該司詳覆各標鎮協營皆以賞賚官兵事在十三年間當日領賞原人陣亡病故陞

調開除以及陷失裁補事故多端見存舊兵無多即
間有十之一二皆係銜鋒陷陣百戰餘生方在邀

恩過望此滿漢官兵勢難扣追之實情如此臣惟兩浙當
日情形安危關乎呼吸方賴滿漢官兵効命堵禦安
可少靳賞賚况藉此以鼓軍心人思奮勵始克底定
是所費者少而所全者大若欲事後扣抵以見在兵
丁之口糧追補從前之給賞不但代人賠累扣除一
日即受一日之枵腹宜眾兵之咨咨申訴也自用兵
以來臣伏見我

皇上軫恤滿漢綠旗官兵

李文襄公奏疏卷九

委難扣追

辛八

天恩優渥今隨骨殖進京之寡婦既無從清追即各標營
防勦之窮兵勢難代扣臣身在行間目擊兵苦諷難
緘默不敢不據實上

聞仰祈

睿鑒俯照前疏准免扣抵存歿三軍咸沐

皇恩於不朽矣臣謹會同撫臣李本晟合詞密

題伏乞

勅部議覆施行

康熙二十年十一月二十九日題奉

旨該部知道

卷九終

李文襄公奏疏目錄

題稿卷之十 班師

請設專員審理逃人

請免通省各營裁兵

恭報旋省日期

請免出征馬匹賠椿

請免追扣裁兵糧餉

彙報確核給領印銀

陸補兵部尚書謝 恩

題明總督印務巡撫署理

李文襄公奏疏卷十

目錄

交代赴京

李文襄公奏疏卷十

男 鍾麟編次

請設專員審理逃人疏

總督浙江等處地方軍務兼理糧餉兵部尚書兼都察院右副都御史正一品臣李之芳謹

題為請賜循例分設以專職守事據浙江布政司詳政使石琳按察司按察使教化新呈詳到臣該臣看得逃人一項定例開載

題明頒行者係分縷既重逃丁之窩匿尤嚴板害之株連旗民均有關係故職司審理之官務期至當始

李文襄公奏疏卷十

審理逃人

可奉行而無弊先據杭州府同知程汲詳稱以省會衙察本等職業之外不能兼理通省逃人請照江南另設理事同知之例批行布按二司查議去後茲准部文今後拿獲逃人將軍城守尉等與同城居住之總督或巡撫或官職大者會同審理等因又准將軍臣馬哈達咨開審理逃人本將軍衙門向發理事在領協同地方官審理取供回堂其會同審理之員聽臣專委等語隨行據該司等會詳省以官員各有錢糧刑名地方責任勢難專司會審并移查江南專設理事同知之例詳請前來臣惟旗下私逃人犯多係

浙省土著又皆奸猾無良不安於鄉里始投旗典身

生事為害詭譎變詐不可窮詰彼既不念旗主收養

之恩何有於平民百姓以故拿獲狡供希圖挾詐為

禍最烈若非設立專員滿漢兼通才幹精敏者豈能

洞燭情理以窮免脫藏匿之奸并杜株連無辜之害

惟是所屬司道各官俱有地方民務諸事殷繁即或

分身兼理稍不專心詳慎貽害非淺江南與浙省無

異前設理事同知一員專管審理滿漢一切互訟及

旗下逃盜等案即將總督臣阿席熙衙門筆帖式觀

音保

李文襄公奏疏卷十

審理逃人

題授成例昭然今臣衙門筆帖式傅爾丹滿漢兼通才

識勤練向來管理通省逃人報部冊籍目今浙省事

平亦無別項清字文移番譯可省伏乞

皇上俯念審理逃人有關兵民休戚請照江南之例另設

理事同知一員即以臣衙門筆帖式傅爾丹補授協

同理事佐領等官審理取供回堂發落庶各旗走逸

之人易於緝審而指供板害之弊亦免株連矣臣謹

會同撫臣李本晟合詞具

題伏乞

勅部議覆施行

康熙二十一年二月二十一日題奉

旨該部議奏

請免通省各營裁兵疏
總督浙江等處地方軍務兼理糧餉兵部尚書兼
察院右副都御史正一品臣李之芳謹密
題為請

旨班師事康熙二十一年正月初五日准兵部密咨內開
職方清吏司案呈奉本部送密封內該本部覆綏遠
將軍湖廣總督蔡毓榮題前事等因康熙二十年十
一月初四日題本月二十五日奉

旨兵部速議具奏欽此密封到部該臣等議得綏遠將軍
總督蔡毓榮疏稱雲南新復地方最為緊要進勦綠

李文襄公奏疏卷十

請免裁兵

四

旗官兵畱守雲南及發回原汛等因具題查近經議
政王等會議將軍總督蔡毓榮止帶伊標五營官兵
同大兵駐劄雲南候

旨其餘綠旗官兵均應令其回汛總督金光祖董衛國提
督周卜世等亦將伊等原帶進勦綠旗官兵各回原
汛等因具題奉

旨遵行在案應將此處燕庸再議其進勦雲南隨征各兵
丁有願為兵者補入額兵內為兵願為本處兵者發
往本省頂補裁汰老弱兵缺為兵願為民者俱發各
回原籍交與地方官安插得所各省調發官兵俱令

李文襄公奏疏卷十

審理逃人

三

回各原汛應將建義將軍侯林興珠同大將軍等來京俟到日再議至懷忠將軍海潮龍因進兵機會帶領官兵迎降且海潮龍係舊人准畱雲南以總兵缺補用至逆賊吳三桂變亂地方反叛以來各省有議政王等會議添設官兵者亦有臣部議覆准添設者此皆係酌量地方緊要所設今仰仗

皇上威福恢復雲南省城勦滅賊首吳世璠地方皆已底定此等添設多餘官兵均應裁去相應行文各省督提等俟調發官兵回汛之日所有添設多餘總兵并官兵一面裁去一面速行奏

李文襄公奏疏卷十 請免裁兵

五

聞其兵丁查經制內裁汰老弱補入其總兵并各官俱令赴部候補可也康熙二十年十一月二十八日題十二月二日奉

旨依議欽此密封到部移咨到臣行據浙江布政司布政使石琳查覆到臣該臣看得自逆賊吳三桂等變叛以來各處多有添設官兵今部議地方皆已底定此等均應裁去等因臣即移咨撫提二臣并行布政司遵照去後茲據該司詳稱浙省當用兵之際因經制官兵防禦不敷會調發江南提標各營暨京口各營以及狼山營官兵赴浙援剿又添設援剿鎮標督標

前後一營并黃巖鎮改為水師提標官兵後因浙省官兵調閱者多部議浙省近海關係最要兵額宜增令召募五千名按緊要地方分附迨地方漸定陸續裁撤訖又新奉文議畱撫標兵丁裁去通省各營兵丁一千五百名沿海汛地兵單尚苦不敷此外實無多餘非若別省因地方變亂於經制額外另有添設鎮營官兵今應裁撤者可比詳請

題覆前來又准提督臣石調聲咨會前因臣查浙省自閩變以來添設官兵俱已裁撤無存惟是浙為邊海重地原額經制兵共五萬一千五百五十名自康熙

李文襄公奏疏卷十 請免裁兵

六

五年以後陸續裁去兵共六千五百五十名臣於蒞任之初酌量形勢要害具有浙省汛廣兵單等事一疏量復原額兵三千六百三十九名尚不及當日經制之數况今議畱撫標兵丁又裁通省各營兵一千五百名在各營兵數益少目今地方雖定而沿海逼近閩洋奔據各汛營報文賊踪不時飄忽官兵分佈在在宜嚴不無捉襟露肘之虞通省各營見在額兵並非多餘應俟游氛盡絕之日再議者也相應具疏題明臣謹會同提督臣石調聲合詞密疏具題伏乞

勅部議覆施行

康熙二十一年七月二十五日題奉

旨該部議奏

李文襄公奏疏卷十

請免裁兵

七

恭報旋省日期疏

總督浙江等處地方軍務兼理糧餉兵部尚書兼都察院右副都御史正一品臣李之芳謹

題為遵

旨班師恭報微臣旋省日期仰祈

睿鑒事康熙二十一年六月二十六日准吏部移咨到臣

准此捧接

綸音仰見我

皇上俯鑒微臣駐衛九載將士久戍

特允班師不勝感激涕零伏思康熙十三年間驟當閩變

李文襄公奏疏卷十

旋省日期

八

臣仰遵

廟謨星馳衛境逆賊精銳已逼內地臣與滿漢官兵扼截

賊衝誓師孤城且戰且守調遣所屬將士激勵申明

共圖滅此朝食計大小一百四十餘戰俱經臣

題報在案此皆仰賴

皇上天威殄滅逆賊底定疆圉惟是三衛地處上游為全

浙門戶江閩隔省地方及各路遺孽竄伏未靖臣勦

撫兼施恢復江西玉山鉛山等縣并招徠各路渠逆

統計經臣

題報撫過各偽官兵共一十七萬餘員名一面解散安

掃清弭隱患綏輯黎庶漸致安全今遵奉

俞旨旋省三軍歡聲雷動臣統師之初本欲捐糜頂踵上
報

國恩何幸今日事定班師臣有生餘年皆我

皇上之再造也隨分微各屬文武并沿海各鎮將及江西

福建三省交界地方嚴行申飭加意防範復將投誠

人員安插得所已於康熙二十一年八月初一日旋

省謹將微臣旋省日期

題報所有

欽部事件俱應於旋省之日扣限完結合併

李文襄公奏疏卷十

旋省日期

九

題明臣謹具

題伏乞

睿鑒勅部施行

康熙二十一年八月初八日題奉

旨該部知道

請免出征馬匹賠椿疏

總督浙江等處地方軍務兼理糧餉兵部尚書兼都
察院右副都御史正一品臣李之芳謹

題為請定歲終

奏報以肅馬政事據浙江布政司布政使石琳詳稱奉

臣案驗康熙二十一年三月十五日准兵部咨開車

駕清吏司案呈奉本部送准浙江總督李之芳咨前

事等因到部奉批駕司察送司奉此准浙江總督李

之芳咨稱康熙十七年分浙省各標協營倒斃馬七

十八匹俱係出征閩省援勦漳泉各處勞傷倒斃難

李文襄公奏疏卷十

請免賠椿

十

照承平倒馬之例追賠且十八年分各營出征倒馬

賠椿銀兩奉

旨着免則十七年出征倒斃馬匹在十八年之前咨請一

例免賠等因前來查浙省十八年出征倒斃馬二百

五十三匹奉

旨出征地方馬匹倒斃着免椿銀不為例欽遵在案前項

倒斃馬匹不便一例准免應仍咨該督速行按年追

賠椿銀報部可也等因呈堂咨院行司奉此又為前

事奉本部院案驗康熙二十一年四月二十一日准

兵部咨開車駕清吏司案呈奉本部送兵科抄出本

部覆浙督李之芳題前事等因康熙二十年十二月初五日奉

旨着察核該部知道欽此欽遵於本月初六日抄出到部

該臣等議得浙江總督李之芳將浙省各營并江南調浙各營官兵康熙十九年分册椿銀兩馬匹數目造册奏報前來查册內新收册椿銀三萬一千九百一十四兩八錢六分零內各營買馬一千一百一十八匹用銀一萬七千七百六十兩等語每匹一十六兩與上年買馬價值無浮相應照數准銷又各營修船動用册銀二千二百四十四兩三錢二分零應俟

李文襄公奏疏卷十

請免賠椿

十一

工部核明之日再議尚餘銀一萬一千九百一十兩五錢零應交戶部充餉再查册開共收裁馬五百七十五匹分給各營止四百五十五匹數目不符此項裁馬分給各營領騎或係新增或係頂補缺額未經聲明且所裁馬匹從前並未報部又出征倒斃馬二十一匹免賠椿銀等語並非對陣追賊倒斃不便免賠應咨該督照例按年追賠椿銀并將前項裁馬數目不符之處逐一查明報部再議可也等因康熙二十一年三月初六日題本月十九日奉

旨依議欽此欽遵抄出到部各院行司奉此除裁馬數目

不符之處已經另詳咨部外所有賠椿銀兩遵即轉移各該營追賠椿銀去後續准各營移稱等因各到司准此該木司布政使石琳查得浙省各標營官兵調援閩省各路馳驅征勦康熙十七年間共倒馬七十八匹內督標中營二十三匹左營一匹後營二十一匹撫標左營六匹右營四匹提標一十二匹嘉興營九匹湖協二匹又康熙十九年間共倒馬二十一匹內督標後營一十一匹撫標左營八匹右營一匹提標一匹此皆因勦禦勞傷以致倒斃業經造入奏册請銷又蒙本部院咨部免賠椿銀在案今復奉部

李文襄公奏疏卷十

請免賠椿

十一

文按年追賠椿銀報部遵經移行各營追賠去後今准各營咸稱俱係出征閩省馳勦勞傷倒斃之馬與平時在營喂養不調者不同仍請照十八年出征倒馬奉

旨免賠椿銀之例請免各等情前來查康熙十八年浙省出征倒斃馬匹奉

旨出征地方馬匹倒斃着免椿銀不為例欽遵在案則十七年十九年出征倒斃之馬似應一體遵

恩况援閩各兵効用疆場晝夜堵勦馬不離鞍人不解甲衝鋒冒刃身命尚不自惜何能保馬不勞傷并不倒

斃乎迄今時遠年久無論各兵裁汰身亡事故者難以追賠卽見在窮兵俱係百戰餘生餬口不給萬難再加追補既據各營合詞哀籲實屬勢所難行伏祈俯照十八年

恩免之例具

題豁免以廣

皇仁以恤窮兵等因到臣該臣看得浙省各標營援閩官兵於康熙十七年間共勞傷倒斃馬七十八匹十九年間共勞傷倒斃馬二十一匹案經援例請免賠椿銀兩復准部咨按年追賠報部隨行布政司遵照去

李文襄公奏疏卷十

請免賠椿

十三

後茲據該司詳稱康熙十八年出征倒斃之馬奉

旨免賠椿銀則七十九年分出征倒斃之馬似應一體

邀

恩况援閩各兵効命疆場晝夜堵勦衝鋒冒刃身命尚不自惜亦何能再保積勞之馬匹不致倒斃且時遠年久無論各兵裁汰身亡事故者難以追賠卽見在窮兵俱係百戰餘生餬口尚苦不敷萬難再行追補今據各營合詞哀籲請照十八年

恩免之例

題請豁免前來臣查康熙十七年十九年間援閩倒斃

馬匹實係征勦勞傷其十八年倒馬已蒙

皇上俯鑒出征地方奉

旨着免賠椿勞苦窮兵歡聲載道在十八年者既免則十

七十九年分同為出征地方應邀一視之

恩况各兵百戰餘生勢難追補仰祈

皇上俯念兵丁隔省馳驅將此出征地方勞傷倒馬准照

十八年免賠椿銀之例

勅部一體豁免則三軍感激其沐

皇仁於無既矣臣謹會同提督臣石調聲合詞具

題伏乞

李文襄公奏疏卷十

請免賠椿

十四

勅部議覆施行

康熙二十一年十月十五日題奉

旨該部議奏

請免追扣裁兵糧餉疏

總督浙江等處地方軍務兼理糧餉兵部尚書兼都察院右副都御史正一品臣李之芳謹

題為兵食自當合算請嚴冊報之限以便綜覈事據浙

江布政司布政使石琳詳稱奉臣案驗康熙二十一年四月初五日准兵部咨開職方清吏司案呈奉本部送准浙江總督李之芳題前事等因到部送司查先准浙江總督李之芳咨送康熙十九年分浙省各營實在官兵數目文冊前來本部查康熙十九年六月內將浙省新增兵五千名督標前後二營兵二千

李文襄公奏疏卷十

裁兵糧餉

十五

名裁去今查該標送到糧餉冊內將所裁督標前後二營及新增兵丁至八九等月尚有開支糧餉不便轉送戶部應行該督撫查明扣除另造清冊送部再議去後今准該督咨稱標下前後二營及新募兵丁因裁兵數多各營不能一時如數清汰窮兵在營候補萬難令其枵腹所支八九等月糧餉難以扣除等因查浙省所裁督標前後二營并新募兵丁本部已經議覆不准陸續項補於通省各營內查汰老弱兵缺作速撥補在案其各兵糧餉是應於奉裁之日即行住支何得於奉裁之後仍令照舊支給相應仍咨

該督撫八九等月支過糧餉查明扣除另造清冊送部再議等因呈堂移咨到院仰司即將奉裁督標前後二營并新募兵丁支過康熙十九年八九等月糧餉查明扣除另造清冊具詳奉此遵即備移督標并附支新兵各鎮營遵照查扣去後續准各鎮營移稱等因各到司該本司布政使石琳看得浙省康熙十三年間閩逆變亂賊寇蜂起四野震驚斯時汎廣兵單防禦不敷因奉文添設督標前後二營兵二千名應援金衢調防江閩歷年征勦刻無寧晷又康熙十七年間本省經制官兵多調援進閩奉部議浙省近

李文襄公奏疏卷十

裁兵糧餉

十六

海關係最要兵額宜增令招強健兵丁五千名按緊要地方分附隨即選募強兵分發沿海一帶并衢州緊要地方扼防前項各兵寄身鋒鏑而樂為我用者惟藉此區區糧餉以羈縻之耳及賊寇蕩平班師回浙焚營戍卒暫得休養而七月內即奉行裁於通省各營內查汰老弱兵缺撥補第各營兵多缺少一時不能即補且前項兵丁尚在江山仙霞盆亭并邊海各汛見役糧餉自不可一日缺給所以有支至八九等月今奉部行各兵糧餉應於奉裁之日住支何得於奉裁之後仍令照舊支給應將八九等月糧餉查

明扣除另造清冊送部再議等因遵奉轉移各鎮標營扣追去後今准各鎮營移覆援請

恩詔俱免扣追之例請免前來本司查此項兵丁如竟奉文裁撤不令補伍似應於奉裁之日住支若謂軫念有功着令查汰省內老弱兵丁及缺額頂補則是奉裁之日始得轉行各營查汰各營轉報汰退兵使數目往返必需時日即使作速撥補乃各營兵丁亦係歷經戰陣之兵非盡老弱安能一時補足是斷不能以奉裁之日住支可知矣其支過八九等月糧餉不但回籍歸農與夫逃故之兵無從追償即見在補伍

李文襄公奏疏卷十 裁兵糧餉 十七

之兵亦難復行扣除而使之枵腹荷戈也查康熙二十年十二月二十日奉頒

詔款八旗官兵及綠旗官兵並投誠官兵有因多給錢糧扣追者俱免扣追等因又康熙二十一年八月初六日奉

上諭論兵部近因逆賊蕩平四方底定將經制之外增設綠旗兵丁議令裁汰於二年內陸續報完原以寬恤民力救定四方今思各處兵丁多有隨征進勦効力行間綿歷歲時倍常艱苦事平回汛若漫無分別一槩裁汰深為可憫着該督撫提鎮等官於裁汰之時詳加察閱

不得混留私人反將會經効力兵丁輒行裁退至於已裁兵丁及投誠歸籍人等恐有無籍可歸艱於生計者各該地方官設法安插善加撫輯等論則是督標前後二營兵丁與新增兵丁俱經隨征閩江汛防沿洑効力行間亦幾綿歷歲時倍常艱苦矣即有裁汰歸農者亦當在安插得所善加撫輯之中茲不過於奉裁之後因通省各營不能一時即補多支一二等月役過糧餉此正與

上諭憫恤効力兵丁之

溫綸及

李文襄公奏疏卷十 裁兵糧餉 十八

恩詔款內多給錢糧俱免扣追之例相符是前項糧餉相

應照例免追無庸另造清冊合請核

題照冊開銷以廣

皇仁以恤窮兵等因到臣該臣看得康熙十九年分浙省實在官兵數目先經造冊送部准兵部咨查所裁臣標前後二營及新增兵丁糧餉應於奉裁之日即行住支何得於奉裁之後仍令照舊支給應將八九等月支過糧餉查明扣除另造清冊送部再議等因茲據該司詳稱奉裁補伍兵丁前因不能一時即補各兵尚在汛防難以住支所有支過八九等月役過糧

餉不但歸農逃故者不能追償即現在補伍兵丁亦復難行扣除撥奉

上諭並頒行

恩詔請免扣追照冊開銷前來臣查臣標前後二營因閩變添設調撥金衛各處繼同大兵進閩恢復地方兼防江右岐界江山仙霞及福建盆亭等關又續募新增兵丁分附沿海各險要地方晨昏風雨荷戈戍守備極艱辛臣於事平之日未奉部文即具

題裁撤總為節省錢糧起見但裁去多兵是必安插得所即部議查汰省內老弱及缺額作速撥補亦未令

李文襄公奏疏卷十

裁兵糧餉

十九

將糧餉即行住支浙省裁兵數至七千不為不多若一旦遽絕其養贍之資勢難保其相安無事故於數月之內將應裁之兵汰補停妥使其帖然就伍不為不速所有給過康熙十九年八九等月糧餉實處萬不容已之勢查

恩詔內開綠旗官兵有因多給錢糧扣追者俱免扣追實與此款相符仰祈

皇上俯鑒効力窮兵役過糧餉萬難扣除勅部一體免追照冊開銷三軍頂戴

皇恩當無既矣臣謹會同撫臣王國安提督臣石調聲合

詞具

題伏乞

勅部議覆施行

康熙二十一年十一月初六日題奉

旨該部議奏

李文襄公奏疏卷十

裁兵糧餉

二十

彙報確核給領卹銀疏

總督浙江等處地方軍務兼理糧餉兵部尚書兼都察院右副都御史正一品李之芳謹

題為彙報傷亡官兵事據署布政使司布政使事驛傳道參議李之粹呈詳該臣看得浙省於康熙十三年間閩變突犯衢扼首衝溫台處全以及嚴寧紹等處山海交訌煽亂蠶起維時臣鼓勵將士申明紀律奮勇用命仰賴

皇上廟算各標鎮協營練旗官兵遵臣調度所向克捷其間大小血戰一百四十餘次衝鋒陷陣多有傷亡念

李文襄公奏疏卷十

給領卹銀

三十一

此殄賊捐軀魂游戰壘誠堪憫惻臣屢次捐資設奠臨祭灑泣以慰報

國之忠茲據鎮將陸續呈報陣傷官兵共二千五百餘名陣亡官兵共一千五百餘名臣屢經駁查在案欽奉

恩詔內開滿洲蒙古漢軍漢人文武五品官以下有頂帶以上若係陣亡殉難賜卹致祭又定例開陣亡千總給卹銀一百五十兩把總給卹銀一百兩馬兵給卹銀七十兩步兵給卹銀五十兩外委官不論大小照馬兵例等因在案第

朝廷卹賞所以於慰存亡當此軍餉浩繁之際斷不敢少

有冒濫臣矢公矢慎如當陣受傷經臣捐資就地量加賞賚并行各鎮將酌量獎勵者無庸再為請賞至若陣亡官兵雖無家屬例給奠銀臣思此項既無親人承領恐致中飽且屢經臣行間祭奠無庸概給是亦節省錢糧之一端也惟見在確有家屬者行據布政司轉移各鎮營造送冊結前來共計真正有家屬陣亡千總共二員把總共五員外委官共五員馬兵共十八名步兵共三百七十二名臣復再四嚴加確核無異除冊送部外相應

李文襄公奏疏卷十

給領卹銀

三十二

題卹以彰

皇恩俟給領卹銀完日將動用錢糧數目并家屬姓名實收送部查核如有家屬續報亡故當另行扣除再照浙省援閩陣亡官兵咨准福建督臣姚啓聖咨開調援福建官兵當日各處殺賊內有傷亡官兵經據報彙冊具

題請卹內或有傷亡彼時未經造報者無憑彙題此外尚有傷亡官兵應聽臣就近查明照例徑題等因第查浙省援閩官兵如平陽鎮標把總王一彪臣標把總郭惟俱援閩陣亡經臣節次移咨福建督

臣姚啓聖在案今福建請卹之內尚無其名并有援
閩陣亡官兵未邀

題卹者屢據家屬紛紛哀額所有援閩未經

題卹官兵應請

勅福建督臣查明一并

題卹以慰忠魂除將各營呈報援閩陣亡官兵臣復移

福建督臣姚啓聖外相應

題明臣謹會同撫臣王國安提督臣石調聲合詞具

題伏乞

勅部議覆施行

李文襄公奏疏卷十

給卹卹銀

三

康熙二十一年十二月十七日題奉

旨該部議奏

陞補兵部尚書謝恩疏

兵部尚書正一品李之芳謹

奏為恭謝

天恩事臣於康熙二十一年十一月二十八日准吏部咨

為補授尚書事內開文選清吏司案呈奉本部送吏

科抄出本部題前事等因康熙二十一年十一月十

一日奉

旨李之芳陞補兵部尚書欽此欽遵抄部送司相應行咨

等因到臣准此臣恭設香案望

闕叩頭謝

李文襄公奏疏卷十

陞補尚書

十四

恩訖伏念臣一介寒微遭逢

皇上知遇存膺顯秩授以軍旅抵浙以來自愧菲庸雖勉

力戎行本無足錄仰賴

朝廷廟算海宇昇平幸免隕越茲者班師未幾遽荷

綸音輒膺

特簡之榮遂畀中樞之任顧臣何人當此

異數銘鏤心膂不覺涕零臣致不自矢捐糜少酬我

皇上高天厚地之隆恩於萬一惟是疆場十載遠隔

闕廷犬馬戀

主之誠時形寤寐今欣奉

君命臣謹應星馳就道拜觀

天顏臣一面將限內

欽部事件料理完畢即將印務而交撫臣王國安署理臣

無任感激惶悚之至除起行日期另疏

題報外謹具疏恭

謝伏乞

睿鑒施行

康熙二十一年十二月初一日奏奉

旨該部知道

李文襄公奏疏卷十

陞補尚書

十五

題明總督印務巡撫署理疏

兵部尚書正一品臣李之芳謹

題為

題明事竊臣奉

旨陞補兵部尚書經具奏恭謝

天恩備將印務交撫臣署理緣由

題明在案正擬束裝登舟接准撫臣王國安揭帖應否

候代具

題臣惟人臣之義

君命所臨義不待駕况臣莅事疆圉已經十載茲者

李文襄公奏疏卷十

請交印務

十六

簡命自天濶幸戰壘餘生得以早覲

天顏實屬至願瞻戀微誠真有刻難自己者且總督內陞

新舊交代例冊未載如安徽撫臣靳輔陞任總河其

印務部文內開今照例交與江南總督阿席熙署理

在巡撫陞任既照例交與總督則總督陞任亦應照

例交與巡撫臣閱歷軍中班師旋省兩浙昇平竝燕

錢糧地方粘帶不了之事仰祈

皇上俯察愚誠

俞臣所請不勝幸甚臣謹具

題伏乞

皇上睿鑒施行

康熙二十一年十二月二十日題奉

旨該部知道

李文襄公奏疏卷十

請交印務

二七

交代赴京疏

兵部尙書正一品臣李之芳謹

題為恭報微臣交代印務并起行日期事竊臣奉

旨陞補兵部尙書已經具疏恭謝

天恩倘將欣逢

君命誼應星馳就道拜觀

天顏并印務交撫臣王國安署理緣由

題明在案臣正擬束裝登舟因撫臣王國安具疏請

旨應否候代臣遵候間今新督臣施維翰於康熙二十二

年二月十五日抵浙江境地方臣將原奉

李文襄公奏疏卷十

交代赴京

二八

欽給浙江總督關防一顆

王命旗牌十面桿副并標下官兵經制書吏文卷面與

新督臣交代接管訖臣卽出境起行至臣原奉坐名

勅書一道專差官孫文豹恭捧送部轉繳外所有交代印

務并起行日期理合恭疏

題報伏乞

睿鑒

勅部查照施行

康熙二十二年二月十五日題奉

旨該部知道

卷十終

李文襄公別錄卷之一

行間紀畧



啓王請增募綠旗兵

啓王請給還金華被難子女

啓王衛城勢迫亟請撥兵防禦

啓王請調崇明官兵

啓王移調嘉湖官兵

啓王湖協官兵仍留嚴州防勦

啓王調兵赴處州

啓王酌留披甲馬匹草料

李文襄公別錄卷一

目錄

啓王請調蒙古閩督鎮標官兵

啓王嚴逐賊勢尙熾請留總兵鮑虎

啓王請調援勦鎮標回衛

啓王沿海賊勢緊急請調援兵

啓王請嚴禁旗營搶擄並給還難民子女

啓王提鎮兼設免造水師船隻

啓固山貝子齋犒滿洲官兵銀兩

啓王請發官兵乘勢恢勦常山

啓王請調鄰省官兵

啓王指陳進勦機宜並調鄰省官兵

啓王轉報陸路提督移駐艱難

啓王請撥在閩戰船用濟舟師

啓王耿藩投順招撫江西餘黨

啓王請諭給還難民子女

啓王贖難民子女

啓王塘報江山嶺等處勦收賊衆

啓王會勦江西賊寇

啓王撥兵延平並陳浙省兵單

附內咨

咨戶兵二部請給投誠効用官俸

李文襄公別錄卷一

目錄

二

咨送戶部賑濟難民冊結

李文襄公別錄卷一

男 鍾麟編次

啓王請增募綠旗兵

康熙三十三年九月

謹啓

大將軍和碩康親王殿下伏惟

親王大駕臨浙職以身在行間未獲面承方畧前蒙

令諭下詢地方情形及官兵數目除會同將軍賴塔

具啓外竊惟以順討逆原操必勝之理卽以事勢技

量逆賊何難撲滅但欲早平逆賊則在厚集兵力以

期迅速進剿謹爲

李文襄公別錄卷一

啓請增兵

親王陳之閩來之賊共有三路兼溫處從叛之兵分向

衢州金華台州而其狡謀專在布散謠言潛給偽劄

煽惑人心以致各處土寇紛起然皆烏合之衆能戰

者少我兵皆久經訓練若分路齊進賊自望風而靡

此必勝之勢一也閩中錢糧原少向恃外省協濟今

耿逆搜括富戶剝削窮民人不聊生供輸不繼兵必

自變我兵糧餉飛輓相續一切軍需皆動支正項不

累民間士馬飽騰軍心踴躍此必勝之勢二也賊兵

所至淫掠婦女焚燒房屋民間資蓄寸草不爾百姓

恨入骨髓我兵紀律申嚴秋毫無犯

皇上屢頒

恩諭嚴禁騷擾前包衣佐領兵馬進剿義烏得獲賊巢內

所掠民間子女皆查訪還民歡呼載道今

親王臨蒞約束倍嚴百姓永望

天兵此必勝之勢三也溫黃叛帥負恩從逆度其弁兵豈

盡良心漸滅亦有籍居內地願戀室家

王師既至自必有幡然歸命者至於亡命奸徒嘯聚山

林其附近百姓被脅割辭使其無路自歸此乃賊之

詭計官兵所至拒敵者卽行剿殺安居者卽行撫戢

朝廷仁義之師本爲定亂安民不戮無辜地方易於平靖

李文襄公別錄卷一

啓請增兵

此必勝之勢四也有此必勝之勢而數月以來未卽

蕩平總因兵少之故今衢金台郡城皆駐滿兵一可

當百自是所向必克但各處皆溪山仄徑勢必兼用

步兵浙省向來沿海兵多內地兵少台寧二府見在

綠旗兵有一萬五千餘金衢二府連職標并各營調

集之兵僅六千餘屬縣地方處處緊要四面分佈愈

見單寡戰則無兵以守守則無兵以戰職前與將軍

賴塔再三商酌疏請增調綠旗兵七八千蒙發提督

段應舉之兵又已盡赴台紹且職等具疏之時嚴紹

尙未有警今此兩處並須防禦本省旣難抽調鄰省

不能屢發惟有陸續召募訓練成軍庶爲一策查浙省經制兵四萬八千六百三十九名除新設援勦三營及太平營外尙缺額兵一萬有餘擬於職標照提標之例添設前後二營每營設兵一千名并增中左右三營內兵一百五十名共足五千之數以資策應進勦其金衢嚴紹見今俱係衝疆各副將下俱應添足二千名以守地方合算共應增綠旗兵四千八百五十四名俟平定之日仍可酌量分撥各營汛並不在經制額外若目前戰守足用便可合勢齊進早奏蕩平如蒙

李文襄公別錄卷一 啓請增兵 三

親王允行伏乞准令召募并製造甲械俟

親王具

題或令職具

題統所

諭示施行

啓王請給還金華被難子女 康熙十三年十月

爲啓請事該職看得金華所獲婦女小厮先據副都統馬哈達等塘報稱係嶺下朱地方殺賊所獲職同平南將軍賴塔具啓彼時未有兵民控告之事也不意於十月初一日有民人姜阿二等及兵丁王與各具狀稱係金華府金華縣十九二十一三十二等都二三四等畝人民在東泥塘胡楊等處居住於九月二十六日大兵自嶺下朱回轉府城經過該地方搶去衆家男婦子女共一百餘名口皆稱係納糧當差之民王與係職本標在衢州屢經出陣之兵呼天搶

李文襄公別錄卷一 金華難民 四

地哀求給還妻子職有地方責任不敢置之不問隨發隨征布政使李士柏審取口供據供離城十里內外不等久有撥兵分駐地方從未有賊等語又據金華府知府李忱報稱十里內外婦女幼男亦被搶掠等語除再行該府縣確查外竊思先蒙

親王行文副都統馬哈達等應否作倖仰見

親王定亂安民之心惟恐或有枉濫今既據兵民控告

不係嶺下朱地方所獲自應查明給還相應據實啓

請

親王鑒裁施行謹啓

啓王衢城勢迫亟請撥兵防禦 康熙十三年十一月 謹啓

親王殿下衢州四面賊寇逼犯前蒙遣護衛目擊情形今滿漢綠旗官兵在城外沿河拒守晝夜擐甲目不交睫將及一月賊衆有增無減職標營自副將以下兵丁以上盡數發出已無一旅畱城分佈要口接連二十餘里每處官兵不過二三百前後皆係賊營職勉勵將士竭力支持但衆寡懸殊兵力疲敝實非長策若撤回守城賊勢愈加猖獗四面益難堵禦見今龍游蘭谿一帶皆有賊兵窺伺劫截糧草以此二千

李文襄公別錄卷一 衢城勢迫 五

餘兵東西不能兼顧日切憂慮况與賊相拒日久悉知我兵虛實倘或合勢齊犯前後受敵一有疎虞則衢州岌岌不保全浙形勢不可收拾矣職數月以來從無張皇告急之詞惟鼓勵人心支撐衝要祇待大兵絡繹繼進初因金衢綠旗兵少請到江南五千之兵已盡往台紹向於金衢兩府之中酌量緩急東馳西應自金華賊勢竝緊就近遂無應援若論戰則不可以孤軍深入而不顧後路若論守則未有晝夜擐甲竝無更番而可以持久者也且四鄉之民扶老攜幼避賊而來無居無食皆草棲露宿哀號荒野不忍

見聞間有一二鄉村自相團練尙在堵禦但鄉民力量有限原藉官兵救援今官兵自守不暇安能四出救應若日久無援非爲賊所殺掠卽亦將化而爲賊矣如此賊衆愈增而徒恃此二千餘久疲之兵以當日增之賊難保無虞職膺封疆之任非以身在衢州而獨言其急實爲扼守門戶第一重地不可不計萬全如台州當溫州一路之衝台寧二府有二萬兵而尙憂不足金衢當江山常山溫處四路之衝共止五千餘兵形勢單弱較然明白職非不知省城亦無兵可發願今綠旗兵似不能再請

李文襄公別錄卷一 衢城勢迫 六

朝廷增調而三鎮雖經設立召募尙非旦夕之事不得不就見在之兵權其緩急以濟事機伏乞親王鈞裁將太平營兵撥赴衢州至福建總督卽廷佐之兵雖召募未足然多必及千少亦數百如蒙并賜先發在衢州緊急之時增一兵得一兵之用再如金華大捷之後賊勢稍緩并容職酌量移調兩郡相距頗近如有警息仍可隨時策應若啓候示自衢至省往返數日當此賊情緊急惟恐有悞爲此剴切上陳伏乞 恩鑒施行

啓王請調崇明兵 康熙十三年十一月

謹啓

親王殿下竊惟逆賊倡亂以來已及數月惟因兵少之故直前進取則後路空虛欲分兵四出則形勢單寡賊雖烏合之衆居多而依山傍險必須步兵火器數面夾攻聲勢接續深入搜剿始克有濟已蒙

親王洞鑒

題設三鎮招募兵丁但九千之兵繕備器械訓練成伍尚非旦夕之事而今各屬土寇日以蔓延處處告急無兵可發地方失業之民老弱轉於溝壑壯者化而

李文襄公別錄卷十一 調崇明兵 七

爲賊驅除之力愈費於內地則耿逆授首之期未可計日矣職展轉思惟若使衢金亦如台寧有二萬之兵自可戰守兼資竭力清蕩今三鎮兵數雖分行募補旣不能一時猝集而浙省業已蕪從抽調近省江南如狼山京口松江之兵俱經調發另補似難再議惟有崇明一鎮共兵七千有餘向爲專防海寇而設但海寇遠踞孤島形勢不比往時凡今海上所報卽是耿逆之船虛張聲勢竝蕪臺灣一艘且海寇內犯必乘夏秋東南風便之時今北風正勁萬里水程不能飛渡其無警急可知如蒙

親王鈞裁得將崇明兵調發三千到浙令江南另行募

補亦易足額崇明由蘇至浙道路甚近若有此三千兵發至金衢再令福建督標鎮標兵一齊進發則兵力充足庶可仰藉

親王方畧以紓

朝廷南顧之慮倘因官兵已經

題增恐費糧餉卽以所調之兵彙作新補額數亦屬妥便伏乞 恩鑒施行

李文襄公別錄卷一 調崇明兵 八

啓王移調嘉湖官兵

康熙十四年二月

啓爲啓請移調官兵事竊惟衢州自逆賊屯踞近郊依山阻水日夜窺伺侵犯官兵拒河而守已三月有餘賴將士奮勇保固無虞但堵防各路隘口連延二十餘里以少禦衆兵力難以再分屢欲別屯南北兩山以絕土寇交通運糧之路至於賊寇遊騎出沒亦應隨處追剿皆因沿河之兵不便輕撤遂令逆賊得以相持至今職思各處無兵可調近日嚴屬投誠接踵賊氛漸戢惟遂安尚須堵防查嚴協經制兵一千餘名前後調集兵共二千四百名見今黃巖鎮又有

李文襄公別錄卷一

調嘉湖兵

九

新募兵丁儘可酌量抽撥前職曾調回嘉湖營兵適因嚴州告警奉

親王諭令停止今衢嚴兩府緩急勢殊相應將嘉湖官

兵調至衢州以資援剿伏乞

垂鑒施行

啓王湖協官兵仍留嚴州防勦

康熙十四年三月

啓爲緊急賊情事康熙十四年三月初三日奉諭據黃巖總兵官鮑虎啓稱本年二月二十六日據遂安縣牒呈本月二十六日巳時據練總生員毛印昌報稱蔡寇汪飛隆吳明初蔣君一汪重賜等寇剽盧村詹家孫肇業程惟一等寇剽石塘鮑家余冬苟汪英毛余祝鄭文等寇剽破橋洪家其楊七保曹家葉家等處新賊峰起衝鋒係毛魯余貞初余仲孫及程姓等寇仍剽黃金林其下社橫山小泉等處老幼男婦皆已逃盡又傳言王賢孫同楊林二寇并姜九

李文襄公別錄卷一

官兵番屢

十

桂姜明喜江奏平豐四十江秀如等寇亦盡自八都往十都過十五都會齊揚言是馬鵬過來此係生營鄉勇裝實的音具報等情前來除通報外理合塘報等情爲照清湖閩逆糾集土寇共有萬餘窺伺遂城所隔不遠總兵現在督兵相機撲剿惟是在遂之兵除嘉湖前後二次官兵六百五十名盡調赴衢堵剿外現在遂安兵力單薄守城不能殺賊殺賊不能守城况遂邑在萬山之中閩寇在前淳壽二縣投誠復叛各逆在後東西受敵策應無兵理合星馳啓報伏乞俯鑒閩逆土寇併力侵犯不論何項官兵迅賜調

發星馳來遂以保萬全等語據此照得嘉湖之兵原係防禦遂邑前因該督啓稱近日嚴屬投誠賊氛漸戢應將嘉湖兵調至衢州等語本親王以該督身膺重任必知地方緩急情形如果遂安平靜無庸防禦卽行調去今據鮑虎報稱逆賊汪飛隆孫肇業余冬苟各賊復來侵犯遂邑東西受敵策應無兵應作何調度使遂安無虞該督酌行可也特諭到職奉此該職看得處州新復需兵甚亟職已將自嚴調到把總李友明路宗良所領官兵星馳赴處另具啓聞外今蒙

李文襄公別錄卷一

官兵留嚴

十一

令諭遂安告警今職酌行查金衢嚴三郡綠旗官兵數不滿萬所在皆慮兵少惟藉移緩就急以應事機查在遂安止有李友明所領兵二百五十名其路宗良兵一百名向係分防壽昌尚有調到嘉興營守備孫篤蔭所領兵二百名向係畱守府城此二處情形今已稍緩原不盡係遂安之兵况總兵官鮑虎鎮標新募已增數百名以抵所調之數儘足相當未致遽爲單寡職權衡事勢當以處州爲急所調之兵仍應赴處尙有在嚴湖協把總胡卿官兵一百名雖經移調尙未到衢職仰承

親王令諭相應將此項官兵仍畱嚴州一面飛飭該鎮多方勦禦職自當相機酌量策應可也謹啓

李文襄公別錄卷一

官兵留嚴

十一

啓王調兵赴處州 康熙十四年三月

啓為報明發兵赴處防禦事據援勦金衢總兵官李榮溫州總兵官陳世凱報稱竊照本職等奉令統兵恢復溫處已於康熙十四年二月初四日抵處緣由及地方情形已經稟報在案但處郡居萬山之中三面與溫台衛接壤巨寇環繞惟縉雲一陌可通金華三等台吉察渾副都統馬哈達帶領滿兵駐劄於彼獨本職等一枝孤軍衝鋒冒險名雖兩鎮不上二千之衆分佈週城安設砲火堵禦要口及下河巖泉石牛諸處皆當撥一二百兵扼守兵分則勢單存城實

李文襄公別錄卷一 調兵赴處 十三

屬家象見今探得偽都督徐尙朝復聚衆數千於雲和龍泉山內馮公輔亦聚三千餘衆紮立木城於宣平龍坑又溫州青田一帶有沙穆李王各賊首共聚衆萬餘耽耽虎視欲圖復犯以備禦嚴密未敢輕窺本職等每擬出城撲勦而城內空虛恐致顧彼失此前經屢請添發大兵未奉發至百姓看破兵單將欲入城輒復疑畏裏足倘賊寇偵知猝然突犯內乏糧草外鮮聲援刻刻所慮本職等一身有限其如封疆之重何伏乞撥發一旅迅至處州共商機宜以固疆圉等因到職該職看得處郡三面與溫台衛接壤為

今日進兵扼要之地仰賴

親王調度得以恢復但賊寇尙多屯聚近山窺伺巨洲必須厚集兵力聲援相接庶可戰守兼資屢據援勦溫州二鎮呈請增兵查原調在嚴嘉興營把總李友明官兵二百五十名湖協把總路宗良官兵一百名前經職啓調至衢州今衢州雖見當賊衝需兵甚亟而處郡形勢孤懸策應更難刻緩隨將前項官兵移調赴處尙有調防諸暨太湖營把總李虎官兵二百名今該縣寇警寧息并令星赴處州使該鎮原標之兵得專統轄而增此一旅亦足稍助軍聲謹啓

李文襄公別錄卷一 調兵赴處 十四

啓王酌留披甲馬匹草料

康熙十四年四月

爲啓請酌留披甲馬匹草料以恤旗丁以資進剿事竊惟大兵効力疆場全藉馬匹今因各處用兵部議裁減固是軍需浩繁宜加樽節但披甲止准馬二匹議令放青職竊不能無請者南方溼熱馬匹最難牧養旗下各披甲見在衛疆勦禦自必多備以便騎征料豆先經減半今又僅支二匹正當對壘之時飼秣不敷飽騰何賴至於浙省多屬高山峻嶺本無平原廣澤水草叢茂之區難以放牧間有平衍處所尺寸皆係民田並無隙地今當茂黎甫集招徠耕種之時

李文襄公別錄卷一 馬匹草料 十五

若馬匹放青雖欲禁其不毀禾苗不可得也似宜酌量減留庶使兵民兩便竊謂軍興一日自有一日之費但使官兵用命平賊迅速則

國帑自省如裁減過多則旗丁實有不敷之苦伏乞

親王上裁或仍照前支給四匹或量留三匹

恩賜

題請庶使士馬權騰征剿有賴仰祈

鈞鑒施行

啓王請調蒙古閩督鎮標官兵

康熙十四年五月

啓爲啓請移調官兵會勦賊寇事竊惟衛州逆踞近郊處處窺伺河內賊船聚集上流意在乘機掩襲我兵晝夜防範又據探報逆賊王楊羅廖等聚集數千餘衆分割龍游南山楊雄屯割沐塵羅廖二寇屯割山源戴王孝同吳姓賊首割上塘等地又處州遂昌出來賊寇數千今已合營一處內有逆賊繆國英義子同領兵自靈山一路擺撥直至石廊地方等因據此該職與平南將軍賴塔會商職等前請增兵伏蒙親王諭開衛州滿漢兵力不爲不敷令職等相機勦禦

李文襄公別錄卷一 調蒙古兵 十六

何敢再爲續請但在衛官兵合計似爲不少分佈實不爲多職等再四熟籌必須增兵分路撲剿使其首尾不能兼顧方可大創賊氛克復疆圉有蒙古兵三

百名福建總督鎮標兵丁現駐省城伏乞

親王俯鑒酌調前項官兵來衛以便合力分頭會勦庶

在衛逆賊翦滅可期矣職謹會同平南將軍都統賴

塔合詞具啓仰祈

裁奪施行

啓王嚴遂賊勢尚熾請留鮑鎮 康熙十四年七月

啓為嚴屬賊勢尚熾仰祈留鎮勦禦以全金衢糧道以固封疆事據遂安縣知縣劉從龍詳稱據紳士余國楨毛際可等連名呈稱遂邑壤接開常羣寇嘯聚在水路衢州為八閩之門戶在陸路遂邑係兩浙之咽喉地方雖小關係甚大幸遇鮑總兵駐鎮茲土威德兼施勦撫並用兵民安堵遐邇沾恩但以餘氛尚熾寇夥猶橫近復勾引鄰寇擁衆萬餘窺伺大兵去留出沒河沿觀餽糧米之往來人心惶惶總鎮一日之移動係遂邑萬民之安危伏乞恩詳留鎮等情前來該卑職看得遂居僻壤層巒疊嶂處處皆窩盜之藪幸藉鮑總兵守鎮有年山川之形勢夙知閭閻之疾苦遍悉束兵愛民勦撫兼著殘黎稍獲安堵今者逆寇猖熾盤山屯野警報紛紜水路守禦全靠衢州陸路保障首關遂縣軍機民命所關不得不急切籲留伏乞俯准在遂援期以靖地方以安民心等情到職該職看得嚴屬為金衢糧運要津遂安又為開常接界見今閩逆偽郭總兵帶領賊寇糾集開常夥黨屯剗遂境離縣僅數十里之途所藉黃巖總兵官鮑虎率兵堵禦故賊不敢他出窺犯論糧運則為咽喉

李文襄公別錄卷一 請留鮑鎮 十七

之地論形勢實當心腹之衝是以衛屬賊勢披猖兵力不敷亦不敢啓調該鎮赴衢蓋恃以堵截常開保護糧艘使金衢一帶可無梗阻之虞耳今奉親王諭調該鎮整旅起行隨據遂安縣知縣劉從龍申稱該屬士民各以賊勢地方起見激切挽留前來職思嚴屬賊勢尚熾勦禦方殷今該鎮移調所存遂安防守官兵為數無多萬一賊衆乘虛分道直入遂邑或有他虞則嚴州不無可慮疆圉所寄殊切隱憂仰祈

親王俯鑒嚴屬關係最重暫留該鎮堵勦俟賊勢稍平

李文襄公別錄卷一 請留鮑鎮 十八

或令赴台夾勦或令恢復開常以圖進取恭聽裁奪施行

啓王請調援勦鎮標回衛 康熙十四年七月

啓為請專勦禦賊守以資分路並進事據援勦金衛總兵官李榮呈稱竊照本職叨沐

題擢奉

旨金衛援勦

勅印開載

天語煌煌欽遵領受是全衛寇盜一日不平皆本職一日之責也上年任事之始即蒙調遣金華歷秋徂冬仰藉德威指授方畧勦撫兼施屢奏捷音漸次恢復入縣救寧今正月奉

李文襄公別錄卷一 調兵回衛 十九

親王令諭同滿漢官兵進勦溫處三月初四日恢復處州府城現在駐劄竊思溫處地方自有坐鎮總兵官管轄前時因係新復溫鎮官兵未齊而處郡城守亦未設立是以本職統帶援兵竭力拮据芟荆榛披草萊撫綏百姓保固封疆半載於茲已成安壤迄今溫鎮大小將弁已齊三千額兵已足而處協副將熊兆乾業經任事又加城守之兵並撫標之眾堪以守禦縉雲則有劉總兵統兵防守是內外堅壁矣惟見衛州寇氛未殄不遑寢食况本標官兵尚有在衛者正好合力勦擒伏乞賜撤調援勦併湖協官兵速赴

軍前協力報効以靖逆氛以明職守惟候轉啓速賜施行等情到職該職看得援勦鎮總兵官李榮統轄地方金衛是其專汛

勅書開載欽遵在案前因處州未復會同各路官兵協力進勦今據該鎮呈稱溫州總兵官陳世凱現統額兵防勦兼有撫標之兵處協副將熊兆乾又已抵任足資守禦縉雲則有劉總兵駐劄內外可保無虞獨是衛境賊寇責任攸關故懇請并力合攻以明職掌况近日賊中情形叵測賊節據報河西逆賊分調往常山一路窺伺西安北鄉計圖攻圍衛城阻絕糧道

李文襄公別錄卷一 調兵回衛 二十

又賊首馬勝周立葉念楊雄等各於上路源西山牛角浮河大溝等處分道四出今在衛滿漢官兵晝夜抵敵實在分佈不敷仰祈

親王俯察危疆重地允將援勦鎮官兵并原帶湖協官兵調回衛汛以資戰守職以封疆起見不避冒瀆伏乞 鈞鑒俞允施行

啓王五請調兵應援寧台

康熙十四年七月

啓為沿海賊勢緊急亟請援兵以固封疆事據定海總兵官朱萬化報稱據防守奉化縣千總周夢熊稟報七月二十一日賊船盡行登岸於撤開嶺西塾一帶地方俱下營盤駐劄公文客商不能前往其海口營寨盡燒奉地百姓俱逃防守馬家船百總王元同提標左營趙把總帶兵那在方門地方堵守懇乞速發大兵星夜來寧救應等情又據該鎮報稱七月二十二日據象邑副將羅萬里稟報象定洋面賊船聯檣接尾絡繹不絕今竟直入湖頭內洋倘象邑設有

李文襄公別錄卷一

請調援兵

三十一

不測寧定危在旦夕伏乞迅發勁旅救援等情又據該鎮報稱七月二十三日據定海城守參將孔國元稟報大毛山邊大小賊船一踪約有一百六十餘隻開往舟山洋面青龍港使來雙篷賊船二十三隻象山洋面使來大小賊船一踪俱向火燒門十六門行使河頭渡大小雙篷賊船四十一隻逼近定關等情又據寧紹道副使許宏勳署寧游營參將蘇葵提督遊擊郭守金等各報同前情又准原在水師提督常進功咨開狡賊登陸劄營非風帆游移可比煩乞迅發官兵保全寧郡或不以本提督為不武即帶所發

官兵聚甲前驅開通台路等情各到該職看得海寇大踪聯緝直入內洋疊據各鎮將塘報自寧屬象山定海台屬寧海一帶登岸劄營斷我台路者有停泊窺伺圖犯定關象縣者各汛孤危亟請救應職思時已入秋正宜厲兵進剿只因兵力分佈不敷以致逆賊苟延狡謀窺犯今寧屬在在岌危定關尤屬全浙門戶倘有不虞關係非小今各處現在堵禦雖極力相持毒慮兵力單薄實在別無可調查江南蘇松京口等地方俱駐有滿漢綠旗重兵距浙甚近儘可移緩就急以資策應仰祈

李文襄公別錄卷一

請調援兵

三十二

親王俯鑒告急情形迅賜調發星馳應援不惟目前藉以合期即各路亦可計日蕩平伏乞
鈞裁定奪封疆幸甚謹啓

啓王請禁旗營搶擄并給還難民子女

康熙十五年正月

啓爲亟請安撫殘黎收拾人心事據布政司布政使李士楨詳稱大兵攻抵溫郡需用糧料協濟今處屬雖經恢復地荒民逃米穀鮮少今應察訪民情隱痛請啓

親王清字禁示徧爲張掛鼓舞招徠民自悅服四方景從糧草不缺兵民兩利等因又據分巡溫處道姚啓聖詳稱奉本部院牌開據該道呈稱見在

貝子軍前料理地方殘黎設法招撫百姓但自樂清青田至永嘉全經搶擄日見無妻無母一二殘黎相對

李文襄公別錄卷一

請禁搶擄

二十三

痛哭等因到本部院據此爲照難民子女案准部文不得一槩搶擄奉

旨通行在案况百姓苦爲賊陷實出於勢不得已官兵伐罪救民自應多方綏輯該道身屬監司隨軍撫民責任攸繫仰道即將樂清青田溫州一帶難民子女未經擄帶者作何啓請禁止已經擄帶者作何查給還民遠攜販賣者作何稽察杜絕此係地方緊要事務萬勿瞻徇推諉等因奉此正在啓請間又奉本部院牌開據樂清縣申詳樂清民人妻女官兵搶擄數千贖回僅止有數或一家盡掠斬嗣繼煙或遠攜販

賣以此覓利甚多啼哭之聲野遍呼號之慘等情到

本部院據此爲照樂邑男婦子女多被進剿官兵掠帶遠攜本部院批閱申詳殊堪憫惻案准部文內開真正賊寇未必攜帶妻子而行營中所有難民子女許令民間認領不得一槩搶擄奉

旨欽遵在案今據前因仰道立速就近啓請

貝子查明給還一面速議杜絕遠攜販賣之法庶免難於查給等因到道奉此竊照旗營搶擄男婦子女奉本部院檄行未經擄帶者作何啓請禁止本道已經啓請

李文襄公別錄卷一

請禁搶擄

二十四

貝子自康熙十四年十月十五日以後不許擅搶一名并求

貝子印發清字告示遍行張掛禁兵擊夫強買等事間有強橫者本道當卽拏請
貝子鞭責此項亦可稍止矣又奉檄行遠攜販賣者作何稽察杜絕本道遍行察訪實非民人販賣俱係全華杭州滿兵來買其實以兵賣兵及至本道行查則託云是我親戚我送他等語以旗賣旗殊難稽究又奉檄行已經擄帶者作何查給還民本道自抵軍前招集殘黎盈庭哭訴慘不忍見當卽啓請

貝子尙未給還等因又據溫州知府王國泰報稱既民久遭寇虐慘傷已極今兵馬踵至鄉民妻女被掠無存營盤左右數十餘里村落惟有瓦礫渺無人跡極日遙望炊煙幾絕案案頒發告示給還民間婦女不謂各兵將所掠婦女或託寄於省中或深藏於營內鄉民尋覓竟無謀面甚有遭兵荼毒者叩乞啓請

親王頒發令諭通行給還等情又據永嘉縣知縣鄭廷俊報稱永嘉自二十九都起至五十二都民人悉被槍擄逃亡殆盡間有招集一二民人又被各旗營兵廝以放馬尋菜爲名圍處槍掠致百姓紛紛逃避田

李文襄公別錄卷一 請禁槍擄 二十五

稻遍野不割將來兵餉民食大是可虞等情各到職該職看得樂清青田永嘉一帶先因逆賊祖宏勳從叛官兵應援不及將百姓失陷原出於勢不得已迨大兵進剿真正逆賊竄入甌城此守土弗去之百姓卽不肯從賊之百姓正可宣布

朝廷德意招徠撫綏使其室家完聚樂業安居庶幾人皆懷我淡仁到處效順將見逆賊勢窮自相離散卽直入八閩亦不難於聞風底定今據司道府縣稟報旗營擄帶子女情形是地方雖復有土無人不但朝廷財賦將來無從出產卽見在糧糈已乏人供運亦恐

有誤軍機且百姓既遭槍擄無家室繫念必致鋌而走險反得遂逆賊狡謀煽誘愚民以增賊寇關係非淺職思大兵進取固須鼓勵士氣尤須收拾人心此被賊蹂躪之百姓孰非

朝廷之赤子亦卽

親王之赤子

親王急欲平賊總爲亟欲安民職受

國恩謬膺重寄安敢將地方情形緘默不言有負

親王救民水火之至意用敢據地方各官來文激切敬

陳仰祈大張清字嚴諭民間認領併乞

李文襄公別錄卷一 請禁槍擄 二十六

親王頒示各旗營官兵嚴禁槍擄庶

王言一出萬姓歡呼非特戶口復集賦役有資兼之人

心鞏固向化接踵不難立致蕩平矣爲此具啓仰祈

鈞鑒施行

啓王提鎮兼設免造水師船隻

康熙十五年三月

啓爲補授提督事康熙十五年三月初九日奉

諭內開准兵部咨該本部覆浙江總督李之芳題前

事於康熙十五年正月十三日奉

旨該部議奏欽此該臣等議得浙督李之芳疏稱浙省當

日原設有水師提督駐劄寧波今日水師提督有應

援進勦責任其駐劄地方必須扼險可以兼顧策應

查定海爲全浙門戶見在戰船俱灣泊蛟關以之駐

劄其地甚爲利便若不設專統標旅非惟各汛將士

呼應不靈卽配船出洋亦非素所練習如欲從新添

李文襄公別錄卷一

提鎮兼設

二十七

募又未免加增糧餉今定海總兵官朱萬化業已告

病乞休請照江南崇明改鎮爲提之例將定海鎮標

官兵改爲水師提標等因查近經臣部將定海總兵

官朱萬化准其原品休致應將員缺補授等因具題

奉

旨這員缺着奉命大將軍康親王等於軍前効力各員內

選擇具奏欽此已經咨行在案今定海鎮標官兵改爲

水師提標或定海總兵官員缺應行補授之處請

勅奉命大將軍王竝該督議定具題到日再議可也等因

於康熙十五年二月初九日奉

旨依議欽此欽遵移咨到本親王查得近來寧台一帶賊

寇雖經漸次掃平海逆游移海面耽耽伺水師提

督既有應援進勦之任沿海一帶地方遇有警息該

提統領官兵策應海島逆賊蟠踞出洋搜勦則定關

竝無重臣彈壓時當多事定海爲全浙門戶仍補總

兵其提督另設經制水師凡策應搜勦提臣出師則

鎮臣彈壓鎮臣出師則提臣彈壓事有攸賴矣今奉

有會議之

旨該督應卽具定議啓覆以便具

題可也特諭到職奉此該職看得前准部覆定海總兵

李文襄公別錄卷一

提鎮兼設

二十八

官員缺應行補授之處與改設水師提標緣由經職

啓報

親王鑒奪在案今奉有令職定議啓覆之

論因查案准部文開載

親王原疏常進功見無職任不便管轄他人之兵令職

酌議駐劄地方管轄事宜原不令另設水師營制時

因定海鎮總兵官朱萬化告病乞休職議照崇明改

鎮爲提之例庶幾兵不另募船不另造餉不另增似

屬妥便經職具

題在案今奉

令諭定海為全浙門戶仍補總兵此誠

親王宏籌遠慮實於封疆有賴職謹仰遵定議惟是提

督另設經制水師勢必議造船隻但浙省木料採購

艱難屢據該地方官申詳抑且工費浩繁曠日持久

不能一時告竣難濟急需其水師提標不必另造船

隻之處統祈

親王於疏內聲明竝候部議定奪附職銜各

題覆伏乞

鈞鑒施行

李文襄公別錄卷一 提鎮兼設

二十九

啓固山貝子齋犒滿洲官兵

康熙十五年三月

謹啓

貝子殿下職以統師衝郡遠隔

恩光馳仰之誠與時交積伏諗

大駕親總師旅露處既郊帷幄焦勞職又不獲躬承

驅策惟增悚息正擬肅候

崇禧適接二月十七日夜我師大捷之報是皆

貝子威武丕揚致逆賊自投斧鑕此番大創賊衆膽落

蕩平自可立待元勳偉績上安

宗社下庇封疆職之踴躍歡欣豈可名狀謹東望百叩以

李文襄公別錄卷一

齋犒滿洲兵

三十

志欣馳特達下役叩候

萬安惟是滿洲官兵奮勇用命建此奇功外遣齋銀

五百兩交發溫州總兵官陳世凱今其啓請

貝子分犒滿洲有功官兵少佐投膠之需統祈

垂鑒謹啓

啓王請發官兵乘勢恢勦常山 康熙十五年三月

啓爲啓請調發官兵乘勢協力恢勦事竊照開化一邑界接徽饒路通廣信逆賊偽都督馬鵬等偽總兵周立等與衢郡河西之寇互相聯絡肆毒地方爲害已久職與平南將軍賴塔會議必由嚴遂進兵先取開化則常山唇亡齒寒自不難於克復可以會合廣信大兵惟因嚴協官兵分佈不敷隨發署瑞安營副將事職標參將武榮平陽鎮標遊擊陳國任帶領在衢官兵令其前赴會同嚴協副將洪起元等官兵及調援在嚴撫標官兵協力進取現將屢次獲捷并恢

李文襄公別錄卷一 請兵恢勦 三十一

復開化情形另行啓報外惟是開化既復我兵已抄其後再得迅發勁旅由衢直抵常山兩下夾勦賊必首尾莫應職與平南將軍商酌在衢官兵現已分發由嚴進取開化且衢郡河西逆賊對壘我兵防守要汛保衛城池處處皆宜嚴密即克復常山又必屯兵戍守方爲萬全衢汛官兵未能分佈仰祈親王俯察機宜乘此勝勢即將福建督標或鎮標官兵速賜調發星馳前赴協力夾勦庶軍聲大振而常山即可底定矣職謹會同平南將軍賴塔合詞具啓伏乞鈞鑒施行

啓王請調鄰省官兵 康熙十五年四月

啓爲逆賊負固日久亟請酌調鄰省官兵以資進剿以收蕩平事竊惟衢州界聯閩境爲全浙咽喉自耿逆叛變江常失守彼時人情震駭勢幾莫保職與平南將軍賴塔率領滿漢官兵進逼賊衝鼓勵將士收拾人心極力支持賊勢漸蹙於是分佈各營堵禦要害枕戈擐甲無間寒暑者已逾二年幸皆奮勇用命屢著捷功賊知無隙可乘始爲滾溝高壘以示持久兼自上年

李文襄公別錄卷一 調鄰省兵 三十二

安親王進剿江西恢復廣信與衢屬接壤互爲犄角使賊不敢狂逞其時在衢境河西對壘者止偽驍騎馬九玉偽都尉朱懷德等一股之賊也今聞廣信大兵業已撤回附近數百餘里賊復嘯聚跳梁如分水關之偽將軍白四賢等排山之偽將軍郭忠孝偽總兵李廷魁等屢據報文將與馬九玉合而爲一是在前止河西一股之賊而今則益以江西各路之賊揆之事勢必須厚集兵力始可制勝萬全職與平南將軍賴塔會商兩年以來止隸浙省各路用兵戰守不敷使賊得以苟延喘息前此猶望一路掃平便可併力攻取不意各處寇氛尙未盡殄竊慮軍興浩繁錢糧

不繼關係匪淺但浙省綠旗各營屢經抽調現存本
汛者有限卽新復制營召募維艱不惟緩不濟事抑
且未經訓練無裨實用爲今之計惟江南省松江崇
明綠旗官兵額設原多合計幾及二萬且蘇松距賊
尙遠勢難窺犯又與浙省相鄰調發最易合無於松
江提督標下酌量調兵三千名崇明提督標下酌量
調兵二千名俱各選擇精壯遴委營將統領剋期赴
浙兵力既厚足以制賊死命河西賊巢一破從此收
復常山直抵仙霞自不難於次第進取矣仰祈

親王鈞鑒特賜主維或聽候

李文襄公別錄卷一

調鄰省兵

三三

親王具

題或令職具

題統乞

諭示遵行

啓陳進剿機宜并調鄰省官兵

康熙十五年五月

啓爲逆賊負固日久恢剿萬難再遲等事康熙十五
年五月十二日准兵部咨開該議政王等會覆浙江
總督李之芳題前事等因康熙十五年四月二十三
日題五月初一日奉

旨議政王貝勒大臣會議具奏欽此該臣等會議得浙江
總督李之芳疏稱若欲亟圖滅賊松江崇明綠旗兵
幾及二萬合無於二提督標下酌量調兵五六千名
選擇精銳懇

勅提鎮重臣一員剋期統領赴浙等因查江南崇明松江

李文襄公別錄卷一

進剿機宜

三四

等處乃海口要地所關甚大今當夏令正東南風起
之時江南省兵不便調動且計浙省所有綠旗官兵
爲數不少相應請

勅大將軍康親王總督李之芳等於浙省內審度緩急緊
要不緊要酌量調遣剿滅逆賊又總督李之芳親赴
衢州善能保守而浙省倚賴今作何擊破逆賊及應
由何路進取福建事宜令其作速明白具題可也等
因康熙十五年五月初二日題本月初四日奉

旨依議速行欽此移咨到職該職看得浙江與閩省接壤
衢郡當上游首衝誠全省之咽喉入閩之門戶也職

與平南將軍都統賴塔統師捍禦已逾二年止因本省各營兵馬屢經抽調戰守不敷議調鄰省官兵併力進剿前經具啓

親王令職具

題職卽祇遵疏請去後茲准部議以江南乃海口重地不便調動請

勅親王暨職於本省內審度緩急酌量調遣并令職作何擊破逆賊及由何路進取福建事宜作速明白具題等因職惟逆賊耿精忠背

恩叛變以來分遣賊衆一由衢州一由溫州一由處州三

李文襄公別錄卷一

進剿機宜

三五

路入犯兼以零星賊艘游移外洋狡謀牽制而且廣佈偽劄煽惑人心以致杭紹台寧金嚴溫處等府不逞之徒所在叢起自

王駕同固山貝子及平南將軍相繼抵浙遣調官兵各路堵禦屢奏捷功職復督飭各鎮將文武等官相機剿撫內地漸次安堵今止溫州一路尚有逆賊曾養性祖宏勳等拒守未下處州一路尚有逆賊連登雲徐尚朝等負固石塘沿海一帶尚有逆賊熊進學等連踪飄忽然擊破逆賊進取福建必宜由衢州一路蓋衢州向爲入閩捷便之徑取逆緊要賊衆畢集於

此若此路逆賊一破則諸路之賊自不難於瓦解矣雖有逆賊馬九玉朱懷德等見在淡溝重壘死守河西然衢州南則江西則常山皆可以截其糧道斷其歸路使賊首尾不能兼顧便可相機剿擊但分路前進必須重兵足以制賊死命畱守地方亦必須重兵足以固我後路今浙省綠旗各營如杭嘉湖紹稍近內地者先已抽調殆盡其寧波定海象山寧海台州黃巖太平大荆樂清等處悉係沿海要汛則本省實無可調之兵職與平南將軍都統賴塔再四籌畫必須仍請調發鄰省官兵若江南崇明松江固爲海

李文襄公別錄卷一

進剿機宜

三六

口重地然形勢與浙不同賊踪游移倚船爲命斷不敢捨舟深入江南官兵卽有抽調來浙存剩之兵尙足以保固無虞今浙江逆賊未平滿漢官兵枕戈擐甲已逾四年若再曠日持久軍餉浩繁萬一錢糧不繼關係非小職見在酌議再疏具

題仍請調發江南官兵來浙進剿但未經啓請鈞裁不敢擅便相應備將籌畫情形啓達仰祈親王鑒察諭示以便遵奉施行

啓王陸路提督移駐艱難 康熙十五年八月

啓爲密諭事康熙十五年八月初二日准石提督咨稱奉

親王令諭內開照得沿海地方在在俱係緊要險汛今寧定既添設水師提督茲諭到之日該提督即移駐台州如沿海一帶倘有緊急情形居中提調以便策應如有用滿兵之處與夸蘭大科爾大霍柱酌酌而行毋致疎虞等因奉此自應遵照

令諭即行移駐台州因職標官兵除左營一千現隨貝子軍前其餘皆分發寧波所屬寧慈奉象各縣以及

李文襄公別錄卷一 提督移駐 三十七

大嵩鹽場吳家埠應家棚求村松懸等沿海一帶佈置嚴防日報賊踪窺伺未敢一時輕撤貽誤機宜况標兵五千經制將備千把官四十餘員又投誠効用隨征各官一百餘員俱有家眷兵有數口官有數十口者住寧年歲既遠各有產業家伙老幼牽累重土難遷且自寧赴台計程四百餘里大小山嶺九重溪渡一十餘處官兵眷屬搬移跋涉各縣人夫須用數萬更必先行台郡查議官署兵屋俟有就緒方可次第而行沿海地方此番舉動兵民交困非比內地萬難輕率若將官兵各眷畱住寧波隔遠難於照顧衆

心不安更屬未便且今水師新設官兵俱必以職標原住之屋照數查插是職標官兵挈眷既苦跋涉之難畱眷更苦隔遠不安之累則全標移駐台州其中情狀人心不一大有不可言者職又何敢以不可言之難有違

令諭除即轉行五營參遊一體遵照作何酌撤官兵整備移駐外合先啓覆請候

親王鑒奪令示等因除啓覆

親王外頃閱邸抄爲補授提督事兵部覆

親王題前事內開水師提督應駐何處作何管轄等項

李文襄公別錄卷一 提督移駐 三十八

聽該督另議具

題等因本部院必灼見妥議今王諭一到衆情驚惶若即遵

諭移台全標官兵既有挈眷搬家崎嶇跋涉萬萬不能之苦更有拋眷畱寧隔遠難顧洵不安之處且沿途起撥人夫動輒數萬台郡查插房屋勢必七八千間台州凋疲小郡十室九頽既駐協將官兵三千有餘豈能再插提標五營本提督任在全省隨處皆可駐劄但事關重大有患不得不言有言不得不早如以寧郡一隅水陸二提標不能並劄則移駐者不

應議及陸師已設之營伍再台郡現有協將三營彈丸邊郡地窄民稠如爲固圍之計止可調防汛守又不應將陸提全標官兵再議加插抑更爲定關江海要口必應水師提督駐劄然尚有提鎮二標提標兵多鎮標兵寡何反專移提標綠奉

王諭前因合亟咨請查裁示奪等因到職該職看得浙省提督向來駐劄寧波官兵眷口安居已久近因添設水師提督茲奉

親王令諭有陸路提督移駐台州之行仰見

親王洞察時勢以提督應援全省之責居中調度保固

李文襄公別錄卷一

提督移駐

三十九

沿海便於策應恭釋

論內原未令其營將官兵家口盡數移駐台郡也况水師提督駐劄地方前奉

親王

題明聽職另議除候部文到日當爲確議啓明題請定奪外今提督石調聲以標下官兵家口衆多搬移艱難且咸疑爲竟令移駐安土重遷致有人情洶洶之慮咨請前來事關地方相應備敘啓報伏乞

親王鈞鑒頒示曉諭官兵庶衆心驚疑可定而重地亦有攸賴矣謹啓

啓王請撥在閩戰船用濟舟師

康熙十五年十月

啓爲浙省戰船現闕閩疆灣泊頗多職請移調到浙節省錢糧以固海防事竊惟浙省邊海重汛當承平之時原額設有戰船一百六十隻隨鯨哨船一百二十隻分泊溫台等區不意康熙十三年間黃巖溫州變叛凡在黃溫船隻盡皆失陷僅存泊定戰船七十隻久蒙

親王洞鑒在案今陸路雖經平定據報鄭錦賊踪仍不時窺伺且台州黃巖溫屬一帶俱逼臨大海近因黃巖鎮總兵官鮑虎病故亟資重臣居中調度職仍擬

李文襄公別錄卷一

請撥戰船

四十

將黃巖鎮標官兵改爲水師提標移駐黃巖控制溫台一面具

題去後第水師標旅若無船隻憑何操駕以備分配出洋之用若令浙省各地方製造當此錢糧匱絀民力凋疲無論採運木料工費浩繁且曠日持久一時不能告竣以濟急需今據撥誠人員供稱閩地戰船頗多既已受撫所有前此浙省溫台二區失陷戰船似應撥還原標以資守禦仰祈

親王俯鑒將現泊閩中及溫屬地方查有堪用戰船酌撥二百隻其在閩省者卽令彼中官兵駕至浙洋其

在溫屬者即就近補還原額庶浙省免於勞民傷財而舟師立可成旅有裨海疆匪淺鮮矣伏乞鈞鑒施行

李文襄公別錄卷一

請撥閩船

四十一

啓王請諭耿藩速令江西餘黨歸誠
啓爲耿藩已經投順餘黨尙多蔓延請諭速行招撫以安地方事竊照微饒德興廣信玉山一帶與浙逼壤其岐界未平諸賊奉

康熙十五年十一月

旨二省會勦賊即遣發官兵恢復江西玉山縣城已經啓報在案又於龍山源白沙關等處勦賊敗潰招撫偽總兵汪文生等現在另行啓報外但今耿藩已經投順凡在該藩所屬渠逆自應即行剃髮剋期來歸今分檄各路確探餘孽據職標守備段斌等報稱鉛山縣石塘東源湖坊等處尙有偽副將林爾瞻許志遠

李文襄公別錄卷一

請諭耿藩

四十二

陳龍施廷宇曾傑偽參將王勝等駐劄又興安縣與十七都地方尙有偽總兵下偽遊擊李友才駐劄又弋陽縣尙有偽徐副將等駐劄又貴溪縣尙有偽救遠將軍朱統昌偽副將李元勛周大順卽七瓜郎等駐劄以上各偽員俱係偽都尉白顯忠所管又樂平德興等處地方尙有偽揚烈將軍程鳳竝賊首陳崑山陳大馬鵬張世英林琚吳正等駐劄以上各偽員係偽驍騎馬九玉偽都尉朱懷德等所管均各踞守城池尙未剃髮又據投誠偽將軍黃朝月呈報職奉親王令諭將廣信城守事務交付偽總兵桑明等職卽

起行進聞親繳偽印劄但目今傾心歸誠若日多而
抗命踞城者亦復不少如吳安弋陽貴溪鉛山石塘
港東源湖坊等處各逆皆梗化未服江省行途未通
等情職惟各逆散布岐界現今奉

旨三省會勦豈難滅此朝食惟仰體

朝廷浩蕩洪恩

親王好生德意且軫念蕪辜生靈因子以自新之路令

其悔禍輸誠伏乞

頒諭耿藩將江西一帶抗命踞城之輩速令及早來

歸盡洗前愆早靖地方如再負固不服當即發兵征

李文襄公別錄卷一

請諭耿藩

四十三

勦庶百姓早離湯火而根株不致蔓延矣相應啓請

伏乞

鈞鑒施行

啓王請諭給還難民子女
康熙十六年三月
啓爲良民妻子誤遭兵捉哀叩欽遵
詔旨亟賜代

題發還完聚以廣

皇仁事據浙江按察司按察使張登選呈詳到職除按察

司另冊開錄旗官兵隨

固山貝子出軍沿途一帶搶掠子女職現在嚴檄分行

各鎮營查給完聚不另送冊呈

覽至冊開滿旗槍帶人口查內有小八旗係京口綠

旗各營亦經職摘出分行查給又尚有各屬難民呈

李文襄公別錄卷一

難民子女

四十四

控現在行查未經取到結狀者容俟另行啓報外該

職看得浙閩地方仰藉

親王德威俱已平定大兵所至秋毫無犯仁恩浩蕩遠

近傳聞是直

朝廷之福萬民之幸也惟是溫台處一帶遭寇殘破百姓

流離困苦正當招徠撫綏俾令復業乃當日官兵進

勦捉帶民間子女甚多前有金允升陶人麟朱四元

等赴部控告准部文行職等確查完結又據各屬難

民紛紛赴告以至杭洲省城哀號載道皆係尋妻覓

子之人職等有地方之責當此殘疆初復必有人民

而後有賦稅亦必有家室而後有人民况准部文行查不敢置之不問行據按察司現查捉去男婦共二千二百八十八名口造冊詳報前來竊思浙省皆親王平定之地方百姓皆

親王拯救之赤子今閩省咸蒙

恩造家室安然即變叛之徒勢窮來歸尙得保全妻子獨浙省溫台處等各屬難民池魚受禍如仙居樂清等縣原因官兵退駐台寧棄而不守旋為賊踞永嘉瑞安黃巖縉雲青田松陽等縣原因叛將內變或因官兵救援不及相繼淪陷皆非百姓甘心從賊及

李文襄公別錄卷一 難民子女

四十五

大兵進剿其真正賊寇或據城抗拒或相率逃遁惟此殘黎依棲故土不肯隨賊而去

朝廷用兵救民水火正救此等之民也至如金華諸暨常山等縣難民子女皆於殺賊旋師之時隨路攜帶並非從賊拒敵之人案准部文內開真正賊寇未必攜帶子女而行營中所有大率非係擄掠民人子女即係為彼脅從嗣後如殺賊之餘賊寇所擄難民子女許令民間認領不得一概妄行搶擄奉旨依議速行欽遵在案是在賊營所得子女皆許民認領况不係賊營所得尤宜給還又伏讀康熙十四年十

二月十四日

恩詔一款國家用兵原以靖寇安民凡恢復地方甫離寇亂尤宜加意保全安插得所勿得借端擄掠重擾良民欽此是恢復地方不許搶擄况現在版圖之民尤當保全今各屬難民感戴

皇仁浩蕩又仰荷

親王恩德是以匍匐奔走控告不休今據司府縣各官查明逐一造冊詳報是准部文確查者業已查明惟有給還便可完結但旗丁非督撫可以徑行查給隨移咨鎮浙將軍馬哈達查行去後今准咨覆祈請

李文襄公別錄卷一 難民子女

四十六

親王得有給還之諭在凡搶得者庶無藉以推諉之虞等因前來職等謹將擄掠戶口旗色住址清冊上呈親王鈞覽伏乞特頒

恩諭并發滿字告示嚴飭各旗凡有所擄難民妻媳子女如伊親屬認領迅速給還完聚併請許令地方官便宜查給庶

王言一出萬姓骨肉重逢地方得有起色矣職謹會同巡撫陳秉直合詞具啓伏乞

鈞鑒迅速

諭示職等遵奉以便結案覆部施行

啓王贖難民子女 康熙十七年三月

啓為額憐情慘俯賜代

題以全生民骨肉以足丁糧事康熙十七年三月十一

日准巡撫陳秉直咨文又據布政司李士楨按察司

張登選驛傳道李之粹杭嚴道王樑運司閻廷謨會

詳前由到職據此該職看得自用兵以來

詔旨頻頒惟以愛民為亟

親王仰體

皇上至意自進駐金華以及平定全閩所至之地約束嚴

明百姓無不感仰惟溫台一路當時

李文襄公別錄卷一 難民子女 四七

固山貝子有放槍之令以致難民子女被槍獨多前

准兵部據百姓控告咨行職等確查報部行據按察

司查明被槍男婦數目造冊啓

請查給蒙

親王行據各將軍都統啓覆竝無擄掠良民子女等因

以致奏

諭未允職等所請在各將軍都統以為賊所曾到之

地其子女即係應槍之人遂覆稱竝無良民但真正

賊寇始則用兵負固既則投戈乞降其妻子固安然

無恙而所得者則皆賊至不能自脫賊去不肯相隨

窮苦難民之妻子也查部文殺賊之餘不許擄掠難民子女即得自賊營亦許民間認領奉有依議速行之

旨正指賊所屯踞地方而言賊自為賊民自為民原有分別今未經查給則與部文未合因此未經報部近來或有地方官捐助代贖者難民自行募化取贖者間或有旗丁自心感動徑行給還者但給贖者少留營者多今值蒙古官兵凱旋各屬難民盈千累百羣集省城呼號呈控援引

詔旨咸稱不蒙具

李文襄公別錄卷一 難民子女 四六

題發還惟有跟隨赴京叩

關等語隨准巡撫移咨會

題并各司道呈詳前來職查各難民紛紛哀控已非一日職等惟諭以

親王自必查給稍以慰安其心今日未蒙給還而蒙古

又現在起行生離死別只在頃刻是以情狀迫切如

此溫台等處僅存殘黎皆係飢寒失業之人既見骨

肉永無還期彼更何所瞻顧若使千百為羣赴京登

聞職等不先陳

奏何以自解見擬會疏具

題不改不先啓報如蒙

親王徑頒令諭通令給還職等仍與地方各官公同捐

散的給價值則百姓既得完聚而旗丁亦無苦累實

爲兩全則亦可以報部完結矣職謹會同巡撫陳秉

直合詞具啓伏祈

鈞鑒獨斷迅賜

諭示施行

李文襄公別錄卷一

難民子女

四十九

啓報江山嶺等處殺賊并請會勦

康熙十七年七月

啓爲塘報堵禦賊衆情形事康熙十七年六月二十

九日據駐防益亭全營都司郭正明駐防楓嶺營遊

擊倪文陞駐防浦城遊擊張宏弼各塘報到職該職

看得浦城以至仙霞係浙閩大路見今江西賊寇復

肆猖獗此地控聯三省最爲緊要職先奉

令諭浦城一帶如有警息卽行策應又奉

諭浦城楓嶺仙霞各將領互相應援職已經飭行防

守仙霞叅將饒承德防守益亭木城關等處都司郭

正明等楓嶺營遊擊倪文陞浦城遊擊張宏弼馬登

李文襄公別錄卷一

啓報剿賊

五十

瀛等各嚴加堵扼聯絡聲援據各將領咸稱汛廣兵

單不敷防禦職復差員前往各路險隘相度形勢除

見有將領駐防處所外尚有念里村條爐等處太平

梅溪等關皆須重兵鎮遏果係地方遼闊歧路甚多

在在應防實慮兵少奈浙省官兵調發已多無可添

撥職又飭行都司郭正明等酌議分兵佈置務使大

路得以保固遇有賊息卽便星馳撲剿去後今據都

司郭正明等及遊擊倪文陞塘報遣發官兵同守備

薛受益於木城關外江山嶺地方殺敗賊衆遊擊張

宏弼塘報於念里村條爐等處剿敗賊衆各得獲器

械等項各官兵奮勇用命稍挫賊鋒但賊寇巢穴雖在江西不時出沒浙閩地界蔓延可虞前江西提督趙賴駐兵廣信席未及煖又准部文調征茶陵所帶官兵復已撤回而閩省浦建之兵亦患單寡今蒙

諭調劉總兵赴浦統率各營此正平靖地方之機會查江西撫建總兵許貞現在廣信若三省刻期會同進剿庶可掃蕩餘氛雖山險崎嶇溪入攻圍原非易事但賊勢流突不常官兵無處不備用力多而成功少江右百姓受其荼毒不能聊生盡為賊所驅脅日漸加眾倘不亟靖根株將來必致大費兵力必須乘

李文襄公別錄卷一

啓報勦賊

五十一

時撲滅為一勞永逸之計如不四面會合窮其去路則此期彼遁亦屬無益必奉

親王鈞諭飭行方可使三省呼吸相應職現在調度將士整束候令伏乞

諭令兩省總兵會訂師期同時並進以靖封疆相應

啓請

鈞鑒施行

啓王會勦鄰境賊寇

康熙十七年八月

啓為會勦賊寇事該職看得江西賊寇出沒三省地界流毒地方經職啓請會勦以期早淨根株今奉諭前因遵將發來總兵官許貞

令諭一角立即轉發外適准江西總督董衛國咨稱親統官兵并咨會福建督撫分路進兵會勦逆賊楊一豹江機等又據福建左鎮總兵官劉顯芳核報錢村老營賊寇出營不知向往何處又稱楊一豹着賊到崇屬隔界踏擇營盤然後率部卒踞劄逆賊此番洗營而出不知意欲何為等語職查逆賊移屯巢穴

李文襄公別錄卷一

會勦賊寇

五十二

或知三省會勦希冀逃遁或窺伺兵少之處乘間流突皆未可定職即照會總兵官劉顯芳并行浦城遊擊張宏弼馬登瀛楓嶺營遊擊倪文陞調防益亭金協都司郭正明等調防仙霞關職標參將饒承德各整率官兵一面揆明進兵路徑一面嚴加堵扼又飛移江西總督確訂師期俟江西官兵一到即刻知照進剿俟有勦殺情形另行啓報外合先啓覆伏乞鈞鑒施行

啓報撥兵延平並陳浙省兵單

康熙十七年八月

啓爲海氛方熾未熄等事康熙十七年八月初一日准兵部密咨內開該議政王等會覆福建巡撫吳興祚題前事等因康熙十七年七月十一日題本月二十三日奉

旨議政王貝勒大臣會議具奏欽此該臣等會議得福撫吳興祚疏稱延建邵汀四府皆有伏莽乘隙蠢動今省城甲兵前調赴漳泉其延建等府額兵亦經先後調撥雖新任提督暨八旗大兵將次入閩到即急赴漳泉不能駐防延平等府伏祈於浙江督標官兵三千或二千星速赴閩駐防延平彈壓等因查浙省官兵雖經屢次調遣今海寇侵犯漳泉等處事屬緊要浙省附近福建且近又令浙江督撫召募兵丁宜調浙省之兵發往彈壓福建延平等處應請

李文襄公別錄卷一

撥兵延平

五十三

勅下浙江總督李之芳巡撫陳秉直量留鎮守浙省設法將各營官兵抽撥或二千或二千名儘其所得即速調遣迅發彈壓延平等處可也等因康熙十七年七月二十三日題本日奉旨依議速行欽此等因到職該職看得浙省官兵先後調發撥閩者爲數已多今因延平等處需兵准部文行

職等設法將各營官兵或二千名或二千名即速調發職等奉有依議速行之

旨多方籌酌查浙省邊海遼闊逆賊刻圖窺犯將士無分寒暑晝夜撥甲在在戒嚴且溫台海洋即接連福興漳泉之海洋乘風而至不待終日倘或大兵節次南下乘我單虛并力懸懸直犯浙境若無重兵何以禦敵至閩江接界山寇猖獗逼近浙閩大路現在三省會剿是浙省三面正在用兵而內地安插投誠不下數萬皆屬鷹眼未化之徒今見山海賊寇跳梁防禦尤宜周密職等四顧浙省營汛兵單已極賊氛尙熾

李文襄公別錄卷一

撥兵延平

五十四

事勢堪虞實屬無兵可以抽調案查盆亭地方原爲浦城外援前奉親王俯念浦城係屬重地所以諭職酌發官兵防守盆亭今浦城已有福建左鎮總兵官劉顯芳駐劄其盆亭自可兼顧且盆亭與仙霞關相隔不遠職一面並暫令防守仙霞將領就近兼顧一面再行的發添防隨令原駐防盆亭全協都司郭正明等官兵一千一百五十名先赴延平又於浙省各營設法抽撥以足二千之數陸續前進外所有調發官兵前赴延平數目並浙省兵單情形相應啓

報職謹會同巡撫陳秉直合詞具啓伏乞
鈞鑒施行

李文襄公別錄卷一

撥兵足平

五十五

李文襄公別錄 卷一

咨戶兵二部請給投誠効用官俸
爲成例可稽懇乞咨
康熙十七年六月

部給俸事據標下中軍副將吳三畏詳稱奉本部院
批標下隨征効用副將楊彪等知府朱定遠叅將閔
士龍等遊擊程魁等都司王子管等呈稱竊以彪等
待罪鄰封荷蒙賞文招撫彪等傾心向化奔投恐後
自至衝城感荷

皇仁浩蕩

親王德澤安插給劄彪等糜身盡瘁不足仰荅高厚之
恩何敢復有希冀但思碌碌庸材既受養生無極區

李文襄公別錄卷一

投誠官俸

五十六

區肝膈必圖効死有階查案中樞政考內開投誠各
官有獻城池帶官兵最多而功大者於原銜外酌量
優加職銜給與全俸帶官兵不多無大功者仍給原
銜全俸彪等屯駐德興縣城率領全旅歸誠六萬有
奇雖不能與獻城而功大者比亦可與帶官兵多者
相等也規制雖出

朝廷之盛典榮枯總由本部院之持衡故彪等不得不援
例陳情伏乞施恩提拔賞咨達
部換劄給俸彪等銜結圖報無盡等情奉批仰中軍
官查報奉此該界職查得楊彪等皆係揚烈將軍下

四三三

同時投誠之官也業奉

親王各給劄付在案今稱率領全旅六萬有奇來歸與

中樞政考內帶官兵最多者相等是以懇請咨

部換劄給俸但可否出自裁奪咨請

部示遵行等因到本部院據此為照給劄副將楊彪

等俱係同偽揚烈將軍王王貞帶領官兵六萬有奇

除解散外實帶領偽官兵三萬投誠先於招撫偽將

軍轄下官兵全旅歸誠等事

題准經

親王給劄在案今據呈援中樞政考帶官兵最多之例

李文襄公別錄卷一

投誠官俸

五十七

請咨

貴部投劄給俸查投誠官員各處大將軍將軍等照

功之大小給與劄付遇缺可用者即酌量補用此係

見行之例固與向來定例不同但投誠日以衆多原

不能一槩補用

朝廷開恩招撫期於早奏蕩平必須隨時措置無俾失所

以安歸附之心鼓向化之路庶為長策浙省投誠不

下數萬安插得宜實非易事每遇一起來歸本部院

無不晝夜籌畫入伍歸農漸次解散久而始得帖然

即前准

部文於入伍歸農之間准給口糧未經停止之時本

部院意存節省亦不槩為動支惟其中頭目非附從

之衆可比既已投有銜劄不便令其入伍原非安於

隴畝之人又不便令其歸農僅可收入各標權為鈐

束非兵非民求衣食日有呼籲之詞不獨楊彪等

各員也本部院雖時時量為周給難以為繼且亦不

足以資其糊口既已錄用無期兼之飢寒不免論其

帶兵效順之功則屬可憫而情急勢窮亦不可不慮

本部院多方駕馭時切隱憂

貴部持衡軍

李文襄公別錄卷一

投誠官俸

五十八

國訐謨遠猷自必洞鑒作何裁奪擇其帶兵多者酌行

舊例給以俸糧俾此鴟音乍革之衆永戴

朝廷之恩則日前安輯者絕未形之患而望風率服者愈

當接踵矣如僅責成督撫加意綏戢究屬無米之炊

未能有濟倘謂各省投誠甚衆若議給俸非所以節

省錢糧但今日徵兵轉餉總為平定地方而處置投

誠實關安攘大計事有費而不可省者此之謂也况

貴部

題請在外給劄原因在部給劄不得補用之故今浙省

已經停止

題補則投誠之人更無他望酌量舊例舉行他省亦未
可比例嗣後一省事平次第做照亦不致頓費
國帑而四方早得寧定其所省己不貲矣擬合咨請為
此合咨
貴部請煩查照裁奪仍祈示覆施行

李文襄公別錄卷一

投誠官俸

五十九

咨送戶部賑濟難民冊結

康熙十七年七月

為殘疆困苦已極等事據浙江布政司詳稱案於康
熙十六年二月二十一日奉本部院案驗准戶部咨
開浙江清吏司案呈奉本部送戶科抄出該本部覆
浙督李 題前事等因康熙十五年十一月十八
日題十二月十七日奉

旨該部議奏欽此欽遵於本月十八日抄出到部該臣等
查得浙督李 疏稱浙省衛溫處等府屬江山等
縣衛所新復地方內中多人亡戶絕數載不毛之地
康熙十五年以前并十六年一切錢糧並請蠲免查

李文襄公別錄卷一

賑濟冊結

六十

照墾荒之法分給牛種限三年照例陞科至垂死之
民一面於捐助銀米內動支給賑等因會同總理糧
餉侍郎達 巡撫陳 具題前來查民原無給
牛種之例又給牛種多費錢糧今正值需用錢糧之
際支給牛種三年後始行陞科之處俱不便准行應
飭諭各官設法招徠勸勉耕種其恢復江山等各縣
衛所內亦有失陷日久而恢復者亦有失陷日未久
而恢復者今豈得將新舊應徵錢糧一槩蠲免其江
山等各縣衛所仍應令該督撫再行確查分別具題
再議至各府屬難民既稱照例於捐助銀米內動支

賑濟等語相應將支給過細數開明造冊報部查核可也等因康熙十五年十二月二十四日題本月二十六日奉

旨依議欽此欽遵案呈到部咨院行司奉此案照先為請賑難民事又為處民接踵來歸等事又為萬命懸危無生等事又為亟請

題賑以救殘黎事據各屬紛紛申詳難民待賑甚殷緣由請行賑濟等因奉督撫二院批行查議到司該本司看得閩疆初變寇盜紛起衛處各屬相繼失陷被賊殺傷擄掠沉淪幾及三載幸蒙大張捷伐殲滅賊

李文襄公別錄卷一

賑濟冊結

六十一

寇地方恢復殘黎復見天日全浙漸獲寧宇但大兵之後流離難民雖招撫歸來而田地蒿萊廬舍焚燬牛種農具全無飢寒相對嗷泣據各府詳稱紛紛哀籲獨賑前來本司思

國以民為本然死者不可復生而生者惟仰

皇上好生之德意則議安插賑濟之當先念完糧辦課之所資則議給牛種之益不容緩也查賑濟恢復各邑難民前台金衢處四府先經恢復各縣蒙本部院具題奉文於捐助銀兩內動支賑濟在案今續經恢復地方賑濟事同一例其間衛之極苦者則有常山開化

江西安龍游是也嚴之極苦者則有遂安是也處之極苦者則有先復之麗水宣平縉雲與新復之松陽雲和龍泉景寧遂昌慶元青田是也濫之極苦者則有永嘉平陽瑞安樂清泰順是也各邑之殘喘其死生止爭呼吸若稍濡緩必盡填於溝壑而無唯類矣但地方遼闊荒殘已極其所需蓬廠衣食牛種之資甚多今難民為數浩繁而賑濟銀米未能限量枯槁之極豈涓滴之所能濡被惟所用之銀兩既多不得不再為申請

題明凡一應賑濟米穀安插蓬廠支給牛種等項槩於

李文襄公別錄卷一

賑濟冊結

六十二

捐助兵餉案內動支賑濟飭令地方官親自給徵務使窮黎均沾實惠如有借名侵蝕察出揭叅仍將給過每名每戶銀米數目彙造細冊送部核銷伏候一面

題明一面先行批示以便遵照等因於康熙十五年十

二月十五日通詳奉本部院批各屬賑濟一項業經

本部院題

請仍於捐助銀米內動支報銷難民望賑甚殷已經前詳批行矣至分給牛種等項候部覆遵照仍候撫院批行繳奉總理糧餉侍郎達 批衛嚴溫處各屬難

民爲數活繫當此錢糧匱乏恐難通行賑濟既經該司議於捐助兵餉案內動支仰候督撫兩院批示繳奉巡撫都察院陳 批飢民望澤甚殷如詳速行分賑仍飭該府縣務俾災黎得沾實惠毋致胥役侵漁竝候督部院批示繳奉此又奉本督院牌開爲照各屬難民顛連困苦望賑甚殷自應分別速賑以延殘喘除照各地方被難情形酌量增減派發外合卽知照仰司卽將單開分賑各屬米石查明照數折銀文到卽日委官齎往各該府協同該縣印官務將真正窮苦難民照依戶口酌定數目躬親唱給不得假

李文襄公別錄卷一

賑濟冊結

六十三

手胥役致滋侵冒等因本司遵照檄行單開派賑衙屬西龍江常開五縣銀共八千五百五十三兩八錢內本司先發銀五千三百五十三兩八錢交發該府知府王宏仁收領轉發賑濟又找發銀二千七百兩給差官李夢鸞傅希說齎交該府知府王宏仁收領轉發各縣賑濟又找發銀五百兩給差官吳尙禮齎交該府知府王宏仁轉發開化縣賑濟又派賑屬送安縣銀共一千四兩一錢內本司先發銀五百四兩一錢又找發銀五百兩俱交發該縣知縣劉從龍收領賑濟又派賑金屬湯溪縣銀四百兩交發該府

知府張蓋收領轉發賑濟又派賑溫屬永樂瑞平泰五縣銀共四千三百兩內本司先發銀二千一百五十兩差官聶世榮齎交該府知府王國泰收領又找發銀二千一百五十兩差官蕭繼昌婁九德齎交該府知府王國泰收領轉發各縣賑濟又派賑處屬麗籍青松遂雲龍慶景宣十縣銀共一萬二百兩內本司先發銀五千一百兩交發該府知府練一信收領又找發銀五千一百兩差官蕭繼昌婁九德齎交該府知府練一信收領轉發各縣賑濟去後今據衢州等府造到各都花名細冊併具印結各到司據此該

李文襄公別錄卷一

賑濟冊結

六十四

本司看得閩疆告變寇盜橫行衢溫處各屬相繼失陷被賊占踞有家者打餉追糧死於敵扑貧窮者抽丁入伍鋒鏑殞亡沉淪遂至三載其間逃流他鄉者甚衆直至康熙十五年八月王師入閩之後我兵乘勢攻殺各府地方蕩平恢復其久陷之民甫離湯火鶴面鳩形新招之衆屋燬田荒妻涼滿目攜妻挈子覓食無從雖據地方官自行捐助安插賑濟奈歸來者日衆而捐助力不能周又如嚴州府送安縣之上鄉一帶衢州西安縣之下洲百靈等處龍游縣之南源一帶金華府湯溪縣之十五

六都盡是煙燐荒廢之地無不慘遭荼毒淪陷三載於十五年恢復若不給以銀米則少壯必致復逃老弱盡轉溝壑而

朝廷之版籍空虛墾荒辦課責之何人前據各屬詳稱難民哀號遍野聲徹郊原蒙本部院飢溺為懷痍瘵在抱

題請仍於捐助銀米內動支賑濟報銷本司遵照各地方被難情形分委各官齎解給發以上通計動支司庫存貯浙省康熙十六年分捐助銀二萬四千四百五十七兩九錢通計賑過難民一十三萬一百九十

李文襄公別錄卷一 賑濟冊結 六十五

一名口今將支給銀數并據各縣冊報賑過難民名數備造簡明總冊同各縣造報花名細冊送到不致冒破縣結一併詳送覆核各部查銷施行等因到本部院據此為照閩疆變亂浙省接壤衛台溫處之民或遭淪陷或當用兵其間死亡徙竄不知凡幾即有寥寥孑遺雖招徠復歸故里其男婦化離顛連困苦之狀不忍見聞是以本部院具疏題

請動支捐助銀兩分派各府賑濟案准

貴部議覆將支給過數目開明造冊報部查核隨即轉行布政司遵照去後茲據詳稱動支司庫康熙十

六年分捐助銀二萬四千四百五十七兩九錢分發各府通共賑過浙省被難窮民一十三萬一百九十一名口將支給過銀數併賑過難民數目備造簡明清冊並同各縣造報花名細冊及各印結一併詳送前來擬合咨送貴部察核為此合咨貴部請煩查照施行

李文襄公別錄卷一終

李文襄公別錄卷一 賑濟冊結 六十六

李文襄公別錄卷之二

行間紀畧

咨提督酌議通省增兵

咨江西巡撫添兵設塘

咨江南督撫提固防沿海

咨覆提督調守分水仙霞二關

咨將軍轉移副都統飛據仙霞堵禦

咨副都統犒賞滿漢甲兵

咨提督會商方畧

咨提督赴省會商堵禦衢州

李文襄公別錄卷之二 目錄

咨江南總督調發滿兵赴浙應援

咨京口將軍迅發滿漢官兵赴浙應援

咨巡撫撥發官兵防守埭頭

密咨福建海澄公提督

咨提督統兵赴援瑞安

咨催提督統兵赴瑞

咨催提督赴甌

咨覆提督調發官兵

咨覆巡撫酌籌大兵糧餉

咨巡撫催解草料

咨覆巡撫已發龍游防剿官兵

咨覆將軍巡撫已發援處官兵

咨江西督撫提督會剿岐界賊寇

咨覆提督援台事宜

咨商巡撫發兵援嚴

咨覆巡撫各路援兵難撤

咨覆提督滿師仍駐金華

咨督餉侍郎巡撫籌酌運糧船隻

咨巡撫留兵協防嚴屬

咨江南總督查取韓斌家屬

李文襄公別錄卷之二 目錄

咨提督犒賞官兵

咨會福建總督發兵赴常夾剿

咨江南總督知照韓斌原籍

咨江西督撫發兵夾擊潰賊

咨督餉侍郎巡撫調兵至甯

咨江南督撫發兵分路剿賊

咨江西督撫委員整理新復地方

咨會將軍禁旗兵攜帶難民婦女

咨覆將軍再諭旗兵給還難民子女

咨覆水師提督湖頭渡哨船

終

李文襄公別錄卷二

男 鍾麟編次

奏提督酌議通省增兵

康熙十三年正月

為咨商事准

貴提督咨開浙省各營兵不敷防移商增戍等緣由到本部院准此為照浙省舊額經制兵四萬八千六百餘名分防所屬地方延袤二千餘里戍守原自單薄嗣經

議政王會議裁去三千六百名僅存四萬五千餘名而各汛分防愈不敷矣是以前部院兩敘不敷情形

李文襄公別錄卷二

酌議增兵

合詞請益未荷

俞允今准大咨移詢誠見計謀第查從前減兵原為節餉是就昔日燕事而言今值滇省有事之時則浙江一省西北地接兩江東南界連八閩處處防禦宜嚴况海逆未靖蠢動堪虞若夫湖寇山魃亦恐乘機竊發建威消萌之法不得不早為籌計且查各營官兵分防各縣村鎮俱已零星派撥其存城在營者寥寥庶幾遇有警息固守尚慮不足征剿愈難猝應邇來各地兵單不止象紹寧衢等處即杭協一詳言之整整可聽此後各營詳請增兵者料必接踵漸至然而今

昔時勢固已不同自當因時酌宜寧可備陳於事前庶免貽誤於日後亟請於通省十一郡中自邊海以至各要隘分別衝緩按地指畫極言兵不敷用情形奏營見在兵馬之外各計應添兵馬數目然後總計通省共宜增戍守兵丁若干馬匹若干或當仍復舊額四萬八千六百之數統祈勝算佈置周悉庶便繪圖貼說合詞額

請相應咨商為此合咨

貴提督煩為查照確酌示覆施行

李文襄公別錄卷二

酌議增兵

二

咨江西巡撫添兵設塘

康熙十三年三月

為飛報事康熙十三年三月二十九日准提督塞
咨准平陽鎮咨呈為飛報靖藩兵變事本月三十日
又據平陽蔡總兵塘報同前事等因到本部院據此
為照閩省倡亂江右與浙屬俱為首衝本部院見在
飛調官兵馳往常山江山等處相機堵禦仰藉鄰封
互資應援貴屬廣信乃閩屬崇安大關通衢諒
貴部院宏猷碩畫早已周防但恐建協兵力未可專
恃亟應調發一鎮率領重兵駐防以固疆圉仍祈設
立塘撥使兩省聲息不時飛遞以便策應合亟咨會

李文襄公別錄卷二

添兵設塘

三

為此密咨

貴部院煩請查照迅賜裁酌示覆施行

咨江南督撫提固防沿海

康熙十三年四月

為緊急軍務事照得閩省倡叛構連海逆冀圖侵犯
前據浙屬文武各塘報隨經本部院一面密疏
題報一面調發滿漢官兵前赴溫衢二府閩浙交界處
所分守險要協力堵禦及飛飭沿海各鎮將整頓嚴
防并咨會
貴部院預設重兵屯劄交界處所互相聲援倚所在
案但查海洋由閩至浙自浙抵江皆可順帆直達隨
處可以登犯今浙境雖設法調兵堵禦而江浙實為
唇齒誠恐賊踪飄突靡常亟宜預為綢繆庶幾有備

李文襄公別錄卷二

固防沿海

四

無患合再密咨為此合咨

貴部院煩為查照希即飛檄江省沿海各營將加意
嚴防險要處所預撥勁兵扼守遇有賊踪登犯毋論
江浙俱勿歧視即飭鄰汛將領互相星飛策應共固
封疆幸勿遲緩速賜示覆施行

咨覆提督調守分水仙霞二關 康熙十三年四月
為亟請援師以固封疆事康熙十三年四月初五日
准

貴提督咨開耿逆兵變勾連海寇水陸交訌先經四
次催請調發滿漢官兵堵禦浙閩交界各處要口在
案今准黃巖鎮激切飛請相應立賜調發保固封疆
等因到本部院准此除先准

貴提督咨移俱經節次咨覆在案所據黃巖鎮咨請
前由未准大咨之先即據該鎮具詳前來隨經本部
院照會該鎮內開耿逆叛變勢必結聯海寇沿邊侵

李文襄公別錄卷二

調守二關

五

掠浙省壤址相接亟當堵禦揆度形勢温州密通福
寧衢州界聯浦城通途大道為浙省門庭是以本部
院酌調平陽鎮前往分水關一帶堵禦險要而以溫
鎮應之酌調衢協往守仙霞關堵禦險要本部院見
在抽調各路官兵相機策應若賊踪乘風飄突寧台
溫處處可以登犯則似應處處增兵設防惟是浙省
經制官兵盡佈海疆內地寥寥無幾且各處山麓土
賊見在竊發無可抽調若提標勁旅見駐寧波台區
有警尙可馳赴應援本部院見在飛章
題報請發大兵赴浙不日即有

成命該鎮忠猷懋著偉畧夙聞邊疆險汛實倚長城本部
院案所欣藉惟冀益展雄才相機籌酌聯絡鄰汛倚
角聲援務保無虞仍不時飛報情形以憑本部院隨
即調度萬勿疎謀勉旃毋忽等因照覆在案今准前
因合再備覆為此合咨
貴提督煩為查照施行

李文襄公別錄卷二

調守二關

六

咨將軍轉移副都統飛據仙霞堵禦

康熙十三年四月

為逆藩負恩反叛難臣忍死請兵亟彰

天討速圖鄰封事康熙十三年四月初七日辰時據福建

建寧府通判何源濟呈稱卑職朝

覲回閩於三月二十六日抵浦城縣民心惶惶傳說藩兵

即至次日到回龍村口離建寧二百里三更時分忽

見署延建邵道事延平蕭知府一牌上寫為軍務事

有王師前往浦城所過地方修整橋梁道路竟不用

我

朝年號止寫甲寅年三月二十五日自延平發及詢差役

李文襄公別錄卷二

飛據仙霞

七

口稱三月十五日各官設祭先娘娘藩王當即殺官

四員一福州王知府一建寧喻同知一侯官知縣一

閩縣知縣總督撫院義不少屈俱拘禁王府但范總

督歷數其罪存亡未確是夜率兵擄掠南臺男婦驚

逃淹死無數二十四日有總統上將軍徐曾江三人

領兵三千抵延平二十七日抵建寧逼民投順方免

殺戮今將辮子截短袖口切平各戴氈帽等語職痛

心無地疾首呼天恨不血濺賊前無奈孤忠莫展左

右思惟既無任可到與其徒死溝壑不若赴浙請兵

庶於時事有補隨於二十九日夜奔走一百二十里

平明達浦見西門外大張告示獨免錢糧內有甲民

伐罪妄語職氣憤欲絕旋即晝夜奔過仙霞關初三

日回望賊兵前站已上楓嶺漸入浙界聲言勤王意

在直下杭州賊今千里跋涉匍匐門請兵援剿等

因到本部院據此合亟密咨為此合咨

貴將軍煩請查照希即迅移往衢副都統立督滿漢

官兵飛據仙霞險隘堵禦賊眾萬分緊急望勿刻遲

至切至速

李文襄公別錄卷二

飛據仙霞

八

咨副都統稿賞滿漢甲兵 康熙十三年四月

為軍務事照得閩逆猖狂稱兵倡叛凡在同仇義淡討逆

貴副都統親率滿漢將士扼險禦侮會見疆土奠安

形弓錫爵惟茲將士用命疆場雖奏功之日

朝廷自有酬庸之典而此日撥甲枕戈本部院不勝軫念

是以特發庫帑用酬勞勩甲兵今特檄行標下中軍

副將王廷梅查照兵數約計銀兩解赴

貴副都統軍前聽候頒給并祈轉行曉諭則荷高誼

李文襄公別錄卷二 稿賞滿兵 九

不淺矣相應咨達為此合咨

貴副都統煩為查照示覆施行

咨提督會商方畧 康熙十三年四月

為緊急軍務事准

貴提督咨開調發貴標等營官兵前往分防平陽分水關又調台協等營官兵前往分防龍泉各要口堵

禦緣由到本部院准此為照閩逆倡亂浙省綢繆固圍自宜兼防海道尤當視賊鋒所向并力堵禦屢

次咨覆

貴提督就見今兵勢典籌佈置已悉縷陳無庸復贅

今准大咨已發貴標并酌調近處官兵一千前往溫

處二屬正與本部院咨商事宜相符淡佩碩畫但前

李文襄公別錄卷二 會商方畧 十

據塘報浦城偽檄情形頗晰賊以全勢向衛已無疑

義業經三次咨請

貴提督親臨省城會商方畧至於沿海一帶各鎮皆

專統一方保障之任各有責成

貴提督統衛通省今當賊兵近在交界衝屬實第一

要衝形勢緊急永候台旌迅發面奉指誨庶得隨機

策應保固嚴疆兵貴神速萬勿濡緩為此密咨

貴提督煩為查照星刻命駕施行

咨提督赴省會商堵禦衢州 康熙十三年四月

為塘報事准

貴提督咨開寧台溫實兵總算可觀分計不足此後沿海之兵一人未敢輕動等因到本部院准此為照賊警初至之時本部院即以衢屬形勢最急移會貴提督親統官兵亟防衝要

貴提督亦即秣馬厲兵前軍先發元戎繼進嗣因塘報惟恐勾連海賊水陸並宜兼顧

貴提督暫畱行旌以待瞭探確音今賊至浦城塘報情形甚晰仙霞關大路既在萬分緊急若賊由崇安

李文襄公別錄卷二 堵禦衢州 十一

出至常山坦途易達江西之廣信素無重兵不可倚恃此兩路實今日燃眉之勢也本部院暨

將軍撫院會議滿兵雖已前進後繼寥寥內地無兵可調而寧台溫各鎮皆有分防海道之責惟候

貴提督親統官兵先至省城會同商畧急應機宜移咨奉札再四正在永望捧接大咨俱未慮及衢屬兩

路之危寇在門庭難以先計堂奧封疆事宜兵機呼吸不得不激切指陳仰祈台鑒為此合咨

貴提督董率將士電赴星馳庶得面商方畧共保屢疆煩為查照迅速命駕施行

咨江南總督調發滿兵赴浙應援 康熙十三年四月

為緊急軍務事照得閩逆叛亂本部院屢經

題請大兵赴浙援剿案奉

上諭調撥江寧滿兵前來策應當經專差馳赴

貴部院軍前請賜督催起發在案今浙省需兵甚亟

前項滿兵猶未即到不意又於本年四月二十三日

據浙江黃巖總兵官阿爾泰飛報內開康熙十三年

四月十七日平陽鎮兵變將蔡總兵圍擊等因前來

據此除卽刻密疏

題報外是浙省外寇未弭而內患旋作勢切燃眉見在

李文襄公別錄卷二 調發滿兵 十二

官兵俱有汛防堵禦之責無一可以抽調應援惟望

貴省滿兵星飛策應庶保無虞合再亟請為此合咨

貴部院煩請查照希卽立刻移催滿兵星夜兼程赴

浙永望應援軍務萬分緊急幸勿刻遲併賜示覆施

行

咨京口將軍迅發滿漢官兵赴浙應援

康熙十三年四月

為緊急軍務事照得閩逆叛亂本部院屢經

題請大兵援剿見經兵部咨調江寧大兵一千又防守

安慶副都統所領兵全來又江寧察 所領四旗兵

全來又定南將軍和碩額駙所領兵五百名夸蘭大

二員赴浙應援等因前項官兵雖經調撥迄今無一

到浙不意又於本年四月二十三日據浙江黃巖鎮

總兵官阿爾泰飛報內開康熙十三年四月十七日

平陽鎮兵變將蔡總兵圍拏等因前來是浙省外寇

未弭而內患旋作勢切燃眉目今見在官兵俱有汛

李文襄公別錄卷二

咨發援兵

十三

防堵禦之責無一可以抽調應援所有部撥滿兵又未卽到本部院再三籌畫特又密疏

題明先請

貴將軍就近酌發滿漢官兵星飛赴浙除現備小揭

塵覽外第軍機呼吸若候部覆奉

旨方行起發勢必有誤合亟咨請為此合咨

貴將軍煩請查照立刻調發滿漢官兵星夜兼程赴

浙應援以固鄰封併祈先將調撥官兵數目起行日

期預行咨示以便備辦供應望勿刻遲

咨巡撫撥發官兵防守球頭

康熙十三年五月

為揆報事據分守杭嘉湖道詳稱四月二十六日據

差去快手沈錫俞禮筭稟稱錫等蒙差往歸安所屬

廟喜等處地方揆聽土賊信息今揆得十八日有盜

首李成龍卽李振海等從廟喜進山往球頭一帶錫

等隨往球頭鎮打聽鎮上百姓慌張說離鎮二十里

山內賊首李成龍楊相嘯聚三百餘人往來擾害鎮

上無兵汛守恐早晚來鎮搶掠等語除密移協守羅

副將防剿外該本道看得湖屬山嶺水繞向為寇盜

出沒之藪今聞變震鄰汛兵抽調一切不軌之徒糾

李文襄公別錄卷二

防守球頭

十四

結匪類紛紛蠢動見據報稱賊首李成龍等嘯聚三

百餘人逼近球頭將欲搶劫鎮民湖協一營除奉調

撥外僅存兵三百餘名分防州縣城池庫獄不能分

撥進剿合無上請憲臺或於憲標或於撫標暫撥標

弁帶兵一百名防守球頭安慰民心等因到本部院

據此為照湖郡半屬山陬半聯水滙最易藏奸今鄰

封震警而不逞之徒乘機竊發以致百姓張皇該道

詳請撥發標兵駐防球頭誠屬急務但本部院標下

二營官兵先經兩次調撥赴衛防剿今本部院現在

會同平南將軍統兵進剿其存營官兵勢難再為抽

調然湖郡需兵亦難緩視似應於貴標酌發官兵一百名前往埭頭防守擬合咨商為此合咨貴部院煩請裁覆施行

李文襄公別錄卷二

防守埭頭

十五

密咨福建海澄公提督
康熙十三年五月

上諭事准兵部密咨內開康熙十三年四月二十四日奉
上諭耿精忠反叛海澄公黃梧提督王進功隔越泉州漳州與浙江聲息不通着行廣東王及總督巡撫江西巡撫浙江將軍總督等由廣東江西設法差人於黃梧王進功處確探消息若海澄公黃梧提督王進功等能各守地方着令固守若力單不能自守廣東江西有何處可來會合着來會合欽此合咨貴部院煩為欽遵施行等因到本部院准此為照逆賊耿精忠背負

李文襄公別錄卷二

海澄公

十六

國恩稱兵造亂本部院聞變之日即知

貴提督忠義憤激惟因境阻軍書無由遽達今我

皇上明見萬里特頒

上諭指授機宜此皆

貴提督丹誠昭格簡在

帝心佇見不世勳名傳榮千載今平南將軍賴 統率禁

旅十萬指日直抵福州本部院欽遵

睿謨間道馳使密咨

貴提督請煩查照欽遵

上諭事理相機酌裁迅賜示覆施行

咨提督統兵赴援瑞安 康熙十三年五月

為飛報事據溫州鎮飛報內稱康熙十三年五月初二日午時據瑞安營副將吳三畏飛報平陽南岸叛逆於康熙十三年五月初一日點兵帳房加至五百餘頂其人馬俱抵中洲連夜搬運砲械馬跳版等項喊聲不絕本職會同提標劉遊擊分撥兵馬在上下兩處阻截初二日賊盡拔營俱向中洲周村落船辰巳等時即已渡江而浦口南岸船隻亦已起蓬撐駕往上意在水陸並進但本汛節蒙本鎮撥兵添防似此賊勢重大終虞杯水車薪本職等惟有盡命堅守

李文襄公別錄卷二 赴援瑞安 十七

倘荷發大師尾賊之後攻擊於外而城內官兵堵剿於內自然一可當十瑞邑保全全浙均叨利賴矣仍懇憲臺賜文通報亟請救援等情同時又據提標遊擊劉國珍報同前情又據瑞安營副將吳三畏報稱平陽叛兵勾引閩寇二萬有奇於初二日辰巳時渡江已到我岸雲集蜂擁屯割橫山等處分布攻擊見在會同提標劉遊擊分發官兵迎敵等情各到職據此為照平陽官兵叛變勾逞逆勢緊急瑞安之危如同累卵夫瑞安為東甌離落萬一挫失勢必逼犯郡城水陸交侵腹背受敵鎮標之兵除已先調發往瑞

應援外所在之兵有限今本職於據報間立發溫州城守副將楊春芳鎮標左營遊擊魏萬侯各帶領馬步兵二百名又檄調樂清營千總一員把總一員磐石營千總一員把總一員大荆營千總一員把總一員各帶馬步兵二百名星馳應援又檄調寧村營千總一員帶兵於該汛接瑞安一帶聯絡救應但我兵已在單弱之時又經調發郡城根本水陸重大亟請憲臺賜發救兵解此危急本職再為籌思若待援兵不免稽延時日於是專咨黃巖鎮火速先發援師拯我鄰難惟恐彼處推阻尤祈本部院星檄黃巖鎮聞

李文襄公別錄卷二 赴援瑞安 十八

聲踵救全浙幸甚等因到本部院據此為照平陽叛弁勾引逆賊輒敢擁眾渡江恐有狡謀陰合今瑞安孤城吳副將悉力拒守如此一心報國奮不顧身誠為可敬若棄置不援何以勵忠義之士且溫郡倘有他虞西犯金處東逼台寧在在可虞今溫屬萬分危急滿兵向俟馬到前進必藉台旌迅發庶可保固封疆合亟咨會為此合咨貴提督煩為查照即日統兵進援施行

咨催提督統兵赴瑞

康熙十三年五月

為飛報事康熙十三年五月十二日據溫州鎮塘報內開康熙十三年五月初三日午時據溫州城守副將楊春芳本標左營遊擊魏萬侯報稱卑職等帶領官兵至南慈湖安營於初三日寅時發兵前進路遇鄉民攜婦女數百人北來審問賊人情形口稱賊有萬餘兩路進發一路在瑞安東山塔下營一路游上渡北來等情本日酉時又據該副將報稱卑職等領兵前往瑞安應援於初三日巳時到瑞安三都峯地方據拔兵王有福等報稱揆至三都嶺下見鄉民

李文襄公別錄卷二

咨催赴瑞

十九

紛紛逃竄嶺上俱是賊兵擺列大砲佔踞險隘不能前進等語卑職等見在鼓勵官兵征進等情到本職惟祈憲臺亟發援師共圖殲滅等因到本部院據此為照瑞安被賊攻圍勢在危急先經咨移貴提督就近赴援諒必慮切巖疆星馳進發今據塘報各營援兵屯劄柴畧地方尙未直抵瑞城夾擊何能立解重圍各營將領無所統轄號令參差議論不一恐其躊躇瞻顧必致有誤大事今本部院見同平南將軍統兵前往金衢一帶惟藉

貴提督台旌迅發以援危城合亟咨會煩為查照施行

咨催提督赴甌

康熙十三年五月

為泣請援師以救危疆事據分巡溫處道飛報稱溫處為山海僻隅值閩逆變叛防弁倡逆甌城致平陽秦順相繼湮沒瑞安受困半月郡城之外海踪聯帆游移官民露處城隈慶景已為賊踞雲遂各邑警息不絕郡城危同累卵本道飛請援兵已十有三次今於本月十六日酉刻接憲臺劄諭以公議提督臨甌視師撥狼山官兵五百員名到瑞援剿兩郡賊勢浩大危在旦夕日間提督統帥即至而馬牌尙未到甌吳副將竭力死守忠貫天日瑞民亦百計捍圍以待

李文襄公別錄卷二

咨催赴甌

二十

援師倘望救不至一旦瓦解是孤忠義之心而絕城守之念也伏乞憲臺迅賜檄發勁旅并催提臺早統雄師星夜前進以救孤危等因到本部院據此為照瑞安圍困二旬賊踪直犯甌江前准大咨親統官兵赴溫援剿計今諒已抵溫但屢據該鎮道疾呼請救今復據該道激切籲催前來合亟咨達貴提督煩為查照如台旌業已抵溫希將到溫日期示覆以慰翹望尙未抵甌祈即迅督官兵刻日星飛前赴以救危疆幸勿刻遲至望至切

咨覆提督調發官兵 康熙十三年五月

為泣請援兵亟救孤危等事准

貴提督咨開賊困瑞安危急前後調發官兵六千五百有餘赴溫瑞援剿寧台兵力單薄煩請迅催江南抵浙滿漢官兵一從金處上游星赴溫州夾剿一往台州一往定海聯絡備禦緣由到本部院准此為照瑞安被圍業荷

貴提督統率官兵親赴調度計算赴援官兵前後調集六千五百餘員名兵力不為不厚今准大咨復請滿漢官兵赴溫夾剿但會商平南將軍公議抵浙滿

李文襄公別錄卷二 調發官兵 二十一

兵馬力未齊不便零星四應溫州一路全藉

貴提督策勵官兵奮勇撲剿刻期殲滅至於台寧沿海一帶本部院熟籌再四浙省官兵多在溫台寧三府今處屬數邑失守衛屬餉道幾致中梗何等危急無兵調遣是以前又備敘情形會列台衛特疏上

請或發江南和碩額駙所統滿漢官兵或發江南一鎮赴浙策應在案兵部見又調撥揚威將軍處所副都統喇哈及包衣佐領下官兵赴浙策應諒可不日抵浙統俟到日會商分發策應合就咨覆煩為查照施行

咨覆巡撫酌籌大兵糧餉 康熙十三年六月

為請留鹽課銀兩等事准

貴部院咨商部覆浙省錢糧已多題請協濟發帑俱不准行煩請酌籌示覆以便補贖會

題緣由到本部院准此為照用兵之際糧餉為先目今各省俱有大兵進發若浙省可以足用豈敢屢疏請但部議所計者以通省一年徵解之數總算作見在銀兩而督撫身在地方既不敢緩誤軍需又不敢亟竭民力其事勢實有萬難者今本省原額兵餉大兵糧餉駐防官兵加餉綠旗官兵行糧已前支給之數

李文襄公別錄卷二 酌籌糧餉 二十二

將來月給之數皆可按籍而稽其餘備辦槽餉僱募夫船添增驛站等項種種皆需現銀至於豆草日用浩繁雖按時支放必須先期採辦非可緩待而溫處衛三郡近賊地方人民逃避見在竭力招徠寧台三郡額徵本少海寇告警人不寧居金嚴二郡就近供應衛屬且為兵馬孔道力役困苦此數處雖迫以追呼終無實濟所藉惟杭紹嘉湖四府又值二麥無收盤桑失望且今時方六月其先解并備辦豆草等項約已盡額徵之六七惟以軍需緊急不敢為民告難若取必一時概行敲扑使人心搖動則事勢可虞此

等情形身當責任者安得不早計乎惟

貴部院與藩司熟籌將已經支給并見今實需之數約畧可以徵解接濟之數通盤打算如可竭蹶支撐且不必再疏上陳若司帑空虛萬難供應則必將各項實用數目明白簡易具詳

貴部院再加裁酌會疏入

告亦不得不然之勢耳相應咨覆煩請查照施行

李文襄公別錄卷二

前籌糧餉

三

咨巡撫催解草料

康熙十三年六月

為料草催解不前馬匹枵腹難待專員再懇亟催飛運事照得在衛滿漢綠旗官兵馬匹豆草全無缺餉已踰數日睹此情形甚為憂迫是以三次咨請

貴部院迅督輓輸接濟迄今又復數日總無顆粒寸莖解至各官兵朝夕環訴而該道府無米難炊徒嗟束手軍興何等緊急豈藩司以一派解詳報之文移便可弛擔耶查該司前詳省運米豆屈指一月杳無片艘到衛各府報解多屬空文亦未見該司將遲誤各官揭報似此耽玩軍需何賴本部院統兵行間糧

李文襄公別錄卷二

催解草料

三

草軍需惟藉

貴部院籌畫接濟業已屢次咨催今事切燃眉不得不再專差咨請為此合咨

貴部院煩請查照立刻嚴督藩司將貯省料豆草束已起解者添差沿途催趕未起解者督令該司親赴倉棧料理上船違差能員飛解赴衛并遴委監司一員駐劄嚴州專司催趕毋恃微員以致誤事至各府派辦豆草等項定限守催隨到隨卸陸續迅速接濟引領永候并祈先賜示覆以慰寬望至緊至切

咨覆巡撫已發龍游防勦官兵
為稟報事准
康熙十三年六月

貴部院咨開偽逆馬千總突犯龍游勢甚詭悍煩請就近會酌迅發官兵進剿緣由到本部院准此為照偽逆突犯龍游本部院於途次聞報即發隨帶官兵令杭協副將陳世凱江南提標遊擊崔天福統領駐劄該縣相機防勦兼顧蘭湯二縣外今准前因合就咨覆煩請查照施行

李文襄公別錄卷二

龍游防勦

三五

咨覆將軍巡撫已發援處官兵
為會商機務事准
康熙十三年六月

貴部院會咨內開處屬十邑大半失守賊勢猖獗逼近郡城亟請會商平南將軍再調勁旅速發處州以除急患狼山鎮標官兵五百名速令回處餘再別處抽調一二千名分頭征進方克濟事又來省滿師將次進發原調金嚴嘉湖等處官兵亦當酌量撤回以為地方防守之計統祈酌籌指示緣由到本部院准此為照處郡報警本部院途次龍游即已調撥遊擊于昌祐統領各標

李文襄公別錄卷二

援處官兵

三六

營官兵會同處協副將姜騰蛟相機策應援勦嗣據塘報龍慶遂昌等縣相繼失守青田告急復又咨移提督并照會黃巖鎮調發該鎮親統官兵二千餘員名星赴處州前後夾勦俱經奔達在案及狼山鎮標官兵五百名未准大咨之前本部院業已檄令雷處策應是處州一郡除原額經制之外前後已調撥過各營官兵約計三千五百六十餘員名矣至於原調金嚴嘉湖等處官兵共計不過二千一百餘員名防守常關等邑今逆賊數萬盤踞清湖相拒咫尺現今常關各邑俱有賊眾侵犯龍游警息頻聞業發杭協

副將陳世凱統領該營官兵及江南提標官兵駐龍
進勦見今又發湖協官兵二百名赴常策應惟存官
兵二千有餘在郡隨本部院進勦若再撤回金嚴嘉
湖調防之兵不惟本部院勢難單騎前進并常山開
化龍游亦無一兵防守仰藉
貴將軍院垂念嚴疆亟賜調兵星速赴衛分防庶便撤
回前項官兵合亟咨覆煩請查照施行

李文襄公別錄卷二

搜處官兵

二十七

咨江西督撫提督會勦蛟界賊寇 康熙十三年六月

為鄰界寇警交証亟咨調兵策應共衛封疆事為照
浙省常山開化等處與江省接壤先經移咨
貴部院提督亟發重兵固守廣信玉山鉛山等處已准大
咨示覆在案不意叛賊柯昇擁兵從逆玉山一帶賊
兵盤踞聲息斷絕而永豐等處賊首詹三公子等嘯
聚夥黨流突浙境常開之間土寇附合時時窺犯今
浙省雖見在發兵搜勦而兵至之時賊蹤又復寂然
總因交界叢山易於出沒非兩面夾勦此搜彼遁終
難靖盡根株

李文襄公別錄卷二

會勦賊寇

二十八

貴部院提督誼切同舟自當有碩畫指授亟奏蕩平今屢
據塘報緊急合亟咨會為此合咨
貴部院提督祈即迅發官兵搜勦仍刻期示覆以便約會
策應施行

咨覆提督援台事宜

康熙十三年六月

為亟請援兵以保封疆事康熙十三年六月二十四日准

貴提督咨移太平失守亟請立發杭州養馬大兵盡往台州緣由到本部院准此為照溫鎮叛變賊寇勢必侵犯台郡先經本部院會商平南將軍將駐杭滿兵請發赴台應援見准將軍圖 咨移已調副都統馬 所帶馬兵并察哈力兵共四百一十九名又將安南將軍華 奉

旨所撥看守杭城兵五百名又將杭州兵添補八十六名

李文襄公別錄卷二 援台事宜 三十九

共合一千委副都統阿 為兵主星夜赴台應援等因又准撫部院咨移前項赴台滿兵已於十九日起行諒月內自可到台可藉防禦惟是金華賊又逼犯是以先將在杭在衛滿兵分路援剿今常山又陷將見雅副都統兵馬仍撤回衛其台州今日事勢惟藉貴提督就近兼顧以保無虞今見准兵部咨調江右右翼查哈喇全軍及壽佐領甲兵一名令副都統吉爾塔布統領赴浙應援除經一面咨移江南督院迅催前項調發滿兵星夜赴浙外今准前因合亟咨覆煩為查照施行

咨商巡撫發兵援嚴

康熙十三年七月

為咨商亟救嚴屬以固糧餉重地事照得全浙大勢以衢溫處三郡為門戶溫處相繼變叛惟衢州尚有當衝扼要之勢賊亦以全力相抵而金華為居中要道防禦不得不亟今滿兵在衛止有一千六百餘甲在金不及一千非有餘力以四應至調集綠旗官兵共六千有餘常山一千扶傷而回開化四百尚不知下落防守龍游五百湯溪三百蘭谿五百金華一千一百存衢城者僅及二千晝夜操甲以當數萬之賊而土寇在在竊發警報踵至本部院應接不暇今遂

李文襄公別錄卷二 發兵援嚴 三十九

安賊眾攻逼嚴郡存兵數不及百岌岌可危若嚴郡有失則省城震動餉道中絕萬難緩視奈清湖賊兵連營漸進如再將此二千之兵分調赴援則衢州守禦更無可恃全省兵馬之在本部院與提督共之今台黃告急如此東路援師不可望矣思省城兵亦無多但嚴州為省城之屏蔽仰祈貴部院於貴標發兵數百赴嚴協同鮑副將相機勦禦此亦萬不得已之著目前事勢不得不急治其標耳迫切燃眉專員馳請為此合咨貴部院煩請查照迅賜調發并希示覆施行

咨覆巡撫各路援兵難撤

康熙十三年七月

為機務事康熙十三年七月十三日准

貴部院咨移金嚴各屬告警嚴州已發標兵五百名
前赴防勦全華逼近諸暨為杭紹通衢可不將原調
赴衢官兵撤回緣由到本部院准此為照賊兵四面
侵犯衢州連營四十餘里實有數萬之眾滿漢綠旗
官兵共三千有餘於七月初七日出城奮勇衝擊而
賊營外掘濠濠內設木城火器排列相繼迭發猝難
攻破自龍游以至湯溪無處非賊兵分佈勢甚猖獗
忽於七月初十夜拔營遁去恐有狡謀連發官兵漸

李文襄公別錄卷二

援兵難撤

三十一

進哨援一面先調官兵往龍游湯溪沿河一帶進勦
以通運道今俟沿河清蕩即當先復東義以固紹興
之西路台屬仙居賊方攻破西門幸援兵適至遂得
保全嚴屬兵單慮之已久惟因在衢之兵業已四往
分防再難調發止令金協兵百餘前往今貴標兵既
發稍可恃以防禦紹屬見調之兵勢不能撤回
貴部院令其酌將臺寨官兵回郡此亦權宜緩急不
得不然今惟有意為金屬收拾之著即所以保固紹
屬專待龍湯一帶進勦回報至日酌行但衢郡兵勢
實單前日情形萬分危急將軍已疏

請喇吉二副都統之兵齊赴金衢祈

貴部院與

總理部堂達

將軍圖 迅為商發庶戰守有藉耳相應咨覆煩請

查照施行

李文襄公別錄卷二

援兵難撤

三十一

咨覆提督滿師仍駐金華 康熙十三年七月

為飛商緩急情形事准

貴提督咨開駐防金華副都統馬雅俱准部文回省

未識因何調回必需剖悉形勢立疏

題明挽回保固金華等因到本部院准此為照浙省形

勢自溫處叛變而後金華實為東浙藩籬水陸交衝

運糧孔道馬雅二副都統領兵駐守一戰勝賊即准部

文調回省城本部院隨會商平南將軍已經調發在

衛副都統吳 星赴金郡彈壓逆賊擁眾逼城滿

漢官兵協力蕩勦接據塘報大捷隨即具疏上

李文襄公別錄卷二十一 滿師駐金 三十一

聞業有小揭移覽見今馬副都統又復至金防守自可無

庸題明照准前因擬合咨覆煩為查照施行

咨督餉侍郎巡撫籌酌運糧船隻 康熙十三年八月

為咨商立法預備運糧船隻以濟緊急軍需事竊照

大兵進剿首在糧餉轉運接濟必資船隻今駐衛滿

漢兵馬所需糧料缺給日久本部院差檄頻催陸續

前來不過寥寥數艘矧今和碩

康親王總統大兵征閩將來糧料需用正殷其運糧船

隻若不亟籌良法即使儲備有餘而燕船載渡勢必

遲誤查自省城以至嚴州江港稍寬大船可以行使

驛傳項下原有額設座站等船七十餘隻見在江干

於內量留十餘隻以應大差其餘俱令往來杭嚴裝

李文襄公別錄卷二十一 運糧船隻 三十四

運糧料并再搜尋寬大航漁等船二百隻每四十隻

編為一號互相保結連泊江干遇有糧料隨到隨裝

其自嚴以至衢州溪流狹小水淺灘高重大船隻難

以行使前委糧道駐劄嚴州責司催督應令搜備小

船四百隻亦每四十隻編為一號互相保結連泊嚴

州馬頭一遇省城解到糧料隨即轉撥裝載其省城

嚴州各船俱照民間僱價現給紋銀不許官役短少

遲延致使船戶苦累起行運載之時除解官外俱另

選或府佐或三司首領官一員多帶幹役專司管押

船隻往回并沿途催備人夫以資遣往如有沿途船

隻潛避立着互結各船催追倘通同故縱任其脫逃互結船戶一體究懲押船官役分別參處至編號各船止許裝運糧料凡一應差使等項概不得擅行動用至有奸猾船戶躲藏徽州河路藉口隔省規避似應就近移明江省地方官徑行拘拏如是庶船隻不致缺少而軍需或可無誤耳除行藩司暨糧驛二道酌議外是否可行擬合咨商為此合咨貴部堂煩請查照會奪仍希見覆施行

咨巡撫雷兵協防嚴屬

康熙十三年八月

為請兵添防保固地方事據嚴協副將鮑虎詳稱照得淳遂壽三縣前因土寇糾集開常餘逆乘我兵單節次襲陷界職於七月十五日親統官兵前往恢勦七月十六日恢復壽昌二十三日恢復淳安八月初三日恢復遂安半月之間連復三城壽遂二邑雖有城郭多倒塌不堪而淳安蕪城俱在萬山之中界職血戰二十餘陣跑倒坐馬二十餘匹始克底定今遂安賊寇散而復聚界職現又督兵進勦因思新復地方必須多著官兵防守今本營之兵除雷守府城并分防桐分二縣外其餘隨帶只有四百餘人先雷一百五十名防守壽昌又雷一百五十名防守淳安現今界職隨身所帶之兵寥寥無幾即全雷在遂尚不能資戰守况今淳安賊首劉萬冲復聚逃散之賊出沒於靈岐富昌窺伺分水恐一時難盡根株伏乞本部院垂鑒恢復三邑兵單難守不論何營之兵酌撥數百前來添防庶疆圉可保事干軍機至急理合詳請等因到本部院據此除詳批該管缺額并貼防太平兵數仰速行募補撫標官兵暫雷協同防勦俟官兵調齊再行酌議仍候咨明

撫部院去後為照嚴州失陷屬邑該副將力戰恢復見在分兵防守但隨帶官兵既欲隨軍征勦又欲分防守禦自是不敷既經該副將詳請增兵前來除批令該副將遵照將賞標官兵暫留協同防勦外擬合查明為此合咨
貴部院煩請查照施行

李文襄公別錄卷二

協防嚴屬

三十七

咨江南總督查取韓斌家屬

康熙十四年十二月

為咨提偽官家屬取信投誠以解賊黨事照得逆賊耿精忠造亂閩疆迫脅官兵勾合土寇竊踞仙霞妄思狂逞本部院親行統師會同滿漢官兵在衢進剿屢加撲殺惟是逆賊依險負固冀圖苟延殘喘且附從黨羽實繁有徒所以百足未僵尚稽

天討今荷

皇恩浩蕩矜憫裔從准令投誠本部院見在勦撫並用茲據投誠人章啓元供稱係江南亳州人氏因耿逆殘忍刻薄官兵多係離心是以前來投誠又供亳州人

李文襄公別錄卷二

韓斌家屬

三十八

韓斌係福建興化府城守營守備在仙霞關一路賊營帶領八百人意欲投順聞賊營傳說韓斌家已被抄所以尚不敢來若取其家人到此差發過去當即全營來投等語又據獲犯李斌稟稱寇營都司韓斌係我

清朝武進士原任興化府城守中軍守備年方三十有五被耿逆迫脅將部下官兵五百名領入衢地毒念君恩輒即流涕一載有餘向無登陣見今衣號只掛興化城守都司韓七字詢及家眷稱在江南家有父母妻子計百餘口窺其衷腸實有歸誠之念若查取其父

于兄弟一人密到衢州潛通消息大則可以內應外
合共屠叛逆小則可以招其投誠等情據此則韓斌
有心向化相應取其家屬往招惟希

貴部院轉行該地方官將原福建興化府城守管守
備韓斌家內選取的屬親丁一名賜文移解過院以
便設法招諭俾其傾心來歸用彰

朝廷寬大之德以解逆賊煽誘之謀擬合咨會為此密咨
貴部院煩請查照迅賜轉行查取移示施行

李文襄公別錄卷一

韓斌家屬

三十九

咨提督犒賞官兵

康熙十五年
年二月

為軍務事照得逆賊負固歐城官兵攻勦用命本部
院漢為軫念今接據各鎮將塘報於二月十七日大
創賊氛此皆

貝子威武暨

貴提督惟籌之所致也會見疆土奠安蕩平當在指
日矣雖奏捷錄功

朝廷自有酬庸之典惟茲將士血戰宣勞本部院不勝嘉
予酌備銀三百兩專員齎送祈

貴提督分給在事有功將士聊為牛酒之需相應咨

李文襄公別錄卷二

犒賞官兵

四十

達為此合咨

貴提督煩為查照施行

咨會福建總督發兵赴常夾勦 康熙十五年三月

為咨會調發官兵以資恢勦事照得開化一邑界接徽饒路通廣信逆賊偽都督馬鵬偽總兵周立等與衛郡河西之寇互相聯絡本部院擬由嚴遂進兵則常山唇亡齒寒自不難於克復可以會合廣信大兵是以調發署瑞安營副將事恭將武榮平陽鎮標遊擊陳國任帶領在衛官兵赴嚴會同嚴協副將洪起元等官兵及調援在嚴撫標官兵協力進取業將開化克復抄其後路若再得勁旅由衛直抵常山兩下夾勦賊必首尾莫應惟因在衛官兵現已分發由嚴

李文襄公別錄卷二 請兵夾勦 四十一

進取開化且衛郡河西逆賊刻刻對壘我兵防守要汛保衛城池處處皆宜嚴密即克復常山又必屯兵戍守方為萬全衛郡官兵未能分佈當此賊勢披靡正可乘時進取得荷
貴部院宏籌偉畫督發貴標勁旅或鎮標官兵前赴夾勦則常山一邑不難立奏蕩平矣除經具啓
親王外擬合咨請煩請查照施行

咨江南總督知照韓斌原籍 康熙十五年四月

為懇恩移咨知照事據標下隨征副將韓斌呈稱竊照卑職係江南鳳陽府亳州人辛丑科二甲第一名武進士於康熙十年間選授福建興化城守中軍守備康熙十三年三月十五日耿逆叛變時職在省領餉隨被細綁禁錮逆府彼時恨不欲生無柰孤掌難鳴後逆眾出兵來衛界職帶領親丁隨從久欲投奔前來奈賊眾疑忌防範嚴切只得苟延歲月幸蒙憲恩提取職子韓世晉僕人苑亮王爵到衛於今四月初九日遣發苑亮前赴賊營暗通信息卑職即於

李文襄公別錄卷二 韓斌原籍 四十一

十二日帶領都司王得功施虎把總蘇起袁宗畢思臣張玉披甲隨帶什物騎坐馬驟憤不顧身飛奔渡河賊眾發兵追趕幸賴憲天遣發兵馬接應卑職得見天日隨蒙啓送
親王俱蒙賞給劄付恩同再造誓必殫力報効滅此叛逆上報

國恩下舒積憤竊思前蒙憲天提取職子韓世晉現任在衛今令回籍伏乞賞咨

江南總督部院并行原籍亳州知照漢為恩便等情到本部院據此為照韓斌失陷賊地久欲自拔來歸

前請

貴部院查取伊子韓世晉到衙遣僕苑亮往招而該將即率領偽官飛騎歸誠其忠勇之槩誠可嘉尚隨經本部院啓送

親王當蒙頒給副將劄付發標効用并卹具疏

題報除另備小揭呈覽外今該將遣子世晉回籍呈請

移咨知照前來相應據以咨達爲此合咨

貴部院煩請查照希卽轉行該將原籍地方官一體

知照俾無內顧得令盡力疆場感佩舟誼不淺矣

李文襄公別錄卷二

游賦原籍

甲三

咨江西督撫發兵夾擊潰賊

康熙十五年八月

爲移會恢勦大捷亟請夾擊共靖逆氛事照得浙閩與江右連壤自耿逆變叛以來兩省郡邑多被荼毒如偽驍騎將軍馬九玉盤踞衢郡河西竊佔江常等處今康熙十五年八月十四日

奉命大將軍和碩康親王駕臨衢郡本部院密啓情形

於本月十五十六等日隨奉

諭令調遣滿漢綠旗官兵分路勦殺河西逆賊大敗

鼠黨管壘盡被我兵焚燬本月十七日恢復江山十

八日恢復常山賊勢被靡潰遁我兵已抵仙霞一路

李文襄公別錄卷二

夾擊潰賊

甲四

直逼玉山馬逆敗殘餘衆必奔永豐等處以冀緩死若

貴部院撥發官兵乘機夾擊渠魁不難投首更祈惟

籌調遣官兵竟取閩境俾逆孽首尾受制諒可立奏

蕩平合亟密咨爲此合咨

貴部院煩請查照亟賜調度仍祈將逆敗情形併於

某路進兵不時移示以便會勦施行

咨督餉侍郎巡撫調兵至衛 康熙十五年八月

為移會調發官兵事照得衛屬逆賊敗遁官兵追逐進聞今江常開化各邑新經恢復山鄉村落伏莽未靖且偽驍騎馬九玉等竄入廣信見據探報搜取民間農具打造器械而德興永豐二渡關諸處綿亘數百里尚有逆賊盤踞各隘切近衛境茲雖賊氣消沮不無隱憂况地方初復人民甫定未免時懷風鶴兼之

王師淡入閩疆衛屬又為糧運咽喉思患預防更宜早計查衛州原調湖協官兵六百名之內有該協將弁

李文襄公別錄卷二 調兵至衛 甲五

帶歸本營及事故等項約共缺兵二百名公檄該副將照數撥補并調太湖營官兵三百名來衛分發添方以圖善後以保萬全相應咨會為此合咨貴部院煩請查照施行

咨江南督撫發兵分路剿賊 康熙十五年八月

為咨請乘時剿撫早殄逆氛事照得王師進剿連克開常奪關入閩兩經咨達

貴部院在案茲開化各賊亦復聞風奔遁浙省衛屬業已廓清閩粵險要既失自必喪膽近據探報偽驍騎馬九玉等竄入江西廣信搜取農具打造軍器玉山係屬空城等語是此際賊眾敗竄驚魂未定即前此四出黨羽亦必奔顧巢穴乘此督發官兵分路進剿廣布招徠當即瓦解本部院一面咨會

李文襄公別錄卷二 分路剿賊 甲六

江西督撫二院訂期夾擊但江省徽州毗聯浙西江右恐逆賊勢窮奔突必期彼此堵剿庶可早靖根株祈貴部院再行就近會同江西督撫二院并飭徽州一帶鄰汛將領整肅嚴防相機夾剿合亟密咨貴部院煩請查照亟賜示覆施行

咨江西督撫委員整理新復地方

康熙十五年十一月

為亟請整理殘疆共圖鞏固事照得江浙聯壤勢同肩齒而廣信一郡更為切近今偽襄武將軍黃朝用嚮化歸順已赴閩省和碩

康親王軍前投誠一郡七縣復入版圖前奉

王諭速發文武官員前往接管料理撫綏地方接汛防

禦等因本部院業即星移

貴部院在案但廣信雖復而江右餘寇尚未悉平若

不亟議綢繆恐致復生意外况該府淪陷日久甫定

殘疆亟須安集流離掃清伏莽本部院諒切同舟合

李文襄公別錄卷二 整理地方 四十七

再專員咨請除玉山縣知縣事務業經本部院委令

張偉烈前赴署理移達外其一郡各縣統乞

貴部院再賜迅檄文武各官星飛分赴接管料理平

定地方防禦要隘以期安堵即浙省開常亦藉庇鄰

輝無既矣為此合咨

貴部院煩請查照速賜示覆施行

咨會將軍禁旗兵攜帶難民婦女

康熙十六年二月

為嚴禁潛攜難婦他往特飭稽查事照得出征官兵攜帶難民婦女自應亟查完聚近因縉雲諸暨等縣難民陶人麟金允升等赴京奔控給還准有部文移咨本部院見行按察司彙詳定奪在案頃據該司具

詳多有旗兵潛攜北上

貴將軍統領滿漢鎮守兩浙恤兵愛民原無岐視滿

旗官兵必藉

貴將軍再行會飭庶幾知所凜惕擬合咨會為此合

咨

李文襄公別錄卷二 禁攜難婦 四十八

貴將軍煩請查照傳令各旗并賜示各門嚴行禁飭

使窮黎骨肉得以完聚

朝廷戶口得以安全感藉舟楫非淺鮮矣仍祈示覆施行

咨覆將軍再諭旗兵給還難民子女 康熙十六年三月 為咨明事准

貴將軍咨開難民被擄子女當此殘黎極窮極苦之時焉能不亟拯救今准移會張哲芬毛天德等細加捧釋不忍見聞但備價取贖一項今如僅有錢數千銀數兩而欲備贖妻女子婦技之價數懸殊本將軍欲令民照數備贖則責民無點石之金即短價勒兵俾令完聚恐他日出兵誰為効死用命要在兵民兩不交病均希貴部院酌奪等因到本部院准此為照難民妻女被擄一案准捧釋大咨以殘黎極窮極苦

李文襄公別錄卷二 難民子女 四十九

亟宜拯救此誠

貴將軍仁慈普被為

國為民即所以為兵也本部院忝在地方之責兵以衛民原無岐視但案准部文內開真正賊寇未必攜帶妻子而行嗣後殺賊之餘賊寇所擄難民子女許令民間認領不許妄行搶擄奉有依議速行之

旨欽遵在案是以本部院遵

旨移查給還且今變叛之徒勢窮來歸尚得保全妻子獨此被陷人口反致骨肉生離誠如大咨所云不忍見聞者也近准部文據難民呈詞咨移本部院確查完

結如有難以完結情由另行報部再議等語惟有仰

貴將軍德威開諭旗兵仰遵

恩旨庶可完結至各難民貧窮徹骨沿途拜跪募有微貲安能盡如所索之數且掠帶子女豈有定價似此難結情由未便報部仍祈

貴將軍鴻慈酌裁多方拯救推廣

皇仁庶俾新復殘疆得有起色相應移覆為此合咨貴將軍煩請查照施行

李文襄公別錄卷二 難民子女 五十

咨覆水師提督湖頭渡哨船

康熙十六年十一月

為遵例請修哨船以防海疆事准

貴提督咨開據寧紹道咨呈前事為照湖頭乃象山洋面案奉部文以寧波湖頭逼近大洋駕船出關操演不便准行奉

旨依議欽遵在案查湖頭向為賊船往來之所漿船非戰勤之具即未奉部禁亦不便住泊於此不識當日何所議而借名哨船致費金錢也今據該道來文補造哨船十隻俱已交發該營捕盜收管仍泊方橋內江取其收管見在不知該營是何標營捕盜是何名姓

李文襄公別錄卷二

湖頭哨船

五十一

此船作何調用况不便於出勦既未預聞本提督是可不必議及惟名曰哨船誠恐後日大部議以水師之事則本提督亦有責成不得不將此蕪裨戰勦并未有報聞情由咨明貴部院存案等因到本部院准此為照湖頭渡設立哨船案於康熙十年間前部院巡歷沿海更定營制以象山與大嵩所相對其中為湖頭渡此內有寧波奉化鄞縣汛地當日止於江岸延袤曲折設立臺寨官兵防守其湖頭渡未經設兵故於南岸象山北岸大嵩各設哨船十隻扼要防守以之外禦寇警內杜誘越將以內臺寨官兵裁減為

各處改水為陸之用久經

題准部覆奉

旨欽遵在案嗣因修葺屆期是以本部院照例

題請亦經部覆時因閩省變亂海洋賊艘飄聚不時前修船隻恐有疎虞經寧紹道議詳泊於內地本部院因時酌宜隨經批允擬俟戰船出洋之時駕赴巡防况當日

題設哨船經督撫提鎮會議實有裨於防勦今部議不准出關操演原指遠出洋面而言非以舊設巡防之哨船築置不用也今准前因合就咨覆須為查照施

李文襄公別錄卷二

湖頭哨船

五十二

行

李文襄公別錄卷二終

李文襄公別錄卷之二

軍旅紀畧



右司道府飭勵官常

行藩臬二司查取官員劣蹟

飭金衢道府廳縣拏散創逆犯

飭杭嘉湖道申嚴防範機宐

飭寧紹道府廳縣緝拏賊黨

飭溫處道府守禦地方

飭金衢道府守禦地方

飭寧台溫紹杭嘉湖各道府守禦地方

李文襄公別錄卷三

目錄

飭金衢道確揆閩逆情形

飭杭嘉湖全嚴各道府預辦糧料

飭仁和錢塘知縣嚴保甲護奸宄

飭各道察拏奸宄

檄布政司預給兵丁糧餉

飭金衢道府備辦糧料安撫居民

飭溫處道府嚴催大荆邊海整備

獎勵寧紹道府廳縣

飭驛道整理夫船馬匹

檄布政司酌議軍需

檄查勒收草豆使費

檄布政司驛糧二道趨運軍需

飭杭州知府查解兵所騷擾浙西鄉村

檄溫處道嚴禁掠販難民子女

飭按察司嚴肅秋聞

飭金衢溫處嚴台各道府撫集流亡

發銀行府中元薦度陣亡將士

檄委杭嚴道隨軍招撫

飭西安知縣撫輯新復地方

飭衢州知府查勒賊遺砲械

李文襄公別錄卷三

目錄

飭同知楊道泰赴江山縣協辦軍務

飭江山知縣招撫馬勝家屬

飭金華知府乘時招撫

飭處州知府乘時撫輯

飭龍游知縣乘時招撫

飭湯溪知縣乘時招撫

飭江山知縣查議給還婦女

飭溫處道隨軍整理處屬恢復六縣

檄委金衢道隨軍招撫

檄委台巡道撫輯溫郡餘寇

飭龍泉宜平遂昌各知縣撫綏地方

飭開化知縣齋諭招撫程鳳

飭江山縣看養廣信難婦俟領完聚

牌給生員盛鼎招撫

查釋閩省歸浙難民子女

飭禁司道府廳州縣差擾

飭司道各府嚴禁害民諸弊

飭各道查訪衙蓋

飭司道嚴查縱盜諱盜積害

飭按察司禁止酷刑

李文襄公別錄卷三

目錄

三

檄杭嘉湖道亟議靖盜安民六條

檄衢州道府縣愛養衙屬黎民

李文襄公別錄卷三

男 鍾麟編次

行司道府飭屬官常

康熙十二年十月

為飭屬官常以肅吏治事照得安民必先察吏大法然後小廉蓋以吏治之臧否民生之休戚係焉本院素知浙省頻年災戾民生困瘁全賴良有司撫綏愛養漸起凋疲乃其間龜勉從事克修厥職者固不乏人而簞篋不飭尸位負乘者亦比比皆是如徵收錢糧則額多火耗審理詞訟則庭有冤民或縱容衙役以生事或聽信情面以徇私甚至賄賂通行是非

李文襄公別錄卷三

飭屬官常

十一

顛倒本部院持憲長安早知大概今膺

簡命節制是邦必期力清積弊以挽頹靡凡此董率羣僚凜持廉法惟各方面官是賴尤當秉公執法不得瞻顧因循本部院當茲叱馭伊始姑行嚴飭以觀自新為此牌仰該司道府官吏照牌事理即便遵照嗣後務須持廉秉公恪勤乃職并轉飭所屬潔已愛民奉公守法倘有政績勤敏操守無玷者本部院不靳特疏薦揚以昭激勸倘仍溺職收檢貪贖乖張本部院惟有白簡從事斷不姑徇以貽一路之哭各宜凜遵慎無嘗試

檄行藩臬二司查取官員劣蹟 康熙十三年正月
為查取不職官員劣蹟以肅吏治事本部院欽承

簡命總制全浙下車之後例有入境糾參浙省地處衝繁
災稔之餘民生困瘁已極所望以澄清吏治拊循地
方惟監司守令是賴若乃貪殘不法職業全隳置民
瘼於罔聞惟苞苴之是問既已有玷官常亟宜立登
白簡合行查取為此牌仰該司照牌事理即將通省
道府廳縣各官逐細查訪有溺職敗檢穢跡昭彰者
備開贓款劣蹟限文到 日內密揭呈送本部院以
憑覆核糾參至於察訪之法務須持廉秉公勿瞻徇

李文襄公別錄卷三

查取劣蹟

十一

情面勿畏勢市恩勿寬大吏而以卑員塞責勿舍貪
酷而以微疵點綴款犯必實有其人不得暗捏詭名
以畱展轉之地事蹟必詳列月日不得游移朦混以
開出入之端該司職任綱紀見聞必確萬毋寬縱其
劣狀大著為害地方之官本部院已經密訪重確寫
記於此若不據實指揭亦即特疏
題參該司難辭徇庇之咎慎毋違錯

檄飭金衢道府廳縣密拏散割逆犯 康熙十三年三月

為密報出首偽劄事據金華府東陽縣詳報內稱逆
黨單于郭美之王彥俞造劄散布肆行煽惑卑職設
法密探令施應驥盧魁甫騙劄出首一面差兵快緝
拏先將出首狀詞口供并抄偽劄具文密報等因到
本部院據此為照浙省地方久經寧謐何物奸徒輒
敢散布偽劄煽惑人心大干法紀合行密拏審究為
此牌仰該道府廳縣查照牌內事理即便密拏散割
逆犯單于郭美之王彥俞到官嚴究確審雕印散割
情形并起獲偽劄及根究逆黨數目的確姓名住址

李文襄公別錄卷三

密拏逆犯

三

一併密拏審解務盡根株毋使滋蔓一面清查保甲
加謹防備毋得疎虞慎速慎速

檄飭杭嘉湖道申嚴防範機宜 康熙十三年三月

為申嚴防範機宜以固疆圉事照得浙省為海疆重地杭嘉湖尤為劇郡衝繁外防海寇倭邊內慎萑苻嘯聚必須有備始可無患况邇來逆氛多警愚民惶惑保無飢寒不軌之徒結聯釀害則思患預防正宜綢繆早計該道素具宏猷凡地方形勢如何設防山海要隘如何戍守砲火作何整頓墩臺作何修葺以及內地遊巡邊方瞭哨一應機宜皆當會商妥確合行申飭為此照仰該道照牌事理即查該道所屬地方如嘉郡平湖海鹽通臨海濱近閱塘報時有一二

李文襄公別錄卷三 防範機宜 四

賊艘游移則當相度情形確酌隘口何處添兵何處守禦嚴飭臺兵勤加瞭哨其餘嘉秀各縣以及杭湖二府屬或支港濼紆錯雜或地當南北衝衢如太湖巨浸夙稱盜藪近雖設兵駐守稍為斂跡如杭郡省會根本重地雖設重兵彈壓而其間山鄉水澤奸良混雜邪正莫辨更當嚴查保甲稽詰奸宄無使容隱滋擾三府砲位安頓處所應需火藥砲架砲蓬等項應請給者速行詳議請給應置辦者速為設法置辦一應道路橋梁速飭該地方官預為修築完固毋致臨事周章并一應未盡事宜星速會同各府營將

議妥確因地制宜相度籌酌料理停當具文詳報以憑酌度毋得玩忽

李文襄公別錄卷三 防範機宜 五

檄飭寧紹道府廳縣緝拏賊黨 康熙十三年三月

為報聞事據紹協副將報稱蕭山縣七八都地方賊首朱玉華朱元甫等煽誘愚民嘯聚釀亂被保正報縣拏獲審供緣由到本部院據此為照浙省地方久經寧謐惟有紹屬蕭山諸暨等處既在崇山疊嶂之鄉復處水陸交通之地夙稱盜藪最易叢奸况近日邊方多警民心惶惑誠恐飢寒不逞之徒鋌而走險招誘亡命流突鄉村先經本部院申飭防範嚴行稽詰毋許怠忽貽患節次告誡在案今據報賊首朱玉華糾集已獲之李啓元等輒敢糾聚謀亂釀害地方

李文襄公別錄卷三

緝拏賊黨

六

合亟嚴拏審究為此牌仰該道府查照牌內及黏抄事理立提已獲賊犯會同確審嚴究倡亂起事真情賊黨的確數目姓名住址一併密拏審解一面將逃匿未獲各賊遴差兵快廣偵密拏并預行知會鄰近縣汛一體協力擒拏追緝務盡根株毋使滋蔓亦不得混捉良民濫及無辜一面嚴查保甲相度險要加謹防備毋得玩誤疎虞密速密速

飭溫處道府守禦地方 康熙十三年三月

為飛飭守禦地方事康熙十三年三月二十九日據溫州鎮塘報內稱靖藩變亂緣由到本部院據此為照浙閩接壤據報閩省兵變溫屬最為密邇隨即飛飭平陽鎮躬統官兵前往分水關一帶堵禦并檄調溫州鎮瑞安營官兵聯絡接應外合行知照防範為此牌仰該道府照牌事理即便分派守禦城垣稽察奸宄措辦糧餉接濟軍馬聽候本部院酌調官兵齊集星赴仍不時哨換情形飛報本部院以憑調度事關軍機毋得遲誤

李文襄公別錄卷三

守禦地方

七

飭金衢道府守禦地方 康熙十三年三月

為飛飭守禦地方事據溫州鎮塘報內稱靖藩變亂緣由到本部院據此為照閩省兵變衢屬最為密邇且仙霞關又係浙境險隘隨即飛檄衢協副將躬統官兵前往仙霞關小竿嶺一帶守禦外合行知照防範為此牌仰該道府照牌事理即便會商衢協一面速據險要固守關隘一面分派守禦城垣稽察奸宄措辦糧餉聽候本部院另調官兵齊集星赴仍不時哨換情形飛報本部院以憑調度事關軍機毋得遲誤

飭寧台溫紹杭嘉湖各道府守禦地方

康熙十三年三月

為飛飭守禦地方事照得閩省叛變浙境壤連水陸交衝在在自宜嚴防本部院據報隨即調發滿漢官兵前往衢州大路堵禦并行附近鎮將統兵扼守險要本部院與

提督隨即相繼進發酌量調度外但閩省既經倡亂勢必結聯海寇濱海地方務宜加意防範用保無虞合行飛飭守禦為此牌仰該道府照牌事理即便會同城守營弁固守城池稽察奸宄修葺城垣措備糧料接濟兵馬嚴飭沿邊加意巡防倘有賊踪驟突一

李文襄公別錄卷三 飛飭守禦

八

面飛報本部院軍前調度一面協力堵禦仍將情形不時飛報毋得怠忽

飭金衢道確探閩逆情形

康熙十三年三月

為確探緊急軍情事照得閩省兵變本部院見據溫州鎮飛報隨即調發官兵分守要隘相機堵禦但衢州與閩境接壤其閩省倡亂情形何未據該道報聞合行申飭確探為此牌仰該道照牌事理即便遴選精細兵快密往楓嶺浦城一帶偵探的確消息星速回報隨即轉報本部院軍前以憑調度仍一面多方密探不時報聞毋得刻遲致誤事機慎速慎速

李文襄公別錄卷三

牌飭偵探

九

飭杭嘉湖金嚴各道府預辦糧料

康熙十三年三月

為飛飭守禦地方事照得閩省叛變浙境壤連本部院據報隨即調發滿漢官兵前往衢溫二處扼險堵禦外浙省水陸交衝在在自宜嚴防合行飛飭防範為此牌仰該道府照牌事理即便申嚴各屬固守地方稽察奸宄嚴行備禦并預行整備一應錢糧草料以俟大兵供應毋得缺少遲誤致罹咎咎各宜慎重封疆以盡職守勉之慎之

檄飭仁和錢塘二縣嚴行保甲察拏奸宄四月初四日
 為嚴飭察拏奸宄保衛地方事照得邇來軍書勞午
 民間訛言四起因有不軌奸徒乘機擾動煽黨結謀
 希圖構亂各屬屢經發覺擒拿法處嗟此愚頑自投
 羅網省城為通會之區五方叢聚譏察尤宜嚴謹合
 亟申飭為此牌仰該縣照牌事理即督所屬地方人
 民嚴行保甲一甲之內互相稽查并寺廟庵觀通加
 嚴飭如有來歷不明之人毋得容留其或出入詭秘
 蹤跡可疑者立刻報官查究倘有徇隱事發之日定
 行連坐治罪該縣一面分遣的役密行巡緝果能捕

李文襄公別錄卷三 嚴行保甲

獲真正奸細者定加重賞但不得借端生事擾動良
 民該縣務須實心奉行俾奸宄無可潛藏地方共保
 安靖如或因循玩忽虛文塞責軍情重大取咎匪輕

飭各道察拏奸宄康熙十三年四月
 為密飭察拏奸宄保固地方事照得浙屬山陬水澨
 向來每易藏奸近日不軌之徒訛言煽動勾黨散剝
 屢經發覺今邊用戒嚴恐有外來奸細潛跡窺探或
 本地狂徒乘機竊發必須嚴謹查察弭患未萌城池
 庫獄關津隘口皆當留心倍加防護各郡縣司牧之
 官固圍衛民責有專屬該道監統一方寔資保障合
 亟申飭為此牌仰該道照牌事理即便轉行所屬通
 論城市鄉村嚴行保甲各自稽查互相聯絡并寺廟
 庵觀通加督飭凡有外來之人細加盤詰來歷不明

李文襄公別錄卷三

察拏奸宄

十一

者勿得容留其或出入詭秘蹤跡可疑者立刻報官
 查究如勾連黨羽聚謀不法者即時舉首擒解倘或
 徇情事發之日定行連坐治罪各該府縣仍分遣的
 役密行巡察如有真正奸宄立速緝拏但不許借端
 生事擾動良民凡城垣頽壞即時修葺倉庫牢獄勿
 致疎虞該道務須實心奉行不時督飭倘有玩不遵
 奉者揭報

題叅如或因循故事虛文塞責貽誤地方各有攸歸慎
 之勿違

撤布政司預給兵丁糧餉

康熙十三年四月

為預給兵丁糧餉以恤勤勞事照得軍興秀午各標營兵丁調防駐守以衛封疆並皆勞苦本部院憫念各兵皆有父母妻子平時支給額餉止可贍給一身已難兼顧今警備邊圉行者有資裝之費居者有守望之勤推其至情均應體恤本部院一片丹誠無時不痾瘝身切今將通省兵丁不分調汛畱營一體預給糧餉以資飽騰除行各鎮將遵照外合行知照為此牌仰該司照牌事理即便一體查明給發取領存案彙冊報銷毋致遲誤

李文襄公別錄卷三

預給糧餉

十三

撤飭金衛道府備辦糧料安撫居民

康熙十三年四月

為緊要軍務事照得閩逆叛亂逼近浙壤本部院接據羽書隨即會商

撫院先行調發滿漢官兵星赴衢郡險要地方相機

提督堵禦又經具疏請

旨撥發大兵接應去後惟是師行糧從刻難遲緩今大兵雲集所需糧米草料合亟知照備辦為此牌仰該道府官吏照牌事理即便動支正項錢糧多加採辦倘本地出產不敷亦必遴差幹員分行購買總期支應無匱一面將動支錢糧通報查考至於支給數目本

李文襄公別錄卷三

備辦糧料

十三

部院見在酌就批行藩司遵照聽候該司移會照數給發仍須嚴別派撥曉諭里民倘有百姓驚惶奔竄者務須開誠招轉安置得宜勿令失所該道府夙具裕國嘉謨兼擅匡時偉畧向日山陬底定已見一斑今日封疆多事更徵經濟未盡事機總在隨時籌畫以期鞏固疆圉將來報績論功本部院必當從優題敘超遷榮擢拭目可期慎毋疎虞勉旃

檄飭溫處道嚴催大荆邊海整備

康熙十三年四月

為報明緩視邊工屢催未竣等事准

提督塞 咨開據大荆營參將左助呈稱前事等因

到本提督據此為照閩省告變見據飛報有船數千

隻劄住閩安鎮又鄭逆帶船停泊三盤而大荆逼近

三盤洋面尤為可虞該汛城垣敵樓道路橋梁與砲

架砲蓋船筏等項悉關戰守先經飭催修備至今未

見報竣相應亟請飛檄嚴催立限修辦整頓齊集庶

戰守有藉等因到本部院准此為照大荆邊海嚴疆

一應城垣敵樓道路橋梁砲架砲蓋等項皆關戰守

李文襄公別錄卷三

邊海設備

十四

急務自應火速併工催趨收拾完固庶可恃以為一

方保障且近日閩省變亂勢切震鄰而海道游魂必

來窺犯豈可怠緩遲延設有警息官兵藉何堵禦合

行嚴飭亟催為此牌仰該道府照牌事理即將大荆

一帶詳議應修城垣敵樓道路橋梁砲架砲蓋船筏

等項立督該縣印官親身料理併力完工毋再推諉

微官致誤事機倘仍悠忽遲誤即行揭報定行

題叅不恕速速

獎勵寧紹道府廳縣

康熙十三年四月

為特申獎勵以昭激勸事照得浙省瀕海嚴疆自奉

旨招撫海寇歸誠之後數年以來四境安寧乃今閩逆騷

張逼臨浙境結聯海寇圖擾沿邊此忠臣義士誓切

同仇盡忠報

國之時也有能繕治器具修葺城垣鼓舞兵民措置周

備者其實心實政誠可嘉尚查該道府廳縣官捐貲

購買硝磺配製火藥修葺城門城樓置辦砲車砲房

以及綿簾箭簾一切守禦器具無不完備使荒殘郡

邑有所恃以無恐其忠勤之効已表見一斑矣至若

李文襄公別錄卷三

獎勵道府

十五

拊循兵民籌畫戰守因時制宜真海疆之能吏應變

之長才雖

王事靡盬分所宜然而壯猷碩畫地方攸賴惟冀益展

謀猷同心共濟保固疆圉平成之日本部院自當特

疏

題敘行將超遷榮秩報績酬庸合先獎勵為此牌仰該

道府廳縣遵照一體更加勗勉共建豐功

徵飭驛道整理夫船馬匹

康熙十三年四月

為軍務事照得江南滿兵奉

命應援浙江已經振旅起行不日抵浙一應上江下河船

隻緯夫亟當早為備辦庶不臨期有誤合行知照為

此牌仰該道照牌事理即將下河自平望入境以抵

省城又自江干以至衢郡一應緯夫船隻遴委幹員

速為料理聽候大兵經臨應用毋許缺少遲誤但查

縣驛額設人夫有限勢必僱募充數貧民應役先期

守候關閉公所若行之不善未免飢寒困苦該道更

當體恤民隱務須籌酌良法措置得宜既不可有誤軍

李文襄公別錄卷三

驛道

十七

務又不貽累小民方為妥便再如船隻守候裝兵各

有人口亦當酌給口糧其自省城以至嘉興平望各

驛已經另檄檢備馬匹伺候今查原任台巡道有馬

驟四匹逆藩下丁崇有馬驟三匹相應酌發緊要驛

遞應差其餘各驛應添馬匹速為購辦仍飭驛官夫

頭上緊喂養應壯毋許侵冒有誤軍機定行挨查立

按軍法從事決不輕恕慎速

徵行布政司酌議軍需

康熙十三年五月

為酌議軍需以恤民力事照得大兵征勦供億浩繁

一應派辦督催皆屬該司專責該司才畧優長本部

院凡據申詳不復中制良因軍需緊急寧使儲備有

餘但就見在兵馬之數以一萬五千匹計算每月約

需豆四萬石八箇月應三十二萬石每月約需草一

百萬束八箇月應八百萬束至於杭衢兩處駐牧進

勦計四馬一槽一鋤一桶每處各約三千有餘鍋數

減半每處約一千五百有餘今所派太多未必一時

齊集徒致地方驚擾况已發銀外地買豆即有積到

李文襄公別錄卷三

酌議軍需

十七

大兵可以支給其草束雖因就近辦運而金嚴二府

出產原少省城駐牧不過暫時亦應并運衢州接濟

至處州素稱瘠苦今賊氛已逼四邑人民震驚溫屬

僅存三邑俱係兵衝衛屬惟有西龍二邑又當孔道

此三郡派辦軍需徒有空文無裨實事不如槩行蠲

免尚可撫慰民心寧台二郡既無兵馬添防又不便

遠令解運派數雖少亦屬勞民本部院再四籌畫杭

嘉湖紹四府豆先解十分之六草先解十分之四槽

鋤桶先解十分之五鍋先解十分之三金嚴二府豆

先解十分之四草先解十分之六槽鋤桶先解十分

之五鍋先解十分之三衢州量派先解草八十萬束
槽鋼桶各五百副鍋三百隻溫處各量派先解穀一
萬石草十萬束槽鋼桶各三百副鍋各一百隻似於
見在兵馬支給已敷至於各項價值該司即行該縣
照時值申詳出示曉諭豆穀一石准條銀若干草
一束准條銀若干槽鋼桶一一定價如有輸納者
立時填定銀數給與串票毋得稽遲虧短惟恐照本
部院約計之數其中尚有應酌者合行查議為此牌
仰該司照牌事理即將本部院酌派前項料草槽鋼
等項并其中尚有應酌事宜逐一妥確議定通詳以

李文襄公別錄卷三

附錄軍需

十八

憑定奪慎速

撤查勒收豆草使費 康熙十三年六月

為嚴查勒收豆草使費以甦民困事照得兵馬駐衛
豆草為軍中必需是以令各府動支正項錢糧買備
運濟一經解到自應隨到隨收豆必照數千斛草期
足斤而止夫何里民竭盡心力不憚險遠運解至衛
訪聞各旗悍卒使費不到並不發糧支收致使小民
坐食守候更且百般刁指草每束索使費銀二釐
豆每石索使費銀五分又故嫌草束不堪每三束
并為一束甚至借名豆草已足強勒折價草每束
折銀一分入釐豆每石折銀入錢稍不遂意拳棍

李文襄公別錄卷三

臣等使費

十九

兇駁嗟此異鄉貧民何堪當此橫索悖違

國法擾累良民莫此為甚合行嚴查禁革為此牌仰該
同知照牌事理即查各屬解到豆草米糧因何不官
收官放乃容旗丁與里民對支以致橫索使費強勒
折乾該同知身膺收支之任不為禁阻所司何事限
文到即日查明有無勒索情弊具文據實回覆以憑
會同

平南將軍出示禁革嗣後遇有各屬解到豆草務須
隨到隨收明由給批收給發里民回籍各旗應需
糧米料草查明清檔支放不許兵民面交尤不許借

端通勒使費敢再悖違

功令擾累解役里民本部院即時核實

題參必不輕恕稟違毋忽

李文襄公別錄卷三

臣等使費

三

撤布政司驛糧二道趙運軍需

康熙十三年八月

為設法趙運以濟緊急軍需事照得滿漢大兵進勦閩逆雲集衛州日支糧料係計口按數投食之需但地居上游惟恃省城解運源源接濟數月以來該司報解之數似覺有餘陸續至衛之糧竟不敷用屢據各旗營嗷嗷控領有缺至十餘日者有缺至二十餘日者本部院差微頻催不遺餘力惟見沿途運解寥寥數艘盼望後運並無片帆衛州司餉各官日事攢眉仰屋無策該司道遠居省會漠然不理今缺乏日甚一日則士馬飢餓堪虞矧和碩

李文襄公別錄卷三

趙運軍需

三十一

康親王總統大兵不日臨衛將來糧料更多設有遲誤關係匪輕本部院再四圖維特立以號船趙運之法先經飭行外合再條列申明為此牌仰該司道照牌事理即便查照後開各條將運糧船隻編號稽查管押催趙各事宜悉心料理作速奉行完備具文詳報如再推諉遲延漫不經理玩誤軍需之咎自難為該司道寬也稟之慎之至緊至速

一查駐衛兵馬每日需料豆一千三百餘石月該四萬石食米日需二百石月該六千石此見在應需之數而將來

王師需用尚不與焉即以見在計之自應陸續解運
定限三次起行每一次解豆一萬石米二千石不
許顆粒缺少

一衢州居浙上游溪河一帶非船莫渡如杭州以至
嚴州河寬水深大中船隻可以行使應備大漁航
以及驛站等船九十隻每隻可載一百五六十石
者連泊江干分為三運以省擁擠耽延每運分編
天地人三號上列小旗一面書衢州運糧船隻字
樣沿途不得停留片刻到嚴州交卸定限六日往
回如遲即以違誤軍需嚴加查究

李文襄公別錄卷三

漕運軍需

二十三

一自嚴至衢灘高水淺應設立江山小梭等船四百
隻每隻可裝二三十石者連泊嚴州馬頭亦分為
三運以免擁擠耽延每運分編智仁勇三號上列
小旗書衢州運糧船隻字樣沿途不得停留片刻
到衢州交卸亦定限六日往回如遲即行嚴加挨
究

一船隻往還若不設官統領帶役管押不無潛逃規
避今自杭至嚴專委杭州府通判許天榮沿途統
管自嚴至衢專委才能廳官一員沿途統管每
一運時除解官外另委雜職一員協管每五船於司

府應縣各役內撥殷實者一名分押往回催趨如
有遲誤及船隻脫逃官以玩誤軍需

題參役以軍法從事不貸仍將自嚴至衢委用廳官
職名呈報查考

一船戶水手原係趁食糊口之人若不給發工價口
糧必致苦累且必脫逃應公平議定照船隻大小
酌給口食工價大船一隻每月約給銀六兩江山
船一隻每月約給銀三兩梭船一隻每月約給銀
一兩五錢此項銀兩酌議停妥俱交與該管廳官
當面給發令得實受不得聽衙役埠頭措留短少

李文襄公別錄卷三

漕運軍需

二十三

至於押船人役亦應酌量給發鹽菜食米每處先
發銀一千兩以備支用如有冒破侵扣等弊定行
參究

一船隻載糧既重船戶水手無多必須沿途相幫扯
拽庶能過往今前項運糧船隻到各該地方該縣
驛官於大船每隻立撥緯夫三名次船每隻立撥
緯夫二名江山船及小船每隻立撥緯夫一名相
幫輓拽遇有水淺灘高之處船隻難行各該地方
官多備竹簿起剝毋得推諉遲延違者立行

題參

一設各船專供裝運糧料無論文武衙門別項差使
一槩不許封拏借用或有故違即將封拏借用官
職名呈報立即參處不貸

一運載糧料若不稽查數目恐有沿途盜賣情弊關
係非小着令統管通判及所委廳官於起運之時
帶原斛四隻自省至嚴糧道稽查盤驗自嚴至衢
衢州府稽查盤驗若有缺少按數呈報以憑參拏
一解運糧料各船既編天地人及智仁勇等字仍以
每十號起至十號止着令各船戶互相保結取具
互結存案如有一號潛避責令九船賠補仍將此

李文襄公別錄卷三

漕運軍需

三十四

船應運糧料帶運至於沿途務須無分晝夜風雨
星飛前進兼程馳輓經過各該地方嚴行督催毋
使逗遛時刻遲延寸晷敢有延挨該地方官卽刻
通報查考仍於起行之日填給運官時日限單自
杭至嚴報糧儲道查核自嚴至衢報金衢道衢州
府查核其督押官役及船戶人等敢有延誤情弊
卽按軍法懲治重則參拏不恕

一搜覓各船務期足數其在嚴江山小梭等船四百
隻除行衢州府僱覓一百五十隻並委差官役其
餘二百五十隻該司道及糧道星速分覓無論村

河僻港及在江南徽州地方各船嚴行搜取至於
省泊大船九十隻亦卽分投搜取務期足用不得
缺少遲誤

以上事宜該司道務須實力奉行作速料理先將分
運船號官役押解姓名造冊呈報查核如再仍前漠
視遲延致誤軍需咎有攸歸至在事各官若事平糧
完勤勞有功定行特疏從優
題敘該司道通加勸勉至和碩
康親王總統大兵應需糧料前項所設船隻尚慮不敷
該司道再行酌議詳報

李文襄公別錄卷三

漕運軍需

三十五

飭杭州知府查解兵廩發浙西鄉村

康熙十四年三月

為嚴禁兵丁損壞山花荒廢農業以重

國本事照得浙西民俗半資耕種半藉蠶桑當此春暮夏初正民間婦子齊力蠶繅之時又如山區沃壤所產茶笋小民一年家計全望此際收成不惟播種有本即辦課完糧亦於此是賴歷來蠶卯之時正供錢糧尚且暫寬徵比以免紛擾乃訪聞旗營兵廩往往三五成羣打柴打草遍往鄉村離城漸遠肆志橫行或索飲食或詐銀錢或踐山花或奪茶笋稍不遂意生毀尋非無所不為甚至荒村僻徑搜括搶奪孤客難行商販聚足蠶繅失時民情困苦殊非法紀除咨將軍嚴禁外合行知照為此牌仰該府官吏照牌事理留心禁飭各宜恪遵軍紀與民相安不得騷擾鄉村荒廢農業以及恃強搶奪致干國典倘有仍前橫行許附近里甲居民協同扭東該府查明申解以憑嚴加重究

李文襄公別錄卷三

飭禁蠶繅

二十六

檄溫處道嚴禁掠販難民子女

康熙十四年閏五月

為嚴拏奸棍掠販難民子女以肅法紀事照得處郡人民慘遭閩逆寇亂盡皆攜妻挈子逃竄山林潛藏僻地官兵進剿所有獲帶者本部院見在嚴飭清查給還但訪聞有一種奸棍嗜利無良陰圖出征官兵擄回婦女可以掠販為娼公然懷資奔聚擇人賈易名曰販指本部院向經出示省城禁飭訪拏業已斂跡今聞猶有杭紹金蘭永康等處棍徒仍復相率潛往處郡倚仗營勢結黨成羣隨營販買人口由山徑小路先趕回家且假冒營兵乘勢搶掠殊可痛恨合行嚴飭查拏為此牌仰該道照牌事理即查所屬地方如有前項奸棍或充營兵或充商販設計掠販難民婦女者立即察訪嚴拏重懲枷示依律定罪詳報本部院核奪此係懲奸除害免致婦女遠離難以查給該道務在力行毋得視為虛文漠無體察致有未便

李文襄公別錄卷三

嚴禁掠販

二十七

飭按察司嚴肅秋闈 康熙十四年七月

為申飭秋闈倍宜嚴肅以光

大典事照得

朝廷設科取士揀選真才比及三年人思脫穎糊名分授之法不為不嚴近年部頒條教不啻諄切當斯任者自能凜遵第今賊寇交訌四方多事如秦楚江粵各省用兵之地俱議停止獨浙省當此羽檄交馳之際照例舉行良以人文宿著雖處金革不廢詩書

聖朝文教覃敷藉此作養儒修鼓舞向化是今歲鄉試校之往年為尤重今藩司府縣正印等官切以軍需地

李文襄公別錄卷三

嚴肅秋闈

二十九

方關係重大不能分身趨事以該司練習精詳寄以監臨之任一應場務責有攸歸至於分校各官借材鄰省江浙一水聲氣素通防微別嫌更宜嚴誌本部院雖在軍中鞭長莫及誠恐以時值軍興諸務草率弊竇叢生士論稍有不孚鉅典何以克副合亟申飭為此牌仰該司照牌事理查照

部頒科場條例實在力行內外事務及聘至簾官務須加意防閑盡釐積弊該司身在監臨更當振作風裁肅清法紀告誡執事大小員役恪遵憲典使檄棘之後得人交慶與有榮施倘以此舉視為具文潦草

告竣致啓弊端本部院一有所聞即當指名

題參從重牽究勿謂本部院越俎多事也勉之慎之

李文襄公別錄卷三

嚴肅秋闈

二十九

飭金衢溫處嚴台各道府撫集流亡 康熙十四年十月

為申嚴恢復郡縣及時撫集流亡以培邦本事照得
閩逆叛變以來地方不逞之徒糾集亡命乘機劫掠
擾累地方凡我良民受其荼毒流離慘苦不忍見聞
今大兵進剿漸次恢復其如兵燹之後哀鴻未集田
地拋荒非盡力撫綏何以起瘡痍而復元氣倘地方
官稍有怠惰將見有土無民今

皇恩浩蕩視切如傷凡開闢地方着令能員隨軍安撫又
復動支賑濟停徵舊逋酌寬見餉并嚴禁兵丁姦淫
搶掠

李文襄公別錄卷三 撫集流亡 三十一

朝廷如此軫念臣工益當勉勵合即嚴飭為此牌仰該道
府照牌事理即便轉行該縣一切民人未曾復業者
務必多方招徠安插得所賦稅不得橫徵詞訟不許
濫准勸諭開墾禁飭詐害如有兵丁不法姦淫搶掠
擾累地方立即指名申報以憑嚴拏究處未盡事宜
隨時措置加意整頓使土闢民歸本部院耳目最詳
自有鑒衡獎擢倘若罔恤民瘼怠惰偷安定行特疏
糾參斷不徇恕當茲盤根錯節正可具覘才能各宜
覩勉慎勿輕視

發銀行府中元薦度陣亡將士 康熙十五年七月

為薦度陣亡將士事照得衢州自閩逆叛變以來查
有各營將士兵丁用命疆場以致身殞雖經本部院
隨時恤殮但為

國捐軀殊為可憫今七月中元節屆蘭盆之會擬修佛
事懺度幽靈合即知照為此牌仰該府官吏照牌事
理即將發去銀二十四兩酌擇清淨處所於十三日
起至十五日止設立道場三晝夜延請高僧二十四
眾宣誦經卷功德追薦陣亡將士以資冥福應需紙
劄祭品香燭等項務要鮮明整齊虔誠精潔具文呈
報以憑核奪并候親臨拈香致奠

李文襄公別錄卷三 薦度陣亡 三十一

檄委杭嚴道隨軍招撫 康熙十五年 年八月

為專委隨軍招撫事照得耿逆造亂以來荼毒生靈已經三載一切被陷人等或因煽誘失節或因迫脅陷身撥厥所由情當矜憫今指日蕩平急應招撫以全生命案准

吏部咨開進勦地方委令才能官員隨往軍前專司撫民事務沿途曉諭招撫等因奉有

俞旨欽遵在案今該道才能夙著諳練機宜合卽特委隨軍招撫為此牌仰該道照牌事理卽便隨同大兵前進沿途宣布

李文襄公別錄卷三

隨軍招撫

三十二

朝廷德意設法招徠所到地方速諭士民人等照常迎接王駕剃髮歸誠從前罪愆槩置不問如有率眾來歸或擒渠納款者多方鼓勵一面具報以憑彙敘錄用該道招撫有方定行一併題敘以酬勞績

飭西安知縣撫輯新復地方 康熙十五年 年八月

為知照事照得衙城郊外賊踞三年被害殘黎困苦已極今大兵恢復地方急應設法招徠使百姓仍歸故土漸登衽席該縣職司民社合亟飭行為此牌仰該縣官吏照牌事理卽便躬親踏看凡經失陷處所宣布

皇恩設法招撫曉諭士庶卽速來歸從前罪愆槩不追究如有原存廬舍照舊安居或已被賊焚燬作何賑卹安插逐一措置妥當務使哀鴻漸集田土無荒此目前第一要務慎毋泄視卽將奉行緣由報查毋違

李文襄公別錄卷三

撫輯地方

三十三

飭衢州知府查勘賊遺砲械 康熙十五年 年八月

為軍務事照得逆賊敗遁所有得獲大砲器械自應逐一查點明白檣運進城以憑驗用合行知照為此票仰衢州府官吏照票事理卽便委員并撥人夫前往賊營查勘一應遺存砲位器械卽速搬運進城將砲械數目另造清冊報查不得遲違

飭同知楊道泰赴江山縣協辦軍務 康熙十五年八月
為軍務事照得江山縣已經恢復人心甫定諸事未周且值

王駕新臨大兵雲集該縣雖行委署如撫輯殘黎督催夫役備辦槽餉船隻安頓官兵駐劄查還難民婦女盤緝奸宄巡守城池諸凡事務誠非一手一足所能辦集該同知素稱敦練合行專委為此牌仰該同知照牌事理即刻前赴江山縣凡一應軍前各項事務協力料理目今殘黎作何撫綏糧料作何輓運槽餉軍需作何備辦人夫船隻作何應付以及地方諸事

李文襄公別錄卷三

牌委協理

三十四

俱宜悉心籌畫務使安全更有應行事宜牌內未盡開載者一面酌量舉行一面具文星馳報奪著有功績自當破格

題敘如或怠玩違錯責有攸歸慎毋泄視

飭江山知縣招撫馬勝家屬 康熙十五年八月
為特委招撫事照得閩逆叛背乘機附和者實繁有徒

皇恩浩蕩有能悔罪來歸從前罪愆悉行寬宥仍准照依原銜錄用今查馬勝雖未投誠家屬本是無罪誠恐伊等懷疑畏避有辜撫恤合委招撫為此牌仰該縣官吏照牌事理即便執牌前赴該地方宣諭皇仁令其星速歸誠免前愆不得驚避失所招到馬勝仍當從優錄用該縣招撫有方一併敘擢

李文襄公別錄卷三

招撫家屬

三十五

飭金華知府乘時招撫

康熙十五年八月

為乘時招撫以靖地方事照得金郡土賊不過附和烏合先因江常各逆未除得借勢肆害今大兵進剿直搗仙霞斬關入閩勢同破竹則零星小醜求生無路逃竄山隅本部院安集念切廣行招諭合亟知照為此牌仰該府官吏照牌事理即將發去告示照式大書速遞能差曉諭偽眾從前罪愆不追究有傾心來歸者該府多方鼓勵安插得所仍將投誠緣由具報以憑獎賞該府悉心料理務期伏莽漸消根株盡淨招撫有方定行敘錄

飭處州知府乘時撫輯

康熙十五年九月

為亟飭乘時撫民以安地方事照得處屬久罹賊慘難民困苦異常今進剿石塘賊眾敗遁所在遺黎亟宜多方綏輯及早整頓地方始無忝民牧旬日來不見該府籌畫詳報殊屬因循合亟查飭為此牌仰該府官吏照牌事理文到立將所屬地方何處賊眾已經潰散何處賊眾尚在負固目今作何勦撫四境難民作何招徠安插速據情形一日一報聽候裁奪如有緊急機宜專差請示不許發備稽遲如再泄視一籌莫展定以溺職叅處慎之勉之

李文襄公別錄卷三

處州撫輯

三十六

飭龍游知縣乘時招撫

康熙十五年九月

為嚴飭乘時招撫安集殘黎事照得寇亂民逃地方荒廢所藉民牧實心任事如該縣南山賊寇王孝張于書等負固已久初不過倚藉下洲之賊為聲援今巨寇敗遁瓦解該縣自當乘時招撫并地方失業難民加意綏來以示軫恤旬餘不見該縣籌畫詳請殊屬玩違合行查飭為此牌仰該縣官吏照牌事理即便乘勝勦撫以靖伏莽仍將地方情形一日一報如緊急事宜專差請示不得舖遞稽遲倘泄視軍機撫綏無術定以溺職叅處慎速

飭湯溪知縣乘時招撫

康熙十五年九月

為嚴飭乘時招撫安集殘黎事照得地方初定若有實心任事之官自能整頓殘疆立致安集查該縣東源西源等處向為土寇窟穴不時出沒其初不過倚藉閩逆聲勢今各路賊眾敗遁正聞風膽落之時乘此勝勢正可設法招徠并綏輯難民令其復業該縣履任方新亟宜淬礪新酬以規實效合亟飭行為此牌仰該縣官吏照牌事理文到即將該縣地方情形土俗民情留心體訪現在餘寇作何招撫四鄉難民作何安集逐一籌畫精詳一日一報聽候裁奪毋得

李文襄公別錄卷三

湯溪招撫

三十七

虛文塞責如有緊要事機專差請示不許發備稽遲果能實心愛民銷弭寇盜克著成績本部院定行甄拔

題敘慎勿悠悠泄視自貽溺職之咎勉之慎之

飭江山知縣查議給還婦女

康熙十五年九月

為查議事照得江山浦城一路有賊擄婦女盡係開常西安以及江西各處之人案經本部院行令該縣查明住址親屬一面酌給養贍一面曉諭認領迄今未知領去若干見存多少但其中不無父翁年老貧病交纏不能前往識認者或有夫婿逃亡親屬離散不知其所往者亦有窮乏賤危資斧莫措力不能裹糧認回者是本部院雖懷保合之念而難民終無完聚之期合亟行查議為此牌仰該縣官吏照牌事理即查該縣賊遺婦女自冊報之後曾否有人領去若干

李文襄公別錄卷三

給還婦女

三十八

于見存若干查明分晰詳報一面移文各縣其未領婦女如果親屬貧不能前可否酌給路費即令親屬赴領所需路費應作何支給至見在遺存婦女之外有無兵丁地棍仍然藏匿不行舉出者作何查還一併酌議具報以憑核奪施行

飭溫處道隨軍整理處屬恢復六縣

康熙十五年九月

為再請嚴督恢復各縣印佐官員飛催到任事據該道詳稱雲和景寧龍泉慶元松陽遂昌等六縣印佐各員俱不在軍前今大兵已抵龍泉撫綏百姓料理軍需一日難緩伏乞差押各官星赴新任等因到本部院據此除龍泉縣令李經邦現委署江山縣事務其餘各員先經檄行藩司飛催赴任去後今據前因復又批行該司嚴催外為照處屬土寇負固抗拒不過藉石塘逆賊以為聲援今大兵攻破石塘直抵龍泉其餘處屬零星孽黨自是聞風披靡但該屬百姓

李文襄公別錄卷三

飭理地方

三十九

連年困苦今恢復之後亟應多方撫恤安集懷柔該道隨軍進勦所到地方雖印佐尚未到任其一切整頓事宜自應隨地料理如果實心任事旬月之間自有就緒合再申飭為此牌仰該道照牌事理即將大兵所到縣邑凡招徠餘黨鎮撫殘黎與夫軍前一應糧草星速加意料理俟各員到日即令任事毋得諉誤至一應軍機情形仍不時飛報本部院察奪通勿玩違

檄委金衢道隨軍招撫 康熙十五年九月

為專委隨軍招撫事照得

王師攻取閩疆指日立見平定一切被難人民向因逆

賊煽誘迫脅以致陷身挾其情由所當軫憫案准

吏部咨開進剿地方委令才能官員隨往軍前專司

撫民事務沿途曉諭招撫等因奉有

俞旨欽遵在案今該道才能夙著諸練機宜合即特委隨

軍撫民為此牌仰該道照牌事理即便速赴

親王軍前隨同大兵前進沿途宣布

皇恩暨

李文襄公別錄卷三 隨軍招撫 四十

親王德意所到地方速諭士民人等照常迎接剃髮歸

誠從前罪愆槩不追究如有率眾來歸或擒渠納款

者多方鼓勵一而具報以憑彙敘錄用該道招撫有

方定行一併

題敘以酬勞績勉旃毋忽

檄委台巡道撫輯溫郡餘寇 康熙十五年九月

為特委撫輯以靖地方事照得耿逆蠱眾犯我疆圉

將及三載今

王師兩地進剿下洲石塘相繼掃蕩長驅入閩直抵建

寧逆賊滅亡指日可計衢屬各縣悉已恢復本部院

現在軍中極力整頓日今負固未下者僅有東甌叛

鎮櫻守孤城勢窮力詘若設法招徠必聞風向化乘

我勝勢及早收功則浙省全局可清溫處道隨征進

剿不遑兼顧本部院統師在衢鞭長莫及該道才畧

兼優保固台城紛繁四應足當一面况台溫接壤奚

李文襄公別錄卷三 撫輯餘寇 四十一

分畛域合行專委為此牌仰該道照牌事理即便束

裝前往大荆樂清一帶酌量機宜零星餘孽相機招

撫流離難民加意綏輯有聞風來歸者酌動官銀鼓

勵激賞地方應獨應賑事宜區畫具詳以憑核議并

即招諭叛鎮祖 勳彼能悔禍革面悉宥前愆更當

特疏

題請其餘附從俱復原職該道顯示此意凡有應行事

宜徑行調度其緊要情形不時密報核奪該道受茲

專委務實心任事功績昭著本部院當從優

題敘以膺懋賞所有招撫動用銀兩另冊報銷勿違

飭龍泉宜平遂昌各知縣撫綏地方

康熙十五年九月

為亟飭撫綏地方事照得閩逆構亂侵犯浙疆三年之內被賊難民慘澹湯火今大兵進剿恢復城池然地方殘破哀鴻甫集必良有司全副精神傾心經理方有起色合行申飭為此牌仰該縣官吏照牌事理即將該縣人民加意綏輯如戶口流離作何軫恤賑濟未靖餘寇作何解散招安荒蕪田地作何力稽勸耕一應地方事宜從長籌畫應請示者迅速詳奪總期扶救瘡痍培養元氣以盡職守不得因循怠忽致干咎愆先將奉行緣由具報查考毋違

李文襄公別錄卷三

撫綏地方

四十三

飭開化知縣齋諭招撫程鳳

康熙十五年九月

為知照事據該縣稟報開化難民饑饉情形并賊首程鳳竊踞玉山緣由到本部院據此除殘黎慘苦已經檄行衢州府酌發庫銀赴開賑濟外所有玉山賊首程鳳合行知照招撫為此稟仰該縣照票事理即將發來招撫程鳳書一封查收遞差的當人役前往玉山相機撫戢仍將情形具報酌奪

飭江山縣看養廣信難婦候領完聚

康熙十五年九月

為查議事據該縣申稱遵將已未領去婦女分晰造冊呈報其未領婦女業已移文西常開各縣查令親屬赴領尚有廣信玉山縣難婦數口因彼地賊寇未平難以移關應否解赴憲臺定奪或仍權養在縣或應解衢懇賜知照等因到本部院據此查該縣冊內尚有遂安難婦人口未據聲明作何移明認領已經另檄遂安縣知照查明曉諭外至於廣信玉山難婦該地方既未恢復難以移關該縣仍應看視給養俟地方平定立行移查明白合即知照為此牌仰該縣

李文襄公別錄卷三

看養婦女

四十三

官吏照牌事理即便遵照將廣信玉山未領各婦女好生看養俟該地方平復之日移查親屬領回完聚毋違

牌給生員盛鼎招撫

康熙十五年
年九月

為給牌招撫事照得大兵進剿閩逆聞風遠遁一應
附從接踵來歸悉安插得所從前迫脅情由稟不追
究本部院屢頒曉諭在案今據金衢道詳報生員盛
鼎稟民生困苦願往龍游湯溪二縣南山一帶招撫
松遂餘氛合行給牌為此牌仰生員盛鼎遵照即便
前往湯龍各處山源如楊雄王孝勞雲升張子書周
裔伯羅騰馬二及餘黨本生曉諭禍福令其率眾投
誠定行擢用本生招徠有方一體彙敘其脅從人民
已經剃髮者不得藉端滋擾有負任使

李文襄公別錄卷三

開論招撫

四十四

查釋閩省歸浙難民子女

康熙十六年
年六月

為查釋被難子女事案照閩省歸浙難民子女五百
六十餘名日本部院前因各屬難後遺黎乏費難以
遠行且慮土音不同恐有差訛是以差官趙宗文等
先後赴閩搬押來衢以便就近給發完聚嗣據衢州
府議詳其中有江常開各縣人氏送至衢州復還原
籍未免多此往返議令差官於各難民子女內查係
江常開人氏先行冊報再添差標官赴清湖接送各
縣查收傳令親屬認領隨經檄行知照造冊呈報差
官前赴分押在案今各子女已至清湖據稟內中童
稚居多若就清湖分發仍恐土音各別不無錯誤相
應仍令送赴軍前一併查給為此牌仰本官照牌事
理即便馳赴清湖傳知前差伴送標官趙宗文王金
肅錢陳灝等將自閩搬來子女盡行押送赴衢以憑
轉發細詢籍貫仍候撥給船隻遞交各縣給親完聚
通毋錯誤

李文襄公別錄卷三

難民子女

四十五

飭禁司道府廳州縣差擾 康熙十八年二月

為嚴禁差擾以肅政體以安民生事照得兩浙軍興以來民勞特甚向因用兵之際諸務孔急地方各官藉口軍需或不免于差提四出今幸底定正培養元氣之時凡有監司臨民之責者咸宜飭已奉公共襄治理然最為擾民無如差提一事蓋司道之承舍與府縣之快役莫不以承票賞差視為生意下府落鄉如虎傅翼或藉稱憲件恐嚇鎖拏或妄指重情恣兇撲捉以致坐坊皆有應捕各里分立番差上下相沿絡繹無定差錢酒食狼藉貪饕鷄犬為之不寧男婦

李文襄公別錄卷三 飭禁差擾 四十六

望而辟易此輩揚揚自得見事風生不肖之官非惟藉為爪牙寄為耳目久之且倚為心腹資為呼吸於是線索在手提掇皆靈大則指官營私小則憑威勒詐其視承票差錢飯食常例則又末矣究竟於政事公務毫無補益徒蝕百姓之脂膏以充豺虎之吞噬是何厚於衙役而薄於民生厲政養奸莫此為甚合行通飭嚴禁為此牌仰該司道府廳州縣官吏嗣後司道各衙門承奉事件止行牌票飭催如有司藐抗玩延據實揭報叅處不得擅差承舍守提滋擾府廳等官一體遵照不許差役下縣至州縣催呼詞訟尤

宜痛革一槩不許擅差拘提如有故違或經訪聞或被告發本官從重
題叅差役立拏究贓盡法懲治決不輕貸

李文襄公別錄卷三 飭禁差擾 四十七

飭司道各府嚴禁害民諸弊

康熙十八年十一月

為嚴禁害民之弊以甦窮黎事照得浙省連歲災傷今年復遭亢旱先據地方官申報俱經批行布政司確勘去後現據詳覆內有竭力補救薄有收成被災分數與蠲免之例未符各縣外其餘被災地方查明分數業已據詳具

題惟是所屬殘黎自用兵以來被賊竊踞地方慘遭殘害兵馬往來處所供應繁苦家無蓋藏室如懸磬此比皆是即時逢大有尙苦難支乃今復又薄收困苦何堪除另行布政司議詳外因思拯救之方首在革

李文襄公別錄卷三

飭禁害民

四十八

除害民之事使百姓少一分額外之誅求即畱一分養家之餘地免一項棍蠹之索害即安一項良善之謀生如重加火耗私派濫徵與夫蠹胥索詐保歇叢奸地棍株害弁兵騷擾以及濫差濫禁詞訟干連一切厲民害政本部院俱經屢次嚴行禁飭在案誠恐地方各官陽奉陰違仍踵前弊嗟此災黎益增困苦合再嚴檄申禁為此牌仰該司道府照牌事理即便轉行嚴飭各地方官務須軫念災民益加勉勵廉介自持不得絲毫派累嚴束衙役不許一事擾民禁戢兵棍嚴革保歇一應從前禁革各弊俱須實在力行

仍將作何矜恤殘黎事宜議詳查奪倘不顧民瘼前指弊端有一於此立即揭報定行從重特叅勿為方行舉劾遂置不特科叅之例於不問也至嚴至切

李文襄公別錄卷三

飭禁害民

四十九

飭各道查訪衙蠹 康熙十八年十一月

為訪拏衙蠹事照得從來厲政殃民無過於積年衙役蓋其久而成蠹鑽蝕之技既工蠱媚之術更熟昏庸者漸已入其彀中貪酷者更且資為羽翼於是磨牙礪吻飛而擇食則軍民不勝其害矣本部院遠駐軍中向以羽檄交馳未遑痛加繩治漸致肆無畏憚叢奸恣弊不肖官吏貓鼠同眠怙惡不改已經屢行申飭嚴禁並未見該管各官發摘開報豈盡皆奉公守法一蕪干犯者乎總由各官平日通同私暱縱蠹養奸惟恐事發相連甘為徇庇殊可痛恨况今

李文襄公別錄卷三 查訪衙蠹 五十一

功令森嚴蠹害為重徇縱發覺處分匪輕合行嚴飭查拏為此牌仰該道照牌事理即將衙門胥役逐一釐剔并轉行所屬各官一體遵照立將現在各役內嚴查如有積蠹奸胥壞法婪贓致為弊害者一面嚴查一面將款蹟據實呈述申報以憑轉發究處慎勿徇庇遲延致經本部院親訪拏究定將該道一併照例題叅不貸

飭司道嚴查縱盜諱盜積害 康熙十九年十月

為嚴飭縱盜諱盜之積害以安地方以信功令事照得浙西一帶盜賊橫行鄉村市鎮民無安枕行旅商賈莫不寒心甚至禁城之內公然肆劫開闢之中剽掠頻聞其餘身藏刀械三五成羣恣行偷竊者不勝枚舉究其釀害之由總因地方各官畏懼叅罰凡民間具報盜情必勒其改強為竊不論大劫小偷並不責捕追拏反致苛求事主且盜未獲或先拏失主家屬拷訊或重責鄰佑里甲咎其疎虞間有一二緝獲真盜旋即營謀賄放既顧自己之功名又貪盜

李文襄公別錄卷三 嚴飭諱盜 五十二

賊之賄賂使奸徒窺破底裏尚復何所忌憚無怪乎竊盜馴為強盜小夥結成大夥其間更有身列衣冠為盜為窩因賭計窮家庭子弟糾夥行劫事敗不究似此養癰貽害目中尚有法紀乎除現在訪實從重題叅外定例地方失盜固有處分然猶係限年緝獲且有擒獲過半免議之條若諱盜不報與積至大盜多人及苦累失主者皆係分別革職降級處分尤嚴功令炳著何各官不知輕重甘於亂法婪盜殃民莫此為甚合行嚴飭為此牌仰該司道照牌事理即便轉飭該地方各官務宜悉心弭盜加意稽防慎毋仍前疎

誤遇有失劫情事許失主於三日內通赴府縣印捕官及司道各衙門據實具呈該司道立刻飛飭該管官即日嚴督兵捕限日追緝其盜匪賊務在必獲一面通報以憑勒限督緝核實

題報如有威勒事主改強為竊不緝不究及減報盜數盜賊者立行揭報即以誣盜叅處如有苛求事主妄拏家屬凌虐者以誣良縱盜糾叅如有已獲大盜而改為竊賊已得贓証而擅自輕釋者以受賄縱盜叅拏以上情弊或本部院訪查的確或被害失主赴本部院軍前具告核實官則白簡飛叅衙憲教探提撥

李文襄公別錄卷三

嚴飭緝盜

五十一

一併嚴拏盡法痛懲仍專責該司道密行體訪揭報倘贖徇庇護弁叅不貸

飭按察司禁止酷刑

康熙二十二年二月

為嚴禁酷刑以恤民命事照得設立刑法用以止暴懲奸所置刑具律文名例內載有尺寸式樣然必真正違條犯罪之人而後加以決責至於夾拶二者兩蹀碎骨十指連心自非十惡巨憝人命強盜以及蠹役尤棍情罪重大者不得濫用向經欽奉上諭嚴飭部議申明若將小事及案內干連不應夾訊之人恣意妄夾致死者照例處分

功令煌煌炳如星日孰意近來浙屬各官立心慘刻不論事之巨細曲直正犯干連一經審鞫非拶即夾任情

李文襄公別錄卷三

禁止酷刑

五十二

拷掠不顧民命有立斃於箠楚者推其意不過借嚴刑峻罰殘民以逞使人望而膽寒遂可敲脂吸髓焚賄無饜誠所謂酷以濟貪者言之不禁切齒痛恨夫身在地方皆有子民之義小過則當滿鞭示辱得情亦宜哀矜勿喜柰何視百姓如仇讐假三尺為刀俎忍心如此尙可一日姑容於民上乎更聞徵比錢糧輒用番青大板責至數十甚且枷拶押追稔惡殃民莫此為甚除真正慘酷劣員現在確訪

題叅拏問外合行嚴示通飭為此牌仰該司照牌事理即便遵照并行所屬嗣後各宜洗心守法痛改前非

審理刑名詞訟務宜分別情罪遵照定式施刑至比較錢糧尤不得濫用重板任情枷拶若非十惡大罪命盜棍蠹必不容已之事不許濫用夾棍其餘戶婚田土國毆細故以及因公林果情可矜原者更不許妄加酷虐敢有故違一經發覺斷不容忍心害理之酷吏流毒閭閻立即飛章從重特奏為小民驅除豺虎決不姑貸

李文襄公別錄卷三

禁上酷刑

五十四

檄杭嘉湖道亟議靖盜安民六條

康熙二十一年七月

為亟議靖盜之法以安民生事照得嘉湖一帶乃平川大道江浙通衢商賈行人晝夜不絕兼以村莊聯絡雞犬相聞若使司土統兵各官留心彈盜何致大盜公行是處焚劫甚至列械對敵放砲開船目中全無官兵究其分立旗號創設渾名盡係土著奸兇竝非遠來流賊何難擒剿撲滅自去冬迄今旋散旋起日恣日橫各官醉生夢死置諸隔膜若不能制其死命者本部院每閱報文不勝切齒往歲東浙叛寇蜂起淡山窮谷列寨稱戈尙且掃蕩無遺何有此區區

李文襄公別錄卷三

靖盜條款

五十五

土賊而敢大膽冥頑動輒嘯聚成羣焚掠村墟驚擾良善况其出沒之處南至仁和交界之軍屯半山北至歸安之舍山棟市東至桐鄉之錢王村白馬塘西至德清之下塘村塘橋頭廣袤五六十里之內即所恃為窟穴者如大盜嵇二等一夥常屯在於霞岱蝦扒東浜白田頭仰家兜鄭家兜一帶大盜章茂之等一夥常屯在於雙橋蔣菴南陽村錢王村一帶大盜沈文侯等一夥常屯在於莊頭史胡浜壽師橋王家閣一帶大盜吳五等一夥常屯在於新宅道村一帶而蔓延於隔屬仁和界中來去蹤跡歷歷分明使地

方文武同心協力勤加偵探出其不意不過發兵一哨差捕數名立可掩捕渠魁翦其黨羽孰意各官因循不振莫展一籌弁兵分汛全無防禦之設施積捕勾通反作盜賊之耳目投誠明通線索保甲徒事虛文日復一日必致釀成大患本部院遠距上游言念及此寢食幾廢故不憚細細察訪臚列數條按本塞源務期靖絕除各村互相團甲另檄行知外合亟查議爲此牌仰該道照牌及黏單事理即將開列各款逐一細心籌畫

功令森嚴監司責成甚重痛飭所屬共圖殄滅土賊毋累

李文襄公別錄卷三

靖盜條款

五十六

功名其各款中或有未盡事宜應加斟酌損益總以有裨地方爲主不妨剴切具詳實在見諸施行若仍踵故習苟且因循貽誤民生白簡具在勿謂言之不早也至切

一督飭官兵勒限滅賊杭嘉湖爲浙西重地設立協將弁兵用以彈壓疆圉消弭盜賊邇來巡防備禦之法全不講求以致羣盜毫無畏憚分汛會勦幾同兒戲所謂建威消萌其義安在卽如去冬三府會兵若果實心任事大創示懲翦剔芟除何致復有今日前者取結回覆明係釀盜殃民百喙奚辯今乃尙復逍遙

河上一切勦捕之法未聞作何佈置轉瞬秋盡將冬復將託故回營使蟠結之盜散而再聚流毒無窮言之可恨該道移行督飭目今作何偵探擒勦向聞嘉湖交界五河涇地方形勢四達盜賊往來必經該道親詣相視作何設奇埋伏指授機宜令各官兵扼截擒勦仍一面勒限定期務盡根株具文查考逾限立即指參事關軍機與尋常盜案疎防迥異各保功名毋貽伊戚

一嚴飭廳官責成緝捕各府設有同知一員專司緝盜地方失事皆其責也土盜如麻焚劫踵告平日不能

李文襄公別錄卷三

靖盜條款

五十七

消弭竊發又不追捕

朝廷設此專官何用况捕快人等皆屬管轄若能實心督緝按法究比大盜積賊斷難漏網何致官之衙役反爲盜之腹心不能獲盜而償於縱盜溺職殃民莫此爲甚該道嚴行申飭除前檄有名各盜逐一星速密拏必獲一面遴選幹捕分頭設法挨緝務期一賊不遺果能用命立有成效據實具詳官則核明獎勵捕役按名給賞如或株累平民冒功誣盜察出從重題參嚴拏究處其各縣賊衆屯聚之處確據明白開列手摺密釘星送以備查覽

嚴察捕役通息賄縱各屬應捕人等原為緝盜而設
 近來勾通線索打成一片大盜來蹤去跡捕役未有
 不燁然於胷中者乃竟按月受賄名為打月錢及至
 會兵進剿用為嚮導盜束則引兵而西盜南則引兵
 而北或為官兵圍困密令散伏民家無所窮詰是捕
 役之奸惡更出羣盜之上殊堪切齒該道嚴飭廳縣
 各官於捕役中密察平日慣通賊線及受月錢者立
 即密率從重究治庶懲一儆百使盜無所憑藉伎倆
 立窮自不難於翦滅矣

一防範投誠為賊耳目從前積賊投首蓋以誅不勝誅

李文襄公別錄卷三

請盜條款

五十八

特為免罪安插其實此輩鷹眼難化皆羣盜之知交
 舊好也名雖投誠暗與關通事所必至故賊眾即寄
 耳目於此輩一遇發兵遣捕躡影追蹤彼即傳遞風
 聲呼吸立應神鬼不覺以故難於弋獲今須嚴飭地
 方官從前投誠安插今應作何設法稽查防範使不
 得暗通聲息一有發覺立置重典庶免洩漏事機使
 賊透逸

一應立賞格以示鼓勵除賊安民要在信賞而後人思
 用命如地方人有能殺賊或生擒解送者每賊一名
 應賞銀若干兩每盜首一名加賞若干兩或賊屯住

某村有一人來報即免闔村之罪報人賞銀若干兩
 進兵擒捉不許秋毫有犯違者軍法從事

一蠶厥渠魁嘉與自新今各盜皆土著窮兇互相勾煽
 其中保無迫脅誘引失身為非者若一槩置法殊非
 本部院好生之意該道即便多出告示各處曉諭如
 盜夥內能將渠魁擒斬來獻不但免其本罪當即給
 賞收標錄用有能擒斬同夥及首報指引捕獲者俱
 准投誠免死或久窩走線之人能回心首報立功者
 亦准免罪縱有供扳一槩不究若賊現藏某村本村
 不報或被鄰村報知致被官兵搜剿擒獲即將窩家

李文襄公別錄卷三

請盜條款

五十九

盡法重處同村容隱一併究治

檄衛州道府縣愛養衛屬黎民

康熙二十一年七月

為申飭愛養殘黎稽察奸宄以安地方以盡職業事
照得衛屬地處上游接連閩江三省岐界最稱要衝
自遭耿逆變叛旁邑俱罹寇擾鄉村市鎮無不受其
蹂躪郡城之內官兵雲集士民星散斯時本部院聞
警疾馳統師彈壓躬擐甲冑勦撫兼施幸仗

皇威赫濯將士同心賊氛殄滅第軍興以來兵馬經臨難
後遺黎疲於奔命本部院設法招徠加意撫綏漸歸
故土重課桑麻請蠲被寇之錢糧追聚已散之家室
百般軫恤獲覩昇平則此三衢僅存之赤子皆本部

李文襄公別錄卷三

愛養黎民

李

院奪於虎狼之吻而增於版圖之數者也為民上者
宜如何愛養以培元氣今本部院奉

旨班師離衛稍遠惟慮司土各官不恤民艱痲痺無告疎
於防範奸宄旋生除經檄行衛協約束官兵料理城
汛外但安民察奸原係地方官專責合行飭知為此
牌仰該道府縣官吏照牌事理即將所屬地方嚴加
防範用心稽察必期盜息民安奸宄斂跡凡本部院
在衛興革利弊務須實力遵行恪守罔替民間疾苦
隨時補救各與安全至該道府縣身在地方尤宜各
循廉介剔蠹懲奸嚴飭所屬不得縱擾殘黎有負本

部院軫恤拳拳至意各宜慎遵毋忽

李文襄公別錄卷二終

李文襄公別錄卷二

愛養黎民

李

李文襄公別錄卷之四

軍旅紀畧

照會四鎮防禦海疆

照會四鎮申嚴軍紀

照會四鎮查訪劣弁

飭太湖營遊擊嚴防湖港要隘

飭湖協副將嚴防長興四安一鎮要隘

照會平陽鎮并飭衛協守禦地方

照會溫州鎮并飭瑞安協守禦地方

照會四鎮濱海地方嚴加守禦

李文襄公別錄卷四

目錄

檄調溫處二協屯據泰順龍泉險隘

檄金嚴二協官兵駐江山常山聽調

飭溫州鎮協嚴防要隘

飭紹協副將撲剿土寇

檄飭察擊傳遞偽牌奸宄

檄調湖協官兵赴省紹協官兵赴衢

檄發本標中軍副將統兵赴衢

飭分防金鄉遊擊賈文學保固地方

檄中軍副將賞賚在衢官兵

檄調嘉興營守備晉大忠領兵赴省

飭委統領戎旗選鋒官管轄親兵

照會四鎮各協營預給兵丁糧餉

檄中軍副將統領抽調赴衢官兵

密授衛處溫三協副將堵禦機宜

檄各鎮協副將遊緝賞軍士

檄調平陽鎮遊擊協防分水關

檄紹協副將獎賞殺賊官兵

照會平陽鎮保固分水關

照會溫州鎮防禦海疆策應分水關

諭調金協副將協守常山

李文襄公別錄卷四

目錄

諭中軍副將知照金協赴衢

諭中軍副將獎賞退賊官兵

檄狼山遊擊武榮犒勞援浙官兵

給照免罪魏于文等執牌招撫

檄中軍副將賞勵臨山剿賊官兵

照會各鎮嚴禁焚燬民房

檄各營將查給諸暨難民子女

檄各鎮將頒示賞格鼓勵衝鋒

檄飭各將嚴禁搶擄妄殺

檄飭嚴協總理恢勦機宜

檄飭寧紹台三協營靖寇安民

檄飭嚴協防勦機寇

照會援勦鎮申明賞罰

檄飭衢協相地置防

檄飭嚴協會兵乘機撲勦

檄飭嚴協赴開化防禦

照會援勦鎮嚴查營兵藏匿婦女

照會溫州平陽二鎮乘機勦撫

檄參將蔣懋勛統領駐防常山官兵

檄催福督中軍官兵赴衢防勦

李文襄公別錄卷四

目錄

三

飭金協都司任九玉勦撫湯溪土賊

檄參將蔣懋勛玉山開化賊寇

牌委標官卞佳招撫

獎勵千總趙秀

檄參將蔣懋勛招撫廣信地方

牌委標員疊更司賑浙閩過往人夫

飭金協副將乘時招撫

飭樂清營大荆營各將乘時撫勦

照會黃巖鎮撫輯鄰疆

飭原任把總胡聰啓率兵來歸

照會溫州鎮勦撫直取甌城

牌給千總葉順招撫

牌給守備尹升招撫

照會溫州鎮亟赴料理嚴疆

檄飭沿海鎮將稽察固防

諭杭州溫州二副將犒賞弁目兵丁

照會定溫平三鎮沿海嚴謹備禦

檄湖處杭嚴四協調兵彈壓延平

照會定海鎮飭催撲勦海寇

差員嚴拿不法兵廝

李文襄公別錄卷四

目錄

四

飭衢處二協副將防勦竄賊

檄中軍副將會勦江西逆賊

檄金協都司郭正明等截擊敗寇

檄守備張萬成領兵協防二渡關

檄參將饒承德會兵協勦山寇

檄參將饒承德查仙霞營房窩舖

檄參將饒承德招撫江機等渠寇

李文襄公別錄卷四

男 鍾麟編次

照會各鎮防禦海疆

康熙十二年十月

為嚴飭防禦海疆以重汛守事照得浙省地當邊海寧台溫郡尤屬要衝是以選將屯兵星羅密布無事則勤加偵探遇敵即破浪推鋒是必平日嚴防必備務使逆艘潛蹤毋致奸民竊越最是風雨晦冥洋霧連接一望茫然遠視不及甚恐賊踪飄忽近岸若官兵懈弛偷安但以寥寥庸卒虛應故事抑或兵不在汛無人稽察倘有警息便失勦禦疎防之罪百喙難

李文襄公別錄卷四

防禦海疆

十一

辭將弁身家固當自惜所在疆土人民豈堪坐視貽患本部院叨膺

簡命節制全浙以澄清邊海為首務合行嚴飭為此照會

該鎮照依事理轉行所轄督率弁兵不時隄備兵馬戰船晝夜詳加巡瞭俱於要隘遊巡揆報如遇逆賊揚帆上下無論接檣連踪零星窺伺一面飛報本部院軍前暨提鎮衙門以憑飛檄調度一面聯絡鄰汛官兵協力蕩剿若遇迫近海口即駕所泊戰船一齊堵截相機奉擒必期滅此朝食共保無虞毋許一船近岸劫掠毋容一人透越交通如有將弁偷安怠惰

致誤軍機大則飛章指參小則軍法從事失哨口兵審明梟示斷不姑徇至於沿海江港潮汐相通處所如有船筏載貨乘風越界希圖貿易或為賊巢奸細要見原通某弁某兵受賄當從某口放行立速拏獲會同有司秉公研究確詳起解以憑覆訊定擬苟有容隱故縱情弊立按

新例正法但不得借端誣捏擾害無辜汛防各官仍會同地方官嚴查保甲盤詰奸宄凡兵民人等或係出外日久不歸或容畱來歷不明面生可疑之輩必須根究明白一有故違地方保甲營伍日兵一體連坐汛

李文襄公別錄卷四

防禦海疆

十二

防印捕各官特疏

題秦法在必行毋得視為尋常告誡自罹大咎追悔燕及

申嚴軍紀

康熙十二年十月

為申嚴軍紀以綏地方事照得設兵所以衛民設將所以統兵務宜訓練有方統御得法庶幾兵民相安疆圉有賴乃近日騎兵悍卒往往不遵紀律騷擾民間有攫取財物者有分防苛派者有酗酒賭錢放債割削者有藉緝私鹽誣害良善者種種不法民何以堪在各將弁既無捍禦之益復鮮約束之能更有剋餉肥己虛冒兵糧耽逸偷安疎防縱盜不惟職守有乖抑亦有悖

國典本部院叨膺

李文襄公別錄卷四

申嚴軍紀

三

簡命節制茲土必期力除夙弊務使壁壘改觀今當下車伊始合行嚴飭為此照會該鎮照依事理即便轉飭所轄申明紀律約束弁兵不許蕩踰軍紀倘有仍前徇縱擾民侵剋虛冒等項兵卽直按軍法官卽揭報題參本部院統屬文武兵民原無岐視倘果兵民輯睦謀畧若聞本部院自當專加優異特疏薦揚各宜自展壯猷毋得身干咎讐勉之慎之

照會各鎮查訪劣弁

康熙十二年十一月

為查訪不職劣員以肅軍紀事照得國家選將屯兵原為保護生民奠安疆土是以民有輸將資其俸食官有超擢酬其功苦惟在專闢分戎者仰體

朝廷優異之隆特加儆惕恪盡厥職各於汛防熟酌戰守機宜所統士卒則必畱心簡練務期平日可以建威消萌有事足以衝鋒對壘而又文武和衷兵民安輯庶有裨於地方況浙省地臨邊海年來災祲頻仍內則瘡痍未起外則寇警戒嚴凡有捍禦惟各鎮將弁

李文襄公別錄卷四

查訪劣弁

四

是賴其間清操自勵紀律嚴明者固不乏人惟是有等貪殘乖張之輩不遵鎮帥約束事上剛愎恃氣馭下刻薄存私或冒馬虛兵或借端剋扣甚至賈易專利放債准折官價虧行干預民事縛制有司廢弛管伍疎防縱盜與夫諱盜誣良等類是皆難容貽誤地方且將弁律已不嚴自必縱兵生事或佔民居又勒供飯或市井行兇鄉村竊掠以及強買強賣一切擾害民間者均屬不法詎可姑容至於都司衛所各弁雖職專軍屯然皆有催徵倉運等事其剝削加派縱養奸種種糜祿誤公者亦復不少今本部院奉

命督浙詰戎固圍兼欲體恤軍民首當甄別將弁賢否茲

當下車伊始凡有不職者先行糾劾合行嚴查為此

照會該鎮照依事理即將所轄大小各弁逐加體訪

一有犯及前項情弊并通洋貿易等事劣狀昭彰者

備開該將弁職款實蹟的限 日內密揭呈報以憑

飛章奏

奏摺閱究擬至於察訪之法必須持廉秉公不得因循

瞻顧姑舍將領但以偏裨末弁塞責亦不得故寬貪

暴重款止於點綴微疵至款中所開務求實有其事

如款內竄役并被書証佐亦必實有其人不許捕捉

李文襄公別錄卷四

查訪劣弁

五

風影暗砌詭名以畱日後辨實弄一事款內又必詳

書所犯年月日期毋得游移朦混以開審勘出入之

端如去任已劾之官概勿開送充數此外果有謀勇

超羣廉能素著者本部院不吝特疏薦揚以示優異

該衙門久任地方聞見必確萬勿徇情寬縱如不依

限揭報本部院察訪有據徑自具疏糾劾如於事後

補揭其徇縱之咎仍不能寬慎毋泛視致貽後悔至

嚴至切

檄飭太湖營嚴防要隘

康熙十三年三月

為申嚴防範要隘以弭盜源事照得太湖巨浸環繞

江浙其間支港錯雜盜賊易聚屢經本部院申飭告

誠在案備查浙汛沿湖各港雖設有官兵巡防稽詰

但港多兵少何足分防如大錢夾浦蔡浦港等處皆

湖濱要隘其餘各港何止數十餘處見在防兵寥寥

無幾設有盜賊竊發作何禦禦合行酌議相地添防

為此牌仰該遊擊照牌事理即查浙江沿湖各汛港

口除支河小港見在釘椿豎柵禁止出入外其餘險

隘港汛舟楫相通者共有幾處見在防守官兵實有

李文襄公別錄卷四

嚴防要隘

六

幾何星速查明呈覆一面作速相度形勢添兵防守

早晚勤加偵察即釘塞各港亦不時差兵巡緝毋致

奸宄竄跡仍整飭營伍操練官兵倘有奸宄乘機竊

發立即詰獲通報以憑審究毋得違誤疎虞

檄飭湖協副將嚴防長興四安鎮 康熙十三年三月

為申嚴防守要隘以固疆圉事照得湖郡水鄉澤國支港錯雜其間萑苻易聚在在自宜嚴防而惟長興為最要查長興形勢有四安一鎮路通江南之廣德可以直達江寧計程不過三日且皆係坦途并無關隘則是長興為江浙藩籬而四安為長興要隘雖駐防縣鎮設有守備千總然各統官兵為數無幾在平常無事可備巡防若遇盜賊竊發江浙接壤孔道豈寥寥成卒足以分防合行酌議添兵守禦為此牌仰該副將照牌事理即查長興四安鎮地方既係通衢

李文襄公別錄卷四 嚴防四安 七

要地實在官兵防守不敷亟為確酌情形一面量調郡城官兵前往添防一面相度形勢分扼險要稽察奸宄設有蹤跡詭秘之徒潛入境內及土賊竊發立即擒拏務保無虞毋致疎忽

照會平陽鎮并飭衛協守禦地方 康熙十三年三月

為飛飭守禦地方事康熙十三年三月二十九日據溫州鎮塘報內稱靖藩變亂緣由到本部院據此為照浙閩地方接壤據報閩省兵變合行飛調官兵堵禦為此 照會該鎮牌仰該將 照依事理即便躬統本營官兵星夜前往 分水關橋墩門仙霞關小竿嶺 一帶立據關隘嚴謹固守多方偵探相機援應毋致疎虞本部院見在飛調大兵前來鎮守軍機緊急不時飛報勿得遲延怠忽慎速慎速

李文襄公別錄卷四 守禦地方 八

照會溫州鎮并飭瑞安協守禦地方 康熙十三年三月

為飛飭守禦地方事據報靖藩變亂除照會平陽鎮躬統官兵前往分水關橋墩門一帶堵禦外溫郡與瑞安平陽相距不遠合行飛調策應為此 照會該鎮牌仰該將 照依事理即便嚴加防守城垣邊汛稽察奸宄一面酌撥官兵前往 瑞安平陽 一帶相機策應聯絡聲援協力堵禦務保無虞本部院另調官兵齊集星赴事關軍機毋得疎忽

照會四鎮濱海地方嚴加守禦 康熙十三年三月

為飛飭守禦地方事照得閩省叛變浙境壤連水陸交衝在在自宜嚴防本部院據報隨即調發滿漢官兵前往衢州大路堵禦并行附近鎮將統兵扼守險要本部院與

提督隨即相繼進發酌量調度外但閩省既經倡亂勢必結聯海寇濱海地方務宜加意防範用保燕虞合行飛飭守禦為此照會該鎮查照事理即便嚴飭管弁會同守令固守城池一面躬統官兵巡防沿海邊汛倘有賊踪突犯即行協力堵禦仍飭各墩臺哨

李文襄公別錄卷四 濱海守禦 九

卒遠偵確揆一有情形不時飛報本部院軍前以憑調度毋得遲誤慎速慎速

徵調溫處二協屯據秦順龍泉險隘 康熙十三年三月

為飛飭守禦地方事照得閩省叛變浙境壤聯本部院據報隨即調發滿漢官兵前往衢州大路堵禦并行附近平陽溫州各鎮管統兵扼守險要本部院隨即與

提督相繼進發酌量調度查 溫屬秦順各處山谷實與閩省建寧徑路相通可直達溫郡合行飛調防守為此牌仰該副將照牌事理即便酌派管弁會同守令固守城垣一面躬統官兵前往 秦順與閩省交界處所屯劄先據險隘竭力堵禦務保燕虞仍遴選精

李文襄公別錄卷四 調防秦順

細兵快遠偵確揆一有情形不時飛報本部院軍前以憑調度毋得玩忽疎虞慎速慎速

檄調金嚴二協官兵駐防江常等處 康熙十三年三月

為緊急軍務事照得閩省叛變浙江衢溫二府最屬
密邇本部院據報隨即調發衛協副將李承恩統兵
前往仙霞關屯劄扼險守禦一面見發滿漢官兵前
往策應但查衢屬江山常山二處逼近閩疆務宜厚
集兵力以備不虞合行抽調為此牌仰該副將照牌
事理即便遵照文到即將標下官兵挑選勇敢勁兵
四百名酌撥守備千總一員統領前往衢州駐防江
山常山等處聽候本部院另行調度即具起行日期
呈報查考事關軍機毋得遲違

李文襄公別錄卷四

調防江常

十一

飭溫州鎮協嚴防要隘

康熙十三年四月

為飛飭守禦地方事照得閩省變亂勢必勾通海逆
分頭入犯浙境水陸交衝處處自宜嚴防溫郡尤屬
濱海要地合行飛飭守禦為此 照會該鎮 照依事理
即便整頓兵馬器械倘有賊踪飄突即便相機堵禦
仍會同文武官弁加意保固城池知會鄰近汛防倚
角聲援遇警策應一面撥發官兵前往泰順通閩山
險去處密探情形嚴防要隘不時飛報本部院軍前
以憑調度軍機事重慎毋疎忽速速

檄飭紹協副將撲剿土寇 康熙十三年四月

為稟報賊情事康熙十三年四月初三日據紹興府
報稱湯浦等處因閩省變叛土賊相繼嘯聚山林者
百十餘人伏乞發兵撲剿等因到本部院據此為照
浙省地方久經寧謐頃報閩省兵變浙境壤地相連
誠恐山海土寇乘機竊發本部院屢次申嚴防禦在
案今據紹興湯浦等處有賊聚至百十餘人騷擾村
坊合行飛飭撲剿為此牌仰該副將照牌事理文到
即便撥發官兵遴委勇敢都守一員統領會同廳縣
捕快前往湯浦四都一帶地方將前項土賊盡行殲

李文襄公別錄卷四

飭剿土寇

十一

滅務盡根株毋使滋蔓仍確探別處有無餘黨窩線
密行躡緝將情形不時報聞更須申明軍紀束兵愛
民不得因而擾累無辜察出取咎未便速速

檄飭察拏傳遞偽牌奸宄 康熙十三年四月

為特嚴察拏偽牌奸宄以靖地方事照得閩逆倡亂各處山賊乘機竊發冀圖搖惑人心糾結黨羽輒敢捏造偽牌偽示公然粘貼傳遞恐嚇愚民若非奸宄潛藏暗通消息何以賊黨牌示擅行鄉鎮凡地方文武官弁切受

國恩同仇義切自當一見憤激立行焚燬并查來自何處傳自何人搜緝奸宄立正軍法方為盡職何以任其遞送遂致民情惶惑逃匿山谷奸徒因之嘯聚殊堪髮指嗣後如有山海賊寇暗遣偽牌傳遞鄉鎮及

李文襄公別錄卷四 察拏奸宄 十三

張掛偽示冀圖煽惑人心者立將牌示即刻焚燬并拏傳遞潛藏奸黨審實有據解送軍前立行正法務期寧靖地方毋得擾動良民均宜凜遵

檄調湖協官兵赴省紹協官兵赴衢 康熙十三年四月

為飛調官兵事照得閩逆叛亂浙省連界防禦宜周亟須調集官兵相機策應況當疆場有事之時正俊傑立功之會爰資材武用震軍聲合行飛調為此牌仰該副將照牌事理文到即刻挑選該營勁勇兵丁六百名遴委勇敢能員統領各帶軍裝器械星馳前赴省城聽候調遣務須人馬強壯器械精整該副將忠悃素著為

國諒有同心轉飭營弁奮發忠勇力樹勤勞報功之日本部院定當特疏

李文襄公別錄卷四 飛調官兵 十四

題敘

朝廷必酬報

國之丹心將領亦遂建功之素志勉旃毋忽

檄發本標中軍副將統兵赴衢 康熙十三年四月

為督發官兵守禦要隘事照得閩越叛亂浙省界連防禦宜周亟須調撥官兵往守險要該副將韜畧素嫻謀猷綽裕今姦宄跳梁之日乃干城建樹之秋合行督發起行為此牌仰該副將照牌事理即行遵照統領標下中營馬步兵各帶軍裝器械星馳前赴衢郡相度形勢扼守險要仍將情形不時飛報本部院軍前以憑調度該副將受茲委任務須一心捍衛千里清寧報捷書功本部院定當特疏

題敘

李文襄公別錄卷四 中軍赴衢 十五

朝廷必有旂常之懋賞該副將亦遂孤矢之丹衷勉旃毋忽

檄飭分防金鄉遊擊保固地方 康熙十二年四月

為申嚴保固疆圉事康熙十三年四月初三日據該遊擊塘報內開偵探靖藩兵變緣由到本部院據此為照閩省兵變平陽密邇福寧金鄉尤屬溫汛要地本部院聞報即行調發鎮管官兵前往守險堵禦該遊擊素具長才夙據忠悃瀕海險汛實藉綢繆當此逆氛倡亂勢必侵犯鄰境務宜更加勉勵用固疆圉合行飛飭守禦為此牌仰該遊擊照牌事理即便整頓兵馬器械遠偵確探倘有賊踪飄突相機奮擊保障隄防再查金鄉離分水關不遠就近報聞該鎮守

李文襄公別錄卷四 保固地方 十六

角聲援聯絡策應仍將警息不時飛報本部院軍前以憑調度倘能更展謀猷摧敗寇賊本部院自當察明功績從優

題敘萬勿玩忽疎虞勉之慎之

檄行中軍副將賞資官兵 康熙十三年四月

為頒給賞資激勵忠貞以鼓敵愾事照得閩逆猖狂稱兵叛亂凡我將士義切同仇本部院調發滿漢官兵守險堵禦所賴將弁一心士卒用命共搃丹赤以保封疆果能樹建奇功不惟

朝廷恩榮超擢行將勳勳旂常名垂竹帛此正忠臣義士奮發有為之時也本部院軫念各將士披堅執銳効力疆場特發帑銀犒賞以昭鼓勵合行知照為此牌仰該副將照牌事理即將本部院差官張一亮等押到餉銀一萬兩會同嚴州府同知金雲鳳查明在衛

李文襄公別錄卷四 賞資官兵 十七

滿漢官兵人數除滿洲漢軍各位領兵章京查照另單禮數分餽致敬外其滿漢甲兵以及撥什庫各照伊一月餉銀數目賞資彙解駐衛

副都統吳石 軍前聽候俵散給發其綠旗官兵自本標中營衛協以及調到各路官兵俱各查明實在官兵數目官按一月俸銀兵按一月餉銀之數給與其兵丁按名唱給以示鼓舞若有餘剩交貯府庫聽候另行支用仍誠諭各官兵務須益加勉勵登陴歷險俱各奮勇爭先嗣後立有功績者另行隨時頒賞功績尤著者自當不時

題敘各宜勉旃毋負倚任即將發給過數目具文報
毋違

李文襄公別錄卷四 賞資官兵 十八

檄調嘉興營守備晉大忠領兵赴省 康熙十三年四月

為飛調官兵事照得閩逆叛亂浙省連界防禦宜周亟須調集官兵相機策應該營守備晉大忠素稱勇敢前有邊海立功之請今當疆場有事爰資材武用震軍聲合行飛調為此牌仰該遊擊照牌事理文到卽刻轉行晉守備統領勁兵六百名各帶軍裝星馳赴省聽候調遣務須士馬精壯器械整齊該遊擊併飭該守備奮發忠勇力樹勳勞本部院定當特疏題敘以昭懋賞勉旃毋忽該營事務另委能員署理可也

牌委統領選錄

康熙十三年四月

為委用統領選錄官員事照得標下三營將士皆本部院臂指之助而從來用兵制勝必有選鋒平時則護衛帳前臨陣則衝堅破敵今於三營內校試弓馬精良勇敢當先者每營百人必得能員統領以壯軍威查中營隨征官劉澤溪左營儲將官張文福右營隨征官王文魁久歷戎行諳練營務才藝兼優允堪茲任合行委用為此牌仰本官照牌事理今委為中左右營統領選錄守備各管轄親兵一百名常隨本部院帳前務須嚴明約束勤行訓練使紀律肅然軍

李文襄公別錄卷四

委統領錄

十九

容整暇爰成勁旅以建奇功本部院自當

題敘實授尙其勉旃

照會四鎮并行營將預給兵丁趨餉

康熙十三年四月

為預給兵丁趨餉以恤勤勞事照得軍興旁午各標營兵丁調防駐守以衛封疆並皆勞苦本部院憫念各兵皆有父母妻子平時支給額餉止可贍給一身已難兼顧今警備邊圉行者有資裝之費居者有守望之勤推其至情均應體恤本部院一片丹誠無時不痾瘝身切今將通省兵丁不分調汛留管一體預給糧餉以資飽騰合行知照為此牌仰該將照依事理即將各標營兵丁趨餉各准預支一月於司庫支給見今調發赴省者即於省城支給已調別府及仍

李文襄公別錄卷四

預給趨餉

二十

留本汛者該管將領即具冊領專差赴省齋回分發各兵務須奮勇爭先同心報

國奏凱旌勤別有賞資如能特立奇功定行破格題敘各宜勉勵毋怠

檄委中軍副將統領調到官兵 康熙十三年四月

為軍務事照得閩逆倡亂衛屬首衝經制官兵不敷防守是以本部院抽調全嚴二協官兵共八百名赴衛貼防江山常山等處但各路官兵齊集合行專責統領為此牌仰該副將遵照即將全嚴二協抽調赴衛官兵各四百名并領兵守備千把總各官俱屬該副將統領約束一應支給糧料整齊甲械調遣戢守俱該副將相度形勢悉心料理酌量江山常山二處險要分兵防守務須申嚴紀律束兵安民恩威並用協力同心以副本部院委託之意至於守關據隘戰

李文襄公別錄卷四 檄委統兵 三十一

守機宜該副將仍聽駐衛

副都統吳石酌量調度其有續到各營官兵俱照此例毋得違誤

密授衛處溫協副將堵禦機宜 康熙十三年四月

為密授堵禦機宜以固封疆事照得閩逆變亂侵擾邊疆浙省陸路要隘如衛之仙霞處之龍泉慶元溫之分水關泰順等處皆接連閩省在在須防突犯本部院一面題

請亟發禁旅前來接應一面速行據險扼要嚴加固守設奇制勝相機進止查仙霞龍泉慶元泰順分水關各處皆山溪錯雜有險可據我兵扼守必擇其兩傍石壁中惟一路可通之所兩邊壘石特為門戶埋兵設伏中空一道惟用多藏砲火逆賊雖眾限於山路窄

李文襄公別錄卷四 密授機宜 三十二

狹勢必不能參擠而前俟其一至火砲齊發賊必少退乘其步驟已亂出兵奮擊不可乘勝遠追即回據原處此時火砲藥彈又可裝就如賊再至又如前法擊之賊鋒必挫自不敢侵矣更恐賊從兩旁山頂突然而至勢不可禦必於兩邊高處多設鳥鎗礮石伏兵偵望毋分風雨晝夜一有侵犯鎗石自上而下

一可殺百此正據險設奇以少勝眾相機進止之要策至於臨敵隨時制宜因地變通方畧又在該將一心之運用耳擬合亟行知照為此牌仰該將照牌事理即便會商守禦諸將一體協力遵照毋違

檄行各鎮協將犒賞軍士 康熙十三年四月

為申大義以鼓將心布至誠以作士氣亟勵忠貞共圖報

國事照得閩逆猖狂稱兵叛亂凡我多士義切同仇本部院忝膺重任秣馬勵師所賴將士一心士卒用命共搃丹赤以保封疆諸鎮協久著邊功洵承

天寵爵榮傳世奇重登壇必能率勵三軍折衝一面若叅遊都守雖分班列並託干城平時守職不過次遷今日建功即蒙超擢並宜枕戈待旦賈勇爭先千把等官初試長途咸叅

李文襄公別錄卷四 犒賞軍士 三十三

命秩苟能奮其材武自可立致顯榮偏隅負固捷仗用張順逆既殊大小懸絕未戰而勝已決幾先効一朝汗馬之勳樹百世旂常之積忠臣義士可不勉旃至於馬步守兵登陴臨陣並極辛勤居送行齋殊淡勞苦本部院會同

撫院 提督酌議額餉之外仍加優給欲使投醪飲惠挾纊知溫各宜奮力前驅另自計功行賞用是開誠布告鼓勵羣心崇卑雖有殊倫忠義本無二理冀高履厚孰非

君父之恩仗義同心即是身家之福合行通諭為此 照會 牌仰

該將 照依事理即便抄牌出示轉諭大小將領務須布展方畧鞏固邊疆鼓勵隊日兵丁共抒忠憤懋建勳勞在

朝廷特懸殊格以待奇功近如湖廣報捷齋素人員亦膺一命之榮何況行間將士本部院論功題敘自當巨細不遺以副酬勳

盛典日今軍書旁午優恤宜先各官兵不論隨征守汛優給賞賚官按一月俸銀兵按一月餉銀如數給發俱各差員赴省支領作為犒勞不在歲額之內應領月餉仍照舊給發嗣後如立有功績者另行隨時頒賞

李文襄公別錄卷四 犒賞軍士 三十四

功績尤著者不時請敘凡我將士共聽斯言國傳家正在此日矣

檄調平陽鎮遊擊協防水關 康熙十三年四月

為酌調官兵事照得閩逆搆亂平陽最為鄰近而分水關尤屬衝衝已經鎮標官兵防守但山徑叢雜惟恐偷越更須謀勇能員協力堵禦今查該遊擊夙嫻韜畧久著謀猷拒險設奇堪當此任金鄉懸隔江海形勢稍緩合行酌調為此牌仰該遊擊照牌事理即便統率驍勁弁兵星赴分水關協同防守抒忠奮勇建功樹勳本部院自當特疏

題敘其金鄉防守事宜聽平陽總兵官酌行調度該遊擊務體本部院甄選至意勉之毋忽

李文襄公別錄卷四 調防水關 三五

檄行紹協副將獎賞殺賊官兵 康熙十三年四月

為塘報事照得土寇乘機嘯聚亟宜撲滅據報官兵奮勇爭先斬賊奪械殊為可嘉効用官李章張酉彭輝及兵丁陳元陸貞王以良合行獎賞為此牌仰該副將照牌事理即將發來銀牌三面紅袖三匹給賞李章等三名又銀牌三面給賞陳元等三名仍飭勵官兵用心搜剿務盡根株毋使漏網

照會平陽鎮保固分水關 康熙十三年四月

為軍務事照得閩逆鴟張平陽最近原宜厚集兵力拒守險要前照會該鎮統師駐守分水關自必忠義奮發率勵將士保固巖疆然平陽通閩大道不止分水橋墩一處恐兵勢分應難周是以會商

提督撥發提標官兵五百名前來協防亦足以扼險守禦至於金鄉係屬彈丸一隅向撥該鎮左營官兵防守原以防海寇之侵突今陸路告警揆度形勢金鄉未為衝要已經密飭該遊擊統兵前赴分水關協同堵禦其金鄉防守事宜聽該鎮自行酌量調度務

李文襄公別錄卷四 照會守關 三六

須併力守關保固無虞一面已經照會溫州鎮聯絡策應該鎮雄才偉畧夙著威名值此疆圉多警正忠君報國之時惟冀大展謀猷同心共濟奠安之日本部院自當特疏

題敘行將勳勅旂常名垂竹帛以昭報績酬庸之典擬合照會為此照會該鎮查照事理一體遵照勉勵建績慎速

照會溫州鎮防禦海疆策應分水關

康熙十三年四月

為軍務事照得閩逆叛變勢切震鄰平陽密邇福寧是以飭令平陽鎮總兵守禦分水關然逆賊狡謀勾聯海寇或致沿邊侵擾溫屬一帶逼臨海濱凡防禦事機戰守良策惟該鎮是賴至於平陽路阻飛雲尤須勤加哨探相度聲援聯絡策應并鼓勵將士奮發勇敢保固衝汛該鎮素優方畧雅擅機宜當此烽烟警急正抒忠報國之時惟冀壯猷大展義氣宏宣奠安之日本部院自當特疏

李文襄公別錄卷四

防禦海疆

二十七

題敘行將旂常著績彙鼎登名以昭報功策勳之典擬合照會為此照會該鎮查照事理一體勉勵建績慎速

諭調金協副將協守常山

康熙十三年四月

諭金華副將前調該營官兵協防衢屬已經進發知該副將忠義奮激勇氣無前本部院可勝嘉尚特資壯畧共衛嚴疆當邊方有事正臣子報國之時豪傑展勳之日若通省將士盡如該副將則本部院倚藉成功指日可期矣諭到該副將即便帶領驍勁官兵一百名前往衢州協守常山大路先次所發官兵三百名檄行中軍副將總領今該副將既經親往仍歸統轄已另諭中軍知照一切堵禦機宜該副將隨方布置務須展抒方畧大建奇勳本部院自

李文襄公別錄卷四

調守常山

二十八

當特疏

題敘以昭報績酬庸之典勉旃特諭

諭標下中軍副將

諭中軍副將官兵此時計當抵衢一切布置情形宜不時速報金華副將忠勇出羣今已調令親赴衢屬協力堵禦其該營前次調到官兵仍歸副將統轄調度特此諭知

諭賞退賊官兵 康熙十三年四月

諭中軍王副將據報本月十五日賊兵突犯清湖攻逼江山該副將星馳赴援千總高祿陳國任薛受益渡水奮擊閻寇大敗陣獲馬匹刀鎗等件賊隨退回等因本部院漢為嘉悅本標及協標在事有功官兵該副將分別功勞等第即於前發銀一萬兩內酌量頒給論以本部院獎勵忠勇憫念勤勞之意千總高祿等率先破賊另自紀功該副將親冒矢石首挫賊鋒今割營城外誠為獨任賢勞然旂常之績從此而始勉之勉之茲

李文襄公別錄卷四 諭賞官兵 二十九

提督副都統已統兵前來本標官兵五百名一併進發矣本部院稍俟整頓糧草有緒即當親行該副將一應進止機宜并聽提督調度蓋軍中號令必須專一總期同心報

國勿以本標致有岐視至於安營處所必須據其形便謹防賊兵衝突後到兵五百名應於相近處別劄一營以成犄角之勢尤宜熟揆路徑相機防禦凡事不能遙度該副將用心籌畫務出萬全一切糧草地方官見在作何接濟情形仍不時馳報以便預為措置故諭

檄行狼山遊擊犒勞援浙官兵 康熙十三年五月

為犒勞官兵事照得逆賊猖狂浙省用師征勦江南總督部院義切同仇調發官兵前來策應諸將士驅馳遠道以副簡書雖報國自有素心而勤勞實堪軫念鄰封有賴犒勞宜先合行知照為此牌仰該遊擊照牌事理即將發來犒銀遊擊俸資三十二兩千總俸資十六兩把總每名俸資十二兩馬兵每名賞銀二兩步兵每名賞銀一兩聊充牛酒之需以勵三軍之氣將來建立功勳定當題敘優資報績酬庸另照

李文襄公別錄卷四 犒勞官兵 三十

部頒賞格各宜勉旃

給照招撫牌 康熙十三年六月

為給牌招撫以廣

皇仁事照得開誠布信乃行師之大義見幾反正即智士之良圖自逆藩倡亂人心動搖不思殺賊以取職官乃反忘軀而殉偽制其中無知迷惑者固多豈無一二抱負奇才不甘終淪草澤或因無路自歸懷疑觀望今據魏于文葉觀徵等供稱朱石年等在九都源地方招集人眾原因逋負所迫激而走險願將家屬為質前往招撫等情本部院欽奉

上諭凡有殺賊立功即行優敘或能隻身歸命亦准收雷

李文襄公別錄卷四 給照招撫 三十一

天恩浩蕩嘉與維新合行給照為此牌仰魏于文等免爾

前罪即便執牌并贖發

上諭前往九都源等處宣諭

朝廷恩信如朱石年等淡明順逆真心效順率領大眾投

誠或能擒斬闖賊自效並當論功

題敘授官頒賞其有自拔來歸悉與安插得所

綸音渙頒皎如日月轉禍為福惟在此時爾等刻期回報

須至牌者

檄中軍副將賞勳臨山勦賊官兵 康熙十三年十月

為賞勳官兵事照得本部院統師討賊既藉將領同心尤賴士卒用命各營官兵隨征半載咸能奮勇先登所至克捷且恪遵紀律不擾地方今該中軍在臨山一帶勦賊安民本部院不勝喜慰在事官兵各行犒勞為此牌仰該副將照牌事理即將發來銀兩內各將領花紅銀副將游員十兩守備游員六兩隨征都司千總游員四兩把總游員三兩目兵犒賞銀槍賊兵每名五錢殺賊兵每名三錢隨陣兵每名二錢照數分頒其陣亡兵每名先給卹銀五兩仍查明家

李文襄公別錄卷四 賞勳官兵 三十一

屬具報另候加恩撫養該中軍宣諭將士益勵忠勇

建立功勳共奏蕩平以膺超敘

照會各鎮嚴禁焚燬民房

康熙十三年十二月

為嚴禁焚燬民房事照得大兵進剿原以滅寇安民凡賊寇盤踞經過之地焚其木城柵寨至賊寇占住民房原無燒燬之令此不足以斷賊蹤而徒傷民業合行嚴禁為此照會該鎮查照事理即便遵照并轉飭各該將弁凡進剿賊寇兵馬所到地方止應殺賊不許焚燬房屋如有大夥賊寇盤踞巢穴造有木城柵寨之處亦止許將木城柵寨拆毀焚燒有將民房混行焚燬以致百姓失業者定將領兵將弁參究不貸

李文襄公別錄卷四

禁焚民房

三十三

檄各營將查給諸暨難民子女

康熙十三年十二月

為賊寇倡亂負固宜誅避難子女被掠可矜等事據紹興府詳請本部院檄行進剿暨邑官兵被擄子女內有被難脅從者備細確查數目仍聽民間認領使被骨肉重聚以昭

皇上愛養洪恩以副各憲好生德意等因到本部院據此為照大兵進剿原以滅寇安民被擄脅從蒙荷

皇仁矜憫則凡出征得獲寇賊所擄難民子女俱應查給

還民先經刊示通行曉諭在案今據前因除行該府確查難民子女實據詳報外合亟行查為此牌仰該

李文襄公別錄卷四

難民子女

三十四

將照牌事理即查本營及所統各營官兵於十一月內進剿諸暨得獲男婦子女詢問明白如係賊寇所擄難民子女立即移會該地方官出示曉諭民間認領仍具報查考倘有官兵隱匿不舉或被首告或經訪聞除將子女仍給還民外定將該將弁兵以搶擄不法參拏究處不貸

檄各鎮將頒示賞格鼓勵衝鋒 康熙十四年四月

為頒示賞格鼓勵衝鋒事照得逆賊叛亂以來官兵經年勦禦衝寒冒暑晝夜操甲備極勤勞每次進兵獲捷皆能奮勇用命本部院既深嘉獎更殷軫恤但今逆賊屯踞近郊連營窺犯惟恃山林險阻延其喙息如兩陣相當必得先鋒驍銳越眾先登後隊勇敢齊心並進始可直搗中堅斬擒渠首以成一鼓蕩平之功凡爾各標營將士為

國干城若能立時建績定當不次酬勳合行曉諭為此

照會該鎮牌仰該將照依事理即便轉諭所轄官兵遵照凡有

李文襄公別錄卷四 頒示賞格 三十五

勇敢超羣矢心報効願為前鋒者即於該管主將處報名派立隊伍以俟進勦衝鋒如賊眾大列陣勢對壘相持之際有能破陣深入當先立功不論百隊戰守兵丁為首之人賞銀五十兩授為守備第二賞銀四十兩授為千總第三賞銀三十兩授為把總遇缺即行先補其餘兵丁酌量給賞若係有職官弁另行越資超擢其各主將開報捷功務須秉公核實倘有將首功之人泥沒不報者許赴本部院控稟查詢明確即時補敘其主將以掩功虛報

題系至有臨陣退縮不前定行立正軍法斷不姑宥各

宜勉勵忠勇奏凱策勳本部院恩信有素匪託空言
咸宜遵悉

李文襄公別錄卷四 頒示賞格 三十六

徵飭各將嚴禁搶擄妄殺

康熙十五年正月

為特行申明紀律嚴禁搶擄妄殺以肅軍令以安黎庶事照得朕逆造亂勾連海寇侵犯浙疆前此溫台一帶鎮將叛變從賊以致生靈塗炭調發官兵進剿原為滅賊安民自不容秋毫滋擾以致重困百姓况皇仁浩蕩

上諭屢頒加惠元元矜憫務從嚴禁搶擄申誠妄殺在爾進剿官兵自應凜遵恪守今樂清被賊竊踞人民復遭荼毒誠恐恢勦官兵恣行不法合將禁飭緣由列款申嚴為此牌仰該將照牌事理即將後開禁諭各

李文襄公別錄卷四

嚴禁搶擄

三十七

款嚴飭各官兵一體遵照實力奉行敢有愆不畏法妄殺無辜冒功請賞株連良善生事害民焚燒房屋掠奪衣資搶擄婦女姦淫販賣有一於此或本部院察訪得實或地方官稟有據將弁兵丁立以軍法從事必不寬徇至嚴至切

一逆賊竊踞地方百姓如在湯火日望大兵進剿以解倒懸行軍之際除執械抗拒者嚴行勦殺外其餘被脅民人傾心歸命皆吾赤子投戈向順即屬良民務須加意安全不得槩加誅戮至於剪辮長髮地方既為賊踞實出勢不得已毋許故意苛求敢有擅殺無

辜慘戮歸誠希圖冒功請賞該管將領一經查出官即拏候請示兵部軍法處死倘該將領瞻徇容隱本部院訪查得實一併參拏不貸

一民間婦女小子關係戶口錢糧恢復地方原期有土有人斷不容進剿官兵橫肆淫掠即見在賊巢者要皆難民子女劫掠在營益直正賊寇豈有攜帶妻子而行之理業奉

嚴旨禁飭不得一槩搶擄即賊營所獲亦許民間認領欽遵通行在案今官兵恢勦樂清凡民間婦女小子不許搶擄姦淫即有前被賊寇擄帶今被官兵得獲者

李文襄公別錄卷四

嚴禁搶擄

三十八

問明姓氏出示曉諭民間認領即給完聚敢有貪淫不法弁兵或攜帶隨營或掠販遠地官即參究兵即法處仍治該管將領約束不嚴之罪

一民間房屋廬舍被賊焚燒拆毀僅存無幾田園地土被賊蹂躪橫徵業已拋荒今恢復後加意培養滋植尚慮棲身無處餬口無資若官兵進剿再加焚燬踐食勢必哀鴻遍野露宿啼飢况賊屯住之處原係民居賊退之後即成村落非賊巢木寨窩棚可比該管將領務須嚴飭官兵凡村莊市鎮所有房舍不許放火焚燒滋植田地不許踐踏割取敢有故違即行法

處不貸

一近日為賊奸徒皆係飢寒匪類搶劫橫行受害地方向之素封殷實者今已貧窮向之衣食充足者今已困乏所有劫掠之餘幸存衣資什物賴以稍資生命若進剿官兵再加搜奪勢必盡填溝壑且搶奪不法軍令首嚴該管將領務須嚴行約束經過地方必期絲毫無犯敢有不遵即行軍法重處倘該管將領漫無約束容縱滋擾一併叅處斷不爾寬

一官兵所到之處或箠食壺漿來迎或導引接濟前進出自士民子來之義務宜優加鼓勵進剿官兵不得

李文襄公別錄卷四

嚴禁搶擄

三十九

強批良民扛挑甲械民間婦女不許凌辱姦淫該管將領嚴加禁止一有違犯盡法究處慎勿姑容日干重咎

一樂清復為賊踞良民受害堪憐今次恢剿自應著意安全予以休息官兵進剿止在對陣克敵擒斬賊寇若通賊奸徒與謀為不軌等犯應聽地方官搜查究處以靖根株以消反側營中將弁兵丁不得攬越干預敢有貪惡肆橫弁兵不事殺賊惟以借名查拏叛屬生事株連索詐滋擾陷害無辜一經察出將領叅拏弁兵究處不恕

檄飭嚴協總理恢剿機宜

康熙十五年四月

為軍務事照得開常逆賊突犯跳梁前遣調各營官兵現在駐劄遂邑相機恢剿惟是軍中號令既貴嚴明制勝機宜尤期畫一今瑞安營平陽鎮標衢協等營各有該營將領統束所部既分事權不一或互相商酌遂生推避之端或所見參差難期滅賊之效甚非所以重軍紀嚴責成也該協身在本汛地理險要皆所周知偵探寇蹤堵禦出沒諒俱洞悉所有一應恢剿事宜及各營官兵專委總理為此牌仰該副將照牌事理嗣後軍中一應恢剿事宜該將既膺總理

李文襄公別錄卷四

總理恢剿

四十

之責務必運籌至當就近酌量調度毋得以主客岐見有誤事機各標營官弁俱令遵照指畫共奮立功倘有故違軍令各持意見致礙事機一面據實報聞以憑叅究該將責成攸專更須實心籌畫以副倚任果能剋期恢剿本部院自當從優題敘如有疎誤責有攸歸勉旃毋忽

檄飭寧紹台三協營靖寇安民

康熙十五年七月

為申嚴軍紀以靖寇氛事照得邇來地方多事山海交証伏莽可虞邊烽未息各該將領威有專城之寄務須時勤訓練加謹偵防如遇寇賊生發或值鄰境戒嚴自應立刻調發官兵撲剿并移會近汛協力窮追無分畛域盡絕根株使地方安寧斯稱職守近訪聞各該將領玩愒成風遇有土寇竊發疆界毗連惟率推諉或以驅趕出境即可卸責更且遲疑畏縮臨敵不前以致鼠賊蔓延肆為民害即如狡賊謝雙奇等不過通誅遺孽竄跡大嵐四明山中勾聯烏合維

李文襄公別錄卷四

靖寇安民

四十一

時官兵各路會剿奚難捕獲乃一任其乘潮下海是皆軍紀不嚴何能掃蕩寇氛勉圖實效合行嚴飭為此牌仰該將領照牌事理嗣後一應險要地方務須嚴督官兵加謹巡察如遇土寇流突或盜賊生發一而移明該縣印官多撥捕役率同團練并知會鄰汛防兵協同搜勦根株未靖不許遽撤回汛復致蔓延倘敢仍然怠玩坐悞事機推諉因循養癰貽患以致渠魁滿網遺孽復萌該將領從權官兵分協之名不能靖寇安民於地方安頓定行從重指參決不寬貸至嚴至切

檄飭嚴協防勦機宜

康熙十五年八月

為申飭軍機事照得逆賊屯踞開常屢據各將塘報遂安情形緊急請兵添防查在遂各該協營官兵屢次調集已成大旅不為單薄該將職專統領應將各汛險要從長相度某處最險當設重兵某處稍緩止須防範兼顧用某處之兵策應用某處之兵逐一妥籌有備無患至出師進勦尤必審度時勢調遣得宜以期有戰必勝在汛官兵務必時加操演一經分派各有專汛不許偷安懈惰尤須和衷集事共建功勳方無負總統之任今進勦伊邇合再一併嚴飭為此

李文襄公別錄卷四

防勦機宜

四十二

牌仰該副將照牌事理即便遵照將在遂各營官兵籌酌妥當安置分防并將汛地情形及其營官兵見防某處是否俱在防勦各緣由明白開報以憑核奪方今王師臨衢指日進勦誠恐狡賊分頭侵犯誘我兵勞該將尤須申飭加謹固防如有任臆執拗不遵軍令偷安自便欺蒙矯飾致誤事機即便據實報聞軍法具在斷不姑貸倘若調遣乖張偏徇瞻顧稍有疎誤定行從重參處慎勿輕視

照會援勦鎮申明賞罰

康熙十五年八月

為軍務事照得

王駕臨衛軍威百倍弔民於賊全在此舉故必申嚴紀律明示賞罰使人知所激勸則殫命爭先區區小醜不難一鼓而殲該鎮身在行間更宜核實分別賞罰以勵士氣為此照會該鎮照依事理凡遇敵爭先有功人員依前頒定賞格官則加等陞敘兵則從優賞擢一面核明據實開報如有退縮不前故違紀律者即以軍法重治賞罰必行庸功克奏慎勿泄視嚴切嚴切

李文襄公別錄卷四

申明賞罰

四十三

檄飭衛協相地置防

康熙十五年八月

為軍務事照得逆賊雖經敗遁但地方初定之時一應險隘緊要界口自應設立撥兵加謹偵防以為善後之策合即知照為此牌仰該副將照牌事理即將各路地方界址星速查勘明白某處係緊要汛地今應作何安設營官某人帶領兵丁若干名防禦偵探保固地方如有伏莽未除潛匿蹤跡者責令晝夜稽查搜緝務期奸宄潛消疆圉永固該將有地方專責不得疎虞遲誤仍將安設緣由立速具報查考

檄飭嚴協會兵乘機撲勦

康熙十五年八月

為塘報事據該副將呈稱遂安兵單不足戰守呈請添發官兵緣由又為稟報事各等因到本部院據此為照開化逆賊向日敢肆猖獗原恃常山各路賊營應援今下洲老巢賊渠敗遁大兵進發直抵仙霞恢復江山縣城復又分路蕩勦常山已經攻克大小逆賊咸皆喪膽遂安賊徒自必聞風驚惶已經本部院檄行該副將將遂開各賊相機一併殲除在案今據前因合再飭知為此牌仰該副將照牌事理即便會同在遂各將弁乘賊披靡之時立即相機撲勦先聲

李文襄公別錄卷四

檄飭撲勦

四十四

所至草木皆兵無庸添發自必成功仍須設法招撫以全羣黎生命軍行之處紀律嚴明不許私至有犯乘時樹績以待超遷毋得藉端觀望坐失事機嚴切嚴切

檄飭嚴協赴開化防禦

康熙十五年八月

為亟飭駐守開城相機勦撫事照得衢郡河西賊寇敗遁我兵分路進勦恢復江常攻克仙霞直抵閩境今聞開化賊眾亦經宵遁新復地方急須官兵駐守合亟知照為此牌仰該副將照牌事理即將原額各官兵會同都督謝鳳遊擊朱知微守備廖成功等即日整頓兵馬星赴開化縣駐守相度要隘嚴加防禦如伏莽未靖即行相機勦撫被難民人多方招徠早歸復業倘有兵丁不遵紀律騷擾地方者立按軍法重治并將賊寇敗遁情形不時飛報立速

李文襄公別錄卷四

駐守開化

四十五

照會援勦鎮嚴查營兵藏匿婦女

康熙十五年八月

為嚴查營兵藏匿婦女以肅軍紀事照得官兵進勦收復江山原為靖寇救民面奉

親王令諭不許擅動民間一草一木違者即以軍法從事向來逆賊擄掠開常一帶子女悉皆安頓江邑今敗勦奔逃遺棄甚多倘有不法兵丁潛行藏匿大干法紀合亟嚴查為此照會該鎮查照事理即便通查各營如有收藏者許即首明交與該縣看護俟親屬認領完聚如敢隱藏不報查出指名開報以憑按法重處該管營弁一體治罪斷不輕恕嚴切

照會溫州平陽二鎮乘機勦撫

康熙十五年八月

為緊急軍務事照得逆賊馬九王敗遁我兵恢復江常開化三縣直搗仙霞連奪三關勢同破竹大兵進閩逆賊倒戈溫處負隅之賊膽落魂搖正宜宣布皇仁乘時招撫立使解散一面相機撲勦先聲所至立可成功且近日情形未據該鎮具報合即飭知為此照會該鎮查照事理即將各路逆賊有應設法招撫者即速多方曉諭招撫其負固拒命者即行撲勦務必淨絕根株早使難民復業并將情形不時飛報以憑籌度

李文襄公別錄卷四

溫平勦撫

四十六

檄參將蔣懋勛統領駐防常山官兵

康熙十五年八月

為知照統領事照得官兵駐防常山營制不一非得能將統領無以明約束而資捍禦該參將軍紀素嚴才識通練現今駐常合行專委統領為此牌仰該參將照牌事理即便嚴中軍紀加意鈴束凡在常各鎮官兵悉聽該參將統領務須恤兵愛民與各將弁和衷共濟毋得推諉玩弛致負委任如有不法弁兵不遵約束立即據實具報以憑究處

檄催福督中軍官兵赴衢防勦 康熙十五年八月

為軍務事奉

親王令諭福建督標官兵本親王已經行文調赴衢州該督將爾處綠旗官兵酌發一千員名速赴江山防禦等因奉此為照衢郡逆賊雖經敗遁但西龍開常及廣信等處尚多伏莽需兵正殷今在衢官兵奉親王調取前去衢城兵單該標官兵速應赴衢防勦合亟知照為此牌仰該將照牌事理即將該標原奉令諭調赴衢州官兵立即遵照刻日統領赴衢事關軍務不得遲延

李文襄公別錄卷四 檄催官兵 四十七

飭金協都司任九玉勦撫湯溪土賊 康熙十五年八月

為飭知事照得該都司已經本部院

題補江南前營遊擊員缺項准

福建提督段 移催着令赴任前來似應聽赴新任但查湯溪三源各路賊氛未靖勦撫正殷且該都司駐湯日久於地方情形寇賊出沒自所淡悉若遠行更易一應機宜則初到彼土者猶恐未諳况江常各逆已經掃除湯邑土賊不過附和烏合之徒乘此大創之際勦撫並施何難立靖除移覆福建提督外合即飭知為此牌仰本官照牌事理即將該汛地方

李文襄公別錄卷四 勦撫土賊 四十八

各土寇設法招徠開誠曉諭速令來歸梟寬既在于以自新如有梗頑抗拒本官即督發汛兵用心搜勦務淨根株一切事宜仍當悉心料理聽候部文知照赴任勿因已經陞遷遂爾膜視取咎未便嚴切

撤參將蔣懋勦玉山開化賊寇 康熙十五年九月

為酌議剿撫機宜以靖寇氛事據署常山縣撥報玉山賊首小林兒等帶領二百餘人在三十六都山內每日辰來午去又玉山子午口賊首顏飛隆帶領四五百人在彼住劄又開化賊寇俱退至龍山源其賊首吳正陳祿馬鵬張世英陳山張見可等步賊數千查龍山源北通開化東通華埠又通常山七都球雖為江右玉山德興歧界實與開常毗連豈容依險負隅致貽後患合行酌議剿撫為此牌仰該參將照牌事理即便會同該縣并行間將弁從長確籌將玉山

李文襄公別錄卷四 開王勦撫 四十九

縣賊首小林兒等作何招撫其開化縣龍山源各賊在近日機宜自應先撫後勦或即遴選能事之人前往曉諭禍福開陳順逆利害招徠歸順如仍倚頑抗拒乘其營壘未固器械未備之時酌發勁兵密訂期期同日進剿并接連玉山之隘口作何防禦一併酌議妥當星速具報以憑調度事關軍機毋得刻遲密速

屏委標官卞佳招撫 康熙十五年九月

為特委招撫以安殘黎事照得逆賊敗遁難民亟宜來歸其從前迫脅之情本部院屢經示明宥懲樂不追究乃聞各鄉猶有負隅山谷徘徊觀望者甚失本部院矜恤至意合行委官招撫為此牌仰本官照牌事理即便會同巡檢胡應龍投誠遊擊張三虎前往洋溪源白巖源周公源尖樓蔡口獨山周公口翁源湖山遂昌廿四都洋坑黃壇源龍鼻頭相思溪口湖南破石柴家嶺舉村嚴剝柘木十一都石門一帶四都地方等處相機招撫如有負固賊黨及無歸難民

李文襄公別錄卷四 委官招撫 五十一

本官開陳利害嘉予維新設法招集具報安插其帶去練長鄉兵俱聽本官約束嚴行禁賊不許生事擾民如有違犯本官亦難辭咎至於洋溪源有無逆賊馬勝造就砲位軍器隱藏在彼本官務須確查回覆如係妄傳不得借端搜查騷擾民間自干軍法倘能實心任事靖寇安民勤勞著績本部院隨當覈拔題敘如或怠忽乖張定行按法究處不貸

獎勵千總趙秀

康熙十五年九月

為獎勵事據標下將參將報稱原常山把總何起先
叛受偽副將潛伏不赴投誠又偽遊擊祝茂華仍領
兵叛踞卑職前領憲票印差千總趙秀冒險入山宣
佈招撫今於初七日二人俱經出山投誠見在給賞
外理合稟報等因到本部院據此為照寇氛伏莽招
撫宜先該弁獨能冒險入山開誠撫輯以致偽弁何
起先等傾心向化殊為可嘉合行獎勵為此牌仰本
官照牌事理即便益加勉勵立功報效果能再立功
勤本部院自有甄拔勉旃毋忽

李文襄公別錄卷四

獎勵千總

五十一

檄參將蔣懋勛招撫廣信地方

康熙十五年九月

為軍務事據該參將稟報選差撲得玉山縣有廣信
府領兵賊首汪總兵林十二桑明王福等創營於一
都楊宅地方有偽把總何起先同偽遊擊祝茂華已
經投誠等情到本部院據此為照玉山雖屬江右地
鄰常邑所有遺孽正在勢窮若遣人齋諭往招必開
風歸命合行知照相機招撫為此牌仰該參將照牌
事理即將發來諭帖會同金華府王同知商酌鼓勵
投誠何起先齋往廣信府玉山縣等處地方開誠招
諭立功之日定行敘錄俱毋違錯

牌委標員疊更司賑浙閩過往人夫

十五年九月二十年起

為委司賑給稽察人夫事照得大兵駐閩差使交馳
一應人夫匍匐長途殊為困苦先經本部院酌計道
路捐發銀兩建設廠所買備米石茶葉什物委官賑
給粥食茶湯稍救饑渴兼恐過往滿漢兵丁擅捉人
夫投害地方是以即令該委官照站稽察人夫在案
今已一月應行更換合行知照為此牌仰本官照牌
事理即便前赴江山縣等處與原委官宋瑞昭等交
替明白本官管理賑給事宜遇有過往人夫給與粥
食務聽充飽煎備茶湯隨便接濟不得缺乏如人夫

李文襄公別錄卷四

更換司賑

五十二

落晚無處投宿者准與安歇將賑過人夫每十日一
報查考仍將過往人夫逐名查問如係不法兵丁私
自捉來而無牌票執據者即行攔住放歸不許該兵
帶去如敢抗違無論滿漢旗營兵廝許即查明的確
姓名一面指報以憑嚴拏究治本官務須專心董理
禁察侵盜體恤窮民嚴查夫役副此委任不得怠忽
曠徇取咎

飭金協副將乘時招撫

康熙十五年九月

為亟飭乘時招撫以安地方事照得閩逆敗遁各路零星殘寇無路可逃必至倚山負固乘此勢窮膽落之際苟能分遣的當人役設法招徠自必革心向化况本部院先經給示日來近處餘黨接踵輸誠已有明效今據該副將稟稱東武義等處行本營守備朱佳麟遣差招撫西湯溪等處行千總徐九乾豐旭等遣發招撫南山一帶令千把總許國用常定邦等分投招撫俱令近山人民齎示入山等情雖云各有責成但機貴敏捷方易收功若或遲回延諉不無致誤

李文襄公別錄卷四

金屬招撫

五十三

合亟申飭為此牌仰該副將照牌事理即查金屬各處山源賊寇一面分委各官相機招徠仍一面遴遣的當人員前往開導乘此軍威赫濯之日正宜及時平靖地方清除積患早為收效以規該將實心任事毋容少緩致誤事機先有來歸者即行鼓勵賞資使餘黨感化如果抗拒不服即便發兵相機搜勦星速用心佈置以副委任仍將勦撫情形不時具報查考均各凜遵勿違

飭樂清營大判營各將乘時撫勦

康熙十五年九月

為亟飭乘時撫勦以靖地方事照得溫州樂清地方淪陷已久前此猶以賊勢鴟張徐圖恢復今自衢郡下洲巨逆敗遁

王師斬關入閩直抵建寧處州石塘相繼勦蕩大兵收復雲松會師進取聲靈赫濯各路餘孽望風瓦解甌城象浦即或拒守亦皆釜底游魂其他山源小醜乘時勦撫平定地方刻不容緩該將身在疆圍亟宜料理合即申飭為此牌仰該將照牌事理即將未靖逆黨酌量機宜或勦或撫凡有革心歸命者即當予以

李文襄公別錄卷四

檄飭撫勦

五十四

自新如或率眾輸誠尤宜多方鼓勵除專委台巡道前赴綏輯外其賊踞各縣作速相機恢復若有發兵撲勦之處即與該道合議而行毋得因循致誤事機并嚴禁兵丁借端騷擾一應情形不時飛報以憑調度該將若能實心整理克敵立功本部院自當優敘倘或怠玩泄視軍政所關毋干各責至切

照會黃巖鎮撫輯鄰疆

康熙十五年九月

為特委撫輯鄰疆以靖寇亂事照得閩逆構禍三載地方被其淪陷人民悉罹湯火今

王師分路進剿所向無敵旬月之間衛屬各縣悉皆恢復處州石塘相繼掃除本部院念此殘疆百計整頓今各屬投戈效順者殆無虛日惟溫州叛鎮尙在逋誅但逆賊大勢已傾衆心瓦解乘此亟宜開導予以自新必盡輸誠恐後除經檄委台巡道前往大荆樂清一帶相機招撫緩輯流離并令酌動官銀鼓勵激賞以風向化外合併知照為此照會該鎮查照事理

李文襄公別錄卷四

撫輯鄰疆

五十五

即便會同該道無分汛守多方招撫安輯如各路餘孽有能率衆投誠者會同該道鼓勵激賞分別安插其或仍前結聚即便遣發官兵撲剿示創以靖地方至叛鎮祖勳等若能悔禍革面自應悉宥前愆保全合境生靈仍當特疏

題請該鎮務須顯示此意俾令來歸一切應行事宜悉心區畫仍將被難人民加意撫恤凡有情形不時具報以憑調度該鎮謀勇素著故特專委料理以紓本部院東顧惟實心任事立有功績定當特疏

題敘切勿泄視

飭原任把總胡聯啓率兵來歸

康熙十五年九月

為投誠事據該把總詞稱原防遂昌因兵寡莫支萬不獲已暫歸賊營受偽副將原非甘心從賊今幸大兵勦撫重覩天日伏乞准予投誠賞給委牌免罪執照以圖報効等情到本部院據此為照閩逆叛變侵犯疆圉處屬地方駐守官兵或衆寡不敵因而淪陷失身自非得已本部院原諒心迹屢示招徠在案况朝廷恩綸沛沛脅從罔治凡有自拔來歸率衆納款者俱照原銜錄用煌煌

天語炳若日星今該把總既能自拔矢志可嘉除另給免

李文襄公別錄卷四

牌飭投誠

五十六

罪照票外合再行知為此牌仰原任處協把總胡聯啓遵照即將所領兵丁一併率領來歸再行設法招徠立功報効定行從優敘錄毋得遲疑

照會溫州鎮勦撫直取甌城

康熙十五年九月

為亟飭乘時勦撫以復疆圉事照得閩逆構禍三載淪陷地方人民悉罹湯火令

王師分路進剿所向克捷衛屬各縣盡皆恢復處屬漸次蕩平僅東甌一城尚未底定頃據樂清縣申報逃出難民供稱城中賊已寥寥坊市盡閉俱有倉惶失措之狀各路逆賊敗副大勢已傾乘勝發兵長驅前進誠可不戰而克該鎮隨軍進剿是以微行黃巖鎮就近聲援并行台巡道相機招撫在案今該鎮既已回處自應及時勦撫除移咨駐處總統莫 并行

李文襄公別錄卷四

直取甌城

五十七

署處協王參將外合行飭知為此照會該鎮查照事理即便會商總統莫 并王參將將見在官兵滿甲及駐紮雲兵立即酌調齊備相機前進直取溫州所到地方申嚴號令撫輯殘黎務期秋毫無犯仍當設法招撫開誠曉諭若能悔禍獻城革心向化保全合境生靈准予從優擢用其投誠人等多方鼓勵一應事宜從長籌酌快復郡城本部院特疏 題敘以酬勳勞仍將發兵勦撫緣由不時具報以憑調度均勿遲違密達

牌給千總葉順招撫

康熙十五年九月

為開誠招撫以廣

皇仁事照得閩逆造亂淪陷地方一時受惑被脅之人悔悟有心自拔無路良可哀矜今賊寇敗遁正解甲歸正之時從前罪愆已經示諭槩不追究據稟有偽員勞雙隆原投都司劄付隨有多人俱在遂昌源蕩懇給免死照驗遵赴投誠合即給牌招撫為此牌給千總葉順赴該地方傳本部院開誠至意即令率眾來歸願効力者准原銜錄用願歸農者安插得所勿得遲疑該千總招撫有功一併獎勵

李文襄公別錄卷四

招撫偽員

五十八

牌給守備尹升招撫

康熙十五年九月

為開誠招撫以廣

皇仁事照得閩逆流毒所到附從之人率遭迫脅自拔殊難誠堪矜憫本部院屢行招諭並宥前愆今查原任衛協千總王孝向化有心猶豫未決合即給牌招撫為此牌給守備尹升赴該地方傳宣曉諭從前罪過槩不追究即令率眾來歸准予原銜錄用其隨附兵丁願食糧准收入伍欲歸農即當安插勿得遲疑有負本部院開誠至意該員招撫有功一併獎勵

照會溫州鎮亟赴料理嚴疆 康熙十五年十月

為亟飭赴溫料理保固嚴疆事照得溫州被陷官民已經剃髮歸誠惟是該郡淪沒已久城鄉殘破人民逃亡及今恢復務必從新整頓加意料理除嚴檄布政司速催在省府縣星馳赴任外合亟飛檄嚴飭為此照會該鎮查照事理文到立即前赴溫州彈壓地方將見今投誠原授偽職人員并有無偽劄印信者逐一通查明白星速造冊呈送以憑

題敘至尚有無知餘黨懷疑畏罪竄匿山谷及乘船潛遁海濱者該鎮即便開誠曉諭着令迅速來歸如能

李文襄公別錄卷四 溫州彈壓 五十九

帶有賊船兵丁效順者自當從優敘錄至於城鄉外民久罹湯火困苦倍常務必加意懷保安插得所一應官兵更須申明號令嚴行約束不許藉端搜捕騷擾如有故違即以軍法重治其瑞安平陽二縣今應作何綏靖凡有未盡事宜該鎮從長區畫悉心運籌以副倚任不得因循怠忽致干咎愆仍將奉行緣由具文報查毋違

檄飭沿海鎮將稽察固防 康熙十七年三月

為欲靖海氛務嚴汛守再申稽察之令以固邊防事照得海逆未靖賊踪飄突靡常汛守官兵所當刻刻隄防晝夜瞭摸至如昏夜陰霾風潮緊急之際或逆寇游移洋面奸民窺隙潛通尤宜加謹巡邏奮勇堵禦以杜登犯透越本部院節次飭行不啻三令五申矣查近據各屬塘報仍有海寇登犯劫掠民人殺傷男婦焚燬屋宇之事皆由設防官兵疎玩懈弛虛冒汛守奸民交通接濟甚有惑不畏死之弁知情故縱覓利營私平時既失稽查臨事又多畏怯扶同玩忽

李文襄公別錄卷四 稽察固防 六十

大千軍紀除經分案查取疎防職名叅處外值此春汛已屆邊烽未息合再嚴飭為此照會該鎮照依事理即便督飭汛防官兵凡臺寨撥派弁目不時查點毋許影射虛伍擅離汛守責令晝夜瞭防如有賊艘飄忽登犯立即一面堵禦一面飛報該營將親領官兵撲勦毋使登劫沿海居民平時巡查稽察申嚴保甲如有形蹤不軌之徒置備違禁貨物及借名捕魚出入界外者立時協擊申解究擬慎勿徇玩故縱致干法網總之內奸斂戢外寇自消防禦既周邊方自固該鎮將身在地方責任所係毋視泛常凜之慎之

諭杭州溫州二副將犒賞弁目兵丁

康熙十七年六月

論馬趙二副將知悉往日浙省用兵該將等著積疆場身不解甲歷經三載本部院每念艱危之際賴爾將士同心齊力得以成功地方既平正期共得休息而該管官兵隨征入閩又經二年比之各營勞苦更倍本部院時切懸念屢啓

親王調回爾等

親王以浙江官兵皆忠勇用命藉以護衛軍前是以未

允今復調援漳州雖將士矢心報

國樹立勳名固為素志但回浙之期尚未可定當此炎

李文襄公別錄卷四

犒賞弁兵

六十一

天枕戈對壘本部院遠在隔省無由親自撫恤淡軫於懷今特差員齎銀四百兩赴營聊充牛酒之資該將可照單開數自分給弁目兵丁傳諭本部院慰勞之意特諭

照會定溫平三鎮沿海嚴謹備禦

康熙十七年八月

為浙閩海洋連接亟飭謹嚴整備事照得沿海賊寇連踪窺犯每據申報輒云尾追不及未聞大創捷音致彼來去自如日肆猖獗是各將弁於聯絡策應出奇制勝之道全未講求徒以水陸遙隔為詞不思地方一有疎虞百豕何能辭咎况今閩省海寇正在鴟張狡謀不可不備或浙洋之寇窺我官兵調發因而勾引大夥乘機突犯或閩洋之寇見大兵陸續南下因而流突浙境以圖避竄擊虛皆不可定一切營伍汛守事宜務須從新整頓處處周防事事警飭必使

李文襄公別錄卷四

沿海備禦

六十二

無懈可乘庶可保固疆宇合亟申飭為此照會該鎮查照事理即便嚴行所轄簡練兵丁秣養馬匹整齊砲械查有老弱兵丁速行簡汰即日頂補砲位久未試用者即行洗試如或火藥不敷立即請給弓箭等項逐一驗備其要隘處所務選能員領兵防守應添撥者速即添撥哨探瞭望務令星馳傳報如遇警息本汛鄰汛以及存城官兵協力勦禦不得畝視至調缺額兵本部院現在酌議另候知照勿以籲請增兵虛文塞責文到即將各項事宜作何整頓緣由具文備覆倘悠忽從事取咎匪細慎速

檄湖處杭嚴四協調兵彈壓延平 康熙十七年八月

為海氛方熾等事康熙十七年八月初一日准

兵部密咨內開題覆福建撫院吳 題前事等因

今福建延平等府需兵彈壓應將浙省各營官兵或

三千或二千名即速調遣迅發彈壓延平等處等因

奉

旨依議速行欽此移咨到本部院准此為照浙省地方山

海交錯額兵原少且又屢經抽調汛防自是不敷今

既奉

旨調遣自應欽遵除將浙省調援益亭官兵發往延平外

李文襄公別錄卷四 彈壓延平 六十三

令再抽調為此牌仰該副將照牌事理即於該協營

內挑選精兵八百名委前總領薛受益千總羅士英等

統領星赴本部院軍前聽候遣發不得遲延短少致

干軍紀需用大船移知經過地方官撥給弁飭該管

官約束兵丁不許沿途生事至於絡繹汛地仍酌量

派撥加謹巡防毋得稍有疎忽先將官兵員名數目

起行日期具報查考勿違

照會定海鎮飭催撲剿海寇 康熙十七年八月

為移商防守以固海疆事案據該鎮具詳象汛石燕

港等處海賊盤踞今戰船現在修造未便撲剿請一

面嚴飭沿海汛防加謹備禦俟船隻完工督師搜剿

等因本部院查先據象山營請發舟師先剿石燕港

等處餘孽批行該鎮速議原非專為象山一汛現今

堪用戰船尚有二十餘隻若整飭將士上船演練使

時刻有出洋之勢遇可襲擊之處相機迅發雖蕩盡

餘氛必候戰船齊備如隨時零剿見在之船儘可生

法前曾照會該鎮未據確覆邇來海洋賊艘日漸增

李文襄公別錄卷四 飭勦海寇 六十四

加若不設法撲剿貽誤非輕令再飭催為此照會該

鎮查照事理即將近日鹿頭頭石燕港等處逆賊踞

巢及往來游移情形速行確探并現在堪用戰船作

速整頓出奇制勝立速確議具詳核奪現今寧郡所

屬地方已經題奉

俞旨令該鎮管轄責任綦重毋再悠忽致誤事機大有未

便速速

差員嚴拏不法兵廝 康熙十七年八月

為嚴拏不法兵廝騷擾地方勒帶過站人夫事照得西安江山地方路當進關孔道過往兵馬絡繹不絕一應夫役皆取給於該縣百姓供應繁苦疲憊已極聞有不法兵廝將領到人夫勒索折價併於身畔搜取盤費甚至衣服食物罄削一空又將水次緯夫逼勒挑運過站稍不如意百般筆楚日夜無寧以致夫役死亡接踵兵廝成羣作隊經過地方擅入村莊搶奪牲畜物件捉拏民人驚嚇婦女種種橫行無惡不作屢經本部院禁載在案合再差官查拏為此牌仰

李文襄公別錄卷四 差拏兵廝 六十五

本官照牌事理即便前赴百靈街江山縣清湖地方以及廿八都沿途禁戢兵廝不許生事滋擾凡西安緯夫送船至江山即行盡數放回不許留帶一夫過站如有前項不法兵廝捉留人夫或強勒折乾搜剝衣服食物并擅入民家恣意擾害者即行拏解軍前以憑會同

都統審實輕則按依軍法懲處重則啓請

親王察究如有夫役患病及被兵丁毆傷不能前往者即留發回不得仍令帶往如有違犯一併拏解究治不貸

飭衛處二協副將防剿竄賊 康熙十七年八月

為嚴飭防剿竄賊以固疆圉事照得逆賊江機楊一豹等盤踞上永錢村等處出沒擾害先經本部院啓請

親王并准

江西督院咨移會合三省剿除本部院節經檄行援防各營整備進剿在案今聞逆孽已知三省大兵合剿自揣勢窮力蹙四散奔竄多往處屬山谷隱藏雖釜底游魂不足為慮但匪類潛蹤終為地方貽害合亟密飭為此牌仰該將照牌事理即便遵照立選能

李文襄公別錄卷四 防剿竄賊 六十六

員前赴仙霞關江山鳳林各處確勘通達賊營要隘處所多撥精兵扼守如有賊徒宵遁即便尾追盡行勦殺倘遇形蹤詭秘之徒必須嚴行盤詰拏究毋使一草漏網仍差精細目兵遠偵確獲凡有情形不時飛報以憑調度毋得違錯

檄中軍副將會勦江西逆賊 康熙十七年八月

為緊急軍務事康熙十七年八月十七日准

江西總督部院董 咨開照得逆賊楊一豹江拐

子等盤踞中錢村洪山等處荼毒生民今本部院親

統官兵已抵信郡的於本月二十以內調發官兵分

路進剿相應咨請貴部院速發貴省官兵由馬踏跡

關而進務於十八日至錢村會剿庶逆賊不致奔逸

等因到本部院准此為照逆賊江機楊一豹等盤踞

江西永豐一帶錢村等處出沒擾害先經本部院啓

請

李文襄公別錄卷四 檄委會勦 六十七

親王會同三省官兵合剿今又准

江西督院咨會等因前來合行專委統領為此牌仰

該副將照牌事理即便遵照帶領標下并衛協官兵

八百名見調常山兵二百名共成一千名一併統領

次早起程由永豐前赴馬踏跡關會同江西福建官

兵確撲逆孽情形嚴行次勦務靖根株毋使遺孽流

突貽害地方仍將進剿情形不時飛報以憑調度所

過地方務須約束兵丁秋毫無犯功成之日定行特

疏

題敘毋得怠忽

檄金協都司郭正明等截擊敗寇 康熙十七年八月

為軍務事據該都司等呈稱見在盆亭兵丁四百餘

名今或往延平或候會勦統候裁示等因到本部院

據此為照該都司等所領官兵先經檄行前赴延平

彈壓今永饒餘逆見在會勦已經本部院調發標下

中軍副將吳三畏統領官兵由馬踏跡關進發盆亭

等處為控扼三省要地逼近大路總係閩省地方應

暫留駐嚴加堵禦策應以防逆賊奔逸流突據報前

因合亟行知為此牌仰該都司照牌事理即便會同

嚴協都司馬起龍署嘉興營守備張文福將見在官

李文襄公別錄卷四 截擊敗寇 六十八

兵於緊要口子嚴加堵禦仍偵撲江浙進剿情形如

有敗遁逆賊流突一面截擊俟進剿稍定另檄知照

前赴延平不得疎忽

檄守備張萬成領兵協防二渡關

康熙十七年八月

為緊急軍務事照得本部院檄調該守備帶兵赴閩延平彈壓今江西上永餘逆江機楊一豹等流毒地方本部院見在調發官兵移行會勦查二渡關等處為三省扼要界上經檄行嚴協都司馬起龍統領杭湖二協官兵五百名暫行駐守外合即知照為此牌仰該守備照牌事理即將所領兵丁即日前往二渡關會同嚴協都司馬起龍將緊要隘口酌量分防嚴加堵禦如有敗遁逆賊流突侵犯即奮勇截擊以靖根株不得疎玩俟會勦稍定另檄調遣進閩毋違

李文襄公別錄卷四

防二渡關

六十九

檄參將饒承德會兵協勦山寇

康熙十七年八月

為稟報事據該將呈稱逆賊江機等現在三省會勦誠恐逆賊敗遁屢奉嚴飭堵禦今據報逆賊王召福帶領偽眾屯駐永豐九都之松尖山內或探知我兵會勦假就撫之名為賊外應亦不可知亟欲帶兵進勦必需楓嶺營撥發官兵由六石關堵截方克有濟惟因關汛重大呈請示行等因到本部院據此為照逆賊江機等見在三省會勦自必勢窮力竭希冀奔遁先經本部院飭行該將偵探情形相機堵禦在案今據前因查楓嶺營官兵除福建左鎮調遣會勦外存兵無多不能撥發今益亭二渡關已經本部院陸續調發杭湖處協官兵七百名行令都司馬起龍統領堵禦自可就近策應合即知照為此牌仰該將照牌事理即便會同嚴協都司馬起龍將前項逆賊相機勦除以杜流突或開誠招撫以靖地方立即議妥就近酌行仍於各汛嚴加偵探防禦不得疎玩

李文襄公別錄卷四

會兵協勦

七十

檄參將饒承德查仙霞營房窩舖

康熙十七年八月

為軍務事照得仙霞關為浙閩險要是以調發該將帶兵駐守分佈防禦聞在關兵目多有染患疾病必係駐劄處所山嵐瘴霧寒溼侵加或營房窩舖未曾整理以致感冒染疾殊為懸念合即行查為此牌仰該將照牌事理即將仙霞汛地見在駐劄兵丁應需營房窩舖是否足用如應添造或應修理之處立即查勘明白并應需工料匠役人夫等項若干一併估計具文冊報以憑給發銀兩檄行該府縣構造修葺以資屯劄速報毋違

李文襄公別錄卷四 檄查營房 十一

檄參將饒承德招撫江機等渠寇

康熙十七年九月

為特飭開誠招撫以靖鄰氛事照得江西餘寇久不悔禍歸命流害地方見在三省會勦頃據塘報業已攻破巢穴江機退遁雞公山官兵會合刻期進攻本部院念此無知之徒原屬

朝廷赤子或一時失計以致自新無路亡命山林昨據該參將呈報江機等有願赴浙江歸誠等語按其情詞已有悔過遷善之心如果幡然革面自應嘉予維新除經給牌差委隨征都司鄭鳳城招撫外合併知照為此牌仰該將照牌事理即便遴選精細嚮導弁專

李文襄公別錄卷四 招撫江機 十一

委人員協同本官不必由吳副將及會勦各營盤前進另覓路徑開誠招撫明示禍福宣布

皇恩如能及早歸誠從前罪愆槩免追究仍准分別錄用兵丁補伍歸農安插得所務令乘時向化不得疑畏觀望自失良圖該將等招撫著績一併從優題敘將遣發緣由速報查考發來免罪牌一併收付毋違

李文襄公別錄卷四終

李文襄公別錄卷之五

文告紀事

關防詐偽告示

示禁門兵需索

示禁汛防擾害


申嚴反坐禁止白呈

示禁兵棍搶奪

示禁渡夫勒詐

示禁餽遺

申嚴夜禁



李文襄公別錄卷五

目錄

示禁措勒領餉

示禁保歇積弊

示諭遵嚴保甲舉首奸宄

曉諭安民

曉諭立法辨認截髮良民

召募金華獵戶効用軍前告示

示禁兵廝沿江騷擾

示給船戶口糧

示禁悍兵旗廝騷擾

申嚴軍令條約

大兵經臨地方安民告示

飭行團練保甲告示

曉諭被脅良民

示禁阻撓投誠

示諭招撫脅從將士

大兵進剿散示歸誠

宣揚大義撫納歸誠告示

嚴禁妄殺搶擄告示

招撫溫處陷賊官兵歸正告示

示禁義烏投誠擾民

李文襄公別錄卷五

目錄

示禁駐防處郡弁兵下鄉騷擾

曉諭江甯開三縣陷賊士民來歸

李文襄公別錄卷五

男 鍾麟編次

關防詐偽告示

康熙十二年十月

為關防詐偽事照得本部院通籍以來一任司李再
擢巡臺兢兢潔已奉公外見諒於輿評內無慚於余
影今復蒙

簡畀總督全浙自念生平宦遊半在茲土山川屢識其面
大日久鑒此心矢慎矢勤益嚴益恭藉以下行所學上報
王知惟是浙省五方雜處奸宄叢生素所稔悉本部院籍
本山東青箱世長羣從子弟皆令閉戶讀書從不游

李文襄公別錄卷五

關防詐偽

學經商擅離鄉邑况孤介性成交游絕少即與利險
弊一一潛心諮詢並不寄耳目於人今在任方新誠
恐有等無藉棍徒不知利害或假認宗黨或冒認親
朋或謬指師友淵源或妄述譜牒世好勾引土棍廣
布聲援借徑居停潛通線索不惟詐騙小民寔至招
搖屬吏庸愚誤信其奸往往自投法網本部院冰霜
厲志鐵石為心除一面親行訪拏仍檄各屬密緝外
合行曉諭為此示仰所屬文武官吏軍民人等知悉
即便恪遵禁約設法密緝如有各項奸徒指稱何等
名色潛藏何方寓所勾連某處衙憲交接何官關說

何事曾否索物受賾有無被害証佐俱許一一訪確

立擒諸犯火速研審若果事屬有據即按光棍定例

擬以重罪詳解前來以憑親究明白具

題正法倘地方官奉行不力失於覺察抑或通同容隱

不行捉獲申解一經本部院訪聞及被他人首告即

將徇庇孽贖劣狀指名

題參法在必行斷無寬假務各洗心滌慮痛革非為若

待禍及身家則已噬臍無及莫謂本部院約法不早

也

李文襄公別錄卷五

關防詐偽

十一

示禁門兵需索

康熙十二年十月

為嚴禁門兵需索以肅法紀以便商民事照得設立門兵原令稽察奸宄兼司啓閉豈容借端生事今聞守門兵丁不遵軍紀凡遇負販食物輒敢私抽狼藉無異搶奪其有攜帶包裹行人及婦女肩輿出入往往勒索銀錢故意攔阻至於迎婚出殯吉凶大故尤為奇貨可居刁措苛索無所不至爾等門兵皆從營伍輪值稟給則有月糧約束則有紀律豈宜乘機搜貨恣肆為非合行嚴加禁戢為此示仰守門官兵等知悉嗣後務須凜遵軍律凡遇往來士民商旅人等

李文襄公別錄卷五

禁威門兵

十一

或賈易大小貨物俱不得仍前抽取一切婚喪迎送亦不得攔截吹求如敢故違一經本部院巡擊訊確必加重處并許受害人等備將經過某門月日被搶何物被詐何財明白開列徑赴本部院轅門據實鳴告即行按日查拏立加究治法在必行慎毋身試各宜凜遵

示禁汛防擾害

康熙十二年十一月

為嚴禁汛防弁兵擾害地方以肅軍紀事照得朝廷設立官兵駐防該汛原為禦盜安民並不許生端滋擾近訪台州寧海等處沿海地方向來奉遷居民近

新恩復業舊有田疇廬舍久成甌脫流離甫經安集拮据構葺備極艱難又因開墾積荒重息揭債雖胼胝是其職分而剝肉實可矜憐乃有巡防劣弁罔恤民艱恣行貪暴縱容悍卒勾結土棍凡遇油麻穀麥茶豆柴炭魚蝦等物皆係民力所出藉為生計者輒敢虛

李文襄公別錄卷五

嚴飭汛防

十四

稱官價公然攘其所有以致小民資身無策飲泣吞聲而地方無賴棍徒樂為羽翼糾派月糧馬料炙詐酒食混灑差錢刻剝民脂分填婪壑甚至強買米穀更逼挑送或繳還官價仍索領狀又或擅放管債毒月加二盤算準人妻子拆人骨肉刁措故券冀留葛藤又或霸種民田強砍民樹至藉口遊巡名色則佔民之居奪民之食種種惡狀擢髮難窮此離子遺日遭侵害本部院節制通省一夫不獲卽有負簡昇隆恩今蒞任之初令行出示嚴禁除已往姑不究外自本部院申飭之後凡爾汛防弁兵等各宜洗心滌

慮格遵紀律盡力防禦地方不許纖毫騷擾該道府及該將領不時密訪倘有不遵仍前侵害居民者着卽據實飛報或被害人赴本處告理卽與申詳以憑本部院審確悉按軍法重處該將領一併題參究治爾等弁髦成習祇緣向來雖曾飭禁未經盡法懲創以致藐玩視爲具文今本部院執法如山斷不妨貸各宜遵守慎勿嘗試

李文襄公別錄卷五

嚴飭汛防

五

申嚴反坐禁止白呈

康熙十二年十一月

爲嚴別呈狀并申明反坐之法以杜陷害以安民生事照得浙省連遭荒歉民不聊生本部院洞燭在心下車之初卽嚴禁官蠹弁兵不許生端擾害務使爾民安分樂業庶幾快覩雍熙至於詞訟一節原爲申理冤抑不意近來人情刁險輕聽訟師煽惑捏駕不根欺誑官府動將白呈混瀆或一呈而言累千百或一事而牽犯多人甚至案已生塵急同拯溺事如風馬慘過剝膚非稱倚勢抄屠卽指統兵劫殺論相加之暴則似人盡九頭計被詐之賊又若家藏金穴縱

李文襄公別錄卷五

申嚴反坐

六

橫筆底總是子虛問其肺肝只圖一准不思事旣經官堂逃法訊反坐之律何等森嚴而乃不自三思好爭健訟小則拋荒生計大則貽禍身家苟是良民必不出此爲此示諭閩粵軍民人等知悉嗣後各宜安居守分不得聽信訟棍扛唆致干法紀果有重情奇冤萬不容已必要一字不虛言言皆實照例於每月初二日赴控亦止紳衿學校方許具呈一應民詞皆用格眼狀式具告至於反坐之律原不止論全虛譬如告人三命內二命情真自治二命以應抵之辟一命若虛必加以一命反坐之條告賊百兩內九十兩

情真自治九十兩以應得之罪十兩情虛必加十兩以反坐之法一惟利害何苦為之倘敢不遵狀式仍進寫呈狀等字樣白呈混擾者除不准外定行嚴提重處決不姑貸

李文襄公別錄卷五

申嚴反坐

七

示禁兵棍搶奪

康熙十二年十一月

為禁戢兵棍曠野搶奪以安商民事照得西興關口錢江西岸乃商民買販往來絡繹孔道其間牧馬營廝毒於沙灘曠野窺有孤客遠商負販貨物攜挈行李囊艷目欺心往往結黨成羣中途邀截或搜奪行李或搶剝衣帽譁然四散既無地方救應復鮮官兵追擒遂使孤立無援嗚冤莫助杭紹通衢大道商民裹足難行殊非法紀除經差官巡拏外合行示禁為此示仰商民人等知悉嗣後往來錢塘江岸西興渡口倘遇有不法兵廝及地方奸棍恃強搶奪貨物行李

李文襄公別錄卷五

兵棍搶奪

八

衣帽者即時喊鳴該地方巡邏官兵協力追擒連人賊解赴本部院軍前以憑會審重究倘巡邏官兵坐視不救聽其搶奪通逸者許受害商民記明時日經過何處失何物件曾否喊鳴防守官兵因何不救據實赴轅門呈稟立行查出以扶同容隱一體治罪決不輕貸

示禁渡夫勒詐

康熙十二年十二月

為嚴禁渡夫勒詐以甦商民積困事照得錢江渡口原係杭紹往來通津其間客商絡繹常恐洪濤巨浪一時覆溺堪虞向因渡夫乘機勒詐立有碑禁不許多載人貨橫索銀錢特建靖浪亭房以便行人休息凡遇風波偶作鳴鐘止渡不許舟人嗜利冒險誠屬便民利濟至計茲值歲暮一應手藝窮民貿易商賈以及訓館書生終歲勤勞異鄉自然各思歸里度此新年近聞渡夫仍蹈故轍任意勒詐毒毒將船拋泊江心遇有行人肩挑背負而來一夫攘奪行李一夫

李文襄公別錄卷五

渡夫勒詐

九

拉扯行人遂使人貨兩離伴侶疎失形同邀截及孤客登舟名為載頭延捱招攬挨擠滿船猶不輕易開行常至潮頭驟到激浪排空危險異常悍然不顧每遇霜雪之朝風雨之夕行人忍飢受凍慘不可言幸而將近江岸復停楫中流迫索重資校諸尋常不至數倍不止更窺隻身行囊沙灘遼闊四顧無人之時指留不還種種肆害殊為可恨除見在責令巡察官兵查拏解究外合行出示嚴禁為此示仰該地方民人及過往客商人等知悉嗣後如有渡口舟人不遵碑禁仍前攘奪行李多載人貨延捱不開半江勒指

銀錢等弊俱許被害於登岸時喊鳴該地方即行捉拏其巡察官兵協力追擒押解本部院轉門以憑重責柳示如該地方徇縱及巡察官兵賄脫訪出一體嚴拏重究不貸

李文襄公別錄卷五

渡夫勒詐

示禁餽送

康熙十二年十二月

為嚴禁餽遺事照得各官俸薪僅備養廉原無餘費可供餽送况屢奉嚴

旨禁革煌煌

功令咸當凜遵為此示仰閩屬文武官員人等知悉以後凡參謁本部院及投遞公文一槩不許攜帶菓揭餽獻禮物如有故違定行指名

題參其司道將領府廳等官務各洗心滌慮共礪廉隅庶幾改絃易轍政治一新倘或因循陋習貨賄公行一經采訪直確無論與受悉以白簡從事慎之

申嚴夜禁 康熙十三年正月

為嚴禁夜行以靖地方事照得省會重地人民稠雜其中保無奸宄叵測正宜申嚴夜禁以防不虞乃邇來各處雖設有柵欄每夜靜更後仍有行人張燈挈伴冒勢橫行守柵兵民稍加盤詰非指稱督撫司道之衙役即倚藉旗營豪勢以凌人究竟真偽不分奸良莫辨雖有燈籠實難憑信若不嚴禁何以綏寧地方合行出示嚴禁為此示仰督屬官吏兵民人等知悉嗣後定更砲響之後守柵人役謹守局輪一槩不許人行倘有指稱衙門人役緊急公幹必驗印信

李文襄公別錄卷五

申嚴夜禁

十一

牌票實據方許放行不得徒信燈籠致滋奸混如有民間急病延醫生產接穩二項必確詢住址何處今果何往攜帶印信一家牌驗實放行歸途仍依此徑庶便稽查記認其餘不拘何項人員不許擅行干禁倘有勢豪橫行闖越及孤身隻影行蹤詭秘言語支離者守柵人役即協同保甲鄰佑鎖拏天明押赴地方官審明轉解本部院軍前重處不得徇情賄縱察出一併嚴提重究法在必行決不輕貸

示禁措勒領餉 康熙十三年二月

為嚴禁領餉措勒遲延以重兵食事照得官兵荷戈戍守全資糧餉領餉各官遠者千里近者亦數百里跋涉赴省自應遵照掛發號領隨到隨領兌給早得領運回營分散俾邊海窮弁無守候之苦而嚴疆汛守實藉操防今每見領餉官弁經月坐省守候尚未給發軍卒嗷嗷仰望而營弁各有分防險隘久離汛守淡屬未便揆此濡滯情由皆緣胥役作奸希圖剋需索使費打點不到措勒遲延又或日常借端謀幹虛報冒銷皆望領餉之時取償是以一經放餉通

李文襄公別錄卷五

措勒領餉

十二

同扣除在領餉之官守法者又因缺額耽憂執法者正好乘機侵蝕及其領運到營止於十存八九種種弊竇殊干法紀合行示禁為此示仰各營領餉弁兵知悉當此春汛屆嚴各以汛守為重赴省關領餉銀制錢隨到隨給星飛領運回營務須查驗原鞘原封交割營將明白倘有奸胥於搭放餉銀制錢之時借端勒措扣剋短少遲延時日者許據實指名赴本部院轉門呈告以憑嚴拏審究問擬追贖該弁亦不得畱戀耽延中途侵蝕察出立行軍法重處決不輕貸各宜凜遵

示禁保歇

康熙十三年三月

為嚴禁保歇永除積弊以甦民困事照得浙省賦役殷繁民力凋敝兼往歲海濱災荒屢蒙

皇恩蠲賑僅保生全未臻康樂本部院下車以來念爾小民疾苦痛切身受興利必期永行除弊必期盡絕訪聞各屬向有保歇一項最為民害分定都督傳買項首積蠹相承竟同世業民間事涉公庭不論錢糧詞訟認定居停奉為著蔡當其周旋應付宛若親朋實則播弄風波情同鬼蜮每年飯米節規如取租稅不時需索雜費若抽繭絲百計侵漁一手握定糧里認

李文襄公別錄卷五

示禁保歇

十三

充役務交納條銀輸解本色無不任其包攬種種折耗花銷輒曰衙門常例一遇比卯遲到完額又紕卽便扇動經承唆使差役出籤出票索詐分肥或將正額銀米吞侵入腹隱避無蹤追呼敲扑仍歸本人只得剜肉醫瘡重賠重納至於雀角小訟從中鼓浪生風愚民不諳官司倩伊打點某承行應早囑託某公差應許厚酬危言聳動某鄉紳可以依靠某遊客可以央求巧語鋪排無一事不聽其指揮無一處不供其谿壑凡攢眉蹙額之經營皆吸髓吮膏之伎倆此輩惡端昭著人豈無知其如衙門情熟狐鼠成羣串

結一團呼吸相應線索在手因而甘受其把持機弄

四張不得不由其籠絡量其人之愚點隨機打合不廢不休計其家之豐嗇徹底誅求不盡不止嗟此小民正供有限膏血半竭於催提成獄何時資產已空於候讞總因衙役勢如狼虎而保歇為衙役之鬼俵土棍毒如蜂蠆而保歇為土棍之羽翼遂使良民汗血微資但供魚肉輿言及此髮指心傷雖從前屢經禁革而盤踞已深窟穴甚固暫時潛跡旋復現形若不嚴加翦除何以永息民害除密行訪拏外合示嚴禁為此示仰合屬官吏糧里人等知悉自示之後一

李文襄公別錄卷五

示禁保歇

十四

應保戶歇家盡行革除不許措雷把持復萌舊習如有前項奸棍仍買保歇頂首或改立名色包侵錢糧起滅詞訟一切招搖騙詐科派婪索者許地方里鄰並受害之人從實舉首有司官不時查訪立拏究解以憑按法嚴刑翦此蠹賊倘地方里鄰容隱不舉一并治罪有司奉行不力仍縱此輩害民本部院親訪得實定行叅處法在必行斷無寬貸

示諭遊嚴保甲舉首奸宄 康熙十三年三月

為曉諭事照得浙屬地方往時屢遭兵燹邇年幸得寧息

朝廷德澤覃敷寬省徭役軫恤民瘼惟恐一夫失所每逢災稔上廛

宸衷破格蠲賑欽頒

上諭十六條欲使兩民漸摩教化永享太平本部院仰體九重清問之心策勵大小文武各官共矢廉隅力圖休養兩民各有身家遭逢

盛世豈可不知自愛近者滇黔反叛大兵進剿計吳逆釜

李文襄公別錄卷五 遊嚴保甲 十五

底遊魂不日熾滅浙省相去數千里環浙遠近如江南江西等處皆添設重兵控扼險要重守禦此地風馬不及烽煙無驚凡爾小民正當各安耕鑿無奈風俗刁頑訛言易起遂有亡命奸徒希圖嘯聚佈散偽劄謀劫市鎮如東陽縣擊獲周叔韜單干等蕭山縣擊獲嚴九如李啓元等諸暨縣擊獲李茂朱應顯等亂形甫萌旋經發覺無不止時就縛誰能漏網本部院嚴飭郡縣管汛凡山陬水滢處處隄防時時巡察倘有奸宄效尤直是自投陷阱在首惡同夥孽由已作正法奚辭可憐父母兄弟妻子原不知情一朝

事發禍及全門以及愚民不諳法度或因循不首或傳送居停凡有干連並罹重典且有跡涉疑似共填牢獄迨至審明省釋業已皮骨僅存亦有正犯脫逃責比親鄰牽涉經年廢時失業以彼奸徒貽殃骨肉流毒地方如此凡我良民亟當同心協力各相稽察勿將保甲視為虛文果能實意奉行奸宄自難容跡如有親族鄰里在外為非一有見聞立時舉首到官除此敗類保全眾家身命不致玉石同焚今東陽縣出首之人本部院現加獎賞以後如有首報或擒解者自必一體犒給凡彼奸徒須知地方守法者多黨

李文襄公別錄卷五 遊嚴保甲 十六

惡者少耳目難逃發覺最易與其盡命刀頭死為叛鬼何不迅息狂謀自求活路倘或怙惡不悛陰相勾結譬如禽獸不可化誨天網恢張盡殺無赦念頭一錯噬臍莫及本部院念通省老幼男女皆我赤子不惜諄切告誡冀令家喻戶曉為此示仰合屬軍民人等知悉嗣後城市鄉村各要遵守保甲加意盤查凡游手游食素行不端交結匪類出入無常以及來歷不明形蹤詭秘者務須密速稽察倘有勾黨聚謀散徇倡亂直情立刻報官擊解本家親族出首者依律免罪斷不株連即奸徒狡黨有能悔悟投首並從寬

貸如能擒獲夥犯解官與平人一體給賞但有知情
容隱藏匿者事發之日並置大法爾民須將本部院
示內情節仔細思量互相警戒各安本業共保身家
咸宜凜遵毋貽後悔

李文襄公別錄卷五

遊歷保甲

曉諭安民

康熙十三年四月

為曉諭安民事照得閩逆倡亂浙省壤地相接先經
調發滿漢官兵固守各路關隘交界既已有備內地
自是晏然見今續調各營官兵相繼進發又有江南
江西滿漢官兵分頭策應彼一隅負固蕩平有期茲
聞省城百姓紛紛驚動皆由誤聽訛言致有淆惑不
知通省兵馬星羅棋置處處隄防何等鞏固本部院
暨

撫院隨方佈置自能保衛爾民其調集各路官兵雖
提督不時經過並皆申明約束無敢騷擾今當孟夏蠶農

李文襄公別錄卷五

曉諭安民

十八

正亟爾民一年生計全在此時豈可自棄安居廢荒
本業至於游手奸徒捏造蕪根之言意欲使人倉皇
走避以圖乘機搶劫爾等聽信正是中彼奸謀亟當
曉諭為此示仰省城內外居民人等知悉邊界悉已
堵防內地安如磐石爾民務宜安堵如常專心生理
不必驚疑遷避有誤農蠶時務仍須遵行保甲互相
稽察使奸宄無所潛蹤則地方自然寧謐矣各宜猛
省毋負本部院一片誠心特示

曉諭立法辨認截髮良民 康熙十三年四月

為曉諭事照得閩逆倡亂浙境相懸恐有奸宄潛蹤自應稽查盤詰賊中俱係割髮則凡短髮平梢之人跡涉可疑連日守門兵丁拏獲頗眾及至審勘截髮緣由或起爭鬪或因疾病訊其居址藝業皆有實據親族鄰佑各具保結並從寬釋但軍務戒嚴譏察不容稍縱本部院惟恐愚民未能通曉致干纒繫合行立法辨認為此示仰浙省官吏軍民人等知悉見在如有短髮之人除真正來歷不明身藏劊票煽惑人心及歷審作奸有據者立即正法外其餘平民果係

李文襄公別錄卷五 辨認截髮 十九

居址有憑保甲有據者許協同鄰佑即赴該管縣官處據實呈報截髮緣由時日該縣官即與按日記檔仍給印照為憑設遇滿漢官兵盤詰即可驗明釋放即使拏獲到官若有縣冊可查亦准鄰佑保釋庶愚民不致罹法奸宄易於稽查當此民心驚恐之時倘有縣胥里甲乘機借端勒索者或經告發或經本部院訪聞立即嚴拏處死決不姑貸

召募金華獵戶効用軍前告示 康熙十三年四月

為召募事照得婺屬東義等處民風驍勁俗尚慷慨夙稱材武之鄉山中多有獵戶慣用鳥鎗並皆技藝精嫻膽力勇敢當今邊疆有事正爾等奮身之時本部院親在戎行恭行

天討幕府之下師旅如雲而收羅壯士多多益善爾等射獵為生何如建功立業如願効用軍前者應募到日各給安家銀兩別成隊伍以作親兵支領糧餉其中有謀勇出眾者即劊委職官為之統率有功之日分別

李文襄公別錄卷五 召募獵戶 二十

題敘獎賞本部院昔年司理茲郡開誠布公爾士民相信有素本部院如父兄之視子弟爾等必如手足之衛頭目惟恐轉行有司或致查攝滋擾特委本地賢幹招集起送合行出示召募為此示仰金華府屬士民人等知悉凡有技勇素優願來應募者但赴吳生員處報名驗明堪用即查籍貫住址取具地鄰保結起送軍前本部院驗試收標各給安家銀十兩隨軍征進另給糧餉仍擇其材技有餘眾所信服者授以職官劊付統領約束一俟建立功績即當特疏題敘臨陣之日計功行賞斷不後時爾等務須奮發忠

義聞命爭趨其士類中有奇材異能超出等倫者如能聞風樂赴定當別加優禮各宜悉遵

李文襄公別錄卷五 召募獵戶 三十一

示禁兵廝沿江騷擾 康熙十三年四月

為嚴禁兵廝沿江騷擾事照得設兵本以衛民當此軍興孔亟一應夫船芻粟無事不煩民力本部院蒿目焦思痼疾切體豈容悍卒奸廝乘機騷擾今聞江干一帶多有借名搜檢掠奪貨財致使商旅小民含冤抱怨舉足驚疑殊可痛恨除見在差員巡緝外合行出示嚴禁為此示仰軍民人等知悉自示之後倘有旗營兵廝敢犯紀律或地方無藉假冒為奸仍復借名搜檢搶奪銀錢行李者巡視人員立行鎖解轉門治以軍法仍許地方人等協力擒拏毋得瞻畏

示給船戶口糧 康熙十三年四月

為酌給船戶口糧以軫困苦事照得大兵進剿指日絡繹前來勢需船隻供應惟恐臨期難以猝辦不得不先行齊集念爾小民載渡資生一家口食皆藉於此今守候江干廢失恆業父母妻子舉室啼號風雨飢寒一身受忍本部院軍務倥傯之際每一念及不勝惻然惟是封疆重事萬非得已

李文襄公別錄卷五 船戶口糧 三十二

朝廷軫恤民艱凡大兵進發輒奉恩旨毋致苦累百姓今爾等船戶若照例俟官兵到口支給口糧目前伺候需時何堪枵腹已行布政司驛傳道酌議先給本部院斷不以日後開銷之難而忍視爾等困苦莫訴也合行曉諭為此示仰船戶人等知悉務各安心守候勿得驚疑俟本部院按船給散口糧以資日食如有盡役奸埠扣剋等弊許爾等赴轅控稟即行拏究事完之日另當給賞并免差徭以昭優恤咸宜遵曉

示禁悍兵旗廝騷擾 康熙十三年五月

為嚴戢悍兵恣擾以安地方事照得鄉居小民耕耘為業田地魚蕩花息皆屬血汗脂膏賴以完糧餬口近聞樵採營廝不遵禁約百十成羣往來如織豆麥菜種強割蕪遺蔭木桑麻砍伐始盡攜竿提網羣取塘魚入戶穿籬分攘絲繭甚至器皿雞犬葦茨柴薪一覆蕩然分馱滿載明欺鄉民稀少不敢抵當畧一阻拒即遭攢毆更加沿途分伏阻掠行人衣帽銀錢恃強搶剝民不安生錢糧何出營廝既開奪取之端即有無藉之徒乘機假冒真偽莫辨為害地方大千

李文襄公別錄卷五

嚴戢悍兵

三

法紀合行嚴禁為此示仰該地方里甲居民人等知悉嗣後倘仍有悍兵旗廝不遵法紀擾害居民強割菜麥攘竊魚絲并搶奪衣帽行李等項者爾地方里甲即協力會同批稟地方官查明申解以憑會同將軍立按軍法重處決不姑恕各宜凜遵

申嚴軍令條約 康熙十三年五月

為申嚴軍令事照得本部院同平南將軍統領大兵已到衢屬地方見在調發進剿討亂安民紀律森嚴務使秋毫無犯業經再三申飭誠恐不法兵丁猶敢違令騷擾特為條列禁約敢有違犯定以軍法從事各宜凜遵毋忽

- 一各官兵駐劄及中火處所俱在空閒地面不許一人一騎擅入民房居住及拆毀民間一椽一木
- 一各官兵俱自帶行糧自為炊爨不許擅借民間器皿物件及拉百姓炊煮食物

李文襄公別錄卷五

申嚴軍令

三

一各官兵盔甲器械俱各自行隨帶不許捉拏百姓搬駝

- 一各官兵馬匹自有應支豆草喂養不許擅動民間一草一粟并踐踏田間禾苗
- 一各官兵在各城門處所止司防守稽察不許借端生事民間婦女任其進出不許藉名搜檢恐嚇攔阻其搬運家伙物件不許指留索詐
- 一各官兵遇行路鄉民聽其往來不許搶奪衣包搜取財物
- 一遠鄉百姓被賊割辦者勢由迫脅原係良民如有

里甲可查地方公保俱即赴地方官呈明存案照

舊安居樂業不許官兵捉拏及借名嚇詐

一各官兵需用食物俱照時價用紋銀公平買辦不

許恃強短少

一民間牧放牛羊及雞豚狗彘之類不許攘取宰殺

以上各條滿漢綠旗官兵務須一體遵守見在差官

巡視敢有故違即行綁拏立即會同

平南將軍嚴究重治倘有擅離營伍姦淫婦女擄掠

財物情重罪大者立行斬首該管將領一併叅拏決

不姑貸須至示者

李文襄公別錄卷五

申嚴軍令

二十五

大兵經臨地方安民告示

康熙十三年五月

為曉諭安民事照得逆賊聚眾侵犯所過鄉村肆行

淫掠雞犬不畱嗟我良民妻孥不保衣食無資猶復

迫脅搜求責供酒米割去辮髮驅逼同行欲使官兵

到日玉石難分狡謀流毒我民如在湯火今本部院

同

平南將軍統領大兵已到見在分途進剿其鄉城百

姓漸次歸來亟宜撫綏俾各得所官兵經過駐劄地

方紀律素嚴並無侵擾本部院又經三令五申敢有

違犯立正軍法凡我民人早宜安集合行曉諭為此

李文襄公別錄卷五

安民告示

二十六

示仰軍民人等知悉除約束兵丁另行逐款開列出

示嚴禁外見今鄉城百姓已歸故居者悉宜安心無

恐其有先經逃避者作速相率歸來耕種貿易往來

出入俱各照常倘有不法兵丁絲毫侵擾許徑赴本

部院暨

平南將軍喊稟或控地方官申詳立行嚴拏究治其

遠鄉居民被賊割辮者勢由驅脅原非從叛但能仍

守本業槩不淡求大兵所至全為安民爾民毋得懷

疑顧望四散奔逃致遭賊手受其荼毒各宜遵悉

飭行團練保甲告示

康熙十三年六月

為飭行團練保甲各衛身家以別良善以安地方事
照得閩逆稱兵犯順今各路官兵俱已齊集同時進
剿指日蕩平惟是浙閩江西連界地方不逞奸徒乘
機嘯聚屯踞鄉村民居即為賊窟雖有良善自拔無
由或有無知誤被恐嚇中懷觀望大兵到日玉石難
分殊堪憫惻本部院念地方人民皆我赤子為爾等
早計安全惟有本鄉自相團練人人協力處處警防
無事則照舊耕農有事則奮勇殺賊庶逆寇不致蹂
躪官兵有所辨別誠保衛身家至計合行出示曉諭

李文襄公別錄卷五

團練保甲

二十七

為此示仰金衢嚴溫處屬人民知悉一應近賊地方
鄉鎮村落凡有德望里黨推重者即就本地聯絡居
民團結守禦逐戶相保其外來奸細潛行煽誘或本
處狂徒陰謀通賊立刻擒拏解官請賞倘土寇突犯
或偵探情形一面堵截一面飛報官兵立時進剿今
所在俱有重兵屯守斷不使爾勢孤無援但有有用命
擒殺賊眾者本部院即時賞賚其倡率義士分別功
次定行

題敘不惟身家保全抑且功名有路各宜思忖遵即舉
行

曉諭被脅良民

康熙十三年六月

為大兵指日進剿開誠曉諭以安良善以醒愚頑事
照得逆藩倡亂閩省人民受其荼毒如蹈湯火時刻
永望
天兵今浙省師旅雲屯刻期進剿凡我百姓順逆禍福之
機豈待智者而後決乃有亡命奸徒乘機嘯聚勾合
賊眾突犯城邑流劫鄉村遂有被其迫脅割辭者爾
民原無拒賊之力豈有從賊之心至於大兵到日若
以無從分別一槩翦除殊堪矜憫本部院暨
平南將軍恭承

李文襄公別錄卷五

被脅良民

二十八

天語討亂安民同惡必誅脅從罔治其本由驅逼並非附
從者務在保全或一時被誘旋復悔悟者亦從寬宥
惟有怙終不悛必殺無赦合行出示曉諭為此示仰
將吏兵民人等知悉凡曾被賊侵犯地方或有收受
偽劄或有投入賊隊或為窺探聲息或為齎送資糧
是皆孽由已作無可哀矜如有守分良民身在故土
被賊割辭勢非得已許同地方保甲赴官呈明立案
照舊安心生理即有陷在賊中乘間脫歸仍務本業
並無別情亦許里甲公保槩不深求爾民務宜自顧
身家早自別白毋致玉石難分誤罹鋒鏑地方有司

速盡招徠安集之職征勦將士共體

朝廷愛民之心各宜遵悉毋忽

李文襄公別錄卷五

教育良民

三九

示禁阻撓投誠

康熙十三年九月

為曉諭事照得閩逆侵犯近地無知愚民結黨嘯聚乘機竊發今大兵雲集見在勦除蒙

皇上天恩浩蕩矜憫無知准予投誠本部院仰體

德意不忍即加兵威是以開誠招撫查杜承順等未經歸

誠之先爾士民固有被其害者今既真心向化率眾來歸

朝廷恩信昭如日月業已嘉與維新概不追求既往乃爾

民未忘怨恨阻截道路不但欲報前仇惟慮或貽後

患第杜承順前除前過復為良民招撫奉有明文非

李文襄公別錄卷五

禁阻投誠

三十

爾民所宜攔阻見在軍前聽候安插亦不必過慮將來合行曉諭為此示仰該地方士民人等知悉凡係投誠人等如經革心歸命准從就撫者以前過犯悉從寬宥爾百姓毋得阻撓生事亦毋庸慮患驚疑其有各處山賊頑梗不服仍然橫恣者爾百姓照前聯絡守禦以保地方本部院或勦或撫自有鑒裁無非為爾等早計安全各宜遵悉

示諭招撫脅從將士 康熙十三年十二月

為招撫事照得耿逆背

恩負

國造亂殃民罪盈惡極罄竹難書以彼喪心樂禍自取滅亡凡在將吏兵民本非同黨何意一朝僨謬相率波靡或亦瞻顧室家情非得已今

奉命大將軍康親王統步騎十萬已集浙省指日南征平寇大將軍安親王

揚威大將軍簡親王各統雄師十萬從江南江西絡繹繼進耿逆狼狽一隅安能再延喙息獨念附從稱兵

李文襄公別錄卷五 招撫脅從 三十一

者皆受

朝廷高爵厚祿上可反旗回指建立功名次則歸命投誠保全富貴何以棲焚游沸糜爛為期自非至愚豈無先覺我

皇上如天之仁含宏覆育欽頒

上諭開以自新具有良心能無感動凡爾脅從將士如能真誠效順即宜早決良圖或獻關納款或率眾來歸本部院自當立為奏

聞悉照原領偽銜授以實職其有功績尤著者特請加恩超擢至於兵民人等誤被驅迫若能幡然歸正兵即食

餉民即歸農原屬

國家版籍不忍槩行剪除是用開誠曉諭

上諭一道咸使聞知爾等亟前叛亂汗名復作

天朝臣子存亡禍福在此一時各當猛省毋貽後悔

李文襄公別錄卷五 招撫脅從 三十一

大兵進剿檄示歸誠

康熙十三年十二月

為大兵刻期進剿檄示歸誠事照得自逆藩造亂以來糾連土寇蹂躪內地荼毒鄉村以致桑農廢時工商失業甚則妻孥不保廬舍無存生民之禍亦已慘矣豈意不逞之徒走死如鴛互相招誘寢以蔓延水火在身而不知陷奔交前而不悟所受者片楮偽劄有何榮名所掠者幾領敝衣有何厚利乃爾蜂屯蟻聚螳臂猖狂官兵一臨立膏斧鎖計數月以來衙嚴金紹台等處大小數十戰斬獲之多或至盈萬少亦不下百千聞來之賊安得如許大都驅爾烏合以備

李文襄公別錄卷五

檄示歸誠

三三

前禽爾輩所圖幾何以此糜爛身家泥沙性命至於朝投賊營暮搜鋒刃懸頭竿首暴骨荒原誠自取之夫何足惜但揆之順逆之理罪在當誅而本諸惻隱之心愚為堪憫在

朝廷興師致討本為定亂安民是以屢換

綸音宏開

天網而本部院再三曉諭宣布

皇仁正以導其迷途開之生路何乃子誨諄諄而聽者藐藐夫

朝廷多方以全爾之生而爾輩自甘投死至逆賊百計以

驅爾於死而爾輩不早求生譬之雀處危枝魚游釜

底當此大兵雲集號令風行凡爾亡命深山豈復苟延旦夕所幸者本部院始終矜全之誼所恃者

朝廷浩蕩之恩不及此時洗心歸順更待何時為此示仰

從賊民人知悉凡係脅從之輩相率來歸固猶赤子

即或倡亂諸渠一朝悔悟亦是良民總之向化投誠

槩與撫綏安插願歸農者照舊服田願為兵者登名

入伍進不以鋒鏑為憂退不有飢寒之患其曾受僞

劄齎劄來投及乘機立功率兵歸正錄用之外尚當

從優

李文襄公別錄卷五

檄示歸誠

三四

題敘本部院欽承

上諭信義昭明早決良圖毋貽後悔

宣揚大義撫納歸誠告示 康熙十三年十二月

為

天討方彰

皇仁覃布宣揚大義撫納歸誠事照得耿逆背

恩倡亂鼓煽狂圖閩嶠一隅咸被汙染

朝廷仁聖軫念將吏兵民皆由迫脅雖懷忠義莫能自明

特換

綸音布昭大信

天恩浩蕩罔不聞知念各大小將領昔拜命於

天朝非受恩於私室倉卒附從諒非本心奈何淪陷迷途

李文襄公別錄卷五

論撫歸誠

三十五

久無覺悟古來稱兵犯順誰克保全惟有智者見機

毋能轉禍為福近日荊州

郡王大將軍岳州

貝勒大將軍已定湖南又四川

貝勒大將軍恢復全省各路進兵滇黔逆賊逃竄無路

可見

天兵所至立見蕩平今浙江

奉命大將軍和碩康親王江西

平寇大將軍和碩安親王江南

揚威大將軍和碩簡親王各統雄師十萬進閩征討三

而夾攻逆渠授首已在旦夕即如溝溪之捷聊遣偏

師斬馘盈萬又如金華積道山徐尚朝全營覆沒失

其偽救軍騎而逃鑒此前車敗亡一轍既已勢窮力

屈便當悔禍革心至於兵丁百姓止因顧戀家室被

逼強從尤非得已今枵腹單衣奔命風霜之下潛行

野掠輒已執縛而來數里連營不過片時可掃若不

投戈返正徒然殞命溝渠茲蒙

大將軍和碩康親王仰體

朝廷德意不忍遽極兵威特赦繫囚開恩招撫合行給示

曉諭為此示仰從賊將吏兵民人等知悉速宜淡思

李文襄公別錄卷五

論撫歸誠

三十六

禍福早定良圖如能真心向化率眾來歸本部院即

行

奏請自當照銜錄用其有擒斬逆首獻納城池者自必

榮膺顯爵以示酬功兵即收入行伍民即仍歸版籍

撫綏安插務俾得所倘有怙終不悛甘心從逆大兵

至日掃蕩無遺後悔何及咸宜知悉

嚴禁妄殺搶擄告示
康熙十四年二月
為宣布

恩綸戢兵撫民事照得溫處地方自被賊寇蹂躪民間室廬焚燬田畝荒蕪資蓄無存妻孥失散顛連困苦誠可哀憫今大兵所至賊寇奔逃凡此被難百姓皆從殺掠之餘僅存孑遺已無生計亟宜拊循軫恤俾得安葆室家漸復故業

朝廷恢復疆土所重在於人民一應婦女孩童重悉係版籍戶口若使有土無人豈是安民靖亂案奉欽差侍衛到浙宣傳

李文襄公別錄卷五 嚴禁妄殺 三十七

上諭滿漢官兵在各地方務須恪守紀律秋毫無犯如有騷擾情由督撫卽行題參若徇庇不卽題參將督撫一并議處欽此又准

部文陷賊地方百姓原皆

朝廷赤子一時被脅割去辮髮今勤勞師旅征勦賊寇特以為民凡大兵所到之處如有割辮之人持械拒敵及竊踞城池山寨不卽來降者仍行誅戮其餘割辮之人孳子寬免不得妄行誅戮多方安輯以副皇上好生之至意至果正賊寇未必攜帶妻子而行營中所有大率非係擄掠民人子女卽係為彼脅從嗣後

如殺賊之餘賊寇所擄難民子女許令民間認領不得一槩搶擄以昭

皇上愛養元元之意等因奉

旨通行在案煌煌

恩旨誰敢不遵惟恐溫處地方百姓淪陷日久未悉周知

愚民或懷疑畏驚竄潛藏致有官兵借名搜勦乘機

搶擄合行頒示曉諭為此示仰官吏兵民人等知悉

凡出征將士務須仰體

皇仁恪遵紀律除賊寇剗營拒敵用兵勦殺其餘鄉村潛

避民人不得妄行殺戮搶擄各地方隨軍官員所至

李文襄公別錄卷五 嚴禁妄殺 三十八

宣布

德音撫綏黎庶凡已經安輯處所卽知會領兵將弁毋得

縱兵騷擾百姓人等及早復歸故里料理春耕如聞

大兵到日立即相率來迎以分涇渭如有賊寇經過

屯劄務須飛報官兵追勦毋或觀望遲延致令官兵

借端殺擄無從分辨如已經來歸安輯地方敢有不

法官兵故違

恩旨或殺戮平民或擄掠子女或搶奪牛畜或搜劫貨財

有一於此不論滿漢綠旗本部院自當遵

旨題參斷無瞻顧各宜遵悉

招撫溫處陷賊官兵歸正告示 康熙十四年二月

為宣諭

皇恩招撫歸正事照得逆賊倡亂以來

朝廷遣發大兵四路追剿荷蒙

天恩浩蕩罪歸元惡矜憫脅從本部院又經特奉

上諭如耿精忠怙逆不悛或伊下官兵心存忠貞殺耿精

忠來投或率眾來投俱着從優議敘加恩即隻身來投

亦着收留恩養欽此欽遵在案凡溫處地方各標營將

領兵丁平日受爵祿之榮叨奉養之惠一當封疆有

事為官者有功即不時超擢為兵者出征即加給行

李文襄公別錄卷五 招撫溫處 三十九

耀

朝廷之恩厚矣本部院推誠撫士甘苦必知自軍興伊始

預給資糧破格賞賚正期爾等勉圖報効共立功名

豈意一旦變生相隨淪陷勢由驅脅諒非本心即如

瑞安官兵固守全城方當論功敘擢亦復不保厥終

泯棄前勳殊為可惜且爾等多有父母妻子俱在本

處遠望哀號惟恐株連幸沐

洪恩槩從寬宥間有一二逃回竝已照舊收伍投誠頭目

咸已給劄授官爾等豈不聞知何乃枵腹單衣甘為

逆賊先驅自揆鋒刃雖在至愚未有不思改計者矣

今大兵前進正爾等重見天日之時速宜乘機返正
保命全家兼可因會圖功策名受賞禍福之機決在
俄頃合行出示曉諭為此示仰溫處原舊各官兵知
悉務須欽遵

上諭事理漸雪前非勉圖後效或獻城納款或臨陣歸降

或率眾迎師或約期內應如能擒渠獲醜更是奇功

使聞道拔身亦明素志並當遵

旨奏聞優加敘錄倘或執迷不悟敢逆顏行

天戈所臨盡行剿滅毋失良圖自貽後悔

李文襄公別錄卷五 招撫溫處 四十

示禁義烏投誠擾民

康熙十四年三月

為嚴禁投誠擾民以肅法紀事照得各屬投誠人眾既已悔悟前非革心歸命幸蒙

皇恩浩蕩嘉予維新自當安分守法復為良民乃其中尚有頑獷成習復倚投誠名色擾害地方在市鎮則交易逞強往鄉隅則邀奪肆詐陸路則拘執人夫水路則強拉船隻至於指稱賊械扳富扳仇借端索詐不厭不止種種不法殊堪痛恨爾等既沐再生之恩豈復貽自作之孽合行飭禁為此示仰義烏縣投誠官兵人等知悉務須恪遵法紀遷善自新充伍者各圖

李文襄公別錄卷五

示禁擾民

四十一

報効立功歸農者並宜安分守業倘有怙非逞勢借端擾民如前所指諸弊者許該縣不時查明申報本部院定行提究重處

因法具在各宜凜遵

示禁駐防處郡弁兵下鄉騷擾

康熙十四年三月

為嚴禁兵丁下鄉騷擾以安地方事照得處郡新經恢復餘氛未靖駐防官兵戰守方亟非奉令搜勦原不許擅離營汛若各處鄉村小民驚魂未定正在招徠安集乃訪聞旗營兵廝結隊成羣肆行村落攘奪雞豚剽掠財物致使湯火殘黎望風逃竄有地無民軍需安出似此違禁騷擾大干法紀除現在差員察拏外合行嚴禁為此示仰滿漢綠旗官兵人等知悉務須恪遵紀律防守地方不許擅離營伍私自下鄉即偵探軍情擺撥傳報管官必選謹慎兵目前往仍

李文襄公別錄卷五

示禁騷擾

四十二

嚴加約束不時訪查如有兵廝不遵禁約私往鄉村驚嚇愚民乘機搶擄致使招集遺黎驚惶逃竄者該管將弁立時查拏軍法懲處如有徇縱經本部院訪聞得實滿漢官兵即啟報

親王嚴究綠旗將領定以東兵不嚴參處凜遵毋忽

曉諭江常開三縣陷賊士民來歸

康熙十四年閏五月

為屬邑陷賊已久難民罹害堪於亟速反正來歸以全生命事照得衢屬常江開三縣自耿逆變叛以來荼毒最慘其間富而有力者早已攜挈家口奔避遠方現在存留者非至貧極苦之小民即老弱孤寡不能自拔之羸獨也及寇逆忽至米糧被其搶劫衣服被其搜剝田土被其蹂躪房屋被其焚燬牲畜雞犬被其烹食家資什物被其掃蕩甚至婦女被其淫汙老幼被其殺戮或有衣不蔽體藉木葉以遮形食不充腸掘草根以延命逃竄於溪山窮谷寧依豺虎為

李文襄公別錄卷五 陷賊士民 四十三

鄰流離於絕壑幽巖尚慮刀兵尋及地方既陷則割辨長髮固出於無可奈何盜賊成羣即強捉投充亦詘於勢不得已一入巢穴便作羈囚衝鋒逐隊驅死地以何辭淡塹重圍求生機而無路本部院念爾三縣人民日在水火惻隱心傷茲者恭奉

天討分兵進剿原為弔民伐罪拯救生靈况今賊勢日窮盜糧已盡逃亡相繼瘟疫流行此誠天地不容人神胥憤敗亡撲滅尅日可期况我兵進取溫州者已將石帆諸賊剿殺殆盡克復宣平松陽將入逆境江西和碩

安親王已破建昌進攻邵武南贛東粵分道並進耿逆以方隅之地兵力糧餉能有幾何豈能當

王師之合勦誠所謂釜底游魂亡不旋踵不待智者而後知也爾等不乘此時及早歸正更待何時既受逆賊慘害又將性命相殉淡為可憫合亟曉諭為此示仰陷賊地方士民人等知悉爾等陷賊經年流離艱苦本部院俱已稔知今得畱一綫殘喘猛省回頭復為良民依然是

朝廷赤子念其為賊迫脅已往之罪槩行寬宥有能即時自拔挈帶家口來歸者當即特疏

李文襄公別錄卷五 陷賊士民 四十四

題請授以不次之賞其有曾受偽劄偽官率眾來投者官則照舊擢用兵則入伍歸農聽其自便併有即時解散為民大兵一至相率迎降者一槩免死俱不追究本部院開誠布信斷不爽言若曉示之後仍復執迷甘心與賊同盡自作之孽誠不可活指日大兵進剿玉石難分身受誅戮妻孥存沒悔當何及本部院不靳諄諄告誡者淡念爾民陷於湯火不啻拯溺救焚開以生全之路人非木石定當感發良心慎毋自述致負矜恤之意

李文襄公別錄卷五終

李文襄公別錄卷之六

文告紀事

示諭從逆官民亟早歸命

大兵連奪仙霞三關告示

撫輯開化縣難民告示

曉諭西江常難民認領子女完聚

再諭陷賊百姓速歸樂業

曉諭難民立候親臨賑濟

曉諭耿逆乞撫情形

曉諭懷疑閩人歸命

李文襄公別錄卷六

目錄

飭修鄰境道路統帥親勦

曉諭西安江山常山開化四縣寬徵

示禁擾害來歸被脅人民

嚴飭速繳偽劄告示

宣布慰問出征綠旗官兵告示

再諭陷賊官民迅速就撫

示撫江西廣信等處被陷官民

曉諭陷賊未歸人民

申飭吏治告示

釋廣信俘囚招撫地方告示

嚴禁潛攜難婦他往告示

示禁縱馬踐食禾苗

示禁踐踏粟地強採桶果

示禁橫索夫役

行十一府屬嚴飭叛逆告示

嚴拏直黨飭禁株累告示

力敦風俗儉樸告示

禁革漕弊十款告示

嚴禁奸民通海告示

申飭合屬文武告示

李文襄公別錄卷六

目錄

嚴禁賭博告示

嚴禁營債告示

禁革巧取火耗告示

嚴禁關稅橫徵告示

嚴禁捕役誣良告示

嚴禁衿棍條陳告示

嚴禁兵捕假緝私鹽告示

李文襄公別錄卷六

男 鍾麟編次

示諭從逆官民及早歸命 康熙十五年七月

為閩省構亂難支取逆死亡已迫亟宜自拔歸命早沐

皇仁事照得耿精忠驕縱在或乘吳三桂稱戈犯順墮其狡謀忽發難端犯我浙界兩載以來百姓被其慘毒實難盡言其陷溺湯火者惟福建百姓為尤甚三丁抽一五丁抽二使父兄老幼咸成沙場婦人輪布女子輸糶致孤寡伶仃悉供征繕誅求餉戶拷掠盡其

李文襄公別錄卷六

示諭歸命

十一

脂膏擅造偽錢荼毒遍於市井種種惡蹟罄竹難書且其藉為聲援者則遠交吳逆而近結鄭錦今當上天厭亂首極元兇吳三桂已於五月二十八日病死鄭錦乘機吞并占踞漳泉興汀等府直搗福寧取逆膽落無路投生是福州已如朝露爾等捨父母妻子強被抽充而來者悉皆無家可歸之人嗟嗟耿逆不能自保首領而能顧惜爾等身命乎即統領爾等之頭目已據進退維谷之勢其心搖搖莫定尙能固一爾等之衆志乎當此之時捨投誠之外別無他策第聞賊營捏造訛言謂各處土賊投降者皆生惟福建人

投降必殺以故爾等持疑卽有逃出老營者皆各竄匿山谷希圖緩死被賊批獲立時誅戮殊不知爾等不幸生於閩地遭此惡劫為耿逆驅迫非出本心朝廷伐罪弔民救焚拯溺本部院宣布

皇仁總以好生為德豈有畛域之殊自凡渡河來歸者不論何處人民一出逆境有生無死故特倡率捐資搭蓋篷廠使得居住分給賑米以資贍養有官職者仍復其官若能擒縛渠首率領兵馬而來必為特疏題請加以高爵顯秩用示優異爾等更何遲疑觀望不趁此機會汲汲歸命必欲束手待斃相率同死哉最

李文襄公別錄卷六

示諭歸命

十二

可異者衢屬附近從賊之人投入賊營不過為彼服役視同奴隸緩則供其糞汲之事急則驅於鋒鏑之間本部院屢示曉諭豈竟全無覺悟究其甘心蟻聚以待死者大約因平日附賊既經擾害地方惟恐投順之後仇家必圖鳴官報復以故畏懼觀望自今已後果能革心向化已往之事一槩不許追究俱准給照歸農合再開誠招諭為此示仰賊營被脅諸色人等知悉務須亟乘此時大兵尙未進剿星速來歸不論閩人浙人但離賊營卽屬赤子決不使爾失所本部院全以恩信昭示遐邇諒亦周知更可轉相傳說

使其各自爲計總之不計零星大隊過河之後自必安插得宜行賞敘功毫髮不爽卽有從前過惡槩行寬宥不許仇家報復永絕釁端如猶不悟是本部院必欲全爾之生而爾自甘受死兵威所至寸草不留彼時本部院卽欲保全爾等亦不可得矣思之思之

李文襄公別錄卷六

示諭歸命

三

大兵連奪仙霞三關告示

康熙十五年八月

爲衛寇業經掃滅大兵已奪仙霞剋日蕩平事照得閩逆負隅已逾兩載今大兵雲集下洲僞驍騎馬九玉等大敗潰逃江山常山開化縣城俱已恢復於八月二十一日連奪仙霞三關王師乘勝入閩耿逆授首可期合行曉諭爲此示仰督屬官吏軍民人等知悉兵入三關賊險已失長驅掃靖指日蕩平自此兩浙安寧永享平成之福故特曉諭俾令通知

李文襄公別錄卷六

王師奪關

四

撫輯開化縣難民告示

康熙十五年八月

爲開誠撫輯生全民命事照得閩賊肆虐凡淪陷地方人民盡遭湯火今者王師奮勦逆賊敗逃正爾百姓更生樂業之際合亟出示撫輯爲此示仰開化縣被難人民知悉立刻剃髮歸誠凡係脅從卽有從前罪愆槩不追究勿生疑畏致負軫恤特示

曉諭西江常難民認領子女完聚 康熙十五年八月

為曉諭認領搶失子女急圖完聚事照得逆賊慘毒將被陷地方良民子女向來擄掠者悉皆寄頓江山以為三窟今大兵恢復之後通查難民子女甚多已經本部院諭令該縣另擇空房加謹安置一面行着親屬認領在案但內有隔縣人民路途遙遠未及周知合行曉諭為此示仰難民人等知悉如有子女從前被賊擄帶藏匿江山者立即前赴該縣報明對同年歲籍貫速領回家完聚倘有官兵措勒許即指名具呈以憑查處或地棍冒名捏認查出一體重究

李文襄公別錄卷六 認領子女 五

再諭陷賊百姓速歸樂業 康熙十五年八月

為乘時亟宜歸撫早沐

皇仁事照得爾民先因逆賊迫陷原屬勢不得已今地方業已平復爾等各有廬舍田園父母妻子正當及早復為良善何苦窺身山谷自致失所本部院屢奉皇恩申諭凡爾等一切從前罪愆不追究務必保全安輯合再曉諭為此示仰陷賊被脅一應人等知悉各仰體本部院至意迅速歸誠復完家室重整田園即有無依准與賑恤安插萬勿自誤若再冥頑梗化發兵搜捕立成齏粉悔之晚矣

曉諭難民立候親臨賑濟 康熙十五年八月

為曉諭難民立候親賑以甦窮困事照得衛民不幸慘遭荼毒三年已來本部院時切痼痲今賊雖敗遁爾遺黎室廬化為瓦礫田土盡沒蒿萊極目荒涼欲歸無計是欲安輯爾民必須亟施賑濟前已檄行該府查議去後若待轉報花名造冊詳請恐費時日頃見遠鄉近地鳩形鵠面男婦扶老攜幼求賑紛紛正如久病之人元氣未復亟資湯藥稍或遷延安望起色本部院既喜爾民之已出水火又痛爾民之未免飢寒拯濟之施不容刻緩合即曉諭為此示仰被難

李文襄公別錄卷六 親臨賑濟 六

士民人等知悉聽候酌定日期分設賑廠凡係同村之人各聚一處俟一面派委職官動支銀兩本部院親臨賑所點齊散給務使各沾實惠少蘇困苦再圖生計以見本部院軫恤至意特示

曉諭耿逆乞撫情形 康熙十五年九月

為曉諭閩省乞撫情形事照得浙閩毗聯致遭禍亂地方困苦之狀不堪備述今大兵分路進剿沿途望風投順直抵延平頃據建寧府塘報耿精忠已遣差員陳善道等來營乞撫併齎有陳

奏自訴從前不得已之由欲懇

大將軍親王閱過代

題業經

親王俯加慰諭限期親赴歸順准為保全隨差蝦員折

爾免干總鄭化蛟等同來員往省并諭延平偽左將

李文襄公別錄卷六

耿逆乞撫

七

軍耿繼善偽右都尉呂雲翔等俱各到營投見等語是就撫已定立見昇平浙省自可安堵合即通行曉諭為此示仰官民諸色人等知悉念爾民被寇地方久罹兵燹稍遠府縣亦苦徵收今幸首禍革心鄰封底定行當力圖休養務各安生樂業以副本部院軫懷至意

曉諭懷疑閩人歸命 康熙十五年九月

為曉諭閩人乘時歸撫以全身命事照得賊渠敗遁各處接踵投誠經本部院安插得所聞惟閩人心懷疑懼未即輸誠殊不知浙人閩人總是

朝廷赤子本部院原無岐視合亟開誠曉諭為此示仰各

處被脅福建人等知悉爾等亟宜乘時歸命有能率

眾輸誠悉照原銜授職其餘願効用者酌給大糧入

伍願歸農者發回原籍安插務令各得其所同樂昇

平慎勿游移疑畏自失良機致貽後悔特示

李文襄公別錄卷六

曉諭閩人

八

飭修鄰境道路統帥親勅

康熙十五年九月

為飭修道路以利官兵進剿事照得耿逆竊踞閩疆

浙省江右盡遭流毒今大兵直取延平浙境寧謐豈

容鄰封尚阻聲教本部院身任封疆滅賊安民

國事攸關奚分畛域茲親統軍旅由常山玉山往廣信

一帶掃蕩餘氛誠恐道路傾圮馬匹難馳合行飭修

為此牌仰經過常山玉山廣信等處地方官民人等

知悉即便預為料理開路疊橋伺俟本部院大兵經

臨如有延誤治以軍法勦逆撫順總為地方民生起

見一勞永逸各宜踴躍趨事均勿遲違

曉諭西安江山常山開化四縣寬徵 康熙十五年九月

為曉諭初集殘黎免徵科安心復業事照得衛屬淪陷地方數年以來困苦已極田地拋荒老弱轉死甚有不忍見聞者幸今拔離湯火重見天日而瘡痍未起流亡未歸此正多方補救之時本部院見在一面設法賑濟務必培養休息以慶更生使人民照常復業斷無催徵錢糧之事昨據西安士民張義升等呈額俟該縣詳覆再行藩司確議本部院為民請命當即特疏具

題槩行蠲免以恤民困合行曉諭為此示仰新復各縣

李文襄公別錄卷六 曉諭寬徵 九

士民人等知悉各宜安心復業作速開墾耕作秋成漸畢正宜佈種春花以資贍養俟民力蘇息漸復元氣方議開徵本部院軫恤民艱無微不燭誠恐士民過慮遠赴具呈故特通知俾各安心耕種以副拳拳至意

示禁擾害來歸被脅人民 康熙十五年九月

為嚴禁擾害來歸以鼓向化事照得闖逆敗遁之後凡被脅人民曾在賊營者不論是官是兵但經剃髮歸里即係平民從前罪愆不追究已奉有親王令諭頒示在案雖未到官投明悉皆准復本業誠恐地方棍徒因其向經從賊未據到官藉端索詐有失撫輯至意合行嚴禁為此示仰被脅諸人及地方人等知悉但經剃髮不論會否到官悉與平民無異安分樂生照常度日如有棍徒借端詐害許被害民人指名呈稟以憑嚴拏究治不貸

李文襄公別錄卷六 示禁擾害 十

嚴飭速繳偽劄告示 康熙十五年九月

為嚴飭速繳偽劄以杜後患事照得被陷人民失身從賊今既悔禍來歸本部院業已宣布皇仁赦其已往自應洗心滌慮慶幸更生所有領授偽印劄付無異追魂奪命之符不祥孰甚亟宜繳銷以絕禍根誠恐爾等無知藏匿未繳萬一日後發覺百喙難辯合亟曉飭為此示仰一應投誠人等知悉如有從前會受偽印偽劄者通限三日內交明地方官轉繳查銷永杜後患倘有隱匿收藏即非實心向化或被旁人首發定行嚴拏從重究處不貸

宣布慰問出征綠旗官兵告示
康熙十五年九月

為欽奉

上諭事康熙十五年九月二十一日

欽差刑部郎中色 臨衛宣傳

皇上面諭自逆賊叛變以來浙江綠旗官兵衝鋒對壘奮

勇用命勞苦已極殊為可嘉到彼俱加慰問官兵好處

嗣後更當勉勵欽此欽遵合即曉諭為此示仰各標營

出征官兵知悉浙省師旅効力行間仰履

九重軫念口宣

德音凡屬將士兵丁俱當感浹頂踵銜漢肺肝盡心竭力

李文襄公別錄卷六 宣諭告示 十一

以報

國恩嗣後益宜倍奮忠勇一體欽遵毋違

再諭陷賊官民迅速就撫
康熙十五年九月

為乘時亟宜歸撫早被

皇仁事照得閩逆構禍侵犯疆圍無知愚民為賊煽誘迫

脅投身陷穿殊可哀矜本部院念切好生開誠招撫

凡屬來歸槩免從前罪愆今大兵已入福州耿精忠

俯首就撫閩省已經底定爾等尚不乘時歸命更待

何日合再開誠曉諭為此示仰陷賊被脅一應人等

知悉務須幡然悔禍迅速來歸復為良善或願報効

或願歸農悉准分別安插必不令爾失所毋得遲疑

驚畏有負本部院矜恤至意

李文襄公別錄卷六 再諭就撫 十二

示撫江西廣信等處被陷官民 康熙十五年十月

為安輯鄰封招撫投誠共沐

皇仁事照得江右與浙西地方唇齒相依自閩變三年兩省人民悉遭荼毒今大兵克捷渠魁就撫浙境安寧惟廣信餘寇現今三省會剿立見蕩平但念爾民久被賊陷疆域雖分誰非赤子本部院諒難膜視特分兵進取廣示招徠務期安全復還良善合亟曉諭為此示仰江西被陷一應官吏人等知悉念爾等久遭寇虐困苦已極浙兵所到總為寧爾百姓不論是兵是民曾否受職但悔過剃髮並准來歸本部院信賞

李文襄公別錄卷六 招撫江西 十三

直實軍紀森嚴無疑無擾爾等不得觀望自誤有負
恒鄰至意

曉諭陷賊未歸人民 康熙十五年十二月

為諄切曉諭陷賊愚民立速來歸以免誅戮事照得逆賊變叛肆毒侵疆姦淫搶擄無所不為強暴傷殘有生罕見我

皇上軫念羣黎遭其淪陷爰是調遣大兵刻期掃靖凡在食毛踐土均當義切同仇上則奮勵忠勤共圖殲滅次則聯絡守禦保護身家無如頑冥無知聽其煽誘或供應盜糧或甘為驅使或因片紙偽劄冒稱職官委身命於不顧或自投入賊寨充當寇兵致首領之不保更有竄踞溪山招奸聚眾潛伏僻路揆息傳音

李文襄公別錄卷六 廣諭人民 十四

天戈所至非膏鋒鏑即作俘囚見今本月二十日官兵進剿擒獲張左金壽袁生穆一即李有子李壽周春五宗等審皆係正賊頭目無可矜疑已經正法其餘人等雖髮長過肩從賊已久論法誠無可寬緣奉有恩旨憫念陷賊民人原皆赤子翦辮蓄髮此係愚民貪生怕死暫免須臾之恆情仍令多方安輯欽遵在案本部院會同

平南將軍仰體

德意不忍槩加誅戮准予自新並經釋放因念陷身賊地之人實繁有徒合行諄切曉諭為此示仰陷賊地方

人等知悉爾等皆係土著良民各宜安居恆業遭賊逞兇田地被其蹂躪衣資被其搶劫室廬焚燬骨肉流離甚至父子弟兄多遭殘殺母妻兒女盡被姦淫如此慘酷安有沉迷到底不思棄逆效順者哉爾等試觀

聖朝節次恢復地方一應錢糧皆已停徵各項軍需皆發價買且賑濟頻施撫恤備至投之身陷賊中重斂苛求橫虐凌賤妻孥不保性命難全者何啻天淵爾等急當猛省相約來歸本部院加意安插各令得所已往之罪槩不深求如再遲疑觀望大兵到日玉石俱

李文襄公別錄卷六

廣諭人民

十五

焚後悔無及思之思之

申飭吏治告示

康熙十五年十二月

為申嚴吏治共濟民生以收治平之效事照得兩浙人民自軍興以來死於盜賊兵戈轉徙四方者不可勝計即偏僻粗安之處亦皆困於徵輸徭役骨盡皮穿苦累已極而不肖有司非惟不加軫恤反乘此用兵擾攘之際借端掊克漁利擾民執法營私無所不至如近日於潛知縣為閩縣士民告發已經叅處此彰明較著者也府官表率全郡司道綜核庶務自應力持風紀振飭官方何以未聞有所釐剔本部院雖遠在軍中地方各官一舉一動無不洞如觀火其間

李文襄公別錄卷六

申飭吏治

十六

借事風生吸詐富戶者有之假公濟私勒詐僚屬者有之徇情鬻獄縱蠹害良者有之弊竇叢生貪風日熾嗟此不遺不死於盜賊兵火而復消磨於司牧腹削之手者又不知凡幾矣本部院痛心已久特以軍務倥偬未暇整頓今地方已平民瘼堪念若非改絃易轍何能物阜民康合行通飭為此示仰督屬官吏人等知悉凡平日居官盡職潔己愛民者嗣後務宜益加勉奮起循良其居官曠職貪黷殃民者嗣後務宜洗滌肺腸改過遷善若猶殘民以逞恣所欲為本部院訪聞的實白簡立加該司道庇縱瞻徇一體

叅處乘茲告誡之初及早回心共勦治理庶兵革戢
黎早復元氣以收治平之效使百姓羣相愛戴爾各
官永保令名不亦善乎慎毋以本部院諄擊良言視
同泛常自貽伊戚

李文襄公別錄卷六

申飭吏治

十七

釋廣信俘囚招撫地方告示 康熙十五年十二月
為特釋俘囚廣示招撫速行效順以沐

皇仁事照得閩省就撫以來遠近有名偽帥無不望風輸
款浙境悉已廓清江西密邇鄰封如雁門關偽崇義
將軍廣信府偽襄武將軍悉皆齎繳偽印反正來歸
其他總兵副叅遊守呈繳劄記者更不可勝數
朝廷恩覆如天一體宥過錄用本部院駐劄衛城各路赴
軍前投誠者俱經賞資

題敘恩禮有加惟德興一帶賊首馬鵬等跳梁出沒擾
害地方人民塗炭是以本部院題

李文襄公別錄卷六

特釋俘囚

十八

請三省會剿今大兵一至馬鵬立刻生擒解赴轅門除即
梟首示衆外復據浙江提標遊擊郭守金等於本月
初一日撲勦上饒將陣獲賊衆獻俘前來本應立正
典刑以示懲儆第本部院仰體

皇仁好生為德不殺為武嗟此頑民陷身賊境隨聲附和
誅不勝誅特行宥免據稱鉛山弋陽等處向有烏合
之衆勢窮力詘久思向化無路來歸如果出於至誠
凡從前被迫脅之人誰非版圖赤子惟因江右道路
梗塞自拔無由此情殊可矜憫合即給示招撫為此
示仰被陷一應人等知悉江浙雖屬鄰省本部院痛

念地方久罹寇虐餘氛一日不靖百姓一日不安心切同體無分彼疆今大兵雲集上饒何難四路撲勦盡絕根株然兵威火烈於心有所不忍爾等既有志歸誠不妨逕赴本部院軍前傾心革面自當一體具題從優錄敘或願歸農或願効用各聽其便總令安插得所使爾等父母桑梓之鄉早覩太平安居樂業同游光天化日之下按之東甯西奔致被官兵槍斃者何啻天淵各宜猛省無失事機如再執迷後悔何及思之思之

嚴禁潛攜難婦他往告示 康熙十六年二月
為嚴禁潛攜難婦他往特飭稽查事照得浙東各屬因地方罹變官兵出師恢勦原為靖亂安民屢准部文嗣後殺賊之餘難民子女許令民間認領不得妄行槍擄刊刻告示曉諭百姓等因奉有

俞旨欽遵在案但滿漢旗營其中奉法者固多乘機槍帶者正復不少以致骨肉離散傷心慘目不忍見聞今難民陶人麟金允升匍匐京師伸冤控告現准部文嚴行查給除檄行按察司逐一確查彙詳核奪外今不法兵丁惟恐槍帶子女有干禁例寄頓省城者故

為藏匿更有裝載登舟潛攜北上希圖滅跡事關部案勢必水落石出根究尋查地方各官里甲人等漫無稽查殊干法紀合行嚴禁為此示仰兵民人等知悉凡有從前槍帶難婦人口已經贖還者槩不追究現在省城各旗營未經查明者一槩不許搬移遣發如有潛攜他往裝載上船該地方官鄰佑里甲船埠即時攔阻一面稟報該管官立刻查明具報各城門關津處所一體稽察倘致通同徇隱受賄放行查出從重究提地方官不行覺察一併

題叅此係報部案件毋得視同泛常自取罪戾

示禁縱馬踐食禾苗

康熙十七年六月

為額天嚴飭縱放馬匹踐食菽粟以安民生事據西安縣繆村難民繆節秀等詞稱竊身地方播種菽粟為生向遭寇亂荒蕪數載今荷昇平蒙撫歸家開墾種植不知何營官兵縱放馬匹踐食幾盡身等鄉懦愚民不敢趕逐哀叩嚴飭收回馬匹無許踐食菽粟等情到本部院據此為照營兵縱放馬匹踐食禾苗先經本部院通檄嚴飭在案據呈前情合再給示禁約為此示仰兵廝里民人等知悉嗣後馬匹止於空野郊原牧放敢有不法兵丁於民間開墾種植處所

李文襄公別錄卷六

禁踐禾苗

三十一

縱肆放青以致踐食菽粟妨廢民業者許被害人等指名呈稟以憑嚴拏重究該管官縱兵擾民一併叅處不貸

示禁踐踏粟地強採橘果

康熙十七年九月

為號天勅示嚴禁兵丁踐踏粟地強採橘果以裕國課以安殘黎事據西安上萬里民萬元等呈稱身等世居上萬路值通衢遭寇殘害之後僅存橘木數株開墾荒蕪種植粟米供課資生近有兵丁成隊踐踏粟地強採橘果目擊心悲哀阻拂怒抽刀毆打荼毒何堪伏乞賞示禁約等情到本部院據此為照西安上萬兵燹之餘小民倍嘗慘苦種植橘果粟米輸課資生公私倚賴值此收成之際豈容兵丁成羣用強採摘踐踏傷殘甚至行兇毆打大干法紀合行嚴禁

李文襄公別錄卷六

禁強採橘

三十一

為此示仰兵民里甲人等知悉嗣後敢有不法兵棍經過地方擅採橘果踐踏粟地肆行騷擾凌虐鄉愚者許會同鄰甲協拏鳴稟以憑重處決不輕貸另聞地方各官亦常差役收買橘果致妨民間賈易殊屬不合一併禁止各宜凜遵特示

示禁橫索夫役

康熙十七年九月

為嚴禁勒索夫差以甦民累事照得處屬自兵燹之後哀鴻甫集百廢待興本部院念此遺黎力圖休息愛養麗水青田二縣為甌郡孔道除白牌小票例有嚴禁不許支用人夫外凡關緊急軍務以及運送軍火錢糧等項勢必取用應付以勤機務查自處至甌係屬下水一帆可到原無撥給絳夫之事頃據溫處道呈詳乃有不法弁兵或指緊急軍機或借風逆潮汝咆哮肆橫額外勒夫甚至欺官辱吏婪私折乾種種不法大干軍紀合行嚴禁為此示仰官吏弁兵人

李文襄公別錄卷六

禁索夫役

七年

等知悉嗣後敢有不法弁兵於牌票所開應付外橫索下水絳夫或既坐船隻復勒陸路應付折乾肥己藐官害民恣肆騷擾者該縣指名申報以憑嚴拏從重究治本官縱容失察一併叅處不貸

行十一府屬申飭叛逆告示

康熙十八年十一月

為申嚴叛逆之條曉飭愚頑各保身命事照得四民樂業耕鑿絃歌孝弟力田仰事俯畜使父母妻子安然歡聚此人生之大幸也浙屬數年以來洵經兵燹愚民乘機鼓煽死於鋒鏑者不可勝計此猶以鄰變蔓延遭此惡劫痛定思痛正宜寒心股栗各相儆戒共樂昇平不意尚有邵良楞張用益等造刻印劄謀為不軌發覺於浦江繼則楊有忠胡君彩等結夥倡亂於縉雲分割稱官幾同兒戲方一舉動旋即就擒今邵良楞等已經

李文襄公別錄卷六

申飭叛逆

題請正法梟斬市曹其餘擒獲賊黨現在嚴審究罪此

皆自作之孽

國法森嚴不容寬貸惟是村野愚民安分守己者固多而好勇疾貧為非樂禍者正復不少不知自顧首領因未講究律條一旦身陷大法害及鄉鄰而使老幼連坐重可憫也謹按

大清律內開凡謀反及大逆但共謀者不分首從皆凌遲處死祖父父子孫兄弟及同居之人不分共姓及伯叔父兄弟之子不限籍之同異年十六以上不論篤疾廢疾皆斬其十五以下及母女妻妾姊妹若子之

妻妾給付功臣之家為奴財產入官知情故縱隱藏者斬又凡謀叛但共謀者不分首從皆斬妻妾子女給付功臣之家為奴財產並入官父母祖孫兄弟不限籍之同異皆流二千里安置知情故縱隱藏者絞憲典昭然爾民皆宜家諭戶曉何苦以七尺之軀輕干三尺之法試觀近年叛逆渠魁擁兵踞險潰敗相尋何況狗鼠么麼稍萌異念立取屠滅本部院矜念愚氓惟恐不教而誅合再嚴示諄切曉飭為此示仰督屬士民人等知悉務須凜遵

國典保守身家共樂昇平將謀反叛逆律例互相講解

李文襄公別錄卷六

申飭叛逆

李

俾鄉里宗族咸知利害內有不識字義者亦須傾耳默記念此叛逆不軌誅戮之外一人作孽害及全家祖孫父子兄弟夫婦皆不能保豈不可畏如地方遇有愍不畏死之徒造逆惑眾立即首報所可以免株累但不許奸徒以無影之事誣指害人敢有不遵致干嚴拏正法悔蕪及矣本部院特為曉飭各保身家毋得視為泛常不思儆惕凜之慎之特示

嚴拏積蠹飭禁株累告示 康熙十九年十一月

為嚴拏積蠹巨懲飭禁砌款株累事照得衙蠹害人為禍甚烈此輩舞文弄法作弊叢奸蠹媚官府魚肉小民是其長技如承管錢穀則有侵蝕加耗之蠹經承刑名則有恐嚇詐財之蠹供應軍需則有私派苛斂之蠹催收糧餉則有勒贈索費之蠹鑽竅用事則有關說過付之蠹謀差籤票則有恣肆橫行之蠹遇審事則有打詐班例之蠹遇詞訟則有包攬打合之蠹收稅管鹽則有剝擾商賈病民侵課之蠹漕運驛遞則有扣剋苦累軍民夫役之蠹甚至無中生有不

李文襄公別錄卷六

嚴拏積蠹

李

風起波磨牙厲吻飛噬殷實之家提撥改移逢長本官之惡凡此確正巨蠹上而司道下而府廳縣佐各衙門無處不有浙省吏治不清閭閻困苦半由衙蠹為害先經嚴檄飭拏痛加繩治乃不肖劣員平日通同私暱貓鼠同眠視為心腹豈肯割愛揭報或不得已而充數塞責不過么麼新役李代桃僵究竟窮兇極惡悉皆漏網更有積猾巨奸自知不免巧借無影之事故為點綴或撫他人之款假砌虛賊及至發審每多不實此又窩訪造訪兩浙歷來之大弊以故移甲就乙率皆素不謀面之人捕影捉風盡屬絕不相

干之事如近日顧朝錫一案將訓蒙之屠舍章指爲孤貧頭日炭行之吳伯泓開作典當舖家憑空插入款內不但對簿情事茫然且使制制公庭經年拖累諸如此類難以枚舉是蠶惡未懲反致無辜小民先受其害總由開報之本管官朦朧脫卸黑白混淆司道各官又不實心體察虛應故事執法殃民莫此爲甚除另行確訪拏究併行司道遵照外合行出示曉飭爲此示仰督屬官吏人等知悉嗣後各該管官務期嚴加鈐束不時釐剔毋得仍前容隱藉爲心腹串通過付貪黷殃民自干叅處確正積蠹卽速開列確

李文襄公別錄卷六

嚴拏積蠹

二十七

款確賊據實揭報聽候拏究倘仍踵銅弊徇庇大蠹縱惡養奸及撫飾微賊故捏虛款再將事外無干之人巧砌株連定將本管官及轉行揭報之官一體題叅仍將窩訪造訪奸徒拏究盡法處死言出必行各宜凜遵毋貽伊戚

力敦風俗儉樸告示

康熙二十一年二月

爲力敦儉樸以厚風俗事照得兩浙軍興以來低離滿目轉徙載道死於鋒鏑飢寒者不可勝計今幸地方寧謐民物安恬凡我官吏四民父老子弟正各痛定思痛省愆約己移風易俗之時也向聞浙俗淳厚勤苦儉約喪祭婚嫁稱其有無歲時伏臘飲食宴會各有常度至於衣飾居室均安其分未有敢於逾制肆侈者也若治遊陸博一切耗費之事稍一濡迹人輒目爲不祥長老戒其後生父兄飭其子弟以故家給人足民安物阜不意數十年來俗尚澆靡衣服必

李文襄公別錄卷六

力敦儉樸

三十一

極其綺麗器皿必極其精工食物必極其豐美屋宇必極其華飾爭相效尤無所底止梨園卜夜幾竭中人之家車馬遊春豈止杖頭之費狐裘貂帽下賤及於輿僮金縷寶釵紛靡悅其婦女甚至媚優隸卒亦竟無所分別矣更有兒女婚娶妻室生辰親朋應酬里鄰宴會不憚變產揭債剗肉醫瘡最可異者行頭物色傾家產以炫新奇賽會迎神逞淫巧以驚耳目創名禮拜則旗械轟天演席花園則笙歌匝地而其破家蕩產之尤者無如賭博馬弔構營串棍設局置囹圄產家貲立化烏有本部院亦既申嚴告誡近來

此風更盛殊切痛心惟是有司為親民之官鄉紳為閭里之望必先敦崇儉樸而後小民有所效法况當兵革災荒之後尤宜節省物力培養元氣共樂昇平用是諄切告誡合行出示曉飭為此示仰督屬官吏士民人等知悉嗣後一應居處服食婚喪宴會慶弔禮節各宜樽節自為生計其餘奇技淫巧冶遊玩好不急之費槩行痛絕不惟惜福安分亦以返樸歸淳至於賭博馬弔蕩析身家尤為首禁倘仍不知悔禍侈靡相高以致越禮逾制自干

功令定行拏究重懲以挽薄俗官員紳士更期澹泊儉約

李文襄公別錄卷六

力敦儉樸

三十九

共砥波靡諒有同心勿以本部院此言為迂也特示

禁革漕弊十款告示

康熙二十九年九月

為禁飭漕糧積弊痛加釐剔以甦民困事照得浙西地方連年兵馬往來供應繁苦加以旱澇頻仍收穫鮮少以八十餘萬漕糧數十餘萬銀錢定限二月內盡數完納民間剝肉醫瘡已不堪命若再無藝誅求額外苛派官弁丁蠹橫行剝剝嗟此子遺何以存活本部院屢經禁飭不啻三令五申今徵漕伊始除經密訪參拏究處併檄行司道各府遵照列款嚴飭通行外為此示仰督屬官吏軍民人等知悉嗣後漕糧徵收兌運照依後開條約實力遵行如有視為故套

李文襄公別錄卷六

禁革漕弊

三十一

陽奉陰違仍前恣肆妄行者一經訪實告發立將官弁從重

題參棍蠹嚴拏盡法處死決不姑容致貽民害各宜凜遵毋忽特示

一糧米進倉出兌應用斛手籬脚看廩等夫修倉請費前院以道里遠近酌量出錢或三十二文四十五文六十文不等貼給各項使用著為成規無如法立弊生前項制錢俱被不肖官役朋比侵漁復於此外故生枝節捏名指派迨漕船到次又聽強丁悍弁橫勒私截或二百文及三四百文不等計民間完糧一石

連正裁私貼加派共費銀七八錢不等以致百姓罷市鳴冤逼迫自盡地方官如同木偶竟無區處良策殊堪痛恨今除完糧正裁并原議貼制錢聽從民便自行支給外如有不遵官收官兌額外科索分釐私貼者該縣將不法旗丁立時拏解并縱容運弁據實揭報以憑緝責叅革如監兌各官扶同容隱并道府查察不嚴一併

題叅不貸

一自道府廳縣以及佐貳等官督徵監兌各有職掌自應釐奸剔蠹以期弊絕風清乃令運丁聯幫橫行蠹

李文襄公別錄卷六

禁革漕弊

三十一

棍交相煽惑司漕各官全不悉心整飭百姓倒懸莫知顧恤總以漕糧一項向來各衙門立有陋規公行派索具文解送甚至前官已經搜盡署官復肆貪饕上下相蒙甘受線索一任刁軍惡棍百般苛詐甘心隱忍莫敢摘發敗壞法紀莫此為甚今後司漕大小各衙門務須洗滌肺腸從新振作敢有仍以漕規科斂分送者本部院察訪得實定將受贓職名特疏叅拏重處

一糧長之名久經禁革惟貪官蠹役無糧長不能藉以營私於是改易名目稱為區甲該年鄉總傳催當分

等項名色遞年更換究竟仍是糧里之人按役充當

又積年光棍盤踞倉場夤緣充歇家更名看夫等役串通該縣蠹胥從預徵輕濟月糧起以及開倉收糧出兌開行止指派之名愈出愈奇豁壑之怨不飽不壓浙西士民視糧長為畏途破產亡身人人飲泣嗣後爾民凡有本年應完漕糧照額依限上納領串歸農不必復來縣倉伺候其積年衙蠹本部院現在訪拏該道府廳縣務將巨惡惡蠹即時察拏據實揭報并將積年倉歇盡行禁革仍將革過倉歇姓名呈報查核如仍畱倉歇縱蠹殃民以及暗存糧長名色作弊

李文襄公別錄卷六

禁革漕弊

三十一

逞私為掩耳盜鈴之計許爾糧里直陳控告本部院立時拏究為爾民除害毋得隱忍含容自貽伊戚一漕糧之為害不獨衙蠹倉歇縱橫虐民而地棍劣矜從中斂弄為禍尤烈查杭嘉湖土棍劣矜所在皆有虎踞縣中擅作威福專揆鄉民某某股實某某愚懦見伊該值糧現強拉包攬於中取利即前議定各夫工食制錢官蠹既已分肥於棍必畱坐位名為討注糧船到次旗丁必先親暱其家私相打合然後赴倉講兌一應私貼銀錢由伊出口許賄一例派斂運丁仗彼巧作機關於棍藉此暗中分潤名為賣水次印

官明知而不敢問稍不遂慾羣起公訐互相誘誣亦見指陳地方利弊假公濟私者大約皆係此輩嗣後如有劣矜地棍人等在縣把持魚肉小民許被害之人指名呈告縣官即時拏解以憑盡法重處

一斛面已准倉場衙門移行照依舊制祖斛自應公平斛量出入如一乃聞各縣現製斛面不用釘鉗不加炮記故將鬆板裝成得以高下其手且十斛三尖淋瀉滿地小民粒粒辛苦而泥沙狼戾盡飽食腹殊堪痛恨今歲收兌漕糧務將官斛校準縣官親用鈐記督收其淋尖踢斛并三斛一尖等弊盡行痛革敢有

李文襄公別錄卷六

禁革漕弊

三三

官役不遵示禁欺侮鄉愚仍前婪索者許被害人等指名呈告以憑嚴拏究治

一圖差害民本部院屢經嚴行禁革無如若輩狡同兔窟官吏藉為虎張陽奉陰違成牢不可破之局輕齋灰石行月等項每一事必有一差道府廳縣佐貳等官亦一行必專一役濫差之害弊難悉數除現在密拏外嗣後催收糧米并各項錢糧照依向例刊給簡明易知小單將每戶下原該田地若干額徵銀米若干逐一確核扣算明白每戶各給一單令彼照單依限完納其道差下府廳府廳差下州縣州縣差下鄉

都嚴行禁革如仍踵前弊混差滋擾一經訪實告發定將濫差虐民職名特疏糾參并將差役盡法處治不恕

一今歲入夏以來雨水泛溢田禾大半浸沒自六月至今異常亢旱早晚二稻俱無收穫即有稍穫些須大率米粒碎小不能豐實收糧官止須驗明米色乾燥潔淨無有糠秕麩殼即與斛收不得借端措勒滋擾如違許被害控告以憑驗明究治

一漕糧出兌軍民原不許見面向經各院條規每日期定米數掣籤交兌限日開行歷有成案可考近來各

李文襄公別錄卷六

禁革漕弊

三四

屬官弁不遵成規派船配廠分圖對兌致旗軍認定某圖某廠為我應兌之米藉口截銀裁減橫索私貼軍民交關如同鼎沸先經本部院檄飭隨據糧儲道議詳製備竹籤令監兌印運各官於臨兌之時當堂抽掣運丁領籤受兌等因批行在案嗣後印運官弁一體遵照製籤掣兌永不許軍民見面如仍派定圖都廠間配船對兌致軍丁藉端措擾累糧民者將官弁糾參旗丁細責不饒

一領運官督丁兌運起交隨幫官催償船隻回空俱應潔己奉公恪盡職掌今領運官惟利是圖平時專撥

某家富厚可啖某人孺弱可欺無論軍籍民戶借倉運之名施攫取之術先以報名誘嚇私行賣放少不遂意即通申都司糧道不察來歷混行僉拏若燕奈承認則又多發難端如措索見面花紅匿賣底船字號等項種種苛索不可枚舉窮丁受累家破人亡如杭州右衛千總蕭發通死運丁喬慎可金華所千總謝天壽將民戶余士蛟混扯軍籍挾仇妄報已經審擬發落此皆明驗也至於現在運丁每年定有陋規先勒具送領狀隨於現發錢糧扣除及督船到次縱容軍丁恣肆打詐插身分潤恬不為恥隨幫官皆係

李文襄公別錄卷六

禁革漕弊

三五

無籍棍徒夤緣冒充批委到手一班狐假虎威科派滋擾以致軍丁弁髦法紀臨兌成羣夥詐開行任意逗遛糧船愈致稽遲小民益深苦累漕法弊壞皆由於此今後一應陋規挾詐等弊盡行革除如再貪黷乖張擇殷飛噬駕軍害民許被害人等據實呈控以憑嚴拏按漕法細打仍行參革不貸

一漕截銀兩原係給軍之項祇因軍需孔亟酌裁充餉餘仍給發軍丁近有借充餉之名銀色勒令足紋傾鎔成錠方准收受毋兩勒加火耗一二錢不等解費四五分不等嗟此窮民何堪剝削今年收截止須驗

明紋色卽零星小塊亦准收納其火耗解費添兌等項盡行禁革至於運丁以船爲業經洪歷險惟籍截銀支應毋開給發截頭攪和色銀短少等頭放散負重修船行月折銀盡借使費名色看幫次之強弱定扣頭之多寡甚至四折五折六折不等運丁愈窮鄉民愈苦皆由不肖官扣剋之故嗣後給發各項錢糧該管官務須當堂親行驗給不許絲毫扣除如仍踵銅弊不加痛改本部院查訪得實參拏究處悔之晚矣

一受兌開行向來定有嚴限凡幫船到次卽時開倉立

李文襄公別錄卷六

禁革漕弊

三六

督上船今監兌各官袖手旁觀衙臺枱棍交相鼓煽名雖調停實管私窟致運丁稽延觀望漕運一日不開必有一日加增遂致軍民交訐成何法紀今漕船到省勒令卽日興工修船一完卽令赴次交兌不必候齊成羣生事如漕船到縣該糧儲道酌定交兌日期檄知印運官弁遵照如某衛所某幫某丁船於某日到次該縣卽日通報然後將某日兌給某丁船米數三日一報以憑本部院查考如有逾限不報開行卽以違禁索詐聽候拏究挽遲爲速庶於漕務有裨

嚴禁奸民通海告示 康熙二十

年九月

為嚴禁奸民透越接濟以遵

功令以安海疆事照今沿海一帶賊艘飄忽靡常每圖乘

間登犯焚擄劫掠擾害生靈現經整頓舟師刻期剿

蕩惟是此等游魂寄命窮洋必藉米糧貨物苟延日

夕若無接濟何能存活本部院節次申嚴力行保甲

共相稽防協力守禦以期疆圉鞏固民生安業今台

寧各汛日報賊踪游移內洋屢次登犯揆厥所由蓋

以時富秋盡禾稼登場希冀乘機搶奪以為糧食除

經嚴檄沿海各將領轉飭備禦加謹巡防外恐有不

李文襄公別錄卷六

嚴禁通海

三十七

法奸民交通透越干禁妄為利寇資盜俱不可定合
行通飭嚴禁為此示仰官吏兵民人等知悉務各凜
遵法紀毋得妄行透越米糧紬布及一切貨物不得
違禁下海交通接濟其地方保甲自為稽查守口官
兵嚴行巡緝毋得知情容隱通同故縱敢有愍不畏
死之徒甘蹈重法定行嚴拏照例治罪決不輕貸凜
之慎之

申飭合屬文武告示 康熙二十

一年七月

為曉飭合屬盡除夙弊砥礪官方凜遵

功令事照得浙省自值軍興本部院暫旅三衢專意辦賊

兵馬絡繹機務旁午雖民生之休戚吏治之臧否戎

政之勤惰俗習之奸良未嘗不時屢於懷第以遠距

上游鞭長莫及地方文武不肖官弁恣肆敗檢貪黷

乖張信靈行奸徇情鬻獄嚴刑酷拷私派橫徵干犯

法紀之事無所不為甚而竊盜誣良縱兵行劫巡防

惟工騷擾守禦奔致疎虞占冒虛糜濫張掩飾則又

所在皆是馴致地棍勾旗指逃串詐營兵放債准利

李文襄公別錄卷六

申飭合屬

三十八

賣身媮民以局賭破家惡少以游閑上盜劣矜把持
武斷豪右怙惡無良風俗澆漓人心敗壞總由司土
各官不能視躬表率以至於斯也嗟嗟吾民游經盜
賊兵燹供億糧芻兩賜疾病之餘迄有今日三空四
盡室無蓋藏糶穀賣絲僅存皮骨此正加意休養冀
培元氣之時豈容不肖官弁縱容兵蠹旗廝惡棍荼
毒吾民本部院每念及此不禁痛心疾首又念人雖
至愚誰不顧惜功名自愛身命今奉

旨班師重視昇平此正諸務維新之時故不靳告誡叮嚀

改過遷善盡除夙弊毋干大法其真正貪官衙蠹勢

惡土豪悍兵地棍除一面確訪分別參拏從重究處
實力舉行外合再曉飭為此示仰督屬文武官員兵
民人等知悉自今以後務各凜遵法紀克勤職業砥
礪官方敢有不肖文武劣員貪酷敗檢叢弊殃民巨
蠹窮兇過賊執法強兵悍卒生事滋擾光棍營梟借
端挾詐豪右劣矜把持怙惡或告發有據或訪聞得
實一面拏究特曉
題參從重懲處決不姑貸慎之慎之

李文襄公別錄卷六

申飭各屬

三十九

嚴禁賭博告示

康熙二十一年七月

為緝拏賭博奸徒以靖盜源以安地方事照得呼朋
聚賭多係游手無藉之徒輪極無聊則亡命犯法之
事無不可為故語云賭近於盜况今世風日變呼盧
不已轉為鬪葉馬弔之風浸淫遠近忘餐廢寢晝夜
不絕於是奸棍乘機串同旗營豪惡開場放賭揆聽
良家子弟殷懃愚民引誘入局拈頭設阱潛藏高樓
密室淡巷幽居婦女司門蹤跡詭秘贏則流連忘返
輸亦無計脫身遂使勒票滾利傾蕩家財窘辱兇威
準折妻女更有一種惡棍糾合旗丁身藏賭具匿於

李文襄公別錄卷六

嚴禁賭博

四十

冷街僻巷廟宇神祠喝采擲骰巧誘無知執籌行詐
又或羣聚通衢藉名擲色遇有擔負行人蜂攢搶奪
種種無良不可枚舉地方印捕等官漫無巡察總甲
捕役縱庇扶同馴致奸徒肆無忌憚強劫公行率由
於此本部院屢申告誡全無改悔總以軍前遙遠未
經懲創賭風日熾盜患難除今當旋省加意剔釐一
面密飭該管官緝拏嚴究外合再禁諭為此示仰官
役兵民里甲人等知悉嗣後凡有窩藏賭博聚眾呼
盧以及鬪混江打馬弔者許該坊里保總甲鄰佑執
獲壽具報明該縣嚴拏如係民人即照例擬罪具詳

如係綠旗營兵解赴本部院軍前盡法懲處如係滿營旗廝即行申解以憑帶赴公衙門會同將軍照例重治有經旁人首告審實必將該地方里甲人等連坐究擬或係本部院訪確差拏定將印捕各官照失察例叅處言出必行斷不寬假衙役里甲人等亦不許借端騷擾及刁惡地棍捏情誣首加等治罪慎之毋忽

李文襄公別錄卷六

嚴禁賭博

四十一

嚴禁營債告示 康熙二十一年七月
為嚴禁營債剝民察拏奸惡緣棍以遵功令以甦民困事案准

兵部咨開僉都御史張 疏稱營官壓勒地方官員攬事說情官兵占行賈易恣行放債將民間之妻子忍拆嚴行禁止等語應將此處行文督撫等通行滿漢營官兵丁若有擾害地方情弊者該督撫等即指名題叅若督撫等徇情不行題叅或被科道題叅該督撫等一併嚴加議處等因奉有

俞旨欽遵通行禁飭又查現行則例內開旗下人既不准
李文襄公別錄卷六 嚴禁營債

四十二

出境外放債與境外州縣民控告者槩不准行其境內之人欠債能還而刁蹬年久不還者准行審理若借債之後身死而家業實無可還之物者債主雖告亦不准行等因頒行在案是營債剝民久有

禁令其如浙省蕪藉惡棍每多駕營滾利違

旨殃民本部院屢經禁飭悍兵惡棍全不悔禍自悛流毒閭閻日甚一日凡遇民人借債止有七折八折票約則勒寫足數又加毒月毒兩行利三分此外又科索東道錢保人錢種種名色窮民借銀到手十不及半迨至取償不容少寬時日或利息過月不還又勒展

票利上加利不數月間資產吸盡禍及妻孥始慮民人不卽依從先肆兇威登門毒毆弔管拷打百般狼藉命若懸絲勢不得不鬻妻賣子甚至毆打傷重慘致殞身又或窘迫無聊因而自盡而狼丁惡棍方且張牙磨吻擇人飛食里鄰親族咸遭波累本利疊算孰敢逋欠分毫管債之害一至於此惟是推原禍始旗營與民人原不相識乃有一種穉棍勾通引誘輒墮牢籠今欲除違旨剝民之大害必先除釀禍設罔之根源除暴安良惟此爲亟除咨會

李文襄公別錄卷六

嚴禁管債

四三

鎮浙將軍外合再嚴示禁飭爲此示仰官吏旗民里甲人等知悉嗣後旗營兵廝務須恪遵

功令不許重利盤剝及違例出境放債凡從前未清債負止許照依本利清還如果有刁蹬不還止許照例呈告審理如敢仍前怙惡肆行弔打逼勒妻孥飛害親朋鄰里者被害之人據實呈告以憑會審治罪至奸惡穉棍亟宜痛改前非毋許交結旗營影射詐害如再容留旗廝交結往來公然放債及巧立即于錢百日錢等項名色代爲中保圖利者兩鄰總甲報鳴該地方官拏解本部院軍前審實立斃杖下如兩鄰總

甲通同容隱告發訪聞定行一併嚴究懲處爾等百姓亦須仰體軫恤毋得甘墮術中自貽噬臍有負本部院恤民至意

李文襄公別錄卷六

嚴禁管債

四四

禁革巧取火耗告示

康熙二十一年七月

為禁革巧取火耗以蘇民困事照得本部院視師九載雖軍旅倥偬凡於民生疾苦時刻靡念所有與利除害之事申嚴告誡不啻再三無奈鋼弊叢奸牢不可破如各屬火耗一項有名為自封投櫃及至拆封或稱銀色青潤或稱等頭短少既已按數追補仍復加倍科罰以為榜樣而差役需索往來使費又且倍蓰鄉民視為畏途何敢不加一加二投封於櫃以蹈不測之禍又巧立官匠名色一應錢糧俱令赴彼領鎔稱足必用官匠烙記又設匠頭在櫃估驗復令印

李文襄公別錄卷六

禁取火耗

四五

鈐封上方准投收若無舖匠記號櫃吏決不給發收申蓋假手於匠役稍不遂意惟銀匠是問在匠役既飽現在之窟壑復畏將來之株累自不得不為官蠹預留地步勒令一加二此外經收櫃胥每給一串亦必勒錢一二十文且聞完納房號不計完銀串票竟算房屋間數且於間數之外浮加混報指稱各衙門公費肆意瓜分各蠹乘機弄完房號一間勒串錢四五十文不等亦有縣胥不收串錢每里竟派規例或八兩十二兩每年二次徵收及至傾銷發解又按圖加派名為解費公然籤票迫徵上下相蒙恬不為

怪本部院雖遠駐上游民間利弊洞如觀火即欲槩繩以法誅之不勝其誅今當班師耳目日近各宜洗滌肺腸痛加悔改決不肯少事姑息重困吾民除一面現在察拏叅處併檄行布政司及各府遵照通行外合行嚴示禁革為此示仰官吏士民人等知悉嗣後徵收錢糧遵照

部頒法馬聽民自封投櫃如有零星小塊止期足色紋銀而止不得勒令傾鎔成錠若果有青潤短少止許將戶名欠數開明示知該里聽其下次完補不得擅差胥役下鄉滋擾其一切加耗并設立銀匠領估

李文襄公別錄卷六

禁取火耗

四六

鈐記科派解費及櫃吏措勒串錢等弊盡行痛革如有陽奉陰違官蠹通同斂派巧取分肥爾百姓即據實指名呈告以憑嚴拏審實官即特疏從重題參盡即立時處死本部院言出必行斷不寬恕各宜猛省保全身命毋貽後悔

嚴禁關稅橫徵告示

康熙二十一年七月

為再申嚴禁額外橫徵之弊以遵

功令以肅關政事照得商賈買賣貨經營設關抽稅奉有部頒則例分別條款照項徵輸然必俟商賈抵關按貨抽納從來有就地交易部則不載及貨不由關并已經過關上納稅銀之後積蠹奸書叢弊執法縱差巡攔擅遣家人內丁分踞要津借端投奪任意苛求節節搜查常稅之外復多私稅層層疊罰倍稅之銀幾俸貨本即如省城水陸各門一班蠹棍輒借查稅名色不論畸零包裹半肩行李無不喝令開看倒篋翻

李文襄公別錄卷六

禁稅橫徵

四十七

囊行同禦貨乘機攫奪無所不為以致商旅視為畏途怨聲載道前奉欽頒

恩詔內開各處關差有將不應納稅之物額外橫徵差役四出分踞津隘擾害商民者該督撫題參若不行題參事情發覺一併從重治罪等因欽此是責成督撫稽察關政橫徵之弊既嚴且切向因遠在軍中已經出示禁飭今本部院班師旋省商民困苦亟應懸息斷不容仍循前弊除一面密訪查拏外合再申嚴示禁為此示仰官吏商民人等知悉嗣後貨物應行納稅者俱照定例遵行不得隱漏取咎如有仍前將不

應納稅之物蠹書作弊額外橫徵巡攔差役分頭四出盤踞津隘及各城門恣肆擾害借名搜求者或經訪聞或被告發查審得實定即特疏題參蠹書攔役一併嚴拏盡法究處斷不姑恕凜之慎

李文襄公別錄卷六

禁稅橫徵

四十八

嚴禁捕役誣良告示

康熙二十一年七月

為嚴禁惡捕線盜扳窩誣良私拷以肅法紀以安民生事照得捕役誣陷私刑立法甚嚴現行則例內開凡番役人等捉獲強盜先送官審不許私刑取供違者於本衙門枷號一箇月責四十板革役如得財及誣陷無辜者從重科罪至於妄用腦箍毛竹連根大板及竹簽烙鐵等刑致斃人命者以故殺論不准援赦其初招既定不許續板又拏強盜於未審之時承問官即驗其有無傷痕如有傷者即將捕役詳審照例懲治等因遵行在案

李文襄公別錄卷六

禁役誣良

四九

國法昭然孰敢違悖詎意奸惡捕役愍不畏死凡遇強竊事案不將正犯上緊緝獲先矚股儒鄉愚指窩指盜任意私拏多在溪林僻地古廟菴觀空房冷屋之內非刑弔拷五毒備至名為做索言之慘不忍聞當此生死呼吸之際何求不得隨所意授矢口招承清白無辜之人頃刻即成正盜於是恣其勒詐傾家蕩產賣子鬻妻無不飽其虎吻乃復公然私放又慮事後告發故當弔拷之時埋勒親供雷為左券使被害者備受慘苦緘口難言若或詐索不遂即以拷勒口供為憑離點私賊嚇令到官照供直認少有更改倍

李文襄公別錄卷六

禁役誣良

五十

加嚴刑嗟此蚩蚩之民心膽墮地只顧目前暫緩痛楚含糊供認地方官方以獲盜為倖以奸捕之刑拷勒供奉為金科玉律冀圖結案誰肯細心推勘即司府各官拘泥初招亦不暇更端平反孰知差之毫釐失之千里無辜之民憑空枉陷有案未結而拖累瘐死即間有一二昭雪而身家早已破碎及至正盜就獲則又勒囑扳窩株連妄指統兇肆捉勢若抄家劫掠姦淫無所不至橫行蔑法言念及此奸捕罪不勝誅而杭嘉湖寧紹為尤甚除一面密訪嚴拏從重究處外合行出示嚴禁為此示仰官役軍民人等知悉嗣後敢有前項惡捕誣良詐害妄用私刑買盜扳窩株連波累如前所指諸弊許被害人等據實指名呈告以憑嚴拏審有實據盡法處死若在溪林僻地空房古廟菴觀寺院私刑弔拷許地方鄰佑僧道密報就近有司添差協拏將惡捕嚴禁通詳從重究擬如有扶同容隱事發一體治罪該管各官嚴加申飭據實揭報敢再徇縱殃民定即一併題參本部院法在必行斷不姑貸

嚴禁於棍條陳告示

康熙二十一年七月

為嚴禁於棍巧借條陳公行挾詐別積害以彰法紀事照得地方大利大害公是公非自必博採輿論原不禁絕人言壅蔽耳目孰意人心狡詐習俗澆漓輒有一種無恥劣於串通訟棍慣弄刀筆出入衙門初則獻媚乞憐繼則求情關說橫行鄉曲飛食善良庸闇有司任其簸弄起滅詞訟包攬公事無所不為遂其所欲結聯同類長篇累牘稱頌德政稍或拂意號召死黨搖唇鼓吻投遞條陳閱其詞若似乎義憤填胸究其實則盡皆講張滿紙又復暗砌款蹟羅織多

李文襄公別錄卷六

嚴禁條陳

五十一

入夙怨微嫌讐言塵案無不闖入偶或登准志得氣揚地棍從而和之凡詞內有名之人盡可供其刀俎百般嚇詐展轉誅求既饜其慾不難調停收局匿影潛形或詭覆匿名或巧行檢舉愚民畏其拖害事外懼其干連卽被指摘之官方欲匿瑕掩過曲意相徇從此把持之勢愈堅圖詐之心愈辣是此輩雖黃短長竟可操汝南月旦之評矣本部院飭吏甚嚴嫉惡尤甚如果有貪官蠹役身被婪詐慘痛剝膚何難指名呈告安用借稱利弊假公濟私况因條陳受財詐害者不一而足早已灼見肺肝地方所有大利大害

自必廣諮博訪加意興除刀筆快意顛倒是非妨政厲民首宜痛革合行飭禁為此示仰官吏士民人等知悉嗣後劣於積棍亟宜痛改各守本分肄業保身如或故智不悛假捏條陳希圖挾詐仍前聳誑一經察出文武劣於卽行概革從重究擬地方積棍立斃杖下爾等百姓倘有受害據害控告以憑嚴拏懲創決不輕貸

李文襄公別錄卷六

嚴禁條陳

五十二

嚴禁兵捕假緝私鹽告示

康熙二十一年七月

為嚴禁兵捕假緝私鹽搶劫肅法靖盜以恤商民事
照得杭嘉湖紹一帶舟楫往來既苦於盜賊生發復
苦於巡鹽兵捕其兇惡更浮於盜有不勝其害者夫
鹽捕之設止司巡緝私販乃因不逞巨梟聚夥拒捕
而鹽捕得以揚舡列械使得禦敵防身遂致流毒無
底凡無良軌法之徒羶心艷目營謀充捕腰牌入手
符可護身輒駕三柁快船明列鎗銃器械或盤踞要
津或分截港汊凡遇商民往來船隻無論有無私鹽
邀截盤查巧立酒錢及燒紙名色船內本無顆粒鹽

李文襄公別錄卷六 嚴禁兵捕 五

斤亦必勒收常例若遇孤客行舟隻身鄉懦即將資
囊什物肆搶一空飛棹遠颺莫可蹤跡甚至黃昏暮
夜公然行劫嗟彼商民飲泣吞聲無門控訴尤可恨
者矧有殷實鄉愚或遇重載貨物或撒鹽倉內或暗
擲鹽包名為生蛋飽其獵詐卽化有事為無少與爭
衡便可認真駕害誣稱搜獲誑首有司不肖官吏方
且欣然藉以居奇動指私鹽二字隨意鍛煉傾家蕩
產天日俱昏夫盜賊行劫尚慮鳴官贖緝此輩為盜
反可進退自如何問則有巡鹽之名追尋又無行劫
之迹竟可公行於光天化日之下矣卽有一二受害

告發其如該管之官平日既受其牢籠事發又慮為
失察以致大法難申民害日甚至若兵丁巡鹽尤當
恪遵軍紀乃敢扞法行奸稔惡與鹽捕相等如杭協
千總崔士泰縱兵朱一進等借巡鹽名色行劫監生
沈廷徵等財物此卽近日明驗除按軍法細打斥逐
并兵丁現在嚴審究擬今本部院班師凡此藐法害
民之事亟當首除一面密訪嚴拏外合行嚴飭為此
示仰官吏兵民商賈人等知悉嗣後凡有巡鹽文武
衙門務須嚴飭兵捕痛改前非如果有巨梟積販人
鹽確據者仍行拏究外其商民往來船隻一概不許

李文襄公別錄卷六 嚴禁兵捕 五

借名盤查希圖索詐倘怙惡不悛仍行駕舡列械搶
奪商民船隻及生蛋聚詐者告發訪聞立將該管官
飛疏

題參奸惡兵捕嚴拏處死決不寬貸

李文襄公別錄卷六終

河防疏畧序

古在庭之臣拜手颺言面相俞哂

其後吏事日煩大臣得自陳請連
章累牘求其坐而言起可行者實
難其人若夫言有餘忠盡瘁且歿
削尤難之宮保朱公之治河也節
序一

鎮濟寧余方督山左學又嘗獲交
公于京師最舊且是知之為詳又
八季而聞公薨為出涕又三季始
見其奏議蓋會稽徐楚公所手輯
侍御李公鄴園剗刷將半吾郡太
守孔公為之剗成凡二十卷屬余

叙嗚呼公視河十年數千里晏然
無甚昏墊其功當在史冊其學行
具見李侍御墓誌矣且余觀之殆
有歎不可及者總河且節鉞兼制
文武權重且專吏且河為職者相
望寒暑風雨役夫且萬計猝有急
序二

削法重令嚴不難霆震其吏蟻視
其民于是吏或不能堪而其役人
之葬魚腹歿饑疫者不可勝筭公
先事僉謀指臂心膂如與子弟營
家事即不任職者論罷未聞其訶
諍聲故群吏感奮效死雖勞不敢

勸其馭役夫則厚其廩給而咨嗟
拊卹其勞苦故其民荷鍾雲集雖
死不敢怨黃河為患中國自漢宋
呂來耗金錢若填巨海其間疏濬
塞防古今異勢要有天幸即河防
諸書所載成法未可膠執也公詢
序三

討掌故斟酌機宜凡有敷奏必期
盡可施行事已報可則馳驟經營
于泥潦畚鍤之間故河淮要害幾
潰決者四五而未雨綢繆治之卒
無患然其精力亦已消亡矣公初
呂館閣重臣

特簡治河恩賚備至又解

御衣寵其行公是時已誓捐頂踵及
居太夫人憂再疏請歸不許余往
唁之公泣曰荷

天子異數死不足塞責如親喪何輒
流涕失聲已又頽謂余曰知君賢
序四

而不能薦呂是負子蓋先是治河
督府得薦薦學使後格于例故也
嗟乎公亦何私于余哉公之愛才
卹下惟恐不及歲有舉劾而不呂
喜怒為殿最清約如儒生而河帑
節省多至四十六萬公薨之日兩

河吏民無遠近皆號哭望今驚相
傳為河神非公之盛德感人不及
此而天既畜其年又靳其嗣嗟乎
悲哉此有道仁人之所自惓惓其
奏議也徐菴公故從公游經紀其
後事而孔公亦嘗自勞績受知于
序五

公益皆不負公者庶幾古人之義
焉若夫公之為人則非自文辭自
見者也

康熙戊申七月宛陵後學施閏章

謹撰



序

民生並用五材而操大利大害之
權者莫如水古帝王平地成天以
治水為首務然後世之治水與上
古異當堯之時所欲治者徧天下
而後世常在一隅當堯之時憂在

姜序

汎濫務洩其有餘而後世無以輓
漕恒病其不足故大禹隨山刊木
不過由水之道孟子謂之曰行其
所無事蓋江淮河漢各有源流可
容疏鑿高高下下因其自然而各
遂其性所以八年之後工不再舉

一勞永逸而萬世賴之自秦漢以還至於今日輓輸雖不同道大率與黃河相出入往往多築金隄盛水地上有若仰孟櫛比爲防鱗次啟閉使不得驟洩其爲法皆欲遏其就下之性而矯拂之故董其事

姜序

二

者左支右絀恒無長策稍有瑕釁則潰決之禍中于不意

朝廷興數百萬役糜數十萬金錢歲歲而治河不得休息不過爲輓漕計古云三十鍾而致一石相權而論寧非失策追論古者阡陌未開

溝洫猶在列國各自爲食不相假貸柰何棄西北之利徒仰給東南哉然二千餘年於茲雖逢不世出之君非常之佐欲以他策罷之卒不可

姜序

三

世祖章皇帝有憂之博選廷臣惟吏部右侍郎義烏朱公爲勝其任於是以前以兵部尚書兼都察院右副都御史受命焉蓋盡瘁十載而薨於官兆民戴之遂事公爲河神云公蓋舉近代治河之家若明之陳平江瑄宋公禮朱公衡萬公恭潘公

季馴楊公一鬼之屬所爲竭智畢
能底績一時者且兼收其長而計
時就理不使

當宁憂勞嘆宣房而歌瓠子可不謂
偉烈哉轍之先大夫春軒公曾以
冬官治呂梁洪家夫子又以是官

姜序

四

治張秋世董厥職聞治河之事最
詳且習計其地蓋二千里而遙非
一人之車轍馬跡所能徧至計其
人自文武大小官司以至軍吏徒
役不可勝算非一人之視聽所能
洞其情僞計其器用財賄巨而木

石細而竹柳以至畚鍤芻藁之屬
亦不可勝算非一人之心計所能
籌其贏絀又水性剽激嘗變起倉
卒間雖有智巧材力必難預防是
惟大禹千古稱之曰神謂其精誠
所格不可以人之意計測也公起

姜序

五

自詞臣年方過壯乃能克奏膚功
如此使非神焉烏能至是攷諸祀
典能平水土者祀之曰社能播嘉
穀者祀之曰稷公之廟食於河亦
先王之制爾豈得謂之荒誕哉夫
河之爲害古今不同而禦害之方

亦因之遞變公沒而公之勛績昭
 昭在天壤間必欲循其跡而施之
 久之又未必符合至其精神志氣
 寓於經營慘澹之中者則終古而
 不變也我鄉徐子埜公輯公奏議
 精思較讐勒為不朽之書而山左
 姜序

李侍御鄴園孔太守元起共謀剖
 剔懸之國門意在是歟後之繼公
 任者得其意而神明之公雖沒而
 公之所以治河者常不沒也疏略
 一編又豈賈讓之流所得而幾其
 萬一者哉

姜序

六

康熙戊申孟冬會稽後學姜希轍
 謹撰



姜序

七

刻河防疏畧引

宮保梅麓朱公一代偉人九年懋績經營疏濬不
辭胼胝之勞肇畫灌輸既竭心思之力遂致殞于
王事幸勿泯于公言

卹典有加輿情克慰功業垂諸史傳本末載在誌銘

自序

綸綍之褒嘉無俟草茅之論述惟載道行遠之具所
重文章而體

國經野之謀取徵奏議後死之責端有在於斯文不

河防疏畧

引

寒香館

朽之圖顧莫重於茲事此沁之所以綴輯於倉皇
之際收錄於殘闕之餘者也謹奉遺編每增隱痛
是皆瀝披心血措施交格于鬼神構運冥思精感
默通於

帝座故凡入

告之語輒皆由衷之言不激不隨可誦可法其白丁

酉以至亥臘實公親訂於生前至若庚子以迄丙

春乃沁續鈔於亡後雖聲華永爛原不藉此邀名

幸藁杳猶存何忍闕之沒世沁蒯緱宴食不忘桂

劍之心馬策蓬門更切亡琴之慟願登梨棗用媿

琬琰第綿力恐難于竣工非

鼎重不足以集事亭前載酒固多問字之侯芭身

後傳文豈乏聞風之李漢敢謀同志敬質素心不

以此舉為迂疎庶望相成於道義特申俚鄙肅布

丹誠

稽山徐沁頓首具

河防疏畧

引

二

寒香館

河防疏畧目錄

卷之一

驚聞 新命疏

恭請 陛見疏

恭報到任日期疏

特請歲行舉劾疏

丁艱疏

泣陳守制疏

糾叅河官私徵疏

河防疏畧

目錄

一

寒香館

題留營將疏

題叅營將疏

額請終制疏

特叅息玩官員疏

卷之二

議覆河夫徵派疏

新河完工疏

特叅貪蠹官吏疏

卷之三

兩河利害甚鉅疏

陳明河南夫役疏

酌議淮工夫役疏

查議通惠河工疏

特議建設柳園疏

嚴剔河工弊端疏

卷之四

釐覈贖盡銀兩疏

慎重河工職守疏

河防疏畧

目錄

三

寒香館

申明河官專責疏

申明激勸大典疏

酌議撥補夫食疏

河道關係甚重疏

卷之五

據實題明疏

議覆淮工夫役疏

覆准黃關係甚鉅疏

卷之六

升旗不法疏

題明河銀支放成例疏

免換官兵船隻疏

運河漫溢疏

特叅抗誤河工印官疏

卷之七

特叅藐玩道臣疏

甄別司道疏

舉劾有司疏

河防疏畧

目錄

三

寒香館

舉劾佐貳疏

卷之八

題叅失誤緯失各官疏

議恤緯夫苦累疏

題補南河同知疏

卷之九

覆河夫徵派當更疏

哀懇歸葬疏

卷之十

覆河水貽害靡常疏

亟議賑恤招採疏

循例請卹疏

覆河堤關係甚鉅疏

治河必資夫力疏

卷之十一

扶輿回籍日期疏

祭羣事昂謝 恩疏

恭報受事日期疏

河防疏畧

目錄

四

寒香館

迅催道臣赴豫疏

恭謝 天恩疏

親勘王家道口工程疏

特叅怠玩有司疏

特叅關茸司官疏

恭報督催糧運疏

辭理刑名疏

卷之十二

呈報清口倒灌疏

呈報水勢疏

清口閉壩疏

覆河夫第一苦累疏

卷之十三

覆河防利弊六款疏

再舉申明激勸大典疏

遵例考滿疏

卷之十四

呈報石香爐決工疏

河防疏畧

目錄

五

奏卷第

董口閉壩疏

曹工黃水陡漲疏

特參河南南岸疎防各官疏

續報黃練集決口情形疏

水患延袤數省疏

卷之十五

特參抗玩有司疏

酌估曹工疏

三舉申明激勸大典疏

呈報石香爐塞決疏

卷之十六

特參庸劣廳官疏

覆秋水汜溢異常疏

題補山清同知疏

題叙石香爐勤勞各官疏

覆續報淮揚水汛疏

題補北河同知疏

卷之十七

河防疏畧

目錄

六

奏卷第

敬陳河漕事宜疏

請覆河差三年舊例疏

四舉申明激勸大典疏

特參怠玩廳官疏

卷之十八

嚴覆請裁無益河官疏

兵船回空轉至疏

議覆更番河夫疏

五舉申明激勸大典疏

糧運關係甚鉅疏

卷之十九

請禱泰山疏

重運鱗抵臺莊疏

特參庸劣廳官疏

題留河差各分司疏

聞河啓閉有時疏

卷之二十

恭報重運糧船過臨疏

河防疏畧

目錄

七

寒香館

回奏南兌需船疏

題補揚河通判疏

查覆楚省漕船疏

患疾日淡疏已繕尚未拜發

崇祀錄

稽山後學徐沁荃公輯

兗州府濟寧州為查議舉行祀典事康熙拾年貳

月初壹日蒙

總督河道提督軍務兵部左侍郎兼都察院右副

都御史加壹級羅 憲票前事照得

前任總河部院朱 經營九載功著兩河拮据靡

遑鞠躬盡瘁而崇祀未行殊為闕典合行查議為

此票仰濟寧州官吏照票事理即查該州南關外

崇祀錄

有報功祠

前部院朱 似應置主入祠供奉其崇祀名宦開

載憲綱曾否舉行仰即查明典例確議具詳慎勿

違錯取咎未便等因到州蒙此遵查濟寧州南關

報功祠

前任部院朱 未曾置主入祠供奉亦未曾崇祀

名宦開載憲綱覆查南關報功祠內儒學名宦祠

內各神主有經具

題入祠者有詳請

上臺入祠者允後置立神主一座用香燭猪羊旗
吹原任執事傘轎神主請于轎上旗吹執事前導
入于祠內崇祀名宦開載誌書今

前任部院朱 功績顯著利賴無窮而崇報尚未
舉行實為闕典或候

憲臺具

題入祠上誌或徑為舉行緣係查議事理未敢擅便
擬合具文詳請為此備由開冊具申伏乞
照詳施行須至申者

崇祀錄

二

康熙拾年貳月 貳拾叁 日知州廖有恒
總督河道提督軍務兵部左侍郎兼都察院右副
都御史加壹級羅 批

仰山東提學道查議速報

兗州府濟寧州為節鎮重臣盡瘁地方崇祀未行
公懇設主入祠以表前徽以慰思慕事據本州闔
學生員姜兆嘉等舊員劉東忠等公呈前事呈稱
竊惟載觀河洛膚功自古猶存遺愛甘棠直道至
今難泯故永祀必垂於俎豆而明德可薦其馨香
伏念

清故進階資政大夫總督河道提督軍務太子少
保兵部尚書兼都察院右副都御史朱大宗師起
家進士文章應

崇祀錄

三

國運之鼎新充選詞林翰藻動
宸衷之特眷乃由銓貳旋
命督河先事綢繆輓路之隄防既固頻煩補救天時之
早潦堪虞誠由已溺而已飢奚止不乘而不蓋河
流順軌節水衡莫計之金錢里甲安恬省閭左無
窮之膏血兵民不擾市廛貿易相安紀律維嚴營
伍侵漁盡絕自緯夫苦累之疏上而民困得蘓及
捐俸賑濟之法行而歲荒有賴持身清介仁風既
已覃敷賦性慈祥善政實難枚舉顧披星帶月方

介馬于河干嗟殫力銷形驟乘箕于天上此真恩
垂峴首爭傳墮淚之碑宜同廟食灘堆永砥中流
之柱未昭祀典曷慰輿情伏乞俯鑒士心洞察公
論申請各憲允祀報功繼康惠之遺徽並光俎豆
酌洗汶之清酌堪配椒蘭爲此闔學連名上呈等
情公呈到州據此又據本州五十四里鄉約里長
孫光祖等呈爲特表鞠躬盡瘁之勞臣懇彰崇祀
報功之盛典事呈稱竊照桐鄉之奉香火自謂賢
于子孫畏壘之祝庚桑蓋實深于思慕未有口碑

崇祀錄

四

猶騰道路而俎豆尚缺蒸嘗者也

前任總河朱部院大老爺忠孝性成廉明夙著自
從抵任經營河務千里安瀾徃役均平公私利賴
其功德及于他省者未遑槩舉卽如本州兵差絡
繹最苦者無如絳夫俯念民艱調劑得宜以蘇民
困者此其一濟當孔道南北應付無船更替議貼
食米以絕差擾者此其二凡駐州養馬各差設法
安插間安堵以恤居民者此其三歲荒民流亟
議賑恤招徠存活億萬生靈以拯殘黎者此其四

朱明量首告胡守法一案肆害株連請神公鞠昭
雪無辜以安良善者此其五至于夫沾實惠市受
平價農安耕稼境絕萑苻善政流風班班具在痛
遭薨逝合州人民罷市輟相扶老携幼匍匐慟哭
若失考妣至今言及無不淚下乃崇祀尚未舉行
思慕何由得展伏乞轉申各憲俯從民請置立神
主迎奉報功下慰輿情上昭祀典實爲恩便爲此
激切合詞上呈等情具呈到州據此該知州廖有
恒看得

崇祀錄

五

前部院朱公八座樞機九河要劇星儀缺續亦旣
霖雨乎王風勳著鹽梅更復舟楫夫

帝載自侍從以歷少宰文章動
天子之顏由河督而晉宮階功業協鼎鑄之鑄湖辭
丹陛坐鎮任城南北馳驅萬艘借輓輸之力軍民調劑
羣黎享安輯之休新河開而漕舟歡呼絳夫蘓而
役工歛福條議損益已無病於民生節省帑金更
有裨于

國計殫心勸賑生活者億人盡瘁鞠躬將茶者十載

厥功允茂其澤靡涯方與麟閣以報殊勲何意箕
乘而遊冥域誅忠之錄哀感

宸衷插竹之悲淚盈兆姓嗚呼斗山重望不再遊于今

茲俎豆式儀當垂休干奕禩孤忠照耀已配食華

川之陰偉烈差喪當尸祝沛水之上是在

憲臺俯從輿論立主酬庸以光鉅典者也為此理

合備由開冊具申伏乞

照詳施行須至申者

康熙拾年貳月 貳拾叁 日知州廖有恒

崇祀錄

六

總督河道提督軍務兵部左侍郎兼都察院右副
都御史加一級羅 批

前部院朱 政績昭著盡瘁

河于今據士民呈詞愛戴不

忘尤徵公論允宜置主入祠

以慰輿情仰州作速舉行報

繳

兗州府濟寧州為節鎮重臣盡瘁等事蒙

總督河道提督軍務兵部左侍郎兼都察院右副

都御史加壹級羅 批據濟寧州申詳緣由前事

蒙批

前部院朱 政績昭著盡瘁河于今據士民呈詞

愛戴不忘尤徵公論允宜置主入祠以慰輿情仰

州作速舉行報繳等因批行到州蒙此隨置立神

主一座上書

皇清進階資政大夫總督河道提督軍務太子少保兵

崇祀錄

七

部尚書兼都察院右副都御史朱公用香燭猪羊

旗吹原任執事傘轎神主請于轎上旗吹執事前

導擇於叁月貳拾柒日巳時入于南關報功祠內

訖所有原蒙批詳擬合粘連申繳為此理合具申

伏乞

照驗施行須至申者

康熙拾年叁月 貳拾捌 日知州廖有恒

資政大夫總督河道提督軍務太子少保兵部尚書兼都察院右副都御史梅麓朱公墓誌銘
今上御極之五年春二月山左撫軍周中丞以河臣盡瘁訃聞於

朝一時中外僚友無不嗟悼兩河之民皆悲號隕涕其濟州士庶巷哭不已則又匍匐聚哭於堂如是者累月盛德感人咸以為近代希有儀曹循典禮上

請

墓誌銘

十一 寒香館

子卹如例是冬以喪歸閱明年葬有日矣其嗣孫徽以幽宮之石乞銘於予予向理葵風承風義而公開府則又辱在照臨今奉

命視浙適會襄事予雖不文而獲操筆以述公之功德固所願也謹按公朱姓諱之錫字孟九號梅麓其先世深州靜安人宋有諱珍華者始遷浙居義烏之聞義鄉五傳而生肇永樂間以戶科給事中出鎮江右性特好梅繞所居植之故名為龍頭里又五傳而生秀秀生天勤是為公祖天勤生四子長

三鳳即公父也後俱

覃恩竝贈兵部尚書如公官贈公娶沈太夫人時事計然業遊京師而生公幼穎異絕倫稍長通經書日課十餘藝皆援筆立就當南歸入邑庠年甫十五尋復北遊以首科得薦次年成進士充館選年僅二十有四時

世祖章皇帝每

幸館雖猝至獨公肄業不輟

上嘉其勤已隱然有公輔之望故後由侍從佐銓未幾

墓誌銘

十二 寒香館

即

命督河

上諭氣度端醇才品勤敏其所受

知者由來深矣故事節鉞重臣皆由

廷推而公出自

特簡實異數云公聞

命疏辭

不允旋

賜衣帽帶靴鞍馬等物

召赴景山

天語眷篤又解

御衣賜之

恩寵甚渥公感

殊遇出語家人曰

陛辭之後頂踵非復已有臣誓當死報矣輒於丁酉

孟冬受事方夙夜奮勵以自効居無何會丁大夫

人憂

上命在任守制再疏泣陳

墓誌銘

主 寒香館

溫旨慰留不得已墨緣視事公念

朝廷歲治黃運兩河轉輸東南漕百萬以實京儲惟

此一綫是賴運河自宋康惠公疏會通以達屯氏

後劉公東星濬加河出夏陽所資汝泗沂沭傍及

諸泉滙而成渠少旱則源微水涸舟膠而不行故

南自臺莊北抵臨清中建各鍾啟閉節宣顧此涓

涓與長江大河迥異舊制淺船有定式粟米有定

數偏漕之禁甚嚴今日益寢廢矣而黃河建甌萬

里趨中州土疏水悍自榮澤迄山陽境南北兩岸

垂四千里伏秋驟漲瀕洞排突其破重障如穿縞

葭而北岸猶為運道要害苟蟻穴不戒即決曹單

東注勢且奪河清桃宿四百餘里漕且中斷姑無

論故明徐有貞塞張秋劉大夏塞荆隆曾如春塞

蒙牆其役夫費帑不可億計即

本朝封丘之役六年而始底績動水衡幾百萬近事

可鑒也公凡為修守綢繆計者無不悉心擘畫以

圖經久如夫役工程錢糧職守及諸弊端中間興

革損益皆商榷至當一一條上幾數十疏俱覆議

墓誌銘

四 寒香館

報可於是河政煥然改觀公奔走無寧時又以祥禫

將屆疏

請歸葬

世廟憫其至情

予假扶輿歸籍僅遷官攝其事以速公至真

曠恩也公於庚子季冬復任明年春

世廟上賓大行詔至公日夕哭臨幾不欲生已復自念

竭犬馬以報

今上即所以報

先皇帝於地下也殫力盡職益勤於初尋錄勸賑功晉

宮銜公感

兩朝恩寵經營河上什一在署什九在外兼以兩賜
勿若非旱憂淺即潦憂衝每當各工竝急則南北
交馳寢食俱廢值盛暑介馬暴烈日中隆冬嚴寒
觸冒霜雪誠所謂勞不乘暑不蓋髮髮有古大臣
風以故首尾十年無大工巨役數省之民獲免昏
墊公亦坐是日憊欲乞身者屢矣會事格不果乙
巳冬督催空艘抵臨清夕處兩牖間風露浩浩夜

墓誌銘

五 寒香館

以繼日不少休息及東旋形神顛頽入春復閱視
大挑奔馳東臨邳宿間積勞日甚因繕疏請
告未拜發而公遽薨是時經紀後事家無餘財其歷
年所節河帑甚裕公在日不欲以餘羨邀功至是
督撫會疏陳公勤事狀具言歲修額銀為
朝廷節省多至四十六萬有奇即此一端可以槩其
官守此真公忠體
國鞠躬盡瘁者也事
下部議嗚呼公立身許

國之誠自此可以大白於天下後世矣考公歷官丁

亥夏自庶吉士授弘文院編修戊子纂修六曹章

奏加一級己丑充會試同考官歸省服闋癸巳復補

前職甲午歲

覃恩授儒林郎公父母俱邀

恩是歲

世祖召試彩箋公進詩以柳公權筆諫為喻

上大喜賜衣轉侍讀學士尋轉詹事府少詹事兼侍讀

學士乙未春轉少詹事兼國史院侍講學士是冬

墓誌銘

六 寒香館

轉詹事兼秘書院侍讀學士奉

旨纂修資治通鑑丙申夏轉弘文院學士加一級每出

入扈從

御覽諸書皆公點乙校讐以

進丁酉夏轉吏部右侍郎兼弘文院學士奉

命清理刑獄尋授兵部尚書兼都察院右副都御史總

督河道提督軍務辛丑春加太子少保壬寅考滿

賜羊酒文綺命給誥身進階資政大夫其治河也戊戌

冬董口淤公從石碑口迤南別開新河二百五十

丈接連大河以通飛輓巳亥春駐山陽蘇嘴五大險工叢弊一清復太行老堤民修之制各保廬聚條議中州夫役悉照十五年以前熟地分別遠近漸次調用人服其公清釐曠盡銀兩達部充餉辛丑冬清口至高郵三百里間悉成平陸公集夫挑浚疏

請分給食米故工鉅而人不勞壬寅夏曹縣石香爐工決幾成大患賴公駐工籌畫夫料手口卒堵凡五閱月塞決告成其他險工如王家道口孝成集槐

墓誌銘

七

寒香館

疙疸黃練集俱着有成效而惠民莫如軫恤夫役沛州路當子午挽舟之夫動以萬計僵臥於道者不可勝數公具絳夫苦累一疏備陳其不堪者六曲有調劑者四

上嘉其奏下部議覆民困少蘇會歲稔山左中州淮南道殲相望公設法倡賑全活者衆奸民朱明量誣胡守法不逞事株連數百十家公親讞欵伏良善獲安其他慈祥惠養固未易更僕數至公之立身清介一切耳目玩好無所尚惟藏書數千卷被服

如儒生布衣蔬食泊如也其接物則一本於誠喜愠不形遇僚屬如家人凡所指授必委曲詳盡媿不勸或因公事論劾不少假借每寓至仁於大法之中聞者感泣其禮賢下士當世尤多之而其發爲文章淹貫史漢唐宋諸家條晰利害燦若指掌至於封事書牘皆矢口如流雖十吏遞供不給也先是公欲纂輯河防一書續潘公季馴後會世廟升遐遂罷詩文書稿隨手散軼今僅存疏稿數十卷未錄若公者豈非天下之全德哉初公垂髫出

墓誌銘

八

寒香館

就童子試其王父贈尚書公與俱夢神胡公大帝者來謁公與具賓主禮甚驩神諱則字子式宋端拱間登第常典七州更六路使者奏免衢婺丁身錢歿後婺人虔祀之與公名位亦畧相當後官詞林歸省舟泊黃河夜夢金龍神授公巨鯉鱗紋燦燦復語公云善善好好異時當期相見成禮而出時有曹孝廉文燧以小舸隨公舟亦夢水族鬼物數千百負公舟而行詰朝相語爲異今河上遠近爭傳公歿爲河神雖荒誕未足深信亦足以覘民

心戴公之誠矣雖然古名臣歿爲神者不少槩見
卽如柳州羅池曼卿芙蓉城事皆昭假非爽況由
前事推之於公獨何疑乎公生於天啟癸亥十二
月初七日子時薨於康熙丙午年二月二十二日
戊時享年四十有四元配沈氏處士女早卒
累贈夫人繼配沈氏太學生邦禮女累封夫人女
敬文未字公艱嗣有遺姪無不祝公有後及乳爲
女今尚未聘立從子餘徽爲後用以克紹前徽云
卜以是年三月二十二日未時奉窆公於方村之

墓誌銘

九 寒香館

原嗚呼公已矣公其卽安於茲矣銘曰

長河如帶百川吞吐灌輸東南以實天府於穆

章皇疇咨伯禹四載克勤兩河式舞績奏平成化行齊

魯公能壽世而勿壽身乃其壽者永昭令名公能

傳世而鮮傳經究其傳者衍於所生方村之原鬱

葱佳氣生榮死哀精靈長闕信史足徵具載斯志

康熙六年歲次丁未季春上澣穀旦

賜進士第朝議大夫湖廣道監察御史加一級巡視兩

浙鹽課前掌陝西浙江兩道巡按山西巡視西北

兩城刑部湖廣清吏司郎中加一級山西司員外
郎廣東司主事浙江金華府推官充辛卯科鄉試
同考官卓異

賜衣年家晚侍生李之芳頓首拜誤

墓誌銘

十 寒香館

河防疏畧卷之一

義烏朱之錫梅麓甫著

濟南李之芳鄴園甫定

稽山後學徐沁埜公輯

驚聞 新命疏

奏為驚聞

新命揣分難勝謹瀝誠控辭懇祈

鑒允以無誤重任事本月二十日准吏部咨內開十九

日欽奉

上諭諭吏部總河事務重大必得其人方能勝任吏部

河防疏畧

卷之一

下

寒香館

右侍郎朱之錫氣度端醇才品勤敏着陞兵部尚書

兼都察院右副都御史總督河道提督軍務寫勅與

他特諭欽此臣捧讀驚惶莫知攸措伏念臣一介微

賤遭逢

國恩歷任詞林躡躡銓貳自惟叨冒逾涯方夙夜惴惴

以覆餗為懼茲復特蒙

寵命畀以重任晉以樞銜顧臣何人其能堪此臣展轉

思維人臣致身之義惟

君所命不敢辭難且臣受

皇上破格殊恩即捐糜頂踵未足仰酬萬一焉敢套辭

然量能受職人臣之至諛倖位素餐人臣之大戒

總河一官司數省之河渠佐

京師之輸輓其間區畫機宜爭於呼吸而吏治民生

錢糧兵馬事務殷繁責任重大即在老成練達猶

幾幾乎勝任為難而臣以未逮強仕之年未經涉

歷之務冒昧祇承報効之志雖殷謏劣之才有限

萬一隕越貽戾仰負

殊恩則屬臣一身者甚微而關於

河防疏畧

卷之一

上

寒香館

國事者甚鉅此臣所以聞

命惶駭深思熟慮而不敢不據實披陳於

君父之前也伏乞

皇上鑒臣愚誠收回

成命別選真才授以斯職庶重寄得人而臣亦得以循

分圖報矣臣無任悚息待

命之至

順治十四年七月二十一日奏二十四日奉

旨卿以才品特簡河督着即遵旨任事不必遜辭該部

知道

河防疏畧

卷之一

三

寒香館

恭請 陛見疏

奏為恭請

陛見以展微誠事臣於順治十四年七月十九日由吏部右侍郎兼內翰林弘文院學士加一級欽奉

上諭陞授今職臣自惟才微任重隨於二十一日具疏控辭二十四日奉

旨卿以才品特簡河督着即遵旨任事不必遜辭該部知道欽此臣捧讀之餘益增愧懼恪遵

諭旨不敢再瀆竊念臣蒙

河防疏畧

卷之一

四

寒香館

皇上破格隆恩真所謂不世之遇臣雖至愚極陋敢不誓効捐糜仰酬萬一臣欽承

新命理合而

恩謹於七月二十九日報名鴻臚寺本月初五日十五日俱以齋戒未得行禮臣惟運道脩濬在於冬月水涸之時料理預備刻不容緩近閱邸報見舊河臣楊方與特叅黃河南岸脩防失守官員一疏內稱槐疙疸小長堤一處漲溢漫沒孟家埠口一處頂衝崩潰臣責任攸關每一念及不遑寧處雖舊

河臣楊方興見在河干率屬拮据而臣既膺

委任何敢稽留且臣筮仕以來備員

禁近日侍

天顏今赴任出京去

天漸遠犬馬之誠不勝戀戀伏祈

皇上勅定日期允臣

陛見恭謝

天恩臣既得親承

訓誨服膺勿忘而刻期起程星馳趨任亦可以免於遲

河防疏畧

卷之一

五

寒香館

誤之咎矣臣無任誠懇待

命之至

順治十四年八月十七日奏二十二日奉

旨着於二十四日陛見該部知道

恭報到任日期疏

題為恭報微臣到任日期仰祈

睿鑒事竊臣謬蒙

皇上知遇佐銓四旬遽膺重寄受

命之後旋荷

欽賜衣帽帶靴鞍馬等物邀被

寵榮已逾涯分九月初九日臣啓行屆期又奉

旨召赴

景山仰蒙

河防疏畧

卷之一

六

寒香館

皇上解衣曠典賚及微臣而且

溫旨勤倦期臣以報効勗臣以振作

天高地厚即粉骨碎身何足云酌臣撫躬自誓惟此感

激

恩遇祇服

訓言一念刻刻省惕罔敢失墜而已臣至張灣登舟即

行管河分司取具各堤口完毀文冊開造前來凡

沿河經歷緊要處所隨已登岸閱視除面飭印河

等官督責淺夫不時脩築其應估計工程務令詳

行勘報再憑酌奪斷不容疎虞以病運亦斷不令糜費以傷財也又照今歲大挑在即必得嚴催回空星速南下以便築壩興工及該臣沿途接到部咨俱關緊急事宜不容姑待節於未經接印之前檄行各鎮道轉行該屬責令遵照經理外今於十月初二日在臨清州地方准舊河臣楊方與咨差標下中軍副將楚進功兗州府運河同知佟養鉅齋捧

欽頒關防一顆

河防疏畧

卷之一

七

寒香館

令旗令牌六面副并書吏文卷等項移送到臣臣謹望

闕叩頭逐一接受於初八日抵濟到任訖至於河務軍

民利弊非將現在事宜徹底審度未敢輕率入

告容臣體察詳確續行題

請仰候

睿裁所有到任日期理合恭報伏祈

皇上睿鑒施行

順治十四年十月初九日題二十一日奉

九卿奏到任日期知道了該部知道

河防疏畧

卷之一

八

寒香館

特請歲行舉劾疏

題為特

請歲行舉劾之例以勵官方以重河道事竊惟

朝廷勵世磨鈍之術莫要於賞罰而臣奉

命率屬所以能令則必行禁則必止者亦惟此激揚之

典足以鼓舞而震聳之耳案查順治十一年十二

月內准吏部咨為請定督撫舉劾之例以清吏治

以安民生事奉有督撫任滿一年舉劾文武官一

次二年二次三年三次其中丁憂養病及降處休

河防疏畧

卷之一

九

寒香館

致的俱不許舉劾之

旨是每歲間既恐有未錄之勞復恐有僭濫之失可謂

至詳且慎也順治十四年河工告竣前河臣楊方

與以致仕臣以新任故俱未行舉劾但思各督撫

職掌吏治民生兵農錢穀皆督撫按共有司存者

也一切應舉應劾督臣之所未及撫臣固得而行

之撫臣之所未及按臣固得而行之獨河道一事

除臣衙門之外各督撫既非專司公移考稽亦在

所畧而且一歲之內運河之冬春築濬黃河之桃

伏脩防歲有常期若間停舉劾不惟各有司終歲

勤劬遂成泯沒前此闕茸竟致因循而且無以昭

示方來非所以鼓舞興而策頑懦也合無於舊工

報竣之後務將該年勤勞玩誤各官察驗的確分

別具

題以昭勸戒庶功過大彰人心競奮裨益河道良非

淺鮮但未經奉

旨所有十四年各官河工優劣不敢冒昧瀆陳倘蒙

睿鑒俞允伏乞

河防疏畧

卷之一

十

寒香館

勅部議覆行臣遵奉施行

順治十五年二月初二日題本月十四日奉

旨該部議奏

吏部覆前疏

題為特

請歲行舉劾等事文選清吏司案呈奉本部送吏科抄

出總督河道朱之錫題前事等因奉

旨該部議奏欽此欽遵抄部送司相應議覆案呈到部

該臣等議得總河臣朱之錫疏稱原奉

旨督撫任滿一年舉劾文武官一次二年二次三年三
次其中丁憂養病及降處休致的不許舉劾今十
四年河工告竣前河臣楊方興以致仕臣以新任
俱未行舉劾請以舊工報竣之後將該年勤勞玩
誤各官分別具
題以昭勸戒等語查河臣專司河道原與直省督撫
不同相應
勅下該督於每年歲脩告竣卽行舉劾可也奉
旨依議行

河防疏畧

卷之一

十一

寒香館

丁艱疏

奏爲丁艱事臣蒙

特恩簡任督河自分殫忠盡瘁少圖報稱乃臣器質淺
薄負荷不勝臣母沈氏在任染病醫藥罔效今於
本年二月初七日亥時棄世奄逝臣號慟莫及五
內欲摧伏念臣受

命以來効職曾無分寸之勞拊膺頓成風木之痛公私
內疚雖苟延視息無地自容茲應扶櫬回籍守制
念臣苦塊之餘神情旣多贅亂呼應復恐不靈伏

河防疏畧

卷之一

十二

寒香館

祈

皇上速簡新督星馳受代運道民生倚賴非淺臣無任
氣短言塞哀切祈懇之至

順治十五年二月十一日奏三月 日奉

旨河道關係重大卿以才望特簡着卽在任守制不必
回籍吏部知道

泣陳守制疏

奏為

君恩深重非常臣情荼苦為甚謹據實泣陳仰祈

睿慈矜察事臣綠丁母憂于二月十一日奏

請守制今于三月二十日准吏部咨開該臣

奏為丁艱事奉

旨河道關係重大卿以才望特簡着即在任守制不必

回籍吏部知道欽此臣跪誦

綸音悲感交集伏念臣一介疎賤蒙

河防疏畧

卷之一

十三

寒香館

皇上破格知遇授以重任而且

曠恩異數。疊賚頻加。竊分此身。自頂放踵。粉為微塵。不

足上酌萬一。頃者積咎負愆。禍延臣母。哀痛摧裂

之中亦復自念仰承

寵命。寸勞未効。跼天踏地。無以自寬。况荷

溫綸。責以職守之鉅。重以褒寵之榮。臣非木石。敢不感

激。圖報。勉割私情。願臣有萬分哀苦。不得不泣。願

于

皇上之前者。臣父母所生止臣一子。父故之後。臣母過

傷成疾。間關就養。今故于任所。停柩在署。舉目傷

心。若久未就窆。則臣母體鬼不得即寧。固情之所

不忍。若扶送歸籍。則別無親子可以執紼。又義之

所難安。臣非不知以身許

國。不得復顧其私。無奈所處之境。有倍苦于恆情者。

此所以展轉憂思。疾痛呼

天而不能自己也。目今糧運過淮。銜尾北上。時入初夏

轉盼伏秋。臣在事一日。誠不敢一日坐誤。以干

嚴譴。除謹一面巡歷河干。躬行閱視。外伏祈

河防疏畧

卷之一

十四

寒香館

皇上憐臣苦衷。准臣扶柩歸管窀窆。

特簡新督。交代管理。臣終制之後。即當星馳赴部。仰候

驅使。不惟臣頂戴沒齒。而臣母有知。亦將銜結于地下

矣。臣無任哀切。悚懼戰慄。待

命之至

順治十五年三月二十二日奏。四月初六日奉

旨。河務重大。知卿才堪總理。前已有旨。慰留着。遵行不

必再有陳請。該部知道

糾叅河官私徵疏

題爲河官借名私徵告發審有實據謹特疏糾叅以
清河蠹以甦商困事臣于四月十三日乘舟閱河
逐程行至董口竊見運河一路水勢充盈糧運無
阻猶恐自春徂夏雨澤愆期邳宿境內河道無開
節宣隨經面飭司廳印河各官預建草閘以資利
濟於二十四日至清江浦據首狀人陳德首爲巡
視按臨等事內稱扣利折夫原係山清廳收貯河
工支銷後因屢缺改歸清江工部收納于順治十

河防疏畧

卷之一

十五

寒香館

二年九月十一日廳書湯自己王得初朦稟前任
山清廳稱缺額銀三千餘兩議起代補每千石徵
銀三兩收至數月並未還項積書王啓亭復稱缺
額銀三千餘兩串埠李甫等復又接櫃徵收至今
未止又書牟得白不知爲何缺額設立還項名色
每千石徵銀一兩五錢目今現徵未止一項運石
原係王公堤裝運石塊水脚出于埠頭不出于商
共運水脚七百二十兩因埠貧寒總加于商起名
曰運石自十四年十月到今未止此三項錢糧徵

商數萬不知申報天臺若干不知河工支銷若干
不知還庫若干有起無止商船途歎被首王啓亭
朱秀宇牟得白劉瑞徵李甫郭盛揚知証陳時張
寵汪輝劉德黃鼎泰等因到臣案查臣衙門錢糧
止有扣利折夫二項近年已歸清江工部分司徵
解節經歲報在案山清同知並無此三項應徵商
稅閱之不勝驚愕隨傳南河分司楊西符淮海道
霍炳拘集一千人犯公同嚴審隨經各犯交到代
補日收印簿二本票八十五張還項文案一卷運

河防疏畧

卷之一

十六

寒香館

石日收印簿一本收銀數目歷歷可據該臣看得
河工錢糧一收一放必經臣衙門詳批聽臣衙門
查覈備查案卷從無此項收支明目而原任山清
同知吳尚禮見任同知劉文德借題河工官役通
同擅徵客稅在商旅止知爲河道額解忍痛輸納
而不知臣衙門之並未與聞也蠹
國害商莫此爲甚除即將狀內人犯并卷簿等項覆
加鈐印發行淮海道會同南河分司招寃至于該
屬河工臣沿途稽核怠玩員役隨即懲取且恐蠹

弊尚不止此告發一端臣仍飭該司道嚴行察報以憑指叅外所據首狀既經審有實據相應特疏糾叅伏乞

勅部議覆將吳尚禮劉文德革職并有名人犯勅下該督撫按提問究擬施行

順治十五年五月初一日題本月十六日奉

旨吳尚禮劉文德俱革了職并本內有名人犯着該巡按御史提問究擬具疏該部知道

河防疏畧 卷之一 十七 寒香館

題留營將疏

題為營將資俸已深仰祈

勅部留任以重河防事竊照濟寧為運道咽喉臣標兵馬分汛防河南北三百餘里一切糧船

貢船銀鞘等船往來防護日無停晷而中軍一官提調

兵馬綜理錢糧尤為四營領袖所關實重且臣閱視黃運兩河工程外出之日居多必得歷練營將

洞悉地方河道情形乃可任之以收臂指之効查得臣標下署遊擊管中軍副將兼管中營事楚進

河防疏畧 卷之一 十八 寒香館

功原籍遼東鐵嶺衛人于順治元年隨前河臣楊方典到濟歷任今職勦賊防河屢著功績自順治十二年六月初三日到任及今已歷俸三年

題薦十次

題敘加級一次案查十二年四月邸報內該兵部覆

直省督臣李蔭祖為請留舊將以重任使一疏內將都司僉書鄭伯真加銜照舊管督標後營遊擊事今臣察楚進功歷俸既久智勇優長河防輕熟正與前例相符合無題

請將本弁加銜照舊管事庶營務得人而漕運地方俱

有攸賴矣相應具

題伏乞

勅部議覆施行

順治十五年五月十七日題 月 日奉

旨兵部議奏

河防疏畧

卷之一

十九

寒香館

題叅營將疏

題爲兵丁規避潛逃營將鈐束無術謹據實

題叅以肅軍紀事竊照營將爲一營綱領必能鈐束

士卒紀律嚴明斯平時有金湯之固調發收臂指

之功自非然者而駕馭無方人心弛玩

國家亦安賴此營將爲哉臣自蒞任以來嚴飭將領

申明紀律不啻再三及將有閱工之役仍預行嚴

檄諄諄告誡不意于順治十五年五月十二日閱

河回至邳州泃溝地方據城守營都司馮如栢申

河防疏畧

卷之一

二十

寒香館

報該營兵丁聞言抽調紛紛逃走等因到臣隨批

行濟寧道確查去後臣卽星馳還濟一面出示勒

限查點一面取具該營兵丁保人親屬花名細冊

着落挨拏其有自行投歸者仍令該營隨點隨報

然後潛逃各兵陸續還伍本月二十日臣逐名點

閱據本年春季三月餉冊內該營實在兵丁六百

七十五名內除四月內抽調過赴浙兵丁一百名

裁汰病故開除兵丁七名見在兵丁三百八十一

名逃去復歸原伍兵丁一百四十三名實逃兵丁

四十四名除該管中軍守備陳旺先經領押赴調
營兵見在臺莊未回似應免議查得倡逃劉重閔
應仕係該管千總李士良把總戚鳴鸞哨下營兵
該臣當將李士良戚鳴鸞併逃兵劉重閔應仕按
法細打仍通行道將州縣嚴查未到逃兵保人親
屬挨拏務獲以憑究懲外但該管都司馮如栢身
為將領典守所關既不能約束于前復不能緝拏
于後使非臣曉諭嚴緝衆兵知所儆懼則城守一
營幾成廢旅濟寧漕運咽喉何等要衝豈可令此
河防疏畧 卷之一 二十 寒香館

庸懦劣弁一日姑容貽悞重地哉既經呈報查實
臣謹會同直省督臣張玄錫山東撫臣耿焯按臣
繆正心合詞

題叅伏乞

勅部從重議處施行

順治十五年五月二十二日題六月初四日奉

旨馮如栢着議處具奏兵部知道

額 請終制疏

奏為秋期河事已竣臣母旅櫬未歸謹冒昧額

恩俯允終制以伸子情事順治十五年二月內臣丁母

沈氏艱奉

旨任在任守制臣烏烏私情不能自己再具有

君恩深重非常等事一疏冒懇回籍守制四月二十二

日准吏部咨內開臣

奏前事奉

旨河務重大知卿才堪總理前已有旨慰留着遵行不

河防疏畧 卷之一 二十一 寒香館

必再有陳請該部知道欽此臣跪諭

溫綸上感

慰留之異數下迫哀苦之愚悰展轉涕零罔知所措維

時伏秋已近糧運盛行凜畏

簡書不敢更有陳瀆數月來竭歷河干旱則憂淺漲則

憂衝不惟不敢言哀且幾忘此身之儼然續經矣

茲者河防運事俱幸告終簿書之暇每一憑棺慟

心欲絕伏念人之大倫君親并重且臣受

皇上非常之恩方懼末由圖報何敢涇涇自執屢瀆

宸嚴。顧臣年齒方壯。計由祥而禱。彈指服闋。自後之捐
軀盡瘁。或正有時。而送死大事。過此遂無所及。正
昔人所謂報國之日長。報劉之日短者也。查奪情
諸臣。俱得扶柩歸窆。而舊臣亦有居喪一月之制。
乃臣自二月至今。一日之案牘不停。空堂之旅櫬。
如故。是臣獨以忘本之身。上汗

孝治之化。竊恐非

皇上之所取于臣也。用是不避

斧鉞。冒昧控陳。伏乞

河防疏畧

卷之一

三三

寒香館

皇上俯念時屆深秋。河漕事畢。准臣扶櫬回籍。

特簡新督。星馳受命。所有未完積案。臣一面嚴催料理

候代。臣歸管窻。突比及禫除。即依限赴

闕。則臣未盡之年。皆致身圖報之日矣。意切言荒。統祈
恩宥。

順治十五年九月初十日題本月二十二日奉

旨。河道重務。正資料理。卿仍遵前旨。勉留視事。不必再
行陳請。該部知道。

特參怠玩官員疏

題為特參怠玩官員以重河防事。臣于本月初八日

一接南河水汛。星馳南下。沿途續據司道水汛報

文。已經再疏題

報矣。為照長河數千里。每遇漲發。在在堪憂。且洪流變

遷。呼吸萬狀。臣東奔西馳。分身無術。所恃以協力

分猷者。惟司道廳印各官是賴。前任山清同知劉

文德人。既闡茸守。更貪汙。臣于五月內。已因私徵

一案。特疏糾參。奉

河防疏畧

卷之一

三十四

寒香館

旨。提問文德謝事之後。臣懼五險工程。伏秋已迫。修防

孔亟。檄催差催。特發

令。旗手檄督催。不翅嚴切。蓋皆通判董修。已署山清

河務任內事也。經管一日。即有一日之責。乃據淮

海道呈稱。埽工折陷。該廳竟無一報。典守之義。謂

何。外河主簿郝異。彥自估工至今。皆其經管水長

埽折。亦不早報。該廳雖伏秋已過。淮黃並漲。以致

太行老隄。有柴溝姚家蕩之決。事出異常。而其怠

玩悞事之咎。又不特此已也。司道均有統轄之責。

南河分司楊西猗振飭既疎隄防有悞竝應議處而淮海道霍炳則委防估修五險大工猶能于風雨之際率眾搶護賴以保全功過相權似應酌從免議以勸勤事者也山陽縣知縣張世鏞雖係新任臣查本月初十日據南河分司初二日呈報漫決老堤文內有先據河廳呈報外河水漲即檄山陽縣撥夫去後該縣猶未派夫赴工本司無奈會道商確暫借隣近莊夫幫築等因該縣秦越河政若不竝處示懲將來印官推諉夫料不前豈克有

河防疏畧 卷之一 三五 寒香館

濟况太行隄舊係民修民築揆之民社之義亦難辭責其柴溝姚家蕩決口據司道原報外有條隄中泓未撤仍嚴飭司道等官勒限補築至一切裡外河工臣坐督嚴催分汛搶護務保無虞外所有怠玩各官相應特疏題叅伏乞

勅部議處施行

順治十五年十月十五日題十一月初一日奉

旨這怠玩河防官員董修已等着分別議處具奏該部知道

河防疏畧卷之二

義烏朱之錫梅麓甫著

濟南李之芳鄴園甫定 稽山後學徐沁埜公輯

議覆河夫徵派疏

題為河夫之徵派當更遠近之地方宜酌仰祈

睿鑒

勅部酌覆以均偏累以蘇民困事順治十五年三月初九日准工部咨開都水清吏司案呈奉本部送工科抄出該本部覆河南巡按李御史題前事等因

河防疏畧 卷之二 一 寒香館

順治十五年正月二十一日題二月初五日奉

旨工部議奏欽此欽遵于二月初六日抄出到部送司奉此相應議覆案呈到部該臣等看得河工繁興向稱苦累今按臣李及秀條議豫省各州縣夫役照附近熟地之多寡計畝派夫酌遠河地方協濟者倍地僉夫并因時制宜事隸總河臣部不便懸議應請

勅下總河臣會同豫撫詳議妥確務求民便據實具題臣部以憑議覆可也等因順治十五年二月二十

五日題二十六日奉

旨依議行欽此欽遵抄出到部送司奉此相應移咨案呈到部擬合就行爲此合咨貴部院煩爲查照本部覆奉

旨內事理欽遵施行計粘抄一紙巡按河南監察御史李及秀

題爲河夫之徵派當更遠近之地方宜酌仰祈

睿鑒

勅部酌覆以均偏累以蘇民困事竊惟河南之大政首河防疏畧

卷之二

二

寒香館

在河工臣屢渡黃河士民環馬而泣僉云河夫重累且夕難支臣初入地方未得要領不敢輕瀆

宸聰因行文管河道備察派夫有無定額據河道徐必

達冊報察得大工派夫原以布政司則例每熟地

四十五頃派夫一名牌行各府照各州縣熟地之

多寡派夫之多少內有衝繁災苦縣分每熟地九

十頃派夫一名後因工大夫少詳請各部院具

題加添倍夫只合熟地二十二頃五十畝派夫一名

卽今歲脩工程各州縣協濟夫數不敢增減仍照

大工數目派催至于有工縣分不在此例等因據

此臣復行文開封府備察有工縣分作何徵派據

開封府知府席式詳開祥符縣所屬河北清河集

堤工每地四頃四十八畝派夫一名河南槐疙疸

堤工每地二頃八十六畝派夫一名陳留縣孟家

埠口堤工每地四頃派夫一名蘭陽縣每地四頃

三十七畝派夫一名儀封縣每地一頃五十畝派

夫一名等因到臣該臣看得黃河爲患自古皆然

從無一勞永逸之規而有因時制宜之法立法善

河防疏畧

卷之二

三

寒香館

則官不能行其私奉行公則民得以忘其役若不

審百姓之筋力不察地方之遠近不斟酌河工之

有無止于循例而行以勢相督宜其筋力日盡遠

近皆勞而河工之患爲甚酷也臣以爲今日之河

工當更議者一當酌議者二如舊派夫以地四十

五頃而今派夫止地二十二頃五十畝此一欵所

當更議者也蓋昔年荆隆甫塞朱源繼潰每年之

間用夫萬計是以派夫加倍僅坐地二十二頃五

十畝今稍稱安瀾河工有限豈可以河口潰決之

日爲例乎、此一欵所當更議者也、夫岸堤雖有一定之地方、而百姓有一定之筋力、今河南額課每畝大率五分、若河夫一名、每年計用銀五十兩、如瀕河州縣、或每夫止坐地四頃、或止三頃、甚有止地一頃有奇、是河工之費十倍于正項矣、襍項偶同于正項、民猶告困、而反十倍焉、民何以支、况河患關乎通省、原非一縣之力所可禦、若不通長較算、惟本縣之民是責、如河道詳稱各府州縣皆地二十二頃五十畝、派夫一名者、安所用之手、臣聞

河防疏畧

卷之二

四

寒香館

近河百姓有棄其家而逃者矣、夫使小民無安土重遷之情、此其心可憫、此其勢可虞也、臣愚以爲近河地方、亟當酌議每夫一名、應坐地若干頃、至于逾額則議所以協濟之、而後近河之工可以相繼、此其所當酌議者一也、至于南陽一帶、去河工數百里、離河益遠、則僱覓益難、據河道開報各州縣協濟夫數、不敢增減、是與附近河工地方、一同按畝計夫、又豈爲情理之平乎、臣愚以爲遠河地方、併當酌議每夫一名、應坐地若干頃、須加倍于

附近州縣、非河有大工、不得輕派、而後遠河之地、可以相安、此其所當酌議者二也、以上三款、皆河工不平之數、均當更定、以蘇民困、臣非不知河道自有專轄、臣言之似爲越俎、然通省利害之所關、臣目擊既真、敢不據實入告、如果臣言不謬、伏祈

勅部行河督河撫兩臣通長確議

奏請

睿鑒下部議覆施行、移咨到臣、隨經移會河南撫院并

河防疏畧

卷之二

五

寒香館

行布政司管河道查議速報去後、今據河南布政司徐來麟呈稱、准管河道牒呈、准布政司照會本年八月二十八日、蒙總河朱部院批、據本司呈准管河道牒呈、酌地方遠近、照畝派夫、絲由到司、准此、該本司查得管河道所議河夫、按州縣地方之遠近、熟地之多寡、酌量均派、夫役名數、似應妥便、今將原來印冊轉報、照詳、蒙批、該司詳議、關係會題、必須先將按院原疏、質之見行事例、逐節剖說明、白、然後就中參酌、講求良法、既不悖條陳本極、又

不得永遠通行乃可據以入

告如原疏河工有限豈可以潰決之日爲例一欵見在
是否仍以潰決之日爲例或塞決止是一工歲修
處處皆險不得不以之爲例乎抑或塞決時除隣
省尚有協濟外本省各府無不派到今歲修正派
近府協濟原不盡及遠府乎又原疏通長較算酌
議協濟一欵協濟之法見在是否通行見在作何
議派如何工程應議協濟如何工程不便協濟亦
未說明又原疏遠河之地一同按畝計夫未爲情

河防疏畧

卷之二

六

寒香館

理之平一欵見在果否一同按畝計夫或遠河州
縣原未盡派抑或先近後遠近府已派之外再有
大工然後間一及之雖按畝是同而勞逸原未始
無間乎今據開封府議每地十五頃定夫一名有
工縣分害既切體勢等然眉自難與他州縣同日
而語但按院疏內方以每夫一名止坐地二十二
頃五十畝存乎見多今者十五頃之議未嘗不當
然疏內所謂四十五頃二十二頃五十畝原係協
濟州縣派夫之數始終未經破明多寡之間不反

嫌于舛戾而難通乎抑近縣非不欲多合地畝但
以河患無常一工用夫多至于餘勢不能減本縣
愈窄協濟愈遠緩急既未必得濟而騷動全省及
非長便乎至于去河百里加地五頃以漸而增近
者既與二十二頃之數所爭無幾遠者或每年盡
派或派與不派原以工之多寡爲準詳內亦不可
不道破也又如近縣地畝夫數已足而河患忽生
垂危之河勢畧刻難待遠府之人夫倉猝難齊勢
不得不仍派近縣亟圖搶救詳內云候協濟夫到

河防疏畧

卷之二

七

寒香館

日期扣足將本縣夫先放是矣但不知即于十五
頃內再行跨派如原地一百五十頃止應派夫十
名已經派在別工矣今新工再跨十名即將先所
派十名以十五日准作一月乎若是則先派之工
倘係土方亦可扣日先放責令後到協濟之夫代
爲計日補完乎或別有派法乎詳內未免枝蔓而
窳繁之處尚欠明晰仰該司會同管河道再一更
正速詳以憑會

題仍候撫院詳行該司覆議詳文限九月初八日內

到院不得再遲等因到司蒙此擬合移會到道准此卷查先于順治十五年三月十七日准布政司照會前事等因又准本司照會蒙河南賈撫院憲牌順治十五年三月初十日准工部咨同前事到道准此隨牌行開封歸德二府會同各河廳確議歲修各處險要工程應用人夫遠者作何派取近者作何調用照依所屬熟地從長計議務期均平永為定例續據開封府呈稱蒙此隨遵依關會南北兩河廳酌議開今該開封府知府席式南河捕

河防疏畧

卷之二

八

寒香館

同知趙汝斌北河捕同知張爾翮公同會議得如舊派夫以地四十五頃而今派夫止地二十二頃所當更議一欵查河工大小原無定局夫數多少亦無定額如先年大工先每夫坐地四十五頃後復坐地二十二頃即無定額之已事也今歲修工程各處或有或無或大或小或一處數處用夫多寡原無定額及分派之時自宜隨時增減各照所派之夫數以坐地數不得以二十二頃為成例可也又近河地方當逐一酌議每夫一名應坐地若

于一欵查每歲工程近河州縣望協太奢而遠河州縣稱苦無已詳額紛紛徒滋觀望先定近河之民力後議協濟之多少經久無弊計無善于此者今議得近河州縣連年雖頂衝防禦力已稱匱然就近取用猶為稱便合無每地十五頃酌定夫一名如祥符縣熟地一萬四百九頃六十九畝應坐夫六百九十四名陳留縣熟地一千四百九十七頃八十三畝應坐夫一百名中牟縣熟地五千三百五十七頃九十七畝應坐夫三百五十七名陽

河防疏畧

卷之二

九

寒香館

武縣熟地六千八百八十一頃一十四畝應坐夫四百五十九名原武縣熟地二千一百二十二頃二十畝應坐夫一百四十一名封丘縣熟地二千一十四頃三畝應坐夫一百三十四名蘭陽縣熟地二千八百九頃七十七畝應坐夫一百八十七名儀封縣熟地五千二百四十七頃二十八畝應坐夫三百五十五名鄭州熟地一千二百一十八頃三十四畝應坐夫八十一名滎澤縣熟地一千三十四頃六十七畝應坐夫六十九名凡遇有工程

先儘該縣夫數取用、或有不足始照數分協可也、又遠河地方、並當酌議、非有大工、不得輕派一欸、查遠河之地派夫、誠苦于近地、但近河之民力有限、而河工之估計無常、即如歲脩小工、不得輕派遠地、然以數除之、小工計之、其用夫已有侷于大工、或有過于大工者矣、合無每遇工程、除些小不行遠派外、或有數處工程、並與計夫至數千者、亦當酌量分派、以甦近民、至于每夫一名、坐地若干頃、臨時酌量協夫之多寡、以為派數、是在憲臺

河防疏畧

卷之二

十

寒香館

酌職等未敢擅專等情、據此、又據歸德府呈稱、蒙此、隨移牒河捕廳確議去後、今准本府河捕通判高壁牒呈、查得商丘王家壩工、起于十四年八月初十日、鹿柘協濟考城王家道口工、始因河患緊急、原蒙前道撥用大工夫役、于十三四年修築埽個、始獲萬全、各夫于歲前撤放、本年照例睢寧協修、于十五年三月初七日上工、虞城歡堦寺工、永夏協修、十二年正月十七日上工、六州縣之分協三縣此舊例也、如遇工大、遵照隣封協濟事例派

取工中者、遵照通省協脩事例、派取工小者、遵照本府協脩事例、調用、至于徵派夫役、必照依熟地之多寡、方為均平、但各州縣之地畝、赤歷冊籍在彼、應聽本府酌派等因、到府、准此、該歸德府知府丘正策、看得治河需夫、力役之征、古所不廢、惟奉行不善、分派無制、致遠近權衡之間、多寡低昂之際、俱失其平、而民力俱不堪命矣、仰蒙本院更徵派酌遠近、一疏、誠均累蘇困之切務、當事者所當亟為變通也、夫歸德乃全省一隅、幅頓未廣、距河

河防疏畧

卷之二

十一

寒香館

俱未甚遠、工力雖不及荆隆口之浩繁、然頂衝之險、則有王家道口、王家大壩、歡堦寺、黃堦壩、土樓等數處、之接所屬、除荒不除免熟地、止共計四萬四千一百九十九頃三畝零、至計畝派夫、若准以布政司則例、每熟地四十五頃派夫一名、僅供派夫九百八十二名、則儉于地、而夫不足、今准以二十二頃五十畝派夫一名、共計夫一千九百六十四名、但夫從地出、地之多寡不一、夫之遠近難齊、且水性起伏不常、夫役工作有限、亦惟量緩急而

分別調用，即可無偏累不均之歎矣。噫！此一議也。較之前派二千七百五十之名數，又額減其少半。竊惟經營者，有不足之慮，第夫宜責實不在多。工宜責速不容緩。若夫不實而祇以虛冒備數，工不速而徒以怠緩愆遲，則多者不過反開一包攬銷折之利徑，貽害可勝言乎！此愚昧之見，未敢自信。謹按地畝實數起例分派實夫，俟憲裁可否後，仍責令遵照總河部院

題定之例，繕造花名文冊另報，以示垂久可也等情。

河防疏畧

卷之二

十二

寒香館

各詳議到道，據此該本道看得河工之用夫也，有塞決之工，有歲修之工，塞決之工自大，其用夫也自多，查前明塞河有用夫至二十五萬，與十二萬有奇不等者，石碑在總河衙門曾經前總河部院以墨刻送部可考也。朝惟大王廟決工稱大，然用夫不過二萬，所以人少工遲，而錢糧愈費，百姓用愈困也。自大王廟塞工告成，水歸舊道，南北兩岸頂衝處所，不得不估計，不得不修防，是歲修之工，用夫宜若可少，以工多

幾處合少成多，故用夫似多而實實各有估計，原冊在部可查，未嘗如大工時用夫之多也。查十四年歲修之工，榮澤堤工用夫五百五十名，陽武潭口寺用夫五百名，封丘大王廟用夫五百名，祥符河清集用夫一千二百名，槐疙疸用夫一千名，陳留孟家埠口用夫三千三百名，蘭陽劉家樓用夫二百八十四名，儀封三家庄用夫一千四百名，考城王家道口用夫一千七百七十三名，商丘王家壩用夫一千名，合之纔用夫一萬一千五百零七

河防疏畧

卷之二

十三

寒香館

名耳，然中有工完解散者，日子多寡不等，非一年到頭久役之工也。先是奉按院憲查一派夫各州縣有無定數，前冊登荅大工派夫原以布政司則例每熟地四十五頃派夫一名，牌行各府照各州縣熟地之多寡，派夫之多少，內有衝繁災苦縣分每熟地九十頃派夫一名，後因工大，夫少詳請各部院具

題加添倍夫，只合熟地二十二頃五十畝派夫一名，卽今歲修工程各州縣協濟夫數，不敢增減，仍照

大工數目派催者謂派夫照熟地之多寡有前總河部院所行派夫之規可准其徵夫也遵其成法不敢有私意軒輊其間非謂准是派夫之多寡亦如原派原倍夫盡起而役之也其有工縣分不在此例者謂河勢變幻無常多寡不一難以意見測度亦難以方圓自畫如近河縣分非不知當加軫念也頂衝成于數日不多調本縣之夫安得有呼立應是一定之法須兼通融而乃濟也如遠府非大工不得調用似也河所經由爲患祇在開歸二

河防疏畧

卷之二

十四

寒香館

府較之開封尤甚地土有限人夫因之中工本省協濟業奉

命旨遵行在案若一省之內中工不協歷年只聽本府自爲奔命大工又何以動隣省之協濟乎是勞逸之均必合省計之而乃得也今奉

旨行總撫兩部院酌議隨轉行府廳去後今據開封府與河廳會議臨河縣分以十五頃派夫一名本道謂宜自臨河縣分推而遠之去河百里者加地五頃以次二百里外再加五頃由是三百四百五百

六百七百八百九百率以五頃爲增減至九百里而豫土之極遠者盡是矣其派夫一名者計一周歲爲率以日計算足十二月爲一名其調用先儘近河州縣夫數不足乃按次調用如向者各縣報府府轉報按院之夫中有一夫應一月卽完一年之役者有應數日卽完一年之役者百姓之心以爲丁短易忘其苦各隨其地畝之多少爲力役之久暫縣官因其所欲以示輪番非若大工自歲首至年終之夫也率以各縣自派之數浮報按院及

河防疏畧

卷之二

十五

寒香館

行查俱云十四年地畝與十五年地畝多寡不同又行查各縣回文可據者也謹就原疏三款逐款登答原疏第一款所當更議者此爲歲修用夫言之也朱源寨大王廟兩工塞決除隣省尚有協濟本省各府無不派夫之處舊派夫以地四十五頃後又加添倍夫止地二十二頃五十畝悉係塞決用夫之例大王廟工完各工歲修多係頂衝處處皆險每用人夫廳印官先酌計用夫多少本道復加裁裁如工程稍大用夫必多則照中工之例擇

其本省附近府屬協濟原非騷動全省如工小用夫必少兼之縣小民稀一縣之力不能禦必照小工之例擇其本府所屬近河州縣派夫協濟亦未騷動全府總未嘗如塞決之工無不派夫之處也今已議定十五頃一名去河百里加地五頃以漸而增與遠河地方加倍于附近州縣無異但河患從無定局隨年估計量工計夫先近後遠原以工之多寡爲準原非每年盡派亦難定必於不派惟是因時制宜似已妥便伏候憲裁第二款所當酌

河防疏畧

卷之二

十六

寒香館

議者此爲近河縣分言之也每縣浮報夫數前已言明有一月完一年之工者謂之一名有數日完一年之工者亦謂之一名是也不然近河地土一頃值五十兩者最少信如一頃有奇亦派夫一名地之所值尚且不及何以行差之外又能應夫夫河長千里歲修處多合計則見多分用則見少疏內通長較算酌議協濟緣先奉有大工中工小工之例非中工不敢議協外府非大工又不敢議協隣省見在協濟之法俱依

題定事例先儘附近州縣原非一例盡派見今歲修工程中有應議協濟者亦有不便協濟者如十四年陽武潭口寺一工止用夫五百名該縣較之他邑頗大自不便議協如十五年祥符縣魁星樓一工黑罡一工清河集常家寨一工該縣居開封府屬之首素稱大邑但工多危險用夫旣繁不得不議協濟然歲修雖有協濟兼河勢陡變勢在垂危畧刻難待若候遠處夫到勢必誤事派夫頃數旣定嗣後以日計算如臨河縣分應照地畝頃數

河防疏畧

卷之二

十七

寒香館

派夫若干一時先行搶救則有十五頃之內再行跨派候協濟夫到日期扣足按夫計日如跨夫一倍以十五日准作一月將本縣人夫先放土方各照築過多少領銀其餘土方使協濟之夫代爲補完以示體恤可也伏候憲裁第三款所當酌議者此爲遠府協濟言也查中工本省協濟遵奉在案南陽等府自大王廟大工告竣之後從未派取所屬人夫惟十四年因陳留孟家埠口堤岸衝決估議創築大遙堤一道是時開封派夫已繁遵照中

工之例詳請各部院具

題派取河南南陽汝寧三府屬協濟原夫一千一百六十名除去倍夫止用原夫合力通作連迤曠共七月而工畢此外遠河州縣原非但有工程一同按畝計夫槩行起派今議漸遠漸加以後酌量工之緩急大小次第調用與否可也伏候憲裁以上三款僅就按院條議爲之斟酌因細詢前明萬曆天啓年間河未嘗不決每歲不無工程蓋昔時人口既繁催工自賤以力自食日得二分三分于願

河防疏畧

卷之二

十八

寒香館

已足今民間農忙之日催工一日至二錢有餘河工之苦倍于農家土方有限招募無人催夫不易去年以來派夫皆委之府官以其知州縣大小地畝荒熟且使府縣相近易于稽察派夫之弊本道惟就其集到河干照原估各處查發着工嚴核管工河官清其隱占包折懲其偷安買閒有迤曠則行拘提工告完則速解放而已應給土方銀兩貯于杞庫印領隨到隨爲批發其酌量河勢通融緩急商遠近均煩簡既不忍偏苦民力又不敢坐悞

河工種種苦情自有洞鑒其有工用夫之處節年嚴禁屢次申飭管夫河官再行嚴諭剔蠹除奸有犯無恕寧嚴不寬而已緣係詳議河夫事理今將查取各府屬州縣熟地數目離河道路遠近坐定人夫清冊三本等因到司准此該本司覆查看得管河道遵照本部院發下詳文逐款覆加參酌妥確分晰更正無容再議惟祈憲裁等因到臣該臣看得河道修防全藉夫役而其從事泥塗之中無間風雨之候畏勞稱苦人情固然奈黃流變遷不

河防疏畧

卷之二

十九

寒香館

常伏秋泛漲歲有期會夫多則修築易完夫少則遲緩貽誤用夫故不得不多夫近則利害切已一呼可應夫遠則鳩集既難迤散拘提又費時日故用夫又不得不近也惟是有工縣分偏累難支所以前河臣楊方與題定小工隣縣協濟中工隣府協濟大工隣省協濟奉有

諭旨見在遵行論修防則塞決時河患止此一處今者全河由軌節節皆險工非不多論夫役則塞決時河南通省之外尚有北直山東協濟今者止照中

工小工之例且有年計月計日計之不同夫數較少今按臣李及秀條議分別遠近酌定夫數所以為恤民生均勞逸計意甚善也據布政司會同管河道詳稱臨河縣分以熟地十五頃派夫一名去河百里者加地五頃自二百里以至九百里俱准此數漸遠漸加額數既定凡有工程先儘本縣夫數調用不足者照舊小工隣縣中工隣府協濟惟照工程多寡期于足用而止至于河勢驟改危在呼吸近處夫數已自無餘若候遠府解到人夫勢

河防疏畧

卷之二

二十

寒香館

必誤事勞民費財不啻數倍自當就近通融跨派亟圖撲救俟遠府夫到即行放免又不便膠柱鼓瑟以貽事後之悔也若所屬官吏有侵欺工食以至包占逃曠諸弊應究懲者嚴行究懲應參處者該司道據實揭報以憑

題參相應一併請

旨申飭司道等官一體恪遵既經司道呈詳前來臣謹會同河南撫臣賈漢復合詞具

題伏乞

勅部議覆施行

順治十五年十一月初七日題本月十九日奉

旨工部確議具奏

工部覆前疏

題為河夫之徵派當更等事都水清吏司案呈奉本部送工科抄出總督河道朱之錫題前事等因奉旨工部確議具奏欽此欽遵抄出到部送司奉此相應議覆案呈到部該臣等案查河南按臣李及秀先以河工苦累條議該省州縣計畝派夫酌遠河地

河防疏畧

卷之二

三十一

寒香館

方協濟者倍地僉夫臣部以事隸河臣請

勅總河臣會同豫撫詳議妥確具題奉

旨遵行去後今據總河臣朱之錫會同河南撫臣賈漢復疏稱夫多工易完成而以小工中工分別地方遠近照地派夫協濟具

題前來案查前任總河臣楊方與于九年十月內

題為河工日繁等事一疏內稱民夫既不敢私派矣

查河南一省僅設鄉徭堡夫八百七十二名止供

看堤之用每年歲修并動大工俱係計銀募夫又

于十三年六月內又

題為遵

諭陳言等事議以小工本府協濟中工本省協濟大工

鄰省協濟各等因具

題在案查前任總河臣議以按地募夫今總河臣議

以照地募夫前後疏覆參差不一又查十五年九

月內本部右侍郎張縉彥

題為河工

因之大政等事一疏已經奉

河防疏畧

卷之二

三

寒香館

旨咨行與此事同一體相應請

勅下總河會同豫撫從長詳議妥確務期上不誤公下

不累民一併具

題以便臣部議覆可也奉

旨依議行

新河完工疏

題為呈報新河完工事順治十五年十一月二十九

日據中河分司李縉明准徐道李世洽會詳據淮

安府分管邳宿河務同知孫喬昌呈據宿遷縣報

稱黃水漲發董口淤塞今于大王廟東議挑新河

一道原勘長四百丈因天寒時迫隨舍遠就近接

舊河淺水頭計挑長二百五十丈口闊三四丈底

闊二丈五尺三丈深七八尺各不等又蒙總河部

院暨本司并夏鎮分司顧大申准徐道李世洽親

河防疏畧

卷之二

三

寒香館

臨工所督同卑職及沂管防漕遊擊史尚仁宿遷

知縣王如春并各州縣河官分工率夫晝夜開挑

于本月二十七日完工訖除築隄建壩一切善後

事宜另議詳報外今將前由呈報到司等因據此

該司道會看得董口淤澱關係運道議論紛紛幾

成道旁幸蒙本部院按臨蒿日持籌一意主持改

挑新河司道各官大小群工躬聽方畧于十一月

十五日興工至本月二十七日完工不過旬日俱

已報竣其舊河淺水頭亦已多方疏導一律深通

兵糧船隻揚帆直下除善後事宜見奉本部院牌
行勘議俟議妥另詳外合將完工緣由擬合呈報
等因到臣該臣看得清黃交接淤墊不免自前明
以來由大小溜溝改而為梁山北改而為茶城改
而為張孤山東改而為鎮口至開泓之後則又由
直河而陳溝而泃黃並用遷徙不一濁流為害自
昔而然矣今董口會黃之處經行未久黃水暴發
倒灌易淤所恃者外水消落內水衝出旋淤旋通
耳不意今歲秋後黃水倍漲漫堤越壩淤塞甚遠

河防疏畧 卷之二 二四 寒香館

臣赴淮之日即預慮運水漸微嚴行司道廳印各
官盡築運河東岸缺口以備衝刷而究竟淤高水
弱人力莫施嗣據司道呈詳議于舊渠迤東另挑
四百丈以接上流臣復行親勘且恐天寒水凍湖
水易涸運事可虞即于十五日立刻分工調夫挑
開多方鼓舞幸于二十七日放水通流共計開過
新河二百五十丈口濶三四丈底濶二丈五尺三
丈深七八尺不等見今湖心大壩已行閉塞兵糧
船隻盡由新河南下至于善後事宜臣已備列單

目行該司道勘議興舉併用過錢糧統俟司道另
詳到日再疏具

題外所有新河完工緣由理合題

報伏乞

睿鑒勅部施行

順治十五年十二月初九日題本月二十二日奉

旨工部知道

河防疏畧 卷之二 二五 寒香館

特參貪蠹官吏疏

題為特參貪蠹官吏以肅河政事竊照治河之役夫
工料物動以千百計派募人夫築隄捲埽日夜力
作勞苦萬狀計工受直糊口尚艱至于採辦諸料
額定官價本廉運費况復數倍是

國家為運道民生計不得不勞民不得不費財者勢
也苟奉行者凜遵禁令河帑絕虛糜之金錢小民
免分外之科歛則雖勞費之中仍不失樽節撫恤
之意奈何不肖官吏愍不畏法恣意侵漁如臣所

河防疏畧

卷之二

二十六

寒香館

訪山陽河工及淮海道淮安府署河廳等揭報山
陽縣主簿郝異彥山清廳外河經承楊世芳等種
種奸弊真民生之隱痛河政之大愆也謹據實列
欵為我

皇上陳之

計開

山陽縣外河主簿郝異彥侵詐賍欵

一四工樁手八十名每名每日應給工食銀五分
本官指稱使費每月扣銀二兩四錢八個月共

扣銀十九兩二錢樁手趙禮徐方衡書顧汝秀
等証

一管工義民四名本官勒詐每名使費銀八兩共
得銀三十二兩與廳書楊秀宇分肥劉元武楊
國華李守業馬欽証

一五工經收柳枝本官串同積書楊世芳等虛出
收管暗自包折約計折柳一萬餘捆每捆折銀
一二錢不等共得銀一千餘兩與吳中珩吳行
敏趙之欽分肥王允捷証

河防疏畧

卷之二

二十七

寒香館

一五工估計纜匠工食銀一百八十兩該署河廳
事董通判入廠親查乃派募夫撕纜未用纜匠
前項工食本官與楊世芳吳中珩吳行敏分肥
廠夫陳焦褚趙周吳証

山清廳外河經承楊世芳等扣剋賍欵

一楊世芳吳行敏趙之欽支放五工樁手工食計
八個月每月扣索常例銀十五兩共索銀一百
二十兩三人瓜分樁手蘇隆宇等証
一楊世芳等支放五工募夫一千名每名日給工

食銀六分每月索常例銀八兩共索銀六十四兩三人瓜分五工火頭証

一楊世芳等給發各州縣買掃柴銀二千兩每百扣銀五兩共尅銀一百兩與吳中珩吳行敏三人瓜分牟元等及柴戶朱潤陳應兆証

一吳行敏等給發各州縣買蘇麻紅草銀一千餘兩每百兩扣銀三兩共尅銀三十兩經手快手楊林等証

一楊世芳吳行敏支發買樁木銀三千餘兩每百

河防疏畧

卷之二

三八

寒香館

兩索常例銀二三兩不等計索銀六七十兩木商陳立宇証

以上官吏或依倚為奸或盤踞肆虐莫大者河政竟作可居之奇莫苦者河夫及同几上之肉雖乞磨微賤不足以辱白簡而病民妨河所關實鉅誠不容不從重究擬以釐夙弊而儆積偷者也除臣一面檄行淮海道收禁究審外相應具疏

題參伏乞

勅下該撫按將郝異彥革職提問並廳蠹楊世芳等一

并追擬施行

順治十五年十二月十七日題十六年正月十二

日奉

旨郝異彥着革了職并本內有名蠹犯着該撫按提問追擬具奏該部知道

河防疏畧

卷之二

三九

寒香館

河防疏畧卷之三

義烏朱之錫梅麓甫著

濟南李之芳鄴園甫定
稽山後學徐沁墊公輯

兩河利害甚鉅疏

題為兩河利害甚鉅脩防物力維艱謹就見行事例酌議增損以襄重計以裨實政事竊照黃河建瓴萬里及入河南以下土壤既鬆群流奔滙泛溢之害無代無之元以前河猶從北入海其間議塞議防官窮於智計民困於徵徭者載在史冊難以縷

河防疏畧

卷之三

寒香館

數迨至前明用河資運夫有歲編銀有額設戒愆之法非不周也乃二百餘年之間被大害與大役者猶至五十餘見當時所稱治水能臣如徐有貞塞張秋役夫五萬八千劉大夏塞荆隆口用軍民夫十二萬餘潘季馴先後行河役夫俱至八九萬甚至曾如春曹時聘蒙牆之役連年役夫俱以三十萬計所請帑金亦復不資河之悍激湍流未易以人力勝蓋其性然也我

朝因明之舊數百萬

京儲仰給東南黃河自榮澤以至山陽南北兩岸垂

四千里苟蟻穴不戒漕且中斷則凡所以籌河者豈能與前明有異臣自蒙

恩受事稽之故籍問之水濱前明經營遺蹟數十年來廢弛已甚如太行遙堤政宋任伯雨所謂寬立隄防約攔水勢者治河要策無以出此而竟以工鉅帑詘議寢至于運河自通惠至董口清口至江共計二千餘里防淤防淺舊時規制僅存十五以臣職掌論之何事不宜修復然今者司農告匱民力

河防疏畧

卷之三

三

寒香館

凋敝無論舉贏未易即斤斤歲修常例河帑缺額漸苦捉襟臣早夜焦思實有不能一刻即寧者為今之計亦惟是內酌盈虛外權緩急隨時補苴期不失為治標之策而已除應有急修工程俟司道勘報容臣酌議具

題外今據見行事例有空稍加損益以裨河政萬分一者共得十事一曰陳明河南夫役一曰酌議准工夫役一曰查議通惠河工一曰特議建設柳圍一曰嚴剔河工弊端一曰釐撥贖盡銀兩一曰慎

重河工職守一日申明河官專責一日申明激勸

大典一曰酌議撥補夫食各為一疏仰請

睿鑒如果臣言可採伏乞

勅部議覆行臣遵奉施行至各疏內事關係議不無字

多逾格統祈

鑒宥

順治十六年正月初八日題二月初六日奉

旨工部知道

河防疏畧

卷之三

三

寒香館

陳明河南夫役疏

題為陳明河南夫役事竊照黃河經由河南地界南

岸自榮澤縣堤界起至虞城縣界止計六百四十

里北岸自武涉縣堤界起至考城縣界止計三百

四十餘里山東之境僅北岸歷曹單二縣計二百

里每歲修守固有成例但查曹單額設夫數除裁

減抽兵外尚有徭夫一千三百零八名看堤管夫

一百八十六名河南開歸等府止見在堡夫八

餘名臣檄查該省河屬舊籍皆已散失無攷借

河防疏畧

卷之三

四

寒香館

得前河臣翁大立疏艸內開河南黃河夫役每年

五百里內七十三州縣編做工河夫一萬五千七

百六十二名半每名做工三個月工食銀三兩共

計工食銀四萬七千二百八十七兩五錢五百里

外三十五州縣編徵銀河夫一萬一千六十一名

每名徵銀三兩共計銀三萬三千一百八十三兩

聽候辦料及僱夫支用若臨河二十六州縣又於

均徭內編倉堡夫一千一百五十七名看守堤壩

等役每名工食銀一十二兩共計銀一萬三

千八十四兩又檢得前河臣潘季馴河防書內開
河南山東自遙堤成後無復衝決者夫力多也今
徐北至單縣界見脩堤壩長一百五十餘里而夫
役止七百餘名是每里僅四五名耳其何能濟夫
以百餘里之堤猶以七百名爲少河南兩堤所云
夫多者又可類推矣隆萬年間該省歲修夫數大
概如此不知何時更變五百里內亦止一例徵銀
計通省歲額共八萬八千餘兩

本朝來除荒缺額不及三萬此外止察出新增銀一

河防疏畧

卷之三

五

寒香館

千有奇河工歲修仍沿明季之制每年估計準工
鳩夫計夫給食堤工以土方論埽工以日期論在
官曰募其實在民不得不計畝而派總以河夫之
役倍苦日給之食本廉若憑空號召縱懸金市門
誰則肯應若欲槩從民間平價則河帑雖裕勢亦
不敷據萬曆時黃河全書內河臣劉士忠有二云貧
者不肯應募富者論地派夫卽翁大立疏內旣稱
河夫每名工食銀三兩而亦不免曰編者是募夫
之法又必兼派而行不特今時爲然也若以黃河

已決爲有事歲修爲安瀾衡量夫數則前河臣曾
如春曹時聘蒙牆之役兩請帑金至二百萬用夫
三十萬者一決口也去歲雷家集柴溝姚家蕩用
夫不過數百名者亦一決口也由前言之則積數
十年歲修而有餘由後言之則第較歲修一工且
不足是又未可執一而論卽所云安瀾之義正以
爲河本湍激未至橫流謂之曰安然其湍激之性
固無分於已決未決也伏秋水漲數里之岸呼嘆
而至一當掃灣迎溜之所非埽護之縱有重障如

河防疏畧

卷之三

六

寒香館

穿縞葭其防之也一里之堤非三萬餘工不成高
一丈長十丈之埽非千人數百人不任推挽今歲
之堤歷再歲而風雨之所淋卸車道摧穴之所毀
蝕高者已卑厚者已薄加以濁流無定條南條北
縷堤不支棄而守月月堤之內不得不又議土工
是故

河廷設官無不以愛民節財爲職獨治河一事以勞
民者保民費財者經

歲修之制載在

勅書豈不欲與民休息哉河之所在勢固無如何耳見

在河南夫數屢經諸臣條陳未免以夫多為疑臣

惟該省瘡痍雖經新復洪流寧異昔時今雖不必

遠照隆萬舊例若徒一意減縮勢必馴致坐斃之

患案查臣於去年十一月內

題覆河南按臣李及秀河夫之徵派當更一疏據司

道府廳會議通省夫數已經部覆行臣會同河南

撫臣覆議奉有

俞旨但臣職掌所關河道情形得於目擊夫役規則亦

河防疏畧 卷之三 七 寒香館

屬司存任其責而不究事體原委與事體有干典

守而緘默不以入

告皆溺職也除前疏容臣會同河南撫臣賈漢復覆議

具

題另候部覆外所有河道夫役事宜覆議疏內不便

備述謹特專疏陳明伏乞

睿鑒勅部施行

順治十六年正月初八日題二月初六日奉

旨依議

工部覆前疏

題為陳明河南夫役事都水清吏司案呈奉本部送

工科抄出總督河道朱之錫題前事等因奉

旨工部議奏欽此欽遵抄出到部送司奉此相應議覆

案呈到部該臣等看得總河臣朱之錫疏稱河南

隆萬年間歲修夫數不知何時更變一例徵銀

本朝仍沿季年之制估計準工鳩夫計夫給食在官

曰募其實在民不得不計畝而派見在河南夫數

屢經諸臣條陳未免以夫多為疑若徒一意減縮

河防疏畧 卷之三 八 寒香館

勢必馴致坐斃之患等因具

題前來應俟總河臣會同河南撫臣覆議李及秀條

議之疏到日再行另議可也奉

旨依議

酌議淮工夫役疏

題爲酌議淮工夫役事竊照江淮河濟謂之四瀆自明迄今挽河資運會淮注海是以一淮而受兩瀆之全故桃源之上但一黃河爲害清河之下內則淮湖宣洩維艱外則黃淮相濟爲暴每遇泛濫其患尤烈查得前代南河志河防一覽內載淮揚一帶自平江伯陳瑄經理之後萬曆三年河決崔鎮而北淮決高堰而東運道梗阻民生昏墊特遣河臣潘季馴大行葺理請帑六十萬金分委管工自

河防疏畧

卷之三

九

寒香館

司道而下共一百八十餘員徵調徭募等夫八萬名經營數載兩河之流始還故道未幾而十四年外河范家口天妃壩又以決溢告矣二十一年以後高堰裏河連歲報決河臣楊一魁又有分黃導淮減水各閘等工天啓元年高堰並裏外兩河一時共決十餘處自後漫決時有難以悉述計今距潘季馴時又將七十餘載如淮湖高堰外河南岸柳浦灣堤桃清兩岸遙堤崔鎮四減水壩日漸月累風雨剝蝕廢弛過半卽楊一魁所開分水黃壩

新河亦久淤塞

本朝來河決上流南河賴以無事自順治十三年全黃歸故之後去歲水患已見端倪矣夫疇昔之飛恣甚周猶不免昏墊之害今日之河淮如故乃欲安敝壞之餘其萬萬無幸固不待智者而知也但欲議工作須先計錢糧頃者司農告匱搜括爲難無論請太府之金爲未雨之策未敢輕出而歲額河銀昔時二十有七萬

河防疏畧

卷之三

十

寒香館

本朝除荒缺額裁減歸併僅十七萬有奇又於此內撥出九千餘兩解司充餉加之通惠河道從不取給河帑者連年撥解動至數萬常例歲修已不勝捉襟露肘之苦矣臣去歲在淮卽與司道多方商榷雖不能如前人大舉若高堰塌卸損動石堤不下數里五險埽工太行老堤三工似皆難緩五險遙堤官家營引河尚在勘議查得蘇建堤工在前明時民修官修屢經更變我朝初年猶官出料物山陽高郵寶應興化泰州鹽城泰興七州縣協濟人夫赴工修築河帑所費亦自

無幾自順治九年該省按臣有

題改之議始設募夫歲計工食銀一萬四千四百兩

勘估料物不在此數至于太行老堤民築民修司

道報文確確可據良以前明河帑之設總為運道

起見山清黃河南岸自草灣以下關民生為多關

運道為少

朝廷為民賦計百姓固亦自為身家計也

國家愛養民力損上益下恩非不渥然今者帑調工

繁使盡照估計支給河銀則黃運兩河各數千里

河防疏畧

卷之三

十一

寒香館

顧此失彼萬一運道梗阻所憂又恐不止淮揚一

隅耳為今之計除五險埽工照舊募夫仍以餘力

幫提高堰石工酌量估計其太行老堤似應仍責

山陽莊民若更有應舉工程時迫夫少山陽獨立

難支合無暫派下流七州縣民夫分工報竣或照

舊自修或酌給食米事關地方力役除臣見在移

咨漕撫臣充得時會議按臣俟入境日移會外但

恐光陰如駛轉盼桃花水汛容臣議確具

題一而通行司道起派償做庶

國計民生可恃無虞而運道河帑亦賴以兼濟矣相
應具

題伏乞

睿鑒勅部議覆施行

順治十六年正月初八日題二月初五日奉

旨工部議奏

工部覆前疏

題為酌議准工夫役事都水清吏司案呈奉本部送

工科抄出總督河道朱之錫題前事等因奉

河防疏畧

卷之三

十二

寒香館

旨工部議奏欽此欽遵抄出到部送司奉此相應議覆

案呈到部該臣等看得總河臣朱之錫疏稱淮揚

一帶黃河自十三年全黃歸故之後去歲水患已

見至太行老堤山清黃河南岸自草灣以下關民

生為多關運道為少除五險埽工照舊募夫高堰

石工酌量估計外太行老堤似應仍責山陽莊民

若時迫夫少暫派下流七州縣等因具

題前來查五險高堰工原係歲修者似應照舊勘估

修築其太行老堤民修官修屢經更變相應請

勅總河臣會同漕撫按臣從長商酌務期上不悞公下

不累民速行具

題以便另議可也奉

旨依議

河防疏畧

卷之三

十三

查議通惠河工疏

題爲查議通惠河工事據通惠河分司盛治通密道杜漢會詳蒙臣憲牌爲酌定畫一經久之策以重河防事查河防諸書通惠河道浮沙峻水多淺易衝是以前明於所屬州縣設有額夫每歲夏月挑淺春月築堤此外止將本司河銀辦積椿草不聞頗類估計別請錢糧本部院衙門從未經營原無案卷可稽但查

本朝九年以前額夫濬築之外亦不聞別有估計九

河防疏畧

卷之三

十四

寒香館

年以後歲甚一歲而動支錢糧始行總河衙門補解今經部議歸併本部院於河銀內通融支發合計通屬目今錢糧已減除昔年之半此項工程及增益先年所無勢有必窮安得不徹底計議以圖經久合行查議爲此牌仰通惠河分司照牌事理即便會同通密道查前明每歲修濬某年某年止用額夫修築某年某年曾經估計做何工程動銀若干作何支給見今地畝圍估州縣倉派額夫給發工食與前是否相同河道原與向時無殊工程

何以頓增數倍自後作何整頓可使費省工堅錢糧可繼糧運不阻可以永遠通行逐一查議妥確會詳報院以憑酌奪母得含糊塞責取咎未便等因到司道蒙此隨即公同會議間復移霸州道併議去後未准會覆今又蒙本部院憲檄爲二催酌定畫一經久之策以重河防事催同前因不便再緩該本司道會查看得前明修濬並無估計動支銀兩皆州縣衛所額設人夫而爲役不足則從便調集軍民夫以繼之今則衛所夫裁軍民夫不聽

河防疏畧

卷之三

十五

寒香館

調僅州縣額夫而已濬淺猶不足築堤更所難是以前差通惠河始有

題留新河夫銀與葦漁課銀新舊合計八千餘兩總名歲修以資一年濬築未常稱匱自九年以後連年洪水爲害水勢瀰漫動則溢漕一二尺遍地汪洋決堤殺稼漂沒糧艘災生叵測非特通惠爲然卽霸薊兩道屬邑數百年老堤盡爲衝決估修動四部錢糧數萬計此皆昔之所未見未聞而近年斯疊告者也今通惠一堤之潰動則數百丈尺用

則數千餘金工費盈縮懸殊端啓于此若今歲本司道蒞任來發水不甚洶湧則堤岸卽無甚衝決錢糧亦無甚用度撥濟卽無所復煩矣蒙本部院以經久之圖酌議除見在修築并行廳縣復估者無容再議嗣後沿河堤岸稍有殘缺可虞者責令廳印河官不時查勘工小者乘額夫挑濬之隙詳請調撥及時修補如夫力不敷動支歲修一而報估一而與築免致盪漾寬闕工完覈實准與報銷遇伏水泛漲之時仍責印河官撥派額夫晝夜看

河防疏畧

卷之三

十六

寒香館

守遇急搶救違慢疎誤罪坐廳縣官若口岸走洩水利有碍漕運者始詳估歲修築塞如係漫水于漕運無碍止滄溝漢地土者印河官查明申報司道仍力爲風勸凡有地土于此各令照地派夫併力幫修庶沿河一帶係民產者人自爲守關漕運者官各爲衛則公帑可省而河防永固從此工程歲修可支不煩別請要在

題明嚴飭或亦永遠可行之一策耳司道會議僉同不知有當于經久之計否擬合呈詳等因到臣該

臣看得通惠運道二百餘里水峻易衝流沙易阻故前明設有州縣額夫八百三十名于條編內日給工食銀三分有零通州等衛軍夫八百零一名於月米屯地內支給工食自二月上工九月終止辦料則有椿草柳栽兩項不足則動新河夫銀共約計銀三千餘兩每年濬淺築堤夫料之數取給於此未嘗稱訕歲終彙報臣衙門一爲奏繳無所事詳估撥解也

河防疏畧

卷之三

十七

寒香館

夫因地畝圍佔條編不足派真定等府州縣協解抵補軍衛裁革額夫無出議撥菁魚課銀五千餘兩充數九年以前照例歲修亦未經別有撥濟九年以後屢有工費俱行河帑補還緣該屬地佔民稀募夫日給銀八分較之別屬派募民自貼費者價值加倍去歲遂佔至數萬金黃運數千里均屬朝廷運道以黃河較之利害不啻萬萬帑訕費增顧此失彼在所不免况新經部議歸併臣衙門責成該屬管運敢下計議萬全以圖經久臣惟運河與

黃河之變遷不常者不同該屬料銀及州縣額夫較前明既無所缺卽衛夫被裁募價稍昂見有帑渙課銀一項若能通融節省諒不過增益數千金已滿衛夫之額據該司回稱亦云從此歲修可支不煩別請此固非懸斷之說也但臣所屬河道南北延長勢不能親履通州閱視萬一詳估數多不從則往返稽延或恐貽誤從之則爲浮爲實且難信又無論捉襟之必不能應也查該司以前歲報冊估計土方俱係募夫其州縣額夫八百三十

河防疏畧

卷之三

十八

寒香館

名雖曰濬淺豈八個月內日日淺阻不暇他顧不然則既領協銀幫修守護亦皆額夫分內事也總之道印等官秦越河政分司催呼不靈逃贖居多虛名無實耳臣前准部咨已經部議行臣嚴責管河司道各官

題估修防奉有

旨合無定議除該司項下額夫錢糧外臣每歲於河道銀內撥解六千兩司道責成廳印等官嚴督額夫挑濬修築應估工程據實估計印官領銀集夫

辦料司道親行查勘工竣報銷推諉誤事照例

題參每年節省仍貯司庫以備通融支用毋致浮冒

多估另請借解若係地土漫水無關漕運者例不

輕動河銀應聽地方有司竭力風勸照地幫修庶

黃運兩河不致偏枯而臣亦得免于束手矣如果

臣言不謬伏乞

睿鑒勅部議覆嚴飭司道廳印等官一體遵奉施行

順治十六年正月初八日題二月十二日奉

旨工部議奏

河防疏畧

卷之三

十九

寒香館

工部覆前疏

題為查議通惠河工事都水清吏司案呈奉本部送

工科抄出總督河道朱之錫題前事等因奉

旨工部議奏欽此欽遵抄出到部送司奉此相應議覆

案呈到部該臣等看得總河臣朱之錫疏稱通惠

河除該司項下額夫錢糧外每歲于河道銀內撥

解六千兩司道責成廳印等官嚴督額夫挑濬修

築印官領銀集夫辦料司道親行查勘工竣報銷

等因具

題前來臣等查通惠河所管河道臣部去年照例

題併總河今臣等議得每歲若撥解銀六千兩但工

程有大小之不同則銀兩有多寡之不一似難允

從奉

旨依議

河防疏畧

卷之三

二十

寒香館

特議建設柳園疏

題為特議建設柳園事竊照黃河悍激湍流勢若奔馬禦險塞決非埽罔功每捲一埽用柳動以千百束計千里長堤歲用柳料數且不貲况伏秋河勢陡變埽料在手咄嗟之頃轉危為安可以免塞決之費即萬一有決埽料在手旋決旋塞不致正流日淤旁口日豁可以免塞大決之費故必使生植之數常有餘于採辦之數然後可以源源相繼不然而樹藝不廣猝然有急無術點金縱有不竭之

河防疏畧

卷之三

三十一

寒香館

金錢無窮之人力亦不免束手坐困耳觀於瓠子之歌有云河伯許分薪不屬是可見栽柳一事竹頭木屑似乎瑣細而其實乃治河者之第一義也案查前河臣楊方輿暨臣前後題

請責成印官各於河干按汛栽柳分別多寡照例勸懲

具經部覆奉有

旨昔一年以來報栽無幾除臣再行嚴飭外惟是黃河一帶遼遠偏僻夫役偷安澆灌難遍臣等亦未能遠履長堤為虛為實尚未可知臣竊以為尤宜請

令黃河經行各州縣印官於瀕河處所各置柳園數區或取之荒地或就近民田量給官價每園安置徭堡夫數名布種澆灌既便責成而道廳等亦可以親詣稽察秋冬驗明行以勸懲之例將見數年之後遍地成林不但有濟河工而河帑亦可少節民力亦可少甦矣再照官給柳價每束五分雖不為少但一工用柳多至數萬既非市販之物又重以轉運之難斷非一二人所能辦故屢經部覆照例令印官責成里甲均採均運奉

河防疏畧

卷之三

三十二

寒香館

旨通行已久今惟嚴行申飭照地均買有柳之家聽其轉售如有包攬指索扣剋濫折等弊司道等官方行揭報到臣以憑參究毋徇毋縱河道民生兼濟之策無以易此如果臣言可採伏乞

勅部議覆施行

順治十六年正月初八日題二月初三日奉

旨該部議奏

工部覆前疏

題為特議建設柳園事都水清吏司案呈奉本部送

工科抄出總督河道朱之錫題前事等因奉

旨該部議奏欽此欽遵抄出到部送司奉此相應議覆

案呈到部該臣等看得總河臣朱之錫疏稱黃河

一帶瀕河處所各置柳園數區安置徭堡夫數名

布種澆灌數年之後遍地成林河工有濟河帑亦

可少節民力亦可少甦又稱官給柳價每束五分

但一工多至數萬非一二人所能辦惟嚴行申飭

照地均買有柳之家聽其轉售等因具

題前來查柳稍河工必需今議置園栽種以備急需

河防疏畧

卷之三

二十三

寒香館

此係總河臣職掌相應如議向後應分別多寡照

例勸懲至于用柳多若照地均買恐為民累前科

臣陳台孫具有夫柳為河工大弊等事一疏已經

臣部

題覆請

勅總河臣從長確議具

題在案應俟議妥具

奏之日再行另議可也奉

旨依議

嚴剔河工弊端疏

題為嚴剔河工弊端事臣惟天下之事一事立則一

弊生錢穀有錢穀之弊刑名有刑名之弊河工大

矣豈能獨無要在有犯必懲而斷不能因去弊之

故輒議變法併以誤河如語所云因噎廢食也臣

歷任一載詳加體訪約有數端一曰工程有石工

有土工有埽工有樁笆工工力不到法式非空一

弊也料物虛浮徒事粉飾一弊也一曰器具有方

船活關刮板戽斗鐵鏈鐵鑼布撈竹筐鐵昏杓葉

河防疏畧

卷之三

二十四

寒香館

杓鐵簸箕五齒鐵扒鐵杵木夯石礮雲梯等項儲

備不預徒手莫施一弊也製作潦草不堪適用一

弊也之二者是皆誤工者也一曰夫役有厥夫堡

夫溜夫堤夫泉夫閘夫淺夫舖夫或食條編或食

河銀有募夫食估計河銀尅減工食一弊也好豪

包估一弊也賣富僉貧一弊也賄鬻私逃一弊也

一曰料物有椿木柳梢甄石草柴蘆葦灰鐵糯米

桐油等項交收捐索一弊也扣減價值一弊也折

乳肥私一弊也盜用官物一弊也之二者是皆誤

工而兼以病民者也然有在官在衙蠹地棍之不
同除屢經禁飭外臣以爲在官者宜責司道府廳
互相覺察據實報臣以憑

題叅不得曰河道不預我事故行推諉如隱諱不報
別有發覺卽查歲終原開賢否各官中間考語如
有大相悖謬者治以徇庇之罪在衙蠹地棍者一
如蠹訪之例責成各屬推官不時開報重者

題叅輕者究治一歲之內全無察報註以劣考度奸
弊可除而河工克濟是則勞民費財中樽節撫恤

河防疏畧

卷之三

二十五

寒香館

之一道也如果臣言不謬伏乞

勅部議覆行臣遵奉施行

順治十六年正月初八日題二月初七日奉

旨這所奏河工弊端着詳議具奏工部知道

工部覆前疏

題爲嚴明河工弊端事都水清吏司案呈奉本部送
工科抄出總督河道朱之錫題前事等因奉

旨這所奏河工弊端着詳議具奏工部知道欽此欽遵

抄出到部送司奉此相應議覆案呈到部該臣等

議得河工弊端所覆一在清釐一嚴責成今據稱
種種弊端誤工而因病民相應在官責司道府廳
在衙蠹地棍責各屬推官倘全無察報卽註以下
考均應如議仍請

勅下總河臣嚴行司道各印官力行剔釐不得虛應故

事如有前弊立行指名

題叅以憑從重議處可也奉

旨是依議行

河防疏畧

卷之三

二十六

寒香館

河防疏畧卷之四

義烏朱之錫梅麓甫著

濟南李之芳鄴園甫定

稽山後學徐沁楚公輯

釐覈曠盡銀兩疏

題為釐覈曠盡銀兩事竊照額設人夫或司挑濬或司啟閉或築堤推埽泗水於狂風大雪之時負土於炎日飛塵之下天下力役之苦未有甚於此者日給工食銀三分一人之口尚不能糊終年力作即間有休暇亦免與追曠以示優恤未為不可但

河防疏畧

卷之四

寒香館

人情玩愒勤少怠多使逃曠而坐享廩餼之入則勤者徒勞怠者自逸反非所以示鼓舞也故每年有曠盡一項前河臣楊方典題

請隨歲報冊

奏繳於河工內動支開銷奉

旨遵行在案然臣猶竊有慮者黃運兩河延長遼遠萬一不肖官吏秦越河道或那解別項或侵入私囊臣問之則曰做工夫問之則曰扣曠筑筑小民無由控訴當此河帑空虛之日而使有用金錢民損

而官不受其益誠可惜也除臣嚴加體訪得實即行指叅外但懲之於後不若嚴之於先臣請自今為始責令各管河廳官置立循環每幅首行書某州縣額夫若干名工食若干中界為三十格每日一格內書夫幾名某所做工有無逃曠後行書應扣曠盡總數工多曠少曠少工多每月造送司道查明有無實工具文轉報歲終仍將所屬扣過銀數如歲修例造冊二本到臣臣將原冊一存衙門稽查一報工部至於天時陰雨非關規避允宜免

河防疏畧

卷之四

二

寒香館

扣節勞示勸再照此項原係給過銀內扣出自無拖欠在民之理州縣印官季終即行起解河庫如有歲終不完者非係那借即是侵欺容臣查明題叅不惟可以少禪河帑而工程亦不敢虛飾誤事矣如果臣言不謬伏乞

勅部議覆施行

順治十六年正月初八日題二月初六日奉

旨工部議奏

工部覆前疏

題爲登殿曠盡銀兩事都水清吏司案呈奉本部送

工科抄出總督河道朱之錫題前事等因奉

旨工部議奏欽此欽遵抄出到部送司奉此相應議覆

案呈到部該臣看得總河臣朱之錫疏稱曠盡一

項錢糧萬一不肖官吏或那解別項或侵入私囊

誠可惜也請自今始置立循環每造送司道歲終

造冊報部扣銀季終卽行起解河庫等因具

題前來查置立循環事屬稽覈侵隱有裨河帑相應

如議可也奉

河防疏畧

卷之四

三

寒香館

旨依議

慎重河工職守疏

題爲慎重河工職守事竊照總河一官所轄黃運兩

河不下四千餘里豈能分身一一親理所恃以共

濟者司道廳印耳而道印各官又未必能一意辦

河則司廳專官尤其要也是必預選而後綢繆可

以無誤蓋因材器使用人所亟而獨治河之事非

澹泊無以耐風雨之勞非精細無以察防護之理

非慈斷兼行無以盡羣夫之力非勇往直前無以

應倉猝之機若徒事繩尺以爲無過去之無名留

河防疏畧

卷之四

四

寒香館

之有害事後議懲悔已晚矣故非預選不可然人

之才畧可信操守難信人事可期意外難期預選

固未易也但爲河道起見何敢逆爲過計改轍貽

誤惟有白簡從之耳預選之法有二一日薦用除

道印各官不係專司者不敢薦用外伏讀

勅書內開稱若所屬大小官員果能盡心河務卽指實

薦舉擢用又查前河臣楊方典於順治十年十一

月內

題爲就近請補廳官毋誤黃運兩河事請以

知縣佟養鉅補運河同知定陶縣知縣張鍾英補
黃河同知俱經部覆奉

旨俞允似應題

請照例遵行者也一日儲材凡有河官懸缺吏部陞補
之日准於臣曾經歲終

題薦過官員內照其本等職級循序陞轉庶始終練
達駕輕就熟而河防有恃似應題

請酌議者也又必諳習而後幹濟可以圖成蓋不學能
知賢哲所難而況治河之事水性之變遷不常修

河防疏畧

卷之四

五

寒香館

防之方畧異致器具物料之瑣屑百出夫役錢糧
之盈縮多端若姑俟體訪而後施行機變之來呼
吸不及事後補救損已多矣故非諳習不可然人
之喜遷轉而惡淹滯則畏其留憚勞怨而圖安便
則幸其去諳習亦未易也但爲河道起見何敢代
爲私計信賞必罰惟有功罪分明耳諳習之法有
二一日久任除道印各官不係專司管河廳官俸
滿爲期不便更議外查工部

題覆前河臣楊方輿爲請復河差三年舊例以收實

效事內稱總河臣疏稱河道事宜必須久任諳練
以觀其成非三年鮮濟誠從河政起見既經具

題前來中河一差相應改復三年更換等因奉有

俞旨欽遵在案查各河差俱以三年爲滿惟通惠一差

一年更代但邇來通惠河道地畝經圈錢糧甚費

籌畫人夫更難整齊若一年一易毋論初任頭緒

不知甫得通曉而報代之期又至功效難集且恐

傳舍視之誰肯爲數年經久之圖者工作不堅錢

糧益費亦有可慮合無准照各河差例改爲三年

河防疏畧

卷之四

六

寒香館

運道河帑不無裨益似應題

請酌議者也一日交代河防職掌刻難乏人員缺代署

不惟利害不切卽驟然經管省解不易難免誤事

除分司例應交代母容更議查前河臣潘季馴河

防書開稱徐州海防二道爲河湖喫緊之區山東

河南二道爲黃河要害之地四道憲職併其所轄

府州縣佐貳管河官如遇陞調去任等項與同管

河分司一例守候交代又稱新舊交代以河上事

體轉相傳告等因今除不係專司各道不便更議

外其河南管河道併各省府州縣管河佐貳官合
無查照往例陞調降用俱令候代離任仍將任內
修防事宜備開清冊傳告新官違者容臣指

參庶綜理周密便於責成似應題

請酌議者也以上四款要在相濟而行則人材可以不

匱而河道亦可以無虞矣如果臣言不謬伏乞

睿鑒勅部議覆施行

順治十六年正月初八日題二月初四日奉

旨該部議奏

河防疏畧

卷之四

七

寒香館

吏部覆前疏

題爲慎重河工職守事文選清吏司案呈奉本部送

吏科抄出工科外抄總督河道朱之錫題前事等

因奉

旨該部議奏欽此欽遵抄部送司相應議覆案呈到部

除河差久任一欵應聽工部查議外該臣等議得

河臣朱之錫疏稱其薦用一欵內稱除道印各官

不係專司者不敢薦用外伏讀

勅書內開所屬大小官員果能盡心河務卽指實薦舉

推用似應題

請照例遵行等語查得臣部于十年十二月內覆河臣

楊方輿就近請補廳官毋誤黃運兩河事一疏以

鉅野知縣佟養鉅補運河同知定陶縣知縣張鍾

英補黃河同知奉

旨依議在案如河臣所屬河官有能盡心河務者相應

照例

題請

勅下臣部議覆請

河防疏畧

卷之四

八

寒香館

旨補用儲材一欵內稱凡有河官員缺吏部陞補之日

准于臣曾經歲終

題薦過官員內照其本等職級循序陞轉等語查河

官缺員若止于河臣薦舉過官員內陞轉恐俸序

職級未必盡合相應仍照舊行又稱河南管河道

并各省府州縣管河佐貳官合無查照往例陞調

降用俱令候代離任仍將任內修防事宜備開清

冊傳告新官違者指參等語相應如其所

請以後河南管河道并各省州縣管河佐貳官有陞調

降用者俱令候代離任仍將任內修防事宜造冊交代可也奉

旨依議

工部覆前疏

題為慎重河工職守事都水清吏司案呈奉本部送工科抄出總督河道朱之錫題前事等因奉

旨該部議奏欽此欽遵抄出到部送司奉此相應議覆

案呈到部該臣等看得總河臣朱之錫疏稱通惠河道地畝經圈錢糧甚費若一年一易誰肯為經

河防疏畧

卷之四

九

寒香館

久之圖合無准照各河差例改為二年等因具

題前來查各處河差俱係三年其通惠河于十二年

六月內因滿漢官同差惟滿漢官奉公更調不便

久任故

題照關差一年之例再查先差分司已經報滿似應

更換嗣後新差官員亦應照舊例二年更替可也

奉

旨依議

申明河官專責疏

題為申明河官專責事竊惟天下之事刑名錢穀皆可以理斷臆決文移辦治獨河道一事非足到眼到則形勢之委曲工程之堅瑕鮮不有錯施而誤事者查先臣潘季馴修築淮工調委附近司道八員分管且申飭各官總有應理公務止許工上幹辦此可見經理河事斷非身親不可而况乎分內職業又何暇舍已而私人也况運河當旱澇之際黃流在暴漲之時一二河官遠者所轄不下千里

河防疏畧

卷之四

十

寒香館

州縣佐貳汎內河道亦不下百里刻刻往來尚不免顧此失彼若更有他營豈能無誤案查前河臣楊方典題

請申飭河官不許別委已經奉有

俞旨但事久易弛上司差遣必係急事河官自恐取罪

勢又不敢強辭甚至有寧誤本職而黽勉從事者

河漕關係甚重誠不得不逆為過計仰請

天語特賜申飭若河官奉委即自行具報到臣庶萬一

因之貽誤責有所歸河官不報即坐以營求差委

之罪又照按臣考察事關大典豈容苟免但恐值河道多故時郡城相距河干道路必遠若河官不在竟以修防付之老人夫役臨流頓足何濟於事合無容令該轄同事道府代為申明俟河事稍定准赴補考庶責成而河防得以有恃矣如果臣言不謬伏乞

睿鑒勅部議覆施行

順治十六年正月初八日題二月初五日奉

旨該部議奏

河防疏畧

卷之四

十一

寒香館

工部覆前疏

題為申明河官耑責事都水清吏司案呈奉本部送

工科抄出總督河道朱之錫題前事等因奉

旨該部議奏欽此欽遵抄出到部送司奉此相應議覆

案呈到部該臣等看得總河臣朱之錫疏稱一二

河官遠者所轄不下千里州縣佐貳亦不下百里

刻刻往來不免顧此失彼若有他營豈能無誤若

河官奉委即行具報到臣不報坐以營求差委之

罪又稱按臣考察恐值河道多故容道府代為申

明准赴補考等因條議前來查河官專司河道不應再委他事嗣後河官奉委即行具報總河衙門與夫考察離汎及代申補考事宜均應如議可也

旨依議

河防疏畧

卷之四

十二

寒香館

申明激勸 大典疏

題為申明激勸

大典事順治十五年四月初七日准吏部咨為特請歲

行舉劾之例以勵官方以重河道事文選清吏司

案呈奉本部送吏科抄出該本部覆河道朱總督

題前事等因順治十五年二月十四日奉

旨該部議奏欽此欽遵抄出到部送司相應議覆案呈

到部該臣等議得總河朱之錫疏稱原奉

旨督撫任滿一年舉劾文武官一次二年二次三年三

河防疏畧 卷之四 十三 寒香館

次其中丁憂養病及降處休致的不許舉劾今十

四年河工告竣前河臣楊方典以致仕臣以新任

俱未行舉劾請以舊工報竣之後將該年勤勞玩

誤各官分別具

題以昭勸戒等語查河臣專司河道原與直省督撫

不同相應

勅下該督於每年歲修告竣即行舉劾可也理合具覆

恭候

命下臣部遵奉施行等因順治十五年三月十九日奉

旨依議行欽此欽遵抄部送司相應行咨案呈到部移

咨到臣正在欽遵行查十四年河工勤息各官繼

因督撫年終舉劾奉

旨停止未經申

請不敢冒昧具

題臣竊惟吏治之事皆可安坐而理獨行河一官奔

走泥塗不暇停踵憂涸則倉皇于炎日之下防漲

則矻矻于風雨之中較之別官最為勞苦蓋非此

不足以言稱職也况與民休息則河工必墮先事

河防疏畧 卷之四 十四 寒香館

綢繆則民怨易生意玩有司博姑息之虛名文偷

安之積習甚且反詬河官為厲民為多事而肯於

任事者亦且灰心沮氣徼倖苟安矣又臣河道所

轄司道文武各官如築堤估埽挑濬河泉節宣開

座鳩夫辦料備運防河等事經理繁勞皆別衙門

所不盡預聞使非有以鼓舞而策勵之則勤者徒

勤而怠者亦終安於怠事後議懲誤亦不小查吏

部覆臣原疏內開河臣專司河道原與直省督撫

不同歲修告竣即行舉劾奉有

會旨今十五年河工又已報竣竊恐賞罰久廢後効難期合無仍遵前

旨咨臣照河道衙門舊例于歲終之後通將河屬各官確查賢否勤怠分別舉刺以示勸懲庶人心兢奮而黃運兩河羣力畢舉矣再照州縣管河佐貳等官官職雖微關係頗巨勞苦尤深誤事獨重其罰而盡職不酬其勞亦非所以示均平也似應量擇其尤另疏薦錄寧嚴勿濫如有貪濫不職一體

題參是亦鞭策人材之一端也如果臣言可採伏乞

河防疏畧 卷之四 十五 寒香館

勅部議覆行臣遵奉施行

順治十六年正月初八日題二月初五日奉

旨該部議奏

工部覆前疏

題為申明激勸

大典事都水清吏司案呈奉本部送工科抄出總督河

道朱之錫題前事等因奉

旨該部議奏欽此欽遵抄出到部送司奉此相應議覆

案呈到部該臣等看得總河臣朱之錫疏稱查吏

部覆臣原疏內開河臣專司河道原與直省督撫

不同歲修告竣即行舉劾繼因督撫年終舉劾奉

旨停止今十五年河工又已報竣竊恐賞罰久廢後効

難期合無仍照河道衙門舊例于歲終將所屬各

官確查賢否勤怠分別舉刺以示勸懲又稱管河

佐貳等官官職雖微關係頗巨似應量擇其尤另

疏薦錄等因具

題前來查河道雖與臣部職掌相關而舉劾河官事

隸吏部相應請

河防疏畧 卷之四 十六 寒香館

勅吏部議覆可也奉

旨依議

吏部覆前疏

題為申明激勸

大典事文選考功清吏司案呈奉本部送吏科抄出工

科外抄總督河道朱之錫題前事等因奉

旨該部議奏欽此欽遵抄部送司相應議覆案呈到部

該臣等議得總河臣朱之錫疏稱前吏部覆臣特

請歲行舉劾之例一疏內

勅下該督每年歲修告竣卽行舉劾奉有

依議行之

旨繼因督撫年終舉劾奉

旨停止不敢冒昧具

題今十五年河工又已報竣合無仍遵前

旨容臣照例分別舉劾以示勸懲再照管河佐貳等官

亦應量擇其尤另疏薦錄至貪婪不職一體

題參等語查十五年九月臣部覆漕督允得時

請明漕竣舉劾之例一疏內議總漕衙門似難與督撫

河防疏畧

卷之四

十七

寒香館

事例同論相應仍舊舉劾奉有

依議之旨查河臣專司河道原就本年濬築之勤惰別

其臧否若概停舉劾則管河之官無以勸懲亦不

便與督撫事例同論相應如其所請照舊舉行至

管河佐貳等官官職雖微其河工之責成頗巨如

有勤勞盡職者應行薦舉寧嚴毋濫其貪婪不職

者聽河臣一體

題參可也奉

依議

酌議撥補夫食疏

題為酌議撥補夫食事案查前河臣楊方興於順治

十四年六月內准戶部移咨內開為察議蠲荒錢

糧事山東清吏司案呈奉本部送戶科抄出總河

部院楊方興題前事等因順治十四年四月十三

日題本月二十五日奉

上旨該部察議具奏欽此欽遵抄出到部送司奉此相應

議覆案呈到部該臣等看得河夫驛站官俸役食

等項臣部於十二年題明訂正賦役疏內存留各

河防疏畧

卷之四

十八

寒香館

欵除荒缺額查有續報開荒地土新增人丁銀兩

先補存留後補起運奉有

俞旨欽遵在案又經題覆山東撫臣耿焯題為察議蠲

荒疏內除驛站已將續報丁地銀內每年動補十

一萬兩其河夫官俸等項未分某項缺額銀若干

復經請

勅逐欵分晰某項應補銀若干造冊報部以便酌補去

後今總河臣疏開除官俸役食等項聽撫臣咨部

外其河夫工食銀除荒缺額銀四萬八千二百八

十四兩零內訂正賦役全書將裁剩銀先補過二萬二千三百三十八兩零外尚缺額銀二萬五千九百四十六兩零今將續報新增丁地銀內抵補一萬五千七百四十六兩零又將續報招墾屯地銀內抵補一萬一百九十九兩零題

請前來既經總河臣查明細數分晰抵補似應准其所請仍將每年終給散過河夫工食數目造冊報部覈銷可也相應具覆恭候

命下臣部轉行遵奉施行等因順治十四年五月十四日
河防疏畧 卷之四 十九 寒香館

日題本月十五日奉

旨依議欽此欽遵抄出到部等因移咨前河臣備經遵行在案該臣看得河道修濬關係糧運山東濟南兗州東昌三府設有泉閘淺溜等夫例于條鞭內日給工食銀三分零因各州縣除荒數多夫食不足前河臣楊方典於三年五月內具疏請復原額夫食奉

旨河夫工食照原額徵給後因十二十三兩年一際除荒復經題

請部覆除將裁剩銀補過外尚有缺額銀兩將續報新增丁地續報招墾屯地兩項銀內抵補既經河臣查明應准所請奉有

俞旨但查布政司原撥各項多係寫遠隔府銀兩各府緩急不關易致逋欠且距各夫本境或千里或數百里窮夫勢不能裹糧赴領必須解交司庫缺額州縣領出給夫衙門隔絕上下易壅一經輾轉而消耗之弊難保盡無又或官胥已經領出羣夫無自而知枵腹從事不免逃散貽誤糧運所關非小

河防疏畧 卷之四 二十 寒香館

今山東地畝奉

旨清丈賦役經制似應畫一以垂久遠臣愚竊謂凡本州縣夫食仍聽本州縣增出地畝補給如猶不足額即于本府內鄰近州縣撥補解府轉發較之藩司支領差易其原撥隔府銀兩任其解司充抵別項在官既自無損項款正復不涓而貧夫沾惠糧運亦藉以飛輓矣如果臣言不謬伏乞

勅部議覆施行

順治十六年正月初八日題二月初十日奉

請該部議奏

戶部覆前疏

題為酌議撥補夫食事山東清吏司案呈奉本部送

戶科抄出總督河道朱之錫題前事等因奉

旨該部議奏欽此欽遵抄出到部送司奉此相應議覆

案呈到部該臣等查得濟兗東等府屬河夫工食

前因除荒缺額該總河楊方與于十四年五月內

題

請臣部隨將新增丁地并招懇屯地二項銀兩准其照

河防疏畧

卷之四

三十一

寒香館

數撥補奉有

俞旨欽遵在案今河臣朱之錫疏稱本州縣夫食仍聽

本州縣增出地畝內銀補給如猶不足即于本府

屬鄰近州縣撥補解府轉發其原撥隔府銀兩任

其解司充抵別項等因前來查得各州縣起解各

部項下錢糧原有定額不便紛更且賦役久經訂

正仍應照舊行可也奉

旨依議

河道關係甚重疏

題為河道關係甚重地方責任維均仰祈

天語特飭以圖共濟以保無虞事竊照黃運兩河接連

數省撫臣身任地方境內河道固亦職守所在惟

是全河須審其源流而各省或限于封畛故設總

河一官以統其成日久相沿遂失舊治撫臣初避

越俎之迹浸成秦越之分長河數千里總河以聊

然一身控制其間鞭長不及且調集夫料事體參

差未免貽誤查前明南河志部覆余汝為條陳河

河防疏畧

卷之四

三十一

寒香館

道一疏內開總河固為治河之臣巡撫亦兼河道

之責專體既各相關利害似難獨任據題將河南

山東鳳陽巡撫各地方各分信地共任其責有功

並錄有罪並議誠有見治河非一手一足之力故

為此議相應依擬等因蓋專任分理統係王臣孤

掌之難鳴誠不若眾擎之易舉也臣猥以疎庸濫

竽河事日夕惴惴惟恐隕越以玷

任使綢繆荒度不敢自後而獨不能不鯁鯁過計者河

防利害爭于呼吸如去歲十月內南河泛溢自淮

至濟相距八百餘里司道臨急而具報臣聞報而南馳程途來往已踰旬日猶幸漕撫臣亢得時就近任事徵夫趨料搶護支持臣及抵淮次第補葺又彼時霜降已過故別汛稍平臣得以專督淮上若伏秋漲發長河一帶急則俱急臣分身無策萬一夫料急需司道各官拘泥文移耽延害事爲憂非小臣於前月北閱運河回濟卽遵

旨閱視淮工裏外兩河緣去冬重創之後堤岸受傷危如壘卵何期淮屬自二月來霖雨連旬工作難措

河防疏畧

卷之四

三三

寒香館

未及桃花汛候已告盈溢時入伏秋其險必且甚于去冬憂心如灼除一面嚴檄司道等官上緊償修並移漕撫臣協力催督共濟修防外但黃河各工如江南之桃隄邳徐山東之曹單河南之開歸兩府在在戒心臣勢難株守一工顧此失彼仰祈天語特勅各該地方撫臣查照往例平時共事綱繆臨急從宜搶救臣任全河撫臣任境內不惟節節周防長河有事而釐察吏弊體恤民隱亦可以互勦不逮所裨河政非淺鮮也伏乞

睿鑒勅部議覆施行

順治十六年三月初八日題本月二十二日奉

旨該部議奏

河防疏畧

卷之四

三四

寒香館

河防疏畧卷之五

義烏朱之錫梅麓可著

濟南本

稽山後學徐沁楚公輯

據實 題明疏

題為據實

題明事據河南管河道徐必遠呈稱順治十六年二

月初六日據開封府南河同知趙汝斌呈稱中牟

縣黃練集莊西陽武縣范家莊後陳留縣孟家埠

口遙堤補築風拍工程該縣申稱本縣備夫自做

河防疏畧

卷之五

一

寒香館

不計錢糧今催修間奉有按臺憲示為嚴飭河工

以惕積弊以甦大累事示仰管河等官知悉各于

該管堤口不時往來巡察務要身到眼到因勢導

流以期杜患於未然其上也若偶有驟決立時一

面堵塞一面修築應用河夫柳梢據實動支額設

錢糧照數給發不許濫派民間一夫一束併買免

那移偏累小民以及虛冒錢糧朋侵

國帑有一於此定將該管官叅拏等因自宜恪遵憲

示各縣不敢派夫修築從來修工在此春融之時

轉盼伏水發漲雖有夫役無濟于事失此未雨綢

繆之計倘臨時倉卒之變噬臍何及今三縣將欲

修之恐違按臺憲令將欲停之又恐誤河工大事

此三工者最為險急萬不容緩者也理合呈請本

道速為酌奪示下以便遵行等情到道據此該本

道看得修築河工估計錢糧募夫辦料其來舊矣

至于小可工程不便動用河帑該縣勸諭聽從居

民自行修築在民則為自保身家田廬之計在官

則省估計

河防疏畧

卷之五

二

寒香館

奏銷之煩亦舊例也前據南河廳呈報中牟縣有幫

築黃練集之堤工陽武縣有加幫范家莊後之月

堤陳留縣有修補孟家埠口風拍裂卸之遙堤此

三處均係修補些小工程不便妄求協濟輕動錢

糧各情愿乘此農隙于河水未發之前自為修補

以圖萬全今奉按院憲示嚴飭不許濫用民間一

夫一束各官無不恪遵但修補小工欲動錢糧恐

干冒糜之費欲用民夫又違憲禁之條真事出兩

難今據該廳呈詳前來不得不具詳轉請合候憲

裁酌奪若不預期詳明倘河水漲發萬有疎虞與守之責咎將誰諉擬合具由呈請等因到臣該臣隨卽據詳移會河南撫按兩院內開照得河工那移偏累虛冒侵欺等弊誤工蠹

國此本部院所深恨而痛惡者屢經申飭諄諄惟恐耳目隔遠釐剔未易伏讀貴院大示禁飭及此具仍舟誼至於因勢導流杜患未然原是治河良策但挽轉溜頭止有挑挖引河一法而此項工程從來動工不准估計錢糧蓋恐水性難定引河雖挑

河防疏畧

卷之五

三

寒香館

而水過復淤導不易導有非人力所能強必者故防護危險尤以築堤下埽爲急着歲修定制其來甚久至于決後堵塞則考之前明有費數十萬人力積數年工程而不克奏績者漕運中梗百計圖維前楊部院塞大王廟決口亦于通屬歲額外請內帑金錢百餘萬事後用力不啻百倍洪流漲發排山倒海或決而南或決而北皆于

國家運道有妨本部院碌碌非才謬肩鉅任晝夜憂惶所藉于貴院共事疆圉左提右挈者實殷且切

案查順治五年三月內准工部咨爲酌議上下均便之策以鞏河防事內開看得河道修築工程每歲所費不資今河臣計議河工重大動用錢糧與工外其小可工程及狼窩車道殘缺等處令附近居民填塞此爲

國民兩利之議既經河臣

奏議相應覆

請恭候

命下臣部轉行總河衙門通行申飭等因奉有

河防疏畧

卷之五

四

寒香館

俞旨蓋河長千里頂衝掃灣築長堤捲掃箇例俱估計錢糧該省每歲額銀除荒徵熟僅存三分之一支給不敷多撥外解前明額夫之制又復久廢故些小工程責成附近居民不時補葺用力有限而公私獲以交賴准照部咨歷年通行在案卽見行所估各工引河土工夫採物料多有不計錢糧者原係開明疏內河防舊章四防二守亦有官守民守之例仍恐各印官觀望輟作管河各官又不敢照舊嚴催萬一黃河有誤運河亦阻光陰轉瞬事屬

可憂相應移會煩爲嚴飭道府州縣如有小可工程照舊勸諭附近居民乘時補葺運道民生咸荷台庇等因移會去後續准河南撫臣賈漢復回咨內稱准此爲照中州頻年河患修補築濬勞民實甚貴院蒞任之初首禁私派夫料蘇民困釐弊竇計無越此但查總河部院移咨因修築工程每歲所費不貲有河工重大動支錢糧興工其小可工程及狼窩車道殘缺處所令附近居民填塞奉有俞旨遵行已久今若照依來咨再爲申飭是與貴院禁

河防疏畧

卷之五

五

寒香館

止有悖倘如不行又恐各屬停工不修過此農暇後來致有衝決關係運道不惟各屬借爲口實而民生日益勞困想貴院早有石畫計出兩便希惟裁示畫一申飭庶無參差之虞矣等因已經移會按院候有移覆另行申飭外擬合咨覆等因到臣又准河南按臣李粹然手本回稱准此爲照河工之急本按所知也河工之弊亦本按所聞也幸藉貴部院籌畫精詳剔釐嚴切本按無不佩服惟是河夫柳梢素爲中州大累而所以致其累者皆因

庶司之奉行不善也如派夫之弊名日照地均輸而實則以一府之派派之一縣甲縣買免復派乙縣轉展那移謂之流派如折夫之弊名日計工定夫而實則力役之人十無八九巧以炊爨雜遣爲題不惟侵沒應領之夫價而每名反勒索幫銀七八兩不等謂之折乾加之幫貼如包攬之弊僱夫有包僱之人採柳有包買之家不經其手則有夫不用有柳不收通同官役出入皆其操縱致

朝廷額費金錢小民不沾實惠謂之攬頭即稱河棍

河防疏畧

卷之五

六

寒香館

如侵冒之弊各該管總領河銀非抑勒其時則短少其數致使小民畏不敢領稽之則日節存任之則飽受腹更有堡夫之苦當日設立堡夫原爲瞭望水勢給有工食以養之今則強行坐派并勒以裁辦等差每堡夫一名費至七八十兩貽累無窮此本按得之親訪者如此夫中州凋瘵之餘凡額徵新徵供兵喂馬等項業已力盡筋疲若河夫柳梢之弊不稍爲蘇息將必散四方而填溝壑有不忍言者矣節據河道開銷之詳動稱節省多金本

按非不樂於有此而竊恐以尅之小民者邀爲已
功殊非

朝廷惠民之至意又據該道冊報開有未領河銀一
萬四千餘兩業經票行催領等情竢竢小民方以
工資不足糊口柳價不足採辦爲苦豈有役過應
得之物久置弗取之理是非抑勒之明證乎此本
按據之詳冊者又如此凡河官作弊或有司不肖
全在河道之綜核種種積弊該道不知不言是曠
職也知而不言是扶同也將何以爲該道解乎本

河防疏畧

卷之五

七

寒香館

按有禁飭之示所以盡剔釐之職掌仍俟再訪得
實必會同貴部院入

告非敢于越俎而問也至于派夫之禁適以部科有見
給工食之條議本按所禁在濫派耳若大修小修
動銀不動銀自有一定之例應聽貴部院王裁乃
該道申文中改濫派爲派用而且曰咎將誰諉是
以本按有巧卸玩工之咎陰開私派之端之批而
亦非有阻于河工也貴部院犀照之下諒當垂鑒
急工釐弊自是並行而不悖者也今准前因相應

回復等因到臣又據河南管河道徐必達呈稱凜
奉嚴檄方在行查如河庫批發一節從來並無遲
閣如本日投次日批領再無遲延第二日者三年
來如一日也就十五年工程總計應用當出庫銀
四萬七千有零當按院取庫冊之時尚存一萬四
千有餘冊投于二月初九日自二月初十日按院
行後至三月二十日共四十日又批領過銀一萬
存庫不過四千之數則可見未嘗少有抑勒矣合
一省計之有八府在內歸計之有開之三十四屬

河防疏畧

卷之五

八

寒香館

歸之九屬道里之遠各府縣豈能一呼畢集耶催
領之票屢下彼自就便爲緩急豈批發者使之然
歟且河工錢糧若干估計之時漫然俱聽領出如
應估一萬卽發一萬方爲愛民倘河勢一轉物料
不用人夫當放工作當停潑水難收又何以爲
奏銷之地若復追之民間恐騷擾之弊又當糾叅矣
故凡奉本部院批興工辦料之後陸續批發工完
銀盡者有之工完銀未盡領者于本部院批准
題銷之後槩發催票催其盡領悉令出庫方爲掌管

錢糧之職分等情據此除臣已經查取各印官領狀覈驗去後該臣看得河道修防全藉夫料民間勞怨固任事者所不得辭也而惟是奉行不善道廳印河各官不啻數百計下而至于經承皂快里總火頭又不啻數千計人情巧偽弊所必有此臣嚴剔河工弊端一疏所以有在官者司道府廳據實揭叅在衙蠹地棍者各屬推官察報究治之請臣于二月內遵

旨閱視淮工不期霖雨連月工作浩繁而太行堤二百河防疏畧 卷之五 九 寒香館

餘里自議禁民修之後歷年以來民不願聞官不敢問淮揚七州邑

國計民生止寄命於一綫土壤臣嘔心血口各庄民始漸次趨事然長河千里在在懸心又未即能分身別顧先據河南管河道詳開河南按臣禁示要其剔釐之志原與臣同而愚民無知遂妄生觀望隨經移會撫按兩臣申飭各官

題估工程上緊續修小可工程仍遵前河臣楊方典題奉

俞旨風勸居民乘時補葺並時發

令旗飭催管河道大梁睢陳兩道未事綢繆庶免貽誤在案續准按臣移覆手本內開河工諸弊自應參究但未據揭報指實查臣於十六年二月內先經行取各官賢否又准部覆嚴剔河工弊端前疏現在通行俱未據有造報今准按臣移會復經移咨河南撫臣就近確查併備行司道府廳各官嚴查去後應俟查報到臣據實甄別具

題者也所有移行過督催工程查取賢否緣由相應河防疏畧 卷之五 十 寒香館

題明伏乞 睿鑒施行

順治十六年閏二月初八日題本月二十一日奉 旨工部知道

議覆淮工夫役疏

題為酌議淮工夫役事本年三月十六日准工部咨
開都水清吏司案呈奉本部送工科抄出該本部
覆河道朱總督題前事等因順治十六年正月初
八日題二月初五日奉

旨工部議奏欽此欽遵于二月初七日抄出到部送司
奉此相應議覆案呈到部該臣等看得總河臣朱
之錫疏稱淮揚一帶黃河自順治十三年全黃歸
故之後去歲水患已見太行老堤山清黃河南岸

河防疏畧

卷之五

十一

寒香館

自草灣以下關民生為多關運道為少除五險埽
工照舊募夫高堰石工酌量估計外太行老堤似
應仍責山陽莊民若時迫夫少暫派下流七州縣
等因具

題前來查五險高堰等工原係歲修者似應照舊勘
估修築其太行老堤民修官修屢經更變相應請
勅總河臣會同漕撫按臣從長酌酌務期上不誤公下
不累民速行具

題以便另議可也等因順治十六年二月二十七日

題二十八日奉

旨依議欽此欽遵抄出到部移咨到臣准此隨經移會
撫按兩院并行司道查議去後今據南河分司楊
西符淮海道霍炳會勘得山陽黃河南岸太行老
堤延袤三百里則關乎民生居多稽考前明以長
堤修繕維艱公帑金錢有限而

朝廷為

國賦計百姓亦為田廬計於是令印官出漕米使百
姓各領之照領米之材分派堤工丈尺自築自修

河防疏畧

卷之五

十二

寒香館

該縣印籍以為憑歷年以來雖

鼎革之後無異說也迨後荆隆口決黃河北徙淮安水
勢微弱民無昏墊之苦前按院秦御史遂有停止
民夫之

請夫民心未有不好逸惡勞者因循八九年而民無一
簣之士官無督責之令獲洞雨淋堤已坍卸至十
三年全黃南下水歸故道如去冬大水泛漲以數
載坍卸之堤遇波濤洶涌之際柴溝姚家蕩一時
並決則今歲之議修急急也舊例既係民修仍當

按原籍分派之鄉村而責成之亦情理之無待再計矣若夫老堤之內有蘇建新淤馬邏五工實當黃流直射之墟稱名爲五大險工雖隸山陽境內而下流之害及於揚屬寶泰諸邑者更倍於山陽也故前明曾派七州縣協濟夫料正權其利害酌其輕重勢不得不然耳亦以

本朝初年河決上流淮安水勢平定前部院

題定在山陽募夫一千名五工分派儘足畚鍤乃十三年黃河南下水歸故道五工之險非夫多料廣不

河防疏畧

卷之五

十三

寒香館

能支持而山陽一縣實難于一千之外重加力役之征如今歲當大水泛漲之後堤岸僅存一綫見在五工齊舉似仍當照舊例派下流七州縣協濟者也不特今歲爲然也以後如照常歲修則止用山陽募夫一千名若遇大水泛漲或搶修或大修時迫夫少仍照原定額數取協濟於下流七州縣永著爲定例可耳至於量給食米則各州縣官別爲設處或令民間自相貼併當此河庫空虛似萬難議之公帑者也等因又據該司道會詳呈稱蒙

本部院批據司道呈詳高寶興鹽泰州泰興六州縣循照往例協濟夫役緣由蒙批據詳外河危險山陽出夫已多下流六州縣利害切膚義難秦越相視已如詳檄行矣仰差的役守催赴工應給食米酌妥報奪蒙此又經備行淮安府分管山清河務同知賈雲龍查議去後今據該廳呈詳到道據此該司道會看得高寶興鹽泰州泰興六州縣往年協濟山陽縣外河五工夫役其工食原係各州縣自備蓋因保此五險實所以自保田廬而自爲

河防疏畧

卷之五

十四

寒香館

身家計也况有舊例仍應祇遵無庸再議也但各夫服勞
欽工距家遙遠或各州縣供億愆期或服役日久勤勞可恤似應預儲食米不時賞賚雖不在常例之中亦寓賑於役本部院格外賞勸之仁也既經該廳查例具詳前來相應轉詳等因呈詳到臣該臣看得山陽縣黃河南岸草灣迤東太行老堤延長幾三百里原在運道之下故係本縣民築民修而新溝建義等五大險工卽大行堤內頂衝掃灣之處

下流六邑協濟修防各保身家歷來久矣自順治九年淮揚按臣

題免鄉夫止於五險各設募夫二百名以供歲修一

帶長堤廢弛不問去年秋末冬初河流漲溢處處

漫塌雖經搶救無虞然補缺加高幫厚工程浩繁

河帑勢不能給除太行老堤該縣已照例催莊鎮

鄉夫與工將次告竣外至五險各止募夫二百名

工多夫少萬不克濟山陽王公堤高家堰裏河各

工並舉出夫已多難以再派據司道呈詳已調下

河防疏畧

卷之五

十五

寒香館

流高寶鹽城泰州泰興五州縣各照舊例出夫四

百名與化縣出夫三百名分發五工幫壘推埽協

力償做但各夫盤費原係自備猶恐運給愆期臣

暨司道公議量糶食米稍資之絕寓賑於役此又

仰體我

皇上優卹災黎至意出於舊例之外者也俟工完之日

用過米數造冊

報銷嗣後太行老堤應責分定莊民自行補葺無庸贅

議至五險工每年照常歲修止用募夫一千名若

遇河勢危急工程浩大方調下流人夫協做工完

卽放永著爲例既經司道會詳前來臣謹會同漕

撫督臣亢得時淮揚按臣馬騰陞合詞具

題伏乞

勅部議覆施行

順治十六年四月初九日題本月二十六日奉

旨工部議奏

工部覆前疏

題爲酌議准工夫役事都水清吏司案呈奉本部送

河防疏畧

卷之五

十六

寒香館

工科抄出總督河道朱之錫題前事等因奉

旨工部議奏欽此欽遵抄出到部送司奉此相應議覆

案呈到部該臣等案查本年正月內據總河臣朱

之錫疏稱太行老堤山清黃河南岸自草灣以下

關民生爲多運道爲少五險堤工照舊募夫太行

老堤似應仍責山陽莊民若時迫夫少暫派下流

七州縣等因具

題臣部請

勅總河臣會同漕撫按臣從長商酌具

題奉

旨咨行去後今據總河臣會同漕撫臣元得時按臣馬

騰陞疏稱太行老堤該縣照例催夫興工將次告

竣至五險工多夫少已調高寶等六州縣出夫協

做量稿食米其太行老堤應責莊民自行補葺五

險歲修照常募夫若遇河勢危急工程浩大方調

下流人夫協濟工完即放永著為例等因會

題前來臣等議得山清黃河南岸民生攸關其太行

老堤莊民補葺五險堤工遇有緊急方始調夫協

河防疏畧

卷之五

十七

寒香館

濟既經諸臣酌妥會

題相應如議仍請

勅下總河臣會同撫按嚴飭司道印官從公僉派不得

苦累窮民如有此弊即指名

題叅以憑從重議處可也奉

旨依議行

覆准黃河關係甚鉅疏

題為淮黃河工關係甚鉅宜詳察形勢以護

國課以奠民生事順治十五年十二月十七日准工

部咨開都水清吏司案呈奉本部送工科抄出河

南道監察御史何可化題前事內開切念河決之

為患非輕治河之為工甚重黃水安瀾則萬姓受

平康之福堤堰衝決則

國賦增度支之憂是黃淮一帶堤口向來動費

朝廷數百萬金錢實耗百姓無限膏血為河臣者所

河防疏畧

卷之五

十八

寒香館

宜為軍

國至計從長籌畫則百年一勞永逸之良策不可不

急講也臣先任浙江曾經淮黃地方留心體訪頗

得其槩今於邸報見總河臣朱之錫并漕臣元得

時等疏屢報水勢堤岸突決城池浸沒一方漂陷

若是乎岌岌矣然但言一時之事而不及前後也

但言衝決之地而不言形勢也臣請以所聞

奏夫淮泗之來自泗州入於陂射等湖北折於清口

而黃水合流矣自邵伯而北歷高郵寶應山陽安

東皆受湖患而城低於堤者丈有四尺其西爲高
家堰高良瀾二堤以障水勢而水過大則浮漫而
行至淮陽城外西堤皆沙土卽歲有修補終不能
固勢必多爲旁瀉之路而後可則治湖之形勢不
可不詳也又黃河自清口合淮迄東而至五險爲
堤曲折僅百里其寬者不過四五丈耳而河路之
狹僅四五百步夫黃水在河南一帶卽狹者亦經
五六十里今以里餘之地收兩河之水雖神禹不能
善其後也又山陽以東有堤其來久遠名曰太荒

河防疏畧

卷之五

十九

寒香館

長巨蜿蜒僅三百里在前朝出自民間地頭夫每
歲增補高厚焉自御史秦世禎題

准官築以寬民力而歲修亦無定額則官民修築之利
害不可不講也又險堤而外爲鹽城等縣直達江
都每歲鹽課百四十萬取給於此若五險堤岸一
決則鹽城盡被滄沒且非一歲興工可便補塞

國家幾百萬金錢不可不重爲慮也况險工一決遭
漂溺者七州縣房田墳墓盡壞於洪波民命且不
可測况租稅耶則五險太荒諸堤不可不防患于

未然救災於未事也請

勅下河臣親到淮揚審量形勢湖水若何而蓄若何而
洩黃河東下何以收其流何以殺其勢查前朝之
故事量今日之情形不病

國不損民悉心經畫以圖久安漕儲力役均有賴焉
謹獻芻蕘末議伏祈

勅部議覆施行等因順治十五年十一月初八日題本
月十三日奉

旨據奏淮黃堤工關係地方鹽課着詳議具奏工部知
河防疏畧

卷之五

二十

寒香館

道欽此欽遵於十一月十五日抄出到部送司奉
此相應議覆案呈到部該臣等看得臺臣何可化
疏稱淮泗之水入陂射等湖高郵等處皆受湖患
黃河自清口合淮迤東寬者不過四五丈太荒長
堤歲修漫無定額官民修築之利害當講又鹽課
百萬取給於此請

功河臣悉心經畫以圖久安等因具題前來查得淮黃
兩河堤岸關係淮揚七邑民生而鹽課租稅尤今
日所最急需者臺臣何可化條議前來應請

勅總河臣親赴淮揚審度地方形勢湖水應如何蓄洩
黃水東下窄狹處所應何以收流殺勢以及五險
太荒堤工應如何修築逐一審勘詳確務求有利
於

國無妨于民經久可行酌議妥確題覆以便臣部另
議可也等因順治十五年十二月初四日題初六
日奉

旨依議行欽此欽遵抄出到部送司奉此相應移咨案
呈到部移咨到臣備行司道勘議詳報去後今據

河防疏畧 卷之五 三十一 寒香館

南河分司楊西符淮海道霍炳揚州道高光夔會
詳呈稱蒙此隨行淮揚二河廳查勘詳報續據淮
安府分管山清河務同知賈雲龍揚州管河通判
王撫民呈稱蒙此轉行各州縣勘報到職該卑職
覆行勘明擬合呈詳等因到司據此該司道會看
得淮揚之治河也較他處不同在揚屬運道與湖
水相連在淮屬運道係淮黃交流淮河自西而來
至泗州入諸湖出清口達於黃河以資利涉是以
治河治漕必並行而不相悖方於

臣計民生而有裨益敢以淮黃之勢言之夫黃水
弱黃濁淮清二瀆同至於清口滙合東由安東雲
梯關以入海此從來不易之勢也但黃流濁河易
致沙淤必籍淮流蕩滌方不致梗運病民先年嘗
有分黃導淮之議分黃者於桃源縣迤南黃家嘴
闢一支河使其從旁分洩以殺強黃之勢導淮者
導引淮流歸于海以通運道故淮水偶有暴漲於
南設有高良澗周家橋二閘以備宣洩溢入寶應
高郵諸湖相聯澎湃各建閘座挑挖河渠累築堤

河防疏畧 卷之五 三十一 寒香館

岸捍禦衝決由邵伯金家灣入芒稻河或從瓜儀
注江或通廟灣歸海此蓄洩湖水之法外此再無
庸於旁瀉矣至於雲梯關之灌口固為黃淮會流
一路寬廣歸海之處每遇河流泛漲無處分殺必
從清河上四十五里仍挑黃家嘴經清河至安東
五港口東流入海分殺暴漲之勢不致南下而清
口得免黃強抵淮阻運之患至新溝等五險工亦
可稍免全河洶湧衝漫之虞誠為保運安民長策
奈河長二百四十里淤澱年久工繁費鉅難以輕

舉應俟年豐物阜另議舉行其太行老堤山陽境內延袤三百里原係民修民守自秦按院

題免鄉夫之後數年未修又值去歲洪流衝漫處處坍塌卑薄不堪擇禦業蒙本部院具

題已經司道會議查照舊例仍按原籍責成鄉民分修另詳在案再照此堤之內五險工下流關切淮揚高寶等七州縣鹽課亦攸係之歲歲修防勢難緩怠若得有引水一支流旁瀉以減正河之勢以免直射之衝誠保五險之要着第查蘇建北岸宮

河防疏畧

卷之五

二五

寒香館

家營地方舊有引水一河久經淤塞每有興濬議皆未果蓋緣引河必使深廣同於正河方能借勢而下況黃河諺稱神河濶數百丈底深水溜不惟挑濬匪易借使如式寧能保其不旋挑而旋淤乎亦惟有廣積夫料加意修防以收補偏救弊之功舍此無他奇也司道在河言河管見如此擬合呈詳等因到臣該臣看得淮揚郡屬地處卑下漚爲諸湖淮黃由之歸墟江海於焉受注客水時至一望汪洋如綫之堤曾不足以禦稽天之浸則疏洩

固在所亟亟也爰自前明挽河資運閱數百載變故卽費數百載經營今其遺跡非不具在然舊貫

固有可仍而時宜又有不得不審者臣請條晰而備陳之淮水自西南來趨東北黃水自西來橫截於清口外淮之支流由清口折而南注通江者所謂運河也淮之正流會黃竝驅東下入海者所謂黃河也伏秋之間淮黃交漲淮被黃遏周旋而不得出清口以上漚而爲洪澤等湖則高堰危故堰南有高良澗周家橋兩閘洩水東入高寶白馬等

河防疏畧

卷之五

二六

寒香館

湖高寶湖東通連運河南從瓜儀入江而地勢微昂宜洩不及則運堤危故運河東岸有涇河子嬰金灣等閘洩水東下射陽廣洋等湖入海有灣頭閘有芒稻河洩水南入於江此運河及諸湖之形勢也堤閘舊制今皆見存間有歲久圯壞者應行酌量估計以時修葺者也淮黃交會由清口而東濁流湍悍衝潰易告查前明萬曆年間曾於桃源縣黃河北岸挑黃壩新河二百四十里分黃一支由五港口歸海以導淮保運卽以殺南岸河患但

淤澱已久工役繁鉅興復實難又崇禎年間塞蘇
嘴建義兩決口曾挑官家管引河十里暫殺水勢
未幾仍淤蓋河不兩行既恐徒費况今歲淮工全
集亦有未易並舉者姑俟民力稍裕另行酌議至
於現今河身濶者數里狹者亦不下數百丈兩堤
去河尚有陸地水長則及堤址水落則復河渠洪
流衝蕩不啻奔馬豈俟人力開鑿收流之議似無
庸贅此黃河之形勢也總之太行老堤實淮揚七
州邑一大保障自前朝來原係莊民自修而中間

河防疏畧

卷之五

二十五

寒香館

頂衝掃灣諸險工亦有鹽城各縣出夫協濟之例
順治九年間黃河北決淮屬士民燕雀怡堂具控
按臣遂為

題免沮格廢弛去歲冬漲幾成大害此臺臣何可化
特以力役為言蓋實有見於往例之不當廢耳除
裏外兩河堤埽各工仍應照例每歲勘確詳估

題修其太行五險堤修築事宜臣近於淮工夫役疏
內已經會議

題明應候部覆前疏請

旨遵行以垂永久可也既經司道具詳前來臣復親勘
無異相應具

題伏乞

勅部議覆施行

順治十六年五月初一日題本月二十五日奉

旨工部知道

工部覆前疏

題為淮黃河工關係等事都水清吏司案呈奉本部
送工科抄出總督河道朱之錫題前事等因奉

河防疏畧

卷之五

二十六

寒香館

旨工部知道欽此欽遵抄出到部送司奉此相應議覆
案呈到部該臣等案查臺臣何可化於順治十五
年十一月內疏稱淮泗之水入陂射等湖高寶等
處皆受湖患黃河合淮迤東寬者不過四五丈太
荒老堤歲修漫無定額請

勅總河臣悉心經畫等因具

題業經臣部請

勅總河臣親赴淮揚審度形勢湖水應如何蓄洩黃水
東下應何以收流殺勢太荒堤工應如何修築逐

一酌議妥確

題覆奉

旨咨行去後今據總河臣朱之錫疏稱淮揚郡屬淮黃因之歸墟江海於焉受注則疏洩固在所亟亟也運河諸湖堤閘舊制見存間有圯壞者應行酌量修葺黃壩新河興復實難官家營引河俟民力稍裕另行酌議清口而東濶者數里狹者亦不下數百丈洪流衝蕩不啻奔馬收流之議似無庸贅裏外兩河照例每歲確估

河防疏畧

卷之五

二十七

寒香館

題修其太行五險修築事宜近于淮工夫役疏內

題明應俟部覆請

旨遵行等因具

題前來臣等議得淮黃諸湖水有消長不一堤閘舊制既存應行修覆仍請

勅下總河臣嚴飭司道廳等官湖水相機蓄洩堤岸及時估修毋俟臨危搶救有誤運道民生至于太行老堤五險堤工修築事宜已經臣部於本年五月內覆明總河臣酌議准工等事一疏奉有

候議行之

旨遵行在案其黃壩新河等處既經總河臣覆明無庸再議可也奉

旨是依議

河防疏畧

卷之五

二十八

寒香館

河防疏畧卷之六

義烏朱之錫梅麓甫著

濟南李之芳鄴園甫定

稽山後學徐沁楚公輯

升旗不法疏

題爲升旗不法大變異常事據北河分司葉獻章東

竟道潘超先會詳前事呈稱本年四月二十五日

准臨鎮右營駐防安山遊擊朱文舉手本內稱竊

照本職駐防安山專司護漕屢奉上行催儹糧運

刻期抵通時不容緩本年四月二十四日有江西

河防疏畧

卷之六

寒香館

新安并杭州等衛船隻齊到安山關上停泊不行

任意逍遙本職親至關口見水湧板卽令啟板前

行不期運官張學賢等不容督催率領旗丁水手

千餘各執棍棒蜂擁圍住將職偏身打傷衣服盡

行扯碎復將本營跟役范保綁拿上船弔打不放

本日又據安山關官王國昌報稱有南來建陽新

安等衛重運船三幫已時抵關水有十八捺至未

時刁肆不過關口卑職恐誤

國家重務催伊開船不容分說旗丁水手棍石交加

將關夫張標等三名撻帶重傷等情似此無法無

天情似叛逆但本營以

國儲重大不便相持合當會報請祈貴道煩爲轉文

各部院亟行剪究以正法紀等情移會到道准此

隨行捕河廳確查續據該廳查覆到道據此爲照

催儹漕船不許時刻停泊屢奉

嚴旨隨到隨催出境文武均有責成今江西新安衛運

官張學賢旗甲吳程韓等船二十一隻建陽衛旗

甲于克惟趕幫船六隻杭州衛運糧守備郭鎮威

河防疏畧

卷之六

寒香館

旗甲丁三傑等船六十八隻不惟不服督催更且

恃衆毆傷管弁若不呈請嚴法究處恐將來毆辱

督催官員又不止此矣旣據該廳呈報前來擬合

呈報等因據此該臣看得漕糧重務沿河催儹屢

奉

嚴諭臣先於閱河之日面論文武各官惕以

功令又復檄催差催罔敢刻懈董口至臨千餘里河道

源高委卑專恃關座啟一閉二爲之節宜苟一聞

停延不惟阻壓後幫卽關下亦不免待水以濟雖

臣預飭所屬疏壅滲澆禪場人力今歲雨澤甚稀
猶幸深通無阻然亢旱已久正昔人所云理開如
理財惜水如惜金之日也據報江西新安衛運官
張學賢旗甲吳程韓等船二十一隻建陽衛趕幫
旗甲于克惟船六隻杭州衛運糧守備郭鎮威旗
甲丁三傑等船六十八隻停泊安山關上積水已
至盈漕猶然任意逗遛不進遊擊朱文舉分汛安

山奉

旨催儻乃其責任輒敢恃眾不服擁毆職官藐法誤漕
河防疏畧 卷之六 三 寒香館

是其目中尚知有三尺哉非嚴加懲處無以為效
尤者之戒除臣復檄行東兗道嚴催北上外所有
抗催弁丁相應據實

題參伏乞

勅部從重議處施行

順治十六年五月初三日題本月二十五日奉

旨據參運官張學賢等擅毆職官藐法誤漕好生可惡
着該巡按御史嚴提究擬具奏該部知道

題明河銀支放成例疏

題為

題明河銀支放成例事竊臣蒙

恩拔擢謬典河漕遠考河患之變遷近憂河帑之匱詘
蒿目怵心實有不敢一刻姑息市恩以自取焦爛
之悔者故蒞任以來無日不以任怨急公諄免各
屬而惟是因私叢弊法難寬假凡見聞所得臣俱
經不時

題參至於十五年歲終舉劾臣申明激勸大典前疏

河防疏畧 卷之六 四 寒香館

於本年三月份內覆奉

旨必俟通行造報甄別具

題已于閏三月內據實

題明在案但所屬遼瀋開送未齊容臣彙查舉刺外

本年五月二十九日接邸報河南按臣李粹然有

河銀朦混等事一疏除徐必遠奉有嚴察議處之

旨相應靜聽部覆但內開有管河道徐必遠于二月初

八日投按臣冊內開十五年工程未領銀一萬四

千餘兩業經票行催領等語關臣職掌有不得不

自一割切者夫黃河工程初時勘度大勢估計銀數築做之時又不得不相機以盈縮其間故十五年劉家樓工估銀二千七百六十兩後以引河挑成遙堤停築不敢開銷魁星樓工估銀一萬九千六百四十三兩後亦以引河挑成止開銷銀三千一百一十一兩河性無定呼吸異形應估固不得不估可省又不敢不省故估計之後聽該道轉行該府均派夫料各州縣官應領之銀聽其酌量陸續支領有先支者有續支者有找支者錢糧干係

河防疏畧

卷之六

五

寒香館

在臣惟期其支發以實冊領分明亦不便專亟亟焉催銀出庫以致報銷之時雖欲覈減而不可得也况歷來工程或本年銷或次年春銷夏銷不等甚且一估可支兩年則隔年而始銷者查十五年河南共計十工十五年十二月十六年正月僅奏銷過二工其餘俱在本年二月二十七日三月初九日二十七日閏三月十五日先後

題銷臣于此時方將嚴覈以圖樽節而又安得先以盡數出庫督之耶且不但十五年也內祥符熙清

河集商丘縣王家壩二工皆係十四年估計于今春報完自于今春清覈此在十五年春尚不敢責之盡數出庫而况十四年乎又黑堽口一工今尚未行報銷是本年估計謂為本年工程而其實先後遲速原有不可限以一例者至臣稽查之法所據者月則有月報季則有循環歲復有歲報管收除在歷歷難查十四年歲報內有支二十二三年銀二萬二百三十六兩十三年歲報內有支十二年銀八千三百五十八兩自十二年以上亦皆

河防疏畧

卷之六

六

寒香館

有本年支頭年銀開除數目節年奏報冊在部可一一覆查也在按臣見謂十六年二月初旬尚有估計十五年工銀正在催領似屬過期固為恤民起見在臣則非不知恤民而急河工慎河帑典守所在勢又不得不長慮兼顧也臣前據實

題明疏內已備述按臣移會手本四月初十日又接按臣河銀朦混揭帖皆有十五年河銀愆期一事如非例所應然臣聞之既稔豈肯尚為一刻姑縱

而不卽糾參者不但恐與歷年歲報自成相左且恐向後鑒爲覆車寧敢過發不敢過存出庫之銀歸集不易河帑之不清方甚耳現今所屬道廳印河等官賢否臣嚴檄藩臬各司道據實開送至再至三如或有誤臣以自干狗庇之譴者臣自應一體

題參但河銀出納綱領攸存臣既未便雷同自誤倘緘默不言又恐以溺職取罪謹將支放成例據實題明伏乞

河防疏畧 卷之六 七 寒香館

睿鑒施行

順治十六年六月初四日題本月二十七日奉

旨該部議奏

工部覆前疏

題爲

題明河銀支放成例事都水清吏司案呈本部送工科抄出總督河道朱之錫題前事等因奉

旨該部議奏欽此欽遵抄出到部送司奉此相應議覆案呈到部該臣等案查本年四月內河南按臣李

粹然題爲河銀朦混異常等事一疏稱河道徐必遠于二月初八日投臣一冊內開存貯十五年未領河銀一萬四千餘兩已經臣部請

勅總河臣會同河南撫臣備查河庫夫料銀兩曾否俱經發完尚有未發若干有無措勒情弊奉

旨遵行在案今據總河臣朱之錫疏稱十五年河南共計十工十五年十二月十六年正月僅

奏銷過二工其餘俱在本年二月二十七日及三月閏三月先後

河防疏畧 卷之六 八 寒香館

題銷臣于此時方將嚴覈以圖樽櫛安得先以盡數出庫督之耶在按臣見謂似屬過期在臣典守所在勢又不得不長慮兼顧等因具

題前來仍請

勅下總河臣會同河南撫臣速將河道徐必遠未發十五年河銀一萬四千餘兩有無措勒逐一查明據實具

題以憑議覆

旨依議速行

免換官兵船隻疏

題為緊急軍務事順治十六年五月二十九日據濟寧道楊奇烈呈前事內稱本年五月二十五日蒙本部院憲牌本月二十五日准總漕亢部院咨開准二省郎部院咨准操撫蔣部院咨准總督湖廣李部院咨准羅大將軍咨照得本府奉

旨班師回京大兵至沅州盡由水路前行其辰州常德

澧州等處必須多備船隻伺候應用至荊州喂養四十日官兵口糧餉銀及馬匹草料槽鏹鍋桶等

河防疏畧

卷之六

九

寒香館

項早為備辦其營房預行料理修葺以便勞苦官兵一到休息事關軍務合行預知備咨前來煩為查照速賜嚴飭所屬官員預先料理等因准此除駐楚喂養馬匹需用糧料等項另行備辦外惟是羅大將軍遠進黔陽兵士勞苦今由水路班師需船甚多已經本部院會同撫部并按院嚴檄各道府協將封備共一千二百隻伺候坐用但查往例送至江南照數更換今大兵回京期迫勢難緩待相應移會等因又准湖廣巡撫張部院咨同前事

併咨前來准此為照羅大將軍奉

旨班師回京由水路北旋需船一千二百隻往例送至江寧更換自應通省酌派貴部院全省提衡仰祈主裁酌派撫屬若干明白賜示以便轉行道府循照封覓以濟兵需等因到部院准此為照大兵回京用船甚多事屬急需誠難緩誤自當照例通省均派應請貴部院檄行所屬備船四百隻合三撫屬共合一千二百之數俱解赴省責成驛傳江寧二道收管分發大兵乘坐仍令江寧道覓船一百

河防疏畧

卷之六

十

寒香館

隻以備不敷又大將軍暨固山章京等官必需座船更換本部院令江南驛傳道預備座船二十隻併池太揚州淮海常鎮蘇松五道各備座船二隻共合三十隻以供更換但查向來各屬解省船隻多有賣放及中途脫逃及致臨期輒以不堪混解耽阻大兵甚為誤事應于撫屬各府中選風力能幹佐貳二員端委分頭催覓各押船二百隻來省料理可杜遲誤之弊完日准與獎勵以勸勤勞等因到部院准此除行各該道照數封備業經選委

淮安府清軍船政文同知押赴江寧投交料理外
但查往例送至濟寧照數更換今大兵回京期迫
勢難緩待相應咨會爲此合咨煩爲查照速賜嚴
飭所屬道府協將封備共一千二百隻并座船三
十隻以供更換勿致臨期緩誤仍希覆示施行等
因准此擬合就行爲此牌仰本道照依咨牌事理
即便親詣河干不拘官民船隻封備大樣中樣照
依派註數目編成字號灣泊月河聽候官兵船到
更換應用事關軍需毋得刻緩致干

河防疏畧

卷之六

十一

寒香館

功令未便等因蒙此又于本月二十六日蒙本院催票
同前事又蒙本部院批據濟寧州申詳前事等因
備行到州蒙此爲照羅大將軍自黔班師由水路
回京需用大船一千二百餘隻早職捧讀憲檄驚
愕無措但羅大將軍需船一千二百餘隻自楚而
至江南更換自江南而至濟寧更換固屬勞逸適
均之策但河道之大小與船隻之有無勢有不同
又難一槩而責成也夫楚省與江南素稱澤國跨
三江而帶五湖人人以水爲家以船爲業其商賈

貿易大都以船爲生也故船泊如蟻帆影蔽日雖
用巨艦數千隻指顧之間可以立集若夫濟寧不
過彈丸之區所管河道南北七十里不過咫尺之
地豈可與彭蠡江淮同日而語哉雖有往來船隻
不過重運糧艘鞭催不暇豈容片刻停留顧欲彈
丸之區咫尺之水而備如許之船誠萬萬所不能
也查往例亦有大兵經過乘坐大船數百隻自
北來者俱乘回空糧船自南來者俱係按船貼給
食米隨到隨行並無更換之例但事關緊急軍務

河防疏畧

卷之六

十二

寒香館

若不預行請明恐致臨期失誤貽戾匪輕雖早職
無足惜所關于地方不小也合無申祈憲奪俯念
無米之炊實難封備急行
題請准照舊例貼併庶軍機不誤矣等因蒙批仰濟
寧道嚴飭該州一面多方封貼該道一面確查往
例速報蒙此隨行濟寧州多方封備并查往例速
報本道以憑轉報去後今于二十八日據該州申
稱蒙此卑州遵照憲文親赴河干搜貼船隻查甲
州所管運河僅七十餘里見今重運如織客船時

難停泊即今沿河一帶或係重運糧艘或係

龍永差船並無商賈民船可以封貼單州極目焦思雖

日夜株守河干終屬無益歷查前案凡係緊急軍

務船抵濟寧無船更換或量行貼併隨到隨行此

往例也案查順治十四年三月初七日一件爲軍

務事定遠大將軍世子凱旋座船十三隻並無更

換又十四年十一月二十八日一件軍務事駐防

湖廣阿大人班師回京座船一百七十隻並無船

應付北上訖又十五年二月二十六日土固山班

河防疏畧

卷之六

十三

寒香館

師回京座船四百四十六隻無船應付北上訖又
十五年六月二十八日一件移會事梅勒吳章京
座船十一隻並無更換又十六年四月初一日一
件軍務事回京押馬章京座船五十一隻並無更
換貼併食米應付訖細檢前案凡係無船更換俱
係貼併食米濟寧咫尺河道即用數隻一時無船
亦難更換况用大船一千二百隻從何得來往例
具在擬合據實回報再照南來大將軍需用繹夫
甚多若俟探明催備而驛遞額夫有限動銀催覓

亦艱合無申祈憲臺嚴檄各屬預行發銀催覓協

濟庶臨時軍機無誤而單州亦免慢誤之咎矣等

因申詳到道據此該本道看得濟寧一區雖臨河

濱爲南北舟車要道然不過信宿停泊即揚帆攸

往實非會聚之所豈若吳楚淮揚民生澤國非船

則裹足難前捆載無術襟江帶湖極目千里一值

需用船隻片檄號召可以鱗集猶每有不足之虞

今以彈丸濟地如帶漕河而欲與吳楚一同勞逸

即驅官役晝夜株守河干徒有蒿目椎心亦勢難

河防疏畧

卷之六

十四

寒香館

猝辦今羅大將軍班師回京需用船隻計一千二
百餘隻在楚則有荆襄蕪黃武漢諸郡截江距湖
上下共備在江南則有蘇松常鎮江太淮揚上下
共備如濟寧地方一經江淮一帶備船供應即無
片帆隻艘北上上是江淮備船之檄文方行而濟寧
之舟楫先絕况濟郡所轄之河道南北計程僅七
十餘里乃以矢目立到之地而與江淮相供應又
不啻天淵是以該州一奉備船之檄即驚惶無措
而有爰查往例貼併食米之懇也第邇查往例則

悉以原船貼併食米隨到隨行又皆歷歷可稽今據該州申詳前來合無請乞憲臺軫念濟地非聚船之處俯賜咨部代為具

題察照往例此後如大兵乘坐船隻至濟該州照依

原船水手名數貼併食米以速遞往庶該州免無米之炊而于軍需亦無誤矣等因呈詳到臣除需用繕夫臣移會撫按兩臣併另行飛檄沿河各道查探前途事例星速預備外該臣看得班師大兵需船一千二百隻座船三十隻准漕臣尤得時移

河防疏畧

卷之六

十五

寒香館

咨至濟更換臣即飛檄濟寧各道分投封備復嚴檄接催去後但山東漕河止盈盈一綫惟有空重兵差船隻往來其間原非官商舟楫停泊卸裝攬載之所與江南澤國帆檣輻輳者實未可同日而語也且查往例節次大兵經濟因無船更替量給食米應付前進茲大兵凱旋臣念軍需重大督催恐後惟是各官殫竭心力止能搜其所有不能強以所無據該道詳稱請照往例貼併食米庶不致臨期有誤除仍嚴檄各道儘力封貼以備缺損

外臣灼見事勢復與撫臣許文秀面相商確委應循照舊例以無誤急需事關軍務不敢不據詳入告臣謹會同山東撫臣許文秀按臣程衡合詞具

題伏乞

勅部議覆施行

順治十六年六月初四日題本月二十五日奉

旨該部議奏

兵部覆前疏

題為緊急軍務事車駕清吏司案呈奉本部送兵科

河防疏畧

卷之六

十六

寒香館

抄出總督河道朱之錫題前事等因奉

旨該部議奏欽此欽遵抄出到部送司奉此相應議覆案呈到部該臣等看得總河臣朱之錫疏稱羅大將軍班師大兵需船一千二百隻座船三十隻漕臣尤得時移咨至濟更換山東漕河惟有空重兵差船隻往來原非官商舟楫停泊卸裝攬載之所與江南帆檣輻輳者不同節次大兵經濟因無船更替量給倉米應付前進請照例貼併食米等因查更換官兵船隻歷年自有已行定例今據疏稱

濟寧無船更替按船貼併食米既係往例應請

勅該督照例酌給無誤軍行可也奉

旨依議行

河防疏畧

卷之六

十七

寒香館

運河漫溢疏

題為山水泛漲運河漫溢事順治十六年五月二十

二日據南旺分司劉元琬呈稱本年五月二十日

據滋陽縣申據泉夫劉光遠稟稱本月十五日未

時泗河山水泛漲壩上水高五尺將五關門盡行

衝開黑風口下板草塞嚴固沂河水有六分後水

未定等情申報到司擬合呈報等因據此又據該

司呈據東平州管河判官王統呈報本月十五日

酉時陶泰等山山水泛漲汶河水陡長六尺現今

河防疏畧

卷之六

十八

寒香館

督夫看守土壩等情據此又據本官報稱本月十

七日戌時又復長水一丈二尺現今督夫擡土加

高等情又據本官報稱本月十六日子時陶泰等

山山水泛漲汶河水復長七尺連前共長水一丈

九尺各等情呈報到司據此除一面嚴飭該州印

河官率領人夫將坎河口土壩積土加高晝夜護

守外擬合呈報等因又據該司揭報據魚臺縣管

河王簿張名榜報稱本月十八日晚至十九日卯

時河水共長五尺六寸本管堤岸高者與水相平

矮者漫堤過水現今嚴督分派汛地築疊子堤晝夜築守外理合稟報據此又據汶上縣管河主簿趙應乾報稱本月十六日戌時大雨至十七日午時山水泛漲自汶河上源流入漕河復長水五尺二寸上源各水口俱分派各夫巡守外理合稟報各等情據此理合轉報等因又據濟寧道楊奇烈呈稱據濟寧州管河州判王心介呈報五月十六日起至二十日止泗河運河白馬河山水大發陡漲丈餘師家莊以下狂瀾橫溢堤岸坍塌人夫防護力無所施等情報道理合呈報等因又據淮徐道李世洽呈稱據邳宿同知孫裔昌呈稱五月十六日未時探得運河因霖雨連綿山水涌出漲發異常兩岸高者水與岸平低者溢出岸上見今有漲無消呈報到道理合轉報等因又據邳宿同知孫裔昌呈稱本月二十一日據宿遷縣主簿沈時達呈稱切照連因天雨半月有餘黃運兩河水勢並發運河山水更盛自五月十五日起至二十日水頭約一丈有餘其湖心大壩石碑口一帶堤岸

河防疏畧

卷之六

十九

寒香館

平漫鄭家溝洩水不及一分歸駱馬湖黃水雖大比清水稍弱運河清水直射至黃河南岸董口並無妨礙據此理合轉報等因又據濟寧道楊奇烈呈稱五月二十七日據兗州府運河同知佟養鉅揭據魚臺縣申據管河主簿張名榜報稱切照本管河道最屬窪下自本月十五日十七日霖雨異常連日不止河水泛漲由滕縣地方絞股泉出水洶湧入漕逆流北上河水陡漲四尺有邢莊閘逆下丘家大壩馬家口迤下王家大壩滿家口迤下

河防疏畧

卷之六

二十

寒香館

家莊閘官孫士誠報稱本月二十七日子時起至寅時河內洪水大發又復陡漲三尺四五寸不等且地勢低窪又兼山水湖水澎湃而下波浪掀天復將兩岸閘背盡行漫沒一派汪洋等情到職查勘得此水正在泛漲之際甚是急溜洶湧除一面行令本官摘撥人夫在于險要處所搶護外理合揭報等因又據南旺分司劉元琬稟稱昨奉憲諭本司即馳赴師家莊閱視閘門并過水形勢督催運艘前進據運官朱知良稟稱閘門水勢洶湧不

河防疏畧

卷之六

三十一

寒香館

敢挽拽萬有疎虞未便本司嚴諭糧運原有程限豈可任意停泊緣天色已昏不便打船次早隨喚運官朱知良設法生纜東岸用淺夫二百名西岸用軍練三百名本司親督快役催趕挽拽其頭船方收拾過閘適差官賚捧

令旗憲牌到閘仰藉憲臺威靈衆船始齊挽拽挨序前進各等因到臣該臣看得運河一綫漕渠受諸泉之滙注非有支河可以旁洩故稍旱則苦涸連雨則又苦于溢伏秋水發堤岸受傷無歲無之臣

于孟夏自淮旋濟正值天道亢暘嚴督沿河南北司道各官料理重運五月初旬之後既幸得雨而伏秋已屆正擬星赴河南閱視各工不意霖雨連綿山泉四湧河湖交溢甫接水長六尺報文俄而驟至一丈二尺又俄而驟至一丈九尺高者平堤低者漫溢且甚而有沒及閘背者雖船過天井閘者已多而濟寧以南餘船正係上水緯挽維艱除先經嚴督官夫晝夜搶護仍多調淺溜等夫以助挽拽臣復親詣督察外俟水勢畧定即馳河南徧

河防疏畧

卷之六

三十一

寒香館

行勘閱所有司道各官呈報運河水汛相應具題伏乞睿鑒施行
順治十六年六月初四日題本月二十六日奉旨該部知道

特糾抗誤河工印官疏

題爲特糾抗誤河工印官以保河防事據河南管河道徐必遠呈爲緊急河工事蒙總河朱部院憲票據開封府揭帖內開臨潁縣夫一百九十五名屢催未到等因到部院據此查得各工人夫管河道於二月內發銀該府分發各州縣募夫赴工僱做延今三閱月屢催該縣尚無一夫到工藐玩誤事莫此爲甚若處處如此則河工盡被大誤矣合行查究爲此票仰河南管河道查照節催事理即將

河防疏畧

卷之六

二十三

寒香館

臨潁縣抗違不行解夫致誤河工情由查明并該縣印官職名具文報院以憑

題參施行等因蒙此查得河工歲修用夫興築何等關係本道於本年二月內呈請各部院預動河庫銀兩發給開封府分發所屬州縣募夫去後各屬先後不等陸續解夫到工築做惟獨臨潁縣知縣熊啟良十六年行府照該縣熟地原派歲修祥符常家寨河夫一百九十五名屢次行催全無一名到工鄆陵縣知縣經起鵬十六年行府照該縣熟

地原派歲修祥符陳家寨堤工夫二百四十一名屢次行催於五月十三日解到一半夫一百二十一名南河廳點查到工夫一百名於一半之中又少夫二十一名似此兩縣藐工抗夫憲臺若不嚴懲做湯向後處處效尤貽誤河工豈渺小哉今將抗違河夫印官職名擬合開揭具文呈送等因到臣該臣看得治河一事全恃夫力各省俱設有額夫獨河南自額夫廢後每年歲修按工估計每築堤一方給銀一錢而挑引河推埽箇力作之勞其

河防疏畧

卷之六

二十四

寒香館

實浮于土工數倍臣非不知民之稱苦也但河患關

國計民生黃河安則運道通而民亦享其利黃河危則運道梗而民且受其害故自前朝來力役之徵相沿已久今十六年歲修開封府屬應用人夫聽該道轉行開封府酌量均募蓋河患旣在該府而州縣之大小民力之豐瘠該府知之自稔必無偏枯此又與鄰府協濟尚費講求者不可同日語也且歷年工食俱按土方給銀緣今歲議論不一據

該道詳預動銀四千六百餘兩發開封府聽各州縣支領每夫議預給銀一兩以資餼糧餘仍嗣後清覈乃臨潁縣募夫一百九十五名鄆陵縣募夫二百四十一名節查報工揭帖俱開未到臣復經屢檄嚴催延至五月鄆陵縣始解夫一半一百一十一名及到工又止一百名臨潁縣仍然一名不到時迫伏秋臣刻刻驚憂如當大敵而臨潁縣知縣熊啟良鄆陵縣知縣經起鵬任呼不應視若贅疣度其意不過曰抗不出夫自不失為愛民也州

河防疏畧

卷之六

十五

寒香館

縣各官孰不欲博愛民之名者使人人如此夫役不前河事安措無論橫流汎濫民憂其魚而漕河

中斷數百萬儲精將遵何路以供軍
國之資哉既經查取職名前來相應特疏糾參伏乞
勅部議處施行

順治十六年六月初六日題本月二十六日奉

旨熊啟良經起鵬俱着議處具奏該部知道

河防疏畧卷之七

義烏朱之錫梅麓甫著

濟南李之芳鄴園甫定

稽山後學徐沁埜公輯

特參藐玩道臣疏

題為揚清尤先激濁開報屢催不前特參藐玩道臣以昭懲儆事竊惟河工一事原為任怨之府故玩公避怨者臣之所不取而營私歛怨者亦臣之所不容貸也臣河屬遼瀾各官劣迹或得之於文移或得之於告發此外則惟藩臬道廳等官之開報

河防疏畧

卷之七

十五

寒香館

是據十五年歲終舉劾臣以河南河工最繁屢檄該省行取劣員全無一人開報夫因河政以累民者事非得已雖怨讟屢至自不足恤如果藉端自潤貽玷官箴而亦縱焉不問其何以愜公論而慰輿情乎倘曰實無其人則府廳印河指不勝屈豈盡一一曾史而況別有發覺者又正不乏乎管河道徐必遠尤屬專司各官曰無劣員該道亦曰無劣員則其平日之覺察甚疎不待問而知也相應議處以為來茲者戒其餘藩臬道廳等官皆有廉

察之責事關河政本臣專職乃各官視若贅疣呼
之徒急應之愈緩且有揭送別衙門而全不以片
紙隻字呈報及臣者除屢經申飭察取外倘仍前
抗玩臣自以白簡繼之不敢少爲寬假也賢否事
關大典所有泄玩道臣謹特疏糾叅伏乞

勅部嚴加議處施行

順治十六年六月十六日題七月初四日奉

旨徐必遠着議處具奏該部知道

河防疏畧

卷之七

二

寒香館

甄別司道疏

題爲申明激勸大典事順治十六年閏三月初五日
准吏部咨開文選考功清吏司案呈奉本部送吏
科抄出該本部覆河道總督朱之錫題前事等因
順治十六年二月初五日奉

旨該部議奏欽此欽遵抄出到部送司相應議覆案呈
到部該臣等議得總河朱之錫疏稱前吏部覆臣
特請歲行舉劾之例一疏內

勅下該督每年歲修告竣卽行舉劾奉有依議之

河防疏畧

卷之七

三

寒香館

旨繼因督撫年終舉劾奉

旨停止不敢冒昧具

題今十五年河工又已報竣合無仍遵前

旨容臣照例分別舉劾以示勸懲再照管河佐貳等官

亦應量擇其尤另疏薦錄至貪婪不職一體

題叅等語查十五年九月臣部覆漕督亢得時請明

漕竣舉劾之例一疏內議總漕衙門似難與督撫

事例同論相應仍舊舉劾奉有依議之

旨今河臣專司河道原就本年濬築之勤惰別其臧否

若無等奉劾則管河之官無以勸懲亦不便與督撫事例同論相應如其所請照舊舉行至管河佐貳等官官職雖微其河工之責成頗巨如有勤勞盡職者應行薦舉寧嚴毋濫其貪婪不職者聽河臣一體

題叅可也理合具覆恭候

命下臣部遵奉施行等因順治十六年三月十五日奉旨依議欽此欽遵抄出到部等因到臣准此為照順治十五年歲修告竣臣隨行文各省查取賢否去後

河防疏畧

卷之七

四

寒香館

今據冊報前來臣又細加簡覈較之舊額寧嚴毋濫總期于修明河政有裨勸懲而已其他非臣所敢泛及也所有應薦應劾司道謹臚列為我

皇上陳之

計開

應薦司道官八員

夏鎮分司工部郎中顧大申湛識運以精心弘才敷為實政堤韓莊而帑金無纖毫之損城夏鎮而運道有屏翰之資省

試以時曠冒為之盡絕先勞罔懈廢墜無所不興

南旺分司工部主事劉元琬瑋璋之品盤錯之材疏導泉源涓滴悉歸轉運節宣水利舳舻咸藉灌輸野宿而督大挑乘時而葺橋闌班班可紀

中河分司工部主事李縉明立志忠誠裨躬勤慎輻輳兩河之名險奔馳千里之長途即董口挑河一節濡跡泥淖之中

河防疏畧

卷之七

五

寒香館

課工風雨之下成勞尤自難泯山東布政司左布政史記功蘊經濟之才貞紀綱之度按期而給防漕之餉士馬飽騰督屬而均力役之徵編徭畫一無忝諸司領袖允資共濟舟航

淮海道僉事霍炳才猷練達志向高明勞瘁弗辭克障懷襄之勢剔釐攸藉無遺銖兩之奸處繁劇而專力修防嚴督催而兼行節愛

分巡大梁道副使沈荃風裁振俗學行超
羣惠及窮夫沿河多撫綏之譽才堪劇
任一道有循卓之稱築堤賴以鳩傷植
柳資其勸相

濟寧道副使楊奇烈鎮靜不浮嚴明有斷
克爲伏莽之境緝弭多方濟當要會之
衝供需立辦至于繕堤挑淺饋運催空
勞績尤著

淮徐道僉事李世洽警敏得于天資厝施

河防疏畧

卷之七

六

寒香館

濟以經術緝盜而渠凶就獲均徭而偏
累頓甦兩河之轍跡時勤盈庭之獄訟
無滯以上司道均應薦揚以昭鼓勵者
也

應劾道官一員

天津道副使張道湜本官所轄天津迤南

河道緣十五年五月內雨澤愆期來源
微澁臣於時督同分司在臨清一帶築
壩疏壅該屬東光南皮等縣本官足迹

不到撈濟無人及臣專委分司坐守迫
催糧艘始獲漸次北進廳印等官先俱
經臣叅處在案本官分轄所寄漫不關
心何辭溺職此一官者相應照玩誤例
議處者也伏乞

皇上勅部再加覆覈如果臣言不謬將顧大申等酌量
敘錄張道湜照例議處所禱河道非淺鮮矣

順治十六年八月初四日題本月二十七日奉

旨吏部知道

河防疏畧

卷之七

七

寒香館

舉劾有司疏

題為申明激勸大典事順治十六年閏三月初五日
准吏部咨開文選考功清吏司案呈奉本部送吏
科抄出該本部覆河道總督朱之錫題前事等因
順治十六年二月初五日奉

旨該部議奏欽此欽遵抄出到部送司相應議覆案呈
到部該臣等議得總河朱之錫疏稱前吏部覆臣
特請歲行舉劾之例一疏內

勅下該督每年歲修告竣即行舉劾奉有依議行之

河防疏畧 卷之七 八 寒香館

旨繼因督撫年終舉劾奉

旨停止不敢冒昧具

題今十五年河工又已報竣合無仍遵前

旨容臣照例分別舉劾以示勸懲再照管河佐貳等官

亦應量擇其尤另疏薦錄至貪婪不職一體

題參等語查十五年九月臣部覆漕督亢得時請明

漕竣舉劾之例一疏內議總漕衙門似難與督撫

事例同論相應仍舊舉劾奉有依議之

旨今河臣專司河道原就本年濬築之勤惰別其臧否

若概停舉劾則管河之官無以勸懲亦不便與督
撫事例同論相應如其所請照舊舉行至管河佐
貳等官官職雖微其河工之責成頗巨如有勤勞
盡職者應行薦舉寧嚴毋濫其貪婪不職者聽河
臣一體

題參可也理合具覆恭候

命下臣部遵奉施行等因順治十六年三月十五日奉
旨依議欽此欽遵抄出到部移咨到臣准此為照順治
十五年歲修告竣除司道另疏甄別外臣隨牌行

河防疏畧 卷之七 九 寒香館

各司道將所屬印河等官造報賢否去後今據各

司道冊報前來臣又細加覆覈於河道無關者即

他政超羣不敢濫入薦額於河道有裨者雖他事

難料不忍遽沒成勞較之舊例寧嚴無濫至于敗

檢溺職照揭叅處所有應薦有司十六員應劾有

司四員謹臚列為我

皇上陳之

計開

應薦有司一十六員

兗州府運河同知佟養鉅識歷久而彌精才四應而不置僨運則片帆無阻修河則餘力不遺卓然河吏之冠

開封府北河同知張爾翮竭蹶防數百里之河功難忘於曲徙咄嗟禦雷家集之變帑不費於纖毫

開封府南河同知趙汝斌周防而甘心盡瘁視河事寧啻謀家遇險而極力爭衡轉危機頓成順軌

河防疏畧

卷之七

十

寒香館

淮安府徐屬同知魏喬魯英敏絕倫慈和協衆荒度周而綢繆獨預堤埽輦而汎濫皆馴

淮安府邳宿同知孫裔昌防淤淺以疏運治堤埽以禦衝精神幾竭於兩河憂瘁靡遑于片晷

兗州府推官趙開雍案理平徭蒞屋鮮偏枯之累法嚴祛蠹河濱聳盤踞之奸淮安府推官俞有章剔釐河弊有摘奸發

伏之才協贊急工効捍患禦災之力

高郵州知州吳之俊老成者其度振作詩其才當河湖並漲之秋著捍禦安流之績

封丘縣知縣余縉學識通明操修雅飭荒邑依之若慈母大工賴以爲長城

儀封縣知縣崔維雅剏裁無滯鼓勵有方挑引河而廻將倒之瀾廣植柳而儲不時之用

河防疏畧

卷之七

十一

寒香館

尉氏縣知縣高桂調夫則咄嗟而應輸料則輻輳而前個儻既見通才安詳尤徵定力

沛縣知縣郭維新英明集事愷悌宜民夫料之輸委獨先河漕之疏通可恃

嶧縣知縣黃甲第以凋疲之衆當衝劇之區撫循與督責兼行民隱並河工兩賴曲阜縣知縣孔胤淳孝友宜家恪勤敷治覈工食則羣夫果腹疏泉源則衆派湧

流

嘉祥縣知縣張栴撫字存心先勞蒞政夫

食嚴漏卮之弊河工勤徹土之謀

祥符縣知縣劉朝宗清河集危險驟生一

呼而人夫立集搶救時變遷無定屢應

而柳料不窮以上有司均應薦揚以昭

鼓勵者也

應効有司四員

歸德府管河通判高璧劣蹟

河防疏畧

卷之七

十二

寒香館

一本官該管商虞考等處河夫一千餘

名每月每一火頭索常例銀三錢每

月約得銀三十餘兩交書辦趙名

門子姚顯收訖夫頭張清宇總甲槐

詳吳國春証

一本官擅收納紙書辦黃應召等五十

名指稱公費每一名納銀二兩共得

銀一百餘兩黃應召并董玉所証

一本官所轄看堤堡夫五十名每名工

食銀七兩五錢支發未明堡夫含怨

陳天祿王友鳳証

一本官指劉家樓芝蔴莊二渡口每月

差聶快手趙瑞乾赴渡口索常例錢

數十串焦小堂劉士吉等証

新鄭縣知縣馮嗣京劣蹟

一本官指河夫雜項為名於本年內每

畝地攤派細徵銀三分共四百頃通

追得銀一千二百兩聽信蠹書趙碧

河防疏畧

卷之七

十三

寒香館

侵扣指稱存留仍不給散致閔貧夫

大怨派銀總書戴明乾審証

一本官於本年內差快役張祥之領募

夫工銀五十六兩聽信蠹書趙碧扣

侵指抑毫未給發領役張祥之並夫

頭等証

一本官聽信兵書沈光燦指稱協濟名

色加徵馬銀一百兩縱役侵肥公直

趙天真等証此二官者應照貪例革

職提問者也

朝城縣知縣惠光先劣蹟

一本官年近六旬性多執拘往往偏護

衙役不能與地方相安

一本官凡派河夫富豪之家從不應役

偏累貧民一月一換百姓每苦僉報

之擾此一官者應照不謹例議處者

也

許州知州汪潛劣蹟

河防疏畧

卷之七

十四

宋香館

一本官賦性悠忽凡奉到公文不即察

行悉置高閣至河患益屬漠視緩急

無賴

一本官近得目疾每登堂理事動輒呼

張爲李以致胥役藐玩事多廢弛

一本官起解河夫止以空文搪塞並未

逐名點查故夫多不到貽誤工程此

一官者應照不及例議處者也伏乞

勅部再加覆覈如果臣言不謬將佟養鉅等酌量敘錄

高壁等分別議處庶勸懲率彰河事有賴矣

順治十六年八月初四日題本月二十七日奉

旨吏部知道

河防疏畧

卷之七

十五

宋香館

舉劾佐貳疏

題為申明激勸大典事順治十六年閏二月初五日
准吏部咨開文選考功清吏司案呈奉本部送吏
科抄出該本部覆河道總督朱之錫題前事等因
順治十六年二月初五日奉

旨該部議奏欽此欽遵抄出到部送司相應議覆案呈
到部該臣等議得總河朱之錫疏稱前吏部覆臣
特請歲行舉劾之例一疏內

勅下該督每年歲修告竣即行舉劾奉有依議行之

河防疏畧

卷之七

十六

寒香館

旨繼因督撫年終舉劾奉

旨停止不敢冒昧具

題今十五年河工又已報竣合無仍遵前

旨容臣照例分別舉劾以示勸懲再照管河佐貳等官

亦應量擇其尤另疏薦錄至貪婪不職一體

題參等語查十五年九月臣部覆漕督亢得時請明

漕竣舉劾之例一疏內議總漕衙門似難與督撫

事例同論相應仍舊舉劾奉有依議之

旨今河臣專司河道原就本年濬築之勤惰別其臧否

若概停舉劾則管河之官無以勸懲亦不便與督
撫事例同論相應如其所請照舊舉行至管河佐
貳等官官職雖微其河工之責成頗巨如有勤勞
盡職者應行薦舉寧嚴毋濫其貪婪不職者聽河
臣一體

題參可也理合具覆恭候

命下臣部遵奉施行等因順治十六年三月十五日奉
旨依議欽此欽遵抄出到部移咨到臣准此為照十五
年歲修告竣除司道有司另疏甄別外臣隨牌行

河防疏畧

卷之七

十七

寒香館

各司道將所屬州縣佐貳官查造賢否去後今據
各司道冊報前來臣細加覆檢據原開冊揭分
別舉劾論官職雖屬么庸計勸懲頗有關係正不
敢以其微員而忽之也所有應薦佐貳官六員應
劾佐貳官六員謹照例臚列開坐上

聞

計開

應薦佐貳官六員

濟寧州同知范有明委管修濬供應兵差

成勞不著

祥符縣縣丞顧玉鉉拮据河干既勞且苦
中牟縣縣丞張行生小心供職殫力河防
商丘縣主簿葉世秀董率羣夫勤勞可錄
陽穀縣主簿石璿修濬得宜克勝厥任
寶應縣主簿褚建修築隄防不辭勞勩以

上佐貳相應薦揚以備優錄者也
應劾佐貳官六員

陳留縣縣丞鄭明時劣蹟

河防疏畧

卷之七

十八

寒香館

一本官於十四年分管遙堤修築夫八
百餘名內有火頭夫頭杵夫等一百
六十餘名謂之輕頭本官聽信積書
李一中蠶役班從禹等每派輕頭一
名索銀二三錢不等共得銀四十餘
兩官役分肥李一中班從禹審証
一本官管南北兩岸堡夫一十二名每
季行禮銀一兩二錢堡夫賈一龍証
單縣主簿任熙劣蹟

一本官管徭夫三百餘名派定六牌每
牌扣夫頭錢一千文與總甲高進才
等分肥委總王國用謝祥審証

一本官堤夫內派水汛六名及報水時
仍令散夫打報坐占本年水汛半年
工食與書辦王景皂頭曾惟一分肥
張堯尹覺宇周文科等証

一本縣額設舖夫三十九名守堤本官
聽信夫頭党君用借言查點失悞每

河防疏畧

卷之七

十九

寒香館

名索常例銀二錢約得七兩八錢與
党君用分肥柴光顯証此二官者應
照貪例革職提問者也

虞城縣主簿馮曉本官言貌猥鄙約束無
術以致夫譁莫禁且賦性慵惰時入
伏秋猶然偷安私署關葺已極誤工
可虞

嶧縣縣丞鄒國英本官挂名河員潛蹤衙
舍履任七載寸長無錄質以河務茫

然不知

儀封縣主簿楊復本官神衰才短董率無能該管河勢變遷束手憂惶復盲目雖履任無幾河事殷煩豈可姑容貽悞此三官者應照不及例議處者也

徐州下河州判劉應斌本官年逾六旬步履艱難屢以病告河防劇務非暮氣所能驅勉此一官者應照年老例議

河防疏畧

卷之七

二十一

寒香館

處者也伏乞

勅部覆加查覈如果臣言不謬將范有明等酌量敘錄鄭明時等分別議處庶功罪明而人心益知所勸戒矣

順治十六年八月初四日題本月二十七日奉旨該部知道

河防疏畧卷之八

義烏朱之錫梅麓甫著

濟南李之芳鄴園甫定

稽山後學徐沁莖公輯

題叅失誤緯失各官疏

題為緊急軍務事據兗東道劉世傑呈稱照得本道自七月初八等日節蒙河撫按三院憲牌准兵部咨俱同前事照得大兵南進所用緯夫數目本部屢經咨劄該撫道飛檄所屬經過地方照數預備今大兵星夜前往所需船隻并應用緯夫相應亟

河防疏畧

卷之八

一

寒香館

催嚴行該道府督率該地方官親詣河干查點明確如數預備不許推諉驛官致滋貽誤聽本部差去圖郎中取討即照數應付若本驛緯夫不足該道府即撥附近隣邑州縣協濟如有遲延短少本部郎中即行指名報部定以違悞軍機該地方官并道府一併叅處等因到院准此合行亟催為此牌仰本道即便轉行沿河地方各官如數預備不許推諉驛官若驛夫不足即撥臨近州縣協濟如有遲悞揭報叅處等因蒙此查得大兵船隻需夫

甚多經過本道所屬嶧縣之萬家驛僅止額夫三百名萬難足用卽飛檄該府并飭附近滕縣與嶧縣遵照協濟外至本月十七日辰時蒙督撫部院憲牌據德州申稱兵部圖郎中于十三日辰時已到德州口稱大兵船隻于十五日可到絳夫需用一萬等因蒙此查得兵船需夫一萬無論萬家驛驛夫不足卽附近之滕嶧二縣亦難備隨將前奉各院憲行催備南來凱旋羅大將軍兵船絳夫共一萬名嚴催備用查得沂州計夫二千名鄒城

河防疏畧

卷之八

二

寒香館

二千名滕縣一千七百名嶧縣一千七百名費縣一千一百名鄒縣一千五百名共足一萬名一面申呈各院卽一面差役守催仍勒限齊集本道親詣點查接替職世傑卽於本月二十三日自沂州起身至下莊催查沂鄒費三縣夫役而三縣人夫一名未到至晚到蘭陵係沂鄒費三縣適中之地查各縣夫役仍然未到止有沂州知州田生玉在蘭陵點查夫役尚未齊備隨差役分頭接催本道在蘭陵守候二十五日酉時忽據嶧縣申稱蒙本

道憲票仰縣官吏卽將前備夫一千七百名該縣照數點齊不許短少一名限二十五日齊集馬蘭屯伺候本道點查接替等因蒙此該卑職隨於本月二十四日卽親詣馬蘭屯除點查萬家驛驛夫八十名外其協濟萬家驛派備民夫照數查點到夫一千三百零七名其未到人夫嚴責各役拘拏間於本月二十五日候本道按臨馬蘭屯查點絳夫而本日午刻兵船卽抵臺莊卑職將前點過人夫親督臺莊接替因馬蘭屯至臺莊二十餘里途

河防疏畧

卷之八

三

寒香館

路逃避者有之及卑職覆查僅存現夫一千五十名及散夫時內有老幼不堪人夫五十名前站逐去止交現夫一千名卑縣仍親謁領兵大元帥定南達將軍備陳嶧苦心甚惻然具有嶧縣到夫一千名其結收去其各州縣協濟人夫並未解到而兵船續至立待需夫探得憲臺按臨蘭陵點夫目穿疾呼一時難至卑職手足莫措懇乞憲臺飛檄協濟州縣刻將應備人夫照數點足星夜趨赴臺莊接替以濟軍機等情據此本道卽單騎至馬蘭

屯據本道催夫快手王天錫報稱大將軍船已過
臺莊止有兵船隨後續過所有續到夫役隨到隨
替兵船並無停泊等情據此本道卽駐臨河之石
佛寺嚴催各縣夫役接替間二十六日寅時據費
縣申稱蒙本道憲票仰縣備夫一千一百名卑職
於二十三日點過絳夫六百名委捕官押發前行
停宿南鄉中村聽候查點忽接捕官差役具報於
二十四日晚二更已盡突然鼓譟四起連衝吶喊
闔村男婦驚亂後於二十五日天明捕官查點

河防疏畧

卷之人

四

寒香館

絳夫已逃去二百三十七名卑職於二十五日親
至中村隨據本處鄉民里老呈報吶喊驚竄緣由
到職據此事出變異關係地方細查俱係南山一
帶撫民倡造訛言率衆逃走方今應付甚急豈容
短少夫役卑職急欲回縣料理再派又恐未派者
騷動而在途者潰散事勢窮促叅處臨頭除一面
招徠補救外爲此激切痛哭陳情懇乞鑒燭前情
宏開生路等情據此二十六日未時又據滕縣申
稱蒙本道憲票仰縣官吏卽將前備夫一千七百

名該縣照數點齊馬蘭屯伺候本道點查接替等
因蒙此遵行已照數催備於七月二十日點查止
拘到夫九百四十名差役押赴臨城委縣丞陳斌
再行查點卑職於二十四日親赴臨城率領各夫
前來不意無知小民誤聽訛傳乘夜逃去夫六百
六十名止存夫二百八十名卑職二十六日押赴
臺莊交正紅旗明甲暗甲一喇氣收去夫三十八
名鑲藍旗明甲暗甲哈申得去夫四十三名鑲白
旗明甲暗甲得兒杜收去夫九十九名正白旗收

河防疏畧

卷之人

五

寒香館

去夫三十二名鑲紅旗收去夫一十九名共收去
夫二百三十一名尚存老弱夫四十九名未收各
旗逐去緣係軍機重務擬合據實申報等情據此
又據費縣稟報卑職於本月二十三日點發夫六
百名委典史裴爾玉押解至中村地方離城一百
二十里又於本月二十四日點到夫五百名卑職
同縣丞林弘先親督至中村不料於本月二十四
五兩夜突遭撫民倡造訛言以致各夫吶喊鼓譟
逃竄西南山去除已經申報外尚存夫二百餘名

縣丞典史押至項城卑職匍匐前來至蘭陵叩訢
 憲臺詎料滿兵稍夫盡行驚散事于民變併係失
 誤卑職同縣丞典史星夜回縣安撫百姓固守城
 池無憑押解等情據此又據沂州申稱蒙本道憲
 票仰州官吏即將前緯夫二千名押至馬蘭屯交
 替遵於本月二十四日在州點夫二千名卑職親
 押解至蘭陵集忽聞費縣撫民假造訛言以致費
 縣緯夫隨响喊鼓譟遯竄山內卑州夫役聽此訛
 言即逃回一千二百一十七名其餘緯夫卑州同

途中忽造謠言不是緯夫係提去當兵疑畏觀望
 不前職見情形勸諭催督二十六日已至邳境連
 峯山各夫齊任吃飯不走職同道廳差役尾後傳
 催意欲宿黃池公次早便赴投道文工房又復回
 親催依舊不行各夫齊變四起响喊糾合走回押
 差攔阻衙皂周運隆被捉毒毆竟無統紀併後到
 續發人夫蜂擁逃回天時昏暮勢難追拏事關大
 變合先具稟各等情到道據此看得征南兵船需
 夫一萬本道遵奉憲行不敢推諉驛官即如數撥
 派州縣協濟檄行守催不啻舌敝頰禿親詣點查
 不啻心勞身瘁不意臨期接替惟嶧縣交夫千名
 滕縣交夫僅二百三十一名其餘人夫同沂州費
 縣邳城各申稱已催備押解中途因訛言逃散至
 邳縣距河千較遠人夫未到雖曰兵行神速未嘗
 時刻停泊愚民驚逃難以羈縻前往而接替未及
 沂州守申言其罪而本道又何敢為之諱言也又
 何敢自為求寬也相應據實呈明職世傑同守令
 各官候憲臺分別參處至越過濟沛緯夫或批行

查明貴令夫役不到之州縣照數補其夫價一以償越站之勞一以懲奸玩之罪是在憲臺裁行等因據此又據濟寧道楊奇烈稟稱昨送夫兵南下絳夫不意沛縣夏鎮臺莊並未替換竟將濟屬絳夫俱打過站已回者不過一半前職奇烈已行濟屬協夫州縣查報又行沿河地方加意收留報逍酬賞迄今尚無確數回復今聞各夫竟打越過宿遷地方但宿遷至南陽遠經數百里亦有逃回者路遠餓死打死淹死沿河不絕聞之不覺悽慘除

河防疏畧

卷之八

八

寒香館

將越站及死夫夫數另行查報外若不稟請憲臺拯救則未回之夫斷難生還而將來之供應何賴等因據此又據濟寧州申稱蒙本府分派濟寧州備夫三千名鉅野縣協夫一千一百名鄆城縣協夫一千一百名嘉祥縣協夫八百名蒙此又蒙本府批據卑州申請北來大兵應用絳夫一萬緣由蒙批前奉濟寧道憲行已於本月十七日調魚臺金鄉單縣絳夫赴該州併站協送泗亭驛矣仰候飛檄三縣齊赴接替繳等因俱行到州蒙此查得

預備絳夫共有六縣協應矣卑州遵照派定數日星夜僱夫三千名分外多僱夫五百名以備不足之用至七月二十三日北來大元帥抵濟卑州之夫供應有餘其六縣協應之夫到與未到卑州不敢過而問焉於七月二十五日過濟訖至今八月初六日已逾旬日卑州遍查所僱絳夫歸來者不過一半查自濟寧至泗亭驛不過二百里往返不過四五日今逾旬日不返則前途無夫接替可知矣以致各夫枵腹挽絳竟無稅足之處其中保無

河防疏畧

卷之八

九

寒香館

傷亡者乎痛念軼軼赤子何以堪命誠鄭圖不能繪買淚不能乾者除一面遵奉憲文細行清查多差船隻載運糧糈星夜往南接救絳夫外擬合先行申報各等因到臣該臣看得南進大兵萬分緊急每站需用船夫一萬名俱出沿河州縣臣會同撫按節發令箭嚴催山東各道預集河干照站接替查兵船於七月二十二日晚至濟據濟寧道報稱用夫八千一百二十二名挽拽南下訖及旬日之後歸者尚復寥寥該道及濟寧州屢有呈稟意

其必係前途越送臣正在嚴檄確查間據兗東道
劉世傑詳稱該驛驛夫見在八十名其餘俱派峰
縣費縣滕縣沂州郟城鄒縣等州縣協濟不期催
到人夫臨期疑畏不前夫數衆多一呼盡散以致
接替不及自甘叅處臣惟軍機至急急則不暇兩
全驛夫至苦苦則不容偏累乃兗東州縣催督無
方紛紛逃避致令濟寧驛夫越境代僵雖兵船順
流幸而無滯而其失誤之罪終不能為各官解也
查該道所屬惟嶧縣知縣黃甲第備夫一千零五

河防疏畧

卷之八

十

寒香館

十名滕縣知縣吳起鳳除逃去外僅存夫二百八
十名其沂州知州田生玉郟城縣知縣張翼費縣
知縣程九萬各夫俱經逃散鄒縣知縣周嗣昌綠
距河較遠夫亦未到除濟寧越站各夫臣已一面
行州差撥船隻載運糧變前迎賑救去後所有兗
東道劉世傑併該屬州縣失誤各官相應

題請

勅部分別議處至於此後驛夫應行商酌事宜容臣移
會撫按另議具

題外臣謹會同撫臣許及秀按臣程衡合詞密
題伏乞

勅部議覆施行

順治十六年八月十一日題

月

日奉

旨

河防疏畧

卷之八

十一

寒香館

議恤絳夫苦累疏

題為絳夫苦累已極亟議變通以昭

皇仁以恤民隱事臣自蒞任之後沿河士民無不以絳夫疾苦號泣控懇各道呈詳有稱陸路屢蒙裁減河干日議加增民生敝壞不可收拾應貼水手食米為便者有稱以有限殘民受無限艱苦逆水量給鄉夫順水止給水手口糧者有稱民應一夫猶如赴湯蹈火情願每名絳夫出銀三錢以貼船家盤費者臣未嘗不深思熟慮疾首痛心然又仰體

河防疏畧

卷之八

十一

寒香館

國家軍行重事既不能停免不用又苦無策兩全以故未敢輕率入

告查順治八年內部覆直隸總督張存仁絳夫甚為民累一疏內開經過船隻應用絳夫責成該驛應付等語十四年內部覆山東巡按繆正心沿河民困于役一疏內開頭號二號三號等船上水下水絳夫數目如有騷擾等情指名

題叅等語十五年內部覆順天巡按董國興民夫苦累難堪一疏內開調防大兵乘坐回空糧船止照

本船水手給米果不足用該驛僱覓不許捉派民夫等語是沿河民隱固已上徹

宸鑒而部臣博採條奏計所以甦恤之者亦既甚周矣然議者必曰凌虐需索據實指

參惟是兵船以百十計跟役水手即不下數千箠箠小民隻身克夫偶然同事之人亦皆漠無關切縱使飲痛以死父兄妻子望眼徒穿竟犯為誰既莫考其姓名又孰代為質証况一家數口死者已矣生者謀食不給勢不能再捨餘生出身對簿為有

河防疏畧

卷之八

十三

寒香館

司者亦將何所據而為之伸雪究抑乎議者又必曰該驛僱覓毋派民夫惟是每驛設夫或數十名至多或二三百名前差未回後差復到尚然不給一至兵船需夫少者數千甚而至於近萬無論驛遞錢糧有限船多人雜苦緒萬端州縣官按里派捉猶且裹足不前今日驛官僱覓豈能濟事是名雖少變而絳夫受病之實究竟何道於萬一乎此二者皆言之甚美而行之實難者也夫百姓力役公家分所應爾苟行之得法不過用民數日牽挽

之力何得言勞奈何乘船者非不恪遵禮法而駕船水手率多無賴或倚恃氣傲或挑撥兵丁凌虐鄉愚恣行魚肉以致沿河州縣皮骨僅存其苦有非一言盡者臣請得條述而縷陳之一曰守候之苦沿河驛站大約相去百里之間如用夫數千除本州縣外仍須隣封協濟十餘日前繫繫成群封鎖古廟臥眠飲食不得自由餼糧幾何又將垂盡其不堪者一一曰趕緯之苦每船之夫繩索相連偃僕邪許無分晝夜饑不得食勞不得休船上之

河防疏畧

卷之八

十四

寒香館

人方且輪番持棍任情鞭撻至於折肢體喪殘生者在在有之其不堪者二一日越站之苦各夫筋力有限盤費有限萬一前路緯夫未集竟將舊夫打過饑餓困憊殘喘如絲幸而得歸乞食無所其不堪者三一日順水之苦黃運兩河水勢建瓴順流直下夫雖疾驅不及船速反曳緯索隨後奔追涉水而行一夫失足衆夫隨之撈救無人竟委魚腹其不堪者四一日攘奪之苦緯夫跋涉遠道攜帶衣糧以備往返間有水手跟役恃強勒取以困

頓之餘生加饑寒之迫體其不爲溝中之瘠者幾何其不堪者五一日強帶之苦前途驛夫更換已足復有狠毒船棍擅留舊夫勒其銀錢資其氣力或盛夏而幽之船底或風雨而驅之當先踰越數站歸者無幾其不堪者六此皆臣得於訪聞與據之詳冊之大槩也雖未必節次皆然然間一有之則是驅無罪之民就必死之地此在地方豐寧尚且上軫

河防疏畧

卷之八

十五

寒香館

容懷多方體恤而况沿河一帶當此災傷之餘加以馬匹經行軍需徵辦偏累已多若緯夫一節再不少爲斟酌無論百姓視爲畏途將來鞭朴徒加終不易集且恐窮迫無聊逃亡奔竄其可憂又有甚者臣前是尚不敢有所瀆陳今者軍興苟午爲臣子者恨不能荷戟前驅奮身効力何敢妄爲姑息之請獨是臣駐劄河干灼見時勢萬不容已倘緘默不言則是臣仰負皇上如傷之仁而坐誤地方也臣罪滋大故雖計無所出而不敢不以上

聞耳今於未便更張之中曲爲調劑之術諺扞蠶見約
有四端一者數目宜節官兵登船之日頭號船約
載若干人用夫若干二號三號船各約載若干人
用夫若干一而即將人數船數造冊報部庶不致
乘坐太濫省一船即可省一船之夫且以裝載多
寡分別船之大小而肩稱大船藉端多索之弊亦
可少絕民困亦得因之少蘇矣一者稽察宜嚴官
兵用船或自一隻以至百隻不妨卽以先後次第
編爲號數各記船戶頭舵姓名造冊報部每船十

河防疏畧

卷之八

十六

寒香館

隻責成一頭領官專司巡察換夫之時州縣照依
號數以次給散各船戶出一收夫小單存照而每
船絳夫之內僉立夫頭一二名照管本絳如有死
亡攘奪等弊查問夫頭行提船戶嚴加根究庶幾
紛紜揉雜之中事後猶可查攷萬一而人情峇知
顧忌矣一者水勢宜酌逆水上行必藉絳挽之力
至於順流船行甚易况各船原有水手除上水定
數給夫下水則厚加津貼以資食用似於船戶亦
屬便益若恐站銀不足則東克道潘超先券各絳

夫量貼盤費之詳亦出民間情願可否聽從其便
再行酌議如是則南來北往河流維均而夫力減
半亦可以少示休養矣一者緩急宜分緊急大兵
與尋常換班者自是不同似應臨期酌定無論上
水下水一槩給夫以速軍務若其餘緩差仍應遵
照部覆順天巡按董國典疏議乘坐回空止照本
船水手絳夫名數日給食米不許派捉民夫萬一
自南北上乘坐民船下水止行給米上水酌議減
用另聽部議庶沿河有司遵行畫一而軍機民隱

河防疏畧

卷之八

十七

寒香館

兩有所賴矣臣愚昧所及瞽論如此是否有濟萬
一倘
廟堂之上更有良畫可以兩全是又地方無疆之福也
事關地方疾苦情形臣謹會同山東巡撫臣許及
秀巡按臣程銜合詞具
題如果臣言可採伏乞
皇上睿鑒
勅部議覆施行冒昧敷陳字稍逾格統祈
恩宥

順治十六年八月二十一日題九月十七日奉
旨該部詳議具奏

兵部覆前疏

題為絳夫苦累已極等事車駕清吏司案呈奉本部
送兵科抄出總督河道朱之錫題前事等因奉

旨該部詳議具奏欽此欽遵抄出到部送司奉此相應
議覆案呈到部該臣等議得總河臣朱之錫疏稱

絳夫苦累六款并陳救苦四議其數目宜節一欵

內稱官兵登船之日頭號二號三號等船各約載

河防疏畧

卷之八

十一

寒香館

若干人用夫若干名等語查大兵出征乘坐船隻
并應用絳夫數目向係臣部戶部酌量軍行緩急

差官前往分發船隻絳夫今該督議定數前來應

照臣部前覆直省督臣李蔭祖

題定頭號船坐六十人二號船坐四十五人三號船

坐三十人之例遵行仍令地方官造冊報部以憑

稽察不得以小克大藉端濫索其稽察宜嚴一欵

內稱船隻以先後次第編為號數各記船戶頭舵

姓名造冊報部每船十隻責成一頭領官專司巡

察換夫之時州縣照依號數以次給散各船戶出

一收夫小單存照等語查軍行自有八旗船論旗

先後按次序行不便編號造冊至稱死亾搶奪等

弊應責成沿河各道差的當員役巡察酌立夫頭

照管本絳如有持棍趕絳搶奪強帶越站以致死

亡者該地方官即限究行究船戶及被害姓名立

時呈報該撫按即指名

題參以憑從重處治其水勢宜酌緩急宜分二欵內

稱逆水上行必借絳挽順流船行甚易上水定數

河防疏畧

卷之八

十九

寒香館

給夫下水厚加津貼又稱緊急大兵與尋常換班

不同無論上水下水一槩給夫以速軍務等語查

大兵遇有緊急征勦自應如議給夫其餘駐防換

班官兵等項需用船隻不係緊急軍務者仍照臣

部覆順天按臣董國興

題定例止用本船水手照例給米至大兵自南回北

乘坐民船止用該驛額設驛夫無容另議津貼奉

旨依議

題補南河同知疏

題為

請補河官以重河防事順治十六年八月二十五日該

臣咨會河南撫臣賈漢復為移商

題補河官以收駕輕之效以免坐誤之虞事照得河

性濇悍衝潰時聞蓋排山倒海之勢不可以人力

爭者有之矣未有人力不盡而能晏然無事者也

然河防之理原係專家故非久歷不能深知非深

知不能取效况歷來河患惟中州為尤甚則為官

河防疏畧

卷之八

辛

寒香館

擇人尤萬萬所宜致慎者查河南緊要河官總其

事者為河道次則北河同知尤為關係今管河道

徐必遠已經議處北河同知張爾翮又報陸任而

臨河一二印官新任尤多夫道官係新手猶曰有

廳官分任之也廳官係新手猶曰有道官指畫之

也今則悉行更換初任印官更復茫無頭緒先事

荒度臨期搶修此皆有安危爭於呼吸之勢而竟

無一人可以倚賴及至事後補救所費工程豈止

什伯已也但北河同知 毛陸府正難以議

留查得儀封縣知縣崔維雅修防三家莊工鼓勵

有方情形洞悉揆之往事似堪任以北河同知之

職且新陞淮安府同知官秩亦復相應但彼中官

評責部院耳目最近知之更詳

題留一事干係綦重本部院未敢專主可否會

題相應移商為此合咨貴部院煩為查照如崔維雅

堪以

題補即賜移示以便會同具

題庶駕輕就熟責效可期較之生手嘗試者得失判

河防疏畧

卷之八

辛

寒香館

然矣移咨去後隨准回稱為照承大咨因北河同

知缺員議將儀封陸任知縣崔維雅

題補此缺并詢及本官官評本部院查此官在任裁

柳修河催科辦賦任久勞深幹濟才也今以之

題補北河同知誠如貴部院所謂駕輕就熟等效可

期但事關河務應候貴部院繕疏主稿會

題者也相應回覆等因到臣該臣看得治河一官貴

於請習臣前慎重河工職守一疏已經

題明覆奉

俞旨欽遵在案况歷來河患中州為甚乃該省管河道

北河同知俱係新任歸德通判亦復經臣叅處臣

正切杞憂移會撫臣賈漢復從長酌議而南河同

知趙汝斌又以積勞病故台矣一道三廳悉更生

手無論來者果否勤敏總未可知即使凡百究心

亦必需之月日河工水汛節序相催事機之來間

不容髮是何可以嘗試僥倖為也查原任儀封縣

知縣崔維雅任內修防歷著成績且新任淮安府

同知以之改補南河同知銜亦相當臣恐所見不

河防疏畧 卷之八 寒香館

確又經咨會撫臣移覆會同合無請

勅吏部將崔維雅改補趙汝斌員缺一轉移間而素所

通曉較之茫無頭緒者得失不啻徑庭矣臣謹會

同河南撫臣賈漢復合詞具

題代乞

勅部議覆施行

順治十六年九月十六日題本月二十八日奉

旨吏部議奏

吏部覆前疏

題為

請補河官以重河防事文選清吏司案呈奉本部送吏

科抄出總督河道朱之錫題前事等因奉

旨吏部議奏欽此欽遵抄部送司相應議覆案呈到部

該臣等議得河道總督朱之錫疏稱治河之官貴

於諳習歷來河患中州特甚乃該省河道北河同

知俱更生手而南河同知趙汝斌又以積勞病故

查原任儀封知縣崔維雅任內修防歷著成績新

陞淮安同知以之改補南河同知銜亦相當等語

河防疏畧 卷之八 寒香館

查崔維雅於十六年三月內已陞淮安同知今河

臣既將崔維雅

請補開封府同知銜品相當會同撫臣具

題前來相應如其所請崔維雅准改河南開封府同

知其淮安府同知員缺另行選補可也奉

旨依議

河防疏畧卷之九

義烏朱之錫梅麓甫著

濟南李之芳鄴園甫定

稽山後學徐沁楚公輯

覆河夫徵派當更疏

題為河夫之徵派當更遠近之地方宜酌仰祈

睿鑒

勅部酌覆以均徧累以蘇民困事順治十五年十二月

二十二日准工部咨開都水清吏司案呈奉本部

送工科抄出該本部覆總河朱部院題前事等因

河防疏畧

卷之九

十一

寒香館

順治十五年十一月初四日題本月十九日奉

旨工部確議具奏欽此欽遵於十一月二十一日抄出

到部送司奉此相應議覆案呈到部該臣等案查

河南按臣李及秀先以河工苦累條議該省州縣

計畝派夫酌遠河地地方協濟者倍地僉夫臣部以

事隸河臣請

勅總河臣會同豫撫詳議妥確具題奉

旨遵行去後今據總河臣朱之錫會同河南撫臣賈漢

復疏稱夫多工易完成而以小工中工分別地方

遠近照地派夫協濟具

題前來案查前任總河臣楊方與于順治九年十月

內題為河工日繁等事一疏內稱民夫既不敢私

派矣查河南一省僅設鄉徭堡夫八百七十二名

止供看堤之用每年歲修弁動大工俱係計銀募

夫又于順治十三年六月內又題為遵

諭陳言等事議以小工本府協濟中工本省協濟大工

歸省協濟各等因具

題在案查前任總河臣議以按地募夫今總河臣議

河防疏畧

卷之九

三

寒香館

以照地派夫前後疏覆參差不一又查十五年九

月內本部右侍郎張縉彥題為河工

國之大政等事一疏已經奉

旨咨行與此事同一體相應請

勅下總河臣會同豫撫從長詳議妥確務期上不悞公

下不累民一併具

題以便臣部議覆可也等因順治十五年十二月初

八日題初十日奉

旨依議行欽此欽遵抄出到部移咨到臣會同河南撫

院并行布政司管河道會議詳報去後今據河南布政司桑芸呈稱蒙此隨將抄疏牌行臨河開封歸德二府會同河廳詳議去後續准管河道牒呈議詳緣由到司准此該本司查得萬曆四十八年會計估冊內開河南通省原額徵銀調夫一百七處共夫一萬七千九百四十名內四百里外徵銀州縣四十四處共夫八千九百三十八名每名徵銀五兩四錢共徵銀四萬八千二百六十五兩二錢買料應用四百里內解夫州縣除河內武陟二

河防疏畧

卷之九

三

寒香館

縣河夫三百三十二名留修沁河外六十一處共夫八千六百七十名每名工食銀三兩六錢該銀三萬一千二百一十二兩解貯開歸二府庫支給與臨河各縣幫築土方防守捲掃招募夫役工食應用此此前朝萬曆年間事也額夫可以徵銀額銀亦可以徵夫此一定之理惟今豫省當荒殘之後僮覓難以得人河銀當除荒之後現徵僅將三萬查各工始之有估計工完有奏銷是各工之細帳也每歲有歲報是各工之總帳

也豈有徵銀之外又復派夫之理無論上臺不准行該道不敢出卽府縣亦何肯奉行耶良由豫自流賊殘壞之餘生齒寥落培養未復若不照地論夫而縣出印領銀給散雖招募終年不得一夫河工無夫是棄河與河聽其爲決爲徙則可若欲修防估計一定少且不足而况於無夫乎且無縣官印領事後又何以

奏銷乎其原無重派也如此至募夫按四十五項募夫一名此原任總河所經

河防疏畧

卷之九

四

寒香館

題請以當日原疏有募之字樣謂之募也可後經按院條議欲分酌遠近則增減多少總此豫中之熟地遠者議增近者不得不議減故議臨河十五項遠一百里者加五項漸遠漸加經府廳印河勘議呈詳以當日原疏有派之字樣謂之派也可募與派均是此百姓出此人夫領此土方雜工銀兩所謂異名同實者也如堡夫終歲動動工食淡薄止可供看水填壑之用與小工本府中工降府大工外省協濟皆向經

題請成例者是無煩再議者矣今經府廳確議前來
該本司覆查看得河務非身經其事未可意為懸
揣本司職司錢穀離河寫遠且河務乃河道專責
也既經該道及府廳查明前來為此除呈撫院照
詳外今將前項緣由理合具呈照詳蒙批派募二
字現行未常非募亦即未常非派名異實同顯然
易見無庸費辭矣至十五頃派夫一名漸遠漸加
之議質之前按院條陳分別遠近按地僉夫舍此
似更無別法但未免膠柱在本部院是以有就近通

河防疏畧

卷之九

五

寒香館

融之

請今經部覆再議案查該道十五年歲修各府夫數冊
河南南陽汝寧等府原未調及開封自為一例正
該府所謂就近取用猶為稱便者是也歸德府自
為一例又該府所謂派數減少經營不足者是也
河北彰衛懷三府又自為一例此又開封府廳所
稱遠河州縣徒滋觀望者是也或亦其勢有不得
不然者就中可否參酌仰司會同管河道再一酌
議併臨期急工應否通變明白具詳限文到五日

內送院勿遲仍錄撫院批語報查等因批詳到司
蒙此本司遵依批駁情節移會管河道逐細參看
詳議去後今准該道牒呈到司該本司查得豫省
河患惟臨河開歸二府受害為最是以開封府議
先儘有工縣分人夫調用不足則議協濟若就十
五年工論河南汝寧南陽原未調用查十四年間
因大工畢役此三府人休息已經二年曾調協陳
留孟家埠當日詳文內原顯准照大工原夫之數
調用故十五年不復調也十五年調懷慶彰德衛

河防疏畧

卷之九

六

寒香館

輝協濟祥符魁星樓者大工畢役已休息三年魁
星樓項衝如不能救河北先受其害故調河北三
府當日詳文內原顯准照大工派夫熟地四十五
頃之數調用十分之七誠以開封瀕河就近為便
不得不多用而隔府遠來不得不體恤耳開封所
稱就近取用與河南河北權宜不同皆未嘗先定
為一例而自事後論之若似乎自為一例也其歸
德向來所行事例睢寧協考城鹿柘協商丘永夏
協虞城嗣後派數既定如河工足用則已不足則

本府協濟之外亦如開封議協隣府則無經營不足之慮也夫黃河自昔稱爲神河局外視之若歲修若決工若下埽若築堤壩似乎皆可以人意爲之身在事中黃河千里水勢排山倒海各州縣呼應不靈安危爭在頃刻比及人夫湊集申詳得報而事之不測已不可知乃欲一一奉成法以集夫使絲毫不紊皆未登埽臨河之論而已勢之不得不然一語本部院非親歷河工安所得深悉其苦如此且立法不難行法爲難立法之時至公至溥

河防疏畧

卷之九

七

寒香館

至詳至慎何得爲難所以難者推行之際易生扞格衆欲撓之二三有司豈能行之是行之之難難在有人扞格非立法不善也故曰行之難也行之既難而曰立法不善思更法以善之卽百易法未見其可耳如河夫之弊多起於有司奉行之不均使勢豪有力者坐收土之利而多以力役委窮民窮民地少差重家貧力單不能不吃啞苦不能無怨是不均之怨非盡役之於河之怨也特以役從河起故歸怨無着不得不然其實皆不均之怨也

近如通許縣及尉氏等縣夫不逃而樂趨事細詢之皆縣官調理得法不專苦窮民之所致也然後知古語有治人無治法之爲不易之論也若使有司人人如通許縣及尉氏則何法之不可行故行法之人能直致法於人而不用權術不假通變者上古之世或然也至於後世行法能行者與婉轉能行者未有不以權術通變與之推移者也故曰立法之意也明其意是能使勢豪有力不之撓而無所扞格者也故十五項遞遠遞加之例臨河府

河防疏畧

卷之九

八

寒香館

縣皆以爲可行而無弊者獨惜乎安於四十五項之例恐扞格易生怵於預擬之虛數而不肯信爲可行耳設虛設之數既定准量本年應用人夫多少近處足用何事於遠本府足用何事於隣府卽不得已而動用隣府亦必酌用十分之幾豈漫然乎法一然後心一心一然後動而有功因派夫之說既盡故援立法更法之意以明之本司總司會計河務隔手不得細知其詳大約近屬可以濟燃眉而遠屬未免反汲西江咄嗟應急自然近勞遠

逸若近屬有司再奉行失調愈滋沈瘁惟在道府就近飭覈如管河道所議頗爲周晰惟祈本部院批示以便遵行等因又據管河道徐必達呈爲酌議夫役事詳稱蒙總河朱部院憲牌前事查大王廟塞決除山東北直協濟外河南本府用夫一萬一千一十五名初時四十五頃一名止是一半及後不足又加一倍故爲二十二頃五十畝一名此不過大王廟一工用夫之數且通省平攤亦似乎從來塞決大工乃有此例自難執此以例歲修即

河防疏畧

卷之九

九

寒香館

據大王廟塞決係十年至十三年事也雖當時一處受害餘險悉平然此外仍有十年原武祥符封丘蘭陽考城五縣估計歲修十一年陽武祥符蘭陽考城商丘虞城六縣估計歲修十二年陽武祥符考城三縣估計歲修所用夫又自不在大王廟工數內若更以餘工論之則十三年以前亦尚不止於二十二頃五十畝一名者查十五年歲修用夫九千餘名併十四年王家壩接工一千名不但無北直山東協濟併河南汝寧南陽等府亦

未派到卽彰衛懷三府協濟亦計地七八十頃始派一名前按院未經詳察河工則誤以多爲少河夫則誤以少爲多至於本府利害切已隔府呼應不靈歲修用夫不得不詳近畧遠者勢也前按院又以爲河患關乎通省不應專責本縣應照遠近派定協濟此爲開歸兩府紆困而言也本府旣已從減遠府又不便調勢必取贏於彰衛懷三府前議十五頃派夫一名去河百里加地五頃除河汝南等府州廩設外計夫不過一萬零九百六十五

河防疏畧

卷之九

十

寒香館

名據爲總河疏草五百里內編做工夫一萬五千七百六十二名半又據萬曆年間歲修舊冊四百里內調夫九千零二名以今揆昔適若相符况勞逸稍均開歸人情未嘗不樂而彰衛懷三府士民則見以爲十五年用夫數少一旦議溢又紛紛然怨讟四起矣不知此議起於前按院條陳一疏而派定之額適有工程先近後遠用與不用尚未可知也但閭閻之間筋力自吝照工調夫夫足則止在當局原一本於大工而協濟州縣不調者較十

五年太逸調者較十五年未免偏勞同是一府又且自分秦越本部院諺出一見參酌其間除塞決大工派及數省往例歷歷難以預定每年歲修合無仍照五百里或四百里內編夫之例開歸兩府以十五頃一名百里漸加著為成規其五百里內如彰衛懷等隣府將前定夫數分為三分初調僅用三分之一盡五百里而止則於十五年歲修數亦相同萬一不足然後又從近而遠調第二分至調及二分似亦未必歲以為常如此則在隔府協

河防疏畧

卷之九

十一

寒香館

濟州縣既無偏勞偏逸之歎而十五頃漸加之說開歸兩府則全役之隔府則分役之又失本屬隣屬之差至於臨期急工仍照十五年例就近調用事畢即放又不得膠柱鼓瑟以貽焦爛之憂也末識有當於豫省諸父老之意否該道照牌事理即會各府印官公同酌議各出已見共定良圖若各府事難一例別有可商不妨明白聲說慎勿詭隨避怨亦勿偏執招尤可也勉之勉之蒙此隨行開歸等八府并汝州各印官公同各河廳及各

州縣酌議去後續據開封歸德等府并各河廳州縣各議詳到道據此該本道看得勞民動眾大役之工莫如塞決其次即是歲修然塞決之時眾情方休於利害而呼應可借以靈通又塞決之後疑為一勞永逸可以晏安高臥而不知河勢變遷非常頂衝不救即是大決所以歲修一着乃治病未然之策微倖無虞每稱多事一旦開決患貽數省晏安之鴆毒易懷而其亡之苞桑易忽也故議歲修之夫較塞決之夫尤為艱難茲承憲臺計慮除

河防疏畧

卷之九

十一

寒香館

塞決大工派及數省往例歷歷難以預定每年歲修仍照五百里或四百里編夫之例為之酌往准今如開封一府近河各縣以十五頃一名從而百里漸加一例也歸德舊例鹿柘協商丘永夏協虞城睢寧協考城有急搶救合屬量出人夫公同協濟人心倍齊似應仍其舊例不必更改而已善者或准照開封十五頃一名漸遠漸加五頃則畫一而可遵又一例也開歸既定各府協濟五百里內如彰衛懷等隣府將前定夫數分為三分調用使

隔府本屬無偏勞偏逸之嘆甚善也其憲行內未及詳河汝南等府州人夫者應是未查十四年曾經調用修築孟家埠口遙堤也嗣後河南三府一州應如彰衛懷等府一例分調可也至於臨期急工事出倉猝遠夫不能一呼立應仍照十五年例就近調用事畢即放又在隨時權變而已乃本道更有說焉豫之河北河南惟衛輝與南陽兩郡衝荒瘠薄為甚衛輝尤時有喂馬任兵之苦或於衝途所經之地即有調募亦必重加減少以均勞苦

河防疏畧

卷之九

十一

奏香館

示體恤是又在臨時奉行者之斟酌損益使不致為民累可也如此則於憲行所謂詳近畧遠之中即有均平增減經權常變難以一例者似為得之今據各府州縣各出已見酌議不一有稱憲裁已定候示遵行者有稱地方衝繁供億錢苦妄與求減者有稱離河寫遠照夫出銀均出於熟地之內者出銀之說萬萬不可開端以來鑠金之口然人夫雖定遇有工程先近後遠用與不用臨時相度亦必取裁本部院批允然後下檄各州縣派募庶

幾無弊之政歟今經各府州詳議前來相應呈詳各等因到臣該臣看得河南按臣李及秀條議三款皆係未經親歷情形詳考事例之論臣前據司道詳議具覆止求無碍職掌不復屑屑置辨但疑以傳疑漸有跬步難行者不得不備細一剖明之據按臣原疏第一款云河工有限豈可以潰決之日為例臣查順治九年以前每年塞決每年仍有歲修難以悉數至於大王廟決工自十年起至十三年止除山東北直協濟外本省用夫初時計地

河防疏畧

卷之九

十四

奏香館

四十五頃派夫一名共夫五千名及後不足又加一倍故為二十二頃五十畝一名共計地畝夫併衛所丁夫一萬一千餘名此不過大王廟一工用夫之數雖當時一處受害餘險差平然此外十年仍有祥符迴龍廟原估續估黑堽時和驛原武趙家莊封丘蘿葡萄家莊等處蘭陽王家樓板廠考城芝蔴莊歲修各工用夫一萬三千餘名十一年仍有祥符陳家寨陽武慕家樓商丘夏家樓虞城歡堽寺土樓考城王家道口原估續估武陟金圪

增歲修各工共用夫七千七百餘名十二年仍有
祥符守公寨回回寨陳橋等處陽武潭口寺封丘
中樂城蘭陽板廠考城王家道口武陟傅村等處
共用夫七千三百餘名十三年仍有祥符黑堽清
河集陽武潭口寺蘭陽板廠商丘王家灣夏家樓
虞城黃堽壩土樓考城王家道口歲修各工共用
夫一萬一千四百餘名以上歲修各夫又自不在
大王廟工數內歷年

奏銷冊在部可一一覆查也是塞決者乃外省協濟

河防疏畧

卷之九

十五

奏卷館

本省二十二項五十畝一名通省平攤之夫歲修
者乃開歸兩府又不止於二十二項五十畝一名
之夫十三年以後止照歲修例用夫塞決一項原
自不用多與少迥殊且不但用夫塞大王廟工通
省派柳尚有外省協濟十三年以後即本省河南
河北等府車運亦未派及勞與逸迥殊自七年至
十三年塞朱源寨大王廟兩決工本省每年額徵
河銀歲修支用外尚請部發銀十八萬兩搜括各
省河庫銀五十一萬兩十三年以後雖該省河銀

除荒徵熟僅僅三分之一然刻意撙節即外省撥
協幸亦無幾費與省又自迥殊按臣不但誤以夫
少爲多而且誤以塞決例歲修其相去何啻徑庭
也第二款云河患關乎通省當議協濟臣查自十
年至十三年除塞決大工用通省平攤夫外各縣
歲修止於開歸兩府內自相協濟及決工已塞十
三年六月內前河臣楊方輿因河工需柳無窮本
境物方有限酌定均協

題請小工本府協濟中工本省協濟大工鄰省協濟

河防疏畧

卷之九

十六

奏卷館

十三年以後歲修用夫遂准此爲例開歸二府夫
力不足中工間調隣府是協濟之法未嘗不行但
不似塞決時一槩全役耳而按臣誤以爲惟本縣
之民是責第三款云遠地近地不同按畝計夫未
爲情理之平臣查塞決一項遠近平攤歲修一項
先近後遠截然兩事十四年歲修除開歸兩府仍
照歷年歲修例用夫外因陳留縣孟家埠估築遙
堤夫力不足故照四十五項例調河南汝三府協
濟未嘗調及彰衛懷也十五年歲修除開歸兩府

仍照歷年歲修例用夫外因祥符縣魁星樓項衝甚急夫力不足故調彰衛懷三府協濟未嘗調及河南汝也即彰衛懷三府計地七十餘頃始出夫一名且並非四十五頃一名也是開歸兩府每歲用夫而隣府則間一議調開歸兩府二十餘頃不止一名而隣府或四十五頃一名或四十五頃尚不及一名近勞遠逸原無不均而按臣又誤以為遠近一例夫河患無常形故用夫亦無定額總在道府各官相工程之多寡因州縣之盈虛酌議請

河防疏畧 卷之九 十七 寒香館

詳期於無誤河無偏累而已乃按臣以為徵派當更遠近宜酌下屬奉行惟謹遂議熟地十五頃坐夫一名去河百里加地五頃以次而增共計夫一萬二千五百八十九名臣查嘉靖年間河臣翁大立疏草內開黃河夫役每年五百里內編做工河夫一萬五千七百六十二名半又查萬曆四十八年歲修冊河南四百里內解夫九千零二名以今揆昔亦若相符又查我

朝歷年開歸兩府歲修用夫或未必一一盡合然大

槩原不相遠至於隣府協濟或有過於四十五頃始派一名者距河太遠從減固宜亦有不及四十五頃即派一名者酌工調夫足用即止今歲所調來歲暫停自亦不致有偏累不均之嘆臣故據以具

題然較之前此未免拘泥誠恐有誤急工臣是以復有就近通融之

請是此一萬二千五百八十九名夫數乃通省地畝虛額用多用少總未可知而傳聞之誤又且以為每

河防疏畧 卷之九 十八 寒香館

歲全役矣至於派募二字臣曾行查祥符縣民間種地僱工價值每日供飯食外有五六分者農忙之時每日供飯食外有至一錢五分者河工每土一方工銀一錢每夫三四日築土一方計每日得銀不過三分而搬草搬柳挑土清槽鋪芟釘樑留纜扶梯挑引河推埽箇謂之雜工皆取給於此夫雜工少者不敢估銀雜工多者每歲不過約估工食一月計銀一兩五錢伏秋未畢又不敢盡數全放較之民間工價原自懸絕不但舍派無所為募

卽民間出夫富者必係僱倩中人家亦必一人出力衆人助財備資低昂不得不聽其便卽俗所爲私幫云者固非官所得而強亦併非官所得而禁也若以爲官價何不從厚則時款民稀無論河帑雖裕亦斷斷不能悉照平值况該省河銀原額九萬兩今除荒徵熟僅存三萬兩現在歲估尚且不敷倘率意言增議加派則不可請部發又不能臣亦何敢輕有變更耶故前河臣楊方輿疏稱照地募夫亦此地畝出夫做此土方雜工領此銀兩

河防疏畧

卷之九

十一

奏香館

臣疏稱按地派夫亦此地畝出夫做此土方雜工領此銀兩特前河臣疏中殊語以河帑不敷立論故其詞曰募然部覆仍不能不用照地字樣是可見未嘗離派以爲募也臣疏因按臣原疏殊語以徵派當更立論故其詞曰派然臣疏中原有工食字樣是可見未嘗離募以爲派也查各州縣民役有銀差力差二項若第云募也則各府解銀開歸兩府有工州縣于工所募夫足矣今考懷慶府嘉靖年間誌書內開河夫一千六百七十五名乃在

力差項下是又可見在昔時亦原未嘗不派也夫徭役不均民間大病倘出於爲私則派字在所必禁若果因公而行則派正所以爲均也何必謹而又安可諱耶臣復准部咨從長詳議採之衆論悉以虛懷除塞决大工查前明有派及四省用夫至十四萬三十萬不等者因事應變難以預定外至於每年歲修工程查每地十五頃坐夫一名此議原起於開封府而管河道推而廣之又定爲去河百里加地五頃之額開封所屬險工原多此該府

河防疏畧

卷之九

十一

奏香館

詳內所以云就近取用猶爲稱便也相應仍照前議歸德府所屬歲修工程歷年舊例鹿柘協商丘丞夏協虞城睢寧協考城較之開屬人心頗齊但工多地少此該府詳內所以云額減少半慮有不足也今照開封一例定額如果不足用聽該府酌照歷年出夫例自相協濟倘舊例仍有不足然後調及隣府至於彰衛懷河南汝等六府汝州一州前明五百里內編夫舊制已難盡復卽以協濟大王廟工原夫倍夫準之近者固與二十二項五十

畝一名相合遠者則有過於四十五頃始派一名者遠者較開歸兩府夫數甚減自不待言即近者亦間一調用較開歸兩府每歲千役者不同然人情徃於目前隣府之分別甚明將來之更休不計相應將五百里內前定夫數分為三分除本府夫足自不輕調外若需用協濟則先調一分自百里起至五百里止再不足用然後調第二分如今歲調至二百里止來歲即從三百里接調如此則開歸既不苦於偏累隣府似亦不失等差其五百里

河防疏畧

卷之九

三

寒香館

外者距河雖遠然有塞決大工必至通省攤派倘邀天之幸止是協濟歲修則數年之間始一調用以稍寬近河民力似亦非過倘如該道所云內有駐兵喂馬處所酌減均勞是則在該道府之臨期詳奪也萬一倉猝急工自應仍照往例就近調用又不得膠柱以貽事後之悔者也此不過姑就現在籌畫調停欲為經久之計必須如山東曹單兩縣黃河例設立徭夫數千名每年自二月起至十月止月給工食若干以供各工調用此外再有工

程相機派募堤工則按土給銀槍埽則計日給食庶可杜絕紛紜但該省額銀現若不敷臣久已行查新增銀兩必俟額銀充足然後另議更定耳乃臣更有

皇上軫念

河防疏畧

卷之九

三

寒香館

國家根本重以天語嚴飭地方司道等官無避怨勞共襄王事庶河官不苦空拳之搏而臣亦無憂孤掌之鳴耳通省河務瑣雜難盡語涉絮煩仰祈恩宥臣謹會同河南撫臣賈漢復合詞具題伏乞勅部議覆施行
順治十六年十月二十五日題十二月十二日奉旨該部議奏

工部覆前疏

題為河夫之徵派當更等事都水清吏司案呈奉本

部送工科抄出總督河道朱之錫題前事等因奉

旨該部議奏欽此欽遵抄出到部送司奉此相應議覆

案呈到部該臣等案查總河臣朱之錫於順治十

五年十一月內會同河南撫臣賈漢復題覆河南

前任按臣李及秀條議臣部查得前任總河臣楊

方與議以按地募夫今總河臣議以照地派夫前

後疏覆參差不一又查十五年九月內臣部右侍

河防疏畧

卷之九

七

寒香館

郎張縉彥題為河工

國之大政等事一疏已經奉

旨咨行與此事同一體請

勅總河臣會同豫撫從長詳議一併具題奉

旨遵行去後今據總河臣朱之錫疏稱開封歲修每地

十五頃坐夫一名去河百里加地五頃相應仍照

前議歸德歲修今照開封一例如果不足聽該府

酌照歷年協濟至於彰衛懷河南汝六府汝州一

州將五百里內前定夫數分為三分調用其五百

里外然有塞决大工必至通省攤派止是歲修數

年之間始一調用稍寬民力近議內有駐兵養馬

處所酌量均勞在該道府臨期詳奪等因具

題前來查得前任按臣李及秀條議三款既經總河

臣會同河南撫臣酌妥除决衝大工外至于歲修

分為三分數年之間始一輪流調用庶民有餘力

勞逸得均內有駐兵養馬處所臨期另行詳奪相

應如議永為定例仍請

勅下總河臣與河南撫臣嚴飭道府嗣後遇有修築照

河防疏畧

卷之九

七

寒香館

此酌調如未調之先有司于額數之外擅行加派

該督撫指名參處可也奉

旨是依議嚴飭行

哀懇歸葬疏

奏為微臣祥禪已近臣母奄窆未營哀懇

睿慈俯允歸葬以廣

孝治事順治十五年九月內該臣為伏秋已畢母窆未

歸具有秋期河事已竣等事一疏冒昧控陳乞

恩守制順治十五年十月初七日准吏部咨內開臣素

前事奉

旨河道重務正資料理卿仍遵前旨勉留視事不必再

行陳請該部知道欽此伏念臣猥以疎庸謬膺

河防疏畧

卷之九

五

朱香館

簡拔自痛罹母喪以來屢荷

溫綸勉以職業之弘鉅重以褒寵之光榮是乃臣子千

載之遇撫躬循省即使萬念俱捐一身盡瘁猶且

莫能報塞何敢輒以烏身私情屢行陳請願臣墨

練任事倏已兩秋泣思臣母易簣之際執手嗚咽

猶拳拳以塋事為念乃今子然旅櫬尚停官署憶

音容之如在哀體臆之未安中夜與懷實有無地

可以自容者今者衰杖悽愴之中倘不獲以一縷

蟻誠土回

天聽過此以往則祥禪之期轉盼而及益不敢冒昧瑣

聒臣之叩心灑血不但情不容已抑亦時不可失

矣我

皇上嘉與作忠在

延諸臣凡有以遷葬乞假請者無不蒙

恩俞允乃臣獨覲然志本自外于

錫類之仁竊恐

特達之鑒未酬敦倫之誅莫追此尤臣之所跼天踏地

不能刻釋者也用是敢不避煩瀆披瀝至情仰祈

河防疏畧

卷之九

五

朱香館

我

皇上憐臣萬苦哀衷及今河事方竣

特簡新督交代總理容臣躬扶母櫬回籍治喪事畢之

後即當星馳赴

闕且臣得以循例陳乞邀榮祭葬了此一願則犬馬餘

生自不敢不勉圖報策服勤終身以上答

高厚于萬一也臣無任懇切待

命之至

順治十六年十一月初四日題十二月初十日奉

旨覽卿奏具悉至情特准暫假數月扶櫬回籍事竣仍
作速赴任料理不必請代河務着遣官暫署應署官
職名速開具奏該部知道

河防疏畧 卷之九 二十七 寒香館

河防疏畧卷之十

義烏朱之錫梅麓甫著 濟南李之芳鄆園甫定
稽山後學徐沁埜公輯

覆河水貽害靡常疏

題為河水之貽害靡常綱繆之先事宜周請

旨嚴飭以固河防以濟漕運事順治十五年四月初一
日准工部咨開工科抄出該本部題臣等竊惟

國家大計專借漕運而漕運轉輸實賴黃運兩河如
河道堤岸堅固高厚雖值泛濫之時水勢順流而

河防疏畧 卷之十 十一 寒香館

下上不悞漕下不勞民如一處有決全河俱壞貽
害誠非渺小近如大王廟決口費

朝廷百萬金錢竭三省無窮民力拮据四載始得告
竣揆厥所由良以官河司道州縣印官漫不躬行

勘驗修防以致衝決屢報也及至衝決之後方行
修築工浩而費繁曷若未決之先預為捍禦用省

而功易合無請

勅總河臣嚴檄管河司道及州縣印官凡屬臨河地方
赴此河水未發之際親詣河干逐一查勘有堤岸

低薄者加工幫築有夯杵虛浮者再行培固務期
堅久如有奉行不力虛應塞責總河臣即指名
題叅臣部從重議處嗣後修完各工如復衝決者小
則勒令賠修大則嚴行叅處每遇歲終仍與錢糧
一例考成如果修築得法悠久無虞

題准紀錄如是則賞罰嚴而人知警漕運民生兩有
攸賴矣臣等職掌所關應行嚴飭仰祈

睿鑒勅部遵奉施行等因順治十五年三月十八日題
十九日奉

河防疏畧 卷之十 二 寒香館

旨是依議嚴飭行欽此欽遵抄出到部相應移咨為此
合咨貴部院煩為查照本部題奉

旨內事理欽遵施行等因到臣備行各司道轉行各府
州縣遵行去後今據司道文崇熹等各造送順治
十五年分修過河工到臣該臣看得治河一事原
無一勞永逸之功止有補偏救弊之策故歲修之
制自明迄今數百年來莫之能改部議修過各工
每遇歲終與錢糧一例考成以之激勵諸司其法
誠善但黃運兩河情形不同修防亦異即同一黃

河同一運河而南北延亘各不下數千里天時之
旱潦地利之險平河形之廣狹水勢之趨舍亦有
未便一例而論者治河者權衡緩急極力經營總
期於防禦伏秋運事無阻非若各屬錢糧俱有一
定分數可以一一按其完欠分別等差也至於築
堤一節丈尺如式夯杵堅固固為不易之論查運
河臨水為堤通連泉湖水發瀾漫補葺工程每歲
不免黃河泮洞洪流變遷莫測頂衝迎溜不得不
歲歲捲埽以資捍禦若土堤止可約攔漲水河身

河防疏畧 卷之十 三 寒香館

倒灣則有創築之堤風雨剝蝕則有加幫之堤即
或單薄未甚增培可緩而一歲之中車道狼窩在
所必有一或不謹便成大患亦斷無有不事加修
而可以歷年保固者故現在之堅瑕可以勘驗而
得如日悠久與否無論非可預定且恐泥而弗察
反不免廢弛貽誤耳除十五年做過工程另造清
冊隨歲報一併達部外其怠誤疎防官員臣不時
既已糾叅歲終舉劾臣申明激勸大典一疏已准
部覆奉有

俞旨遵行在案紀錄考成似難重複孰叙者也相應具

題伏乞

勅部施行

順治十六年十二月初四日題本月二十一日奉

旨工部知道

河防疏畧

卷之十

四

寒香館

亟議賑恤招徠疏

題為亟議賑恤招徠以廣

皇仁以固邦本事據覓西道黃廷獻呈蒙臣憲牌為查
議賑恤招徠以戢盜源事照得饑寒易起盜萌殍
患先事撫恤今歲水災延廣麥禾失收流離載道
就粟他方逃人禁例森嚴一離鄉井莫肯容留托
足無所未免相率為盜不但道殣堪哀抑且流禍
叵測居民上者豈忍坐視思惟救荒良策在本土
惟有賑恤在流民惟有招徠但饑民數多綿力有

河防疏畧

卷之十

五

寒香館

限非廣行勸賑鮮克有濟查邸報道府等官以至
紳衿士庶捐賑及格俱有
是叙之例而招收流民亦有直省總督題定舊案本
部院未准部行無例可據相應查議為此牌仰本
道照牌事理即查原奉部文地方各官以至紳衿
士庶捐米賑恤從優叙錄全案并直省部院題定
招撫流離登記籍貫總行原籍稽查以免逃人貽
累之行一併檢出錄送仍妥議詳院一而張示曉
諭廣行勸賑設法招徠一而聽候具

題以便事後優叙文到限二日內卽行回覆毋得遲
違未便等因到道蒙此該本道看得今歲水災所
及江南河南山東咸被其患雖經各省院臺題

請蠲恤而散亡覓食日接見聞昨本道自曹抵濟見沿

路流民敝車羸畜扶老携幼絡繹相繼寒餓之色

所不忍見本道叨蒙憲檄查議賑恤除將原行事

例抄錄呈覽外謹再援考條例參以管見伏候憲

裁擬合呈詳一責成被災州縣各賑該境人民照

得州縣被災雖有分數之別而貧下小民自是十

河防疏畧

卷之十

六

寒香館

分之厄故無論所災分數不同而小民艱食本處
既無賑貸不得不轉向他處昨經詢其往止何處
悉茫然未存所歸只是沿途問人米麥賤處便去
逃生夫臣子奉

命蒞土流亾入境不爲安插固爲獲罪然使各處不並

行賑恤而止一二處行之則望風投止者日衆卽

各處並行而奉行不力止一二處傳聞得法則投

止者亦日衆倘以三省之流亡奔聚一二處該處

之物力有限安能濟之則容之無術驅之不可其

害又不可勝言也日今各處流亡旣難逼遣別徙
務宜就所至處急行安插一面速乞憲檄山東河
南江南各被災州縣速速實加賑恤倘此後賑恤
得法然後照欵議查草簿戶丁不損及流亡能復
業者許爲題

請優叙其致丁口再有流亡至別州縣而別州縣以安
插報聞者此卽不能賑恤之明驗也亦憑查參庶
各州縣並行實心賑恤在小民免流亡之苦而各
境亦無壅集之虞矣一州縣畫境分任責成賑恤

河防疏畧

卷之十

七

寒香館

實事照得各州縣大小不同然以圍境而槩之一
令恐力不能周勢不得不有寄胥役胥役之賢者
固幾何也合無將各州縣四境量其大小分畫幾
區守令及教官佐貳分任其事其守令仍總司出
納若州縣幅員遼濶本州縣職官不足遍者則該
州縣申請道府擇隣近廉幹教佐充之具列職名
報院庶地近則易周任專則交勵也受差之口州
縣卽捐備紙張發給該員該員卽詣所畫鄉集置
立草簿二扇不得責取鄉社造報致生弊端其一

簿備寫某社某里某集民人若干戶男婦若干名口及查應賑真正貧戶男婦幾名口期於隱弊悉清不得捏報冒賑并現今已來流亡若干係某縣鄉貫一一註明本人名下開列某村集末該員仍將本區內流來戶口籍貫彙揭該州縣以便按籍關查以防逃人冒匿之弊其一簿傳集該地鄉約里長公直耆民公相勸勉其太村好義士民願捐賑者即籍其數於簿照後款議以行賞激其戶稍殷實而不肯捐賑者亦難強之該員及鄉保人等

河防疏畧

卷之十

八

寒香館

委曲開譬許或量借斗斛以貸災民所貸之數亦籍於簿若有土災民期令下年收成償本其無土者或令傭賃耕作以爲抵償如收成之後有違期負賴不肯償者許赴該州縣稟理按簿追償至於小村貧落勢無捐借及來流移男婦原是無土浮客該員即照草簿列揭該州縣速即發所捐儲米麥一一分賑於簿註記明白其或春作之時無土浮客願受田土者即將拋荒各土不論有主無主該州縣設法議給牛種使其墾播此又於恤災而

寓開荒之一道也各員務於受差之日即行逐一查登草簿即將草簿繳道加鈐印呈院鑒覽不必別騰細冊院加批號仍發該道該道據之不時介馬循行勞問稽察勸緩待賑恤事竣再加抽點如所畫區內各戶口安堵無損卽是賑恤得法請賜

題叙其有怠玩致簿籍百姓流亡別境者分別懲記若受委諸員有不實心任事及才不克副者該道府及該印官有所見聞務卽申報立行罷委請加

河防疏畧

卷之十

九

寒香館

懲處另擇廉幹以終其事一總計道轄捐賑周恤道轄戶口照得本邑被災固宜本邑捐賑第本邑之鄉紳有無不齊卽有捐矣亦不能必其數之多寡或以該邑之職官定其梗概而一邑之官固亦無幾倘被災嗷嗷流亡疊疊而所捐不應所賑事終難濟本道竊謂各該州縣勿止自計宜就分轄各道通融周恤如本道所轄九屬今被災者曹州曹縣而已乃曹縣距河南一衣帶水流民來者甚迷米麥價湧故災未及十分而已有十分之實

矣昨覽該縣申詳設糜而凜凜以難繼為憂如使
道轄各屬盡行捐賑而總以救轄內之災黎事定
照例

題叙庶當事者不致與嗟無繼夫普天同王土之義
况隣疆切恤患之仁二三士大夫諒有同心耳至
於官紳勸賑已有通行事例惟在遵照勸諭舉而
行之然本道採之眾議更有卑卑之說如劣等降
黜生員除行檢有礙不便復列宮牆如有一時文
義荒疎致於駁放者許令捐米官斛百石六等改

河防疏畧

卷之十

十

寒香館

青五等改附其廩增附生許行學道記名科考錄
送秋試至於民人捐賑有至官斛二三十石及四
五十石者官亦給扁示獎其殷實子弟能輸米二
三十石者彙名移送學道遇歲考童子試日竟行
收考免其府縣錄送凡此三端似屬平易近民而
亦捐賑之一助也一積儲難敷賑恤別項請暫動
支照得救災如救焚若俟捐賑畢輸而方行收恤
則旦夕死損何以待命雖經有部議各州縣積穀
原以備賑會議通行在案但各州縣秋冬所積固

自無幾合無請允倉積例准動支而外尚有一時
難措者即查別項動以克賑俟捐賑輸日分別補
還庶議定而事可立見也計呈抄錄原案四件等
因又據濟寧道楊奇烈呈同前事又據兗東道劉
世傑呈為災黎續命無術等事各等因詳報到臣
該臣看得今歲山東江南河南三省悉被水災廬
舍傾頽麥禾漂蕩所在見告俱經各撫按臣節次
題報矣臣屢據各道屬詳文各境災民有掘草子剝
樹皮暫延殘喘者有扶老携幼僅負一鍋挈家他

河防疏畧

卷之十

十

寒香館

適者甚至兗東道劉世傑詳內有云據嶧縣知縣
黃甲第申稱有逃荒百姓一家四口行至嶧縣地
方止存一釜換餅十五枚彼此不足療饑夫妻反
目其夫棄妻而去妻遂不顧子女縊死於樹夫去
復回見之慘傷又將子女撲死仰天大慟而絕臣
閱詳至此不覺痛心隕涕伏惟我

皇上懷保斯民捐帑金以賑饑設粥廠以濟乏見介微
生悉歷

育旰臣承宣山左乃坐視顛連不能拯救萬一以仰昭

朝廷德意職守之謂何但救荒之策惟有賑恤饑餓
安集流亡兩端而州縣之積穀有限此饑之赤子
無窮則賑濟之難流寓之雜處既繁逃人之踪跡
莫辨則安集之難臣查順治十一年六月內欽奉
恩詔內一貧民失業流離各地方官有能賑恤全活五
百人以上者覈實紀錄千人以上者即與題請加級
其有鄉宦富民尚義出粟全活貧民百人以上者該
地方官覈實具奏分別旌勸欽此又查得十二年十
一月內吏兵二部

河防疏畧 卷之十 十一 寒香館

題覆彙報捐賑職名等事各疏內地方官董天機等
貢監生員劉起蛟等武弁甘應祥等捐賑及格俱
經奉有
俞旨分別旌勸在案又查得十一年五月內部覆科臣
魏裔介流民死傷堪憫等事一疏內開凡有流民
至彼每五名或三名取具互結存案及撫字得宜
特許分別
題薦以示鼓舞亦經奉

旨施行

皇仁所及何異起溝中之餘而予以更生之樂也今歲
商羊肆虐視昔尤甚此遺子引領
恩澤不啻雲霓成例具在敢祈
皇上特賜申飭地方各官遵照十一年
恩詔併部覆科臣魏裔介條陳原議極力舉行事竣之
日容臣與撫按諸臣覈實具
題行以勸懲之法既有重賞以鼓於前復有嚴罰以
繩於後將見三省官民踴躍急公各勤乃事不但
數百萬生靈皆蒙

河防疏畧 卷之十 十一 寒香館

皇上再造之仁而全土著以足賦稅收失業以弭盜源
所裨政非小也山東按臣程銜適當巡行兗屬見
此異災與臣蒿目共商檄行各道查議今據兗西
等道黃廷獻等呈覆前來除臣一面備抄原案通
行所屬勸諭鼓舞設法力行外臣謹會同江南漕
撫臣蔡士英淮揚按臣馬騰陞河南撫臣賈漢復
按臣李粹然山東撫臣許及秀按臣程銜合詞具
題伏乞

旨施行

順治十六年十二月十六日題十七年正月初十

日奉

旨該部知道

河防疏畧

卷之十

十四

寒香館

循例請卹疏

奏為微臣恭謝

特恩併循典例額懇

賜卹以光泉壤事順治十六年十二月二十四日准吏

部咨內開該臣奏為微臣解禪已近臣母窀穸未

營等事奉

旨覽卿奏具悉至情特准暫假數月扶櫬回籍事竣仍

作速赴任料理不必請代河務着遣官暫署應署官

職名速開具奏該部知道欽此臣當即恭設香案望

河防疏畧

卷之十

十五

寒香館

關叩頭謝

恩訖伏念臣濫寄行河兩載以來偶邀天幸獲免覆餗

實皆仰賴

皇上如天之福撫躬自問安有寸長可紀乃謬被

溫綸褒予游及茲者復蒙

特賜准假回籍治喪臣考周雅四牡之什嘗以不遑將

母慰勞臣下論者侈為盛事而臣仰荷

厚既錫以顯親之榮復教以報本之義方之詩傳所

載不啻過之頂踵幾何其足云報惟有自矢終身

服膺

皇上作忠之訓勿之敢失而已除河屬應行事宜一面
嚴催料理仍親督司道稽覈大批務濟新運候署
官到日起行外臣查得會典一款凡文官三品以
上其各父母妻必曾授本等封俱照例祭葬又一
款凡文官二品三品共實歷三年以上者雖未考
三品滿父母准以三品祭葬又一款凡四品以上
官其父母曾授本等封贈者先後病故祭得因後
并及其先等因臣於十一年十一月內蒙

河防疏畧

卷之十

十六

寒香館

恩陞詹事府少詹事兼弘文院侍講學士係從三品歷
陞今職至十五年二月共計歷二品三品俸二年
零二個月又於十四年三月內恭遇

恩詔三品以上封贈二代臣母沈氏幸於生前叨逢
封典臣父三屬於七年內逝世亦得邀

恩推贈似皆與會典祭葬之例相符臣自維冒忝已覺
逾涯而

國家孝治天下彙典特隆輒敢循例陳乞伏懇

勅部查議上請倘蒙

寵靈之澤下逮幽局不但臣終天藉憫而臣父母魂

魄有知亦且啣結不朽生生世世頂戴

殊恩於無既矣臣無任懇祈感悚之至

順治十六年十二月二十六日奏十七年

日奉

旨該部察例具奏

河防疏畧

卷之十

十七

寒香館

覆河堤關係甚鉅疏

題爲河堤關係甚鉅請

旨嚴飭以計久遠事順治十六年八月十三日准工部咨前事內開都水清吏司案呈奉本部送工科抄出該本部題臣等查得黃運兩河歲修工程先據總河臣估計具

題臣部覆明修築及後工完之日造冊

奏銷臣部止據其冊開修過工程之大小用過物料之多寡查覈

河防疏畧

卷之十

十八

寒香館

題銷至其修築之果否堅固高濶丈尺有無合數工程物料有無潦草冒破此在司道等官之實力奉行尤總河臣所當親爲勘驗者但河道歲修每年動費河銀數萬餘兩如其修築堅固則民力不徒勞而錢糧亦不虛費堤可悠久運道民生可無後患若司道廳印等官督修不力報竣未幾而復報墊陷衝決皆由工力未到夯杵之不堅也如此工程不惟費帑勞民抑且誤運貽害相應請

勅總河臣嚴行司道廳印等官嗣後修築務期親行督

率工堅料實不得潦草塞責工完之日各官各修築堅固可堪久遠印結同工料文冊一併具題以憑稽考覈銷如有修築未幾卽行壞決將經管司道河印各官

題叅從重議處不得僅議革職戴罪督修可圖開復至於工程竣日總河臣無暇查勘

奏銷之後或巡歷所至查有潦草冒破者許卽據實題叅不得徇情容隱如是立法旣嚴則各官用心於上夫役盡力於下堤可經久而歲修亦可少省矣

河防疏畧

卷之十

十九

寒香館

臣等職掌所關應行嚴飭仰祈睿鑒勅部遵奉施行等因順治十六年八月初二日題初三日奉

旨是依議嚴飭行欽此欽遵抄出到部備咨到臣准此隨檄行各該司道查議去後今據通惠河分司文崇熹通薊道武攀龍等及各司道會詳到臣該臣看得報銷工程取具司道等官久遠印結是誠慎重河防至意但查歲修之制原以防一歲之伏秋本年之運事自前明迄今數百年來歲銷歲估

未嘗聞輟然且塞決之役屢歲見告今一旦限以久遠則是今歲所估來歲宜停河官之設循夫額銀之編不幾贅而無當乎河道情形難以更僕臣姑言其大槩如黃河各險埽工皆以衝掃所在非堤可支不得不歲捲草柳以資捍禦此賈魯所云惟柔爲能制剛也然而經歷伏秋腐泄蟄陷斷斷難免若大溜不改及或改而在上在下苟一歲不估未有不立見潰壞者也至土堤止可約攔漲水或單薄加修或水勢漸逼必得棄舍舊堤退後另

河防疏畧

卷之十

二十

寒香館

築以待水至夯杵堅實固是堤工要義但以後日疎密全責築堤者任其功過則又不可夫堤成之後高濶丈尺巡歷所至如式勘量日復一日風濤拍撞霪雨坍卸姑且勿論卽據一歲之中車道成軌狼窩穴隙在所必有徑寸不戒便可成患故有題明堡夫居民填墊舊例此又本年所司勤惰之故而乃令前人預立結狀誰則敢任倘不亟議更正則窒礙難行不惟開人諉卸之端且恐將來任事者銷不敢銷估不便估徒有督責之名而反成廢

弛之實河事决裂可勝言哉除先准部咨已經一面移復臣復一面通行查議節經各司道呈詳所據指陳形勢皆得之身親閱歷事理灼然臣職掌所在何敢緘默以後歲修工程相應照舊估銷倘經管各官內有冒破者揭報糾叅請

旨提問怠玩者據事論劾照例處分

功令赫然無容少爲寬假至於所轄漫决咎固難辭但塞决之工全在急速若臨事更易停延漸久收拾愈難查各司道

河防疏畧

卷之十

三十

寒香館

勅書皆有遇漲衝决與春漲之前先塞决口等語此可見治河者原難使水從人惟有以人應水似應照舊責成督修以無誤河防大計者也事關河漕得失不敢不詳酌具

題伏乞

皇上睿鑒

部議覆施行

順治十七年正月十二日題二月二十三日奉

部議奏

治河必資夫力疏

題為治河必資夫力各屬玩誤可虞特懇

天語嚴飭以保運道事竊照黃運兩河上關轉輸血脉

與夫從來舊制歲修不容不動用夫不容不備以

至河勢變遷間不容髮或綳繆先事或搶護臨期

種種情狀已經屢疏

題明至於各屬原有額夫照例子役萬一工繁事迫

各司道遵照

勅書並部覆奉

河防疏畧

卷之十

三

寒香館

旨以案調募赴工事畢遣放其或工程頗簡民力宜甦

如徐州長夫嶧縣徒夫等項已據司道詳議酌行

減半輪應停役工銀作贖扣庫萬一仍須全役之

時即行照額僉足河南河夫臣已會同撫按具

題悉照十五年以前熟地分別遠近所定虛額開歸

兩府每歲全役五百里內隣府分爲三分漸次調

用五百里外隣府數年一調及其有真正駐兵喂

馬處所該縣具詳到府查確轉詳管河道會同該

轄守巡兩道酌量減若河勢驟改別工各夫不

便盡撤近屬既無可調遠屬調又無及必得於定

額外就近通融跨泐然後可免事後之悔已准部

覆如議永爲定例他如小可工程車道狼窩難以

盡佔者部覆前河臣楊方興題爲酌議上下均便

之策以鞏河防事一疏各令附近居民境內堡夫

乘時補葺俱各奉有

俞旨節次通行各屬在案但邇來姑息之議日多觀望

之情滋起河屬各官掣肘難行有非一端可盡夫

無米不能爲炊空拳不能格獸此必然之理也河

河防疏畧

卷之十

三

寒香館

官責任在躬惟恐一覆難收方恨不得重門以待

暴投鞭以斷流而局外者絕不知誤河之爲害徒

自見恤民之爲名以省夫爲循良以急公爲苛刻

不思民固

朝廷之民河亦

朝廷之河無故而勞民則所重在民不得已而治河

則所重又在河人情好逸惡勞雖大聲疾呼尚不

免秦越相視今臣方望之以保河之功而人反責

之以佚民之說然則爲河官者將勞其民以保河

之爲盡職乎抑伏其民以誤河者之爲盡職乎長
此不已竊恐百姓藉口遷延莫肯効力河官戒心
瞻顧不敢督催馴至大弊極壞而後追咎誤夫者
之失計亦何及哉臣仰受

皇上非常之恩謬當重寄今又叨蒙

特假扶襯歸葬兩河情形一寢一食亦不敢刻置膜外

閱歷所及何敢緘默不言伏乞

皇上天語特賜申飭地方各官共殫公忠保全運道所

屬印官違例抗夫容臣衙門據實特叅從重議處

河防疏畧

卷之十

十四

寒香館

庶全漕血脉無憂梗阻而直省地方亦藉以免淪

胥之患則勞民之利上固在

國而下亦未嘗不在民也伏乞

睿鑒

勅部施行

順治十七年二月二十四日題三月二十四日奉

旨該部議奏

工部覆前疏

一題爲治河必資夫力等事都水清吏司案呈奉本部

送工科抄出該本部覆總督河道朱之錫題前案
等因奉

旨該部議奏欽此欽遵抄出到部送司奉此相應議覆
案呈到部該臣等案查河南河工夫役先該總河
臣朱之錫於順治十六年十月內題覆原任臣部
右侍郎張縉彥題爲河工

國之大政等事與河南前任按臣李及秀題爲河夫
之徵派當更等事一疏議以開歸二府歲修夫役
分別地方遠近照地加派彰衛懷河南汝六府汝

河防疏畧

卷之十

十五

寒香館

州一州將五百里內分爲三分調用其五百里外
止是歲修數年之間始一輪流調用內有駐兵喂
馬處所臨期詳奪業經臣部於十二月內題覆如
議永爲定例奉

旨咨行在案今據總河臣朱之錫疏稱邇來姑息之議
日多觀望之情滋起河屬各官掣肘難行有非一
端可盡竊恐百姓藉口河官不能督催至大弊極
壞而後追咎誤夫計亦何及伏乞

皇上天語特賜申飭地方各官共殫公忠保全運道等

因具

題前來相應請

勅總河臣與河南撫臣嚴行司道府廳印河等官

歲修與河勢驟改應用夫役悉照臣部題覆二

事宜速行僉派赴工公同修築如有州縣違例抗

夫及司道因循徇縱督催不力以致耽延誤事者

河撫二臣即行指名

題叅以憑從重議處若黃流如常無衝決害患各地

方有司不得於

河防疏畧

卷之十

十一

集香館

題定歲修額夫之外擅行加派如有多派情弊該河

撫即行

題叅可也奉

旨是依議嚴行

河防疏畧卷之十一

義烏朱之錫梅麓甫著

闕里屬

稽山後學徐

沁壘公輯

扶櫬回籍日期疏

奏為微臣祥禫已近臣母奄窆未營哀懇

睿慈俯允歸葬以廣

孝治事順治十七年正月十九日准吏部咨開文選清

吏司案呈奉本部送吏科抄出該本部覆河道總

督朱之錫奏前事等因順治十六年十二月初十

河防疏畧

卷之十一

十一

集香館

日奉

旨覽卿奏具悉至情特准暫假數月扶櫬回籍事竣仍

作速赴任料理不必請代河務着遣官暫署應署官

職名速開具奏該部知道欽此欽遵抄出到部送司

相應議覆案呈到部該本部題覆等因順治十六

年十二月二十四日奉

旨楊茂勳着前往暫署河務欽此欽遵抄出到部移咨

到臣該臣一面催督大挑一面料理積案至于每

歲修防伏秋工程例在春月覈銷估計臣嚴催各

屬凡有送到詳冊照例覆覈具

題不敢延緩其有未經送到者節序相催時不可失

應聽署河臣楊茂勳到任陸續銷估今署河臣已

於十七年二月二十五日抵濟除臣原領到坐名

勅書一道照舊遵藏外所有

欽給關防一顆

令旗牌六百副并文卷書吏員役等項專差標下中

軍副將兼管中營事楚進功濟寧州知州陳翼鶚

於二月二十五日賚送署河臣楊茂勳接受管理

河防疏畧 卷之十一 寒香館

至於各屬河工險要修防事宜並錢糧夫料歷年

成例自當備細傳告以仰副

皇上軫重河漕至意臣扶送母輓定於二月二十九日

解纜南行抵家之後營葬事畢即當遵

旨回任臣謹恭設香案望

闕叩頭犬馬微誠不勝戀戀所有交代日期理合奏

報伏乞

睿鑒施行

順治十七年二月二十五日題三月日奉

旨該部知道

河防疏畧 卷之十一 寒香館

祭葬事畢謝 恩疏

奏為微臣父母蒙

恩祭葬事畢恭陳謝悃事臣遵

旨躬扶母親回籍治喪接閱邸報禮部覆臣陳乞

卹典前疏奉

旨朱三鳳沈氏着與祭一壇造墳安葬欽此該臣於本

年七月內領到金華府遵給造墳銀四百兩八月

內已經合葬又該署金衢嚴分守道事金華府知

府臣孫丕承於九月初六日躬赴臣寓宣

河防疏畧

卷之十一

四

寒香館

諭並祭臣父三鳳臣母沈氏訖隨當恭設香案望

闕叩頭謝

恩外伏念臣猥以謏劣起自寒微

主春虛膺實切負乘於衾影親恩未答徒悲風木於庭

闈乃者烏鳥微情日味陳額仰蒙

皇上鑒照不遺曲垂矜憫特贖曠官之罰俾伸襄事之

情

曠典奇遭古今僅見而涓埃之報莫展

覆載之施海加臣父三鳳母沈氏

龍章既邀錫命之榮馬鬣更荷

匪頒之賜酒肴芬苾疑承甘露於

九天

綸綍輝煌恍照春陽於夜壑荒原茂草並有光榮白叟

黃童咸知感泣在

國家教忠有本或不嫌

令典之從優而臣子揣分知盈能無愧

洪慈之罔極總使頂踵可竭終虞

高厚難酬自是臣累代高曾人人願效乎結草一門子

河防疏畧

卷之十一

五

寒香館

姓世世永矢乎傾葵况此生沒齒之年敢自墮捐

軀之節除臣一面遵

旨束裝定於十月初二日啓行赴任俟受事後另疏恭

報茲恭承

恩卹理合具疏陳謝臣引領

闕廷無任銜戴銘鏤萬感萬叩之至

順治十七年九月初七日奏十月 日奉

旨覽卿奏謝知道了該部知道

恭報受事日期疏

題為恭報微臣到任受事日期仰祈

睿鑒事先該臣額

恩墓母具有微臣禘禘已近等事一疏奉

旨覽卿奏具悉至情特准暫假數月扶櫬回籍事竣仍

作速赴任料理不必請代河務着遣官暫署應署官

職名速開具奏該部知道欽此嗣於本年二月內與

署河臣楊茂勳交代扶櫬南行治喪事竣不敢稽

延隨於十月初旬遵

河防疏畧

卷之十二

六

寒香館

旨北發十二月初三日抵濟准署河臣苗澄咨差標下

署中軍事左營遊擊吳良棟濟寧州知州陳翼鶚

齋捧

欽頒關防一顆

令旗令牌六面副并書吏文卷等項移送到臣臣謹

望

闕叩頭逐一接受管理訖竊臣以至庸之才肩至重之

任拜

命數載止於循分自効實無尺寸建豎可以上副

特達之知茲者恪遵

成旨仍總河務閱歷之後益愴愴焉隕越是懼仰惟

皇上之訓諭懇懇赫若箴銘

皇上之恩遇殷隆淪於肌骨臣亦惟刻刻服膺毘勉盡

瘁以庶幾竭犬馬之愚効萬一之報而已除衙門

應行事空容臣次第料理外所有到任受事日期

理合恭

報伏祈

睿鑒施行

河防疏畧

卷之十一

七

寒香館

順治十七年十二月初六日題本月

日奉

旨該部知道

迅催道臣赴豫疏

題為河事耽延日久道臣到任無期懇祈

勅部迅催赴豫以保運道事竊照河道修防俱有節序先事不周則終年貽害臨期失着則補救彌難况刑名錢穀地方責任大小一體而獨治河之事夫料藉之各屬過誤專在河員以故其餘道府各官痛癢不關意見相掣急者徒急而緩者自緩非得練習之才刻刻綢繆而又能挺身任事勞怨不辭以支撐于衆口紛紜之際未易勝任而愉快也查

河防疏畧

卷之十一

八

寒香館

河南管河道一官乃通省要領自徐必遠被論去任未幾盛治又以病辭去夏至今皆係代庖近則據兩司詳批行南河同知兼理事權未免不一呼應終是不靈臣閱十七年十一月內即報前缺已推寧紹道荆世爵陞補即使旦夕抵豫而其人之才否未卜河之肯綮未詳猶不免有玩愒之虞乃道路相隔杳爾無音轉盼桃伏難免貽誤除臣一面咨催外但恐寧紹現係用兵重地萬一未即離任懸缺以待整頓何期仰祈

勅部嚴限本官星速赴豫任事庶監司不致久曠修守

賴以責成所關河政非細故也伏乞

睿鑒勅部施行

順治十八年 月 日題 月 日奉

旨荆世爵着速催赴任吏部知道

河防疏畧

卷之十一

九

寒香館

恭謝 天恩疏

奏為恭謝

天恩事該臣於本年四月二十八日准吏部咨為各屬

勸賑事竣官民捐助難泯謹據冊題

報事文選清吏司案呈奉本部送吏科抄出該本部覆

戶部題覆漕運總督蔡士英題前事等因順治十

八年四月初五日奉

旨是朱之錫着加太子少保蔡士英着加兵部尚書兼

都察院左副都御史仍照舊管事餘依議欽此欽遵

河防疏畧

卷之十一

十一

寒香館

移咨到臣該臣恭設香案望

闕叩頭謝

恩外伏念臣草茅一介游被

國恩荷蒙

先帝拔擢總理河務才微任重瘵曠已多茲復以遵

旨賑卹仰荷

皇上錄及對非

特頒寵命晉秩

官階以臣子當盡之常微

國家異數之典省循非據不勝悚惶惟有夙夜黽勉

益勵匪躬以無負

高厚於萬一而已臣無任感銘踴躍之至

順治十八年 月 日題 月 日奉

旨

河防疏畧

卷之十一

十一

寒香館

親勘王家道口工疏

題為估計考城王家道口十八年歲修工程錢糧事
該臣於順治十七年十二月內復任適當運河小
挑之期嚴催各屬絕流興工仍親詣關河逐節勘
視一而通查十七年伏秋以後黃河水汛各案并
調附近司廳等官面訊情形備行該司道親詣勘
估造冊具詳臣酌量緩急分別批允駁正一而於
三月十五日由山東河南以至江南淮徐所屬各
州縣黃河兩岸查閱各工直抵揚州方回于四月

河防疏畧

卷之十一

十二

寒香館

十九日行至高郵州接准工部咨為估計考城王
家道口十八年歲修工程錢糧事都水清吏司案
呈奉本部送工科抄出該本部覆河道朱總督題
前事等因順治十八年二月初五日題三月十二
日本

旨工部議奏欽此欽遵於三月十三日抄出到部送司
奉此相應議覆案呈到部該臣等看得總河臣朱
之錫疏稱考城縣王家道口頂衝直射堤岸坍塌
危險可虞

題估料價土方銀一萬一千二百二十兩六錢四分
第估計工程務須該道親行赴工勘估工料始無
冒破案查本工十七年歲修止估銀四千四百四
兩零今十八年估至一萬一千二百二十兩六錢
四分雖所用工料其中有多寡不同但止憑縣冊
開報恐有虛冒相應再行查覈仍請

勅下總河臣一而及時先行領銀修築一而嚴檄該道
親赴本工勘驗逐一確減估計據實具

題以憑議覆可也等因順治十八年三月二十七日

河防疏畧

卷之十一

十三

寒香館

題三十日本

旨河道設立總督原宜總覈屬官稽察工程俾無冒濫
今王家道口一工估銀一萬一千二百餘兩較十七
年歲修估銀太多朱之錫未經詳覈止憑縣冊輒爾
草率具題豈是委任總督之意大不合理仍着朱之
錫親赴本工勘驗另行確估具奏欽此欽遵抄出到
部移咨到臣臣跪請

嚴諭不勝悚惕隨由清河縣登陸馳赴考城縣王家道
口工所率同管河道荆世爵及歸德府府廳各官

覆加勘度本工西頭第一段長一百三十丈大河
竟從南來直衝北壩套壓難緩第二段長一百一
十丈去年大溜北掃埽個墊陷舊壩去堤原濶十
丈塌去六丈幸加埽塘護無虞臣查署河臣楊茂
勳於十七年七月內具有彙報黃河水汛一疏已
經

報明在案第三段長一百四十丈內九十丈係初估生
工去年塌去堤下土壩六七丈不等曾採民柳下
埽搶護第四段生工長八十丈去歲崖岸坍去四

河防疏畧

卷之十一

十四

寒香館

五六丈不等今離堤餘岸不及丈許自此以東河
勢方折而南去委因河溜斜射東北二段以下逼
堤漸近堤內地形既窪又多衝決故道倘使潰嘴
而出則全河北徙收拾不易誠不得不備埽防禦
以保萬全總之黃河萬里建瓴勢如奔馬倏漲倏
落呼吸變遷所以險工原無一定之形估費亦無
一定之數臣歷查河南歲修舊案不俾隔年之例
不能盡同卽一歲以內亦有未可預必者如祥符
縣魁星樓一工節年不估十五年因河勢陡變估

銀一萬九千餘兩後以引河挑成止報銷銀三千
一百餘兩又陽武縣潭口寺一工十三年估銀一
萬二百餘兩本年清明之後水發埽蟄又續估銀
九千六百餘兩卽王家道口一工十三年因全河
歸故估銀一萬四千三百餘兩十四年估銀九千
九百餘兩十五十六十七三年估數亦多寡不等
工小則省工大則增臣固不敢任其糜費以耗河
帑然亦何敢過事撙節以致工料不敷倉猝無備
候運道而妨大計哉至于不肖官吏倘有侵冒臣

河防疏畧

卷之十一

十五

寒香館

查訪得實定行
題參斷不敢少爲姑息也所有本工估計埽個銀兩
數目先據該道原冊已經送部相應仍飭道廳等
官照舊預備修築外臣謹將遵

旨勘驗情形據實具

題伏乞

勅部議覆施行

順治十八年五月十七日題六月二十五日奉
旨工部覈議具奏

工部覆前疏

題為估計考城王家道口十八年歲修工程錢糧事
都水清吏司案呈奉本部送工科抄出該本部覆
總督河道朱之錫題前事等因奉

旨工部覈議具奏欽此欽遵抄出到部送司奉此相應
議覆案呈到部該臣等案查考城縣王家道口十
八年歲修工程先據總河臣朱之錫

題估料價土方銀一萬一千二百二十兩六錢四分
隨該臣部查得估計工程務須該道親行赴工勘

河防疏畧 卷之十一 十六 寒香館

驗工料始無冒破但止憑縣冊開報恐有虛冒仍
請

勅下總河臣一面先行領銀修築一面嚴檄該道親赴

本工勘驗具

題奉

旨咨行去後今據總河臣朱之錫疏稱臣跪誦

嚴給不勝悚惕隨由清河縣登陸馳赴考城縣王家道

口工所率同管河道荆世爵及歸德府廳各官覆

加勘度本工一段大河直衝北壩套壘難緩二段

大溜北掃塘護無虞三段四段委因河溜斜射東
北不得不備埽防禦以保萬全臣歷查河南歲修
舊案如祥符縣魁星樓陽武縣潭口寺及王家道
口等工十三四五等年估數亦多寡不等工小則
省工大則增臣固不敢任其糜費以耗帑帑然亦
何敢過事樽節以致工料不敷所有本工估計埽
個銀兩數目仍飭道廳照舊預備修築謹將遵

旨勘驗情形據實具

題等因前來查得王家道口工程既經總河臣朱之

河防疏畧 卷之十一 十七 寒香館

錫率同道府各官親勘與前無異所估工料係約
估之數應有餘剩仍請

勅下總河臣朱之錫責令該道嚴加樽節務於工完之日

造冊

奏銷倘有不肖官吏侵冒者立行查辦

題參以憑從重議處可也奉

旨依議

特叅怠玩有司疏

題為特叅怠玩有司以飭河政事竊照河官督理工程印官辦集夫料此係歷來成例屢經前河臣楊方興

題明在案查邳州南岸水玉堡一工去歲因舊堤塌

斷估築月堤一道離河二百餘丈伏秋之後河從

地底漸漸南侵地陷作河新堤亦與之俱塌水長

漫岸必致橫溢四出又該州董家堂一工北近州

城河勢漸逼署河臣苗澄曾據官民條陳有遷城

河防疏畧

卷之十一

十八

寒香館

避河之

請見在奉

旨查議兩工危急勢同壘卵而五工頭項均營兩工亦

俱關運道通塞為印官者不知急會如急切拯溺

救焚詎意該州署事徐州州判王六臣視同秦越

漫不經心水玉堡雖寧縣縣城工二百四十丈百

計催呼幸而報竣而該州分為河道人夫寥寥反

致延緩董家堂諸工捲掃需料原派買柳枝六萬

餘束本官催比無術臣于四月過邳尚止完過三

分之一以致河官屢次告急無米難炊轉盼伏秋

倘有衝决貽誤運道民生干係非小除臣嚴檄淮

徐道督飭催集夫料立濟急工外所有本官怠悞

河工相應特疏糾叅伏乞

勅部從重議處施行

順治十八年三月十八日題

旨

河防疏畧

卷之十一

十九

寒香館

特參關茸司官疏

題為特參關茸司官亟請

勅部另差以重河防事竊照南河所屬外河則有王公堤天妃壩五大險工以及太行老堤兩岸數百里要害內河則有天妃閘以至瓜州閘四百里運道而巨湖相連一望瀰漫南江東海尤為萬水歸壚之地中間督察寮屬區畫修防責綦重矣且遠在東南距濟千里所恃以協力分猷者實惟該司是賴乃南河分司陳天清奉行文移率致沉閣及至河防疏畧 卷之十一 三十一 寒香館 嚴催送到又多含糊草率屢費批駁道途往返動經月餘臣頃者南巡見其語言遲鈍神情寬緩詢以河務肯綮之間亦復茫然河工何事南河何地即使精明奮迅尚恐拮据不遑而可容才力不振之人因循貽誤故臣目擊既真相其疏

題參仰請

勅部照例議處并請

勅下工部速差別員勒限赴任庶綜理得人而河工不致廢墜矣伏乞

勅部議覆施行

順治十八年六月 日題本月二十六日奉

旨陳天清着議奏該部知道

河防疏畧

卷之十一

三十一

寒香館

恭報督催糧運疏

題為恭報微臣出巡臨德督催糧運事竊照重運船隻關係軍

國急需節節嚴催難容刻緩臣於正二月間料理小挑臨濟一帶悉經身親勘閱其開河以北原難絕流亦經屢檄榜濬及多置木閘以備亢暘嗣于三月中旬巡歷黃河先在途次慮恐濟北各船逗遛濡滯特委標下中軍副將白璧賚捧令旗自濟至津督同司道廳印等官逐程鞭驅仰副

河防疏畧

卷之十一

三

寒香館

節次嚴催之

旨臣於五月間回署料理銷估各案查據濟寧州天井開報於五月二十五日止已催過重運糧船三千一百零四隻節次北上訖復據臨清鎮揭報於五月十三日止已催過德州境糧船一千七百五十六隻節次北上訖河水多者十餘捺少者亦不下漕規六捺之限船糧俱各通行無阻何期本月二十五日據北河分司呈稱江西吉安九江等幫船大載重吃水至十二捺見在臨清關外阻壅後運

今已僱有剝船自應嚴催前進但天道久旱衛河

亦漸消落本司一面呈報一面開放蜀山湖水接

濟等因到臣臣惟臨清口外河身既濶來源甚微

早熯已久運事所關憂心如炙當即差官守催衛

河分司查勘衛河上源導引接濟又差官守催北

河司道隨宜疏濬并安設木閘集船起剝仍特委

泉開分司駐督南旺暫閉柳林南閘數日使汶水

全注于北以濟口外重船臣拜疏之後即於本日

星赴臨德親行查督務期設法疏通無誤飛輓所

河防疏畧

卷之十一

三

寒香館

有外河水勢及催過重運船隻情形容臣另疏報

聞外謹將出巡備運日期具疏題

報伏乞

睿鑒施行

順治十八年 月 日題 月 日奉

旨

辭理刑名疏

題為題明事順治十八年六月初六日准吏部咨開

考功清吏司案呈奉本部送吏科抄出該本部題

前事內開查臣部事件有奉

旨行各巡按查覆者正在行都察院轉行間該院為遵

諭陳言一疏停止茲差請

旨將巡按自理事務交付撫臣其臣部見今咨院者盡

行發回相應

題明將一應

河防疏畧

卷之十一

二十四

寒香館

勅巡按事務改咨該撫其經該撫題參贓款各官奉

旨提問者相應咨行該督審擬可也等因順治十八年

五月十八日奉

旨依議欽此欽遵抄部送司相應移咨知照案呈到部

移咨到臣該臣看得臣衙門所轄黃運兩河除浙

江止有錢糧外其于係河道修防者北直河南山

東江南各不下數千里旱則懼淺漲則憂衝竭蹶

道路之日多而寧處衙門之日少一應公文遠出

既難盡携投遞亦無定所况當奔馳之餘案牘停

積拮据靡遑原與地方總督不同茲准部咨撫臣

題參各官應行該督審擬查奉

旨察議各案臣衙門間有奉行者臣固不敢諉卸但審

擬刑名文牘浩繁批駁往返卽山東境內臣以終

歲奔走之身冒昧承辦顧此失彼尚恐不免若再

加以隔省鞭長不及不惟有稽

欽件萬一河防運務因之耽延則軍

國所關實不得不鯁鯁過計也臣謹據實

題明伏乞

河防疏畧

卷之十一

二十五

寒香館

睿鑒勅部議覆施行

順治十八年六月 日題七月初八日奉

旨該部議奏

吏部覆前疏

題為題明事該本部覆考功清吏司案呈奉本部送

吏科抄出河道總督朱之錫題前事等因奉

旨該部議奏欽此欽遵抄部送司相應議覆案呈到部

議得總河臣朱之錫疏稱臣所轄黃運兩河其于

係河道修防北直河南山東江南各不下數千里

場蹶道路之日多寧虞衙門之日少一應公文案牘停積拮据靡遑若再加以隔省鞭長不及不准有稽

欽件且河防運務因之耽延等語案查本年六月內奉有巡按既裁巡撫叅奏應令何衙門何官審擬之上諭隨該九卿科道會議將河南山東巡撫叅奏事件責成河道總督擬議奉有依議之

旨奉行可也奉

河防疏畧

卷之十一

二六

寒香館

旨依議

河防疏畧卷之十二

義烏朱之錫梅麓甫著

闕里屬員孔貞來元起訂
稽山後學徐沁堃公輯

呈報清口倒灌疏

題為呈報淮弱黃強清口倒灌事順治十八年閏七月初二日准總漕臣蔡士英咨稱照得滇旋大兵已抵江寧今據河官報稱運口於七月二十九日興工築壩恐大兵不日雲集除咨會二省郎部院將築壩緣由轉移統兵大人星速前進外第此官

河防疏畧

卷之十二

一

寒香館

兵已經在滇駐防五載值今回旋跋涉萬里歸心如箭迫欲前進合咨煩為裁酌或飭令司道河官一面齊備料物收拾興工仍畱過船缺口俟兵船一過築完似覺兩便等因到臣該臣看得清口黃泥倒灌并撥行司道勘議築壩緣由前已經臣題報在案續據司道廳官呈稱築壩一節非奉

俞旨兵馬船隻不能禁其往來等因該臣一面批行估計興工復慮南來滇省兵船屈指可到此壩一築誠恐秋漲未過兵船經臨外河既無船更換而軍

行又未可以久待事在兩難臣隨於七月二十六日一面咨達工部一面星赴清口與總漕臣商酌具

題行至桃源縣隨准總漕臣咨稱應候兵船過後築完臣於閏七月初二日抵口勘得黃水盛漲淮水已退回十八里據司廳稟報濁流由口外通濟開南行至高郵約有二百餘里築壩日遲一日則沙灌口多一日而各船雲集萬難久停淮干勢又未便築斷除臣一面嚴督司道等官多集夫料立將

河防疏畧 卷之十二 一 寒香館

高堰高良澗周家橋淮水南洩開口築塞完固使淮盡數東注并多製濬淺器具以待水至協力疏導刷沙濟運但恐上源久旱淮水微盛不能預必容臣續行題

報至於口壩工程仍留過船金門雖無救於淤灌而兵船過後勘議挑濬固亦有不容不築者統候該司道詳估到臣覈確另

題外謹將勘過運口情形并與總漕臣蔡士英會商築壩緣由據實題

報伏乞

睿鑒施行

順治十八年 月 日題 月 日奉

旨

河防疏畧 卷之十二 三 寒香館

呈報水勢疏

題為呈報水勢事順治十八年閏七月初七日據邳
宿河務同知張四維揭稱本月初六日蒙中河分
司信票照得秋黃盛漲董口倒灌淤至三壩目觀
心寒除一面行令該縣辦料築壩修防外仰廳速
赴董口嚴督併力修築務保萬全等因蒙此卑職
即刻赴董口料理俟疏通之日另文再報等因到
臣臣隨飛檄嚴飭司道廳印各官料理去後續於
本月初十日據中河分司劉世豸呈稱本月初五

河防疏畧

卷之十二

四

寒香館

日據宿遷縣王簿杜榮春揭報黃水自初四日起
至初五日巳時止陡漲一尺二寸黃水內灌本司
星夜飛奔至二鼓時方到董口立見黃流愈漲洶
湧異常黃強清弱倒灌已逾二壩本司慮恐淤澱
立行廳印分頭催辦物料督率官夫捲埽堵塞頭
壩已於初八日閉合龍門訖俟黃水消落開壩放
水所有董口閉壩日期合先呈報等因到臣該臣
看得清口者乃黃淮交會之所而董口則清與黃
交會地也伏秋以來黃漲非常各屬隄防在在告

急而今歲山東河南一帶元早日久水勢微弱黃
流帶沙而行一經灌入水落淤停即成中梗臣坐
督淮于閉塞周橋等閘本月初六日巳報完工而
數日內黃水更漲二尺有餘反將淮水阻回二十
五里臣方憂心如燔而董口忽又有淤灌之報除
清口見在黃流內注舟楫通行俟黃勢消落酌議
挑濬臣誠恐董口沙灌漸遠疏通不易一面嚴檄
該司道築壩攔黃據報已於初八日閉合龍門訖
但黃水長落無定惟在相機啓閉保護全漕至於
南來兵船屈指將到臣思董口築斷運河之水下
無出路勢必傷攻湖壩東趨駱馬湖而與黃河之
漲水合兵船倘至自當權宜開導以濟北上臣仍
一面星赴督勘外所有董口築壩緣由既經該司
廳呈報前來相應題

河防疏畧

卷之十二

五

寒香館

報伏乞

睿鑒施行

順治十八年 月 日 題 月 日奉

旨

清口閉壩疏

題為呈報淮弱黃強清口創灌事該臣移咨總漕臣蔡士英咨開順治十八年閏七月初八日准總漕部院咨准鳳撫部院咨開滇旋兵船先到江寧者的於初七日北上未到江寧者尚無定期等因准此案照清口築壩前准咨商雷缺以待兵船是以暫停工役但南來兵船已自江寧起行者固可計日而待其未到江寧者尚無定期若前船一過卽築又恐後船繼至未免亦誤軍行貴部院諒切同

河防疏畧

卷之十二

六

寒香館

舟諒有確畫相應移商或前船一過卽築或俟兵船過完然後築壩照依順治十年淮揚大挑之例估計挑濬統俟定議以便轉行勘估預備軍漕兩利等因移咨去後又該臣移咨內開案照清口黃泥內灌亟宜築壩遏黃特以滇省大兵前船已抵江寧指日經臨未便久候不得已暫停工役但在後兵船茫然無期而黃水日灌漸遠沙淤漸多淮揚河道三百餘里將來疏通維艱日今黃水更漲內灌愈急運道重大本部院晝夜憂懸不得不懇

懇過計除檄司道勘議築壩通詳外合再移商等因移咨去後續於閏七月二十六日准總漕臣蔡士英咨稱准總河部院咨前事等因為照見過南來兵船乃移駐貴州之兵其雲南大師尚未聞有到省日期築壩一事恐難久待等因准此又據淮海道張尚呈稱會同山清河務同知賈雲龍西河船政同知孔貞來公赴總漕蔡部院蒙諭照舊調撥五工高堰清河徭募等夫并查應用各料先着孔同知在口料理築壩又慮築壩之後回空俱無

河防疏畧

卷之十二

七

寒香館

去路訪得先年築壩時空運糧船曾由周家橋關投高郵湖入運河隨令山清同知親由周家橋關起至高郵湖出口一帶探度果否通行以憑開關至運河淤淺處所俟勘明并估計大挑另文呈報等因到臣該臣看得清口創灌并築壩留缺以待兵船已經臣前後題

報在案嗣以董口報淤臣星赴督勘目擊黃水有長無消因思清口雖往年亦有黃灌不過暫溢之水隨發隨退尚不免大費工力今歲淮流既微而黃漲

非常爲時甚久若不急行築斷則沙淤日積挑濬愈難是以與總漕臣蔡士英會同商酌今准咨稱雲南後發兵船抵淮無期據司道呈報現在料理築閉且云訪之宿老先年築壩之時回空船隻曾於周家橋出湖入運已據一面查勘倘果可行船更屬妥便卽或水勢無常而運道重大閉壩攔黃萬難再待至築壩之後乘時大挑以濟新運皆目前急着不容刻緩者也臣現今奉

旨候同

河防疏畧

卷之十二

八

寒香館

欽遣部臣踏勘河工除一面嚴檄司道等官勘估大挑候詳到之日覆覈具

題仍委臣標右營遊擊張順賚捧

令旗赴淮督催外所有清口閉壩緣由相應具疏題報伏乞

容鑒施行

順治十八年 月 日題 月 日奉

旨

覆河夫第一苦累疏

題爲河夫第一苦累屢議終無實着謹據末議仰請容鑒事順治十七年二月二十日准工部咨都水清吏司案呈奉本部送工科抄出該本部覆河南巡按李粹然題前事等因順治十六年十二月十六日題十七年正月十二日奉

旨該部議奏欽此欽遵於正月十四日抄出到部送司奉此相應議覆案呈到部除自首地畝漕米鹽引草豆等項應聽該部議覆外該臣等案查河南河

河防疏畧

卷之十二

九

寒香館

工夫役總河臣朱之錫於順治十六年十月內題覆河南前任按臣李及秀題爲河夫之徵派當更等事一疏與臣部右侍郎張縉彥題爲河工

國之大政等事一疏會同該省撫按詳酌地方遠近照地坐派漸遠漸加分爲三分數年之間始一輪流調用業經臣部於十二月內題覆如議永爲定例奉

旨遵行在案今按臣李粹然條議六事內稱河夫之均派酌訓立法稽查定期更替以及修濬內河四款

俱臣與河撫諸臣可以酌妥徑行非請

旨不敢擅專者則衝途免夫與首地免派二事等因具

題前來查得極衝極疲州縣駐兵養馬處所總河臣

前覆二疏俱載有酌量均勞在該道府臨期詳奪

酌減之語今以衝途州縣與自首地廠夫役俱各

免派相應請

勅總河臣會同河南撫按詳酌具

題以憑議覆可也等因順治十七年二月初七日題

初八日奉

河防疏畧

卷之十二

十

寒香館

旨依議行欽此欽遵抄出到部移咨到臣備行河南布

按二司并管河道逐一查議去後今據河南布政

使徐化成呈稱蒙此遵即移會管河道會查確議

嗣准管理河南清軍驛傳帶管河道事按察司僉

事陳士本牒呈查看得修防河工人夫首在要務

稽查任例小工本府協濟中工本省協濟大工隣

省協濟遵行已久然黃河利害惟開歸二府為最

凡遇堤岸卑薄河流衝刷預估修築多照小工事

例派調本府夫役近河人民實屬偏苦蒙前任李

按院題為河夫之徵派當更等事一疏嗣後修築

河工僉派夫役酌地方遠近熟地多寡照地坐派

漸遠漸加永為定例奉

旨遵行在案至於駐兵養馬處所亦有臨期量減之議

今蒙李按院疏開衝途州縣與自首地廠河夫亟

應全免查得通省自首地廠正供既且難辨河夫

並無僉派止照舊例行糧熟地起夫再查十七年

歲修各工共計用夫一萬三百八十九名行據開

封等八府并汝州照依地方遠近途路衝繁酌派

河防疏畧

卷之十二

十一

寒香館

去後內開封府屬祥符陳留杞縣延津四縣該府

冊開次衝俱十減其二新鄭鄭州滎澤許州臨潁

襄城鄆城禹州八州縣該府冊開極衝俱十減其

三彰德府屬安陽磁州湯陰三州縣該府冊開極

衝俱全免訖衛輝府屬汲縣新鄉該府冊開供兵

養馬衝途俱全免訖懷慶府屬河內等六縣該府

冊開駐兵養馬俱量減三分之一南陽府屬南陽

新野裕州葉縣南召五州縣該府詳稱饑饉災傷

衝途俱全免訖汝寧府屬確山西平遂平信陽四

州縣該府冊開極衝俱當減三分之一以上八府
一州除供兵養馬饑饉災傷衝途州縣減派外止
實派夫九千七百九十五名較之本年歲修各工
原估夫數尚少夫五百九十四名無可再派惟是
酌量工程緩急通融修築以畢河工既據各該府
查議應減應派夫數前來似無偏苦擬合移會等
因准此查來文所議與原數未符復駁移管河道
覆議去後今准帶管河道陳僉事牒呈查得李按
院疏開衝途州縣與自首地畝河夫亟應全免固

河防疏畧

卷之十二

十二

寒香館

屬體恤衝苦至意再查總撫兩部院原行內有衝
途州縣與自首地畝應否免派之語所以各府詳
議有全免者有十減其二有量減三分之一者想
其中衝途州縣或先衝而後稍僻則該府因時制
宜權變酌議其衝輝府冊開汲新二縣係衝途全
免淇輝獲解四縣一例開報該府並無豁出至懷
慶府亦係自行酌減俱非本道所擬擅定者今准
貴司復查極衝州縣應該全免因何開寫減派夫
數似與原疏有悖且一事而兩議不便通詳誠乃

慮之至悉但經各府自議前來本道難以更張且
查前詳業經呈報各部院批詳在案似難另議擬
合同覆等因到司准此該本司會看得兩河地方
年來水旱頻仍災傷叠告加以供億繁難苦累至
甚非加意撫恤休息無期前疏既悉無容贅矣惟
是自首地畝刈獲原未有年一時兩課並徵必至
捉襟而肘露倘民力不贍復就拋荒當事者安得
不為過計乎是以以前李按院具

河防疏畧

卷之十二

十三

寒香館

於五載俾物力稍裕仍照例均派斯為當耳至衝
途如磁州安陽湯陰淇縣汲縣新鄉榮澤鄭州新
鄭禹州襄城葉縣裕州南陽新野許州臨潁鄆城
西平遂平確山信陽等二十餘州縣兵馬駐牧往
來絡繹方苦供應之不暇豈能復肆力於築防故
各府或議之於全免或十減其三或三分而減一
雖因時揆度然非畫一尚未盡善相應照依前疏
一例免派總計其夫之多寡改派於偏僻州縣庶
勞逸得均而河工無悞也再如懷慶府屬量免三

分之一彰德衛輝南陽三府詳以所屬非衝州縣各以協濟繁難曉曉稱苦原疏未載似未便議及但查懷慶彰衛乃駐兵輪牧之區供辦糧料草束即各府僻邑協濟在所不免嗣後駐兵養馬處所協濟供應州縣或可免其三分之一以示體恤特因府詳而併及之是否有當統祈憲臺會酌具

題等因呈詳署總河臣苗澄批詳衛邑免夫應查某州縣實係駐兵養馬與頂衝次衝地方從長酌議畫一以均勞逸其自首地畝必須議定年分亦照

河防疏畧

卷之十二

十四

寒香館

例均派俱勿作游移之語至於協濟州縣不便槩援此例仰司作速議妥確詳立等會

題仍候撫按兩院詳行繳批行去後未據回詳前來

該臣於順治十八年正月初八日復經檄行查催

內開照得河防疎虞則梗塞運道夫役失悞則貽

患河防利害相因事非小可前准工部咨為前李

按院具

題河夫第一苦累等事內開自首地畝與衝途州縣

駐兵養馬免夫緣由檄行該司道會議已久乃州

縣已私自便鮮有急公司道利害不關只知討好以致紛紛聚訟訖無成議屢據回詳其間參差難解者不止一端如自首地畝一項本部院前

題覆河夫徵派當更一疏通省共定成熟地畝夫數一萬二千一百八十九名此在十五年以前買撫院

題報開墾自首地畝事在十五年以後又十六年七

月內據布政司詳為河工偏累事內開首墾地畝

暫免雜差緣由本部院隨批如議新首地畝准暫

河防疏畧

卷之十二

十五

寒香館

免派夫以寬民力是現在河夫原未派及自首地畝况地方雜差不止河夫一項遲則俱遲早則俱

早何必專專在於河夫較量三年五載此難解者

一也前

題夫數既在未報首地之先昨據彰德府詳內臨漳

縣涸稱原有自首地若干頃再減河夫八名林縣

涸稱自首地該夫二十七名應再減派武安縣涸

稱自首地該免六名待十年後再派涉縣涸稱自

首地該免二名若係首地十四年何故報作成熟

明係乘機濶賴此其目中尚知有憲法乎此難解者二也本部院前

題河夫徵派疏內原云真正駐兵養馬州縣方准免派每年不過一處兩處若止云衝途則各有各差該司道乃不能於本差內酌僻濟衝自爲調劑至河工乃軍

國第一要務反專意林殺此項以償別項徭役之苦此難解者三也且止是兵馬經由大道同一極衝不應復有等差乃開封府屬自開十減其二十減

河防疏畧

卷之十二

十七

寒香館

其三懷慶府屬汝寧府屬自開量減三分之一彰德府屬衛輝府屬南陽府屬則竟稱俱全免訖明係急公有司酌量刪減泄玩州縣借口要求而該司道亦止憑其自說自免並無一語從中剖決即據上年歲修較之原估夫數已少五百九十四名無可再派萬一河工再增豈河官有遣神役鬼之法能爲

朝廷保河且該司詳內云改派於偏僻州縣不知有何偏僻州縣肯爲若等李代桃僵不費口舌慨然

應役乎此難解者四也前李按院條陳不過亦據懶於出夫州縣任意申詳採掇具

題部覆以原非定議故復行本部院與撫按兩院再行詳酌所難任怨非難市恩免者雖免必使出夫者心服萬一工多人少再議增夫又必使額外加添代爲應役者心服然後可而該司移會河道文內有云應該全免因何開寫減派似與原疏有悖信如此說則當日部覆竟應依允而又有此番詳酌議覆不幾多贅乎此難解者五也原疏內二十

河防疏畧

卷之十二

十七

寒香館

二州縣十七年未經全減夫數已苦不足此外州縣復又藉口協濟紛紛抗夫年來供應繁劇該司道不得不爲均調既爲均調則各州縣其苦必至不甚相遠况協濟乃該司所派軍需益多派協益廣州縣盡數協濟亦將盡數減免河夫乎此難解者六也有司之抗玩已甚同舟之振刷無聞必待河官束手河事債贖且無論數百萬儲楮倘致中梗可爲寒心卽如大王廟塞決請動

內帑數十萬通省於歲修外解夫運柳勞擾數載彼

時猶得告衝繁求減免否本部院重擔在身不得不矢口傾臆大聲疾呼為此牌仰司道即便會同細察全牌將河夫第一苦累疏內免夫緣由悉心參酌自首地畝不止河夫一項雜差應否俟別項徭役通行科派之日然後一體僉夫真正駐兵養馬州縣是否每次不過駐劄一州一縣境內每年不過一次兩次必須於次年內開明某年月日某起大兵在某州縣養馬若干日應出夫役方准全免其李按院疏內衝途二十二州縣或量免十分

河防疏畧

卷之十二

十八

寒香館

之幾此外不得借口協濟次衝濶申抗誤如或異時先衝後僻仍聽該府查確報奪一面議妥通詳具

題一面嚴飭醉夢州縣遵照該管衙門起調夫役如期解工如有仍前藐玩別申求免及遲誤缺少者立刻報參經承拿解處死仍查批發管河道據彰德府詳內各州縣既係未報首地之前派定夫數如何濶稱內有首地應免等語明白報奪其有量減人夫據該司詳稱該派偏僻州縣應派何州何

縣并議確報檄行去後復又屢檄嚴催今於本年五月二十二日據該司呈稱蒙此遵依隨行所屬確查去後今據開封彰德衛輝汝寧等府覆議各詳到道據此該署管河道南河同知崔維雅看得中州苦累原在養兵養馬而兩河積苦尤在徵夫辦料是供兵者固煩斃民之脂膏而治河者亦竭地方之筋力均是苦海誰是樂郊須彼此通融庶衆擎易舉若曰我供兵者也應免河夫誰為同舟共濟又曰我臨河者也應免供餉勢必呼庚可虞

河防疏畧

卷之十二

十九

寒香館

即云衝途孔道驛驂煩苦不堪重僉夫役但河工正在煩劇而夫數又必加額累至僻途念僻途何堪重困即稱苦稱難盡在兩河如云極重當返彌至偏苦難支事十

國計民生豈合左右分租惟於萬不得已之中少加參酌調停之法除自首地畝已經三載俟來年照例派夫外查安陽汲縣新鄉襄城四縣果上年真正駐兵養馬下年夫役應議全免若本年未經供兵養馬次年照額均僉著為定例查榮澤縣大兵

往返過渡動皆數日每年所過不啻數十次較駐兵養馬更苦夫役應議破格豁免如湯陰淇縣磁州鄭州新鄭禹州葉縣裕州南陽新野許州臨潁鄆城西平遂平確山信陽州等查係極衝州縣夫役酌減十分之三如祥符陳留杞縣延津長葛等查係次衝縣分夫役酌減十分之一至胙城獲嘉等縣係協濟縣分不便援例議免總之減一分亦獲一分輕便但河夫約減千餘而興工急須長計惟是酌量工程緩急通融修築以畢河工如河勢

河防疏畧

卷之十二

二十

寒香館

平緩工程無多止用開歸二府夫役修築自不輕調外若需用協濟將五百里內三分中先調一分如不足用然後調取二分如此則開歸既不苦於偏累隣府似亦不失等差其五百里外者距河雖遠然有塞決大工必至通省隣省攤派倘邀天之幸止是協濟歲修則二三年之間始一調用如遇大工夫役不敷臨期再行通計可也除呈總河部院蒙批仰移布政使速詳以憑具題等因詳批到道蒙此擬合移會請煩查照酌轉等

因牒呈到司准此該本司會看得豫省夙號天中衝繁實倍他省而最苦者無如駐兵養馬與夫河夫辦料之役也况連年水旱薦臻空匱流離備至其極是以蒙李按院題

請議寬其為斯民之計不得不從長斟酌以期適宜既經管河道酌議具覆擬合轉呈等因呈詳到臣該臣票開安汲新襄等四縣如本年未曾駐兵養馬是否或照極衝次衝之例或原不係衝途務要據實聲說免致不均復行妥議去後今據該道呈稱

河防疏畧

卷之十二

二十一

寒香館

該本道看得安陽汲縣新鄉襄城四縣原係衝疲之邑上年俱經駐兵養馬夫役已議全免若本年不曾駐兵養馬夫役應比照極衝之例酌量除免三分示以體恤擬合呈詳等因到臣該臣看得黃運兩河乃軍

國重計所關運道不可一日不通則黃河不可一日不治民力雖勞勢固有不得以姑息之見而貽阻墊之憂者河南夫役屢經部覆行臣會同撫按臣通長計議臣已於河夫之徵派當更等事疏內議

定歲修工程俱照熟地每十五頃募夫一名離河
遠者各以百里為率加地減夫節奉

俞旨遵行在案倘有真正駐兵養馬極衝極疲州縣司
道原議臨期詳請酌減而按臣疏稱宜有一定之
例臣准部咨行據司道從公參酌據云嗣後安陽
汲縣新鄉襄城四縣如果駐兵養馬者次年夫役
准與全免榮澤縣雖從無大兵駐歇然係渡河要
地相應十免其六其餘極衝如湯陰淇縣磁州鄭
州新鄭禹州葉縣裕州南陽新野許州臨潁鄆城
河防疏畧 卷之十二 三十一 寒香館

西平遂平確山信陽等州縣併安陽汲縣新鄉襄
城四縣未經駐兵養馬年分俱量免十分之三次
衝如祥符陳留杞縣延津長葛等縣量免十分之
一如此則河工庶不致於坐誤而民力亦可因之
少均至於自首地畝各屬誠恐本年行差所以紛
紛申控今司道議照三年起科例俟康熙元年方
行派募其於恤私急公之義庶為兩得似應允從
既經司道會議前來臣謹會同河南撫臣彭有義
合詞具

題伏乞

勅部議覆施行

順治十八年九月初六日題本月二十日奉

旨該部議奏

工部覆前疏

題為河夫第一苦累等事都水清吏司案呈奉本部
送工科抄出該本部覆總督河道朱之錫題前事
等因奉

旨該部議奏欽此欽遵於九月二十一日抄出到部該
河防疏畧 卷之十二 三十一 寒香館

臣等案查河南前任按臣李粹然於順治十六年
十二月內條議河南河工夫役將衝途與首地免
派隨經臣部請

勅總河臣會同河南撫按詳酌具

題奉

旨咨行去後今據總河臣朱之錫會同河南撫臣彭有
義疏稱嗣後安陽等四縣如果駐兵養馬次年夫
役准與全免榮澤縣係渡河要地相應十免其六
其極衝如湯陰安汲新襄等州縣未經駐兵養馬

年分俱量免十分之三次衝如祥符等縣量免十分之一至於自首地並議照三年起科例俟康熙元年方行派募等因具

題前來查得河工夫役既經總河巡撫分別衝緩州縣酌免分數相應如議至於自首地並以前開墾者照三年起科例令於康熙元年為始可也奉旨依議

河防疏畧 卷之十二 二十四 寒香館

河防疏畧卷之十三

義烏朱之錫梅麓甫著 闕里屬員孔貞來起元訂 稽山後學徐 沁埜公輯

覆河防利弊六款疏

題為恭陳河防利弊以備

採擇事順治十七年十一月十三日准工部咨開都水清吏司案呈奉本部送工科抄出該本部覆山西道試監察御史余縉題前事等因順治十七年九月二十二日題十月初三日奉

河防疏畧 卷之十三 一 寒香館

旨工部議奏欽此欽遵於十月初五日抄出到部送司奉此相應議覆案呈到部該臣等案查河南河工先經總河臣朱之錫題為特議建設柳園事又河南前任按臣李及秀題為河夫之徵派當更等事又臣部前任右侍郎張縉彥題為河工

國之大政等事又河南前任按臣李粹然題為瀝陳堡夫之劇累等事俱經臣部題覆奉

旨遵行在案今據臺臣余縉以疏鑿宜講採青宜禁濱河居民宜郵遠郡夫役宜免堤柳護視宜勤場廠

舊制宜復六款條議前來查得條議數款關係河道但應興應革臣部難以懸議相應請

勅總河臣會同河南撫臣查照疏開各款逐一詳酌妥確據實具

題以憑議覆可也等因順治十七年十月二十三日題本月二十五日奉

旨依議行欽此欽遵抄出到部送司奉此相應移咨案呈到部移咨署河臣苗澄准此隨經備行河南布政司管河道查議去後該臣復又屢檄嚴催嗣據

河防疏畧 卷之十三 寒香館

布政使徐化成署管河道南河同知崔維雅會詳前事呈稱查看得黃河一役歲費數萬金錢曾不得一勞永逸之計非綢繆之未善誠水性之靡常耳然非局中之人身親經歷必不能懸揣臆度今奉覆議御史余縉條陳六款轉行治河府縣各官詳加酌議深得河防肯綮相應逐款會議仰祈轉覆用禱河工者一疏鑿之政宜講也會議得水

性涵湧伏秋之交其勢更甚是以所築堤岸雖極堅固每多坍塌之慮今議於水勢平緩之際早爲

相度河形預爲開濬分爲支流導其衝激之勢然後下埽修築則成功爲易而議估亦可因之節省也一採青之弊宜禁也會議得捲埽柳枝向照歲修工程按地派柳令民自運給以價值原不用河夫恣行砍伐因而啓其詐端以致果木殘毀復有看守撥運之累相應復其民運舊例則詐騙諸弊不禁而自戢矣倘有潰決堵塞意外險工隨時權宜又不在此議也一濱河之居民宜卹也會議得近河居民貧苦之狀原疏甚悉其雜差似可豁

河防疏畧 卷之十三 寒香館

免以示存卹至堡夫課程一項奉有歷陳堡夫之劇累等事一案見今查造工食足額缺額酌補文冊應俟部議定奪至於採運劈柴久已奉行禁革無容再議一遠郡之夫役宜免也會議得歲修河工應用夫役業經前按院李御史題定照地畝之多寡計程途之遠近僉派近又奉有按院劉御史特疏另議應聽部覆定奪可也一堤柳之護視宜勤也會議得沿堤植柳勤加培養旣可以備捲埽之用而根株盤繞更可以鞏固堤根此誠不易之

良法嗣後應令管河廳官時加巡察專責各縣丞簿督率堡夫於無柳之處多加栽植有柳之處常川守護務令長成無俾折損可也一場廠之舊制宜復也會議得濱河州縣舊有柳場草廠及蔴芟蘆纜堆積之處設立廠書廠夫以司登記出入看守之役今日久廢弛漸成侵盜耗蠹之弊相應照舊設立以資蓄備以濟急用可也等因到臣該臣復行查議去後今據管河道荆世爵呈蒙總河部院憲票前事內開仰道即便轉行南北歸三河廳

河防疏畧

卷之十三

四

寒香館

查照前項條議復加酌妥如第一款挑挖引河原係挽其頂衝令就徑直如云分爲支流則河不兩行尚非確論况歷年工程有挑引河者有不挑引河者若止云成工爲易何不概挑引河其間引河雖挑河之行否是否可必或險工形勢如何者可挑如何者不可挑是否有別抑或挑河之工小則易行大則難舉仍須分說明白第二款採青既有許多不便自應極力禁革至於意外險工隨時權宜其險工難以暫待與派買未能遠齊緣由尙欠

了然第六款歷年看守物料作何責成設立廠書廠夫是否不致擾民或近河州縣一概增設或估有埽工州縣然後於估冊內造入工食但萬一工停餘剩物料責誰看守抑或廠書即以收料衙官書手克役廠夫即以本縣河夫克役是否長便亦應通長酌妥逐一詳看限文到五日內詳報以憑具

題不必轉行州縣致耽時日速速等因蒙此隨行南北歸三河廳確議去後嗣據覆議前來該本道覆

河防疏畧

卷之十三

五

寒香館

看得挑濬引河無非改曲求直挽南北之頂衝以回埽堤耳如議挑者須當度其地理形勢如曲折洶灣坍塌似乎易成集夫挑挖導水順流保其堤埽無虞而事半功倍此引河應挑者若形勢頂衝無有曲折直射坍塌力不能挽工則難舉惟下埽幫堤堵護保其不測此引河不應挑者但引河挑成則大河改流與否難以預必在放引河之際水勢徑趨愈衝愈濶以奪全河之水可除衝塌之患矣如開引河之時水勢平緩不復再漲致沙淤塞

任其勞動疏鑿亦爲無益也總之黃河變遷通塞靡定惟在相機酌調耳採青之弊宜禁但採諸民間莫若照地派運不惟省砍伐之擾且免偏苦之歎至於衝決大工搶救一時不得不在附近採取以救燃眉似難拘於此例場廠之舊例宜復埽料錢糧關係甚重非廠書廠夫監守收支憑何責成濱河州縣自應一體設置以便督責其工食應查舊額支給廠書卽以河官書手克役廠夫卽以河夫克役至餘剩物料卽責成該書該夫看守既有

河防疏畧

卷之十三

六

寒香館

工食自宜常川伺候似屬妥便等因到臣臣查廠書廠夫一欵尚欠妥便復行票議今據該道呈蒙總河部院憲票前事仰道卽查廠書廠夫工食原額若干出於何項既係河書河夫又議支給廠役工食是否重支應否另選殷實克役卽刻議妥回報立等繕疏具

題毋遲速等因蒙此該本道覆查得廠書廠夫工食原有舊額就近調查祥符縣條鞭錢糧確數文冊內開廠書每名原額工食銀七兩二錢廠夫每

名原額工食銀六兩廠書廠夫久已奉裁止除荒徵熟解交河庫以備河工支用今議以河官書手克應廠書其河官書手自有本身應得工食於河夫內選克廠夫則河夫既免其修築工程自非重役亦不必額外另給工食糜費河帑惟每年於河夫正身內揀選平素守法殷實無碍者取具里長保結克應廠役則廠存物料責成廠書廠夫似爲妥便等因到臣該臣看得河患惟河南爲甚而修防之嚴密夫料之繁多較之他省尤費區畫此臺

河防疏畧

卷之十三

七

寒香館

臣余縉所以據其前任封丘閱歷於塞決大工者見之敷奏而有河防六欵之議也臣轉行司道屢加詳議據查得疏鑿之政宜講一欵河溜所衝無堅不克雖重堤累埽而坍塌蟄陷補救不遑故莫善於挑引河一着但形勢不同引河有可挑不可挑之異水性難定挑引河又有得成不得成之異是又在司河者相機設防期不致於潰決成害耳採青之弊宜禁一欵歲修柳料均派均運原不專事採青已經臣於夫柳爲河工大弊等事敬陳河

工管見等事疏內詳議具

題部覆奉有

俞旨 在案但歲修之工可以先期估派陸續催交至於

河勢驟變搶塞決工事機之來爭在呼吸若俱俟

一一分派運到而後舉事則險者必潰已潰者必

致不易收拾連年如塞雷家集決口槐疙疸決口

皆於境內亟採曠地堤路柳枝不動錢糧幸而告

塞已事昭然似又不便膠執一端坐成貽悞惟是

嚴禁河夫殘毀園圃果木及借端索詐有犯重究

河防疏畧

卷之十三

八

寒香館

不致擾民可也濱河之居民宜卹一欵查兩岸堡

夫率皆取之傍河居民既已効力河干何堪復克

別役所有本身門夫雜差似應量與豁免以示體

卹至於劈柴一項嚴禁已久併堡夫應辦課程俱

經前撫臣賈漢復於瀝陳堡夫之劇累等事疏內

查明具

題部覆奉

旨 在案相應仍照部咨通飭遵行者也遠郡之夫役宜

免一欵河夫苦役凡人之情未有不好逸而惡勞

者但塞決大工尚不免調及各省每年歲修夫數

雖少遠地既曰宜卹近者又曰河患原關通省不

宜偏累近地之民前按臣李及秀條陳疏內固已

曾言之矣况臣前覆按臣李粹然河夫之徵派當

更等事一疏河南一省原係分別遠近照地出夫

其在五百里外者仍議間年始一調用未嘗不曲

示寬卹至云免僉河夫派以供兵喂馬等役則差

徭各有分隸遠近未必相當彼此紛紜似屬不便

現今按臣劉源濬復有免夫解銀之議容臣會同

河防疏畧

卷之十三

九

寒香館

撫臣另議具

題以聽部覆可也堤柳之護視宜勤一欵河防之法

全資柳料若樹藝不繁即使錢糧不乏人力衆多

亦終於束手無策耳查部覆前河臣楊方興遵

諭敬陳河道錢糧一疏內開河干一帶有栽柳三萬株

及二萬一萬株者分別叙錄有栽柳不及三千株

并全不栽者分別參處總河臣

題報臣部具覆請

勅吏部查照勸懲奉有

再舉申明激勸大典疏

題為申明激勸大典事順治十八年八月二十一日

准吏部咨開文選清吏司案呈奉本部送吏科抄

出該本部會覆總督河道朱之錫題前事等因順

治十八年閏七月初五日奉

旨依議欽此欽遵抄出到部送司相應會同議覆該吏

部都察院謹遵

旨會議得總督河道統轄五省屬員頗多與巡撫止轄

一省者不同令每年河工告竣所薦官員議定額

河防疏畧

卷之十三

十三

寒香館

數應薦差出部司方面共五員有司十員佐貳四

員若逾定額不係管轄之官聽部院叅處所薦之

官不准註冊如在定額之內俱准註冊奉

旨之後行令該督照新題定例薦舉可也理合具覆恭

候

命下轉行遵奉施行等因順治十八年八月初六日奉

旨依議本內漢字首行遺落等衙門字着添補飭行欽

此欽遵抄出到部移咨到臣准此案照河屬歲修

例應甄別節經

題明奉有

俞旨今順治十七年河防告竣臣隨檄行各屬造報賢

否去後據各司道冊報前來臣復嚴加檢覈苟於

河道無關即他政可稱不敢濫登薦格果於河道

有裨雖他事難料不忍遽沒成勞謹遵定數彙列

薦剡以昭鼓勵至於闡茸溺職照揭叅處所有應

薦官十九員應劾官五員謹臚列為我

皇上陳之

計開

河防疏畧

卷之十三

十三

寒香館

應薦部司方面官五員

北河分司工部主事楊毓蘭築堤疏淺區

畫奔馳不遺餘力重運經臨多方驅僣

二千餘里之內片帆無阻可稱勤勞之

最係東竟道張弘俊開報

河南左布政使徐化成督徵河銀催辦夫

料殫力本行各屬諉玩之習為之一變

河防重計深賴勩係河南按察使范

廷元開報

濟寧道僉事方兆及濟地當南北要衝鳩工僭運銳意興釐河漕有賴而軍務絡繹供億不窮尤足徵其幹濟係山東布政使周天裔開報

大名道僉事許熙宇督疏衛流而運渠克濟捐置營械而漕汎有資至所屬河銀尤能先期嚴催盡數完解係北河分司楊毓蘭開報

懷慶府知府彭清典修堤植柳克勤河政

河防疏畧

卷之十三

十四

寒香館

而椿木一項通省各工取辦懷屬更能如期督解可為急公表率係河南管河道荆世爵開報

應薦有司十員

開封府南河同知崔維雅瀕河之荒度必周鳩役之怨勞不避至於搶救槐疙疸露宿竣工勤勞尤為難泯係河南布政使徐化成開報

開封府北河同知王鎮區畫修防精詳慎

必而率先群夫其苦與共洵云心力俱勞係河南管河道荆世爵開報

揚州府船政同知孔貞來分置淮浦王公堤清河口高家堰俱屬運道要害借箸董理任事維勤成勞歷歷可紀係揚州道杜澹開報

兗州府張秋捕河通判呂振之疏淪深通漕艘賴以飛輓鎮城一帶督理繕葺亦覺煥然改觀係東兗道張弘俊開報

河防疏畧

卷之十三

十五

寒香館

揚州府管河通判趙鼎新河漕水利修舉廢墜無不悉心擘畫而艱瘁不辭尤見任事之勇係揚州道杜澹開報

河南府推官黃綬除弊懲奸河蠹欽迹夫食編徭尤能加意稽覈涸冒悉清係河南布政使徐化成開報

揚州府推官王士禛清釐河餉嚴剔蠹胥一切河工號件無不先勞從事而品階尤能詳慎係揚州道杜澹開報

寶應縣知縣王全春徵調有方漕河利賴

復能究心水利誠河干之能吏也係揚

州府推官王士禎開報

偃師縣知縣遲煊夫無通迹工無曠缺河

銀柳料更能輸解如期係河南布政使

徐化成開報

魚臺縣知縣徐之鶴運道界兩湖之中不

動帑金而備樁固堤克濟牽輓係濟寧

道方兆及開報

河防疏畧

卷之十三

十六

寒香館

應薦佐貳四員

兗州府經歷宋濬委督挑河勤勞克著係

兗州府知府王全忠開報

商丘縣縣丞陳士性堵塞決工盡心底績

係睢陳道柯士芳開報

館陶縣主簿楊振率夫溶河克勤乃職係

北河分司楊毓蘭開報

考城縣典史李蘭馨委收柳料勤慎急公

係管河道荆世爵開報以上各官所當

薦揚以備叙錄者也

應劾官五員

西華縣知縣王鎮寰

一本官怠玩成性該縣原派協濟儀封

柳梢六千七百餘束二三月提催藐

玩不前延至六月中始陸續運到

一本官馭下無法該縣協濟祥符封丘

北岸河夫共七十八名五月中旬始

到工所屢次報逃催提不應如聾如

河防疏畧

卷之十三

十七

寒香館

曠係河南布政使徐化成揭報

豐縣知縣陳祖煥

一本官年將衰邁吏治廢弛河工急需

呼應罔効

一本官領過本年料銀及十七年未完

料價共四百二十八兩零應辦柳三

萬六千九百三十五束屢次嚴催尚

欠柳一萬六千八百餘束未完係淮

徐道項錫胤揭報

鄒縣縣丞吳正

一本官足跡不至泉所該管淵源柳青三角灣等泉土於草塞幾為平地亦竟不知

一本官曠廢職掌節經申飭從無隻字回報

一本官泉流入泗之處聽士民爭疏爭塞既不報明亦無管攝視若他人之事係南旺分司張有光揭報

河防疏畧

卷之十三

十八

寒香館

堂邑縣主簿王道行

一本官所轄河道並不關心以致挑河之時各夫偷安工程多誤

一本官性耽懶惰委靡不振詢以工程丈尺該管夫數茫然不知係北河分司楊毓蘭揭報

儀封縣主簿龔光美

一本官景逼桑榆血氣已衰繁苦之地難以勝任係河南管河道荆世爵揭

報以上各官所當分別議處者也伏乞

勅部再加覆覈如果臣言不謬將楊毓蘭等酌量叙錄王鎮寰等分別議處庶勸懲聿彰河事有賴矣

順治十八年十一月 日題本月十七日奉旨吏部知道

河防疏畧

卷之十三

十九

寒香館

遵例考滿疏

奏為遵

例考滿事照得內外各官歷俸三年俱令考滿先經吏

部題

准欽遵在案該臣現年四十歲浙江義烏縣人叨中丙

戌科進士游歷中秘繼濫佐銓順治十四年七月

十九日欽奉

上諭陞兵部尚書兼都察院右副都御史總督河道提

督軍務十月初八日到任十五年二月初七日丁

河防疏畧

卷之十三

二十

寒香館

母憂奉

旨任守制十六年七月內吏部為搶修險工告竣等

事一疏因遺落料值等字部覆罰俸三個月奉

旨着免罰俸十六年十二月內該臣奏為徹臣禛禔已

近等事奉

旨特准暫假扶柩歸葬臣隨於十七年二月二十五日

交代離任十七年四月內吏部為欽奉

上諭事一疏甄別督撫奉

旨照舊供職又為申報坍塌城垣等事一疏因捐助城

工奉

旨紀錄一次嗣臣於十七年五月內服闋十二月初二

日遵

旨復任十八年四月內吏部為各屬勸賑事竣等事一

疏因賑濟饑民奉

旨加太子少保五月內吏部為

奏銷睢寧等事一疏因土方數目互異奉

旨罰俸六個月十一月內吏部為遵

旨自行回奏事一疏因察議楊西符一案不明部議罰

河防疏畧

卷之十三

三十一

寒香館

俸一年削去紀錄一次免其罰俸奉

旨依議欽遵在案自順治十四年十月初八日起至十

七年二月二十五日止連閏共二十九個月零十

七日又於十七年十二月初三日起至康熙元年

正月十七日止連閏共十四個月零十三日除罰

俸六個月不筭外前後通計實歷過正二品俸三

年零二個月例應考滿伏念臣駑鈍凡材謬荷

世祖皇帝破格知遇畀以總河重任雖切奮報之志終深

短絀之慚數載以來日夕惴惴嘆乾則淺阻是患

漲潦又衝潰是虞第勉效補偏救弊之圖實莫解
勞民傷財之戾雖仰賴

國家如天之福洪流獲免於汎濫漕艘未至於後期
總皆徵倖使然安有寸長足錄况考功有議猶蒙
宥過之慈循分無奇

特加晉秩之寵受

恩徒深而涓埃莫效歷時愈久而愆咎彌增此臣於黜

幽

大典誠有寤寐省循難以自恕者也至臣居憂日月尤

河防疏畧

卷之十三

三

寒香館

屬尸素但既係蒙

恩食俸三年考績原有定期謹循例具疏仰塵

睿鑒伏乞

勅部嚴加考覈特行罷斥以為溺職者戒臣無任惶悚

待

命之至

康熙元年二月 日題本月十六日奉

旨朱之錫着復職應得恩典察例具奏

吏部覆前疏

題為遵

例考滿事該本部覆考功清吏司案呈奉本

部送吏科抄出該河道總督朱之錫題前事等因

奉

旨朱之錫着復職應得恩典察例具奏欽此欽遵抄出

到部查得順治十三年十月內四川巡撫李國英

三年考滿奉

旨加太子太保廕一子入監讀書又查順治十八年八

月內奉

河防疏畧

卷之十三

三

寒香館

旨三品以上官員考滿照滿官例給與應得誥命級正

羊酒其廕子入監着停止今河道總督朱之錫奉

有着復職應得恩典察例具奏之

旨應照例

賜羊酒給與應得

誥命表裏各三疋察本官見係太子少保兵部尚書應

否加銜出自

上裁奉

旨朱之錫賜羊酒給與應得誥命表裏各三疋

河防疏畧卷之十四

義烏朱之錫梅麓甫著
關里屬員孔貞來元起訂
稽山後學徐 沁埜公輯

呈報石香爐决工疏

題為呈報河勢坍塌情形事康熙元年五月初七日
據兗西道魏紹芳呈據兗州府管理黃河同知倪
綿祖呈稱曹縣境內黃河石香爐一工大溜北側
竟成頂衝去歲五月內將潭坑南面新大堤坍塌
勢如剝膚卑職遵蒙屢檄嚴督該縣多方設辦於

河防疏畧 卷之十四 寒香館

大堤內備堤繆家莊前二次共下過埽九十箇又
將備護二堤加幫高厚先經完工呈報在案嗣蒙
本道率同卑職等相度形勢雖備堤東北有護堤
一道然不能包過南面河頭且備護二堤止能防
出漕泛水不能禦其從底掃刷議於安家莊後創
築大月堤一道計長八百丈後正在督夫備築河
勢忽又上提仍不能包過河頭於月堤南頭又續
估堤工六百丈前後估工共長一千四百丈調集
曹州金單等縣并縣額夫築做未敢請動錢糧嗣

以工大夫少具詳允集鄉夫一千名畫地分工多
方勸勞晝夜備做幸於四月二十日告竣訖不意
南岸生灘洪流盡走潭坑之內套灣距備堤僅二
十九丈自四月十二日起至二十七日止先後共
坍去二十七丈節次揭報在案緣蒙總河部院檄
催設備埽料將新堤護埽備堤裡面加幫派撥防
守等因卑職隨於新堤東頭一段長五百丈地勢
低窪喫緊之處估護埽一層計一百箇業蒙詳允
捲下併在備堤幫築防守間於四月二十八日卯

河防疏畧 卷之十四 寒香館

時起至二十九日丑時止又塌進一丈五尺將去
年備堤南面護埽塌去五箇并堤坍去五尺卑職
督同人夫在於新堤星夜下埽備護忽於五月初
一日巳時起至申時止黃水陡長五尺五寸又酉
時起至初二日辰時止又長三尺共長八尺五寸
將備堤坍斷水入新築月堤之內卑職率夫於新
堤根加套埽箇并多編風埽奈水湧聚比堤高尺
餘於新堤東頭漫開水口一十八丈將口間新下
埽坍去幸而水口現深止八九尺但恐變遷難定

除現今星夜集夫二千餘名分散採柳竭力堵塞外卑職自去冬至今身親畚鍤拖泥帶水設辦物料兼工搶築未敢時刻少懈委係水從堤底搜塌又兼高過漫水實非人力可爭相應據實飛報等因又據曹縣申同前事各等因到道據此該本道看得曹縣石香爐南岸生灘逼水直射套灣備堤坍塌已近本道親詣勘度恐不能保隨於後百估築月堤以包全勢不避勞怨糾集鄉夫晝夜僱工四月甫成而備堤搜塌愈急復經遵檄下埽搶護

河防疏畧

卷之十四

三

寒香館

不意水長八尺五寸刷透備堤新堤之內積水高出遂致漫漫水口十八丈本道即刻單騎馳赴石香爐親督下埽刻期堵塞不致遲悞外所有漫決緣由相應飛報等因到臣該臣看得曹縣黃河石香爐一工大溜北衝坍塌日急臣屢經嚴檄一面幫護外堤一面搶築內堤一千四百丈並預捲埽筒以防不虞諄且切矣據報新堤甫經告竣設辦椿柳捲下護埽而水汛驟長外堤河頭已從地底攻刷衝至新堤以致漫決雖洪流暴漲洶湧

難支而經管之黃河同知倪綿祖曹縣知縣陳澄心主簿陳方併督催之覓西道魏紹芳職守攸存疎虞之咎臣實不能為之寬也除臣現今馳赴勘閱仍嚴飭各官星夜堵築外相應照例

題參伏乞

勅部分別議處施行

康熙元年五月 日題本月 日奉

旨倪綿祖等議處具奏該部知道

河防疏畧

卷之十四

四

寒香館

董口閉壩疏

題為呈報水勢事康熙元年五月十三日據淮徐道
項錫胤呈據淮安府分官邳宿河務同知張四維
揭報董口黃水泛漲侵口倒灌見在進埽閉壩緣
由到道據此除一面行令該廳嚴督印河各官齊
集人夫物料相機捲埽堵禦以防沙淤外本道慮
恐耽延隨即單騎星赴董口料理擬合呈報等因
又據中河分司劉世豸呈據宿遷縣主簿杜榮春
揭報本月初二日黃水漲五寸一夜復漲一尺五

河防疏畧

卷之十四

五

寒香館

寸又兼西南風揚波迴溜侵口倒灌隨率夫星速
搶做下過馬頭埽四箇見在進埽閉壩等情到司
該本司呈馳至董口帶領河官并埽手逐段探量
頭壩內水深五捺二壩以上水深六捺三壩以上
水深七八捺不等率夫晝夜進埽已於初四日閉
合龍門訖俟黃水稍落相機開壩另報外擬合呈
報各等因到臣該臣看得黃運交匯之區黃強清
弱濁沙倒灌斷所不免今歲運河以去年久旱來
源未免細微猶幸多方疏導船行無阻不意黃流

漲發甚早董口先於四月初五日據報倒灌築壩

已完隨于初七日黃落清勝壩幸衝開臣復嚴檄

另築預備以防再漲去後而南河司道亦報黃灌

清口時長時消臣既恐黃落淤塞運河而彼係順

流與董口形勢不同時當撞艘盛行若一築斷則

沙停壩外亦費疏通非可屢啓屢閉事屬兩難臣

一面嚴檄司道酌量溶防一面尅期南巡而曹縣

黃河忽有漫決之報臣復兼程西馳今於工所復

據該司道報稱五月初二日董口黃水又漲已於

河防疏畧

卷之十四

六

寒香館

初四日閉壩訖雖口外糧艘不無姑待然不築壩
暫過則濁沙浸入立成淤澱即欲勉強行船亦不
可得此固有不得不然者也臣現在山東曹縣勘
閱黃河除先經差官守催南河司道勘計清口形
勢併一面嚴飭中河司道各官駐守董口相機開
築務期設法濟運外所有董口閉壩緣由相應題

奏伏乞

聖鑒施行

康熙元年五月



日題本月



日奉

旨該部知道

河防疏畧

卷之十四

七

寒香館

曹工黃水陡漲疏

題為黃水陡漲衝埽侵堤萬分危急事康熙元年五月十八日據兗西道魏紹芳呈據兗州府管理黃河同知倪綿祖呈稱曹縣石香爐新堤衝漫決口量寬十八丈已經呈報在案卑職晝夜督率官夫下埽堵塞奈原備護埽物料有限雖設法採辦難以足用幸蒙本部院本道親蒞嚴督夫車物料漸集查自五月初二日起至十五日止西壩共下過沉水廂邊肚埽三十八箇東壩共下過沉水廂邊

河防疏畧

卷之十四

八

寒香館

肚埽二十三箇止剩金門八丈水勢平緩又恐龍門一閉水積金堤莫支正議沿堤捲埽於本月十五日大河亦長二尺堤根俱有漫水卑職慮恐衝埽傷堤隨於兩壩捲埽套壘并於新堤套護編立風埽間忽於十六日丑時黃水又漲二尺有餘急溜洶湧將西壩邊埽衝去三箇壩工平糞幸而退後套埽方能保守其東壩原係水勢直趨之處又兼水至護堤灣回溜夾攻極力套壓竟不能保致將埽箇盡行衝去目今新堤一帶前水落露灘之

區俱係水浸見在逐節分汛晝夜防守并有水浸之處立刻填塞外但決口已成大溜不惟急切未能期効竊恐龍門愈窄水勢愈急新堤又生別患除一面於東壩亟下裹頭埽筒使堤不坍塌西壩加埽套壓保守壩基仍須將新堤一千四百丈已下埽者急行加埽未下埽者作速搶下沿堤有備然後於決口相機進埽方為萬全之計但應用物料浩繁雖該縣柳束採取尚稱不乏而各料猶需買辦且本縣夫少力疲實難濟事伏乞本道轉詳

河防疏畧

卷之十四

九

寒香館

總河部院照例請派協濟夫車量行估計俾夫料畢集兼工償做方克奏功若專指該縣夫料顧彼失此終恐貽誤况伏秋立至危在旦夕倘致新堤再潰外無抵塘洪流散漫奪河妨運卑職等固不足惜其所關於

圖計民生匪淺鮮矣事千萬分緊急相應激切呈請等因到道該本道先據石香爐報決隨即單騎赴工相視決口水勢乎漫壩頭已護逐日坐駐工所督催下埽忽於十五十六兩日水長四尺有餘衝

射金門排山倒海本道暨廳印官督率官夫極力套壘無奈水勢愈漲搜刷壩根底埽搖動西壩幸而保全東壩悉被衝去探量金門水已深不可測萬分洶猛智力俱窮此固本部院所躬親目擊者為今之計惟有添夫集料應護者護應套者套應再加幫者盡數加幫惟是曹縣獨力難支除另具詳請照別省小工之例於隣近州縣量派協濟并應用物料俟守催該廳酌估另詳外本道惟有拮据盡瘁督率廳印等官晝夜堵防以庶幾人定勝

河防疏畧

卷之十四

十

寒香館

天而已所有黃水復漲情由相應呈報等因到臣該臣看得曹縣石香爐黃河潰決道廳印河各官均屬疎虞臣已據報繕疏

題參在案隨於本月初十日馳至工所查勘決口西壩已經護埽水勢雖微然時迫伏秋漲發不測臣憂心如灼當督飭道廳等官加夫措料晝夜償工十五日據該廳稟稱決口金門止剩八丈乃十五十六兩日之間水汛果長急流洶猛衝掃護埽漸濶漸深臣日擊心駭一面督令退後裹護一面

圖保護全堤閉塞決口之計據該道詳稱需用夫料該縣獨力難支議照別省小工隣縣協濟之例酌調濟急誠屬萬不容已猶幸境內柳株不乏尚可採用但東省黃河連年工簡較之河南習經塞決工多夫衆可以移緩就急者勢甚懸絕誠恐夫料不湊因循日久收拾愈難除臣已經檄行該道轉行該廳所轄六州縣量協夫車採運柳料次第築做如有怠玩從事者容臣叅奏議處其工程料物一應數目另俟詳到題

河防疏畧

卷之十四

十一

寒香館

報日今河南江南各屬黃河處處告急但此工重大臣必駐守督催漸有頭緒方敢星馳沿河勘督除督飭竟西道廳料理決口其河南附近險工臣仍往來查勘併分頭嚴檄司道廳印官親駐河干加意防守外所有石香爐黃水復漲量調夫車協濟綠由既經該道呈詳前來相應題

報伏乞

睿鑒施行

康熙元年五月二十三日題六月十六日奉

旨工部知道

河防疏畧

卷之十四

十三

寒香館

特參河南南岸疎防各官疏

題爲特參河南南岸疎防官員事康熙元年六月初三日據河南管河道荆世爵呈爲申報黃河水汛飛溢情形事本年六月初二日申時據開封府南河同知崔維雅揭報六月初一日未時據祥符縣稟據本縣軍河縣丞趙德弘報稱本月初一日丑時南岸步李寨並劉家店大河黃流飛漲兩處倒灣連前共漲水一丈一尺兩處漫堤而過各有丈餘查步李寨離大河二十里劉家店離大河十八

河防疏畧

卷之十四

十三

寒香館

里等情到縣卑職隨即親詣河干督差快役催夫千有餘名辦柳者辦柳運土者運土極力搶救大約五日內易於報完等情據此卑職日來查問沿堤堡老水手人等咸云今歲河患非常二十年來不曾再見據沿河報險如中牟黃練集河流與遙堤相平蘭陽縣梁家埠口河勢激刷堤岸危急祥符縣辛莊河流激射與堤相平一覽臺河勢與堤無分高下槐疙疸時時報急職沿堤查催申飭印河官加意嚴防甚而步李寨並劉家店河勢倒灣

飛漲至一丈餘漫溢堤頭兩處距大河二十里十八里不等目今全力搶救務期數日報完斷不敢時刻遲延俟搶救完固另容申報外今將南岸危急情形並一時溢堤河患等情到道本道單騎親詣搶救外理合呈報等因據此續於本月十七日據該道呈稱遵蒙嚴檄隨即轉督廳印各官上緊堵築并查取各官職名去後續據南河同知程維雅呈稱查看步李寨原係昔年衝潰過舊埽壩已經二十餘年今黃流飛漲又兼地勢低窪埽朽壩

河防疏畧

卷之十四

十四

寒香館

伏漫堤而過寬有三丈餘水深有二三尺不等卑職督催埽料夫役搶救兩晝夜於本月初三日築完已經揭報訖劉家店係纜水小堤東北湖波無際西北一帶地勢頗高水漲丈餘倒灣傾聚線堤豈能支持溢決寬有四丈餘水深有三四尺不等自初四日督催埽料人夫搶救兩晝夜於本月初六日築完已經揭報訖目今兩工俱在壩上築做月堤堤外酌加邊埽風埽以防水汛約計五六日內俱報竣今將河勢情形並印河官職名擬合呈

報等情到道該本道查看得祥符南岸步李寨原
係二十年前衝潰過舊埽壩年久埽朽今值黃水
暴發浸泡蟄伏漫决過堤寬有三丈餘水深二三
尺不等至於劉家店原係縷水小堤西北一帶地
勢頗高東北湖波無際水漲丈餘倒灣傾聚縷堤
一决寬有四丈餘水深三四尺不等二處丑夜溢
决人力難施廳印河官疎防之咎固爲難辭幸而
未成河患三五日內旋卽堵塞完固今將决口寬
深並疎防各官職名擬合呈報計開南河同知崔
河防疏畧 卷之十四 十五 寒香館

維雅祥符縣知縣馬絳張軍河縣丞趙德弘據此
又於六月十九日據該道揭據南河同知崔維雅
報稱本年六月十四日亥時據中牟縣報稱大河
堆圍黃練集遙堤埽斷大河水漲二尺卑職駐守
堤岸見全河向堤內傾瀉情形危急隨率官夫在
月堤殫力防禦理合揭報到道本道一面卽刻馳
赴督率廳印河官埽手夫役相機在於月堤加意
防禦外理合揭報等因據此又於本日據該道揭
稱黃練集河勢堆圍埽壩危險萬分緊急本道於

十五日親詣星夜赴彼查勘搶救十六日午時行
至萬勝集據該廳揭稱六月十五日未時據中牟
縣揭報黃練集河水陡漲五尺洶湧異常水流堆
擁比南月堤還高一尺勢如排山倒海將月堤東
頭王家莊東潰陷處所約寬有五六丈人力莫救
南岸水已漫流隨急督夫擡土搶救奈水漲不停
堤頂過水等情到職卑職率印河官并總河部院
差官許世芳管河道委官白碧畫地分汛在月堤
頭督催人夫燈籠火把沿岸防禦奈全河傾瀉滯
河防疏畧 卷之十四 十六 寒香館

天水溢南堤擡土暫禦西激東撞勢難抵擋從王
家莊東月堤下翻花水湧備極堵塞壅潰堤開月
堤西頭一段長四十餘丈較之兩邊堤岸地勢原
窪今水高堤一尺卑職同印官等督催人夫上面
搶築加高但黃水飛漲一夜至辰刻漲至五六尺
漫堤流過人力已竭呼天莫應俟水勢消落相機
綢繆異常河患理合飛報等情到道除星馳赴工
外俟查勘情形另報等因據此又於六月二十日
據該道揭報本月十五日定更時分黃練集王

莊東南月堤又潰一處約寬有三四丈除一面督
令廳印河官集夫辦料俟水漸消興工上緊堵塞
等因據此該臣查據文內原估埽箇曾否捲下併
衝決日期各官職名開報含糊當卽嚴行查報去
後今於本月二十四日據該道呈據該廳呈稱查
得元年原估月堤一千一百丈不計錢糧所計邊
埽八十五箇備護月堤原慮遙堤河勢侵埽臨時
相機酌下埽箇是以遙堤未潰之先在內月堤不
敢輕下邊埽貽糜費之咎不意於六月初十日戊

河防疏畧

卷之十四

十七

寒香館

時河勢忽變堆圜掃灣坍塌異常至十四日共蹋
去四十餘丈逼近遙堤隨行蹋斷刻刻危險卑職
突值危急河患率印河各官在月堤分汛防禦看
兩頭地勢窪處捲下護埽十三箇但十五日辰刻
河水陡漲五尺全勢傾注止有進路並無去路南
月堤一處漫溢東月堤兩處潰陷人力已竭勢難
抵禦幸至十九日河勢漸走北岸二十二日卑職
親看遙堤刷斷處所漸漸搭沙南堤口河流淤淺
東南堤口水溝淺窄東北堤口水溝亦深不過三

尺月堤內外俱露沙灘俟七月中旬後秋水少定
次第築修工完之日另行呈報今蒙行查一一據
實回報等情到道據此該本道查看得黃練集河
勢危險本道屢行嚴飭廳印河官幫築捲下期保
萬全因河勢北流不敢輕糜錢糧奈黃流頃變暴
發洶湧異常有非人力所能勝者然典守攸在職
與廳印河官均難辭責所有疎防職名開封府南
河同知崔維雅中牟縣知縣朱之翼管河縣丞惠
文彥一併開報除一面嚴督星夜集夫辦料上緊

河防疏畧

卷之十四

十八

寒香館

堵塞外但慮秋水漲發難以定限俟水勢稍定極
力築修工完另行呈報等因到臣該臣看得伏秋
黃水長落不常臣預料今歲節序較早又因河防
水候驗之春汛水長一寸則伏秋約長一尺先據
北河同知報稱清明水長二尺臣節次嚴飭各屬
司道等官一應估修各工務期及早築堤相機捲
埽并境內兩岸舊堤力行風雨晝夜四防官民二
守之法倘河勢驟變仍隨機撥護以保無虞不啻
嚴切再三矣乃臣於曹縣工所初三日忽接河南

祥符縣步李寨劉家店初一日漫決之報適同時
接據中河分司呈報邳州張家灣攻透重堤黃水
逆流灌入清水舊河已逼護城堤下此處北岸緊
隣加河倘有疎虞恐阻運道臣一面將曹工事宜
備開單日特發

令旗守催道廳并調運河同知赴工協同料理一面
移咨河南督撫臣就近督飭仍行管河道廳等官
刻期堵塞并查取決口確實情形各官職名去後
而臣隨即策騎南下途次復接宿遷直河遙堤坍

河防疏畧 卷之十四 十九 寒香館

塌清黃相抵報文臣心膽欲碎兼程抵邳幸司道
在工謹守城堤未致北潰仍立飭添夫集料多方
防救并搶築直河小月堤一道以免黃水侵運復
發

令旗守催司道駐工相機督理臣仍自邳回曹并赴
河南助閱行至徐州據河南道廳揭報步李寨劉
家店兩工已於初三初六日幸而堵築及至定陶
而黃練集十五日決口之報又至矣臣於二十三
日抵汴查步李寨劉家店漲水全耗兩口俱已堵

完但加築護口月堤工尚未竣至於黃練集一工
所估埽箇據稱前則以遙堤之外河勢未坍新堤
未行捲護繼於數日之間河流環掃遙堤塌陷搶
護新堤則已無及雖河變汛速然審度網繆之謂
何道聽印河各官疎防之咎均屬難逭查步李寨
劉家店兩工經管印河官則祥符縣知縣馬絳張
軍河縣丞趙德弘黃練集一工經管印河官則中
牟縣知縣朱之翼管河縣丞惠文彥經管廳官則
開封府南河同知崔維雅而管河道荆世爵則實

河防疏畧 卷之十四 二十 寒香館

有督催之責者也除臣一面嚴飭各官僭築祥符
月堤并籌計夫柳堵埽黃練集決口其黃練集原
估埽料見存數目臣已一面確覈并勘過決口情
形容臣另疏具

題外所有疎防各官相應

題叅伏乞

勅部分別議處施行

康熙元年六月二十六日題七月二十日奉

旨馬絳張等着議處具奏該部知道

續報黃練集決口情形疏

題為續報親勘黃練集決口情形事案照黃練集新

堤潰決已經特疏

報叅在案臣一而確查并督率道府廳縣各官詣工逐

一探閱嗣據管河道荆世爵呈據開封府南河同

知崔維雅呈稱黃練集河勢六月十五日以前全

河傾注堆圜掃灣坍塌遙堤刷斷洶湧滔天月堤

一處溢流兩處潰陷至十九日以後大溜北開決

口漸搭淤沙今議口門外水溝相機鋪埽牛上而

河防疏畧

卷之十四

三十一

寒香館

築月堤底八丈頂四丈高一丈二尺所用柳草芟

纜係夫採辦椿蔴車輛本縣自備不計錢糧其月

堤原估存廠物料如用應在月堤內捲下邊埽完

日報銷如不用留明年估計決口不敢支用等因

到道據此本道覆查得黃練集堆圜掃灣坍塌遙

堤刷斷水至月堤飛漲泛濫月堤盡潰幸大溜開

走北岸決口漸搭淤沙口門外鋪埽埽牛築坐月

堤需用料物採辦設備原估物料仍於月堤捲護

完日開銷如或不用另行估用等因到臣該臣

得今歲黃河湧漲歷年罕有南北兩岸無不幾幾

平堤甚有搶築子堤幸而捍禦者而河南北岸如

陽武之姜家莊祥符之廠門前貫臺考城之王家

道口孝城集或俄頃變遷震撼無定或立透重障

僅保內堤此皆北趨天津故道尺寸疎虞便成大

患臣兩月以來蓋無日不魂驚膽墮也至若黃練

集新堤潰決道廳各官職守攸存自難辭咎而以

全河論之幸在南岸復處上流漲水旁分北岸陪

危猶得藉以少殺乃臣所慮者黃練集大河自去

河防疏畧

卷之十四

三十一

寒香館

歲南侵坍塌老堤月堤牛角堤估築遙堤未幾而

坍塌漸近復於堤後亟築月堤五月以前屢據呈

報河勢平定忽於六月初十日後數日之間塌斷

遙堤而新堤遂不克守夫以全河倒灣之勢潰溢

而南塞決之工斷非容易及臣登舟親探遙堤之

外忽成檻限大溜反徙北岸攻刷東下月堤決口

漸已搭沙此實仰賴

國家洪福有非人謀所可計料者也臣已行令道廳

各官調集額夫採辦草柳等料勒限築塞刻期可

竣無庸另行估計至於本工原估護根草埽八十五箇前據報已下十三箇現在月堤其未用埽料若秋水漸綿仍行節存據實報銷留為下年估用可也除一面嚴督興工外所有勘過情形相應題報伏乞

容鑒施行

康熙元年七月初九日題八月初五日奉

旨工部議奏

工部覆前疏

河防疏畧

卷之十四

二十三

寒香館

題為續報親勘黃練集决口情形事工科抄出該本部覆總督河道朱之錫題前事等因奉

旨工部議奏欽此欽遵於八月初六日抄出到部該臣等看得總河臣朱之錫疏稱黃練集新堤潰决臣登舟親探大溜反從北岸决口漸已搭沙行令道廳各官集夫勒限築塞刻期可竣至於本工原估早埽八十五箇已下十三箇現在月堤其未用埽料若秋水漸綿仍行節存留為下年估用等因具題前來相應仍請

勅下總河臣嚴飭各官勒限築塞其本工未用埽料應於工完之日造冊報查可也奉旨依議行

河防疏畧

卷之十四

二十四

寒香館

水患延袤數省疏

題為水患延袤數省分理河務需人特

請嚴飭責成以圖共濟事竊照今歲陽侯肆虐自夏徂

冬北直河南山東江南無時無地不以巨浸稽天

懷襄洚洞之勢頽呼叠告臣數月以來雖焦唇繭

足差檄四馳而無如百川交漲人力之經營已瘁

天河之汎濫無休猶幸河南新潰各堤分頭督責

已經補築尚有武陟沁河之下封村中牟黃河之

黃練集二處雖塞工易施必須夫料輻輳晝夜兼

河防疏畧

卷之十四

十五

寒香館

工方可尅期底績且南北兩岸頃經秋水創殘之

後河身改徙新險倍增來歲之防急宜預計各府

廳官固係分內職掌而管河道荆世爵已經降調

呼應不靈深恐貽誤除臣仍嚴飭該道勉力振作

料理候代但河道遼濶事緒繁多地方監司原有

責任臣復行河北道吳柱分守大梁道王來用新

任惟陳道恭含靈同心協力各將所轄境內河道

勘度鳩僦期於克濟倘有疎誤一體

題叅至山東石香爐一工臣駐工數月督集夫柳漸

有成緒不期八月異常水勢已成之壩套壘層層

東壩復變頂衝隨護隨蟄無有底止費料已屬不

貲且溜射决口一日數變淺處皆深工程料物全

藉廳官董理而原任黃河同知倪綿祖經臣

題叅復緣別案解任雖已檄行該道遠委單縣知縣

韓第代署臣復多方鼓勵頗著成勞然事屬兼攝

未免分營所尤難者該管道官所轄不過數縣夫

柳各項不得不取之附近協濟該道緣事關區屬

未免威令難行而州縣印官又以徵夫問料無非

河防疏畧

卷之十四

十五

寒香館

歛怨任勞之事其間急公如歸德府知府宋國榮

商丘縣知縣劉之驥督採小柳三十萬源源濟工

署豐縣事沛縣知縣郭維新採運大柳五萬咄嗟

而辦固亦不乏其人然抗玩推諉一夫不出如滕

縣知縣李含蓋者不一而足容臣另疏甄叙勸懲

外近又江南一帶桃宿淮揚所在漫溢臣一面頒

發

令旗嚴督該司道赴工搶修所有水勢情形一面勘

確另

報第臣欲坐守曹工則長河千里顧此失彼若舍之而南又恐飭催無人夫料渙散萬一坐失三冬轉盼桃汛不特收拾倍難必致前功盡棄此臣不得不總總過慮者也今一切應添夫料臣已規畫粗定合無仰請

皇上軫念河工重計無論隔省隔屬附近協濟曹縣夫料州縣暫許該道徑自詳明移行提催如有抗玩揭報叅處庶事有責成人心悚惕決工告竣有期而臣分身南巡亦得免於却顧之懼矣伏乞

河防疏畧 卷之十四 七 寒香館

勅下工部議覆施行

康熙元年十月十六日題十一月初一日奉

旨該部議奏

工部覆前疏

題為水患延袤數省等事工科抄出該本部覆總督

河道朱之錫題前事等因奉

旨該部議奏欽此欽遵抄出到部該臣等看得總河臣朱之錫疏稱今歲自夏徂冬北直河南山東江南無地不以巨浸疊告但河道遼濶事緒繁多臣復

行河北道吳柱大梁道王來用惟陳道蔡含靈同心協力期於克濟至山東石香爐一工全藉廳官董理原任同知倪綿祖別案解任雖已檄行該道遠委單縣知縣韓第代署然事屬兼攝未免分營所尤難者夫柳取之附近協濟該道緣事關隔屬未免威令難行今一切應添夫料無論隔省隔屬協濟曹縣夫柳州縣暫許該道徑自提催如有抗玩揭報叅處等因具

題前來河務緊急所有各州縣協濟曹縣夫料暫許

河防疏畧 卷之十四 七 寒香館

該道提催完工可也奉

旨依議

河防疏畧卷之十五

義烏朱之錫梅麓甫著

闕里屬員孔貞來元起訂
稽山後學徐沁堃公輯

特叅抗玩有司疏

題為特叅抗玩有司以儆效尤以濟急公事案准工

部覆臣題為黃水陡漲衝埽浸堤萬分危急事一

疏內開應請

勅臣嚴飭各官照例量協夫車採運柳料速行堵築如
有各官怠玩違誤即行指名

河防疏畧

卷之十五

十一

寒香館

題叅以憑從重議處等因奉

旨依議行欽遵通飭在案查石香爐一工臣專駐督催

漸有成緒不期秋水異漲極力套護兩壩僅全急

溜深洪較前加倍應添柳料除竟屬附近州縣外

其餘道路稍遠車運艱難不得已於隣省接壤州

縣採運濟急而道廳各官估探决口尚須捲下大

埽三百有餘時日迫促即日下二埽猶恐歲終不

能底績奈在工之夫除搬運柳草芟繩椿檝各項

雜役頗多推埽壓土日不暇給且乘此水定議挑

引河特行兗州府於兗屬未派運柳州縣調夫協

濟不意催提將近一月杳無一夫到工而滕縣知

縣李含蓋計遣奸里王化遠投呈求免臣已量加

責飭該縣又復抗申堅執一夫不出若人人效尤

則决工停延無時得竣轉盼桃汛雖百倍人力猶

恐未易收拾也除仍嚴飭該府勒限催解倘有違

玩續疏

題叅所有該縣抗誤急工緣由相應特叅伏乞

勅部從重議處施行

河防疏畧

卷之十五

十二

寒香館

康熙元年十月七日題十一月初一日奉

旨李含蓋着從重議處具奏該部知道

酌估曹工疏

題為決工水勢倍劇物力措處維艱請祈速賜酌估以無誤堵塞事據兗西道魏紹芳呈據署兗州府黃河同知事單縣知縣韓第呈據曹縣申准管河主簿陳方牒稱石香爐黃河大溜改徙北流衝潰新月堤初計止寬十八丈彼時星夜督夫採辦埽料極力堵禦工程將竣不期五月十五日水長衝刷漸濶漸深退後裹頭屢被衝失爾時相度大勢約估大柳一百六十萬中椿芟纜草束留概隨採

河防疏畧

卷之十五

三

寒香館

隨用大椿木榦蔴用價辦買其柳束已蒙總河部院分派兗屬勸諭輸運除捲護合壩外一面於七月十五日興工至八月十二日兩壩共下過埽工六十餘丈謂可計日成工不意八月內秋水暴發洶湧異常一切物料已下之埽復被墊陷將到工柳草幾為漂沒東西築成壩臺又費套墊實計水口尚有九十六丈較之六月深更兩倍需料愈多伏乞轉詳請加物料以便僱工等情到縣准此該本縣覆勘無異相應申詳等情到職據此該卑職

查得曹縣石香爐決口前於五月初間始決之際僅寬一十八丈蒙總河部院同本道并前任倪同知晝夜堵塞止剩龍門八丈未經塞合忽於五月十五十六兩日黃水復漲較前倍甚口愈掃而愈寬底愈刷而愈深極力搶救西壩幸而保固然日晝套墊兩埽未嘗停手至東壩屢經退後裹護無奈水勢滔天漲發不定彼時就近採用柳二十餘萬隨下隨被衝激墊陷一時智巧俱困人力難施一面調夫修築月堤一面採辦物料相機興舉隨

河防疏畧

卷之十五

四

寒香館

蒙總河部院酌派曹縣柳三十萬束曹州柳二十萬束單縣柳二十萬束定陶縣柳六萬五千束城武縣柳三萬束又慮不足敷用復行兗州府除派過五州縣外於未派二十二州縣共派採柳八十八萬通共柳一百五十九萬五千束其草芟中椿留概野草為數不貲俱撥夫採辦調車起運不計錢糧止大椿本地附近不產勢必取諸西河又蔴蔴需用甚多非同柳枝荒草隨地可採不得不酌行買辦二 分派嚴行催解至七月初間蒙總河部

院同本道率領職等逐一探測水勢少平人力可施且意今夏伏水洪大加倍往年秋水斷無甚於伏水之理又蒙總河部院逐廠查勘各州縣所解柳束已到工者六十餘萬椿樑草芟等料雖未如數察審河勢似足接濟復念兗州府所派各州縣柳八十萬道路太遠車運甚難不能濟急行令免解惟鉅野縣柳梢尚多且去工附近派採六萬又於附近河南商丘縣勸諭協採柳十五萬約畧足用隨示在工各官於十五日催工堵築次第進埽

河防疏畧

卷之十五

五

寒香館

不意八月十五日河水驟長又兼十七十八以至二十七日雷雨如注大河白浪滔天風狂漾湧其汪洋澎湃之勢較五月再漲之水更數倍矣蒙總河部院躬親指揮本道率領卑職等冒雨衝風督夫搶護相機套壓兩壩於萬難救護之中幸保無虞更所苦者大溜盡注東壩危在頂衝且回流倒刷甚急又將東壩廢堤頭盡數衝坍全河傾瀉不但堵塞決口而東壩又生數十丈頂衝之工此時若不速加套護則從前之工俱棄東壩一去西壩

亦屬廢工故不得不於廢堤頭日夜套埽然所辦塞決之柳尚虞不足奚堪當正壩之外又費如許物料乎至今尚日有蟄陷竟無底止東壩並廢堤頭共下過正面廂邊肚套埽一百三十四箇計工長二十三丈西壩下過正面廂邊肚套埽一百零一箇計工長四十一丈共下過埽二百三十五箇共用過柳二十五萬五千一百五十三束并本地椿樑芟草俱不計錢糧又前後通共調曹州曹縣單縣並兗州府運河廳捕河廳東昌府河務廳江

河防疏畧

卷之十五

六

寒香館

南徐屬廳額募夫共一萬一千六百一十四名晝夜搶救堵築西壩及加幫修築月堤自五月起至九月止除停工不計外共用工一百五十日俱不計錢糧若照漕規計筭節省已數萬金止用過價買西河大椿一百六十四根綠麻十二萬七千零六十三觔是皆總河部院及本道多方督催各屬急公恐後而職等仰體焦勞雖晝夜拮据艱苦備經亦皆職分當為無容瑣瑣自述也現今決口九十六丈自經大水之後內少淺者二三丈深者甚

有四五丈不等而五丈之下尚屬淤陷竊龍門愈窄水勢愈急今之五丈深者臨期又未知淺深若何也且東壩蟄陷無休壩後回溜又急是塞決之物料或尚可程而護壩之物料更自難定也今卑職隨同總河部院暨本道并曹縣知縣陳澄心主簿陳方就現前决口估計共寬九十六丈內深水約計應用長八丈高一丈五尺四埽出水者長四十丈稍深水約計應用長八丈高一丈三埽出水者五十六丈連廂邊共用沉水埽三百五十四箇

河防疏畧

卷之十五

七

寒香館

并廂護廢堤頭連前下埽用過通共該大柳一百七十二萬七千一百五十三束內除前派過採運柳一百萬零五千尚欠柳七十二萬二千一百五十三束因查嘉祥鄆城二縣猶在三百里內且境內柳梢尚多解運猶易相應於嘉祥縣量採運柳三萬鄆城縣採運柳五萬又蒙總河部院於附近江南省屬豐碭二縣派採柳共九萬又河南省屬夏虞儀考四縣共派採運柳十四萬現在檄催採運陸續交工共計派過柳一百三十一萬五千束

尚少柳四十一萬二千一百五十三束草九十三萬九千五百六十一束芟十五萬八千四百二十一套橋二千五百一十根留樑六千一百三十四根雜蔴五十四萬九千八百八十三觔以上除柳梢芟草本地大中次中樁留樑俱係採辦不計錢糧並本省運柳不給運脚外內有隣省協採柳三十八萬雖莫非

河防疏畧

卷之十五

八

寒香館

王事而事屬隔省解運未免稱苦倘催呼不前無以責成今議每束量給脚價銀一分五釐共該銀五千七百兩西河大樁木五百九十六根每根價銀三錢共該銀一百七十八兩八錢雜蔴五十四萬九千八百八十三觔每觔量給價銀一分五釐共該銀八千二百四十八兩二錢四分五釐以上運脚樁蔴價值共銀一萬四千一百二十七兩零四分五釐至於尚少柳四十一萬二千一百五十三束查附近州縣柳梢俱已採盡委難再派其河南各工歲修物料時值報銷或有厥存餘剩仰懇轉詳總河部院酌查借調覓船起運塞決完日造冊

彙銷倘仍不足另議派調再查在工夫役或出自地畝或酌調額夫俱有本等工食不計錢糧所有椿埽夫晝夜用工良屬苦役雖未可循照別工事例亦應量給工食查椿夫一百名每名日給工食銀一錢計三箇月完工該銀九百兩埽夫一百一十七名每名日給工食銀七分計三箇月完工該銀七百二十七兩一錢椿埽夫工食共銀一千六百二十七兩一錢以上運腳椿檁價值并椿埽夫工食通共銀一萬五千七百六十四兩一錢四分

河防疏畧

卷之十五

九

寒香館

五釐伏乞本道速賜轉詳總河部院候一面確覈具

題一百批允動支曹庫銀兩分派置買椿檁運腳并給椿埽夫食用庶事有責成夫料畢集而決工可計日告成矣卑職更有請者各屬未完并新估派借柳束若果爾急公於十一月內齊到工所塞口可以刻期告竣如怠玩愆期恐來歲二月解凍水發龍門未合又不得不停工以待深有所未便也至謀事固存乎人而天時原不可測時當冬令倘

遇陰雨連綿風雪交加船車難前用工維艱又非卑職所敢預定也擬合呈詳等情具詳到道據此該本道看得曹縣石香爐始決一十八丈隨即督催採柳捲堵止剩龍門八丈忽於五月十五六日水復驟發衝沒東壩工力難施以至漸刷漸寬彼時相度形勢計非大埽長椿萬難期効一面請調人夫一百分派採辦置買椿檁漸次粗備於七月內相機進埽彌月方幸底績有期不意八月中旬異常水勢較前數倍兼之狂風驟雨怒浪衝激東

河防疏畧

卷之十五

十

寒香館

壩西陷加以廢堤爲害埽護套壘於萬難救援之中護保兩壩無虞而所備柳料則已費去二十五萬有餘矣及今探量決口尚寬九十六丈水勢深淺不等約計用埽三百五十四箇應用物料除柳草芟樛本地中椿額募人夫通不計錢糧外而大椿檁二項必須價買至隣省採柳又與本省不同若非量給運腳無以責成恐及遲誤埽椿人夫晝夜勞苦亦必照例酌給工食乃可貴以効力據估銀一萬五千七百六十四兩一錢四分五釐本

道再四審度幾經籌計不得不然實亦萬不容已之役也然不動錢糧設處辦集者所省已不下數十萬金矣至欠柳四十一萬二千一百五十三束近地既無可採遠處又難猝至據議於豫省各工就近借用此亦變通之策也伏乞本部院軫念決口重務時日迫促速賜具

題批示下道轉行廳印動支曹庫河銀辦給接濟庶不致臨期停待有誤決工更有請者各官徵夫辦料課督畚鍤無非任勞任怨之事若不立勸懲之

河防疏畧

卷之十五

十一

寒香館

法以鼓勵人心誠恐少有因循必致愆期合無請乞本部院特賜

題明於工完之日將勸輸柳料并在工勤勞急工者一體叙錄倘有抗玩膜視懈惰偷安者立行參處則勤者益加勉而惰者亦知儆惕奮勵以勸驅策而工程底績有期矣等因冊詳到臣該臣看得曹縣石香爐決口前此採辦堵塞止餘八丈忽於五月十五日河汛復長洪流湧射多方搶護僅全西壩東壩屢經退後挖槽裹護俱被衝失時因伏

秋已迫漲溢無常形勢尚在未定工力總屬徒施計惟有多積料物俟水勢少平乘時合作臣嚴飭道廳各官一面措集夫柳守護新堤一面於附近州縣採運柳草芟楸并預辦椿檠各料迨至七月終旬事緒漸就遂督官夫次第進埽不意八月之內烈風霖雨秋漲倍甚不但兩壩已成之工竭力套整始幸保固而大溜北倒東壩又變頂衝壩後復受迴溜三面環攻隨護隨蝕費料不貲該道廳等官於九月二十日逐細探估除前下過埽二百

河防疏畧

卷之十五

十二

寒香館

三十五箇現在決口較之七月之前淺者已深深者更倍約仍應用埽三百五十四箇臣於九月末旬自豫回工復經督同親勘委與報估情形無異一應本省所辦柳梢野草中椿芟楸就近採運並酌額夫鄉夫通不計錢糧外但榮蔴無從採取大椿產自河南必得動銀置買椿手埽夫習藝謀生晝夜勞苦勢須酌給工食并隣省採柳量給運費共估工料銀一萬五千七百六十四兩一錢四分五釐若隣省各官倘果鼓勵有法其間車運價銀

尚可酌量從省惟是黃河南岸柳束船戶挽渡日久無食多致逃散不得不於此數之內每束酌抽給銀四釐以資僱覓水手之費查此工實係大工設辦夫料爲數甚多估費原不及十分之一臣一面批行具

題一百分頭催辦并佈置周詳嚴督官夫晝夜進埽嗣於十月十九日渡河南巡仍又逐節測探大溜歸河漸多沙澱向之深者又復變而成淺其工程錢糧并借動物料似更有可以樽節者總之臨期

河防疏畧

卷之十五

十三

寒香館

相機贏縮俟工完查覈據實

奏銷但鳩集夫料催調車船綜理收支課督工作事既煩重更極艱辛全賴奉行及調委各官同心協力勞怨不辭乃能共濟急工尅期底績誠恐無以勸懲未免易生趨避合無容臣循照往例於工完日查果効有勤勞題

請叙錄其或怠玩貽誤從重指叅庶群力畢收而決工可以早竣矣既經該道呈詳前來相應具

題伏乞

勅部議覆施行

康熙元年十一月初八日題本月二十五日奉

旨工部議奏

工部覆前疏

題爲決工水勢倍劇等事工科抄出該本部覆總督

河道朱之錫題前事等因奉

旨工部議奏欽此欽遵抄出到部該臣等看得總河臣朱之錫疏稱曹縣石香爐決口前此堵塞止餘八丈不意八月之內秋漲倍甚大溜北倒隨護隨蟄

河防疏畧

卷之十五

十四

寒香館

一應柳草中樁就近採運不計錢糧外但蘇麻大樁必得動銀置買并工食運價共估工料價銀一萬五千七百六十四兩一錢四分零看大溜歸河深者成淺所用物料似更有可以樽節者應令總河臣嚴加樽節工完覈實具

題以憑覈銷至於調委各官無以勸懲易生趨避於

工完日查果効有勤勞題

請叙錄怠玩者指叅如其所請其本地方專管各官應不准叙錄可也奉

旨依議

三舉申明激勸大典疏

題為申明激勸大典事案照順治十八年八月二十

一日准吏部咨開文選清吏司案呈奉本部送吏

科抄出該本部會覆河道朱總督題前事等因順

治十八年閏七月初五日奉

旨依議欽此欽遵抄出到部送司相應會同議覆該吏

部都察院謹遵

旨會議得總督河道統轄五省屬員頗多與巡撫止轄

一省者不同今每年河工告竣所薦官員議定額

河防疏畧 卷之十五 十六 寒香館

數應薦差出部司方面共五員有司十員佐貳四

員若逾定額不係管轄之官聽部院叅處所薦之

官不准註冊如在定額之內俱准註冊奉

旨之後行令該督照新題定例薦舉可也理合具覆恭

候

命下轉行遵奉施行等因順治十八年八月初六日奉

旨依議本內漢字首行遺落等衙門着添補飭行欽此

欽遵抄出到部移咨到臣遵行在案為照河屬歲

修例應甄別節經

河防疏畧

卷之十五

十五

寒香館

題明奉有

俞旨查順治十八年河防告竣臣先經檄行各屬造報

賢否去後節據各司道冊報前來臣復嚴加檢覈

惟以本年之內若有勞績克濟修防者列之薦剡

以昭鼓勵苟於河政無裨雖別善可稱他端難料

皆臣所不敢贊及也至若溺職各官除聞見所及

陸續

題叅外茲亦查摠揭報照例叅處所有應薦官十九

員應劾官四員謹瀘列為我

河防疏畧

卷之十五

十七

寒香館

皇上陳之

計開

應薦司道官五員

通惠分司工部主事壽以仁疏淺築堤綱

繆克慎受事以來潰溢竟自絕聞輓輸

亦復無阻而督徵河項積逋更為一清

係通薊道相有度開報

漕儲道叅政黃廷獻數千里河漕殫力督

催抵通特早京口大挑一節奮身獨任

不費帑金而旬日之間空重利涉成勞

尤自難泯係江南右布政使孫代開報

淮徐道叅政項錫胤南黃北加諸險交奏

區畫既中肯綮奔馳不憚勤勞而且戢

盜安民催漕剔蠹卓然可紀係中河分

司劉世豸開報

東兗道叅政張弘俊挑濟河渠督催輓運

繕修城郭安輯流離靡不本諸精詳出

以勤敏監司中之表表者係山東左布

河防疏畧

卷之十五

十八

寒香館

政使周天裔開報

河南驛傳道叅政萬永祚駐劄河濱承委

協理三家莊險工勘驗堤埽督飭官夫

不辭勞怨至於挑濬引河捐貲鼓犒尤

足為同舟之勸係河南左布政使徐化

成開報

應薦有司十員

歸德府知府宋國榮郡屬隄防督飭維謹

承比王家道口柳料如期運解河患賴

以無虞係管河道荆世爵開報

開封府同知韓齊范代攝府篆議額夫則

不辭怨讟派柳料則共服均平澹操實

心一時僅見係守梁道王來用開報

兗州府加河通判胡一璉疏濬漕渠節宣

開座靡不勤慎從事南北空重飛輓無

停係夏鎮分司李禧熊開報

兗州府推官余國柱綜覈夫徭剔釐河盡

包占之弊一清而河務官評更能詳慎

河防疏畧

卷之十五

十九

寒香館

不苟係濟寧道方兆及開報

淮安府推官俞有章淮城各工繁劇摘奸

傲情久著成勞至支給大批銀兩窮夫

尤沾實惠係署淮海道杜漢開報

曹州知州母配坤編徭既鮮偏累工食盡

絕漏卮故能奉行徵調趨赴爭先可稱

急公能吏係兗州府推官余國柱開報

單縣知縣韓第隄防河道栽植柳林繕葺

城隍清理夫役事事修舉未易材也係

兗州府推官余國柱開報

商丘縣知縣劉之驥加意河防先勞從事

增修堤壩廣儲柳料未估帑金險工恃

以無恐係管河道荆世爵開報

封丘縣知縣屠粹忠大工河勢變遷無定

鳩辦既能早集董率每必躬親足稱勤

慎係管河道荆世爵開報

安東縣知縣夏時正課督栽柳所在成林

每遇隣封急工徵夫問料獨能先期協

河防疏畧

卷之十五

二十

寒香館

濟係淮安府推官俞有章開報

應薦佐貳四員

濟寧州同知潘得榮供兵辦河才優績著

係濟寧道方兆及開報

鄭州判官王世璽築堤維勤樹柳得法係

管河道荆世爵開報

徐州下河判官王允讚毘勉河防具徵實

效係淮徐道項錫徵開報

封丘縣縣丞錢交叟委管工程勤勞任事

係管河道荆世爵開報以上各官所當
薦揚以備叙錄者也

應劾官四員

鄂陵縣知縣黃雲鶴

一本官怠玩成性十八年派柳一萬三千餘束一任道催藐視不應

一本官十八年應解協濟額夫二百四十一名逃去一半屢次催提全不拿

解係管河道荆世爵開報

卷之十五

主

寒香館

中牟縣縣丞惠文彥

一本官遇黃練集河患危急泄泄從事廳印官催呼徒急頑鈍不靈

一本官職司河務情形緩急全然不省每每失報水汛係南河同知崔維雅

揭報

商丘縣主簿鄭圖南

一本官專管河工遇當春夏水汛之期高坐私署竟不察視

一本官鈴束無能一任河夫偷安怠惰屢經察飭係管河道荆世爵開報以上三官所當照例議處者也

蘭陽縣署管河務教諭郭益善

一本官詐索該縣北岸堡夫八十名每名銀一錢五分共銀十二兩又詐南

岸堡夫銀一兩零堡夫劉尚節徐思王珩等証

一本官乘堡夫支領工食銀兩二次扣

河防疏畧

卷之十五

主

寒香館

銀六兩河書商景輅証係管河道荆世爵開報此一官者所當照例查究者也伏乞

勅部再加覆覈如果臣言不謬將壽以仁等酌量叙錄黃雲鶴等分別議處庶勸懲聿彰河事有賴矣

康熙元年十二月 日題本月二十五日奉

旨吏部知道

呈報石香爐塞决疏

題為呈報石香爐决口閉合日期事據兗西道魏紹芳呈稱蒙臣票為

欽工萬分緊急嚴飭料理共效同舟尅期底績事照得石香爐决口幾奪全河雖幸各官晝夜駐工修守保全兩壩但現存口門猶有九十餘丈若不乘此三冬併工閉合轉盼春汛便有不可收拾之勢一應調用各官酌派夫料本部院規畫粗定但長河千里處處告急刻下復擬南巡誠恐各屬怠玩已

河防疏畧

卷之十五

三

寒香館

經特疏具

題責成該道毋論隔省隔屬俱聽徑自關行提調所有應行事宜相應逐款開列合行嚴飭為此票仰兗西道照票事理即便振起精神嚴行催督協濟州縣所有應出夫車柳料各項勒定期限星夜解運倘有抗誤揭報到院立行叅處並督官夫晝夜進埽務於歲內報完在事各官事竣之後仍聽該道分別造報甄叙勸懲該道責任攸關縱有裁併之議必俟决口塞合方許離任如或因循觀望致

誤歲內限期即遵部奉前

旨從重指叅斷不寬假慎毋自誤等因蒙此本道遵依隨照單開五十六款應出夫車柳料等項州縣分頭差人嚴催并移會江南河南及本省各道協催外本道專驅河干晝夜督夫下埽决口告竣今於五月十七日合龍門訖且以本職自奉本部院嚴檄之日河口九十餘丈水深者五丈餘或四丈或二三丈不等不出一月之內而龍門閉合雖曰各官勤劬人夫効力埽料駢至所致實賴

河防疏畧

卷之十五

三

寒香館

朝廷洪福本部院至誠感格因而河伯效靈是以成功若斯之速也除將河工應行事宜移送濟寧道督理外所有各官勞苦埽料數目另容清冊詳請本部院裁度可也擬合先行呈報等因又據兗州府管理運河同知王有容署兗州府黃河同知事單縣知縣韓第兗州府管理洳河通判胡一璉各將閉合龍門日期呈報到臣該臣看得石香爐一工自五月初旬報决臣即駐宿河干嚴督搶塞無奈水勢方盛裹頭大埽屢被衝失於是一面幫築

全堤一面催辦各料定於七月十五日兩壩進埽
漸有頭緒不期秋分以後漲水非常全河入決口
者以十之八臣徬徨憂迫日則廢箸夜則遶床蓋
未嘗一刻敢自寧處也猶幸官夫鼓勵於風雨晦
冥之中套壓搶救兩壩保全得以廣集夫料晝夜
兼工據報已於十一月十七日閉合龍門訖初計
決口寬至一百六十丈淺者丈餘深者甚至四五
丈不等如此大役未幾告成此皆

朝廷洪福運道生民之厚幸也而在工各官酷暑隆

河防疏畧

卷之十五

五

寒香館

冬任勞任怨半載苦績要亦有不可泯者除善後
事宜臣已備行道廳悉心勘畫併用過物料錢糧
及督工辦料各官通俟敷明另

題外所有石香爐口閉塞龍門日期既經各道廳呈
報前來相應題

報伏乞

容鑒施行

康熙元年十二月十五日題本月二十八日奉

旨工部知道

河防疏畧卷之十六

義烏朱之錫梅麓甫著

闕里屬真花真本
稽山後學徐沁
沁公輯

特參庸劣廳官疏

題爲特參庸劣廳官以重河防事竊照山清河道西
有高堰裏河東有王公堤天妃壩太行堤五大險
工上關

國計下係民生設有山清同知一官分署此地責綦
重矣况該屬自去歲洪水非常雖一時搶救幸未

河防疏畧

卷之十六

一

寒香館

成患然創殘之後工作倍繁除應估工程屢催估
修外至高堰浪窩損缺例有額夫不時填補太行
老堤二百餘里舊堤卑薄原應民夫分界加幫臣
嚴檄申飭不啻再四乃山清同知林廷萊歷任將
及一載河務尚爾茫然今時將仲夏前項工程尚
無頭緒伏秋轉瞬漲發有期該廳專駐淮沂一味
因循既無籌畫之能復鮮督催之術河防重計又
安賴此廳官爲哉况該廳管理河帑出納攸關亦
斷非若此泄泄弛玩之人所能勝任而愉快也除

山陽各工匠一面頒發

令旗檄調南河分司移駐督理外所有庸劣廳官相

應特疏

題叅伏乞

勅部議處施行

康熙二年四月二十四日題五月初八日奉

旨林廷萊着議處具奏該部知道

河防疏畧

卷之十六

二

寒香館

覆秋水氾濫異常疏

題為秋水氾濫異常各官告急接踵微臣目擊情形

謹據實報

聞仰祈

睿鑒事康熙元年十一月二十四日准工部咨工科抄

出該本部覆漕運林總督題前事等因康熙元年

九月二十二日題十月十四日奉

旨該部議奏欽此欽遵於十月十五日抄出到部該臣

等看得總漕林起龍疏稱秋雨連綿黃淮交漲洪

河防疏畧

卷之十六

三

寒香館

水狂發堤岸衝決除嚴加申飭令其加緊堵築並

咨總河臣備料搶修外仰祈

勅下河臣轉行所屬印河各官一遇危急險工需用物

料准其備辦搶修事後開銷等因具

題前來查得淮徐一帶水汛先據總河臣朱之錫具

疏題

報已經臣部題覆遵行在案相應仍請

勅下總河臣嚴飭司道等官親駐河干相機搶救如遇

危急處所一面動支錢糧修造一面將應用錢糧

確估具

題至疏稱季家堤等處衝決其決口遠行堵塞仍查明具

題可也等因康熙元年十一月初四日題初六日奉旨是依議行欽此欽遵抄出到部移咨到臣隨行淮揚司道相機搶修查明具報去後續據中河分司劉世豸署淮海道事准徐道項錫胤會詳內稱遵依率廳河官上下查勘去歲徐屬城堤郭家嘴小店三險俱奉估修工程值秋水盈溢皆修築如式已

河防疏畧

卷之十六

四

寒香館

具詳冊請銷至靈璧縣睢寧之清水口武官營孟家灣邳州之董家堂五工頭青墩營孫家灣張家莊郭家灣及宿遷之直河去歲滔天之水處處危險在在告急本司任立風雨率夫搶救俱保無虞除

題估工程已經呈詳報銷外水落之後原無衝決間有殘缺處所已修補一律並未動用錢糧若季家堤卽桃源之季太壩也查桃源北岸明季隆萬以前原無堤防自崔鎮決而黃河北徙隨致運道淤

塞前總河潘部院題築遙堤自古城起至清河止一萬八千四百一十丈而河歸故道與淮水交匯又慮淮揚勢處窪下南河諸湖之水會歸達淮每至伏秋淮黃交漲黃過清流不得東出湍激之勢汎濫衝潰一傾瀉於高澗周橋再澎湃於高堰又湧在於通濟閘則高寶淮城與淮屬之漕堤民生甚爲可虞故審時度勢於遙堤之內建設崔鎮徐昇季太三義四壩旣洩漲之水又無奪河之患且東流入海皆有故道可尋當時遙堤旣建而必

河防疏畧

卷之十六

五

寒香館

岌岌築壩者以淮揚一帶所關至重且大也查萬曆七年十月內科道會勘得遙堤旣建水歸正漕田廬可免水患但恐異常之漲河水盈溢故復設此減水壩於遙堤之中以便分殺且無衝潰遙堤之患季太徐昇三義三壩之義皆同而俱設北岸者以其從灌口入海也又於順治十六年間蒙本部院票查四壩應修築月堤緣由該前任分司李縉明淮海道霍炳會呈修築石壩非一時可以興舉合無先築月堤以爲目下救濟急着隨於十七

午間爲淮屬黃河異常水患事蒙本部院具

題部覆在案去歲水漲仍由故道入海原非決口隨

蒙本部院行查已於元年十月二十九等日將季

太等壩次第築完呈報訖但查四壩水發聽其宣

洩水落仍歸正漕相沿已久今一旦堵塞恐難免

潰溢之患欲照舊修復不惟帑藏不敷辦運維艱

而工大費繁又非旦夕可以責效今據廳縣詳稱

該縣士民夏則大等議改建逸洞四座每座金門

濶六尺高八尺其應用椿石磚灰等項該縣設處

河防疏畧 卷之十六 六 寒香館

不計錢糧查逸洞之制廣狹雖不及石壩但使修

築堅實不爲草率再查一帶遙堤有單薄淺缺常

築高厚而洞口緩流亦可分殺瀑漲亦不致瀾漫

泝沒全河之勢上源既減卽下而清口又免壅聚

逞怒之害安上全下不費公帑民自修築况工少

易成雖因陋就簡名異而實同也等因又據南河

分司吳煒署淮海道事淮徐道項錫胤揚州道杜

爽會詳據淮安府分管白清河務同知林廷葵回

稱查得康熙元年自春至秋黃淮并漲水勢洶湧

日甚一日各工告險處處皆同卑職所轄山清二

縣境內河道工程陡遇秋深洪水遶時泛漲異常

危險在在堪虞間有坍塌處所卑職同司道露宿

河干晝夜設法擔護保固無虞并無衝決亦未動

用官帑等因又據揚州府管河通判周道東回稱

看得江都縣境內關座修造年久昨被洪水衝汕

今已設法修築未動錢糧又高郵州城南缺口俱

係土堤從未估修因去歲洪水泛漲高過堤岸以

致衝卸當卽設法築完亦未動用錢糧案查各堤

河防疏畧 卷之十六 七 寒香館

岸係從來未經估修之處奉本司責令該州縣起

派人夫加幫填築並無動用錢糧等因各報到司

據此該司道會看得容歲淮黃并漲黃運兩河堤

岸開座處處危險至秋洪水陡發淮揚竟成澤國

一望汪洋無可收拾該司道督同廳印河官駐宿

河干晝夜防護設法搶救保固無虞並未動用錢

糧今蒙前因擬合回報各等因到臣該臣看得去

歲百川交漲秋分以後其勢益甚臣往來奔馳未

常停踵仍分發差檄責成司道等官多方搶救幸

徐邳淮揚歲修各工保固無虞見在查覈

奏銷其有堤岸殘缺俱已修補一律而高江缺口乃

從未估修之處亦皆鼓勵搶築並未估計錢糧臣

仍於續報淮揚水汛疏內查明另行具

題外至總漕臣林起龍疏內所稱李家堤等處決口

查宿遷古城以下於前明萬曆年間始築遙堤一

萬八千四百一十丈至清河縣大河口止仍於桃

源縣境內連造崔鎮徐昇季太三義四壩宣洩漲

水既以保固遙堤而先分黃怒亦可少減下流水

河防疏畧

卷之十六

八

寒香館

患順治十六年黃水漲溢曾由此壩分入海嗣

准部咨行查臣行據司道以壩基雖存舊石俱毀

興復未易止議暫築月堤水溢聽其分殺水消仍

行補修該臣具

題部覆奉

旨依議在案去歲水勢較前倍盛是以復由各壩入海

非係決口水勢消落隨該司道集夫補築臣亦於

續報淮揚水汛疏內

題明矣第恐以前人洩水舊壩一槩堵塞反滋後患

復行司道從長酌議據稱姑循輿論改建涵洞四

座應用各料該縣設處不計錢糧臣已批行司道

嚴督建修至於修復舊壩俟民力稍充另行酌估

既經司道會議詳報前來相應具

題伏乞

勅部議覆施行

康熙二年五月初五日題本月二十日奉

旨工部知道

工部覆前疏

河防疏畧

卷之十六

九

寒香館

題為秋水氾濫異常等事工科抄出該本部覆總督

河道朱之錫題前事等因奉

旨工部知道欽此欽遵於五月二十一日抄出到部該

臣等案查先據總漕臣林起龍疏報淮揚水汛內

稱李家堤等處衝決隨經臣部請

勅總河臣將決口速行堵塞仍查明具

題等因行文在案今據總河臣朱之錫疏稱李家堤

等處決口查宿遷古城以下於萬曆年間始築遙

堤內建崔鎮等四壩宣洩漲水去歲水勢較前倍

盛是以復由各壩入海非係决口第恐前人洩水
舊壩一槩堵塞及滋後患據議改建涵洞四座應
用各料該縣設處不計錢糧臣已批行司道嚴督
建修等因具

題前來查季家堤等處既經總河臣稱係舊壩原非
决口此案相應註銷至於改建涵洞相應如議可
也奉

旨依議

河防疏畧

卷之十六

十一

寒香館

題補山清同知疏

題為循例

請補管河廳官以重運道民生事竊照治河一事節序
相催既不可以刻廢修防異致又未可以漫嘗故
管河廳官必於就近有司選擇

題補然後可以倚辦分猷無誤重計臣於順治十六
年正月內曾具有慎重河工職守事一疏該吏部
議覆內開河臣疏稱薦用一欵內稱除道印各官
不係專司者不敢薦用外伏讀

河防疏畧

卷之十六

十一

寒香館

勅書內開所屬大小官員果能盡心河務即指實薦舉
擢用似應題請照例遵行等語查得臣部於順治十
年十二月內覆河臣楊方興就近請補廳官毋誤
黃運兩河事一疏以鉅野知縣佟養鉅補運河同
知定陶知縣張鍾英補黃河同知奉

照例題請

勅下臣部議覆請

旨補用奉

旨依議欽此欽遵移咨到臣在案今照淮安府屬山清河道東有太行老堤五大險工西有高堰北有王公堤天妃壩等工是皆歷來各險要害既關漕運咽喉而七邑生民兩淮鹽課無不於此焉攸寄原任山清同知林廷萊庸劣因循臣已特疏

題參奉

旨議處所遺員缺若專候部選不但生手未諳且赴任無期懸缺以待未免貽誤臣與總漕鳳撫二臣互相商確查得寶應縣知縣王全春由拔貢於順治

河防疏畧

卷之十六

十一

寒香館

十一年六月內授職本年十月內到任才幹勤敏頗著成勞臣於十七年歲終舉劾曾經

題薦河工既所素曉歷俸又稱最深以之就近

題補則朝拜

命而夕受事有裨運道民生良非淺鮮臣謹會同總漕

臣林起龍鳳撫臣張尚賢合詞循例具

題伏乞

勅部議覆施行

康熙二年六月十三日題本月二十六日奉

旨吏部議奏

吏部覆前疏

題爲循例

請補管河廳官以重運道民生事文選清吏司案呈奉本部送吏科抄出該本部覆河道總督朱之錫題前事等因奉

旨吏部議奏欽此欽遵抄出到部該臣等查得順治十六年三月內臣部覆河臣朱之錫慎重河工職守一疏內如河臣所屬河官有能盡心河務者相應

河防疏畧

卷之十六

十三

寒香館

題請

勅下臣部議覆請

旨補用奉有依議之

旨欽遵在案查淮安府屬山清同知林廷萊員缺臣部

於二年六月內推陞四川順慶府通判秦生鏡今

河臣朱之錫會同總漕林起龍鳳撫張尚賢以寶

應知縣王全春才幹勤敏頗著成勞擬陞山清同

知前來查王全春於十一年十月十一日到任迄

今歷俸連閏八年十一箇月有餘任內有薦二次

紀錄六次應如所請陞補寶應縣任內錢糧查無

拖欠方許赴新任其陞補同知秦生鏡已經奉

旨相應扣憑另行籤補可也奉

旨依議

河防疏畧

卷之十六

十四

寒香館

題叙石香爐勤勞各官疏

題為決工水勢倍劇物力措處維艱請祈速賜酌估

以無誤堵塞事康熙元年十二月二十六日准工

部咨工科抄出該本部覆河道朱總督題前事等

因康熙元年十一月初八日題本月二十五日奉

旨工部議奏欽此欽遵於十一月二十六日抄出到部

該臣等看得總河臣朱之錫疏稱曹縣石香爐決

口前此堵塞止餘八丈不意八月之內秋漲倍甚

大溜北倒隨護隨壅一應柳草中樁就近採運不

河防疏畧

卷之十六

十五

寒香館

計錢糧外但蘇麻大樁必得動銀置買併工食運

價共估工料價銀一萬五千七百六十四兩一錢

四分零看大溜歸河深者成淺所用物料似更有

可以樽節者應令總河臣嚴加樽節工完覈實具

題以憑覈銷至於調委各官無以勸懲易生趨避於

工完日查果効有勤勞題

請叙錄怠玩者指叅如其所請其本地方專管各官應

不准叙錄可也等因康熙元年十二月十三日題

十五日奉

旨依議欽此欽遵抄出到部移咨到臣除抗誤人夫勝
縣知縣李含蓋先經特疏指叅併工程錢糧另疏
奏銷外今據濟寧道方兆及備將勤勞文武各官造
冊呈詳到臣該臣看得黃河塞決僅以區區人力
爭衡於怒濤洶浪之中風雨奔馳實爲艱苦故順
治四年塞流通八年塞汴口十四年塞大王廟俱
有分別

題叙之例蓋非特以酬其既往正以爲不如是則將
來緩急無以作任事之氣而收底績之功耳曹縣

河防疏畧 卷之十六 十六 寒香館

石香爐一工決口寬至一百六十丈大溜北徙幾
奪全河夫料繁多頭緒錯出臣調委各官晝夜經
營備極勞瘁前於估工疏內曾經題

請容俟工完叙錄以示鼓勵部覆奉

旨依議在案賴

國家景福決口甚大水勢倍常而河帑之所費無多
龍門之告成甚速在事各官殫心協力克効勤勞
實有未可盡泯者今據該道開報到臣除覓西道
魏紹芳曹縣知縣陳澄心王簿陳方原係該管併

濟寧道方兆及署黃河同知事單縣知縣韓第均
有分內責成未敢叙列外查有應叙者運河同知
王有容黃河工程原非專職本官一經承委露宿
河干酷暑祈寒不辭勞怨催運柳料而源源不匱
調度官夫而井井有條自始歷終堵塞之功可稱
獨最其餘文武各官奔走分任實繁有人臣其嚴
其慎不敢濫及止擇其勤勞尤著者共八人遵照
舊例開列具

題聽部查叙至各州縣協濟採柳六十六萬餘束計

河防疏畧 卷之十六 十七 寒香館

笑漕規值銀頗多州縣各官急公之績均有足尚
應否一體叙錄統候部議相應具

題伏乞

勅部議覆施行

計開

徐州營副將周貴南岸柳束渡運艱難本官

覓解中船一百隻深賴濟急

兗州府經歷宋濬經收柳束百萬有餘備極

勞勩

商丘縣縣丞陳士性親督人夫採運柳枝淪
溺不避

臣標左營千總陳鑄守催劉家口車船裝運

柳束保全東壩

臣標中營千總楊番催辦懷慶府大椿尅期

運工接濟不匱

漕標効用官孫應禎總漕臣特委催採豐碭

兩縣柳束完解獨先

東平州吏目李蘭馨經支柳束數目清楚暑

河防疏畧

卷之十六

十一

寒香館

雨忘勞

沛縣王簿黃志督採椿樑不下數千緩急無

誤

曹州知州母配坤協濟大柳十三萬五千四

百九十束照依漕規每束值價銀五分

共值價銀六千七百七十四兩五錢

單縣知縣韓第協濟大柳九萬七千三百八

十八束照依漕規每束值價銀五分共

值價銀四千八百六十九兩四錢

定陶縣知縣馬之瑛協濟大柳六萬五千束

照依漕規每束值價銀五分共值價銀

三千二百五十兩

鉅野縣知縣耿禎協濟大柳三萬五千九百

零三束照依漕規每束值價銀五分共

值價銀一千七百九十五兩一錢五分

嘉祥縣知縣方學舜協濟大柳一萬三百四

十九束照依漕規每束值價銀五分共

值價銀五百一十七兩四錢五分

河防疏畧

卷之十六

十九

寒香館

鄆城縣署印濟寧州同知潘得榮協濟大柳

一萬五千束照依漕規每束值價銀五

分共值價銀七百五十兩

城武縣知縣王素臣協濟大柳二萬八千一

百六十束照依漕規每束值價銀五分

共值價銀一千四百零八兩

河南商丘縣知縣劉之驥協濟大柳十五萬

束照依漕規每束值價銀五分共值價

銀七千五百兩

夏邑縣知縣張光烈協濟大柳三萬四千三

百八十四束照依漕規每束值價銀五

分共值價銀一千七百一十九兩二錢

考城縣知縣趙日采協濟大柳三萬束照依

漕規每束值價銀五分共值價銀一千

五百兩

江南署豐縣印沛縣知縣郭維新協濟大柳

四萬八千八百六十四束照依漕規每

束值價銀五分共值價銀二千四百四

河防疏畧

卷之十六

十一

寒香館

十三兩二錢

碭山縣知縣林雲鑲協濟大柳一萬六千四

百三束照依漕規每束值價銀五分共

值價銀八百二十兩一錢五分

康熙二年六月十五日題七月初一日奉

旨該部知道

覆續報淮揚水汛疏

題為續報淮揚水汛事康熙二年二月初七日准工

部咨工科抄出該本部覆河道朱總督題前事等

因康熙元年十二月十五日題本月二十八日奉

旨工部知道欽此欽遵於正月初四日抄出到部該臣

等看得總河臣朱之錫疏稱缺口六處已經築完

今歲百川交漲所在汪洋淮揚以澤國而當此洪

水危急之勢更非尋常臣於十月十九日星馳南

下沿河一一親勘堤岸閘座多被創殘除臣嚴行

河防疏畧

卷之十六

十一

寒香館

司道各官詳加勘度預計修築外所有勘過淮揚

水勢情形相應題

報等因前來查得缺口六處雖稱築完係何年做過工

程有無需用錢糧係何官做過者並未說及又堤

岸閘座多被創殘某處係某年做過現今某處需

用錢糧若干未經

題估徑行司道各官勘度預計修築殊屬不合相應

請

勅總河臣逐一查明具

題再議可也等因康熙二年正月二十七日題二十九日奉

旨依議欽此欽遵抄出到部移咨到臣備行該司道確查去後今據南河分司吳煒揚州道杜漢會詳據揚州府管河通判周道東呈據高郵州申稱查得城南五里壩八里舖地方坍卸缺工五處俱係年久土岸從未估修因去歲淮黃交漲高過堤岸不時西風大作根脚酥軟以致漫卸當該前任吳知州督同河官設法築完未動官帑擬合回報又據

河防疏畧 卷之十六 三十一 寒香館

江都縣回稱該卑縣查得境內露筋頭淺減水二閘一座造自順治六年迄今一十五載因元年分被洪水衝汕隨該前任熊知縣督同翁王簿設法修築完固並未請動錢糧擬合回報各等因到職據此擬合轉報等因到司據此該司道會看得客秋淮黃併漲堤岸閘座無不受傷民舍田廬皆為澤國一望汪洋難以收拾該本司督同廳印河官駐宿河干率領額夫晝夜防護當經設法搶修保固無虞并未動用錢糧照蒙前因擬合具詳轉報

等因到臣該臣看得去歲水勢異漲南北湖河內外交攻不特土堤埽箇悉被衝蝕即磚石厓岸亦無一處不漫激欵卸臣往來奔馳分檄責成司道等官拮据搶救幸未成患而揚屬一線漕堤兩面巨浸兼之地勢窪下雖東堤一帶洩水閘洞盡皆開通無如水頭日長西風大作沿堤而過除先經塘禦外水落之後仍有缺口六處旋即補築臣隨具疏題

報嗣准部咨復行司道確查據稱高郵州城南五里壩河防疏畧 卷之十六 三十一 寒香館

八里舖地方缺口五處係年久土岸從未估修江都縣露筋頭淺減水二閘係順治六年修過年久衝汕缺口一處俱經該州縣印官多方鼓勵設備料物修築完固並未動用錢糧至堤岸閘座多被創殘豫東江南所在而然非止一處臣閱歷所及少有損動隨即飭行修補但歲修工程每於秋冬猶必通行勘估况當大創之後來年之計更宜早籌臣是以嚴檄司道各官勘度預計免致後時其間設處夫料工程臣即批行償修無煩

題估倘需用錢糧繁多自必提冊具

題仍於工完覈實

奏銷此俱現行事例雖修防機宜原無一定臣未敢

膠執成見貽誤重計而事干錢糧必嚴必慎自亦

不敢容其紊越也除本年歲修各工仍俟司道估

計詳冊至日次第具

題外所有查明揚屬缺口六處并堤岸間座未動錢

糧緣由相應具

題伏乞

河防疏畧

卷之十六

五

寒香館

勅部議覆施行

康熙元年十二月十五日題本月二十八日奉

旨工部知道

題補北河同知疏

題為循例

請補管河廳官以裨修防重計事准河南督臣劉清泰

咨為咨商事准總河部院咨開照得開封府黃河

南北兩岸均屬險要而北岸關係運道尤為喫緊

一切修防惟廳官是賴今北河同知王鎮已經陞

任所遺員缺若候部推不但才品難料且恐赴任

無期貽誤匪細必得明敏練達曾經料理河工之

官方克有濟又必須俸序相當身無註誤方可就

河防疏畧

卷之十六

五

寒香館

近

題補刻期受事本部院遠在東省見聞未周督撫部

院駐節伊邇藻鑑尤確相應咨商煩為查照希賜

酌定某官堪副此選察其履歷俸序無有妨碍者

咨復過院以便會

題施行等因到部院准此為照總河部院藻鑑衡空

更以虛衷采訪本部院自當悉心相告以副來問

也今查開封府推官于紀龍負才明達遇事勤劬

當去歲天雨連綿河水大發本官曾隨撫院查河

卽暑而不憚更能於緊要修防處所指授中竅不辭勞瘁本官勤敏之才於斯見矣且奉委查河於河工機宜利弊素諳胸中以之補授此缺則人地似乎相當可否

題補惟總河部院酌裁行之可也相應咨覆等因到臣又准河南撫臣張自德咨開准總河部院咨同前事准此爲照北河要缺應補河員既承總河部院虛已下商敢不悉心籌畫擬實選舉以仰副總河部院爲地擇人之至意哉今查開封府推官于河防疏畧 卷之十六 三六 寒香館

紀龍人旣勤劬才復明敏去年六月內隨本院查河至步李寨劉家店等處非惟不避風雨不憚勞瘁尤能於修守搶救處指授中竅波濤泥濘中催督靡懈至於八月十四後雨大河發水與杞縣堤平本院力督官民躬冒風雨防守幫築者十五六晝夜人皆疲倦不堪惟本官日夜周張始終如一則杞之不致淪沒者得本官之力居多且本官四載司理數委查河所以於河上機宜知之最悉河工利弊知之最詳若以此官改補此缺品秩旣以

相當時事不致稽誤人地之宜未有宜於此者也至應否

題補是在總河部院裁酌擬合咨覆等因到臣該臣看得管河廳官選擇

題補臣於順治十六年正月內具有慎重河工職守一疏該吏部覆奉

俞旨備經遵行在案頃臣接閱邸報開封府北河同知王鎮已經陞任員缺尚懸竊惟黃河大勢湍悍奔放中州爲甚而北岸數百里稍有疎虞卽關運道河防疏畧 卷之十六 三七 寒香館

通塞一切修防尤非其他河官可比非得明敏諳練之人斷未易以任臂指而緩急克濟也誠恐專候部選不但赴任無期抑且才具難料河工重計貽誤可虞臣移咨該省督撫二臣詳慎商確查有開封府推官于紀龍才幹素優任事勤敏去歲黃水異漲之時曾經在工協同修守深悉河務據本官已陞建寧府同知尚未離任以之就近題

請留補品秩旣已相當人地亦復允愜所有建寧員缺另聽銓除雖北河同知一官最稱勞苦然臣等爲

官擇人不暇計其私便也臣謹會同督臣劉清泰
撫臣張自德合詞循例具

題伏乞

勅部議覆施行

康熙二年八月初三日題本月二十六日奉

旨吏部議奏

吏部覆前疏

題為循例

請補管河廳官以裨修防重計事文選清吏司案呈奉

河防疏畧

卷之十六

五

寒香館

本部送吏科抄出該本部覆河道總督朱之錫題
前事等因奉

旨吏部議奏欽此欽遵抄出到部該臣等查得順治十

六年三月內臣部覆河臣朱之錫慎重河工職守

一疏內如河臣所屬河官有能盡心河務者相應

題請

勅下臣部議覆請

旨補用奉有依議之

旨欽遵在案查開封府推官于紀龍已陞福建建寧府

同知開封府屬北河同知王鑽員缺已經陞浙江

杭州府錢塘縣知縣慕天顏但該督疏稱開封府

推官于紀龍才幹素優任事勤敏去歲黃水異漲

之時曾經在工協同修守深悉河務相應如其所

請已陞北河同知慕天顏改為建寧府同知于紀

龍改為北河同知俟

命下之日另行給憑可也奉

旨依議

河防疏畧

卷之十六

五

寒香館

河防疏畧卷之十七

義烏朱之錫梅麓甫著

關里屬員孔貞來元起訂
稽山後學徐 沁楚公輯

敬陳河漕事宜疏

題為敬陳河漕事宜以速飛輓大計事竊惟我

朝奠鼎燕京轉漕東南上供

玉食下給百官六軍之需運河一綫悉仍明舊則凡所

以利涉者自不得不一循舊章修明而謹守之也

順治十三年以前河道多故糧運率遲自十四年

河防疏畧

卷之十七

寒香館

迄今仰賴

朝廷洪福幸漸免凍阻之患矣第有一二規制或自

明季相沿或有日久弛廢尚須急為講求者臣謹

徵考故籍為我

皇上陳之

一曰閘座運河臺莊以南臨清以北原無閘

座節宣每遇旱乾尤易淺閣者姑且勿論

其臺莊以北臨清以南將及千里之內惟

恃山東諸泉之水從石鱗泥穴中尺疏丈

導會流於南旺河渠分濟南北而南旺南

距臺莊高一百二十尺北距臨清高九十

尺其間或數十里置一閘或數里置一閘

必上啓下閉互相灌輸方可浮運春夏之

交雨澤愆期源枯流細更必倍費守候以

漸積水然後盈漕否則建瓴之勢一瀉無

餘舟膠而不可行也查會典一款凡運糧

及解送官物並官員軍民商賈等船到閘

務積水至六七板方許開放若公差內外

河防疏畧

卷之十七

寒香館

官員人等乘坐馬快船或站船緊急公務

就於所在驛分給與馬驢過去不許違例

開閘進

貢緊要不在此例又一款凡閘惟進鮮船隻隨到隨

開其餘務待積水若豪強擅開走洩水利

及閘開不依幫次爭鬪者聽閘官拿送管

閘並巡河官究問因而閘壞船隻損失進

貢物件及漂流官糧並傷人者各依律例從重問罪

干礙豪勢官員叅奏究治而且附搭黃馬

快船有禁

貢鮮船隻夾帶有禁令甲森嚴歷歷可攷即順治十

三年十二月內工部

題覆巡漕臣侯于唐申嚴開座等事一疏內開開座

啓閉原關糧運務照舊例首先糧艘次及

官商等因亦經奉有

依議嚴飭行之

旨奈邇來官差船隻只顧一已速行之私因念

朝廷京儲之重每到開口輒聽船役喝令啓板么磨

河防疏畧

卷之十七

三

寒香館

官夫稍有違劫則搗楚繼之積水既洩開

內糧船不免淺閣即使洩而復蓄亦不免

加倍耽延甚或有隨帶貨船須水浮送則

上聞應閉而不聽閉下聞當開而不容開

年來爭競之端實由於此如是而欲責糧

運之速行無滯是何異於却步而求其前

也除臣屢示禁飭本年四月內具有據報

題叅一疏並將搶開緣由題

請議飭外但往來滿漢官差絡繹如織河水非易舊典

空存未免由而不察仰懇

睿鑒特賜

嚴飭容臣衙門仍照舊例刊刻紅牌豎立各關除緊急

兵船暫應讓行外其餘官差船隻一體遵

守隨漕起放如有逼勒官夫開闢搶越洩

水悞運者應拿究者照例問發應叅奏者

據實指叅庶人心知警而漕法不廢此所

宜講者一也

一日船式重運自過淮後經由黃運兩河抵

河防疏畧

卷之十七

四

寒香館

通交納黃河逆水溜急運河源流細微必

須船米輕便一律然後可啣尾速輓是以

漕船名曰淺船各省漕糧共計四百萬石

各衛所淺船舊額共計一萬二千餘隻查

會典所開淺船頭稍底棧俱有定式龍口

梁潤不過一丈深不過四尺內隆慶四年

一欵如糧船過淮驗烙之時查有船不如

式者該管官員不分軍職有司一體叅奏

又一欵將江北南京等積年損壞缺船行

督糧道照依湖廣江西二省船式就於瓜
儀設廠打造約載正耗米可五百石務要
底平倉濶入水不深又漕運議單一欸漕
司及各該巡撫等官備查各總下漕船若
干原缺若干補造若干現少若干嚴督各
糧儲道催行該廠補造足額不許仍前僱
覓民船及將損壞者補數派搭本幫以致
船重難行如不足額照例奏請即治河書
內亦有開河運船載正米不得過四百石

河防疏畧

卷之十七

五

寒香館

入水深不得過六拿六拿者三尺也故船
力勝米力水力勝船力若不務足船而徒
搭運以省船河力安能運船而漕大困矣
歸罪無源之河何益哉等語此皆先年已
試之法有可考據者也邇來惟江南山東
河南船式米數不異往制江西湖廣浙江
漕船梁頭濶至一丈六七尺深至七八尺
不等空船入水已四五捺且又船數不足
往往倍載票糧入水多至十捺以外如式

船糧經過黃運兩河不難相連而進而一
遇重船在黃河則合幫人夫逐船倒緯始
得過溜在運河則守板蓄水集船起剝倍
費日時一程間斷積而數程相距必遠在
後船隻固被阻壅即前船之在下關者緣
上關候水封閉過時無水下注亦不得不
停撓以待兩河之水勢猶昨而今昔之船
米迥殊雖沿河各官凜遵

功令百計催趨亦豈能別有異術使之飛渡哉除臣已
河防疏畧 卷之十七 六 寒香館

會同總漕臣檄行各省糧道備查該省漕
船因何打造不如淺式又因何缺船倍載
不行補造其術其所額船若干現缺若干
今應作何補造議妥通詳以憑覈奪外但
比年以來重運回空較之十三年以前為
期雖早而該省船隻屢因體式過重阻礙
全漕江西一省尤多違例若不從長酌議
誠恐將來必致貽悞合無請

勅該部查議飭行各省糧道遵照舊例漸次補造以備

輓運庶舊制可復而全漕無阻此所宜講者二也河漕事宜雖不止此而此二者實運事遲速之大關鍵也至於言新運者每責成於回空之早然又必自受兌開幫以至過淮一一如期然後抵通上倉無所不早查會典開載重運抵通完糧屢經酌議初則九月爲期嗣始移於六月卽據最後一條大約自淮以北仍有三月水程而其間必先於冬兌冬開二月過淮之限預爲

河防疏畧

卷之十七

七

寒香館

嚴切者此可以見由先及後遲早相因之故矣况回空各船苟不至凍阻歲前自亦不難到次是又在該省之受兌開幫力圖振作無致後時耳時已漢秋轉盼新運如果臣言可採伏乞

勅部速議具覆施行再照前議雖有兩款總屬趨運一事不敢分列各疏煩瀆

宸聽統祈

容鑒

康熙二年九月十九日題十月初七日奉

旨該部議奏

工部覆前疏

題爲敬陳河漕事宜以速飛輓大計事工科抄出該本部覆總督河道朱之錫題前事等因奉

旨該部議奏欽此欽遵於十月初八日抄出到部除船式一欸應聽該部查議外該臣等看得總河臣朱之錫疏稱臺莊以北臨清以南惟恃諸泉之水會流南旺通來官差船隻罔念

河防疏畧

卷之十七

八

寒香館

朝廷京儲之重每到開口喝令啓板積水旣洩糧船不免淺擱但往來滿漢官差絡繹如織河水非易舊典空存未免由而不察仰懇

容鑒特賜

嚴飭容臣仍照舊例刊刻紅牌豎立各閘除緊急兵船暫應讓行外其餘官差船隻一體遵守隨漕起放如有逼勒官夫開閘搶越洩水悞運者應拿究者照例問發應叅奏者據實指叅庶人心知警而漕法不廢等因具

題前來臣等議得凡奉

旨急差與緊急兵船暫應讓行外其餘船隻應如總河

臣所請立牌嚴禁如有不遵許總河臣據實指叅

可也奉

旨已有旨了

戶部覆前疏

題為敬陳河漕事宜等事該臣等查得總河朱之錫

條議運河往來船隻遵守隨漕啓放不許搶開洩

水悞運等語已經工部覆明外其船式一款據工

河防疏畧

卷之十七

九

寒香館

部題稱應聽該部查議前來查十七年六月臣部

覆前任倉場楊義題為漕糧利弊多端等事一疏

內糧船之額式宜稽一款查漕船每隻裝米四百

五十石不許違式大造等因奉

旨遵行在案今總河朱之錫題稱各省漕船打造不如

式并船數不足糧米倍載緣由相應再請

勅總漕各該撫嚴檄漕糧各道務須依式打造其不足

船隻務期補造足數如有違式大造於過淮之日

驗實指叅以憑議處可也奉

旨依議

河防疏畧

卷之十七

十

寒香館

請復河差三年舊例疏

題爲敬陳河差三年舊例請

勅議復以重河防以收實效事康熙二年十月二十二日准工部咨爲掣差事工科抄出該本部題臣等案查夏鎮分司主事李禧熊於順治十七年八月初一日到任起扣至康熙二年六月二十九日止連閏三年任滿又衛河分司主事田本沛於順治十七年八月十五日到任起扣至康熙二年七月十四日止連閏三年差滿以上二差俱應差官更

河防疏畧

卷之十七

十一

寒香館

替因臣部以前乏員未經掣題今臣等置籤糊名掣得都水司主事郭諫管理夏鎮虞衡司員外郎賈雲龍管理衛河俱前往與先差各官交代所有應領

勅書精微批勘合火牌移文各該衙門照例撰給再查臣部河差以前俱係三年爲滿今六部司官輪流陞轉不便仍定三年除中河通惠二差臣部已經題改一年外其北河南旺夏鎮衛河南河五差應照中河通惠二差之例俱以一年更替可也相應一

併

題明等因康熙二年十月初六日題初八日奉

旨依議欽此欽遵抄出到部移咨到臣臣查河防一覽書內故明河臣潘季馴題爲申明修守事宜以圖永賴事部覆欵開一久任部臣以精練習前件看得河工最巨治河最難其司道各官非久於其任精於其業鮮克有成者今河臣潘季馴灼知其故申議久任之法特以中南兩河郎中爲請而又舉見任郎中羅用敬沈修賢能令歷任九年方行優

河防疏畧

卷之十七

十二

寒香館

擢蓋兩河之地甚要則倚辦甚殷且見任郎中既稱得人是誠不可數易者合無悉如所議今後二河郎中員缺勅下吏部卽於工部主事查有曾經分司河上及歷俸稍淺者遴選推補俟後查果職業克修容令歷俸九年方爲破格遷擢其南河郎中羅用敬中河郎中沈修俸資已及六年相應比照陳瑛事例俟其九年考滿方與優叙如有異績卽於京堂缺內推用蓋必有超遷然後可以行久任此又法之相須者也又查故明給事中尹敬題

為河工告成敷陳善後事宜以圖永利事內開一
重久任以便責成照得事理必閱歷而後熟施為
必諳練而後精凡一職一事之寄皆然也况河道
之職關係最重議論最多中間地形之險要水勢
之緩急工程之難易經費之盈縮或黎民懼而晏
然或薪積安而厝火或在載籍為美談而實乖於
至理或在往代為良畫而不宜於今時使非久於
其任者當之則作聰明者涉穿鑿闢大較者昧設
施蓋涉歷有未諳故臨事多眩瞶耳先年屢經題

河防疏畧

卷之十七

十三

寒香館

准久任然非定立章程甄別淑慝則賢且勞者反
淹滯而不才者得苟安非所以勸勤勞而懲惰逸
也合無今後自司道以至府州縣管河諸臣俱令
久任俾令熟知河務諳練機宜修守有方隄防無
失如累歲賢勞著有成效者遇三六年考滿准與
加陞職銜令其照舊管事待其資俸最久績效最
著然後破格超遷其有遷轉離任者則必就近遠
補如管河郎中有缺即以管理泉閘等主事中選
補管河守巡有缺即以附近守巡各道中選補一

則濡染久而端委相諳一則交承速而職事無曠
又必令其新舊交代新者不至舊者不行不惟人
存政舉緩急有資且使舊政告新傳受有法其為
河道裨益非淺鮮也至於才志庸劣不堪負荷者
則聽總理憲臣不時奏請更易不必拘年終考覈
因循姑息致誤地方庶幾人思任事而規避不生
事有責成而鉅工可保矣此皆載在舊章慎重其
事者也即我

朝定鼎之後亦於順治十四年六月初三日准工部

河防疏畧

卷之十七

十四

寒香館

咨為

請復河差三年舊例以收實效事都水清吏司案呈奉
本部送工科抄出該本部覆總督河道楊方興題
前事內稱竊照黃運兩河上關

國計下係民生工部專差司官三年一換誠慎重其
事也查水注有順逆河流有分合地勢有險要隄
形有高卑其處迎溜作何捲築以當其衝其處掃
灣作何幫護以防其汕至於酌調官夫置辦器具
儲蓄物料栽插柳株一切瑣屑事宜種種皆須幹

濟若非久於其任精於其業鮮克有成者此明河
臣潘季馴疏中語意也季馴治河二十餘年知之
真故言之切而三年一換季馴猶恐不能觀其成
又有六年九年之請尤慎重其事也中河分司前
因滿漢司官並差不便互異故將三年之差改爲
一年之差但司官初到地方河道情形未悉茫然
無措必須經歷歲月稍知頭緒尚未諳練而瓜期
又至矣方且料理交代文冊不暇安有餘力餘心
而治河乎卽有極危極險應修應濬之工不得不

河防疏畧

卷之十七

十五

寒香館

付之後官及後官一到便可卸肩又何暇計河道
之濶通堤岸之完固耶前諉之後而後復諉之後
河政漸弛漸壞若至不可收拾而思舊例時已晚
矣今滿司旣裁漢司方任懇乞

皇上軫念河漕重務將分司三年舊例准復庶河工收
久任之效而

國計民生兩有攸賴矣等因順治十四年四月二十
五日奉

旨工部議奏欽此欽遵於四月二十七日抄出到部送

司奉此相應議覆案呈到部該臣等案查臣部河
差舊係三年一換後因河道而兼稅課者滿漢並
差不便互異

題改一年今總河臣疏稱滿司旣裁河道事宜必須
久任諳練以觀其成非三年鮮濟誠從河政起見
旣經具

題前來則中河一差相應仍復三年更換其

勅書臣部移文該衙門換給可也等因本年五月十二
日奉

河防疏畧

卷之十七

十六

寒香館

旨依議欽此欽遵抄出到部移咨遵行在案臣又於順
治十六年正月內

題爲慎重河工職守事一疏部覆內看得總河臣朱
之錫疏稱通惠河道地畝經圍錢糧甚費若一年
一易誰肯爲經久之圖合無准照各河差例改爲
三年等因具

題前來查各處河差俱係三年其通惠河於順治十
二年六月內因滿漢官同差惟滿官奉公更調不
便久任故題照關差一年之例再查先差分司已

經報滿似應更換嗣後新差官員亦應照舊例三年更替可也等因順治十六年二月二十二日題
二十三日奉

旨依議欽此欽遵抄出到部移咨遵行在案該臣看得黃運兩河上關轉漕通塞而民生安危亦於此焉攸寄其間修防之方畧異致節序之流轉相催即使明欵之官亦必得身親歷練然後當機應變施措咸宜無貽事後之悔以故前明河臣潘季馴有管河分司三年一換猶恐不能觀成請以六年九

河防疏畧

卷之十七

十七

寒香館

年為滿而科臣尹瑾復以管河司道等官遇三六年考滿加銜照舊管事准與破格超遷之議此皆昔日慎重其事以為不若此誠不足以專責成而期實效載在河防刻書之中歷歷可攷也即我

朝前河臣楊方與於順治十四年四月內亦具有

請復河差三年舊例等事一疏臣於順治十六年正月內復具有慎重河工職守事一疏俱經部覆奉有旨遵行在案今因六部司官輪流陞轉又兼滿漢並差議將管河分司亦改為一年更替之例敢不欽

遵

成命第河工關係既重水性變遷爭在呼吸又與他事不同若一年一換初則生手未諳茫然無措及至稍知頭緒而差期已滿年復一年豈免貽誤合無仰請

皇上軫念兩河重計或將兼管鈔務所差滿官一年一換其管河分司漢官仍遵前

旨三年一換差內暫停遷轉俟其回部考覈之後准與叙陞既於

河防疏畧

卷之十七

十八

寒香館

新例無礙而

國計民生可以收駕輕就熟之效所禱河政非淺鮮也臣職掌所關不敢緘默謹特疏冒陳伏乞

睿鑒

勅部議覆施行

康熙二年十一月初二日題本月十四日奉

旨該部議奏

工部覆前疏

題為敬陳河差三年舊例等事工科抄出該本部覆

總督河道朱之錫題前事等因奉

旨該部議奏欽此欽遵於十一月十五日抄出到部該臣等看得總河臣朱之錫疏稱前河臣楊方與具有請復河差三年之疏與臣具有慎重河工之疏各題在案今因六部司官輪流陞轉又兼滿漢並差將管河分司改爲一年第河工關係既重請將管河分司仍前三年一換等因具

題前來臣等案查臣部河差原係三年一換先因中河通惠二差已題定一年是以臣部具

河防疏畧

卷之十七

十九

寒香館

題併將北河南旺夏鎮衛河南河五差請俱改爲一年俱奉有依議之

旨欽遵在案河臣所請不便允從相應仍照前

旨遵行可也奉

旨這河差滿漢官俱着三年更換

四舉申明激勸大典疏

題爲申明激勸大典事案照順治十八年八月二十一日准吏部咨開文選清吏司案呈奉本部送吏科抄出該本部會覆河道朱總督題前事等因順治十八年閏七月初五日奉

旨依議欽此欽遵抄出到部送司相應會同議覆該吏部都察院謹遵

旨會議得總督河道統轄五省屬員頗多與巡撫止轄一省者不同今每年河工告竣所薦官員議定額

河防疏畧

卷之十七

二十

寒香館

數應薦差出部司方面共五員有司十員佐貳四員若逾定額不係管轄之官聽部院叅處所薦之官不准註冊如在定額之內俱准註冊奉

旨之後行令該督照新題定例薦舉可也理合具覆恭候

命下轉行遵奉施行等因順治十八年八月初六日奉旨依議本內漢字首行遺落等衙門着添補飭行欽此欽遵抄出到部移咨到臣遵行在案爲照河屬歲修例應甄別節經

題明奉有

俞旨查康熙元年河防告竣臣先經檄行各屬造報賢
否去後節據各司道造報前來臣復嚴加檢覈惟
以本年之內若有成績克濟河防者遵照額例列
之薦剡蓋河工重大夫料繁鉅其間調度催集非
此無以鼓勸兼之本年黃水異漲奔馳搶救各官
勤勞尤所難泯至或別善可稱他端難料苟於河
政無裨者皆臣所不敢贅及也其溺職各官除聞
見所及已經陸續

河防疏畧

卷之十七

壬

寒香館

題叅外茲亦查據揭報分別叅處所有應薦應劾官
員謹臚列為我

皇上陳之

計開

應薦司道官五員

南旺分司工部員外王澧搜泉源於曠邈
之區督挑濬於風雪之際南陽花家淺
一帶黃運交侵修治緯道重運賴以無
停係濟寧道方兆及開報

夏鎮分司工部主事李禧熊疏濬河渠節

宜開座調濟夫徭靡不駕輕就熟而接

建鎮城崇墉底績成勞尤自可紀係淮

徐道項錫胤開報

山東左布政使周天爵防河兵餉解發如

期飽騰克賴石香爐夫柳浩繁殫力督

催大工速竣尤覘動勸之効係署按察

使王紀開報

河南左布政使徐化成該省按地出夫僉

河防疏畧

卷之十七

壬

寒香館

派均平剔釐嚴密以故黃流四溢之秋
輸將輻輳昏墊即寧允稱共濟係署按
察使萬永祚開報

河南分守河北道叅議吳柱黃沁交漲晝

夜河干而且鳩夫辦料鼓勸有方故能

不費公帑克平巨患誠地方之屏翰也

係左布政使徐化成開報

應薦有司官十員

開封府知府武永成開屬險工最繁本年

水患尤烈解夫運柳奉行督催無不喘
嗟立應可稱急公能吏係署按察使萬
永祚開報

兗州府運河同知王有容明敏之才足堪
四應董役則百廢具興僭運則片帆無
阻承委塞決勞績尤多係濟寧道方兆
及開報

開封府南河同知崔維雅沿河三百餘里
奔馳風雨拮据工料不費絲毫之帑克

河防疏畧

卷之十七

三

寒香館

平泛濫之災勞苦難泯係左布政使徐
化成開報

鎮江府推官王養晦京口爲運道咽喉奉
行挑淺派夫督工勇任任事尅期之間
空重利涉係漕儲道王廷獻開報

兗州府推官余國柱石香爐望青採柳百
餘萬親歷工廠警勵各屬且申嚴科擾
之禁民不知累係左布政使周天禡開
報

濟寧州知州李順昌需樁料則設備有餘
散夫食則侵漁盡絕且水陸之衝供億
兵差勤勞尤著係濟寧道方兆及開報
定陶縣知縣馬之瑛徭役均平夫工無曠
石香爐解柳之外助樁助車助募夫無
不一呼卽應係兗州府推官余國柱開
報

河防疏畧

卷之十七

三

寒香館

東阿縣知縣劉沛先築壩挑淺不時躬歷
河干董工給食夫沾實惠踴躍爭先係

北河分司高恒豫開報

山陽縣知縣朱禹錫高堰及裏外兩河無
月不親行董覈河有實工夫無冒食有
司中之實心任事者係淮安府推官俞
有章開報

中牟縣知縣朱之翼鼓勸災黎設辦樁料
諸料露宿堤上晝夜忘勞故不逾時而
狂瀾順軌係開封府知府武永成開報
應薦佐貳官四員

歸德府經歷沈成士委防河汛勞瘁不辭
係歸德府知府宋國榮開報

東平州判官王統濟淺防壩克盡勤勞係

北河分司高恒豫開報

曹縣縣丞張世弘承委催料輸解如期係

兗州府推官余國柱開報

夏津縣主簿朱國材督夫勤勞挑河如式

係北河分司高恒豫開報以上各官所

當薦揚以備叙錄者也

河防疏畧

卷之十七

三十五

寒香館

應劭官四員

鄒縣知縣孟醇

一本官玩視河務該縣原額泉夫四十

四名應支工食二百八十八兩原有

設立照票預散各夫收執各將每年

領過銀數據實登填今吊查該縣元

年照票俱係一手填寫朦混顯然窮

夫安賴現在發審

一本官將該縣泉夫帶閩銀九兩六錢

於元年無閩年分混開支給侵冒情
弊不問可知冊票並據係南旺分司

王澧開報

山陽縣裡河主簿周繼文

一本官於順治十六十七兩年新正各

夫投卯索詐叩見節儀每年得銀三

兩六錢共銀七兩二錢後因各夫稱

苦方行中止淺夫郭義熊龍等証

一本官於順治十七年六月內因經河

河防疏畧

卷之十七

三十六

寒香館

西地方居民張木匠等六家栽花種

菜指稱挖堤詐得叩頭銀一兩有蕭

瑞甫不曾與銀本官責伊十五板地

方樊應証

一本官查勘裡河涵洞開閉勒索洞頭

陋規自順治十六年至康熙元年計

四年共得銀二兩二錢地方樊應洞

頭高三証係各夫告發經淮安府推

官俞有章審實申報以上二官所當

發審追擬者也

歸德府通判李先魁

一本官疎玩成性任事既久呈詳河務尚多茫昧

一本官每當水漲之期輒以有病請假淺恐貽悞

一本官祭河賽神留女旦梅五車陪酒暢飲士民指笑係河南左布政使徐化成開報

河防疏畧

卷之十七

壬

寒香館

榮澤縣主簿黃乘乾

一本官賦性怠惰在工夫役不能稽察督催一任偷安曠廢

一本官職任管河凡河工大小水勢險

緩物料出入茫無所曉係河南左布

政使徐化成開報以上二官所當分

別議處者也伏乞

醇等

勅部再加覆覈如果臣言不謬將王澧等酌量叙錄孟

勅下審擬李先魁等分別議處庶勸懲聿彰河事有賴

矣

康熙二年十一月二十九日題十二月十七日奉

旨吏部知道

河防疏畧

卷之十七

壬

寒香館

特參怠玩廳官疏

題爲特參怠玩廳官以重防河大計事康熙三年五月初三日據中河分司金達喇漢包元辰呈稱蒙臣票開照得邳宿河務同知張四維前據該司轉詳告養及查本官蒞任三載有餘未經考滿似屬規避之情復經行司嚴查去後近見該司文移中有該廳怠玩各項稽遲萬呼不應之語黃運兩河關係何等重大如此怠玩之官安望倚辦但無詳開指實未便入

河防疏畧

卷之十七

三十九

寒香館

告合行查取爲此票仰中河分司照票事理卽查張同知怠玩稽遲事件開明密揭封固報院以憑

題參俟另檄行司查議委員委署毋得徇庇貽誤河工大有未便蒙此該本司遵依查得河工歲修夫料錢糧俱係

題報事件必由河廳轉文到司據查明白轉詳本部院裁酌具

題近因邳宿河務同知張四維先在河工料理催辦頗勤自康熙二年十一月間被盜之後母老受驚

本官卽動思歸之念一切河務未免懈弛以致呼應不靈卽釐覈曠盡銀兩一案順治十六十七十八三年銀冊節蒙本部院差官守催急如星火本司晝夜焦思自康熙三年正月起到四月十五日止屢次嚴催該廳並不造冊呈報隨分投提取印河官經奉本司不得自行造送又奉本部院檄行栽植堤園柳株本司於去歲十二月二十二日備行各河廳嚴催裁補去後各廳俱已報完造冊在案該廳尚無隻字回覆又康熙二年歲報於三

河防疏畧

卷之十七

三十九

寒香館

年正月十七日行廳查造今已四月將終該廳並不遵式造報本司將取到州縣文冊查明改造發廳用卽以上各項皆係緊要事件錢糧重務豈容遲悞目今邳宿睢桃黃運兩河各工修防甚殷本司所恃者廳官專司所轄料理今該廳旣告終養督催諸事廢弛今蒙行查敢不備細呈報等因到臣該臣看得邳宿一帶黃運兩河工程

國計民生關係綦重而董口尤爲運道咽喉黃水漲消無常修防濬築一惟廳官是賴邳宿河務同知

張四維自順治十七年九月內蒞任以來拮据河
干頗盡勤瘁至去冬被盜行劫衰母受驚本官遂
萌歸志具詳告養臣批行司道查例取結仍飭以
加意料理毋致弛誤嗣據該司開報該廳稽遲事
件不一而足雖其養親志切然未經謝事輒多玩
弛則其始勤終怠之咎臣誠不能爲之姑息也除
一面批行該司道查議委員委署外所有本官怠
玩緣由相應

題叅伏乞

河防疏畧

卷之十七

三

寒香館

勅部議處所遺員缺速令銓補施行

康熙三年五月初九日題本月二十五日奉

旨張四維着議處具奏該部知道

河防疏畧卷之十八

義烏朱之錫梅麓甫著

闕里屬員孔貞來元起訂

稽山後學徐 沁楚公輯

議覆請裁無益河官疏

題爲請裁無益河官以省冗費事康熙三年閏六月初九日准工部咨工科抄出該本部覆工科左給事中徐惺題前事等因康熙三年五月二十四日題本月三十日奉

河防疏畧

卷之十八

三

寒香館

旨該部議奏欽此欽遵於五月三十日抄出到部該臣等看得科臣徐惺疏稱夏鎮工部一差所管河道不過百里從無沙淤淺澁之患每年額設催淺夫工食銀五千餘兩且民間私貼不知凡幾又所管開座北有濟寧分司南有呂梁分司何難兼攝况有徐屬同知泲河通判沛縣王簿三官分管其地合無將夏鎮一差

勅部議裁或責成濟寧呂梁部司分攝或責成州縣官專司其事等因具

題前來查得科臣所議徭夫淺夫工食有無民間私

貼其夏鎮分司應否可裁臣部難以懸議相應請
勅總河臣查照科臣疏內事宜參酌妥確具

題以憑議覆可也等因康熙三年六月十九日題本
月二十一日奉

旨依議欽此欽遵抄出到部移咨到臣准此隨經備行
山東兗東道江南淮海道並中河南旺夏鎮三分
司查議去後續據各司道詳覆到臣該臣看得設
官分職各有專司無益於公家者自不可徒留以
滋擾費有關於

河防疏畧

卷之十八

二

寒香館

國計者亦未可輕去以悞將來皆不得不慎為審處
者也科臣條議裁併夏鎮一差誠為節省起見第
查該司一署設立有年所轄滕嶧沛三縣河道二
百餘里專為漕輓重計全以人力鑿石成渠惟藉
上源諸泉之水滙流濟運少旱則涓流易涸水發
則淤沙噴湧時挑時塞工力艱繁中間閘座十有
一處地形陡峻有若建瓴止賴啓閉得宜遞相灌
注弁丁之逗遛過船之撓梗端緒錯出非所司者
調劑其間求其飛輓無阻不可得也至於閘座傾

圮湖流蓄洩修堤度緯隨事施工又皆不容刻廢
者且濟寧以南宿遷以北五百餘里官司衙署離
河寫遠是以昔日特設分司駐劄夏陽提調南北
河道無故似乎修防易辦其如水旱不齊無歲不
有方且分身不暇患乎官少若果他司事簡或者
不妨就近兼理而南之呂梁分司所轄黃運兩河
途長工險北之濟寧分司又專督泉源閘座畫地
分理本管工程尚費竭蹶又焉能再為遠攝致有
顧此失彼之虞乎今司道查議僉同臣復詳酌事

河防疏畧

卷之十八

三

寒香館

勢似應仍舊之為便也其餘河員亦無冗濫可裁
除夫役更番情由科臣仍有專疏條議另查
題覆外至於所用各州縣夫役原係按地公派每日
官給工食銀三分如遇年歲荒歉餬口不足民間
自為幫貼或有正身不能應役以及散戶不齊而
轉僱他人代應者備資低昂一聽民便原非官為
徵派也既經各司道呈詳前來相應具
題伏祈

勅部議覆施行

康熙三年十月初九日題本月二十三日奉

旨該部知道

工部覆前疏

題為請裁無益河官以省冗費事工科抄出該本部覆總督河道朱之錫題前事等因奉

旨該部知道欽此欽遵抄出到部該臣等案查先經科臣徐惺條議裁併夏鎮工部一差及夫食銀兩有無民間私貼其夏鎮分司應否可裁請

河防疏畧

卷之十八

四

寒香館

勅總河臣確查具

題咨行在案今總河臣疏稱該司所轄河道專為漕運重計是以特設分司駐劄夏陽提調南北河道而南之呂梁分司北之濟寧分司本管工程尚費竭蹶焉能再為遠攝似應仍舊為便至於各州縣夫役按地公派每日給銀三分如歲荒餬口不足民間自為幫貼或有轉催代應備資低昂一聽民便原非官為徵派等因具

題前來查裁併夏鎮分司并幫貼情由既經總河臣

查明俱無庸查議可也奉

旨依議

河防疏畧

卷之十八

五

寒香館

兵船回空轉至疏

題為兵船回空轉至開河勢難兼行請

勅酌議暫為通融以無悞新運事竊照開河自臺莊以北臨清以南將及千里原因輓漕重計人力開鑿成渠哀會衆泉分注南北得雨則泉盈流湧少旱則涓滴如金故開河河身從來窄狹中窪旁坡原難兩舟並溯且南旺為運河之脊南北地形陡峻勢等建瓴中間設閘不下五十座全賴遞互節宣以資利涉每年重運往北回空往南各有程限始

河防疏畧

卷之十八

木

寒香館

於新運克濟以故運河之啓閉有法偏漕有禁惟首以漕船為急而餘船皆在次也至若軍行緊急原難拘泥故常但兵船數少則暫停待過為期非久亦無大悞查臣任內歷年以來經過兵船每起不過數百隻未有奉撤回京凱旋復

命舳艫相接與南下回空輻輳一時如目前之多者今歲東省久旱董口清黃不敵例應築壩攔禦臣前接司道報文據因兵船經過開通稍早未免倒灌又清口淮水力微黃水過盛亦被濁沙淤澱隨於

九月初四日親馳勘督又慮在北回空或為過往船隻閉閘稽滯萬一兵船入閘南下愈艱更計兩口撈濬尚需時日臣一面各發

今旗嚴檄司道等官駐工料理一面亟亟北返逐節分差併疊飭沿河文武各官乘茲蘇州兵船未到之時晝夜催趕倘得先過臺莊庶彼此並行兩無相礙旬餘以來已幸回空五千餘船俱進臨清閘口至十月初七日過濟者計已及三千隻較之歷年船數相等固不為遲惟是寧海將軍臣祖永杰

河防疏畧

卷之十八

木

寒香館

統領防蘇回京兵船一千五百餘隻據已陸續南出清口今又將入董口矣董口至閘不過二百里回空南下正在此時倘兵船一入臺莊即使悉係輕舟計非半月不能過盡若各船之內再有體式重大入水較深者又不得不挨船逐閘守板蓄水曠日需時更難預料况湖廣凱旋兵船臣淮南來咨文據稱約計需船亦不下一千五百隻已至江寧指日將到開河一帶回空魚貫今欲一時並進勢既萬萬不能若停橈以待無論凍阻難免即使

臨濟以南天日融和而數千兵船屈指月餘尚難
盡出北關回空各船又安能乘此歲內出口入黃
赴次受兌而副新運之限乎先經臣與總漕臣林
起龍再四商確既不敢阻滯官兵又未可貽悞運
事攢眉相對憂心如焚臣惟兵船糧運均關

國家重務不得已而權衡於兩者之間空回一遲便
難補救兵船少緩尚可通融合無仰請

睿鑒特准兵船暫讓回空先行出關併別項差船共體
國計不致閉關阻隔大約不過數旬之期臺莊以北

河防疏畧

卷之十九

寒香館

回空近三千般可以盡數南下來年新運既免貽
悞而回空過後河道疏通軍行亦不致有所阻碍
矣除臣一面親赴董口與寧海將軍臣祖永杰面
商外謹會同總漕臣林起龍合詞具

題貼黃難盡伏乞

睿賜全覽

勅部速議具覆施行

康熙三年十月十二日題 月 日奉

議覆更番河夫疏

題為請更番河夫以節

國計事康熙三年閏六月初九日准工部咨工科抄
出該本部覆工科左給事中徐惺題前事等因康
熙三年五月二十四日題本月三十日奉

旨該部議奏欽此欽遵於五月三十日抄出到部該臣
等看得科臣徐惺疏稱運河額設夫食錢糧每名
歲食銀十兩八錢而此項夫食各州縣派自地畝
正戶僱募每名又下一二十兩請嗣後冬加縣

河防疏畧

卷之十八

寒香館

額夫閻為上下兩班其不上班者報贖解部倘有
衝決大工兩班併力從事每年可節省數萬金錢
即減小民二十萬僱募等因具

題前來查得河工夫役俱係總河專職今議分為兩
班臣部難以懸議相應請

勅總河臣查照科臣疏內事宜逐一酌量妥確具

題以憑議覆可也等因康熙三年六月十九日題本
月二十一日奉

旨依議欽此欽遵抄出到部移咨到臣當即備行董口

以北天津以南各該司道酌議妥確詳報去後續據中河南河夏鎮南旺北河各分司及沿河各道詳覆到臣該臣看得運河自董口至天津延長二千餘里額設夫役除議抽議減并橋閘夫晝夜啓閉打放空重船隻絕流之日仍同淺夫用工無容再議外實在徭淺等夫五千九百七十八名今科臣條議分爲兩班誠爲上省帑金下寬民力起見臣遵卽檄行司道妥議擬稱南北地勢不一工程修濬亦殊人夫多寡原各因河道險易而設其間

河防疏畧

卷之十八

十

寒香館

有湖河相聯水沒緯道者有清黃相接於漲不常者甚有地形窪下水勢陡峻一派泥沙隨水噴湧者故旱則患淺潦則易漲惟賴此額夫終歲畚鍤隨時挑濬築護以濟漕運倘遇河道多故卽全夫着役尚往往有不足之憂其間或偶有停曠卽將應支夫食扣存報解該印河官按季設有循環登記查覈該司道仍於每歲造冊報臣卽將原冊彙送工部先於順治十六年曾經

題明在案原無容其乘機私扣者也今議分爲兩班

夫力減少捉襟見肘勢必廢弛雖曰遇有急工不妨臨時全調但天時水旱無歲不有夫役徵集倉卒難齊萬一燃眉當前呼應不及誠有如科臣所云一旦有事耽誤重計者不容不慎也况兗郡州縣之夫經臣再四等度別其繁簡除扣曠之外工少年分仍有議扣停曠兩月者其餘撙節之計亦可謂纖悉靡遺矣至於分班之議臣前因夏鎮司屬嶧縣地荒民逃臨河衝苦所有原額夫數曾於順治十六年內檄行該司道分爲兩班少從寬恤

河防疏畧

卷之十八

十

寒香館

扣曠已久但嶧夫旣虧該管河道已患夫少又非徐滕州縣所可援以爲例概從減削者也除兗屬內州縣及嶧縣停曠月分分班夫數照扣曠銀外若其餘州縣概議分班恐誤運事相應照舊仍飭該司道嚴加查覈倘有工程減少人夫逃曠者據實開報扣存曠銀以實河帑如有借名私扣官役侵肥者揭報到臣從重叅處可也旣經各該司道呈詳前來相應具

題伏乞

勅部議覆施行

康熙三年十一月初六日題本月二十八日奉

旨工部知道

工部覆前疏

題為請更番河夫以節

國計事工科抄出該本部覆總督河道朱之錫題前
事等因奉

旨工部知道欽此欽遵抄出到部該臣等案查科臣徐

惺條議河夫闖為上下兩班其不上班者報曠解

河防疏畧

卷之十八

十一

寒香館

部倘有衝決大工兩班併力從事等因臣部請

勅總河臣酌量妥確具

題在案今總河臣朱之錫疏稱除兗州府所屬州縣

及嶧縣停曠月分分班夫數照扣曠銀外若其餘

州縣槩議分班恐悞運事相應照舊倘有人夫逃

曠據實開報等因具

題前來查更番河夫既經總河臣查明難以更張應

如所議其人夫逃走扣曠等項相應請

勅總河臣年終造冊

題報可也奉

旨依議

河防疏畧

卷之十八

十一

寒香館

五舉申明激勸大典疏

題為申明激勸大典事案照順治十八年八月二十

十日准吏部咨開文選清吏司案呈奉本部送吏

科抄出該本部會覆河道朱總督題前事等因順

治十八年閏七月初五日奉

旨依議欽此欽遵抄出到部送司相因會同議覆該吏

部都察院謹遵

旨會議得總督河道統轄五省屬員頗多與巡撫止轄

一省者不同今每年河工告竣所薦官員議定額

河防疏畧

卷之十八

十四

寒香第

數應薦差出部司方面共五員有司十員佐貳四

員若逾定額不係管轄之官聽部院察處所薦之

官不准註冊如在定額之內俱准註冊奉

旨之後行令該督照新題定例薦舉可也理合具覆恭

候

命下轉行遵奉施行等因順治十八年八月初六日奉

旨依議本內漢字首行遺落等衙門着添補飭行欽此

欽遵抄出到部移咨到臣遵行在案為照河屬歲

修例應甄別節經

題明奉有

俞旨查康熙二年河防告竣臣先經檄行各屬造報賢

否去後節據各司道冊報前來臣復嚴加檢覈惟

就本年之內著有成績克濟河防者遵照定額列

之薦別苟於河政無裨雖或別政可稱他端難料

皆臣所不敢贅至滿官雖無開薦舊例但中河分

司前因决口一案曾經部覆一體處分註誤既難

獨寬成勞自宜並錄故敢一併開列其溺職各官

除聞見所及陸續

河防疏畧

卷之十八

十五

寒香第

題參外茲亦查據揭報分別參處所有應薦應劾官

員謹臚列為我

呈上陳之

計開

應薦司道官五員

中河分司戶部郎中金達喇漢奔馳於黃

運兩河之間酷暑嚴寒備經勞苦武官

營河勢南徙協同督率寢處河上不費

帑金而險工速竣係淮海道佟國禎開

報

中河分司戶部員外郎包元辰防徐邳睢

桃黃河之衝治邳宿運道之淺上下五

百餘里分任宣勞克殫心力故能使狂

瀾底績輸輓無停係淮海道修國頑開

報

南河分司兵部郎中吳煒淮屬歲修高堰

五大險工稽督維嚴堅完可恃而開挑

芒稻月河二百餘丈疏濬涇河開下四

河防疏畧

卷之十八

十六

寒香館

十餘里幫築高寶江東堤二百餘里皆

其成勩之難泯者係驛鹽揚州道羅森

開報

北河分司工部主事高恒豫拆修磚閘費

省工堅堪垂永賴且督大批而晝夜兼

工禦水患而勸輸竣役勞績班班可紀

係東昌道楊陞開報

江南驛鹽揚州道叅政羅森高寶江儀一

帶查閱所至整頓無遺挑濬射陽湖大

工受事月餘即能嚴催底績誠共濟之

弘才也係江南布政司崔澄開報

應薦有司官十員

河南開封府知府武永成開屬夫柳最稱

繁劇秉公僉派極力督催修防恃以有

濟司郡中翹楚也係大梁道王來用開

報

江南鎮江府知府錢升徒陽河道沙停易

淺不煩催飭而能督屬鳩夫先期勞濬

河防疏畧

卷之十八

十七

寒香館

空重經臨無阻係布政司崔澄開報

山東兗州府黃河同知黃尊光修守曹單

堤工往來拮据不辭勞瘁石香爐挑濬

引河俾全河順軌節省殊多係濟寧道

方兆及開報

河南開封府推官今陞開封府北河同知

于紀龍當黃流洶湧之日協同守護寢

食不遑而於河工蠶獎留心釐剔洵為

治河之選係開封府知府武永成開報

山東兗州府泲河通判房星煥督大批於
風雪之時趨重運於炎日之下殫力驅
馳而啓閉節宣尤能苦心調劑係兗東
道周文華開報

山東濟南府推官錢志進濟屬爲諸源所
滙奉行督飭案牘無留夫食絕漏卮之
奸泉工有子來之效係分守濟南道閻
廷謨開報

河防疏畧

卷之十八

十一

寒香館

江南揚州府推官王士禎委盤河庫綜覈
精詳至於提搶救之夫嚴包折之禁玩
愒之風爲之一振係驛鹽揚州道羅森
開報

山東兗州府濟寧州知州李順昌濟地兵
差絡繹拮据支應歷著成勞督挑天井
開河捐資鼓勵群夫更樂爲用係濟寧
道方兆及開報

河南歸德府寧陵縣知縣遲炤夫役均平
協修考城險工絕鮮逃曠應辦柳料更

復完解獨先係歸德府知府宋國榮開
報

山東兗州府汶上縣知縣汪震元南旺大
挑駢工督催全漕攸賴修築上流李家
寺口設辦椿木尤見急工之績係南旺
分司王澧開報

應薦佐貳官四員

山東兗州府照磨楊如楫委督大批克効
勤劬係濟寧道方兆及開報

河防疏畧

卷之十八

十一

寒香館

江南淮安府山陽縣主簿顧士棟修堤栽
柳具徵勞績係南河分司吳煒開報

江南揚州府寶應縣主簿袁坦防堤濬淺

河政聿修係揚州府推官王士禎開報
河南開封府祥符縣主簿康文禮拮据險
工勤於乃職係開封府知府武永成開
報以上各官所當照例薦揚以備叙錄
者也

應劾官四員

河南長葛縣知縣何勝光

一本官玩視河工柳稍任催不前遲至水後始行上納無濟急工

一本官智識昏暗坐堂審事一任兩造喧譁竟日不能判決

一本官年力衰邁動履維艱難司民社係河南布政使徐化成開報

河南閩鄉縣知縣栗弘猷

一本官漠視河政耳目不靈一任催呼

河防疏畧

卷之十八

干

寒香館

竟置不理

一本官額夫三十九名不委的役押解

盡行逃去屢次催提延至三月之後

始解夫十七名奉行怠玩貽誤堤工

係河南管河道劉澍開報

江南豐縣主簿袁國器

一本官年力已衰暮氣難振

一本官承催柳料屢費催提急工無賴

係中河分司金達喇漢包元辰開報

河南商丘縣主簿錢樑

一本官年逼桑榆耳目不靈在廠收授柳梢全無頭緒以致百姓久候費有

怨聲

一本官所管上工河夫二百四十名一任逃躲漫無稽查

一本官河工緩急估計埽料茫無調度係歸德府知府宋國榮開報以上各

官所當照例分別議處者也伏乞

河防疏畧

卷之十八

圭

寒香館

勅部再加覆覈如果臣言不謬將金達喇漢等酌量叙

錄何勝光等分別議處庶勸懲聿彰河事有賴矣

康熙四年二月二十一日題三月二十六日奉

旨

糧運關係甚鉅疏

題為糧運關係甚鉅天道元早可虞特

請申明漕禁以全輓輸重計事竊照開河一帶原因漕輓重計人力開鑿哀漚泉泉分濟南北得雨則泉流常潤湖櫃可收久旱則泉脉先枯湖身日涸且南旺為運河之脊南至臺莊北至臨清地勢窪下全賴上下四十餘閘遞相灌輸否則一洩無餘舟膠而不可行矣原與長江大河天然利涉者不可同日而語也以故運河之水止以六捺為限故明

河防疏畧

卷之十八

三

寒香館

會典所載漕船有定式載米有定數取其入水不淺易於浮送而於各關偏漕之禁尤諄諄三致意焉且云公差內外官員人等乘坐馬快船或站船緊急公務就於所在驛分給與馬驢過去不許違例開闢我

朝順治十三年十二月內亦經工部

題覆巡漕臣侯于唐申嚴開座等事一疏內開開座

啓閉原關糧運務照舊例首先糧艘次及官商等

因奉有依議嚴飭行之

首武遵在案總緣天時地利不得不然故權衡事勢而勒為禁例有如此也况從來瀕河地方春雨常少舊例惟恃伏秋時雨盛行收入湖櫃接濟下年新運奈東省自去歲以來乾旱異常境內各山滴水未發雖竭力支持舊漕幸而告竣然山泉之小者多枯大者已弱湖水之舊者盡放新者無收臣日夕憂懸未敢寧處屢經檄行司道廳印等信借集鄉夫加挑河身多設閘壩搜剔泉源疏通會河務使一勺無遺盡為漕用但恐雨澤仍屯來源既滿

河防疏畧

卷之十八

三

寒香館

人力雖竭難與天爭實有不得不鯁鯁過計者查臣於康熙二年九月內具有敬陳河漕等事一疏內船式一事已經部覆奉

旨頃閱邸抄復經倉場臣白色純等條

奏現行會議然如式打造尚屬遠圖目今急籌尤在

僱剝除一面移咨倉場總漕臣會商不敢瑣陳外

至於開禁一事已經工部

題覆未奉

命旨復經兵部覆議內開奉

官差遣及赴任官員船隻仍令糧船讓路放過在諸臣
固因

王事起見但官差各船原聽隨漕啓放未嘗竟阻行
程且所難者不在讓路而在閘板內之涓涓水利
耳若閘禁全弛官差船隻絡繹不絕雖仰體

國計固不乏人其間心急行程惟圖便一己之私不
復顧

京儲之重往往到閘勒催啓板積水無存閘內糧船
必致淺擱甚有裝載重艦需水浮送船役假藉聚

河防疏畧

卷之十八

三十四

寒香館

集多人分守各閘上閘之應閉者強之使開洩水
下注則重運之在上者阻矣下閘之應開者強之
使閉留水待船則重運之在下者又阻矣當此天
旱源微之日即使恪守漕規毫無紊越猶恐輓輸
維艱若再視爲末務則涓滴幾何節宣盡廢而欲
其汎舟飛渡豈可得哉臣以爲公差緊急雖不能
盡由陸路不妨差船漕船兩相照應至於赴任官
員南來北往無日無之果使遵照水程卽隨漕而
進何致誤限倘志存叱馭則河路紆迴原未禁其

從陸似又不可不盡臣謹以全

國計也仰懇

皇上軫念漕運重務

天語渙頒特賜申飭除緊急差船兩相照應遇便讓行
外其餘船隻務遵禁例隨漕前進毋容船役擁聚
閘上強勒啓閉阻誤糧艘如有故違照例叅究仍
容臣刊刻榜示豎立各閘庶人心有常目之儆而
漕事無廢墮之憂所裨軍
國非淺鮮也貼黃難盡伏乞

河防疏畧

卷之十八

三十五

寒香館

睿賜全覽

勅部議覆施行

康熙四年二月十二日題本月二十九日奉

旨據奏東省自去歲乾旱異常山泉之小者多枯大者
已涸湖水之舊者盡放新者無收應差賢能官二員
往看應差官員吏部速開具奏

河防疏畧卷之十九

義烏朱之錫梅麓甫著

闕里屬員孔貞來元起訂
稽山後學徐 沁堃公輯

請禱泰山疏

題為天道元旱太久汶水來源益微謹循例請禱

泰山巽沛霖以利漕運事據南旺分司王禮北河

分司高恒豫濟寧道方兆及會呈據兗州府運河

同知王有容呈稱開河原非江河之水惟賴涓滴

泉流匯注濟運自去夏至今天道元旱雨雪未施

河防疏畧

卷之十九

一

寒香館

泉枯河涸雖竭盡人事無奈來源水微又值兵船

重運相繼前進倘天再不雨實可憂慮理合預呈

等因轉報到臣據此案查臣於順治十六年五月

十三日准禮部咨為運河淺涸糧艘濡滯敬循往

例請禱霖霖以資利涉事內開該工部覆巡倉御

史范平題前事該臣等議得漕運盛行之時臨濟

等處全藉泉水充盈庶漕艘易於輪輓今久元泉

乾相應請

勅總河臣嚴督司道各官多方導蓄凡有淤淺處所力

行挑濬無誤漕務如有因循怠忽即指名

題叅以憑從重議處至於祈禱

泰嶽事隸禮部請

勅禮部議覆可也順治十六年四月二十六日題本月

二十七日奉

旨是依議行欽此欽遵於五月初一日抄出到部送司

察得順治十四年四月內總督河道楊方輿疏請

祈雨於

泰山恭備香帛祈禱致祭本部題覆

河防疏畧

卷之十九

一

寒香館

遣官一員往送香帛着該督楊方輿祈禱致祭等因在

案相應具

題案呈到部該臣等議得漕運關係重大應如范平

所請照例臣部恭備香帛差官速往該督朱之錫

俟

欽頒香帛到日即虔誠詣

泰山祈禱致祭謹題請

旨順治十六年五月初四日題初五日奉

旨依議欽此欽遵移咨在案又查順治十七年五月初

三日准禮部咨爲元暘不雨泉泥微細謹循例請
禱

泰山異沛其霖以全漕運以甦民生事祠祭清吏司
案呈奉本部送禮科抄出該本部題覆暫署河務
吏部右侍郎楊茂勳題前事緣由於順治十七年
四月初六日題本月十九日奉

旨該部議奏欽此欽遵於四月二十日抄出到部送司
相應議覆案呈到部該臣等議得漕運關係重大
應如楊茂勳所請行太常寺恭備香帛臣部差官

河防疏畧

卷之十九

三

寒香館

速往其該督楊茂勳應俟

欽頒香帛到日卽虔詣

泰山祈禱致祭謹題請

旨順治十七年四月二十五日題本月二十六日奉

旨依議欽此欽遵抄出到部移咨在案今該臣看得運

河自臨清以至董口將及千里地勢高亢不通江
河所賴以濟運者惟藉諸泉之水南北分流故必
挑濟節宣設法利涉尤必得天雨及時然後泉源
暢達河開克盈獲免膠滯之患此固天時人事交

相須而不可或缺者也去歲東省自夏徂秋膏雨
久屯汶水源流已極微細臣恐漕河淺澁嚴督司

道廳印等官或築壩加挑或水中撈濬疏通泉穴
樽放湖水竭力支持舊漕幸而告竣詎意閱歷三
冬曾無寸雪入春以來又復風霾不休元暘更甚
泉泥逾竭河水日微從來乾旱未有如此之久者

臣晝夜焦思寢食俱廢現在率屬祈禱并屢檄司
道等官備集鄉夫加挑河身多設閘壩搜剔泉源
疏導會河務期通行外目今開壩伊始寧海將軍

河防疏畧

卷之十九

四

寒香館

臣祖永杰回京兵船一千五百餘隻內多重滯江
船尚未過濟江西舊運尾漕以及江浙新運船糧
絡繹北上若天時再旱不雨則舟行艱難實爲可
慮臣查順治十四十六十七年俱有所禱

泰山併請

欽頒香帛覆奉

俞旨其霖應禱之案臣謹循例上

請伏乞

皇上容臣躬詣

恭嶽虔禱併祈

欽頒香帛昭告明禋仰賴

皇上至德格

天甘澍立沛庶運道民生均邀

鴻造而臣亦可以少追不職於萬一矣

康熙四年二月十五日題本月 日奉

旨

河防疏畧

卷之十九

五

寒香館

重運鱗抵臺莊疏

題為重運鱗抵臺莊逐開蓄水前進謹具疏題

報仰祈

睿鑒事竊照運河於康熙四年二月初一日挑完開壩之後緣東省久旱源流微細挨開灌塘至初十日水汛始抵南陽迤南兵船開行北上及至過完南旺又須借水北注而南來重運糧船因上源水微閉板下流未免愈艱臣馳赴泃河以及董口一帶料理僱運於二月二十八日具

河防疏畧

卷之十九

六

寒香館

題在案所有董口以北臺莊以南原無石閘臣嚴督司道等官添建草閘蓄水浮運併各處覓船起剝內江西舊運尾漕船大倍載吃水十有餘捺一時難行反成阻壓臣隨牌諭江西糧船暫讓新漕先進俟船到起剝相換北上續又准總漕臣林起龍咨商亦稱催進董口重船不下二千餘艘若欲挨幫遙剝誠恐江右漕船體重吃水必淡值此一綫微流一船淺閣後船俱阻莫若將江右重運令其暫停徐進俟河流稍盈飛催北上先將新運各幫

剝償前發庶不致彼此坐誤等因到臣與臣前行
僉同當經咨覆并檄中河司道廳官照行外嗣因
欽頒香帛到濟臣卽前詣

泰山祈雨復又恭接

恩詔隨照例膳黃頒行所屬間據東昌府管河通判楊
興祖揭報兵船已於三月二十七日俱出臨清口
開北上臣卽檄行各該司道營汛等官將濟寧前
後東昌濮州東平等衛所五幫俱係領兌東省糧
船并徐州壽州二衛新漕及江西舊運荊州衛船

河防疏畧

卷之十九

七

寒香館

糧前此不能前進者一面蓄水償行又屢次嚴檄
南北各司道等官督率額夫再加撈濟凡於人事
可盡者務期設法疏通不遺餘力外臣復自濟往
南迎催重運據進過董口新漕船糧俱已催抵臺
莊關下啣尾守板蓄水自三月二十七日起至四
月十二日已進過臺莊關內者淮安大河邳州高
郵泰州鹽城通州興化武平洪塘六安廬州各衛
所共船四百四十三隻但天旱水微在常時積水
止須一二日者今則非三五日不能盈漕放關並

其餘幫船見在挨次守板蓄水前進此亦事勢所
不得不然者耳今淮安衛糧船五十七隻見抵濟
寧在臨清口北衛水尚盈可以接濟至若濟北臨
南一帶別無支流惟恃諸泉涓涓分注之水歸漕
浮運今雨澤未沛來源日微各關積水愈爲艱澁
臣一面赴北料理查督外謹將南來重運挨次蓄
水前進情形相應題

報伏乞

睿鑒施行

河防疏畧

卷之十九

八

寒香館

康熙四年四月二十一日題五月十二日奉

旨該部知道

特參庸劣廳官疏

題為特參庸劣廳官以重河防事切照河南歸屬黃河南岸則有考城石家樓商丘蔚家窪虞城羅家口牛頭灣歡堦寺等處在在危險而北岸考城之王家道口孝城集楊家莊迴龍廟崔家壩等處則更關係運道河勢頂衝不一而足所恃以時加荒度悉心籌維督率印河官夫先事預備遇急搶救至切近而有專責者莫此管河廳官若矣臣於五月中旬見運河水發糧艘通行即星馳豫省勘閱

河防疏畧

卷之十九

九

奏香館

南北兩岸各工乃歸德府通判李達質本庸愚才復推魯蒞任已近一載詢以河道情形修防事宜猶自茫然臣前此屢檄飭催不啻諄切今時伏已屆該管工程尚無頭緒况王家道口河勢上提生工漸漸內塌埽壩蟄陷不止崔家壩舊堤已經塌斷雖後有重堤臨河皆近且堤內地形低窪倘有意外建瓴之勢干係非小本官經理無術呼應不靈若藉以修防鮮有不誤事者臣見在督飭管河道僉事劉澍陳道僉事蔡舍靈歸德府知府宋

國榮採辦物料調集人夫相機僱修并行道府遴委幹員暫攝料理外所有庸劣廳官相應特疏

題參伏乞

勅部議處施行

康熙四年六月十二日題本月二十七日奉

旨李達着議處具奏該部知道

河防疏畧

卷之十九

十

奏香館

題留河差各分司疏

題為請

旨事康熙四年三月初一日准工部咨開工科抄出該本部題前事內開查各省抽稅事務俱交地方官凡各差事務相應

題明案查通惠河中河此二差係修築河道兼抽稅清江廠一差每年打造漕船亦兼抽稅此三差原係臣部各差漢官一員管理後因添設滿官輪差六部官員又北河衛河夏鎮南旺南河此五差差

河防疏畧

卷之十九

十一

寒香館

臣部漢官各一員專管修理黃河運糧二河道堤岸等處無抽稅除通惠河中河清江廠三差稅務交與地方官不議外此八差造船修理河道堤岸等務應交與地方官又寶源局原差漢官自順治三年添差滿官料理理事務收受各省解到銅筋監鑄銅錢此係在京不便交與地方官仍照先定例臣部官員一年一次換差又街道一差原差漢官一員康熙三年奉遵

青部具

題差滿漢官各二員管理管理事務督治疏濬街道

溝渠不便交與地方官仍照先定例差臣部官員一年一次換差又琉璃黑窩原有漢官一員太監一名順治九年臣部具

題專設壯達者而機陳應德康熙元年臣部具

題裁去陳應德臣部滿漢設官數內一年一次換差料理料理事務監督燒造黃瓦磚料等項亦不便交與地方官將臣部能幹官或滿洲官或漢軍官一員并漢官一員一年一次換差又古北口一差

河防疏畧

卷之十九

十二

寒香館

自順治十六年差滿漢官各一員抽分採伐木植炭斤本色今各省抽稅事務俱交地方官此古北口抽稅事務亦應交與地方官相應

勅下該督撫歸併何衙門抽稅造船修理河道堤岸永撥何等官員管理作速定議具

題其現在差官員差滿者將印交與督撫歸併事務撥出永設官員之間暫委官署管歸併事務永設官員定妥之日行文該衙門換給印信可也康熙四年二月初八日題初十日奉

旨依議欽此欽遵抄出到部移咨到臣隨經移咨直隸山東河南江南各督撫并檄行各該直省司道即將通惠河中河北河衛河夏鎮南旺南河各分司所管修理黃運河道堤岸泉源閘座等務永撥何等官員管理及清江分司經徵河道錢糧應歸併何衙門徵收作速定議通詳去後又於康熙四年四月二十九日准工部咨為遵

諭陳言直隸關稅裁併之難敬抒末見懇祈

勅部酌議事工科抄出該本部覆直隸巡撫王登聯題

河防疏畧 卷之十九 十三 寒香館

前事等因康熙四年三月十五日題本月二十三日奉

旨該部確議具奏欽此欽遵於三月二十四日抄出到

部該臣等案查河道一差先經臣部題為請

旨事一疏令各該督撫定議永撥何等官員管理作速

具

題在案今該撫所題關差事理除天津衛崇文門等

差已經戶部題覆奉

外其疏稱通惠河一差專管修理河道閘座堤岸察

通州薊州道原有河道之責併之亦覺妥便等語查該撫雖稱通惠河一差併之通州薊州道亦覺妥便但河道原係總河專責應俟總河題到之日一併議覆可也康熙四年四月十四日題十六日奉

旨依議欽此欽遵抄出到部移咨到臣又經備行各該直省司道并批駁從長酌議去後續據各司道呈詳到臣該臣看得管河分司差部差議亦交與地方官應永撥何等官員管理奉

河防疏畧 卷之十九 十四 寒香館

旨行臣定議具

題臣隨移會各直省督撫併檄各該司道確議去後

查臣河道所轄北河南河中河南旺夏鎮通惠衛

河共七分司而中河則兼收河道鈔石清江則不

管河道惟兼收由閘等五項河道錢糧者也其北

河南旺夏鎮三差山東藩司則詳稱河道泉閘地

里遼遠必皆親身料理今欲併歸各道則東省自

裁道缺之後率一道而任兩道之事苦於無官可

撥大名道兼轄運河止清河縣二十餘里則詳稱

以印河分其責通判總其成天津道則詳稱北河所轄河間境內河道該道督率於上通判專理於下通惠一差通薊道則詳稱築堤濟淺修閘俱係分司為政該道不過從旁協理若欲歸併兼攝安能以百務紛糾之身顧此失彼曷易道則詳稱永東香三縣離蠡途遙不能躬親料理見在條議請歸通薊道三縣河務應歸何官並聽裁奪南河中河二差江南藩司則詳稱河道工程各歸原管府佐管理督催稽覈則責之淮揚二道而中河所收

河防疏畧

卷之十九

十五

寒香館

重衛河一差河身雖由直隸地方歷來無甚工作大名道則詳稱仍隸府佐州縣河南藩司初則詳稱或歸河北守道或歸管河道繼則詳稱或留分司專董各司道詳議參差訖無定論其云難以歸併者則以事體重大不敢以一時臆見貽誤河漕其云歸併河廳而監司兼理則仍舊貫者又以地方各官無可議揆不得不姑為此遷就之論以覆此

河防疏畧

卷之十九

十六

寒香館

欽件也臣惟黃運兩河泉源開座一切事宜皆須一一身到足到眼到不比刑名錢穀之事可以理斷臆臆央文移辦治者也天時不齊非水則旱或綱繆機先或補苴事後或張皇於風雨倉遽之際或調劑於左方右圓之闕往往數武之地竭千百人之拮据而不足河勢變幻呼吸安危夫料工程紛紜繁雜司廳等官平時猶可次第措施當急尚且分身無術故既設廳官董率於下然必

特差司員重以

專勅分汛提調而尤恐跋扈難周復該本地監司兼任

其責凡以重河防而保此一綫運道也北河河道南北千有餘里中經閘座三十餘處中河所轄黃運兩河而董口尤運道咽喉清黃交接濁流易灌南河處於淮黃江湖之間東西南北相距窈遠天妃閘口每多沙淤爲患南旺泉源三百餘處雖在濟兗郡屬近者或出道隅遠者幽居僻壤夏鎮地屬兩省鑿石通漕形勢陡絕節宣閘座尤費經營通惠浮沙易淺峻水易衝塞决之役歷歲時有惟衛河舊係衛輝府通判專司工程原簡後緣地方

河防疏畧

卷之十九

十七

宋香館

盜洩水利前河臣楊方興特

請設立分司以重其事各分司職掌載在

勅書難以殫述若云歸併府佐則府佐原有管河之責是乃裁革分司非爲撥官管理况徵夫問料地方官民視爲苦局皆不樂聞府佐職微權輕上下掣肘呼應不靈鮮不貽誤至於地方監司錢糧差徭戶口田土盜賊詞訟以至供應兵差緝解逃人職務繁劇一端難竟河屬修防資其協助固不可少若責以終年累月往來奔馳駐守河上揆之事勢

萬萬不能况分司畫理源流之上下相濟夫料之緩急通融又與各道界壤迥不相同若應合而分則一閘座也上流以爲應閉下流以爲應啓一額夫也在此則欲求多在彼又復患少不但紛競日多必致牽掣誤事更當巡道既裁之後如山東曹縣黃河東阿陽穀等縣運河改併濟寧道兼管是一濟道而兼兗西道之任矣又如江南揚州道運河改併通省驛傳道兼管今又兼攝揚關樵稅是一道而兼揚關揚道兩司道之任矣淮徐道黃運

河防疏畧

卷之十九

十七

宋香館

兩河改併淮海道兼管今又兼攝板閘淮倉清江樵稅是一道而已兼數司道之任矣各關稅務稽可坐理若增一泉汛河汛道里相距率皆數百里而遙百務續紛此身羈縻渺渺水濱欲其不蹙然足音不可得也又况自廳而至道自道而至臣衙署益遠公移往返道路紆迴坐誤事機又有不可縷悉者故臣屬之設有司廳於沿河各境倘身之有臂臂之有指也今若專任末察之佐貳而以事繁地遠紙上兼攝之監司承接其間黃運兩河各

不下二千餘里臣衙門以一身總理倚辦無人急此而遺彼顧東則失西異時者萬一貽誤運道收拾艱難爲憂方大是安得不爲之長慮却顧哉臣查康熙元年十二月內該吏部題爲河水泛決等事一疏奉有

河務重要應否設專官料理着再議具奏之

旨又工部題爲敬陳河差三年舊例等事奉有

這河差滿漢官俱着三年更換之

旨是河務之難非專官無以責成非久任無以奏效久

河防疏畧

卷之十九

十九

寒香館

在我

皇上睿照之中特以議撤關差同屬分司行臣酌議臣

身親閱歷所見既真敢不仰體軍

國重計其詳其慎除中河沙石應照司議歸併淮海

道兼攝清江所管河道由關梁頭石價三項司詳

仍照往例歸淮安府相應如議第扣利折夫二項

議併山清同知則該廳經管河務不便兼理應歸

該府一併經收衛河分司一差工程原簡所有疏

濬棚刀泉與禁防盜洩水利事宜責成河北道及

衛輝府通判經管其經由直隸者責成大名道及大名府通判經管似屬妥便其北河南河中河南旺夏鎮通惠六差職務繁鉅原與權稅不同地方無官可以承撥專官相應會

請特留以重河防以保運道者也臣又查部臣疏內有

督治修濬街道溝渠不便交與地方官仍照定例

是臣部官員等語河漕重務不在街道之下比於

此例亦屬允符如恐各部輪差曠廢職務合無亦

照往例於工部差遣至於中河通惠滿臣分司原

河防疏畧

卷之十九

二十

寒香館

因權稅兼差今稅務旣已改撥應否留撤均聽部

議仰請

睿裁臣謹會同直省總督臣朱昌祚江南總督臣郎廷

佐總漕臣林起龍直隸撫臣王登聯山東撫臣周

有德河南撫臣張自德鳳陽撫臣張尚賢合詞具

題查此案臣於康熙四年三月初一日准到部咨扣

至八月初一日限滿臣因往南親催重運併勘閱

淮揚河工道路奔馳是以逾限十七日理合一併

題明再照疏內情節繁多貼黃難盡所有臣具陳看

語伏乞

睿賜全覽

勅部議覆施行

康熙四年八月十六日題九月初三日奉

旨該部議奏

工部覆前疏

題為詩

旨事工科抄出該本部覆總督河道朱之錫題前事等

因奉

河防疏畧

卷之十九

十一

寒香館

旨該部議奏欽此欽遵抄出到部該臣等案查先經臣

部具

題徵抽稅務交與地方官其造船修理河道堤岸等

務亦應交與地方官應請

勅下該督撫歸併何衙門永撥何等官員管理作速定

議具

題奉

旨行文在案今總河臣朱之錫會同各省督撫具

題前來除清江廠造船事務總漕臣見在具

題應行另議外查疏稱中河鈔石歸併淮海道兼攝

清江廠所管河道由開梁頭石價并扣利折夫五

項俱歸併淮安府又衛河分司一差工程原簡所

有禁防盜洩水利事宜責成河北道及衛輝府通

判經管其經由直隸者責成大名道及大名府通

判經管似屬妥便相應如議其北河南河中河南

旺夏鎮通惠六河差職司黃運兩河泉源開座各

司尚且分身無術若云歸併各道又有兼攝權稅

河務繁鉅原與權稅不同萬難交與地方官管理

河防疏畧

卷之十九

十一

寒香館

合無亦照在例於工部差遣亦應如議嗣後仍照

舊例專遣臣部漢官管理至於通惠河稅務應歸

併何衙門請

勅該督確議具

題以憑再議可也奉

旨依議

開河啓閉有時疏

題爲開河啓閉有時空重原非淺阻謹據實陳明仰
祈

睿鑒事臣於康熙四年十一月十八日接閱邸抄見總
漕臣林起龍題爲南兌需船甚急等事一疏內開
臨清州板閘外西河嘴南以及顧家墳梁家鄉等
閘處處涸淺閘閘淤澁南北空重漕艘俱爲遲滯
等因奉

旨據奏臨清州等閘處處涸淺閘閘淤塞重運膠滯回
河防疏畧 卷之十九 三 寒香館

空壓阻漕糧關係重大該管各官不行加緊疏濬設
法催僨殊爲不合着嚴察速議具奏該部知道欽此
除聽候部覆外臣惟運河所憂在淺每歲春月例
應築壩大挑而沙隨水至水落沙留遇有淺滯又
復隨時撈濬臣勘督飭催不遺餘力如果有怠玩
從事者自不惜以白簡嚴繩其後何敢少爲寬假
第開河情形原與現成江河迥異其間瑣細曲折
一端難竟臣姑言其大畧卽如上自南旺以至臨
清四百餘里地勢建瓴止是一脉水源歷二十一

開層次灌輸而後下接衛河惟當霖雨漲溢方可

通漕行舟每歲之間不過數日耳此外則必須閉

板浮送下閘閉而上閘啓水微之時亦可使深下

閘啓而上閘閉水旺之日亦不免淺故必船米一

律啓閉隨漕而後船行無遲速之異又重運北上

板宜常閉不宜輕啓回空南下板宜勤啓不宜久

閉故必過淮過董如限而後無相值相妨之慮此

雖神禹復出亦不能別有智巧出其範圍也今歲

三春迄於孟夏天旱源微臣督司道等官南北疏

河防疏畧 卷之十九 三 寒香館

通設法積水終覺艱澁及五月得雨之後於七月

十二日止南漕過濟者共四千四百三十八隻然

重運少遲回空自是不能甚早臣方旰夕徬徨不

意尾船八百餘隻五月末旬淮黃交漲淮郡之天

妃開水高溜湧致碍打放總漕臣林起龍就近駐

督臣復親馳勘視六月末旬水勢少平多人牽挽

倍費時日嗣於八月二十四日過董於九月初五

日過濟臣慮南旺以北別無支流運河之水原以

六捺爲限尾船之後又有江漕二百餘隻船大倍

載必致阻壅專委標營副將譚捷元尾催仍諭以設法起剝幸卽於九月二十三日盡數過臨北上較之歷年自濟過臨之期原無遲滯但是時北來空艘陸續抵臨重運在上閉板蓄水下閘之水已洩上閘之水未來回空停待自是不免若欲洩水浮空又致淺阻重運是欲速而反遲矣惟是時序入冬河水凝結回空亦不容緩臣於十月初一日兼程至臨幸重船出口既久

船兵船適已相繼北去因思河內既無別船回空用

河防疏畧 卷之十九 壬午 寒香館

水有限臣復申明

上諭嚴禁阻擾通行各閘勤啓少閉接濟下流又值今

歲氣候早寒十月十四日以後漸有浮冰臣復節

節分布預備船隻器具晝夜敲送查總漕臣題

報過淮船五千一百八十七隻除前已過空船外於十

月初五日起至十一月初七日止除僱募及各項

事故外又過臨船三千七百八十五隻共過臨舊

船三百一十四隻康熙四年分新船五千一百六

十六隻二項共船五千四百八十隻十一月十八

日止除不應過濟及各項事故外共過濟五千三百一十五隻自濟以南臣亦專委標員星夜催僱首尾相銜赴淮甚速何乃臨營將弁見謂今歲運事少遲回空必阻預爲卸過之計紛紛以無水呈報總漕臣念切新運旣准提督臣楊捷移咨催呼之情不能不急今觀東昌府河汛兵目之報原有重運抵汛上無來水等語臨清右營文內亦有九江等船木大載重起剝出口回空船隻必俟重艘放盡始得進閘等語夫船式閘禁與過淮過董之

河防疏畧 卷之十九 壬午 寒香館

限固有一定漕規然天時人事不齊難以拘泥則

又在河汛各官以人役水隨宜疏通期於克竣歲

運而止至於啓閉不常蓄洩無定一日之間遞有

深淺若不窮源究委而止以暨時情形爲河上罪

戾則安在而非指摘之端乎臣查順治十二年以

前回空多於次歲陸續過濟順治十三年大工塞

合以後回空或四千餘隻或五千餘隻多在十一

月中旬下旬過濟而此後零船不與焉總漕臣疏

內顧家墳梁家鄉西河嘴等處皆在東昌臨清境

內今歲旱澇相仍臣督南北文武各官竭蹶鞭催
心力俱殫幸而仰賴

國家洪福重通過東臨而北今已卸完回空過東臨
而南今盡過濟此可見因重運而積水因倍載而
起剝皆運河不得不然之勢而五月內題

報過淮各船究獲於萬難拮据之中後遲爲速則河之
未嘗淺阻固有不容繁詞而灼然易見者矣臣身
親閱歷彼時情形實實如此職掌所關不得不具

疏

河防疏畧

卷之十九

七

寒香館

題明仰祈

睿鑒情節繁多貼黃難盡統乞

睿賜全覽

勅部施行

康熙四年十一月二十一日題十二月初三日奉

旨該部知道

戶部覆前疏

題爲聞河啓閉等事雲南清吏司案呈奉本部送戶

科抄出本部題覆總河朱之錫題前事等因奉

旨該部知道欽此欽遵於本日抄出到部該臣等查得

總河朱之錫疏稱每歲春月例應築壩大批而沙
隨水至水落沙留遇有淺滯又復隨時撈濬今歲
旱澇相仍臣督南北文武各官竭蹶鞭催心力俱
殫幸賴

國家洪福重運漕船於九月二十三日盡數過臨北
上空回船隻今盡過濟星夜催僎赴淮甚速原非
淺阻等因具

題前來查回空船隻既稱盡數過濟相應請

河防疏畧

卷之十九

七

寒香館

勅總河卽嚴督沿河文武各官將回空船隻速催赴次

再請

勅總漕查明回空漕船過淮月日速行具

題以憑再議可也奉

旨依議

河防疏畧卷之二十

義烏朱之錫梅麓甫著

闕里屬員孔貞來元起訂
稽山後學徐 沁堃公輯

恭報重運糧船過臨疏

題為恭報重運糧船過臨事康熙四年十一月二十

日准戶部咨開雲南清吏司案呈奉本部送戶科

抄出總河朱之錫題前事等因康熙四年十月初

十日題本月二十五日奉

旨戶部知道欽此欽遵抄出到部奉批司查說堂送司

河防疏畧

卷之二十

一

寒香館

奉此查得總河朱之錫題報康熙四年起運三年

分實在漕糧船五千六百七十六隻俱於九月二

十三日盡數催過臨清口開北上訖等因前來查

過臨船隻既經總河具

題無庸再議其回空船隻應仍咨總河查明幫次

題報可也等因呈堂奉批照行送司奉此相應移咨

案呈到部移咨到臣准此該臣查得重運北上例

皆前跟後接挨幫而行無容紊越及至抵通卸糧

回空南下原無次序其人手器具齊備撐駕捷速

之船則先進開河而無蓬少人及滲漏破壞船隻

間有零星續進口開者歲歲皆然查今年南漕重

運總漕臣林起龍六次

題報過淮船至康熙四年五月二十四日止共五千

一百八十七隻內除失風事故併僱募不回空外

今查據北河分司高恒豫呈報自康熙四年七月

初一日濟寧衛前幫運官王天錫下旗丁楊自起

船進臨清口開起至十一月初七日橫海衛運官

吳士龍下旗丁張鳳等船止共新舊糧運回空五

河防疏畧

卷之二十

二

寒香館

千四百八十隻內除東昌濮州東平濟寧等衛所

例不過濟及各項事故外至十一月十八日止共

過濟船五千三百一十五隻續於十一月二十日

二十九日十二月初八日止又過濟雜幫零船二

十三隻通共過濟船五千三百三十八隻內舊船

三百一十四隻康熙四年新船五千二十四隻俱

經節節鞭催晝夜敲送南下訖止有橫海衛破漏

船一隻今據張秋通判馬光遠報稱據壽張王簿

馬之驢呈報此船原係十一月二十六日入東阿

縣境旗丁外水久已逃盡上蓋門窓俱無船內積水率夫隨厚隨滿又令木匠補船今行至壽張縣境雖極力敲拽奈舊灰縫濟水不止現今匠役補船但目下南旺大挑卑職不得不率夫南上赴工恐難兩顧等情轉報前來所有臨清以南濟寧以北除此一船之外並無片帆隻艘矣臣查舊例內開運糧程限江南限正月以裡過淮五月上倉湖廣江西浙江限二月過淮六月上倉果能如期則回空八月九月可以過淮方克副冬兌冬開之限

河防疏畧

卷之三十一

三

寒香館

一向江南船糧自開幫起至四五月陸續過淮方畢是則八月九月方得上倉回空必至十一十二月方得過淮南下且江西船糧遲至六七等月過淮十月十一月方得上倉斯時北河天寒較南倍早安得不為凍阻今歲江西船糧續於五月二十九日六月初五等日七月二十二日共過淮尾漕船二百三十隻此係不在總漕臣原

題數內甚有遲至八月尚未過淮者重運且不免於凍阻矣查總漕臣原有特參江省遲漕等事一疏

河防疏畧 卷二〇

題參在案而此船過淮之日又值黃淮交漲天妃閘水峻被阻臣嚴督驅僱於八月二十四日進完董口即於九月初五日過濟於二十三日過完臨清查與董口至臨定限並無遲滯臣慮恐時將小雪不但回空凍阻即重運亦難抵通可否將最後之船截留天津等處兵糧或令關剝迎幫起卸母船就彼發回底或歲內得以美幸趕入臨清口開猶可敲水催送先於八月十八日備咨倉場部臣商酌去後續准回咨內開若後到津之船誠恐西寒

河防疏畧

卷之三十一

四

寒香館

未合或令坐糧廳盡撥關剝到津迎幫起卸母船就彼發回或令天津鎮道酌留五年分兵餉三萬餘石之外或擇地寄囤俟春融撥運到通庶可使母船得速南下等因在案嗣據天津鎮總兵官克德咨呈內稱據左營中軍守備李廷斌報稱尾漕自十月初四日辰時起九江衛前幫運官高夢龍等九幫至初五日巳時盡入安陵汛本官親督北上按汛接催於十一日起至十四日止陸續盡抵津關起卸續准坐糧廳於十月十七日辰時卸完

八五三

九江袁州贛州三幫本鎮隨差城守營中軍守備翟仁錫執令箭督押交王慶坨營接催去訖又於十八日申時准坐糧廳卸完鉛山永新二幫本鎮又令城守營千總張朝瑞執令箭督押交王慶坨營接催去訖又准於二十日將新安荊州撫州江寧四幫盡數卸完本鎮隨又差城守營遊擊尤順行親押回空交王慶坨營接催去訖惟有江寧衛運官胡拱壁下幫船四十五隻據拱壁稟稱本幫軍船四十隻剝船一隻外自備民船四隻其軍船

河防疏畧 卷之二十 五 寒香館

應遵南下民船四隻例不回空稟明留津變價以備來歲起運之費等情除此四船之外其趕幫各船盡數離津南下矣俟出鎮屬營汛另文再報再查河北尚有上元幫空船十九隻儀真幫空船十隻及無主空破船三隻時下北河已凍前船尚未抵津即彼處防官竭力敲催俾入鎮屬已仲冬矣則五百里迂長漕汛河水愈堅縱使設法敲催何能一時出汛萬一凍阻非鎮屬催償不力乃前船抵津時日遲悞之所致也俟前船催入鎮屬營汛

之日另文再報事關呈報尾漕卸完入汛回營日期事理相應呈報等因到臣臣又行天津鎮道德州道將逐程嚴催敲水拽送之檄殆無虛日續據天津鎮總兵官克德咨呈內稱鎮屬漕汛四營除在津起卸之九江等衛所九幫空船業已督催出汛今查右營磚河堡南凍阻無主破爛空船二隻左營薛家窩汛凍阻空船三隻安陵汛凍阻空船共十四隻皆緣各船出北河而入城守營汛已逾小雪為時最遲復因無主各船更需兵夫挽拽兼

河防疏畧 卷之二十 六 寒香館

汛地迂長五百餘里一時不能驟出致於十一月初二日陡然河水凍合查灣現在嚴令晝夜敲水俟兩營敲催出汛之日另文再報等因又據德州并德州營開報贛州等衛空船二百一十六隻於十月二十八等日入境漕河已凍挨汛敲水今到德州衛第十屯第三屯尚未出境又雙迴溜迤南凍阻江寧右衛等幫船二十隻係吳橋縣地方臣查德州衛吳橋一帶凍阻空船內有江西尾漕贛州袁州九江永新荊州廣信撫州新安各幫并江

寧右衛後幫共船二百隻重運原在六七月過淮較之二月過淮之限已逾四五月矣江西糧道業經總漕臣以違漕特叅雖亟亟北上抵津寄囤而發回之時河水即以凍結計時論限勢所必然臣現在嚴飭該汛文武各官嚴催抵口大壩一開即行星夜南下至於總漕臣原

題南漕過淮船共五千一百八十七隻今連臨南徐屬并本年續過江省舊運回空共進臨清口關船五千四百八十隻俱已接續赴次而惟是德州吳

河防疏畧

卷之二十

七

朱香館

橋境內有凍阻上元後等衛零星雜船三十六隻并天津鎮前報左右營汛凍阻船內有上元等衛零船十隻俱係五月過淮數內之船抵通卸完不知因何不隨大幫一同南下零星落後以致凍阻難前其中情節未據逐細報明臣已備行津德兩汛各官查落後緣由另

題外茲准部文回空船隻咨臣查明幫次題報謹將大幫過臨過濟南下船數日期及津德兩處各官呈報凍阻船數敲冰前進情由理合一併題

報伏乞

睿鑒

勅部施行

康熙四年十二月 日題 月 日奉

旨

河防疏畧

卷之二十

朱香館

回奏南兌需船疏

題為南兌需船甚急北河淺阻堪虞仰懇

天語嚴勅濬借以速新運以裕

國儲事康熙四年十二月初四日准戶部咨雲南清

吏司案呈奉本部送戶科抄出本部覆總漕林起

龍題前事等因康熙四年十月二十日題十一月

十一日奉

旨欽奏臨清州等開處處涸淺開闢淤塞重運膠滯回

空壓阻漕糧關係重大該管各官不行加緊疏濬設

河防疏畧

卷之二十

九

寒香館

法催借殊為不合着嚴察速議具奏該部知道欽此

欽遵於本日抄出到部該臣等查得總漕林起龍

疏稱各屬漕米已經徵貯水次日盼下船受兌查

天津道揭報回空船隻已有三千二百四十九隻

迄今過淮空船僅有九百餘隻今准山東提督楊

捷移報臨清等開處處涸淺開闢淤塞漕船俱為

遲阻伏乞

皇上勅下河督併沿河督撫諸臣合力疏濬星夜催借

等因奉

旨欽奏臨清州等開處處涸淺開闢淤塞重運膠滯回

空壓阻漕糧關係重大該管各官不行加緊疏濬設

法催借殊為不合着嚴察速議具奏該部知道除河

淺不行疏濬以致糧船淤塞應聽工部查議外查

漕船關係

國家重務自應星夜催借今稱河開涸淺淤塞漕船

遲阻總河朱之錫專管河道因何不行疏濬以致

漕船阻滯殊為不合相應請

勅總河速行明白回奏并請

河防疏畧

卷之二十

十

寒香館

勅沿河督撫嚴檄汛地大小各官合力速將回空船隻

星夜催借南下毋誤新運可也等因康熙四年十

一月十八日題本月二十日奉

旨依議欽此欽遵抄出到部送司奉此相應移咨案呈

到部移咨到臣臣猥以庸菲謬肩兩河重任黃河

巨浸每患其衝運河涓流又患其淺且天時水旱

往來不齊臣實查負滋懼亦惟是殫竭心力憂勞

拮据罔敢刻懈以庶幾補塞萬一乃今年運事艱

難倍於往昔總漕臣林起龍念切新漕誠恐河水

淺涸回空不前疏請

勅臣併工挑濬疏導蒙我

皇上不即譴責

特允部議行臣回

奏臣感激

天慈敢不據實披陳以聽

睿察乎竊惟開河情形上開啓而下開閉則淺者可淤

下開啓而上開閉則淤者頓淺故船有定式米有

定數啓閉有隨漕之規蓋以來源本微尾閘易洩

河防疏畧

卷之二十

十一

寒香館

原非現成江河可比今歲春夏天旱源微臣督司

道等官設法疏通終覺艱澁及五月得雨之後於

七月十二日止南漕過濟者共四千四百三十八

隻然重運少遲回空自是不能甚早臣方憂揚靡

寧不意五月末旬淮黃交漲尾船八百餘隻天妃

開水高溜湧致碍打放尾船之後又有咨報六七

月過淮江漕二百餘隻迨至六月末旬水勢少平

始獲陸續多方牽挽嗣於八月二十四日過董於

九月初五日過濟南旺以北別無支流而江漕又

皆船大倍載較之如式淺船積水須多費時必倍

臣恐其阻壓專委標營副將譚捷元尾催仍諭以

設法起剝幸即於九月二十三日盡數過臨查與

歷年自濟過臨之期原無遲滯但是時北來空艘

陸續抵臨重運在上開閉蓄水下開之水已洩上

開之水未來空船暫待自是不免惟是時序入冬

回空亦不審緩臣於十月初一日兼程至臨幸重

船先已抵口

袍船兵船亦皆相繼北上因念河內專行回空用水有

河防疏畧

卷之二十

十一

寒香館

限通行南旺以北各開止下開板四五塊勸啓少

閉接濟下流又值今歲結冰更早臣復飭催預備

船隻器具節節敲送除江西尾漕過淮原遲併津

德落後零船另疏

題明外查總漕臣

題報過淮五千一百八十七隻於十一月初七日止

除催募及各項事故外過臨舊船併康熙四年分

新船共五千四百八十隻於十一月十八日止除

東兗水次及各項事故外共過濟船五千三百一

十五隻至十二月初八日止續過濟雜幫零船二十三隻共過濟舊船三百一十四隻康熙四年新船五千二十四隻通共新舊船五千三百三十八隻於十二月十二日止除徐邳水次不應出口及各項事故外據宿遷縣報到已出董口舊船三百零六隻康熙四年分新船四千八百三十五隻二項共船五千一百四十一隻又據臣差官仙養志稟稱志蒙差往董口催償回空晝夜無停至十二月十二日止共出口新運空船四千八百三十五

河防疏畧

卷之二十

十三

寒香館

隻口內並無空船隨於十三日自董口一路迎回至黃林莊韓莊止只有江寧左等衛空船五隻逐汛交割南下其韓莊至濟並無南船方敢回濟銷差等情臣查出口船數與過濟不符據邳宿同知解換回稱新運回空至十二月十二日止共出口船四千八百三十五隻外有火燬撞沉船五隻又兌邳州糧米在泃口船二隻其餘各衛買補民船俱隨大幫出口例來不報再查舊運回空至十月初七日止共出口船三百六隻外有南昌衛民船

八隻俱隨大幫出口例不入回空之數總漕臣疏稱天津道揭報回空過津三千二百四十九隻過淮僅有九百餘隻并所指顧家墳梁家鄉西河嘴等處皆在東昌臨清境內今臨清以南濟寧以北四百餘里之內止有南漕船一隻原因漏損停泊壽張縣境其過臨大幫應赴南兌各船五千三百三十八隻盡已過濟南下並無阻滯則東臨河道原無淤淺固已顯然易見矣臣前者接閱邸抄綠職掌所關不敢緘默已具有開河啓閉有時等事

河防疏畧

卷之二十

十四

寒香館

一疏備陳原委茲奉

旨回奏謹將前疏內確實情形併過臨過濟過董回空船數日期逐一開列具

奏仰祈

睿鑒伏乞

勅部議覆施行

康熙四年十二月

日題

旨

題補揚河通判疏

題為循例

請補管河廳官以禱修防事據濟寧道方兆及呈稱蒙
臣票為行查事仰道即將濟寧州州同潘得榮出
身履歷歷俸年月日期任內薦錄幾次見在有無
註誤各案檢閱節年冊卷備細查明具文報院以
憑查奪毋得遲悞取咎未便等因蒙此隨行兗州
府查取去後今據該府申據濟寧州申稱查得州
同潘得榮年二十八歲係鑲白旗李顯桂固山陳

河防疏畧

卷之二十

十五

寒香館

謨佐領下於順治八年十一月內本固山咨送國
子監肄業順治十年十二月內禮部考中咨送吏
部考選咨送戶部歷事即委管太平倉事務於順
治十四年十一月內咨送吏部考定州同於順治
十八年六月內選授今職本年八月初八日到任
至康熙四年九月初八日連閏共計四年兩箇月
任先蒙總河朱部院委看運河廳印務
題薦一次又於康熙元年四月內本府轉詳委署嘉
祥縣印務署篆未久所徵錢糧無幾隨經交代明

白又於康熙三年十二月內本府轉詳委署滋陽
縣印務任內經徵錢糧俱經造冊申報外其餘盡
行蠲免並無未完等項錢糧亦無東人註誤及盜
賊緝案任內薦一次加二級紀錄八次獎一次俱
經在案再查自順治十八年至康熙三年止任內
經徵本州漕糧及鹽課鹽引盡行通完案查署事
鄆城為密題請

河防疏畧

卷之二十

十六

寒香館

旨事緝拏于七案內罰俸三箇月並無違碍允稱盡職
今蒙查取擬合具文申報據此又據嘉祥縣申稱
蒙此查得潘州同原署嘉祥縣印務任內並無未
完錢糧亦無未結緝盜之案今蒙行查擬合具文
回報據此又據鄆城縣申稱查得潘州同蒙委署
鄆城縣印務自康熙元年九月二十六日到任起
至康熙三年二月十四日離任止凡任內錢糧除
康熙元年分所遺新丁銀七十兩八錢一分零臨
米脚價銀三十兩六錢八分零係前任周知縣任
內未經徵完並二年分新丁銀七十兩八錢一分
零自奉布政司冊報之後俱經卑職代徵起解外

其餘俱已完足亦無奉有緝盜未結之案今蒙前
因擬合回報各等情到府據此該本府知府彭繩
祖查得濟寧州州同潘得榮屢經委署任內並無
未完錢糧亦無未結盜案又據各州縣查明前來
擬合據實詳報等因到道據此該本道復查得濟
寧州州同潘得榮屢經委署任內並無未完錢糧
亦無未結盜案茲據該府查明前來相應呈報等
因到臣該臣看得管河廳官選擇

題補歷經奉

河防疏畧

卷之二十

十七

寒香館

旨遵行在案揚屬河道乃四瀆歸墟之地兼之本境湖
面數百里一泓汪洋宣洩隄防事任綦重原任通
判周道東以病休致其任內有無未完錢糧盜案
臣已行司道查明業經另疏具

題查該屬高寶江三州縣一帶湖堤垂三百里去歲
因颶風湖嘯衝殘甚多非得勤敏練達之人亟為
乘時修築轉盼桃汛水勢再發收拾愈難誠有不
可時刻緩者今署事同知秦尚忠復以別案革職
而揚屬附近各官皆有錢糧緝捕之責仍多呈誤

難以議補若專候部選又恐到任無期不免坐誤
臣查得濟寧州州同潘得榮諳曉河務屢經臣委
督大挑決口素著成效堪以委辦且本官俸序已
減節經薦紀加級銜缺既屬相當任內復無呈碍
以之
題補前缺旬日之間即可受事庶修防有藉而急工
無誤所裨良非淺也臣謹循例具
題伏乞

勅部議覆施行


河防疏畧

卷之二十

十八

寒香館

康熙五年正月 日二月 日奉
旨吏部議奏



查覆楚省漕船疏

題為楚省漕船盡在運河守淺新協江運無船轉應仰請

題明以免遲悞之咎事康熙四年八月二十八日准戶部咨雲南清吏司案呈奉本部送戶科抄出本部題覆湖廣巡撫劉兆麒題前事等因康熙四年六月二十九日題七月二十九日奉

旨該部速議具奏欽此欽遵於本日抄出到部該臣等查得楚撫劉兆麒疏稱楚省協濟江西漕船自康

河防疏畧 卷之二十 十九 寒香館

熙二年三年并康熙四年正月盡數發協至今並無片帆回空恐悞新運請

勅部亟行總河諸官星速催償等因具

題前來查楚省康熙二三年回空船隻並無片帆到彼皆因沿河大小各官催償不力之故漕糧關係重大豈容遲悞相應請

勅總河總漕一面嚴檄沿河各官星速催償外其康熙二年三年船隻於何處延挨應將催償不力汛地各官指名

題叅以憑議處併請

勅江西巡撫俟楚船回日將新運糧米通融撥兌速開依限抵通再請

勅楚撫將在楚滿料船四十八隻何以未經配造船隻先將錢糧用過每年報部開銷應速行令造冊送部以憑查覈將此船四十八隻責令該道依限發協江西速濟新運如違限期即指名叅處可也等因康熙四年八月初八日題本月初十日奉

旨依議欽此欽遵抄出到部送司奉此案呈到部移咨

河防疏畧 卷之二十 二十 寒香館

到臣准此隨行沿河鎮道廳將各官查催去後續據濟寧道方兆及等呈報到臣該臣看得江西省至淮共計水程二千零四十里自淮至張灣共計水程二千三百九十里逆溜緯挽關河守板積水更與淮南不同故江西重運舊例定於二月過淮然後歲內可以回次受兌近來湖廣協運江西糧船多在七八九月過淮甚有冬月方過淮者無論北河天氣倍寒結冰更早回空必致守凍即重運北上已不免於凍阻矣湖廣撫臣劉兆麒疏稱楚

省協濟江西漕船自康熙二年三年并康熙四年正月盡數發協並無片帆回空恐悞新運部覆請勅臣與總漕臣嚴檄沿河各官星速催償其康熙二年三年船隻於何處延挨將催償不力各官指名叅處等因奉

旨咨行到臣遵卽嚴督查催去後續據各該鎮道等官皆稱凡遇回空過汛隨卽催償南下並無在境延捱孰肯容其停泊自干

功令臣復檢查節次文揭除康熙二年楚省糧船黃州

河防疏畧

卷之二十

三

寒香館

等衛原於四五月內并七月初十日過淮者卽於二年內回空南丁訖又岳州衛於九月過淮者回空亦於三年六月內南下已久其康熙三年楚省糧船有武昌左衛淺船五十三隻係五月內過淮者抵通回空卽於三年十一月內催出董口南下外至於荊州武昌黃州德安等五衛所回空船一百一十九隻并江西吉安等衛所船二百八隻重運原係七八九十等月陸續過淮更有冬月過淮康熙四年正二月方進董口者其三年進口之

船來非其時正值回空盛行又湊遇各路兵船同時北上閘河之內原難兩舟並進在於邳宿境內暫讓兵船回空過畢時已冰凍及至四年二月開壩之後因上源閉板借水北注臣於三月內親馳邳境目擊江廣船大倍載恐致阻壓全漕一面牌行如式各船乘便開行一面覓船剝償江漕嚴催前進臣曾於重運鱗抵臺莊等事疏內

題明在案嗣於五月之後俱各陸續過濟抵灣回空各船已於九月內相次南下各有入境出境日期

河防疏畧

卷之二十

三

寒香館

可查總因重運來遲回空自難如期飛協新運實非沿河各官催償不力之故既經各鎮道回報前來臣復查明無異相應具

題再照此案扣至正月二十七日恨滿臣因北赴臨清南赴董口查督大挑工程至二月初一日方得回濟繕疏是以逾限二十四日理合一併

題明伏乞

睿鑒

勅部議覆施行

康熙五年二月二十日題 月 日奉

旨

河防疏畧

卷之二十

三

寒香館

忠疾日深疏 已繕尚未拜發

奏為微臣患疾日深重任益虞蚤負顛懇

天恩特准解任調理以無誤河漕事竊臣一介庸非猥

荷

世祖皇帝拔擢俾總兩河復蒙我

皇上格外殊遇寵加宮秩濫竽重寄十載於茲矣積咎

彌多受

恩愈重夙夜省循雖捐糜頂踵尚未足仰酬萬分之一

何意蒲柳之姿天稟本弱兼之才力謏薄綆短汲

河防疏畧

卷之二十

三

寒香館

溪每當天時水旱南北奔馳憂悸內積久感怔忡

病症自去春交心火三炎跳動不止飲食減少恍

惚多驚終夜之間臥起三四不能成寐及後閱歷

夏秋前病日劇偶於八月二十五日山虞城督工

回署檢閱各屬公文痰火上衝忽然眩暈傳醫馬

伯龍投以薑湯硃砂等劑移時方定此皆本處官

役所聞見而共知者時方次工緊急空重盛行屨

勉辦理不敢輒以私情瀆陳自干規避之罪迨至

今歲正月初四日北赴臨清勘閱大挑回濟之後

又於二十一日南閱夏鎮八關邳宿一帶加以感冒痰嗽過服發散之劑迄今月餘寒疾雖退而頭暈非常心胸躁動批覽少久則耳鳴目緊眩脅難支兩膝以下寒冷作酸至不可忍歷傳醫生馬伯龍鄭國柱等診視調治皆云血氣內損非得歲月靜息未易痊復臣思人臣以身許國雖鞠躬盡瘁義所應爾狗馬疾病何足上負宸聰但河道事務關係

國計民生何等重大河工形勢變遷百出錢糧夫料

河防疏畧

卷之二十一

三十一

宋香館

頭緒紛紜何等繁劇在臣駑鈍之質平時猶懼債轉當茲精神耗竭之餘若因循緘默日復一日則所係軀命者雖微有關軍

國者甚鉅萬一頃越貽誤臣罪滋大此臣所以輾轉思維而不得不披瀝於

君父之前者也查山東總督臣祖澤溥河南總督臣劉清泰俱以患病疏

請調治蒙

恩俞允臣謹援例冒昧願陳伏乞

皇上軫念河漕重寄臣抱病之身難以勝任特准解任調治勅部速推新督接管受事則臣未隕之年惟皇上再造之賜也臣不勝懇切願恩之至

河防疏畧

卷之二十一

三十一

宋香館